


國家圖書館 NATIONAL CENTRAL LIBRARY, TAIWAN, R.O.C.





A 1 2 3 4 5 6 M 8 9 10 11 12 13 14 15 B 17 18 19



國家圖書館 NATIONAL CENTRAL LIBRARY, TAIWAN, R.O.C.

3405011 v.1





新水記

徐霞客先生遊記序

已丑仲夏將赴淮浦舟中無事展閱外舅南開先生  
新鈔徐霞客遊記抵寓後既終卷念其平生胼胝竭  
蹶歷數萬里衝風雨觸寒暑者垂三十年其所自記  
遊蹟計日按程鑿、有稽文詞繁委要為道所親歷  
不失質實詳密之體而形容物態摹繪清景時復雅  
麗自賞足移人情既可自怡悅復堪供持贈者也因  
手錄而存之凡兩閱月而畢曰是殆負邁俗不羈之  
志狂而不知取裁者歟觀其意趣所寓往、出入於

法作情

寫作字



同見作史

釋老仙佛亦性質之近使然而其為人之奇倔豪宕於斯概見未可沒也古之殫心于天文地理之學以成名者冥搜闕奧曠覽幽遐每出於踪跡瑰異之士自非有好奇之癖亦孰肯蹈絕險赴窮荒疲敝精力以為之哉若其足以裨助聞見正於學者不無補也今觀國風二雅所陳禹貢職方所紀以及地理河渠諸志皆詳山川風土以為農田水利施政立教因時制宜之具其間虫魚草木之產兼資多識聖教不廢茲非其足相發明証佐者歟切而言之深山大澤流

人生作史

時終古皆天地法象承人之至教本人生所應窮歷特以手足之力有限百年之期若瞬勢弗能親至而目見得斯書也苟力所可至境所適逢固可展卷披對按法已經者以為程而所未能至者亦可以心知其概如涉其境焉昔夫子亟稱原泉魯氏風雩歸詠蓋造物與遊所以涵泳天機陶寫胸次案頭置此如朝夕晤名山水於几席間詎非以知養心之善物耶抑尤有足以警心者霞客之遊也升降於危崖絕壑搜探於蛇龍窟宅亘古人跡未到之區不惜捐軀命

法作史

以知作仁智



腹作腴

多方竭慮以赴之期于必造其域必窮其奧而後止  
學者之于道也若覃思鼓勇亦如霞客之於山水則  
亦何深之不窮何遠之不屆且入焉而安曾無犯難  
傾生之虞味焉而腴非有飢渴疲憊之困其為高深  
美富奚啻於洞壑泉石之竒岱華江河之大哉有志  
者可以觀此而興矣予既喜其書之不為無益且以  
其足為入道喻也爰為之序以自勗焉己丑八月癸

康熙己丑月望仲回邑陸苦楊在時序

重錄徐霞客遊記序

己丑夏秋既手錄徐霞客遊記而為之序矣重陽抵  
家復得友人所藏原本校之乃知前所鈔本出于宜  
興史氏者字多譌誤其刪減易置處輒于實境不符  
文意不協用歎天下之率意改竄文字而致失作者  
之本來如宜興史氏者為可鑒也初余錄是集之意  
謂存斯書也他年力所可至境所適逢可展卷披對  
按已經者以為程而所未能至者亦可以心知其概  
日涉其趣焉若如史本則既失其真又安用之爰亟



多方竭慮以赴之期于必造其域必窮其奧而後止  
學者之于道也若潭思鼓勇亦如霞客之於山水則  
亦何深之不窮何遠之不屆且入焉而安曾無犯難  
傾生之虞味焉而腹非有飢渴疲憊之困其為高深  
美富奚啻於洞壑泉石之奇岱華江河之大哉有志  
者可以觀此而興矣予既喜其書之不為無益且以  
其足為入道喻也爰為之序以自勗焉己丑八月癸  
卯名時書

重錄徐霞客遊記序

己丑夏秋既手錄徐霞客遊記而為之序矣重陽抵  
家復得友人所藏原本校之乃知前所鈔本出于宜  
興史氏者字多譌誤其刪減易置處輒于實境不符  
文意不協用歎天下之率意改竄文字而致失作者  
之本來如宜興史氏者為可鑒也初余錄是集之意  
謂存斯書也他年力所可至境所適逢可展卷披對  
按已經者以為程而所未能至者亦可以心知其概  
日涉其趣焉若如史本則既失其真又安用之爰亟



記作記

有作丁

弘作宏

欣作公

為改正添入再手謄一過以復其舊大抵霞客之記皆據景直書不憚委悉煩密非有意於描摹點綴記興抒懷與古人遊記爭文氣之工也然其中所有名山巨浸弘博富麗者皆高卑定位動靜變化之常下至一澗一阿禽魚草木亦賢人君子偃仰棲遲寤言寫心之境正昔人所云取之無禁用之不竭者也雖止詳其形體區域而天地山川之性情俟人之神領而意喻者已悉寓之矣其得之多寡知之淺深存乎人耳夫造物之奇閎恒有待而發亦有待而傳有是

舉作与

世字下落人字  
李休鳥

方作序

境而人不知則此境為虛矣遊是境而默不言則此遊為虛矣霞客之前境自在天下也而無人乎知之無人乎言之即知而言之亦舉十一於千百而已設霞客於身到自歷之處唯自知之而自樂之不以紀於書而傳於世又焉知其有與無耶然則斯書之不可沒謂天地之迹存焉耳而況于天地之心生人之本古之聖賢心知之而身備之而推所得以公于世者其遺文之可寶愛為何如哉 庚寅二月丙申朔 楊名時書



刊本中多此仿

撰霞客公傳列入

徐霞客者名弘祖江陰梧棲里人也。高祖經與唐寅同舉除名。寅嘗以倪雲林畫卷償博進三千。手跡猶在其家。霞客生里社。奇情鬱然。元對山水力耕奉母。踐更繇役。感如籠鳥之觸隅。每思颺去。年三十母遣之出游。每歲三時出遊。秋冬覲省。以為常。東南佳山水。如東西洞庭。陽羨。京口。金陵。吳興。武林。浙西徑山。天目。浙東五泄。四明天台。雁宕。南海。落伽。皆几案衣袂間物耳。有再三至有數至。無僅一至者。其行也。



從一奴。或一僧。一杖一襪被。不治裝。不裹糧。能忍饑  
數日。能遇食即飽。能徒步走數百里。凌絕壁。冒叢箐。  
攀援下上。懸度綆。級捷如青猿。健如黃犢。以崆巖為  
牀席。以溪澗為飲沐。以山魅木客王孫。驪父為伴侶。  
僂。粥。口不能道。時與之論山經。辨水脉。搜討形  
勝。則劃然心開。居平未嘗擊悅。為古文辭。行游約數  
百里。就破壁枯樹。燃松拾穗。走筆為記。如甲乙之簿。  
如丹青之畫。雖才筆之士。無以加也。游台宕。還過陳  
木叔小寒山。木叔問曾造雁山絕頂否。霞客唯質

明已失其所在。十日而返。曰吾取問道。捫蘿上龍湫。  
三十里有宕焉。雁所家也。攀絕磴。上十數里。正德間  
白雲。外兩僧團瓢。尚在復上二十餘里。其巔罡風  
逼人。有麋鹿數百羣。圍繞而宿。三宿而始下。其與人  
爭奇逐勝。欲賭身命。皆此類也。已而遊黃山。白岳。九  
華。匡廬。入閩。登武夷。泛九里湖。入楚。謁元嶽。北遊齊  
魯。燕冀。嵩雒。上華山。下青柯。坪心動。趨歸。則其母正  
屬疾。嚙指相望也。母喪服闋。益放志遠遊。訪黃石齋  
於閩。窮閩山之勝。皆非閩人所知。登羅浮。謁曹溪。歸



而追石齋於黃山。往復萬里。如步武耳。由終南背走  
峩眉。從野人採藥。栖宿岩穴中。八日不火食。抵峩眉。  
屬奢酋阻兵。乃返。隻身戴釜。訪恒山於塞外。盡歷九  
邊。阨塞。歸過余山中。劇談四遊。四極。九州九府。經緯  
分合。歷。如指掌。謂昔人志星官輿地。多承襲傳會。  
江河二經。山川兩界。自紀載來。多囿于中國一隅。欲  
為崑崙海外之遊。窮流沙而後返。小舟如葉。大雨淋  
漓。要之登陸。不肯。曰。譬如礮泉暴注。撞擊肩背。良足  
快耳。丙子九月。辭家西邁。僧靜聞願登雞足。禮迦葉。

請徒焉。過盜於湘南。聞心悸病死。函其骨。負之以行。  
泛洞庭。上衡嶽。窮七十二峯。再登峨眉。北抵岷山。極  
於松潘。又南過大渡河。至黎雅。登瓦屋。曬經諸山。復  
尋金沙江。極於犛牛徼外。由金沙南。泛瀾滄。由瀾滄  
北。尋盤江。大約在西南諸彝境。而貴竹滇南之觀。亦  
幾盡矣。過麗江。憇點蒼雞足。瘞間骨於迦葉道場。從  
宿願也。由雞足而西。出石門關。數千里。至崑崙山。窮  
星宿海。去中夏三萬四千里。登半山。風吹欲墮。  
望見外方黃金寶塔。又數千里。至西蕃。秦大寶法王。



鳴沙以外咸稱胡國。如迷廬阿藉諸名。由旬不能悉。西域志稱沙河阻遠。望人馬積骨為標識。鬼魅熟風。無得免者。元裝法師受諸魔折。具在本傳。霞客信宿。往返如適莽蒼。還至峨眉山下。託佑客附所得奇樹。虬根以歸。并以遡江紀源一篇。寓余言禹貢岷山導江。乃汎濫中國之始。非發源也。中國入河之水。為省五。入江之水。為省十一。計其吐納。江倍于河。按其發源。河自崑崙之北。江亦自崑崙之南。非江源短而河源長也。又辨三龍大勢。北龍夾河之北。南龍抱江之

南。中龍中界之。特短。北龍祇南向。半走入中國。惟南龍磅礴半宇內。其脉亦發於崑崙。與金沙江相並。南下環滇池。以達五嶺。龍長則源脉亦長。江之所以大於河也。其書數萬言。皆訂補彙經。鄺註及漢宋諸儒疏解。禹貢所未及。余撮其大要如此。霞客還滇南。足不良行。修雞足山誌。三月而畢。麗江木太守待餼糧。具筍輿以歸。病甚。語問疾者曰。張騫鑿空。未覩崑崙。唐元奘。元耶律楚材。銜人主之命。乃得西遊。吾以老布衣。孤筇雙屨。窮河沙上崑崙。歷西域。題名絕國。與



三人而為四。死不恨矣。余之識霞客也。因漳人劉履  
丁。履丁為余言霞客西歸。氣息支綴。聞石齋下詔獄。  
遣其長子間闕往視。三月而返。具述石齋訟繫狀。據  
牀浩歎。不食而卒。其為人若此。枯下先生曰。昔柳公  
權記三峯事。有王元冲者。訪南坡僧義海。約登蓮花  
峰。某日。屆三趾。計五千仞。為一旬之程。既上。爍烟為  
信。海如期宿桃林。平曉。岳色清明。佇立數息。有白烟  
一道。起三峰之頂。歸二旬。而元冲至。取玉井蓮落葉  
數瓣。及池邊鐵船寸許。遺海負笈而去。元冲初至海。

謂之曰。茲山削成。自非馭風憑雲。無有去理。元冲曰。  
賢人勿謂天不可登。但慮無其志耳。霞客不欲以張  
騫諸人自命。以元冲擬之。並為三清之奇士。殆庶幾  
乎。霞客紀遊之書。高可隱几。余屬其從兄仲昭。讎勘  
而存之。當為古今遊紀之最。霞客死時。年五十有六。  
西遊以庚辰六月。歸以辛巳正月。卒葬江陰之馬灣。  
亦履丁云。

附囑從曾祖仲昭刻游紀書

侯伯暘來知。先生有長歌見贈。頃從社生得之。



隋珠和璧。錯落扇頭。至於片言相許。千古為期。被斷  
緇以青黃。鮮混沌之眉目。俾得傳之其人。藉以不朽。  
則雖有百朋之錫。連城之割。豈足以逾此哉。萬卷劫  
灰。一身旅泊。一意拋棄世事。皈心空門。世間聲名文  
句。都如塵沙劫事。不復料理。唯念 霞客先生游覽  
諸紀。此世間真文字。大文字。奇文字。不當令泯滅不  
傳。仁兄當急為編次。謀得好事者。受梓。不惟 霞  
客精神不磨。天壤間。亦不可無此書也。聞其文字質  
直。不事雕飾。又多載米鹽瑣屑。如甲乙帳簿。此所以

為世間真文字。萬不可改換竄易。失却本來面目  
也。知 先生自有卓識。并與 子玉昆仲具眼者。商  
之。老眼多花。尚思見此奇寶。作點眼空青也。信筆附  
謝。何時更得一握手。快所欲言。徒有搔首耳。至後一  
日  
頓首。



游名山記

游天台山日記

浙江台州府

癸丑之三月晦。自寧海出西門。雲散日朗。人色山光。俱有喜態。三十里至梁隍山。聞此地於菟夾道。月傷數十人。遂止宿。

月初一日早雨行十五里

四月初一十五里。路有岐。馬首西向台山。天色漸霽。又十里抵松門嶺。山峻路滑。舍騎步升。自奉化來。雖越嶺數重。皆循山麓。至此迂迴臨涉。俱在山脊。而雨後新霽。泉聲山色。徃復創變。翠叢中山鷓映發。令人

涉作涉



攀歷忘苦。又十五里。飯於筋竹菴。山頂隨處種麥。從筋竹嶺南行。則向國清大路。適有國清僧雲峰同飯。言此抵石梁。山險路長。行李不便。不若以輕裝往。而重担向國清相待。余然之。令担夫隨雲峰往國清。余與蓮舟上人。就石梁道。行五里。過筋竹嶺。旁多短松。老枝屈曲。根葉蒼秀。俱吾閭門盆中物也。又三十餘里。抵彌陀菴。上下高嶺。深山荒寂。恐藏虎。故草木俱焚去。泉轟風動。路絕旅人。菴在萬山凹中。路荒且長。適當其中。可飯可宿。

初二日飯後。雨始止。遂越撩板嶺。溪石漸幽。二十里暮。抵天封寺。卧念晨上峰頂。以朗霽為緣。蓋連日晚霽。並無曉晴。及五更夢中。聞明星滿天。喜不成寐。初三晨起。果日光燁。決策向頂。上數里。至華頂菴。又三里。將近頂。為太白堂。俱無可觀。聞堂左下有黃金洞。乃從小徑二里。俯見一突石。頗覺秀蔚。至則一髮僧結菴于前。恐風自洞來。以石甃塞其門。大為歎惋。復上至太白。循路登絕頂。荒草靡。山高風冽。草上結霜高寸許。而四山迴抱。琪花玉樹。玲瓏彌望。嶺



角山花盛開。頂上反不吐色。蓋為高寒所勒耳。仍下  
華頂菴。過池邊小橋。越三嶺。溪迴山合。木石森麗。一  
轉一奇。殊慊所望。二十里過上方廣。至石梁禮佛曇  
花亭。不暇細觀飛瀑。下至下方廣。仰觀石梁飛瀑。忽  
在天際。聞斷橋珠簾尤勝。僧言飯後行猶及往。遂  
由仙筏橋向山後。越一嶺。沿澗八九里。水瀑從石門  
瀉下。旋轉三曲。上層為斷橋。兩石斜合。水碎迸石間。  
滙轉入潭。中層兩石對峙如門。水為門束。勢甚怒。下  
層潭口頗濶。瀉處如闕。水從凹中斜下。三級俱高數  
丈。各極神奇。但循級而下。宛轉處為曲所遮。不能一  
望盡收。又里許為珠簾水。傾下處甚平濶。故水勢  
散緩。溜漉。予赤足跳草莽中。揉木緣崖。蓮舟不  
能從。暝色四下。始返。停足仙筏橋。觀石梁卧虹。飛瀑  
噴雪。幾不欲卧。

初冒天山一碧如黛。不暇晨食。即循仙筏上曇花亭。  
石梁即在亭外。梁濶尺餘。長三丈。架兩山凹間。兩飛  
瀑從亭左來。至橋乃合流下墜。雷轟河墮。百丈不止。  
余從梁上行。下睨深潭。毛骨俱悚。梁盡即為大石所



隔不能達前山。乃還過曇花。入上方廣寺。循寺前溪。復至隔山大石上。坐觀石梁。為下寺僧捉飯。乃去。飯後十五里。抵萬年寺。登藏經閣。兩重。有南北經。兩藏。寺前後多古杉。悉三人圍。鶴巢於上。傳聲嘹唳。亦山中一清响也。是日余欲向桐栢宮。覓瓊臺渡闕。路多迷津。遂謀向國清。國清去萬年四十里。中過龍王堂。每下一嶺。余謂已在平地。及下數重。勢猶未止。始悟華頂之高。去天非遠。日暮入國清。與雲峰相見。如遇故知。與高探竒次第。雲峰言勝無如兩岩。雖遠可

以騎行。先兩岩而後步。至桃源。抵桐栢。則翠壁赤城。可一覽收矣。初昏有雨色。不顧。取寒明兩岩道。由寺向西門覓騎。至雨亦至。五十里至步頭。雨止。騎去二里入山。紫石映木秀石竒。意甚樂之。一溪從東陽來。勢甚急。大若曹娥。四顧無筏。負奴背而涉。深過於膝。移渡一澗。幾一時。三里至明岩。明岩為寒山拾得隱身地。兩山迴曲。志所謂八寸關也。入關則四圍峭壁如城。最後洞深數丈。廣容數百人。洞外左有兩岩。皆在半壁。







孫作際

右有石笋突聳。上齊石壁。相去一線。青松紫蓋。菊萸  
於上。卻與左岩相對。可稱竒絕。出八寸闕。復上一岩。  
亦左向。來時仰望如一線。及登其上。明敞容數百人。  
岩中一井。曰仙人井。淺而不可竭。岩外一特石。高數  
丈。上岐立如兩人。僧指為寒山拾得云。入寺飯後。雲  
陰潰散。新月在天。人在迴崖頂上。對之清光溢壁。  
初六<sup>日</sup>凌晨出岩。六七里至寒岩。石壁直上如劈。仰視  
空中。洞穴甚多。岩半亦有一洞。濶八十步。深百餘步。  
平展明朗。循岩右行。從石隘仰登。岩均有兩石對聳。

刊李老<sup>六</sup>字

供字作一<sup>形</sup>字

下分上連為鵲橋。亦可與方廣石梁爭竒。但少飛瀑。  
直下耳。還飯僧舍。覓筏渡一溪。循溪行山下。俱峭壁  
巉崖。草木盤垂其上。內多海棠紫荊。映蔭溪色。香風  
來時。玉蘭芳草處。不絕。已至一山嘴。石壁直豎。澗  
底澗深流駛。旁無餘地。壁上鑿孔以行。孔中僅容半  
趾。偏身而過。神魄為動。自寒岩十五里至步頭。從小  
路向桃源。桃源在護國寺旁。寺已廢。土人茫無知者。  
隨雲峰莽行曲路中。日已墮。竟無宿處。乃復問至坪  
頭潭。去步頭僅二十里。今從小路。反迂迴三十餘里。

時作委



宿信桃源誤人也。

初七日自坪頭潭行曲路中三十餘里。渡溪入山。又四五里。山口漸夾。有館曰桃花塢。循深潭而行。潭水澄碧。飛泉自上來注。為鳴玉澗。隨山轉。人隨澗行。兩旁山皆石骨。攢巒夾翠。應接不暇。大抵勝在寒明。兩岩間澗窮路絕。一瀑從山凹瀉下。勢甚縱橫。出飯館中。循塢東南行。越兩嶺。尋所謂瓊臺雙闕。竟無知者。越數十里。訪知在山頂。與雲峰循路攀援。始達其巔。下視峭削環轉。一如桃源。而翠壁萬丈。過之峰頭中斷。

越嶺十里水石數里

庭極不暇作詩  
或賞

即為雙闕。雙闕所夾而環者。即為瓊臺。三面絕壁。後轉即連雙闕。予在對闕。日暮不及復登。然勝已一

一日至夜作一日矣矣  
已十里矣作九三十里

目兼收。遂下山。從赤城後還國清。已三十里矣。初自離國清。從山後五里登赤城。赤城山頂圓壁特起。望之如城。而石色微赤。岩穴為僧舍。凌雜盡掩天趣。所謂玉京洞金錢池洗腸井。俱無甚奇。

游天台山後記

壬申三月十四日。自寧海發騎。四十五里宿至路口。其東南十五里。桑州驛。乃台郡道也。西南十里松門嶺。

此記列年在一冊下國記

十五里下居一老字



為入天台道。

十五渡水母溪。登松門嶺。過玉愛山。共三十里。飯於筋竹嶺菴。其地為寧海天台界。陟山岡三十餘里。寂無人烟。昔彌陀菴亦廢。下一嶺。眾山杳冥中。得村家。淪茗飲石上。又十里餘。踰嶺而入天封寺。在華頂峯下。為天台幽絕處。卻騎同僧無餘。上華頂寺。宿淨因房。月色明瑩。其地去頂尚三里。余乘月獨上。悞登東峰之望海。西轉始得路。至華頂。歸寺已更餘矣。十音五鼓。乘月上華頂。觀日出。衣履盡濕。還灸衣寺。

中。從寺右踰一嶺。南下十里。至分水嶺。西之水出石梁嶺。東之水出天封。循溪北轉。水石漸幽。又十里。過上方廣寺。抵曇花亭。觀石梁奇麗。若初識者。十七音仍出分水嶺。南十里。登察嶺。甚高。與華頂分南北界。西下至龍王堂。其地為諸道交會處。南十里。至寒風闕。入南下十里。至銀地嶺。有智者塔。已廢。左轉得大悲寺。旁有石。為智者拜經臺。寺僧恒如為炊飯。乃分行囊。從國清下。至縣。余與仲昭兄以輕裝。東下高明寺。為無量講師。復建。右有幽溪。側諸。



勝曰圓通洞松風閣靈响岩。

十百仲昭坐圓通洞。寺僧導余探石筍之奇。循溪東下。抵螺溪。溯溪北上。兩崖峭石夾立。樹巔飛瀑紛。踐石躡流。七里山迴溪壑。已至石筍峰底。仰面峰莫辨。以右崖掩之也。從崖側踰隙而下。反出石筍之上。見一石矗立澗中。澗水下搗其根。懸而為瀑。亦水石奇勝處也。循溪北轉。兩崖逾峭。下匯為潭。是為螺螄潭。上壁立下復澗深。攀崖側懸藤。踞石遙睇其內。潭上石壁中劈為四岐。若交衢然。潭水下薄。不能窺其涯涘。最內兩崖之上。一石橫嵌。儼若飛梁。內飛瀑。自上墜潭中。高與石梁等。四旁重崖迴映。可望而不可即。非石梁所能齊也。聞其上有仙人鞋。在寒風閣之左。可踰嶺而至。雨驟不成行。還憇松風閣。

二十日抵天台縣。至四月十六日自雁宕返。乃盡天台以西之勝。北七里至赤城麓。仰視丹霞層亘。浮屠標其巔。兀立於重嵐攢翠間。上一里至中岩。中佛廬新整。不復昔時凋敝。時急於瓊臺雙闕。不暇再躡上岩。遂西越一嶺。由小路七里出落馬橋。又十五里西北。

壺作墜

見字上巖始字

迥作愈

上壁立如淵深

復字不為似信



石室佑石室

至瀑布山左。登嶺五里上桐栢山。越嶺而北。得平疇一園。羣峰環繞。若另闢一天。桐栢宮正當其中。惟中殿僅存。夷齊二石像尚在石室。雕琢甚古。唐以前物也。黃冠久無住此者。羣農見游客至。俱停耕來詢。遂扶一人為導。西三里越二小嶺。下層崖中。登瓊臺焉。一峰突瞰重坑。三面俱危崖迴繞。崖右之溪。從西北萬山中直搗峰下。是為百丈崖。根澗水。至瓊臺下。一泓清碧如黛。是名百丈龍潭。峰前復起一峰。卓立如柱。高與四圍之崖等。即瓊臺也。臺後倚百丈崖前。

瓊臺下第一脚字

跡作底

瓊臺下第一之字

即雙闕對峙。層崖外繞。旁絕附麗。登臺者從北峰懸墜而下。渡凹脊處。咫尺復攀枝仰陟而上。俱在削石流沙間。趾無所着也。從臺端再攀躋。南下有石突起。窟其中為龕。如琢削而就者。曰仙人坐。瓊臺奇在中。懸絕壑。積翠四繞。雙闕亦其外繞。中對峙之崖。非由澗底再上。不能登也。憶余廿年前。同雲峰自桃源來。遊其外澗。入第深窮其坑。與今始俯瞰於崖端。高深俱無遺勝矣。飯桐栢宮。仍下山麓。南從小徑渡溪。十里出天台。闕嶺之官道。復南入小徑。隙行十里。路左。

坑與作窟與



一峰兀立若天柱。問知為青山。又遡南來之溪十里。宿於坪頭潭之旅舍。

十七日由坪頭潭西南八里。至江司陳氏。渡溪左行。又八里南折入山。陟小嶺二重。又六里重溪迴合中。忽石岩高峙。其南即寒岩。東即明岩也。令僮馳先炊於明岩寺。余輦遂南向寒岩。路左俱懸崖盤列。中有一洞呀然。洞前石兔蹲伏。口耳俱脩。路右即大溪。縈迴中一石突出如擎蓋。頗異之。既入寺。向僧索龍鬚洞靈芝石。即此也。寒岩在寺後。宏敞有餘。玲瓏未足。

由洞右一上。視鵲橋而出。由舊路一里。右入龍鬚洞。路為莽棘所翳。上躋里許。如歷九霄。其洞圓聳。明豁。洞口斜倚一石。頗似雁宕之石梁。而梁頂有泉中洒。與寶觀之芭蕉洞。如出一冶。下山仍至舊路口。東溯小溪。南轉入明岩寺。在岩中。石崖四面環之。止東面八寸闊。通一線。寺後洞窈窕。非一。洞右有石筍突起。雖不及靈岩之雄偉。亦具體而微矣。飯後由故道騎而馳三十里。迄坪頭潭。又北二十五里。過大溪。即西從闕嶺來者。是為三茅。又北五里。越小澗二重。直



抵北山下入護國寺宿焉。

十。分。晨。急。詣。桃。源。桃。源。在。護。國。東。二。里。西。去。桐。栢。僅。八。里。昨。遊。桐。栢。時。留。為。還。登。萬。年。之。道。故。先。寒。明。及。抵。護。國。知。其。西。有。秀。溪。由。此。入。萬。年。更。可。了。九。里。坑。之。勝。於。是。又。特。趨。桃。源。初。由。澗。口。八。里。許。得。金。橋。潭。由。此。而。上。兩。山。愈。束。翠。壁。穹。崖。層。累。曲。折。一。溪。介。其。中。遡。之。三。折。而。溪。窮。瀑。布。數。丈。由。左。崖。瀉。溪。中。余。昔。來。瀑。下。路。窮。莫。可。上。仰。視。穹。崖。北。峙。溪。左。右。雙。鬢。諸。峰。娟。攢。立。嵐。翠。交。流。幾。不。能。去。今。忽。從。右。崖。叢。莽。

中。尋。得。石。徑。層。疊。遂。不。及。呼。仲。昭。冒。雨。撥。棘。而。上。磴。級。既。盡。復。疊。石。橫。棧。度。崖。之。左。已。出。瀑。上。更。溯。之。入。直。抵。北。岩。下。蹊。磴。俱。絕。兩。瀑。自。岩。左。右。分。道。下。遙。睇。岩。左。猶。有。遺。磴。從。之。則。向。有。累。石。為。橋。於。左。瀑。上。者。橋。已。中。斷。不。能。渡。睇。瀑。之。上。流。從。東。北。夾。壁。中。來。止。容。一。線。可。踐。流。而。入。計。其。勝。不。若。右。岩。之。瀑。乃。還。從。大。石。間。向。西。北。上。躋。抵。峽。窟。下。得。重。潭。甚。厲。四。面。俱。直。薄。峽。底。無。可。緣。陟。第。從。潭。中。西。望。見。石。峽。之。內。復。有。石。峽。瀑。布。之。上。更。懸。瀑。布。皆。從。西。北。杳。冥。中。來。至。



此繽紛亂墜於迴崖削壁之上。嵐光掩映。石色飛動。久之。還出層瀑下。仲昭以覓坐未得。方獨坐觀瀑。遂同返護國。聞桃源溪口。亦有路登慈雲通元二寺。入萬年路較近。時以秀溪勝。故飯後仍取秀溪道。西行四里。北折入溪。溯流三里。漸轉而東向。是為九里坑。既窮一瀑。破東崖下墜。其上亂峰林立。路無可上。由西嶺板躋。繞出其北。迴瞰瀑背。石門雙插。內有龍潭在焉。又東北上數里。踰嶺山坪。忽開五峰為拱。中得萬年寺。去護國三十里矣。萬年為天台西境。正與

天封相對。石梁當其中。寺中古杉甚多。飯於寺。又西北三里。逾寺後高嶺。又向西升陟嶺角者十里。乃至騰空山。下牛牯嶺。三里抵麓。又西逾小嶺。三重共十五里。出會墅。大道自南來。望天姥山在內。已越而過之。以為會墅乃平地耳。復西北下三里。漸成溪。循之行五里。宿於斑竹旅舍。天台之溪。予所見者。正東為水母溪。察嶺東北。華頂之南。有分水嶺。不甚高。西流為石梁。東流過天封。繞摘星嶺而東。出松門嶺。由寧海而注於海。正南為寒風闕之溪。下至國清寺。會

A 1 2 3 4 5 6 M 8 9 10 11 12 13 14 15 B 17 18 19



溪作徑

南字下落一东字

寺東佛隴之水。由城西而入大溪者也。國清之東為螺溪。發源於仙人鞋。下墜為螺螄潭。出與幽溪會。由城東而入大溪者也。又東有楸溪諸水。予屐未經。國清之西。其大者為瀑布水。從龍王堂西流。過桐栢為女梳溪。前溪三潭。墜為瀑布。則青溪之源也。又西為瓊臺雙闕之水。其源當發於萬年寺東南。過羅漢嶺下深坑而匯為百丈崖之龍潭。繞瓊臺而出會於青溪者也。又西為桃源之水。其上流有重瀑。東西交注。其源當出通元左右。未能窮也。又西為秀溪之水。

履字下落一亦字

其源出萬年寺之嶺。西下為龍潭瀑布。西流為九里坑。出秀溪東南而去。諸溪自青溪以西。俱東南流入大溪。又正西有闕嶺。王渡諸溪。予屐未經。從此再北。有會墅嶺諸流。亦正西之水。西北注於新昌。再北有福溪羅木溪。皆出台陰。而西為新昌大溪。亦余屐未經者矣。

此記刊本在天台山前記後 游雁宕山日記

自初九別台山。初十日抵黃巖。日已西。出南門三十里。宿於八墓。十一日二十里登盤山嶺。望雁山諸勝芙蓉

勝作峰

十日遊另日記



挿天片、撲人眉宇。又二十里。飯大荆驛。南涉一溪。見西峰上綴圓石。奴輩指為兩頭陀。余疑即老僧岩。但不甚肖。五里過章家樓。始見老僧真面目。袈衣禿頂。宛然兀立。高可百丈。側又一小童。偃僂於後。向為老僧所掩耳。自章樓二里。山半得石梁洞。門東向。門口一梁。自頂斜挿於地。如飛虹下垂。由梁側隙中層級而上。高敞空豁。坐頃之。下山由右麓逾謝公嶺。渡一澗。循澗西行。即靈峰道也。一轉山腋。兩壁峭削。亘天危峰亂疊。如削如攢。如駢筍。如挺芝。如筆之卓。

如幙之歎。洞有口如捲幙者。潭有碧如澄龍者。雙鸞老之形不一而足。如此里許。抵靈峰寺。循寺側登靈峰洞。峰中空。特立寺後。側有隙可入。由隙歷磴。數十級。直至窩頂。則窅然平臺。圓敞。中有羅漢諸像。坐玩至暝色。返寺。十二日。飯後。從靈峰右趾。覓碧霄洞。返舊路。抵謝公嶺。下南過響岩。五里至淨明寺路口。入覓水簾谷。乃兩崖相夾。從水崖頂飄下也。出谷五里。至靈岩寺。絕壁四合。摩天劈地。曲折而入。如另闢一世界。寺居其中。



挿天片、撲人眉宇。又二十里。飯大荆驛。南涉一溪。見西峰上綴圓石。奴輩指為兩頭陀。余疑即老僧岩。但不甚肖。五里過章家樓。始見老僧真面目。袈衣禿頂。宛然兀立。高可百丈。側又一小童。偃僂於後。向為老僧所掩耳。自章樓二里。山半得石梁洞。門東向。門口一梁。自頂斜挿於地。如飛虹下垂。由梁側隙中層級而上。高敞空豁。坐頃之。下山由右麓逾謝公嶺。渡一澗。循澗西行。即靈峰道也。一轉山腋。兩壁峭削。亘天危峰亂疊。如削如攢。如駢筍。如挺芝。如筆之卓如。幘之歆。洞有口如捲幘者。潭有碧如澄醴者。雙鸞五老之形不一而足。如此里許。抵靈峰寺。循寺側登靈峰洞。峰中空。特立寺後。側有隙可入。由隙歷磴數十級。直至窩頂。則窅然平臺圓敞。中有羅漢諸像。坐玩至暝色。返寺。

十二日。飯後。從靈峰右趾。覓碧霄洞。返舊路。抵謝公嶺。下南過響岩。五里至淨明寺路口。入覓水簾谷。乃兩崖相夾。從水崖頂飄下也。出谷五里。至靈岩寺。絕壁四合。摩天劈地。曲折而入。如另闢一世界。寺居其中。



南向背為屏霞幃頂齊而色紫高數百丈濶亦稱之  
 嶂之最南左為展旗峰右為天柱峰嶂之右脇介於  
 天柱者先為龍鼻水龍鼻之穴從石罅直上畧似靈  
 峰洞而小穴內石色俱黃紫獨罅口石紋一縷青紺  
 潤澤頗有鱗爪之狀自頂貫入洞底垂下一端如鼻  
 端孔可容指水自內滴下注石盆此嶂右第一奇  
 也西南為獨秀峰小于天柱高銳不相下獨秀之下  
 為卓筆高半獨秀銳亦如之西峰南凹轟然下瀉者  
 小龍湫也隔龍湫與獨秀相對者玉女峰也頂有春  
 花宛然挿髻自此過雙鸞即極于天柱雙鸞止兩峰  
 並起峰際有僧拜石袈裟偃偻肖矣由嶂之左脇介  
 於展旗者先為安禪谷即屏霞之下岩東南為石  
 屏風形如屏霞高濶各得其半正挿屏霞盡處屏風  
 頂有蟾蜍石與嶂側玉龜相向屏風南去展旗側褶  
 中有徑直上磴級盡處石闕限之俯闕而窺下臨無  
 地上簇崆峒外有二圓穴側有一長穴光自穴中射  
 入別有一境是為天聰洞則嶂左第一奇也銳峰疊  
 嶂左右環向奇巧百出真天下奇觀而小龍湫下流



經天柱展旗橋跨其上。山門臨之。橋外含珠岩在天  
柱之麓。頂珠峰在展旗之上。此又靈岩之外觀也。  
十三出山門循麓而右。一路崖壁參差。流霞映彩。高  
而展者為板嶂岩。下危立而共夾者為小剪刀峰。  
更前重岩之上。一峰亭。揀天為觀音岩。側則馬  
鞍嶺橫亘於前。鳥道盤折踰凹。右轉溪流湯。澗底  
石平如砥。沿澗深入。約去靈岩十餘里。過常雲峰。則  
大剪刀峰介立澗旁。剪刀之北。重岩陡起。是名連雲  
峰。從此環繞迴合。岩窮矣。龍湫之瀑轟然下。搥潭中。

岩勢開張峭削。水無所着。騰空飄蕩。頓令心目眩怖。  
潭上有堂。相傳為諾詎。那觀泉之所。堂後層級直上。  
有亭翼然。面瀑踞坐。久之。下飯菴中。霖雨雜沓不止。  
然余已神飛雁湖山頂。遂冒雨至常雲峰。由峰半道  
松洞外。扳絕磴三里。趨白雲菴。人空菴。圯一道人在  
草莽中。見客至。望。去。再入一里。有雲靜菴。乃投宿  
焉。道人清隱。卧床間。數十年。尚能與客談笑。予見四  
山雲雨淒淒。不能不為明晨憂也。  
十四日天忽晴朗。乃強清隱。徒為導。清隱謂湖中草滿。



已成蕪田。徒復有他行。但可送至峰頂。余意至頂。湖  
可坐得。於是人捉一枝。躋攀深草中。一步一喘。數里  
始歷高巔。四望白雲迷漫。一色平鋪。峰下諸峰。朶  
僅露一頂。日光映之。如水壺瑤界。不辨海陸。然海中  
玉環一抹。若可俯而拾也。北瞰山凹。壁立內石。笋森  
參差不一。三面翠崖環繞。更勝靈岩。但谷幽境絕。  
惟聞水聲潺湲。莫辨何地。望四面峰巒。累下伏如  
丘垤。惟東峰昂然。獨上最東之常雲。猶堪比肩。導者  
告退。指湖在西腋。一峰尚須越三尖。予從之。及越一  
尖。路已絕。再越一尖。而所登頂已在半天。自念誌云。  
蕩在山頂。龍湫之水。即自蕩來。今山勢漸下。而上湫  
之澗。却自東高峰發脉。去此已隔二谷。遂迂轍而東。  
望東峰之高者。趨之。躋身疲不能從。由舊路下。余與  
二奴東越二嶺。人跡絕矣。已而山愈高。脊愈狹。兩邊  
夾立。如行刀背。又石片稜。怒起。每過一脊。即一峭  
峰。皆從刀劍隙中攀援而上。如是者三。但見境不容  
足。安能容湖。既而高峰盡處。一石如劈。向懼石鋒撩  
人。至是且無鋒置足矣。躊躇崖上。不敢復向故道。俯



瞰南面。石壁下有一級。遂脫。如足布四條。懸崖垂空。先下一奴。予次從。意可得攀援之路。及下。僅容足。無餘地。望岩下斗深百丈。欲謀復上。而上岩亦嵌空。三丈餘。不能飛陟。持布上試。布為突石所勒。忽中斷。復續懸之。竭力騰挽。得復登上岩。出險。還雲靜菴。日已漸西。主僕衣履俱敝。尋湖之興衰矣。遂別而下。復至龍湫。則積雨之後。怒濤傾注。變幻極勢。轟雷噴雪。大倍於昨。坐至山暝。始出。南行四里。宿能仁寺。十五寺後。覓方竹。數握細如枝。林中新條。大可徑寸。

柔不中杖。老柯斬伐殆盡矣。遂從岐渡。四十九盤。一路遵海而南。踰窰畧嶺。往樂清。

游雁宕山後記

余與仲昭兄游天台。為壬申三月至四月二十八。達黃巖。再訪雁山。覓騎出南門。循方山十里。折而西南。行三十里。踰秀嶺。飯于岩前鋪。五里為樂清界。五里上盤山嶺。西南雲霧中隱。露芙蓉一簇。雁山也。十里鄭家嶺。十里大荆驛。渡石門澗。新雨溪漲。及馬腹。五里宿於章家樓。是為雁山之東外谷。章氏盛時。建



樓以憇山游之屐。今旅肆寥落，猶存其名。二十九日，西入山，望老僧岩而趨。二里過其麓，又二里北渡溪，上石梁洞，仍還至溪旁。西二里逾謝公嶺，以內是為東內谷。嶺下有溪自北來，夾溪皆重岩怪峰，突兀無寸土，雕鏤百出。渡溪北折里許，入靈峰寺。峰奇峭，離立滿前。寺後一峰獨聳，中裂一壑，上透其頂，是名靈峰洞。躡千級而上，石臺重整，洞中羅漢像俱更新。下飯寺中，同僧自照膽潭越溪左，觀風洞，僅半規。風蓬，出射數步外，遂從溪左歷探崖間諸洞。還寺，雨大至，余乃赤足持傘，溯溪北上，將抵真濟寺。山深霧黑，茫無所睹，乃還過溪東，入碧霄洞。守愚上人精舍在焉，余覺其有異，令僮還招仲昭，亦踐流而至。恨相見之晚，薄暮返宿靈峰。三十日，冒雨循流西折二里，一溪自西北來，合其勢愈大。渡溪而西，遡而西北行三里，入淨名寺。雨益甚，雲霧中仰見兩崖重岩夾立，疊層而上，莫辨層次。衣履沾透，益深窮西谷，中有水簾谷、維摩石室、說法臺諸勝。二里至響岩，右有二洞，飛瀑罩其外。余從榛莽



中履險以登。其洞一名龍王。一名三台。二洞之前有  
岩突出。若露臺然。可棧而通也。出洞。返眺響岩之上。  
一石側耳附峰頭。為聽詩叟。又西二里。入靈岩。自靈  
岩西轉。皆崇岩連嶂。一開而為淨名。一壘直入。所謂  
一線天也。再開而為靈岩。疊嶂迴環。寺當其中。  
五月朔。仲昭與余同登天聰洞。中東望圓洞。二北  
望長洞。一皆透漏。通明第峭石直下。隔不可履。余乃  
復下至寺中。負梯破莽。率僮逾別塢。直抵圓洞之下。  
梯而登。不及。則斫木橫嵌。夾石間。踐木以升。復不及。

則以繩引梯。石懸隙之。樹梯窮濟。以木。窮濟以梯。  
木俱窮。則引繩。揉樹。遂入圓洞中。呼仲昭相望。而  
語。復如法。躡長洞而下。已日中矣。西抵小龍湫之下。  
欲尋劍泉。不可得。踞石磧而坐。仰視迴嶂。逼天。峭峰  
倒插。飛流掛其中。真若九天曳帛者。西過小剪刀峰。  
又過鐵板嶂。方展如屏。高挿層岩之上。下開一隙。  
如門。惟雲氣出沒。阻絕人跡。又過觀音岩。路漸西。岩  
漸拓。為犁尖。復與常雲並峙。常雲南下。跌而復起。為  
戴辰峰。其跌處有凹。曰馬鞍嶺。內谷之東西分者。以



是嶺為界。從靈岩至馬鞍嶺。凡四里。而崇巒岬嶮。應接不暇。踰嶺。日色漸薄。崦嵫二里。西過大龍湫溪口。又二里。西南入宿能仁寺。

初二日。從寺後塢。覓方竹。無佳者。上有曇花菴。頗幽寂。出寺右。觀燕尾水。即溪流自龍湫來者。分二股。落石間。故名。仍北溯流二里。西入龍湫溪口。更西二里。由連雲嶂入。大剪刀峰。轟然立澗中。兩崖石壁。迴合。大龍湫之水。從天下墜。坐看不足。亭前對龍湫。後揖剪刀身。在四山中也。出連雲嶂。踰華嚴嶺。共二里。入羅

隨溪西下一里

澤作潭

漢寺。久廢。卧雲師近新之。卧雲年八十餘。其相與飛來石羅漢相似。開山巨手也。予邀師窮頂。師許同上常雲。而雁湖反在其西。由石門寺為便。時已下午。以常雲期之後日。遂與其徒西踰東嶺。至西外谷。共四里。過石門寺廢址。隨下西溪一里。有溪自西來。合即凌雲寶冠諸水也。二水合而南入海。乃更溯西來之溪。宿於凌雲寺。在含珠峰下。孤峰挿天。忽裂而為二。自頂至踵。僅離咫尺。中含一圓石如珠。尤奇絕。循溪北入石夾。即梅雨澤也。飛瀑自絕壁下激。甚雄。



壯不似空濛雨色而已。

初三日仍東行三里。溯溪北入石門。停担於黃氏墓堂。歷級北上雁湖頂。道不甚峻。直上二里。向山漸伏。海嶼來前。愈上。海輒逼足下。又上四里。遂踰山脊。山從東北最高處迤邐西來。播為四枝。皆易石而土。四枝之脊。隱々隆起。其夾處。漚而成窪者三。每窪中復有脊。南北橫貫。中分為兩。摠計之。不止六窪矣。窪中積水成蕪。青々彌望。所稱雁湖也。而水之分墮於南者。或自石門。或出凌雲之梅雨。或為寶冠之飛瀑。其北

墮者。則宕陰諸水也。皆與大龍湫風馬牛無及云。既逾岡。南望大海。北瞰南閣之溪。皆遠近無蔽。惟東峰尚高出雲表。余欲從西北別下寶冠。重岩積莽。莫可寄足。復尋舊路。下石門。西過凌雲。從含珠峰外二里。依澗訪寶冠寺。在西谷絕塢中。已久廢。其最深處。石崖迴合。磴道俱絕。一洞高懸崖足。斜石倚門。分為二。軒豁透爽。飛泉中洒。內多芭蕉。頗似閩之美人蕉。外則新籜高下。漸已成林。至洞。聞瀑聲如雷。而崖石迴掩。了不可得見。乃下山涉溪。迴望洞之右脇。崖



卷成罅。瀑從罅中直墜。下搗於圓凹。復躍出凹成溪。去其高亞龍湫。較似壯勝。故非宕山第二流也。東出故道。宿羅漢寺。

初四早。望常雲峰。白雲濛翳。然不為阻。促卧雲同上。東踰華嚴二里。由連雲嶂之左道。松洞之右。躋級而上。共三里。俯瞰剪刀峰。已在屐底。一里山迴。溪出龍湫。上流也。渡溪過白雲。外二廬。又北入雲靜菴。廬與登山徑。修整俱異。昔時卧雲令其徒採笋炊飯。既飯。諸峰雲氣修盡。仲昭留坐菴中。余同卧雲直躋。

東峰。又二里。漸聞水聲。則大龍湫從卷崖中瀉。下水出絕頂之南。常雲之北。夾塢中。即其源也。溯水而上。二里。水聲漸微。又二里。逾山脊。此脊北倚絕頂。南出分為兩枝。東枝為觀音岩。西枝為常雲峰。此其過脉處也。正脊之東為吳家坑。其峰之迴列者。近為鐵板嶂。再遶為靈岩。又再遶為淨名。又再遶為靈峰。外為謝公嶺。而盡脊之西。其坑即龍湫背。其峰之迴列者。為近龍湫之對崖。再遶為芙蓉峰。又再遶為凌雲。又再遶為寶冠。上為李家山而止。此雁山之南面諸峰。



也。而觀音常雲二峰。正當其中。已伏杖履下。惟北峰若負宸然。猶屏立於後。北上二里。一脊平時狹如巨牆。兩端昂起。北頽然直下。即為南閣溪橫流界。不若南面之環互矣。予從東巔躋西頂。倏躑躅聲大起。則駭鹿數十頭也。其北一峰。中剖若斧劈。中則石筍參差。亂崖林立。深杳無底。鹿皆奔聚其中。想有隕墜者。諸僧至。復以石片擲之。聲如裂帛。半餉始沉。鹿益號啼不止。從此再西。則石脊中斷。峰亦漸下。西北眺雁湖。愈遠愈下。余二十年前探雁湖。東覓高峰。為斷崖

所阻。懸綆而下。即此處也。昔歷其西。今東出其上。無有遺憾矣。返下雲靜菴。循溪至大龍湫。上下瞰湫頂。龍潭圓轉。夾崖間。水從卷壁墜潭。躍而下噴。光怪不可迫視。遂踰溪西上。南出龍湫之對崖。歷兩峰而南。其嶺即石門東。羅漢之西南。出為芙蓉峰。又南下為東嶺者也。芙蓉峰圓亘特立。在羅漢寺西南隅。既至其下。始得路東達於寺。日已西。仲昭亦先至矣。初五。別卧雲出羅漢寺。循溪一里。至龍湫溪口。凡四里。踰馬鞍而下。北望觀音峰。下有石壘如門。層列非



一。仲昭已前向靈岩。予挾一僮北抵峰下。循樵路西。轉二里直抵觀音常雲之麓。始知二峰上雖遙峙。其下石壁連亘成城。又循崖東躋里許。出石壘之上。叢木密蔭。不能下窺。崖端盤石如擎蓋。上平如砥。其下四面皆空。坐其上久之。復下循石壘而入。層崖懸裂。皆可捫而通也。壘外一峰特起。薄齊片雲。圓頂拱袖。高若老僧岩。儼一小兒拱立。出路隅。居多吳氏。有吳應岳者。留余食。余挾之。遡溪入。即絕頂所望吳家坑溪也。在鐵板觀音之間。欲上溪左黃崖層洞。崖在鐵板嶂之西。洞在崖之左。若上下二層者。抵其下。不得上。出其上。洞又在懸崖間。無可下也。乃循崖東行。又得一石壘。望其上層。壘可入。計非構木懸梯不能登。從此下一小峰。曰鶯嘴岩。與吳別。東過鐵板嶂。下見其中石壘更大。下若有洞流而成溪者。亟溯流入。抵洞下。亂石室塞。而崖左有路直上。鑿坎懸崖間。垂藤可攀。遂奮勇上。衣礙則解衣。杖礙則棄杖。凡直上一崖。復橫歷一崖。如是者再。又棧木為橋者再。遂入石壘中。石對峙如門。中寬廣。得累級以升。又入石門兩



重。仰睇其上。石壁環立。青天一圍。中懸如井。壁窮透入洞中。洞底日光透處有木梯。採升其上。若樓閣然。從閣左轉。復得平壩。後即鐵嶂高列。東西石崖環繞。南面石學下伏。軒敞迴合。真仙靈所宅矣。內有茅屋一楹。虛無人居。隙地尚多茶樹。故坎石置梯。往來其間耳。下至溪旁有居民。遂越小剪刀峰而東。二里入靈岩。與仲昭會。

初六。挾靈岩僧為屏霞嶂之游。由龍鼻洞右扳石罅。上半里得一洞甚奇。又上半里。崖窮路絕。有梯倚崖端。蓋燒炭者所遺。緣梯出其上。三巨石橫疊。兩崖間。內覆石成室。跨其外者為仙橋。其室空明幽敞。蔽於重岩之側。雖無鐵板。石門之奇瑰攢合。而幽邃自成一天。復透洞左上。攀藤歷棧。遂出屏霞嶂之中層。蓋龍鼻頂也。崖端亦寬塹可廬。后嶂猶上倚霄漢。嶂右有岩外覆。飛泉落其前。由右復攀躋崖石。幾造嶂頂。為削石所阻。其側石隙一縷。草木緣附。可以着足。遂隨之下。崖間多脩藤垂蔓。各採而携之。當石削不受樹。盡不受履。輒垂藤下。如是西越石岡者。五重。



升降不止數里。始下臨絕澗。即小龍湫上游也。其澗發源雁頂之東南。右即鐵板。左即屏霞。二嶂中隆為絕壑。重崖虧蔽。上下無徑。非懸綆不能飛渡也。入澗踐石隨流。東行里許。大石橫踞澗中。水不能越。穴石下搗。兩旁峭壁皆斗立。行者路絕。乃縛木為梯。升崖端。復縋入前澗。下流則橫石之下。穹然中空。可樹十丈端。水從石後建瓴下注。匯潭漾碧。儵然沁人。左右兩崖俱有洞。高峙。由此而前。即龍湫下墜處也。余兩次索劍泉。寺僧輒云。在龍湫上。人力鮮達。今仍杳然。

知淪沒已久。欲從此橫下。兩峰遂可由。仙橋達石室。乃斫木縛梯。盤絕巘者數四。俯視獨秀。雙鸞諸峰。近在屐底。既逼仙橋。隔崖中斷。日已西。疲甚。乃返覓前轍。復經屏霞側石室。返寺。携囊過淨名。投宿靈峰。初七日。溯寺前溪。觀南碧霄洞。軒爽無他奇。又三里。西轉。望真濟寺。在溪北塢中。是溪西由斷崖破峽而來。峽南峰為五馬朝天。崢嶸尤甚。兩旁逼仄石蹊。內無居民。棘茆塞路。行里許。甚艱。不可窮歷。北過真濟寺。僻居北谷。游屐不到。寺右溯小溪三里。登馬家山。



嶺路甚峻。登巔望雁頂。稜簇如蓮花狀。北瞰南閣。已在屐底。飛鳥而下。四里餘。得新菴。弛担於中。溯南閣溪。探宕陰諸勝。南閣溪發源雁山西北之箬裊嶺。去此三十餘里。與永嘉分界。由嶺而南。可通芙蓉入樂清。由嶺而西。走楓林。則入甌郡道也。溪南即雁山之陰。山勢崇拓。竹木蒼葺。不露南面巖嶮態。溪北大山。自箬裊迤邐而來。皆層崖怪峰。變換闔闔。與雲霧爭幻。至閣而止。又一山北之溪。自北閣來。會俱東下石門潭。門內平疇千畝。居人皆以門石為戶牖。此閣所

由名。而南北則分以溪也。南閣有章恭毅宅。西入有石佛洞。散水岩。洞仙岩諸勝。北閣有白岩寺舊址。更西有王子晉仙橋。為尤奇。余冒雨窮南閣。先經恭毅宅。聚族甚盛。溯溪五里。過犁頭菴。南即石佛洞。以路蕪不能入。西十里至莊塢。夾溪居民俱葉姓。散水岩在北塢中。石崖橫亘。飛瀑懸流。岩左登嶺有小菴。時暮雨。土人留宿莊塢。具言洞仙院之勝。初昏雨未止。西溯溪行三里。山溪愈幽。隨溪轉而北。又二里。隔溪小徑。破雲磴而入。東渡溪。從之。忽峰迴



溪轉入深谷中。則烟巒歷亂。峰從莊塢之後。連亘至此。又開一隙。現此瑰異。執其人問之。曰此小纂厝也。洞仙尚在其外。大溪上流。復出而渡溪。里許有溪自東來入。即洞仙塢溪矣。渡大溪。溯小溪東上。其中峰巒茅舍。與前無異。仙洞即在其內崖。倚峰北向。層篁翳之。乃破莽躋石隙而入。初甚隘。最上漸寬。仍南出莊塢。東還犁頭菴。終不得石佛洞道。遂出過南閣。訪子晉仙橋。在北閣底。尚二十里。念仲昭在新菴甚近。還晤菴中日已晡。竟不及為北閣游。東趨大荆而歸。

此記刊在遊雁宕山記

游白岳日記 徽州府休寧縣

丙不歲余同尋陽叔翁。於正月二十六日。至徽之休寧。出西

門。其溪自初門縣來。經白岳循縣而南。至梅口。會郡溪入浙。循溪而上。二十里至南渡。過橋依山麓十里。至岩下已暮。登山五里。借廟中燈。冒雪躡冰。二里過天門。里許入柳梅菴。路經天門珠簾之勝。俱不暇辨。但聞樹間水响。錚錚入菴後。大霰作。尋陽與奴子俱後。余獨卧山房。夜聽水聲如屋溜。竟不成寐。二十七日起。視滿山水花玉樹。迷漫一色。坐樓中。適尋



溪轉入深谷中。則烟巒歷亂。峰從莊塢之後。連亘至此。又開一隙。現此瑰異。執其人問之。曰此小纂厝也。洞仙尚在其外。大溪上流。復出而渡溪。里許有溪自東來。入即洞仙塢溪矣。渡大溪。溯小溪東上。其中峰巒茅舍。與前無異。仙洞即在其內。崖倚峰北。向層篁翳之。乃破莽躋石隙而入。初甚隘。最上漸寬。仍南出莊塢。東還犁頭菴。終不得石佛洞道。遂出過南閣。訪子晉仙橋。在北閣底。尚二十里。念仲昭在新菴甚近。還晤菴中。日已晡。竟不及為北閣游。東趨大荆而歸。

游白岳日記 徽州府休寧縣

余同潯陽叔翁。於正月二十六日。至徽之休寧。出西門。其溪自祁門縣來。經白岳。循縣而南。至梅口。會郡溪入浙。循溪而上。二十里至南渡。過橋。依山麓十里。至岩下。已暮。登山五里。借廟中燈。冒雪躡冰。二里過天門。里許入柳梅菴。路經天門珠簾之勝。俱不暇辨。但聞樹間冰响。錚錚入菴後。大霰作。潯陽與奴子俱後。余獨卧山房。夜聽水聲如屋溜。竟不成寐。二十七日起。視滿山冰花玉樹。迷漫一色。坐樓中。適潯



陽并奴至。乃登太素宮。北向元帝像。乃百鳥啣泥所成。色黧黑。像成於宋<sup>徽</sup>新於嘉靖三十七年。庭中碑文。世祖御製也。左右為王靈官趙元帥殿。俱雄麗。背倚玉屏。前臨香爐峰。突起數十丈。如覆鐘。未遊台宕者或竒之。出廟左至捨身崖。轉而上為紫玉屏。再西為紫霄崖。俱危聳傑起。再西為三姑峰。五老峰。文昌閣據其前。五老比肩不甚峭削。頗似筆架。迂柳梅循夜來路。下天梯。則石崖三面為圍。上覆下嵌。絕似行廊。循嶺而行。泉飛落其外。為珠簾水。嵌之深處。為羅漢洞。外開內伏。深且十五里。東南通南渡。崖盡處為天門。崖石中空。人出入其間。高爽飛突。正如閭闔。門外喬楠中峙。蟠青叢翠。門內石崖一帶。珠簾飛洒。竒為第一。迂宿菴中。訪伍井橋岩之勝。羽士汪伯化。約明晨同行。

二十分。夢中聞人言大雪。促奴起視。彌山漫谷矣。予強卧。已刻同伯化躡屐二里。復抵文昌閣。攬地天一色。雖阻游五井。更益竒觀。

二十九。奴子報雲開。日色浮林端矣。急披衣起。青天



一色半月所未覩。然寒威殊甚。方促伯化同飯。已大雪復至。飛積盈尺。偶步樓側。則香爐峰正峙其前。樓後出一羽士。曰陳振華者。為余談九井橋岩傳岩諸勝。

三十。雪甚。兼霧濃。咫尺不辨。伯化攜酒至。捨身崖。飲睇元閣。在崖側。冰柱垂。大者竟丈。峰巒滅影。近若香爐峰。亦不能見。

二月初一。東方一縷雲開。已而大朗。潯陽以足裂。留菴中。予急同伯化躡西天門而下。十里過雙溪街山。

勢已開。五里山復漸合。溪環石映。倍有佳趣。三里由溪口循小路入。越一山。二里至石橋岩。橋側外岩高。亘如白岳之紫霄岩。下俱因岩為殿。山石皆紫。獨有一青石龍。蜿蜒於內。頭垂空尺餘。水下滴曰龍涎泉。頗如雁宕龍鼻水。岩之右一山橫跨而中空。即石橋也。飛虹垂竦。下空恰如半月。坐其下。隔山一岫特起。拱對其上。衆峰環侍。較勝齊雲天門。即天台石梁止。一石架兩山間。此以一山高架。而中空其半。更靈幻矣。穿橋而入。里許為內岩。上有飛泉。飄洒中有僧齋。



頗勝。還飯於外岩。覓道循崖左。下灌莽中。兩山夾澗。路棘雪迷。行甚艱。導者勸予趨傅岩。不必向觀音岩。予恐不能兼碁盤龍井之勝。不許。行二里得澗。一泓深碧無底。亦龍井也。又三里。崖絕澗窮。懸瀑忽自山凹掛下。數丈。亦此中奇境。轉而上躋。行山脊二里。則棋盤石高峙山巔。形如擎筓。大且數圍。登之積雪如玉。迴望傅岩。屹嶮雲際。由彼抵碁盤亦近。悔不從導者。石旁有文殊菴。竹石清映。轉東而南。二里越嶺。二重山半得觀音岩。禪院清整。然無奇景。尤悔覲面失。

傅岩也。仍越嶺。東下深坑。石澗四合。時有深潭。大為淵。小如臼。皆云龍井。不能別其孰為五。孰為九。凡三里。石岩中石脉隱隱。導者指其一為青龍。一為白龍。予笑領之。又亂崖間。望見一石嵌空。有水下注。外有橫石跨之。頗似天台石梁。伯化以天且晚。請速循澗。覓大龍井。忽遇僧自黃山來。云出此即大溪。行將何觀。遂返。里餘從別徑向漆樹園。行巉石亂流間。返照映深木。一往有致。三里躋其巔。余以為高埒齊雲。及望之。則文昌閣猶巍然也。五老峰正對閣而起。五老



之東為獨聳寨。循其凹而出。曰西天門。五老之西為展旗峰。由其下而渡。曰芙蓉橋。余向出西天門。今自芙蓉橋入也。余望三姑之旁。猶殫日色。遂先登。則落照正在五老間。歸菴已晚。食矣。相與追述所歷。始知大龍井正在大溪口。足趾已及。而為僧所阻。亦數也。

游黃山日記

徽州府

初二日。自白岳下山。十里循麓而西。抵南溪橋。渡大溪。循別溪。依山北行。十里。兩山峭逼如門。溪為之束。越而下。平疇頗廣。二十里。猪坑。由小路登虎嶺。路甚峻。

倣作復

十里至巔。五里越其麓。北望黃山諸峰。片可綴。又三里為古樓凹。溪甚濶。水漲無梁。木片瀰布一溪。涉之甚難。二里宿高橋。初三日。隨樵者行。久之。越嶺二重。下而復上。又越一重。兩嶺俱峻。曰雙嶺。共十五里。過江村二十里。抵湯口。香溪溫泉諸水所由出者。折而入山。沿溪漸上。雪且沒。趾五里。抵祥符寺。湯泉在隔溪。遂俱解衣。赴湯池。池前臨溪。後倚壁。三面石甃。上環石如橋。湯深三尺。時凝寒未解。湯氣鬱然。水泡池底。汨汨起。氣本香冽。



黃貞父謂其不及盤山。以湯口焦村孔道浴者太雜。還也。浴畢返寺。僧揮印引登蓮花菴。躡雪循澗。以上澗水三轉。下注而深泓者曰白龍潭。再上而停涵石間者曰丹井。旁有石突起曰藥臼。曰藥銚。宛轉隨溪。羣峰環聳。木石扶映。如此一里得菴。僧印我他出。不能登其堂。中香爐及鐘鼓架俱古木根所為。遂返寺宿。

初四兀坐聽雪溜竟日

初五雲氣甚惡。余強卧。至午起。揮印言慈光寺頗近。

令其徒引過湯池。仰見一崖中懸鳥道。兩旁泉瀉如練。予即從此攀躋上。泉光雲氣繚繞衣裾。已轉而右。則茅菴上下。磬聲香烟穿石而出。即慈光寺也。寺舊名硃砂菴。比丘為予言山頂諸淨室。徑為雪封。兩月今早遣人送糧。山半雪沒腰而返。予興大阻。由大路二里下山。遂引被卧。

初六天色甚朗。覓導各携筇上山。過慈光寺從左上。石峰環夾。其中石級為積雪所平。一望如玉。踈木茸。中仰見羣峰盤結。天都獨巍然上挺。數里級愈峻。



雪愈深。其陰處凍雪成冰。堅滑不容着趾。余獨前持杖鑿冰。得一孔置前趾。再鑿一孔。以移後趾。從行者俱循此法得度。上至平岡。則蓮花雲門諸峰爭奇競秀。若為天都擁衛者。由此而入絕巘危崖。盡皆怪松懸結。高者不盈丈。低僅數寸。平頂短鬣盤根虬幹。愈短愈老。愈小愈奇。山中不意又有此奇品也。松石交映間。冉冉僧一羣。從天而下。俱合掌言阻雪山中已三月。今以覓糧勉到此。公等何由得上也。且言我等前海諸菴俱已下山。後海僧路尚未通。惟蓮花洞可行耳。已而從天都峰側攀而上。透峰罅而下。東轉即蓮花洞路也。予急於光明頂。石笋砦之勝。遂循蓮花峰而北。上下數次。至天門。兩壁夾立。中濶摩肩。高數十丈。仰面而度。陰森悚骨。其內積雪更深。鑿冰上躋。過此得平頂。即所謂前海也。由此更上一峰。至平天砦。之兀突獨聳者。為光明頂。由砦而下。即所謂後海也。蓋平天砦陽為前海。陰為後海。乃極高處。四面皆峻塢。此獨若平地。前海之前。天都蓮花二峰最峻。其陽屬徽之歛。其陰屬寧之太平。予至平天砦。欲望



光明頂而上。路已三十里。腹甚枵。遂入砭後一菴。僧俱踞石向陽。主僧曰智空。見客色飢。先以粥餉。且曰。新日太皎。恐非老晴。因指一僧謂予曰。公有餘力。可先登光明頂。而後中食。則今日猶可抵石笋砭。宿是僧處矣。予如言。登頂。則天都蓮花。並肩其前。翠微三海門。環繞於後。下瞰絕壁峭岫。羅列塢中。即丞相源也。頂前一石。伏而復起。勢若中斷。獨懸塢中。上有怪松盤蓋。予側身扳踞其上。而潯陽踞大頂相對。各誇勝絕。下入菴。黃梁已熟。飯後。北向過一嶺。躑躅菁

菴中。入一菴。曰獅子林。即智空所指宿處。主僧霞光。已待我菴前矣。遂指菴北二峰。曰公可先了此勝。從之。俯瞰其陰。則亂峰列岫。爭竒並起。循之。西崖忽中斷。架木連之。上有松一株。可攀引而渡。所謂接引崖也。度崖穿石罅而上。亂石危綴間。構木為室。其中亦可置足。然不如踞石下窺。更雄勝耳。下崖循而東。里許。為石笋砭。脊斜亘。兩夾懸塢中。亂峰森羅。其西一面。即接引崖所窺者。砭後一峰特起。多竒石。怪松登之。俯瞰壑中。正與接引崖對瞰。峰迴岫轉。頓改前



觀下峰則落照擁樹。謂明晴可卜。踴躍歸菴。霞光設  
茶引燈前樓。西望碧痕一縷。予疑山影。僧謂山影夜  
望甚近。此當是雲氣。予默然。知為雨兆也。

初七日。西山霧合。少頃。菴之東北已開。西南賦甚。若以  
菴為界。即獅子峰亦在時出時沒間。晨餐後。由接引  
崖踐雪下。塢半一峰特起。上有一松裂石而出。盤巨  
幹高不及二尺。而斜抱曲結。蟠翠三丈餘。其根穿石  
上下。幾與峰等。所謂擾龍松是也。扳玩移時。望獅子  
峰已出。遂杖而西。是峰在菴西南。為案山。二里躡其

巔。則三面板立。塢中其下森峰列岫。自石笋接引兩  
塢。迤邐至此。環結又成一勝。登眺間。沉霧漸爽。急由  
石笋砥北轉而下。正昨日峰頭所望陰森徑也。羣峰  
或上或下。或巨或纖。或直或欹。與身穿遶而過。俯窺  
輾顧。步步生竒。但壑深雪厚。一步一悚。行五里。左峰  
腋一竇透明。曰天窻。又前峰旁一石突起。作面壁狀。  
則僧坐石也。下五里。徑稍夷。循澗而行。忽前澗亂石  
縱橫。路為之塞。越石久之。一闕新崩片。欲墮。始得  
路。仰視峰頂。黃痕一方。中間綠字宛然可辨。是謂天



牌亦謂仙人榜。又前鯉魚石。又前白龍池。共十五里。一茅出澗邊。為松谷菴舊址。再五里。循溪東西行。又過五水。則松谷菴矣。再循溪下。溪邊香氣襲人。則一梅亭。正發。山寒積雪。至是始芳。抵青龍潭。一泓深碧。更會兩溪。北白龍潭勢既雄壯。而大石磊落。奔流亂注。遠近羣峰環拱。亦佳境也。還滄松谷。往宿舊菴。余初至松谷。疑已平地。及是詢之。須下嶺二重。二十里。方得平地。至太平縣。共三十五里云。

初八擬尋石筍真境。竟為天奪。濃霧瀰漫。抵獅子林。風愈大。霧亦愈厚。余急欲趨煉丹臺。遂轉西南三里。為霧所迷。偶得一菴。入焉。雨大至。遂宿此。

初九。逾午。少霽。菴僧慈明。甚誇西南一帶峰岫。不減石筍。有禿顧朝天。達摩面壁。諸名。余拉潯陽。蹈亂流。至壑中。北向。即翠微諸巖。南向。即丹臺諸塢。大抵可與獅峰競駕。未得比肩。石筍也。雨踵至。急返菴。初十。晨雨如注。午少停。策杖二里。過飛來峰。此平天。石之西北嶺也。其陽塢中。峰壁森峭。正與丹臺環遶。二里。抵臺一峰。西垂。頂頗平伏。三面壁翠。合沓前一。



忽不及察

小峰起中。鵝其外則翠微峰。三海門。蹄股拱峙。登眺久之。東南一里。逸出平天砭下。雨復大至。急下天門。兩崖隘肩。崖額飛泉。俱從人頂潑下。出天門。危崖懸疊。路緣崖半。比後海一帶森峰峭壁。又轉一境。海螺石即在崖旁。宛轉酷肖。來時忽而不察。今行雨中。頗稔其異。詢之始知已趨大悲菴。由其旁趨一菴。宿悟空上人處。

十一日。上百步雲梯。磴揀天。足趾及腮。而磴石傾側。硿研兀兀。欲動。前下時。以雪掩其險。至此骨意俱悚。上雲梯。即登蓮花峰道。又下轉。由峰側而入。即文殊院。蓮花洞道也。以雨色不止。乃下山。入湯院。復浴。由湯口出。二十里。抵芳村。十五里。抵東潭。溪漲不能渡。而止。黃山之流。如松谷。焦村。俱北出太平。即南流。如湯口。亦北轉。太平入江。惟湯口西有流。至芳村而巨。南趨岩鎮。至府西北。與績溪會。

此記刊在游廬日記下

游黃山後記

作於九月

九月初三。出白岳。柳梅菴。至桃源橋。從下橋右下。陡甚。即舊向黃山路也。七十里。宿江村。

王稼作小湯



初四十五里。至湯口。五里至湯寺。浴於湯池。扶杖望  
硃砂菴而登。十里上黃泥岡。向時雲裡諸峰。漸、透  
落吾杖底。轉入石門。越天都之脇而下。則天都蓮  
花二頂。俱秀出天半。路旁一岐東上。乃昔所未至者。  
遂前趨直上。幾達天都側。復北上。行石罅中。石峰片  
、夾起。路宛轉石間。塞者鑿之。陡者級之。斷者架木  
通之。懸者植梯接之。下瞰峭壑陰森。峴松相間。五色  
紛披。燦若圖繡。因念黃山當生平奇覽。而有奇若此。  
前未一探。茲游快且愧矣。時夫僕俱阻險行後。予亦

停弗上。乃一路景奇。不覺引余獨往。既登峰頭。一菴  
翼然。為文殊院。亦余昔年欲登未登者。左天都。右蓮  
花。背倚玉屏風。兩峰秀色。俱可手擎。四顧奇峰錯列。  
衆壑縱橫。真黃山絕勝處。非至再焉。知其奇若此。遇  
遊僧澄源至。興甚勇。時已過午。奴輩適至。立菴前。指  
點兩峰。菴僧謂天都雖近。而無路。蓮花可登。而路遙。  
祇宜近。盼天都。明日登蓮頂。余不從。決意游天都。挾  
澄源奴子。仍下峽路。至天都側。從流石蛇行而上。攀  
草援崖。石塊叢起。則歷塊。石崖側削。則懸崖。每至手



初。冒。十。五。里。至。湯。口。五。里。至。湯。寺。浴。於。湯。池。扶。杖。望。硃。砂。菴。而。登。十。里。上。黃。泥。岡。向。時。雲。裡。諸。峰。漸。透。出。落。吾。杖。底。轉。入。石。門。越。天。都。之。脇。而。下。則。天。都。蓮。花。二。頂。俱。秀。出。天。半。路。旁。一。岐。東。上。乃。昔。所。未。至。者。遂。前。趨。直。上。幾。達。天。都。側。復。北。上。行。石。罅。中。石。峰。片。夾。起。路。宛。轉。石。間。塞。者。鑿。之。陡。者。級。之。斷。者。架。木。通。之。懸。者。植。梯。接。之。下。瞰。峭。壑。陰。森。颯。松。相。間。五。色。紛。披。燦。若。圖。繡。因。念。黃。山。當。生。平。奇。覽。而。有。奇。若。此。前。未。一。探。茲。游。快。且。愧。矣。時。夫。僕。俱。阻。險。行。後。予。亦。停。弗。上。乃。一。路。景。奇。不。覺。引。余。獨。往。既。登。峰。頭。一。菴。翼。然。為。文。殊。院。亦。余。昔。年。欲。登。未。登。者。左。天。都。右。蓮。花。背。倚。玉。屏。風。兩。峰。秀。色。俱。可。手。擘。四。顧。奇。峰。錯。列。衆。壑。縱。橫。真。黃。山。絕。勝。處。非。至。再。焉。知。其。奇。若。此。遇。遊。僧。澄。源。至。興。甚。勇。時。已。過。午。奴。輩。適。至。立。菴。前。指。點。兩。峰。菴。僧。謂。天。都。雖。近。而。無。路。蓮。花。可。登。而。路。遙。祇。宜。近。貯。天。都。明。日。登。蓮。頂。余。不。從。決。意。游。天。都。挾。澄。源。奴。子。仍。下。峽。路。至。天。都。側。從。流。石。蛇。行。而。上。攀。草。援。崖。石。塊。叢。起。則。歷。塊。石。崖。側。削。則。懸。崖。每。至。手。



足無可着處。澄源必先登垂接。每念上既如此。下何以堪。終亦不顧。歷險數次。遂達峰頂。惟一石頂壁起。猶數十丈。澄源尋視其側。得級。挾余以登。萬峰無不下伏。獨蓮花與抗耳。時濃霧半作半止。每一陣至。則對面不見。眺蓮花諸峰。多在霧中。獨上天都。余至其前。則霧陡於後。余越其右。則霧出於左。其松猶有曲挺縱橫者。栢雖大。幹如臂。無不平貼石上。如苔蘚然。山高風鉅。霧氣去來無定。下盼諸峰。時出為碧嶠。時沒為銀海。再眺山下。則日光晶。別一區宇也。日漸

暮。遂前其足。手向後據地。坐而下。脫至險絕處。澄源併肩手相接。度險下。至山凹。暝色已合。復從峽度。棧以上。止文殊院。  
初五日。平湖下天都峰。凹中北下二里。石壁砢然。其下蓮花洞。正與前坑石笋對峙。一塢幽然。別澄源下山。至前岐路側。向蓮花峰而趨。一路沿危壁西行。凡再降升。將下百步雲梯。有路可直躋蓮峰。既涉而磴絕。疑而復下。隔峰一僧高呼曰。此正蓮花道也。乃從石陂側度石隙。徑小而峻。峰頂皆巨石。鼎峙中空如室。



從其中疊級直上。級窮洞轉。屈曲奇詭。如下上樓閣。中忘其峻。出天表也。一里得茅廬。倚石罅中。方徘徊欲升。則前呼道之僧至矣。僧號凌虛。結茅於此者。遂與把臂陟頂。上一石懸隔二丈。僧取梯以度。其巔廓然。四望空碧。即天都俯首矣。蓋是峰居黃山之中。獨出諸峰上。四面岩壁環聳。過朝陽霽色。鮮映層發。令人狂叫欲舞。久之。返茅菴。凌虛出粥相餉。啜一盃。乃下。至歧路側。過大悲頂。上天門。三里至煉丹臺。循臺嘴而下。觀玉屏風。玉海門諸峰。悉從深塢中壁立起。其丹臺一岡中。岳頗無奇峻。惟瞰翠微之背。塢中峰巒錯聳。上下周映。非此不盡瞻眺之奇耳。還過平天砬。下後海。入智空菴。別焉。三里下獅子林。趨石筍砬。至向年所登尖峰。上倚松而坐。瞰塢中。峰石迴攢。藻績滿眼。始覺匡廬石門。或其一體。或缺一面。不若此之闊博富麗也。久之上接引崖。下眺塢中。陰。覺有異。復至岡上。尖峰側。踐流石。援棘草。隨坑而下。愈下愈深。諸峰自相掩蔽。不能一日盡也。日暮返獅子林。



源作原

反字音作逾

源作原

初。有。別。霞。光。從。山。坑。向。丞。相。源。下。七。里。至。白。沙。嶺。霞  
 光。復。至。因。余。欲。觀。牌。樓。石。恐。白。沙。菴。無。指。者。追。來。為  
 導。遂。同。上。嶺。指。嶺。右。隔。坡。有。石。叢。立。下。分。上。並。即。牌  
 樓。石。也。余。欲。從。坑。溯。澗。直。造。其。下。僧。謂。棘。迷。路。絕。必  
 不。能。行。若。從。坑。直。下。丞。相。源。不。必。復。上。此。嶺。若。欲。從  
 仙。燈。而。往。不。若。即。由。此。嶺。東。向。余。從。之。循。嶺。脊。行。嶺  
 橫。亘。天。都。蓮。花。之。北。狹。甚。旁。不。容。足。南。北。皆。崇。峰。夾  
 映。嶺。盡。北。下。仰。瞻。右。奔。羅。漢。石。圓。頭。禿。頂。儼。然。二。僧  
 也。下。至。坑。中。踰。澗。以。上。共。四。里。登。仙。燈。洞。南。面。正

源作原上作山

對。天。都。之。陰。僧。架。閣。連。板。於。外。而。內。猶。穹。然。天。趣。未  
 盡。刊。也。復。南。下。三。里。過。丞。相。源。上。間。一。夾。地。耳。其。菴  
 頗。整。四。顧。無。奇。竟。不。入。復。南。向。循。山。腰。行。五。里。漸。下  
 澗。中。泉。聲。沸。然。從。石。間。九。級。下。瀉。每。級。一。下。有。潭。淵  
 碧。所。謂。九。龍。潭。也。黃。山。無。懸。流。飛。瀑。惟。此。耳。又。下。五  
 里。過。苦。竹。灘。轉。循。太。平。縣。路。向。東。北。行。

此記刊在黃山日記下

游武夷山日記 建寧府崇安縣

二。月。二。十。一。出。崇。安。南。門。覓。舟。西。北。一。溪。自。分。水。關。  
 東。北。一。溪。自。溫。嶺。關。合。注。於。縣。南。通。郡。省。而。入。海。順。



流三十里。見溪邊一峰橫欹。一峰獨聳。予哂而矚目。則欹者漫亭峰。聳者大王峰也。峰南一溪東向而入大溪者。即武彝溪也。冲幼宮旁峰臨溪。予欲先抵九曲。然後順流探歷。遂舍宮不登。逆流而進。流甚駛。舟子䟽行溪間。以挽舟。第一曲。右為慢亭峰。大王峰。左為獅子峰。觀音岩。而溪右之瀕。水者曰水光石。上題刻殆徧。二曲之右。為鐵板嶂。翰墨岩。左為兜鑿峰。玉女峰。而板嶂之旁。崖壁峭立。間有三孔。作品字狀。三曲。右為會仙岩。左為小藏峰。大藏峰。大藏壁立千仞。崖端穴數孔。亂插木板如機杼。一小舟斜架穴口。木末號曰架壑舟。四曲。右為釣魚臺。希真岩。左為雞棲岩。晏仙岩。雞棲岩半有洞。外隘中宏。橫插木板。宛然埒堞。下一潭深碧。為卦龍潭。其右大隱屏接笋峰。左更衣臺。天柱峰者。五曲也。文公書院正在大隱屏下。抵六曲。石為仙掌岩。天游峰。左為晚對峰。响聲岩。迴望隱屏天游之間。危梯飛閣懸其上。不勝神往。而舟亦以溜急不得進。還泊曹家石。登陸入雲窩。排雲穿石。俱從亂崖中宛轉得路。窩後即接笋峰。駢附於



大隱屏其腰橫兩截痕故曰接笋循其側石隘躋蹙  
數層四山環翠中留隙地如掌者為茶洞。口由西  
八口南為接笋峰。口北為仙掌岩。仙掌之東為天游。  
天游之南為大隱屏諸峰上皆峭絕而下復橫湊外  
北者此為古工脫一更字無磴道獨西通一罅北天台之明岩為奇矯也從其  
中攀躋登隱屏至絕壁處懸大木為梯貼壁直豎雲  
間梯凡三接級共八十一級盡有鉄索橫繫山腰下  
鑿坎受足扳索轉峰而西夾壁中有岡介其間若垂  
尾鑿磴以登即隱屏頂也有亭有竹四面懸崖憑空

下眺真仙凡曼隔仍懸梯下至茶洞仰視所登之處  
巖然在雲漢隘口北崖即仙掌岩。壁轟立雄展中  
有班痕如人掌長盈丈者數十行循崖北上至巔落  
照侵松山水光曲交加入覽南轉行夫谷中谷盡忽  
透出峰頭三面壁立有亭踞其首即天游峰矣是峰  
處九曲之中不臨溪而九曲之溪三面環之東望為  
大王峰而一曲至三曲之溪環之南望為更衣臺南  
之近者則大隱屏諸峰也四曲至六曲之溪環之西  
望為三教峰西之近者則天壺諸峰也七曲至九曲



大隱屏其腰橫兩截痕故曰接笋循其側石隘躋蹬  
數層四山環翠中留隙地如掌者為茶洞。口由西  
八口南為接笋峰。口北為仙掌岩。仙掌之東為天游。  
天游之南為大隱屏諸峰上皆峭絕而下復攢湊外  
無磴道獨西通一罅。北天台之明岩為奇矯也。從其  
中攀躋登隱屏至絕壁處懸大木為梯貼壁直豎雲  
間梯凡三接級共八十一級盡有鉄索橫繫山腰下  
鑿坎受足扳索轉峰而西夾壁中有岡介其間若垂  
尾鑿磴以登即隱屏頂也。有亭有竹四面懸崖憑空  
下眺真仙凡曼隔仍懸梯下至茶洞仰視所登之處  
巖然在雲漢隘口北崖即仙掌岩。壁轟立雄展中  
有班痕如人掌長盈丈者數十行循崖北上至巔落  
照侵松山水光曲交加入覽南轉行夾谷中谷盡忽  
透出峰頭三面壁立有亭踞其首即天游峰矣。是峰  
處九曲之中不臨溪而九曲之溪三面環之東望為  
大王峰而一曲至三曲之溪環之南望為更衣臺南  
之近者則大隱屏諸峰也。四曲至六曲之溪環之西  
望為三教峰。西之近者則天壺諸峰也。七曲至九曲



之溪環之。惟北向無溪。而山從水簾諸山層疊而來。至此中懸。其前之俯而瞰者。即茶洞也。自茶洞仰眺。俱見絕壁干霄。泉從側間瀉下。初不知其上有峰可憩。其不臨溪而能盡九溪之勝。此峰固應第一也。立臺上望。落日半規。遠近峰青紫萬狀。臺後為天游觀。巫辭去。抵舟已昏黑矣。

二十二日登崖。辭仙掌而西。予所循者。乃溪之右崖。其隔溪則左崖也。第七曲右為三仰峰。天壺峰。左為城高岩。三仰之下為小桃源。崩崖堆錯。外成石門。由門

僂倭而入。有地一區。四山環繞中。有平畦曲澗。園以蒼松翠竹。雞聲人語。俱在翠微中。出門而西。即為北廊岩。頂即為天壺峰。其對峙之城高岩。轟然獨上。回旁峭削如城。岩頂有菴。亦懸梯可登。以隔溪不及也。第八曲右為鼓樓岩。鼓子岩。左為大廩石。海蚱石。予過鼓樓岩之西。折而北行。塢中攀援上峰頂。而石兀立如鼓。子岩也。岩高亘亦如城。岩下深凹一帶。如廊。架屋橫欄其內。曰鼓子菴。仰望岩上。亂穴中多木板橫插。轉岩之後。壁間一洞更深敞。曰吳公洞。



下梯已毀。不能登。望三教峰而趨。緣山越磴。深木翁  
從其上。抵峰有亭。綴其旁。可東眺鼓樓。鼓子諸勝。山  
頭三峰。石骨悚然。並轟。從石罅間躡蹻而升。傍崖得  
一亭。穿亭入石門。兩崖夾峙。壁立參天。中通一線。上  
下尺餘。人行其間。毛骨陰悚。蓋三峰攢立。此其兩峰  
之罅。其側尚有兩罅。無此整削。已下山。轉至山後。一  
峰與貓兒石相對峙。盤亘亦如鼓子。為靈峰之白雲  
洞。至峰頭。從石罅中累級而上。兩壁夾立。頗似黃山  
之天門。級窮。迤邐至崖下。因岩架屋。亦如鼓子。登樓  
南望九曲上游。一洲中峙。溪自西來。分而環之。至曲  
復合為一。洲外兩山漸開。九曲已盡。是岩在九曲盡  
處。重岩迴疊。地甚幽爽。岩北盡處。更有一岩尤奇。上  
下皆絕壁。間橫凹。僅一線。須伏身蛇行。盤壁而度。  
乃可入。予即從壁凹行。已而凹漸低。壁漸危。則就而偃  
。倏愈低。愈狹。則膝行蛇伏。至凹轉處。上下僅懸七寸。  
濶止尺五。凹外壁深萬仞。予匍匐以進。胸背相摩。盤  
旋久之。得度其險。岩果軒敞。層疊有斧鑿。置於中。欲  
開道而未就也。半响。迄前岩。更至後岩。方構新堂。亦



幽敞可愛。出向九曲溪。則獅子岩在焉。循溪而返。隔溪觀八曲之人面石。七曲之城高岩。種々神飛。復泊舟。由雲窩入茶洞。穹窿窈窕。再至矣。再不能去。已由雲窩左轉。入伏羲洞。頗陰森。左出大隱屏之陽。即紫陽書院。謁先生廟像。順流鼓棹。兩岸蒼翠紛飛。翻恨舟行之速。已過天柱峰。更衣臺。泊舟四曲之南崖。自御茶園登岸。欲遠出金雞岩之上。迷荆叢棘。不得路。乃從岩後大道東行。冀有旁路可登大藏小藏諸峰。復不得。透出溪旁。已在玉女峰下。欲從此尋一線

天。傍徨無可問。而舟泊金雞洞下。迥不相聞。乃沿溪覓路。迤邐大藏小藏之麓。一帶峭壁高竦。砂磧崩壅。土人多植茶其上。從茗柯中行。下瞰深溪。上仰危崖。所謂仙學堂。藏仙窟。俱不暇辨。已至架壑舟。仰見虛舟宛然。較前溪中所見更悉。大藏之西。其路漸窮。向荆棘中捫壁而上。還瞰大藏西岩。亦架一舟。但兩崖對峙。不能至其地也。忽一身自二曲逆流而至。急下山。招之。其人以舟來受。亦游客初至者。約予返更衣臺。同覽一線天。虎嘯岩諸勝。過予泊舟處。並棹順流。



而下。欲上慢亭。問大王峰。抵一曲之水。光石約身待  
漢口。予復登崖。少入至止。卷望。卷後有路可上。遂  
趨之。得一岩。僧誦經其中。乃禪岩也。登峰之路。尚在  
止。卷西。仍下卷前。西轉。登山二里許。抵峰下。從亂  
菁中尋登仙石。旁峰突起。作仰止狀。鶴模石在峰  
壁罅間。霜翎未頂。裂紋如繪。旁路窮。有梯懸絕壁間。  
躡而上。搖。欲墮。梯窮得一岩。則張仙遺蛻也。岩在  
峰半。覓徐仙岩。皆石壁不可通。下梯尋別道。又不可  
得。躡石則峭壁無階。援斧則深容莫辨。傭夫在前。得

斷磴。大呼得路。予裂衣不顧。趨就之。復不能前。日以  
面薄。遂以手懸棘。亂墜而下。得路已在萬年宮右。趨  
入宮。甚森敞。羽士迎言。大王峰頂久不能到。惟張  
岩梯在。峰頂六梯。及徐岩梯。俱已朽壞。徐仙蛻已移  
入會真廟矣。出宮右。轉過會真廟。前大楓扶疎。蔭  
數百畝。圍數十把。別羽士歸舟。

二十三。登陸。覓換骨岩。水簾洞。諸勝。命移舟十里。候  
於赤石街。余乃入會真觀。謁武夷君。及徐仙遺蛻。出  
廟。循慢亭東麓北行二里。見慢亭峰。後三峰駢立。異



而問之。三姑峰也。撫背岩即在其旁。望之趨登山里許。飛流泊然下瀉。俯瞰其下。亦有危壁。泉從壁半突出。踈竹掩映。殊有佳致。然業已上登。不及返顧。遂從三姑又上半里。抵換首岩。即慢亭峰後崖也。岩前有菴。從岩後懸梯兩層。更登一岩。不甚深。而環遶山巔。如疊嶂。土人新以木板循岩為室。曲直高下。隨岩宛轉。循岩隙攀躋而上。幾至慢亭之頂。以路塞而止。迨至三姑岬麓。遶出其後。復從舊路下。至前所瞰突泉處。從此越嶺。即水簾洞路。從此而下。即突泉壁。

也。余前從上瞰。未盡其妙。至是復造其下。仰望突泉。又在半壁之上。傍引水為碓。有梯架之。鑿壁為溝。以引泉。余循梯扳壁。至突泉下。其凹僅二丈。上下俱危壁。泉從上壁墮。凹中復從凹中溢而下。墮凹之上下。凹旁無處非水。而中有一石突起可坐。久之。下壁循竹間路。越嶺三重。從小腰約行七里。乃下塢。穿石門而上。半里即水簾洞。危崖千仞。上突下瞰。泉從岩頂墮下。岩既雄擴。泉亦高散。千條萬縷。懸空傾瀉。亦大觀也。其岩高矗上突。故岩下構室數重。而飛泉猶



西作而

落檻外。先在途聞賭閣寨頗奇。道流指余仍舊路。越山可至。余出石門。愛鳩溪之勝。誤走赤石街道。途人指從此渡小橋西南亦可往。從之。登山入一隘。兩山夾之內有岩有室。題額乃杜轄岩。土人訛為賭閣耳。再入又得一岩有曲檻懸樓。望赤石街甚近。遂從舊道。三里渡一溪。又一里則赤石街大溪也。下舟掛帆。二十里返崇安。

游廬山日記

江西九江府

戊午。余同。余同兄雷門白夫。八月十八至九江。易小舟。沿江南

入龍開河。二十里泊李裁縫堰。登陸五里過西林寺。至東林寺。當廬山之陰。南面廬山。北倚東林山。不甚高。為廬之外廊。中有大溪自東而西。驛路介其間。為九江之建昌孔道。寺前臨溪。入門為虎溪橋。規模甚大。正殿夷燬。右為三笑堂。十九日出寺。循山麓西南行五里。越廣濟橋。始舍官道。沿溪東向行。又二里。溪迴山合。霧色霏。如雨。一人立溪口問之。由此東上為天池大道。南轉登石門。為天池寺之側徑。予稔知石門之奇。路險莫能上。遂倩

A 1 2 3 4 5 6 M 8 9 10 11 12 13 14 15 B 17 18 19



雲霧一作濃霧

其人為導。令二兄徑至天池相待。遂南渡小溪二重。過報國寺。從碧條香藹中。攀陟五里。仰見雲霧中。雙石屹立。即石門也。一路由石隙而入。復有二石峰對峙。路宛轉峰罅。下瞰絕澗。諸峰在鉄船峰旁。俱從澗底轟峰直上。離立咫尺。爭雄競秀。而層烟疊翠。澄映四外。其下噴雪奔雷。耳目為之狂喜。門內對峰倚壁。都結層樓危闕。徽人鄒昌明畢貲之。新建精廬。僧容成焚修其間。從菴後小徑。復出石門一重。俱從石崖上。攀下躡磴。窮則挽藤。絕置木梯。以上如是二

騰空震盪耳目

里。至獅子岩。下有靜室。越嶺路頗平。再上里許。得大道。即自郡城南來者。歷級而登。殿已當前。以霧故猶不辨。逼之而未楹。棟則天池寺也。蓋燬而新建者。由石廡側登。聚仙亭。前一崖突出。下臨無地。曰文殊臺。出寺右大道左。登披霞亭。側岐路東上山。脊行三里。由此再東二里。為大林寺。由此北折而西。曰白鹿昇仙臺。北折而東。曰佛手岩。昇仙臺三面壁立。四旁多喬松。高帝御製周顛仙廟碑在其頂。石亭覆之。製甚古。佛手岩穹然軒峙。深可五六丈。岩端石



橫出。故稱佛手。循岩側。菴右行。崖石兩層突出。深塢。上平下仄。訪仙臺遺址也。臺后石上書竹林寺三字。竹林為匡廬幻境。可望不可即。臺前風雨中。時聞鐘梵聲。故以此當之。時方雲霧迷漫。即塢中景。亦如海上三山。何論竹林。還出佛手岩。由大路東抵大林寺。四面峰環。前抱一溪。上樹大三人圍。非檜非杉。枝頭着子纍。傳為寶樹。來自西域。向有二株。為風雨拔去其一矣。

二十。晨霧盡收。出天池。趨文殊臺。四壁萬仞。俯視鉄船峰。正可飛鳥。山北諸山。伏如聚燈。匡湖洋。山麓。長江帶之。遠及天際。因再為石門游。三里度。昨所過險處。至則容成方持貝葉出。巡喜甚。導予歷覽諸峰。上至神龍宮。右折而下。入神龍宮。奔澗鳴雷。松竹蔭映。山峽中。具寂境也。循舊路。抵天池下。從歧徑。東南行十里。升降於層峰幽澗。無徑不竹。無陰不松。則金竹坪也。諸峰隱護。幽倍天池。曠則遜之。復南三里。登蓮花峰。側霧復大作。是峰為天池紫山。在金竹坪則左翼也。峰頂叢石。嶙峋。霧隙中。時作窺人態。以霧不



及登越嶺東向。二里至仰天坪。因謀盡漢陽之勝。漢陽為廬山最高頂。此坪則為僧廬之最高者。坪之陰水俱北流。從九江。其陽水俱南下。屬南康。予疑坪去漢陽當不遠。僧言中隔桃花峰。尚有十里。遙出寺霧漸解。從山塢西南行。循桃花峰東轉。過晒谷石。越嶺南下。復上則漢陽峰也。先是過一僧。謂峰頂無可托宿。宜投慧燈僧舍。因指以路。未至峰頂。二里。落照盈山。遂如僧言。東向越嶺。轉而西南。即漢陽峰之陽也。一徑循山。重嶂幽寂。非復人世。里許。蕭然竹叢中。得一龕。有僧短髮覆額。破衲赤足者。即慧燈也。方挑水磨腐。竹內僧三四人。衣履揖客。皆慕燈遠來者。復有赤脚短髮僧。從崖間下問之。乃雲南難足山僧。燈有徒結茅於內。其僧歷懸崖訪之。方返耳。予即拉一僧為導。拔援半里。至其所。石壁峭削。懸梯以度。一茅如慧燈龕。僧本山下民家。亦以慕燈居此。至是而上。仰漢陽。下俯絕壁。與世愛隔矣。暝色已合。歸宿燈龕。燈煮腐相餉。前指路僧亦至。燈半月一腐。必自己出。徧及其徒。亦自至。來僧其一也。



二十一日。別燈從龕後小徑直躋漢陽峰。拔茅拉棘二里至峰頂。南瞰鄱湖水天浩蕩。東瞻湖口。西盼建昌。諸山歷歷。無不俯首。夫恃惟此面之桃花峰。錚錚比肩。然昂霄逼漢。此其最矣。下山二里。循舊路向五老峰。漢陽五老俱匡廬南面之山。如兩角相向。而犁頭尖界於中。退於後。故兩峰相望甚近。而路必仍至金竹坪。遶犁頭尖。後出其左脇。北轉始達五老峰。自漢陽計之。且三十里。予始至嶺角。望峰頂坦夷。莫詳五老面目。及至峰頂。風高水絕。寂無居者。因遍歷五老

峰。始知是山之陰一岡連屬。陽則山從絕頂平剖。列為五枝。憑空下墜者萬仞。外無重岡疊嶂之蔽。際目甚寬。然彼此相望。則五峰排列自掩。一覽不能兼收。惟登一峰。則兩旁無底峰。各奇不少讓。真雄曠之極觀也。仍下二里至嶺角。北行山塢中。里許入方廣寺。為五老新刹。僧知覺甚稔。三疊之勝。言道路極艱。促予速行。北行一里。路窮渡澗。隨澗東西行。鳴流下注亂石。兩山夾之。崇竹修枝。鬱蔥上下。時仰見飛石突綴其間。轉入轉佳。既而澗旁路亦窮。從澗中亂



石行。圓者滑足。尖者刺履。如是三里。得綠水潭。一泓深碧。怒流傾瀉於上。流者噴雪。停者毓黛。又里許為大綠水潭。水勢至此將墮。大倍之。怒亦益甚。潭前峭壁亂聳。回互逼立。下瞰無底。但聞轟雷倒峽之聲。心怖目眩。泉不知從何墜去也。於是澗中路亦窮。乃西向登峰。前石臺鵲起。回瞰層壁。陰森偏側。泉為所蔽。不得即。必至對面峭壁間。方能全收其勝。乃循山岡。從北東轉二里。出對崖下瞰。則一級二級三級之泉。始依次悉見。其塢中一壁有洞如門者。二僧謬指為竹林寺門云。頃之。北風自湖口吹上。寒生粟起。急返舊路。至綠水潭。詳觀之。上有洞翕然下墜。僧引入其中。曰。此亦竹林寺三門之一。然洞本石罅。夾起。內橫通如十字。南北通明。西入似無底。止出。溯溪而行。抵方廣。已昏黑。

二十二日出寺南渡溪。抵犁頭尖之陽。東轉下山十里。至楞伽院側。遙望山左脇。一瀑從空飛墜。環映青紫。天矯滉漾。亦一雄觀。五里過棲賢寺。山勢至此始就平。以急於三峽澗。未之入里許。至三峽澗。石夾立。



成峽。怒流衝激而來。為峽所束。迴奔倒瀉。轟振山谷。  
橋懸兩崖石上。俯瞰深峽中。迸珠戛玉。過橋從歧路。  
東向。越嶺趨白鹿洞。路皆出五老峰之陽。山田高下。  
點錯民居。橫歷坡陀。仰望排嶂者三里。直入峰下。為  
白鶴觀。又東北行三里。抵白鹿洞。亦五老峰前一山  
塢也。環山帶溪。喬松錯落。出洞由大洞行。為開先道。  
蓋廬山形勢。犁頭尖居中。而少遜。棲賢寺實中處焉。  
五老左突。下即白鹿洞。右峙者則鶴鳴峰也。開先寺  
當其前。於是西向循山橫過。白鶴棲賢之大道。十五

里。經萬松寺。陟一嶺而下。山寺巍然。南向者。則開先  
寺也。從殿後登樓。眺瀑一縷垂。尚在五里外。半為  
山樹所翳。傾瀉之勢。不及楞伽道中所見。惟雙劍斬  
。眾峰間。有芙蓉插天之態。香爐一峰。直山頭圓阜  
耳。從樓側西下。壑澗流檻然。瀉出峽石。即瀑布下流  
也。瀑布至此。反隱不復見。而峽水匯為龍潭。澄映心  
目。坐石久之。四山暝色。返宿于殿西之鶴峰堂。  
二十三日。由寺後側徑登山。越澗盤嶺。宛轉山半。隔峰  
復見一瀑。並掛瀑布之東。即馬尾泉也。五里板一共



峰絕頂為文殊臺。孤峰拔起，四望無倚。頂有文殊塔。對崖削立萬仞，瀑布轟轟，下墜。與臺僅隔一澗。自巔至底，一目殆無不盡。不登此臺，不悉此瀑之勝。下臺循山岡西北溯溪，即瀑布上流也。一徑忽入山迴谷抱，則黃岩寺據雙劍峰下。越澗再上，得黃石岩。石飛突，平覆如砥。岩側茅閣方丈，幽雅出塵。閣外修竹數竿，拂羣峰而上。與山花霜葉映配，峰隙鄱湖一點。正當牕牖，縱步溪石間，觀斷崖夾壁之勝，仍飯開先。遂別山。

浙閩之游舊矣。予志在蜀之峨眉，粵之桂林，及秦華恒岳諸山。若羅浮、衡岳次也。至越之五泄、閩之九漈，又次也。然蜀、廣、閩中，母老道遠，未能卒游。衡湘可以假道，不必專游。計其近者，莫若由江郎三石抵九漈。遂以午節後一日，期芳若叔啟行。正楓亭荔枝新熟時也。

二十三，始過江山之青湖山。漸合，東支多危峰峭嶂，西伏不起，懸望東支盡處。其南一峰特聳，摩雲插天。



勢欲飛動。問之。即江郎山也。望而趨二十里。過石門街。漸趨漸近。忽裂而為二。轉而為三。已復半歧。其首根直剖下。迫之。則又上。銳下斂。若斷而復連者。移步換形。與雲同幻矣。夫雁宕靈峰。黃山石筍。森立峭拔。已為詭觀。然俱在深谷中。諸峰互相掩映。反失其奇。即縉雲鼎湖。穹然獨起。勢更偉峻。但步虛山。即時於旁。各不相降。遠望若與為一。不若此峰。特出眾山之上。自為變幻。而各盡其奇也。

六月初七日抵興化府。

初八日出甯郡西門。西北行五里登嶺。四十里至莒溪。降陟不啻數嶺矣。莒溪即九漈下流。過莒溪公館二里。由石上步過溪。又二里。一側徑西向山。岫北復有一磴。可轉上山。時山深日酷。絕人行。迷不知所往。余意鯉湖之水。歷九漈而下。上躋必有奇境。遂趨石磴道。芳叔與奴輩憚高陟。皆以為悞。頃之。徑漸塞。彼益以為悞。而余行益勵。既而愈上愈高。杳無所極。烈日鑠之。余亦自苦倦矣。數里踰嶺頭。以為絕頂也。轉而西山之上。高峰復有倍此者。循山屈曲行三里。平疇



漾翠下作造物之醜靈亦奇矣

青漾翠亦奇極矣祠石有石鼓元珠古梅洞諸

湯。正似武陵悞入。不復知在萬峰頂上也。中道有亭。西來為仙遊道。東即余所行南過通山橋。越小嶺而下。為公館。為鍾鼓樓之蓬萊石。則雷轟濤在焉。澗出蓬萊石旁。其底石平如礪。水漫流石面。勻如鋪。少下而平者多窪。其間圓穴為竈為臼。為搏為井。皆以丹名。九仙之遺也。平流至此。忽下墮湖中。如萬馬初發。誠有雷霆之勢。則第一濬之奇也。九仙祠即峙其西。前臨鯉湖。不勝浩蕩。而澄碧一泓于萬山之

一作後神休力

是夜祈夢祠中

勝。梅洞在祠側。駕大石而成者。有罅成門。透而上。舊有九仙閣。祠前舊有水晶宮。今俱圮。當祠而隔湖下。陸則二濬至九濬之水也。余循湖右行。已至第三濬。急與芳叔返。曰。今夕當淡志足力。靜晤九仙。勞心目以奇勝。俟明日也。返祠往蓬萊石。跣足步澗中。石瀨平曠。清流輕淺。十洲三島。竟褰裳而涉也。晚坐祠前。新月正懸峰頂。俯挹平湖。神情俱朗。靜中颯。時觸雷濤聲。是夜了祈夢例。初九辭九仙。下窮九濬。九濬出鯉湖。且數里。三濬而



湯。正似武陵悞入。不復知在萬峰頂上也。中道有亭。西來為仙遊道。東即余所行南過通山橋。越小嶺而下。為公館。為鍾鼓樓之蓬萊石。則雷轟滌在焉。澗出蓬萊石旁。其底石平如礪。水漫流石面。勻如鋪。較少下而平者多窪。其間圓穴。為竈為臼。為搏。為井。皆以丹名。九仙之遺也。平流至此。忽下墮湖中。如萬馬初發。誠有雷霆之勢。則第一滌之奇也。九仙祠即峙其西。前臨鯉湖。不勝浩蕩。而澄碧一泓。于萬山之。上。圓青漾翠。亦奇極矣。祠石有石鼓。元珠。古梅洞。諸

一作後神休力

勝。梅洞在祠側。駕大石而成者。有罅成門。透而上。舊有九仙閣。祠前舊有水晶宮。今俱圮。當祠而隔湖下。陸。則二滌至九滌之水也。余循湖右行。已至第三滌。急與芳叔返。曰。今夕當淡志足力。靜晤九仙。勞心目。以奇勝。俟明日也。返祠往蓬萊石。跣足步澗中。石瀨平曠。清流輕淺。十洲三島。竟褰裳而涉也。晚坐祠前。新月正懸峰頂。俯挹平湖。神情俱朗。靜中颯。時觸雷滌聲。是夜了祈夢例。初九日辭九仙。下窮九滌。九滌出鯉湖。且數里。三滌而

是夜祈夢祠中



下久已道絕。數月前莆田蔡酒堯俞令陸善開復馬道。直通九漈。出苔溪。悔昨不由側徑溯漈而上。乃迂從大道坐失此奇。遂束裝改途。竟出九漈瀑布為第一漈。在湖之南。正與九仙祠相對。湖窮而水由此飛墮深峽。石如劈。兩崖壁立萬仞。水初出湖。為石所扼。勢不得出。怒從空墜。飛噴衝激。水石各殫。致再下為第三漈之珠簾泉。景與瀑布同。右崖有亭曰觀瀾。一石曰天然坐。亦有亭覆之。從此上下嶺澗。盤折峽中。峽壁上覆下寬。珠簾之水從正面墜下。玉筋之

水從旁瀉沸溢。兩泉並懸。峽壁下鉄嶂四圍。上與天並。玉龍雙舞。下極潭際。潭水深泓澄碧。雖小於鯉湖。而峻壁環鎖。瀑流交映。集奇撮勝。惟此為最。所謂第一回漈也。初至澗底。芳叔急于出峽。坐待峽口。不復入。余獨緣澗石而進。踞潭邊石上。仰視雙瀑。從空天矯。崖石上覆如甕口。旭日正在崖端。與頽波突浪掩暈。流輝俯仰。應接不能舍去。循澗復下。忽兩崖削起。一水斜迴。澗右之路已窮。左望有木板飛架。危機斷磴。間亂流而渡。可以攀躋。遂涉澗從左。則五漈之石門。



矣。而崖至是。壁湊僅容一線。欲合不合。欲開不開。下湧奔泉。上碍雲影。人緣涉其間。如獼猿然。陰風吹之。凜凜欲墜。蓋自四滌來。山深路絕。幽峭已極。惟聞泉聲鳥語耳。出五滌。山勢漸開。澗右危嶂屏列。左則飛鳳峰迴翔對之。亂流遶其下。或為澄潭。或為削峽。若六滌之五星。七滌之飛鳳。八滌之棋盤石。九滌之將軍岩。皆次第得名矣。然一帶雲蒸霞蔚。得趣故在山水中。豈必刻迹而求乎。蓋水乘峽展。既得自恣。其旁崩崖頽石。斜挿為岩。橫架為室。層疊成樓。屈曲成洞。

其作具

懸則瀑。環則流。瀦則泉。皆可坐可卧。可倚可濯。蔭竹木而弄雲烟。數里之間。目不能移。足不能前者。竟日每下一處。見有別穴。必穿岩通隙而入。曲達旁。疏不可一境窮也。若水之或懸或滍。或翼飛疊注。即匡廬三疊。雁宕龍湫。各以一長擅勝。未若此山微體。皆其也。出九滌。沿澗依山轉。東向五里。始有耕雲樵石之家。然見人至。未有不驚訝者。又五里至莒溪之石步。出向道。

刊本作石所山下同

初十。過蒜嶺驛。至榆溪。聞橫路驛西十里。有石竹山。



岩石最勝。亦為九仙祈夢所。閩有春游石竹。秋游鯉湖語。雖未合其時。然不可失之交臂也。乘興遂行。以橫路去。此尚十五里。乃宿榆溪。十一日至波黎鋪。即從小路為石竹游。西向山五里。越一小嶺。又五里渡溪。即石竹南麓。循麓西轉。仰見峰頭叢崖如攢如劈。西北行有樓傍山。西向乃登山道也。石磴頗峻。遂短衣歷級而上。磴路曲折。木石陰翳。虬枝老藤盤結危石。欹崖之上。啼猿上下。應答不絕。忽有亭突踞危石。拔迴凌虛。無與為對。亭當山之半。

再折石級。巍然直上。級窮則飛岩簷垂半空。再上兩折。入石洞側門。出即九仙閣。軒敞雅潔。左為僧廬。俱倚凌山空。可徙倚憑眺。閣後五六峭峰離立。高皆數十丈。每峰各去二三尺。峰罅石壁如削。成路屈曲罅中。可透漏各峰之頂。松偃藤鬱。縱目成勝。僧供茗芳逸。山所產也。側徑下至垂岩。路左更有一徑。余曰。此必有異。從之。果一石洞嵌空立。穿洞而下。即至半山亭。下山出橫路而返。是游也。為日六十有三。歷省二。經縣十九。府十一。游名山者三。



游嵩山日記 河南府登封縣

予警年蓄五岳志。而元岳出五岳上。慕尤切。久擬歷  
襄。郎捫太華。由劍閣連雲棧。為峨眉先導。而老母志  
移。不得不先事太和。猶屬有方之游。第沿江沂流。曠  
日持久。不若陸行。身逐為時較速。乃陸行汝鄧間。路  
與陝汴略相當。可以兼盡嵩華。朝宗太岳。遂以癸亥  
仲春朔。決策從嵩岳道。始凡十九日。抵河南鄭州之  
黃宗店。由店右登石坡。看聖僧池。清泉一涵。停碧山  
半。山下深澗交疊。涸無滴水。下坡行澗底。隨香爐山

曲折南行。山形三尖。攢立如覆鼎。衆山環之。秀色媚  
媚。人澗底亂石一壑。作紫玉色。兩崖石壁宛轉。色  
較縝潤。想清流汪汪時。噴珠洩黛。當更何如也。十里  
登石佛嶺。又五里。入密縣界。望嵩山尚在六十里外。  
從岐路東南二十五里。過密縣。抵天仙院。祀天仙  
黃帝之三女也。白松在祠後中庭。相傳三女脫骨其  
下。松大四人圍。一本三幹。昂聳霄漢。膚如凝脂。潔逾  
傳粉。蟠枝虬曲。綠鬣舞風。昂然玉立半空。洵奇觀也。  
周以石欄。一軒臨北。軒中題咏絕盛。徘徊久之。下觀



滴水澗至此忽下跌一崖上覆水滴歷其下還窅仍抵西門三十五里入登封界曰耿店南向為石淙道遂稅駕焉。

二首從小徑南行二十五里皆土岡亂壑久之得一溪渡溪南行岡脊中下瞰則石淙在望矣余八自大梁平衍廣漠古稱陸海地以得泉為難泉以得石尤難近嵩始睹蜿蜒衆峰於是北流有景湏諸溪南流有潁水然皆盤伏土壟中獨登封東南三十里為石淙乃嵩山東谷之流將下入於潁一路陂陀屈曲水

皆行地中至此忽逢怒石立崇岡山峽間有當關扼險之勢水沁入脇下從此水石融和綺變萬端迢水之兩崖則為鵠立為雁行踞中央者則為飲兕為卧虎低則嶼高則臺愈高則石之去水也愈遠乃又空其中而為窟為洞揆崖之隔以尋尺計竟水之過以數丈計水行其中石峙於上為態為色為膚為骨極無不備不意黃茅白蒿中頓令人一洗塵目也登隴西行十里為告成鎮古告成縣地測景臺在其北西北行二十五里為岳廟入東華門時日已下春余



心艷盧岩。即從廟東北循山行。越坡陀數重。十里轉而入山。得盧岩寺。外數武。即有流鏗然。下墜石峽中。兩旁峽色。氤氳成霞。溯流造寺後。峽底矗崖。環如半規。上覆下削。飛泉墮空而下。舞綃曳練。霏微散滿。一谷可當武夷之水簾。蓋此中以得水為奇。而水復得石。復能助水。不尼水。又能令水飛行。則比武夷為尤勝也。徘徊其下。僧梵音以茶點餉。急返岳廟。已昏黑。

頂字下脫一揚字

岳字下脫一岳字

二十一晨謁岳出殿。東向太室絕頂。高當天地之中。

祀秩為五岳首。故稱嵩高。與少室並峙。下多洞窟。故又名太室。兩室相望。如雙眉然。少室嶙峋。而太室雄厲稱尊。儼若負屨。自翠微以上。連崖橫亘。列者如屏。展者如旗。故更覺巖崇。封始自上古。漢武以蒿呼之。異特加祀。邑宋時逼近京畿。典禮大脩。至今絕頂。猶傳鉄梁橋避暑寨之名。當時之盛。固可想見。太室東南一支。曰黃蓋峰。下即岳廟。規制如壯庭。中碑石矗立。皆宋遼以來者。登岳正道。乃在萬歲峰下。當太室正南。予昨趨盧岩時。先過東峰。道中見峰巒秀

見字下脫一矣字



出中裂如門。或指為金峰玉女溝。從此亦有路登頂。乃覓樵預期為導。今遂從此上。近秀出處。路漸折。避之險絕。不能徑越也。此就土山。一縷僅容攀躋。約二十里。遂入東峰。已轉出石門之上。西度狹脊。望絕頂行。是日濃雲如潑墨。予不為止。至是嵐氣愈沉。稍開。則下瞰絕壁重崖。如列綃削玉。合則如行大海中。五里抵天門。上下皆石崖重疊。路多積雪。導者指峻絕處為大鉄梁橋。折而西。又三里。透峰南下。得登高岩。凡岩幽者多不暢。者又少迴藏映帶之致。此岩上倚層崖。下臨絕壑。洞門重巒擁護。左右環倚臺嶂。初入有洞。研然洞壁斜透。穿行數武。崖忽中斷。五尺莫可着趾。導者故老。猴猿捷如猿猴。側身躍過對崖。取木二枝。橫架為閣道。既度。則岩窈然上覆。中有乳泉。丹灶石榻諸勝。從岩側躋而上。更得一臺。三面懸絕。壑中導者曰。下可瞰登封。遠及箕穎。時濃霧回塞。都無所見。出岩轉北。二里得白鶴觀址。在山坪去險。就夷。孤松森立。有曠致。又北上三里。始躋絕頂。有真武廟三楹。側一井甚瑩。曰御井。宋真宗避暑所瀆也。



飯真武廟中。問下山道。導者曰。正道從萬歲峰抵麓。二十里。從西溝懸溜而下。可省其半。然路極險峻。予喜。色謂嵩無奇。以無險耳。亟從之。遂策杖前。始猶依岩凌石。披叢條以降。既而從向石峽溜中直下。仰望夾崖逼天。先是峰頂霧滴如雨。至此漸開。景亦漸奇。然皆垂溝脫磴。無論不能行。且不能止。愈下崖勢愈壯。一峽窮。復轉一峽。吾目不使旁瞬。吾足不容求息也。如是十里。始出峽。抵平地。得正道。過無極洞。西越嶺。趨草莽中。五里得法皇寺。有金蓮花為持產。他處所無。山雨忽來。遂借榻僧寮。其東石峰夾峙。每月初生。正從峽中出。所稱嵩門待月也。計予所下之峽。即在其上。今生對之。祇覺雲氣出沒。安知身自此中來也。

二十言出山。東行五里。抵嵩陽宮廢址。惟三將軍栢鬱然如山。漢所封也。大者圍七人。中者五。小者三。栢之北。有空三楹。祠二程先生。栢之西。有舊殿石柱一。大半沒於土。上多宋人題名。可辨者為范陽祖無擇。上谷寇武仲。及蘇才翁數人而已。栢之西南。雄碑傑



然。四面刻蛟螭甚精。右則為唐碑。裴迥撰文。徐浩八  
分書也。又東二里。通崇福宮故址。又名萬壽宮。為宋  
宰相提點處。又東為啟母石。大如數間屋。側有一平  
石如砥。又東八里。還飯岳廟。看宋元碑。西八里。入登  
封縣。西五里。從小徑西北行。又五里。入會善寺。茶榜  
在其西小軒內。元刻也。後有一石碑仆墻下。為唐貞  
元戒壇記。汝州刺史陸長源撰文。河南陸郢書。又西  
為戒壇廢址。石上刻鏤極精工。俱斷委草礫。西南行  
五里。出大路。又十里至郭店。折而西南為少林道。五

里入寺。宿瑞光上人房。

二十三。雲氣俱盡。入正殿。禮佛畢。登南寨道。南寨者  
少室絕頂。高與太室等。而峰巒峭拔。負九鼎蓮花之  
名。俯環其陽者為九乳峰。蜿蜒東接太室。其陰則少  
林寺在焉。寺甚整麗。庭中新舊碑森列成行。俱完善。  
夾墀二松。高偉而整。如有尺度。少室橫峙於前。仰不  
能見頂。游者如面墻而立。輒謂少室以遠勝。余昨暮  
入寺。即問少室道。俱謂雪深道絕。必無往。凡登山。以  
晴朗為佳。余登太室。雲氣瀰漫。或以為與山無緣。不

湯作汝

或以為仙室見拒



此處可當小通達之全鳥身也

知此山魁梧。正頂止露半面。若少室工于掩映。雖微  
且點滓。今山霽甚。此緣也。鳥可阻。乃從寺南渡  
澗登山。六七里得二祖菴。山至此忽截然。土盡而石  
。崖下墜成坑。半有泉。突石飛下。亦以珠簾名之。  
余策杖獨前。愈下愈不得路。久之乃達。其岩雄拓不  
如盧岩。而深峭逆之。岩下深潭泓碧。僵雪四積。再上  
至煉丹臺。三面孤懸。斜倚翠壁。有亭曰小有天。探幽  
之履。從未有抵此者。過此皆從石脊仰攀直躋。兩旁  
危崖萬仞。石脊懸其間。殆無寸土。手與足代匱。而後

南行作南上

得升。凡七里。始躋大峰。勢寬衍。向之危石。又截然  
忽盡為土。從草棘中莽。南行約五里。遂凌南寨頂。  
屏翳之土始盡。南寨實少室北頂。自少林言之。為南  
寨。云。蓋其頂中裂。橫界南北。頂若展屏。南頂列戟  
峙。其前相去僅尋丈。中為深崖。直下如剖。兩峽夾中。  
坑底特起一峰。高出諸峰上。所謂摘星臺也。為少室  
中央。絕頂與北崖離倚。彼此斬絕。不可度。俯矚其下。  
一絲相屬。余解衣從之。登其上。則南頂之九峰。森立  
於前。北頂之半壁。橫障於後。東西皆深坑。俯不見底。

A 1 2 3 4 5 6 M 8 9 10 11 12 13 14 15 B 17 18 19



知此山魁梧。正頂止露半面。若少室工于掩映。雖微  
雲豈宜點滓。今山霽甚。此綠也。烏可阻。乃從寺南渡  
澗登山。六七里得二祖菴。山至此忽截然。土盡而石  
。崖下墜成坑。半有泉。突石飛下。亦以珠簾名之。  
余策杖獨前。愈下愈不得路。久之乃達。其岩雄拓不  
如盧岩。而深峭過之。岩下深潭泓碧。僵雪回積。再上  
至煉丹臺。三面孤懸。斜倚翠壁。有亭曰小有天。探幽  
之屐。從未有抵此者。過此皆從石脊仰攀。直躋兩旁  
危崖萬仞。石脊懸其間。殆無寸土。手與足代匱。而後  
得升。凡七里。始濟大峰。勢寬衍。向之危石。又截然  
忽盡為土。從草棘中薈。南行約五里。遂凌南寨頂。  
屏翳之土始盡。南寨實少室北頂。自少林言之。為南  
寨云。蓋其頂中裂。橫界南北。頂若展屏。南頂列戟  
峙。其前相去僅尋丈。中為深崖。直下如剖。兩峽夾中。  
坑底特起一峰。高出諸峰上。所謂摘星臺也。為少室  
中央。絕頂與北崖離倚。彼此斬絕不可度。俯矚其下。  
一絲相屬。余解衣從之。登其上。則南頂之九峰。森立  
於前。北頂之半壁。橫障於後。東西皆深坑。俯不見底。



罡風乍至。幾假翰飛去。從南寨東北轉。下土山。忽見  
虎跡大如升。草莽中行五六里。得茅菴。擊石炊所携  
米為粥。啜三四碗。飢渴霍然去。倩菴僧為引龍潭道。  
下一峰。脊漸窄。土石間出。棘蔓翳之。懸枝以行。忽  
石削萬丈。勢不可度。轉上。躋望峰。勢蜿蜒處趨下。而石  
削復如前。往復不啻數里。乃迂過一坳。又五里而道  
出。則龍潭溝也。仰望前。迷路處。危崖欹石。俱在萬仞  
峭壁上。流泉噴薄。其中崖石之陰。森蘄叢者。俱散成  
霞綺。峽夾澗轉。兩崖靜室。如蜂房燕壘。凡五里。一龍  
潭。沉碧淵涵。深不可規。以丈。又經二龍潭。遂出峽。宿  
少林寺。

二十四。曾從寺西北行。過甘露臺。又過初祖菴。北四里  
上五乳峰。探初祖洞。深二丈。澗殺之。達摩九年面  
壁處也。洞門下臨寺。面對少室。地無泉。故無棲者。下  
至初祖菴。中供達摩影石。高不及三尺。白質黑  
章。儼然胡僧立像。中殿六祖手植栢。抱已三人圍。碑  
言自廣東置鉢。中携至者。夾墀二松。亞少林。少林松  
栢俱修偉。不似岳廟偃仆盤曲。此松亦然。下至甘露

A 1 2 3 4 5 6 M 8 9 10 11 12 13 14 15 B 17 18 19



臺。土阜矗起。上有藏經殿。下臺歷殿三重。碑碣散布。目不暇接。後為千佛殿。雄麗罕匹。出飯瑞光上人舍。策騎驅登封道。過轅轅嶺。宿大屯。

二十五。西南行五十里。山岡忽斷。即伊闕也。伊水南來。經其下。深可浮數石舟。伊闕連岡。東西橫亘。水上編木橋之。渡而西。崖更危聳。一山皆闢為崖。滿崖鑄佛其上。大洞數十。高皆數十丈。大洞外峭崖直入山頂。俱刊小洞。俱刊佛其內。雖尺寸之膚。無不滿者。望之不可計數。洞左泉自山流下。匯為方池。餘瀉入伊川。山高不及百丈。而清流淙淙。不絕。為此地所難。伊闕摩肩接轂。為楚豫大道。西北歷關陝。余由此取西岳道去。

游太華山日記

西安府華陰縣

二月晦。入潼關。三十五里。稅駕西岳廟。黃河從朔漠南下。至潼關折而東。關正當河山隘口。北瞰河流。南連華岳。惟此一線為東西大道。以百雉鎖之。舍此而北。必渡黃河。南必趨武關。而華岳以南。峭壁層崖。無可度者。未入關。百里外。即見太華峯出雲表。及入關。



反為岡隴所蔽。行二十里。忽仰見芙蓉片。直造其  
下。不特三峰秀絕。而東西攢擁諸峰。俱片峭層懸。惟  
北面時有土岡。至此盡脫山骨。競發為極勝處。  
三月初一日。謁西岳神。登萬壽閣。向岳南趨十五里。  
入雲臺觀。覓導於十方菴。由峪口入。兩崖壁立。一溪  
中出。玉泉院當其左。循溪隨峪行十里。為莎羅宮。路  
始峻。又十里為青柯坪。路少坦。五里過寥陽橋。路遂  
絕。攀鎖上千尺幢。再上百尺峽。從崖左轉。上老君犁  
溝。過猢猻嶺。去青柯五里。有峰北懸深崖中。三面絕  
壁。則白雲峰也。捨之南上蒼龍嶺。過日月岩。去犁溝  
又五里。始上三峰。足望東峰側而上。謁玉女祠。入迎  
陽洞。有道士李姓者。留余宿。乃以餘晷上東峰。昏返  
洞。  
初二日。從南峰北麓上峰頂。懸南崖而下。觀避靜處。復  
上直濟峰絕頂。上有小孔。道士指為仰天池。旁有黑  
龍潭。從西下。復上西峰。上石聳起。有石片覆其上。  
如荷葉。旁有玉井。甚深。以閣掩其上。不知何故。還飯  
於迎陽。上東峰。懸南崖而下。一小臺峙絕壑中。是為



棋盤臺。既上別道士。從舊路下。觀白雲峰。聖母殿在  
焉。下至莎羅坪。暮色逼人。急出峪。黑行三里。宿十方  
菴。出青柯坪。左上有杯渡菴。毛女洞。出莎羅坪。右上  
有上方峰。皆華之支峰也。路俱峭削。以日暮不及登。  
初三行十五里。入岳廟。西五里出華陰西門。從小徑西  
南二十里。入泓峪。即華山之西第三峪也。兩崖參天  
而起。夾立甚隘。水奔流其間。循澗南行。倏而東折。倏  
而西轉。蓋山壁片削。俱犬牙錯入。行從牙罅中。宛轉  
如江行。調艖然。二十里宿于木柅。自岳廟來四十五  
里矣。

為華陽洛南界

初四行十里。山峪既窮。遂上泓嶺。十里躡其巔。北望  
太華。兀立天表。東瞻一峰。嵯峨特異。土人云賽華山。  
始憶西南三十里有少華。即此山矣。南下十里。有溪  
從東南注西北。是為華陽川。溯川東行十里。南登秦  
嶺。為華陰洛南界。上下共五里。又十里為黃螺舖。循  
溪東南下。三十里宿揚氏城。  
初五行二十里。出石門山。始開。又七里。折而東南。入  
隔九峪。西南二十里。即洛南縣峪。東南三里。越嶺行



峪中十里出山。則洛水自西而東。即河南所渡之上流也。渡洛復上嶺。曰田家原。五里下峪中。有水自南來入洛。溯之八十五里為景村。山復開。始見稻畦。過此仍溯流入南峪。南行五里。至草樹溝。山空日暮。借宿山家。自岳廟至木柵。俱西南行。過華陽川。則東南矣。華陽而南。溪漸大。山漸開。然對面之峰崢嶸也。下秦嶺。至楊氏城。兩崖忽開。忽合。一時互見。又不比木柵峪中。兩崖壁立。有迴曲無開合也。

初嘗越嶺兩重。凡二十五里。飯塢底。至其西行道。即向洛南者。又東南十里入商州界。去洛南七十餘里矣。又二十五里上蒼龍嶺。蜿蜒行嶺上。兩溪屈曲夾之。五里下嶺。兩溪適合。隨溪行。老君峪中。十里暮雨忽至。投宿於峪口。

初七<sup>日</sup>五里出峪。大溪自西注於東。循之行十里。龍駒寨。東去武關九十里。西向商州。即陝西間道。馬騾商貨不讓潼關道中。溪下板船。可勝五石舟。水自商州西至此。經武關之南。歷胡村。至小江口入漢者也。遂趨覓舟。甫定。雨大注。終日不休。舟不行。



初八舟子以取鹽故。久乃行。雨後怒溪如奔馬。兩山  
夾之。曲折縈迴。轟雷入地之險。與建溪無異。已而雨  
復至。午抵影石灘。雨大作。遂泊於小影石灘。  
初九日行四十里。過龍關五十里。北一溪來注。則武關  
之流也。其地北去武關四十里。蓋商南境矣。時浮雲  
已盡。麗日乘空。山色重叠競秀。怒流送舟。兩岸濃桃  
艷李。色俱飛舞。出坐船頭。不覺欲仙也。又八十里。日  
纔下午。榜人以所帶鹽化遷柴竹。屢止不進。夜宿於  
山涯之下。

初十<sup>日</sup>五十里。下蓮灘。大浪撲入舟中。傾囊倒篋。無不  
沾濡。二十里過百姓灘。有峰特立溪右。崖為水所摧。  
沾、欲墮。出蜀西樓。山峽少開。已入南陽浙川境。為  
秦豫界。三十里過胡村。四十里抵石廟灣。登崖投店。  
東南去均州上太和。蓋一百三十里云。

游太和山日記 即武當山在湖廣襄陽府均州

十一日。登仙猿嶺。十里餘有枯溪小橋。為鄖縣境。乃河  
南湖廣界。東五里有池一泓。曰青泉。上源不見。所自  
來。而下流淙、地又屬浙川。蓋二縣界址相錯。依山



谿曲折。路經其間。故也。五里。越一小嶺。仍為鄭縣境。嶺下有玉泉觀龍潭寺。一溪溜。自西南走東北。蓋自鄭中來者。渡溪南上九里岡。經其脊而下。為蟠桃嶺。溯溪行塢中十里。為葛九溝。又十里。登土地嶺。南則均州境。自此連踰山嶺。桃李繽紛。山花夾道。幽艷異常。山塢之中。居廬相望。沿流稻畦。高下鱗序。不似山陔間矣。但途中蹊徑狹。行李甚鮮。且聞虎暴。日方下春。竟止塢中曹家店。十二五里。上火龍嶺。下嶺隨流出峽。四十里。下行頭

岡十五里。抵紅粉渡。漢水汪然西來。崖下蒼壁懸空。清流遶面。循漢東行。抵均州。靜樂宮當州之中。踞城之半。規製宏整。停行李於南城外。定計明晨登山。十三騎而南趨。石道平敞。三十里。越一石梁。有溪自西東注。即太和下流入漢者。越橋為迎恩宮。西向前有碑大書第一山三字。乃米襄陽筆。書法飛動。當亦第一。又十里。過草店。襄陽來道亦至此。合路漸西向。過真宮。越兩隘。下八塢中。從此西行數里。為趨玉虛南躋上嶺。則走紫霄間道也。登嶺自草店至此。共



十里為回龍觀。望岳頂青紫挿天。然相去尚五十里。滿山喬木夾道。密布上下。如行綠幕中。從此沿山行。下而復上。共二十里。過太子坡。又下入塢中。有石梁跨溪。是為九渡澗。下流上為平臺十八盤。即走紫霄登太和大道。左入溪。即遡九渡澗。向瓊臺觀及八仙羅公院諸路也。峻登十里。則紫霄宮在焉。紫霄前臨禹迹池。背倚展旗峰。層臺傑殿。高敞特異。入殿瞻謁。由殿右上躋。直造展旗峰之西。峰畔有太子洞。七星岩。俱不暇問。共五里。過南岩之南天門。舍之西。度嶺

謁柳仙祠。與南岩對峙。前有柳樹特大。無寸膚。赤幹聳立。纖芽未發。傍多柳梅。樹亦高聳。花色深淺如桃杏。蒂垂絲作海棠狀。梅與柳本山中兩種。相傳元帝挿梅寄柳。成此異種。云共五里。過虎頭岩。又三里。抵斜橋。突峰懸崖。屢。而是徑多循峰隙上。五里至三天門。過朝天宮。皆石級。曲折上躋。兩旁以鉄柱懸索。由三天門而二天門。一天門。率取徑。峰回闌懸。級直上。路雖陡峻。而石級既整。攔索鈎連。不似華山懸空飛渡也。太和宮在三天門內。日將晡。竭力造金頂。



所謂天柱峰也。山頂衆峰皆如覆鐘峙焉。離、攢立。天柱中懸。獨出衆峰之表。四旁蕪絕。峰頂平處縱橫。止及尋丈。金殿峙其上。中奉元帝及四將。爐案供具。悉以金為之。督以一千戶。一提點。需索香金。不啻禦奪。余八叩。門已闔。竟托宿太和宮。

十習更衣上金頂。瞻卽畢。天氣開朗。下瞰諸峰。近者鷓峙。遠者羅列。誠天眞奧區也。遂從三天門之右。小徑下峽中。此徑無級。無索。亂峰離立。路穿其間。甚覺幽勝。三里餘。抵蠟燭峰。右泉涓涓。溢出路旁。下為蠟

燭澗。循澗右行三里餘。峰嵒山轉。下見平丘中開。為上瓊臺觀。其旁擲梅數株。大皆合抱。花色浮空映山。絢爛。岩石地既幽絕。景復躋勝。余求擲梅實。觀中道士。噤不敢答。既而曰。此朝廷禁物。前有人携出。三四枚。道流珠連。破家者數人。余不信。求之益力。出數枚。畀余。皆已黝爛。且訂無令人知。及趨中瓊臺。余復求之。主觀仍辭謝。弗有。因念由下瓊臺而出。可往玉虛岩。便失南岩紫霄。奈何得一失二。不若仍由舊徑上。至路旁泉溢處。左越蠟燭峰。去南岩應較近。忽後有



追呼者。則中瓊臺小黃冠。以師命促予返。主觀握手  
曰。公渴求珍植。幸得而枚。少慰公懷。但一洩於人罪  
立至矣。出而視之。體伴金橘。澆以蜂液。金相玉質。非  
凡品也。珍謝別去。復上三里餘。直造蠟燭峰。四中峰  
參差廉利。人影中度。兀欲動。既度。循崖宛轉。連越  
數重。峰頭土石。徃。隨地異色。既而聞梵誦聲。則仰  
見峰頂。遙。上懸。已出朝天宮右矣。仍下八里。造南  
岩之南。天門。趨謁正殿。右轉入後殿。轟崖嵌空。如懸  
廊。複道。蜿蜒山半。下臨無際。是名南岩。又名紫霄岩。

為三十六岩之最。對面天柱峰。自岩還至殿左。歷級  
塢中。數抱松杉。連陰挺秀。塢中層臺孤懸。高峰四眺。  
是名飛昇臺。暮返宮。賄其小徒。復得榔梅六枚。明日  
再索之。不可得矣。

十五。從南天門宮左。趨雷公洞。在懸崖間。余欲返  
紫霄。由太子岩。歷不二菴。抵五龍。輿者謂迂曲不便。  
不若由南岩下竹筥橋。可覽滴水岩。仙侶岩。諸勝。乃  
從北天門下。一徑陰森。滴水仙侶二岩。俱在路左。飛  
崖上突。泉滴瀝於中。可容室。皆祠真武。至竹筥橋。



乃依山越嶺

始有流泉聲。然不隨澗行。依山越嶺。一路多突石危岩。間錯於亂葭叢翠中。時放擲梅花。映耀遠近。過白雲仙。龜諸岩。共二十餘里。循級直下澗底。則青羊橋也。澗即竹筴橋。下流兩崖。薊蔥蔽日。清流延迴。橋跨其上。不知流之所去。仰視碧落。正同甕口。渡橋直上。攢天嶺。五里抵五龍宮。規製與紫霄南岩相伯仲。殿後登山里許。轉入塢中。得自然菴。已還至殿右。折下塢中。二里得凌虛岩。倚重巒臨絕壑。面對桃源洞。諸山嘉木。尤深密。紫翠之色。映彩如圖畫。為希夷

互映以周畫

解系珠絕

習靜處。前有傳經臺。孤岫壑中。可與飛昇作並。還過殿左。登擲梅臺。即下山。至草店。華山四面皆石壁。故峰麓無喬枝異幹。直至峰頂。則松栢多合。三人圍者。松悉五鬣。實大如蓮。間有未墮者。採食之。鮮香異常。太和回山環抱。百里內密樹森植。蔽日參天。至近山數十里內。則異杉老栢。合三人抱者。連絡山塢。蓋國禁也。蒿少之間。平麓上至絕頂。樵伐無遺。獨三將軍始花。柳色依。向人。入潼關。則驛路既平。垂楊夾道。

每字下脫六谷原候同真異而

然傑出耳。又余出蒿少。始見麥畦青。至陝州杏



始有流泉聲。然不隨澗行。依山越嶺。一路多突石危岩。間錯於亂蕨叢翠中。時放擲梅花。映耀遠近。過白雲仙龜諸岩。共二十餘里。循級直下澗底。則青羊橋也。澗即竹筴橋下流。兩崖薈蔥蔽日。清流延迴。橋跨其上。不知流之所去。仰視碧落。正同甕口。渡橋直上。攢天嶺。五里抵五龍宮。規製與紫霄南岩相伯仲。殿後登山里許。轉入塢中。得自然菴。已還至殿右。折下塢中。二里得凌虛岩。倚重巒臨絕壑。面對桃源洞諸山。嘉木尤深密。紫翠之色。映彩如圖畫。為希夷

習靜處。前有傳經臺。孤岫壑中。可與飛昇作並。還過殿左。登擲梅臺。即下山。至草店。華山四面皆石壁。故峰麓無喬枝異幹。直至峰頂。則松栢多合。三人圍者。松悉五鬣。實大如蓮。間有未墮者。採食之。鮮香異常。太和回山環抱。百里內密樹森植。蔽日參天。至近山數十里內。則異杉老栢。合三人抱者。連絡山塢。蓋國禁也。嵩少之間。平麓上至絕頂。樵伐無遺。獨三將軍樹。巍然傑出耳。又余出嵩少。始見麥畦。青至陝州。杏始花。柳色依。向人。入潼關。則驛路既平。垂楊夾道。



黎李參差矣。及轉入泓峪。層冰積雪。猶滿澗谷。真春風所不度也。過塢底空。復見杏花。出龍駒寨。桃雨柳烟。所在都有。忽憶日已清明。不勝景物悴情。遂自草店。越二十四日。浴佛後一日抵家。以太和榔梅為老母壽。

此記刊在石天公後記下

游五臺山日記

山西太原府五臺縣

癸酉七月

七月二十八日出都為五臺游。越八月初四抵阜平南關山。自唐縣來。至唐河始。密至黃葵。漸開。勢不甚穹。窳矣。從阜平西南過石梁。西北諸峰。復轟然起。循溪

作嶽崛起

左北行八里。小溪自西來注。乃捨大溪。溯西溪北轉。山峽漸束。又七里。飯於太子鋪。北行十五里。溪聲忽至。迴顧右崖。石壁數十仞。中凹如削。瓜直下。上亦有凹。乃瀑布所從溢者。今天旱無瀑。痕猶在削凹間。離澗二三尺。泉從凹間細孔泛溢。出下遂成流。再上踰鞍子嶺。上四眺。北塢頗開。東北西北高峰對峙。俱如仙掌。揀天惟直北一隙少殺。復有遠山橫其外。即龍泉關也。去此尚四十里。嶺下有水從西南來。初隨之北行。已而溪從東峽中去。復踰一小嶺。則大溪



從西北來。其勢甚壯。亦從東南峽中去。當即與西南之溪合流。出阜平北者。余初過阜平。捨大溪而西。以為西溪即龍泉之水也。不謂西溪乃出鞍子嶺四壁踰嶺而復與大溪之上流遇。大溪則出自龍泉者。溪有石梁曰萬年。迺之溯流望西北高峰西趨。十里逼峰下。為小山所掩。反不睹嶙峋之勝。轉北行。向所望東北高峰。瞻之愈出。趨之愈近。峭削之姿。遙々逐人。二十里之間。應接不暇。是峰名五岩寨。又名吳王寨。有老僧廬其上。已而東北峰下。溪流溢出。與龍泉大溪會。土人構石梁於上。非龍關道所經。從橋左北行八里。時遇崩崖矗立於溪上。又二里。重城當隘口。為龍泉關。

初五進南關。出東關。北行十里。路漸上。山漸奇。泉聲漸微。既而石路陡絕。兩崖危峰峭壁。合沓攢奇。山樹與石競麗錯綺。不復知升陟之煩也。如是五里。崖逼處復設石關二重。又直上五里。登長城嶺絕頂。迴望遠峰極高者。亦伏足下。兩旁迤峰擁護。惟南來一線有山隙。徹目百里。嶺之上。巍樓雄峙。即龍泉上關也。



關內古松一株。枝聳葉茂。千雲俊物。闕之西。即為山。西五臺縣界。下嶺甚平。不及所上十之一。十三里為舊路嶺。已在平地。有溪從西南來。至北隨山。向西北去。行亦從之。十里五臺水自西北來。會合流注。潯沱河。乃循西北溪數里。為天池庄。北向塢中二十里。適白頭菴村。去南臺止二十里。四顧山谷。猶不可得其彷彿。又西北二里。路左為白雲寺。由其前南折。攀躋四里。折上三里。至千佛洞。乃登臺間道。又折而西行。三里始至。

出作吐

初。奮怒風起。滴水皆冰。風止日出。如火。硃湧出翠葉中。循山半西南行。四里踰嶺。始望南臺在前。在上為燈寺。由此路漸峻。十里登南臺絕頂。有文殊舍利塔。北面諸臺環列。惟東南西南少有隙地。正南。古南臺在其下。遠則孟縣諸山屏峙而東。與龍泉爭雄接勢。從臺右道而下。遂頗夷。可騎循。西嶺西北行。十五里為金閣嶺。又循山左西北下五里。抵清涼石。寺宇幽麗。高下如圖畫。有石為芝形。縱橫各九步。上可立四百人。面平而下銳。屬於下石者無幾。從西北歷棧拾



級而上。十二里抵馬跑泉。在路隅山窩間。石隙僅容半蹄。水從中溢出。窩亦平敞可寺。而馬跑寺反在泉側一里外。又平下八里。宿於獅子窠。初七日。西北行十里。渡化度橋。一峰從中臺下。兩旁流泉淙淙。幽靚異常。復渡其右澗之橋。循山西向而上。路欹甚。又十里。登西臺之頂。日映諸峰。各獻態呈奇。其西面。近則閉魔岩。遠則雁門關。歷歷可俯而挈也。閉魔岩在四十里外。山皆陡崖盤亘。層累而上。為此中奇處。入叩佛龕。即從臺地下三里。為八功德水。寺北面左為維摩閣。下二石臺聳起。閣架於上。閣柱長短。隨石參差。有竟不用柱者。其中為萬佛閣。佛俱金碧旃檀。羅列輝映。不啻萬尊。前後有閣二重。俱三層。其周廬環閣亦三層。中架複道。往來空中。當此萬山艱阻。非神力不能運此。從寺東北行五里。至大道。又十里。至中臺。望東臺南臺。俱在五六十里外。而南臺外之龍泉。反若更近。惟西臺北臺。相與連屬。時風清日麗。山開列如鬚眉。予先趨臺之南。登龍翻石。其地亂石數萬。湧起峰頭。下臨絕塢。中懸獨聳。為文



殊放光攝影地。從臺北直下者四里。陰崖冰數百丈。日萬年冰。其塢中亦有結廬者。初寒無幾。臺間冰雪。種。而是。聞雪下於七月二十七日。正予出都時也。行四里。北上澡浴地。又北上十里。宿於北臺。北臺比諸臺為較峻。予乘日色。周眺寺外。及入寺。日落而風大作。

初。台。老僧石堂。送予。歷指諸山。曰。北臺之下。東臺。西中臺。中南臺。北有塢。曰。臺灣。此諸臺環列之概也。其正東稍北。有浮青特銳者。恒山也。正西稍南。有連嵐一抹者。雁門也。直南諸山。南臺之外。惟龍泉為獨雄。直北俯內外二邊。諸山如蓓蕾。惟茲山之北。護峭削層疊。嵯峨之勢。獨露一斑。此北臺歷覽之概也。此去東臺四十里。華嚴嶺在其中。若探北岳。不若竟由嶺北下。可省四十里。登降予領之。別而東。直下者八里。平下者十二里。抵華嚴嶺。由北塢下十里。始夷一澗。自北一澗。自西兩澗。合而羣峰。湊深壑中。一壺天也。循澗東北行二十里。曰野子塢。南自白頭菴至此。數十里。内生天花菜。出此則絕種矣。由此向崖。屏列焉。



峙。雄峭萬狀。如是者十里。石崖懸絕中。層閣傑起。則懸空寺也。石壁尤奇。此謂北臺外護山。不從此出。幾不得臺山神理云。

游恒山日記 山西大同府渾源縣

去北臺七十里。山始豁然。曰東底山。臺山北盡。即屬繁峙界矣。初九日出南山。大溪從山中來者。俱別而西去。予北馳平陸中。望外界之山。高不及臺山十之四。其長繚繞如垣。東帶平邢。西接雁門。橫而徑者十五里。北抵山麓。渡沙河。即為沙河堡。依山瞰流。磚甃

高整。由堡西北七十里。出小石口。為大同西道。直北六十里。出北路口。為大同東道。予從堡後登山。東北數里。至峽口。有水自北而南。即下注沙河者也。循水入峽。與流屈曲。荒谷絕人。數里義興寨。數里朱家坊。又數里至葫蘆嘴。舍澗登山。循嘴而上。地復成塢。溪流北行。為渾源界。又數里為土嶺。去州尚六十里。西南去沙河共五十里矣。遂止居民仝姓家。初十日循南來之澗。北去三里。有澗自西來。合共東北折而去。予溯西澗入。又一澗自北來。遂從其西登嶺。



嵯峨脫飲嵌二字

刊本係係以天九尤左右

道甚峻。北向直上者六七里。西轉又北躋而上者五  
六里。登峰而重。造其巔。是名箭筈嶺。自沙河登山涉  
澗。盤旋山谷。所值皆土。魁荒阜。不意至此而忽躋穹  
窿。然嶺南猶復阿蒙也。一踰嶺北。瞰東西峰連壁墮。  
翠蜚丹流。其盤空環映者。皆石也。而石又皆樹石之  
色。一也。而神理又各分妍。樹之色不一也。而錯綜又  
成合錦。石得樹而嵯峨者。幙以藻績而愈奇。樹得石  
直下至阮底。則奔泉一整。自南注北。遂與之俱出塢

削作峭

口。是名龍峪口。堡臨之。村居頗盛。皆植梅杏。成林蔽  
麓。既出谷。復得平陸。其北又有外界山環之。長亦自  
東而西。東去渾源州三十里。西去應州七十里。龍峪  
之臨外界。高阜遠近。一如東底山之視沙河峽口。諸  
山也。於是沿山東向。望峪之東。山愈嶙嶒。斗削。問知  
為龍山。龍山之名。舊著於山西。而不知與恒岳比肩。  
至是既西涉其闡域。又北攬其面目。後不意中得之。  
可當五臺桑榆之收矣。東行十里。為龍山大雲寺。南  
面向山。又東十里有大道往西北。直抵恒山之麓。



道甚峻。北向直上者六七里。西轉又北躋而上者五  
六里。登峰而重。造其巔。是名箭筈嶺。自沙河登山。涉  
澗。盤旋山谷。所值皆土甌荒阜。不意至此而忽躋穹  
窿。然嶺南猶復阿蒙也。一踰嶺北。瞰東西峰連壁墮。  
翠蜚丹流。其盤空環映者。皆石也。而石又皆樹石之  
色。一也。而神理又各分妍。樹之色不一也。而錯綜又  
成合錦。石得樹而崆峒者。漠以藻績而愈奇。樹得石  
而平鋪倒蟠者。緣以突兀而愈開姿致。如此十五里。  
直下至阮底。則弁泉一整。自南注北。遂與之俱出塢。

口。是名龍峪口。堡臨之。村居頗盛。皆植梅杏。成林蔽  
麓。既出谷。復得平陸。其北又有外界山環之。長亦自  
東而西。東去渾源州三十里。西去應州七十里。龍峪  
之臨外界。高阜遠近。一如東底山之視沙河峽口。諸  
山也。於是沿山東向。望峪之東。山愈嶙嶒斗削。問知  
為龍山。龍山之名。舊著於山西。而不知與恒岳比肩。  
至是既西。涉其闢域。又北攬其面目。從不意中得之。  
可當五臺桑榆之收矣。東行十里。為龍山大雲寺。南  
面向山。又東十里。有大道往西北。直抵恒山之麓。



遂折而從之。去山麓尚十里。望其山。兩峰亘峙。車騎  
接軫。破壁而出。乃大同入倒馬紫荆大道也。循之抵  
山下。兩崖壁立。一澗中流。透鑄而入。逼仄如無所向。  
曲折上下。俱成窈窕。伊闕雙峙。武夷九曲。俱不足以  
擬之也。時清流未泛。行即遡澗。不知何年。兩崖俱鑿  
石坎。大四五尺。深及丈。上下排列。想水溢時。挿木為  
閣道者。今廢已久。僅存二木。懸架高處。猶棟梁之巨  
擘也。三轉。峽愈隘。崖愈高。西崖之半。層樓高懸。曲榭  
斜倚。望之如蜃。此重臺者。懸空寺也。五臺北壁。亦有  
懸空寺。擬此未能具體。仰之神飛。鼓勇獨登。入則接  
閣高下。檻路屈曲。崖既轟削。為天下巨觀。而寺之點  
綴。兼能盡勝。依岩結構。而不為岩石累者。僅此。而僧  
寮位置適序。凡客坐禪。龕明窓。煖榻。尋丈之間。肅然  
中雅。既下。又行峽中者三四轉。則洞門豁然。壑巖掩  
映。若別有一天者。又一里。澗東有門榜三重。高列阜  
上。其下石級數百層。承之。則北岳恒山廟之山門也。  
去廟尚十里。左右皆土山層疊。岳頂杳不可見。止門  
側土人家。為明日登頂計。



十一日風翳盡澄碧如洗策杖登岳面東而上土岡淺阜無攀躋勞蓋山自龍泉來凡三重惟龍泉一重峭削在內而闕以外反土脊平曠五臺一重雖崇峻而骨石聳拔俱在東山底一帶出峪之處其第三重自峽口入山而北西極龍山之頂東至恒岳之陽亦皆藏鋒斂錐一臨北面則峰斗削悉現巖本色一里轉北山皆煤炭不深鑿可得又一里則土石皆赤有虬松雜立道旁亭之曰望仙又三里則崖石漸起松影篩陰是名虎風於是石路縈迴始循崖乘峭而上三里。有傑坊曰朔方第一山。內則官廡廚井俱備。坊右東向拾級上。崖半為寢宮。北為飛石窟。相傳真定府恒山。從此飛去。再上則北岳殿也。上負絕壁。下臨官廡。殿下雲級。插天廡門。上下穹碑。森立。從殿右。上有石窟。倚而室之。曰會仙臺。中像羣仙。環列無隙。予時欲躋危崖。登絕頂。還過岳殿。東望兩崖斷處。中垂草莽者千尺。為登頂間道。遂解衣攀躋。而登二里。出危崖上。仰眺絕頂。猶傑然天半。而滿山短樹。蒙密槎芽。柘竹。但能鉤衣刺領。扳踐輒折。用力



雖勤。若墮洪濤。汨不能出。予益鼓勇上。久之棘盡。始登其頂。時日色澄麗。俯瞰山北。崩崖亂墜。雜樹密翳。是山土山無樹。石山則有。北向俱石。故樹皆在北。渾源州城一方。即在山麓。北眺隔山一重。蒼茫無際。南惟龍泉。西惟五臺。青。與此作伍。近則龍山西亘。夫峰東連。若比肩連袂。下扼沙漠者。既而下西峰。尋前入峽。危崖俯瞰。范。不敢下。忽迴首東顧。有一人飄搖於上。因復上其處。問之。指東南松柏間。望而趨。乃上時寢宮後危崖頂。未幾果得徑南。經松柏林。先從頂上望。松柏葱青。如蒜葉草莖。至此則合抱參天。虎風口之松柏。不啻百倍之也。後崖隙直下。恰在寢宮之右。即飛石窟也。視予前上隘中。止隔崖一片耳。下山五里。由懸空寺危崖出。又十五里至渾源州西關外。

閩游日記

崇禎改元。夔仲春。發興為閩廣游。二十日始成行。三月十一。抵江山之青湖。為入閩登陸道。十五里出石門街。與江郎為面。如故人再晤。十五里至峽口。已暮。



側作竹

又行十五里。宿於山坑。  
十二日二十里。登仙霞嶺。三十五里。登丹楓嶺。南即  
福建界。又七里。西有路越嶺而來。乃江西永豐道。去  
永豐尚八十里。循溪側而東。八里至梨嶺麓。四里登  
其巔。前六里宿於九牧。  
十三日三十五里。過嶺。飯於仙陽。仙陽嶺不甚高。而山  
鵲麗日頗可愛。飯得與三十里抵蒲城。日未晡也。時  
道路俱傳泉興海盜為梗。宜由迤平上永安。予亦久  
蓄至華之興。遂覓迤平舟。

飯後日興

原春以後  
山藥人旅

十四日舟發四十里。至觀前。舟子省家早泊。予遂過浮  
橋。循溪左登金斗山。石磴修整。喬松艷草。種。媚人  
適三亭。入元帝宮。由殿後登嶺。兀。中懸四山環拱。  
重流映帶。風烟漸暝。步。惜別。  
十五日辨色即行。懸流鼓棹。一百二十里。泊水磯。風雨  
徹旦。溪喧如雷。  
十六日六十里。雙溪口。與崇水合。又五十五里。抵建寧  
郡。雨不止。  
十七日水漲數丈。同舟俱閣不行。上午得三板舟。附之。



行四十里太平驛。四十里大橫驛。過如飛馬。三十里  
黯淡灘。水勢奔湧。昔遊鯉湖。過此。但見穹石崿峙。舟  
穿其間。初不謂險。今則白波山立。石悉沒形。險倍昔  
時。十里至延平。

十台。余以輕裝出西門。為玉華洞游。南渡溪。令奴攜  
行囊。由沙縣上水。至永安相待。余陸行四十里。渡沙  
溪。而西。將樂之水。從西來。沙縣之水。自南來。至此合  
流。亦如延平之合建溪也。南折入山。六十里。宿三連  
舖。乃甌寧南平順昌三縣界。

十九日。五里。越白沙嶺。是為順昌境。又二十五里。抵縣  
。臨水際。邵武之水。從西來。通光澤歸化之水。從南  
來。俱會城之東南隅。隔水望城。如溪堤帶流也。循水  
南行。三十里。至杜源。忽雪片如掌。十五里。至將樂境。  
乃揚龜山故里也。又十五里。為高灘舖。陰霾漸舒。碧  
空如濯。旭日照耀。羣峰積雪。有如環玉。閩中以雪為  
奇。得之春末。為尤奇。村氓市媪。俱曝日提爐。而余赤  
足飛騰。良大快也。二十五里。宿於山澗。渡之村家。  
二十日。渡山澗。溯大溪南行。兩山成門。曰莒峽。溪崖不

A 1 2 3 4 5 6 M 8 9 10 11 12 13 14 15 B 17 18 19



受趾循山腰行十里出莒峽鋪山始開又十里入將  
樂出南關渡溪而南東折入山登滕嶺南三里為玉  
華洞道先是過滕嶺即望東南兩峰聳立翠壁嶙峋  
迥與諸峰分形異色抵其麓一尾橫曳迴護洞門  
在山凹間不甚軒豁而森碧上交清流出其下不覺  
神骨俱令山半有明臺菴洞後門所經予時未飯復  
出道左登嶺石磴索松透石三里青芙蓉頓開菴當  
其中飯於菴仍下至洞前門覓善導者乃碎斫松節  
置竹篾中導者肩負之手捉鉄落置松燃火燼輒益

之初入歷級而下者數尺即流所從出也溯流屈曲  
渡木板者數回倏隘倏穹倏上倏下石色或白或黃  
石骨或懸或豎惟荔枝柱風淚燭慢天帳達摩渡江  
仙人田葡萄傘仙鐘和鼓最肖沿流既窮懸級而上  
是稱九重接遙望空濛忽曙色欲采所謂五更天也  
至此最奇恰與張公洞由暗而明者一轍蓋洞門斜  
啟元朗映徹猶未睹天碧也從側嶺仰矚得洞門一  
隙直受圓明其洞口由高而墜弘含奇瑰亦與張公  
同第張公森懸詭麗者俱羅於受明之處此洞眩巧



爭奇。遍布幽巖。而闢戶更拓。兩洞同異。正在伯仲間也。拾級上達洞頂。則穹崖削天。左右若青玉頰。膚實出張公所未備。下山即為田塍。四山環鎖。水出無路。汨然中墜。蓋即洞間之流。此所從入也。復登山半。過明菴。僧曰。是山石骨稜厲。透露虜層。有削玉裁雲態。苦為草樹所翳。故遊者知洞而不知峰。遂導予上拾鳥道。下披蒙茸。得星窟焉。三面峭壁叢懸。下墜數丈。窟旁有野橘三株。垂實纍纍。從山腰右轉一二里。忽兩山夾脊處。棘翳回塞。中有石磴齒。縈迴於懸崖夾石間。仰望峰頂。一笋森。獨秀。遂由洞後穹崖之上。再歷石門。下浴菴中宿焉。

二十一日。仍至將樂南門。取永安道。

二十四。始至永安。舟奴猶未至。

二十五。坐待奴於永安旅舍。乃市順昌酒。浮白樓下。忽呼聲不絕。則延平奴也。遂定明日早行計。

二十六。循城溯溪。東南二十里。轉而南。二十五里。登大泄嶺。岩堯行雲霧中。如是十五里。得平坂。曰林田。時方下午。雨大竟止。林田有兩溪。自南來。東渾如血。



西則一川含綠。至此合流。

二十七。溯赤溪行久之。捨赤溪溯澄溪共二十里。渡坑源上下橋。登馬山嶺。轉上轉高。霧亦轉重。正如昨登大泄嶺時也。五里透其巔。為寧洋界。下五里。飯於嶺頭。時旭日將中。萬峰若引鏡照面。回望上嶺。已不可睹。而下方衆岫駢列。無不獻形履下。蓋馬山絕頂。峰巒自相虧蔽。至此始廓然為南標。詢之土人。寧洋未設縣時。此猶屬永安。今則嶺北水俱北者屬延平。嶺南水俱南者屬漳州。隨山奠川。固當如此。建置也。

其地南去寧洋三十里。西為本郡之龍岩。東為延平之大田云。下山十里。始從坑行。渡溪橋而南。大溪遂東去。踰嶺復隨西來。小溪南行二十里。抵寧洋東郭。遠城北而西。則前之大溪經城南來。恰與小溪會。始勝舟。

二十。台南下。傳盜警。舟不發者兩日。

四月初一日。平明。舟始前。溪從山峽中懸流南下。十餘里。一峰突而西橫。絕溪間。水避而西。復從東折。勢如建瓴。曰石嘴灘。亂石叢立。中開一門。僅容舟。從門



隆高下丈餘。勢屈曲復高下數丈。較黯淡諸灘。大小雖殊懸險更倍之也。衆舟至此俱鱗次以下。每下一舟。中人登岸共以纜前後倒曳之。湏時乃放過。此山峽危逼。複嶂挿天。曲折破壁而下。真如劈翠穿雲也。三十里過館頭。為漳平界。一峰又東突。流復環東西折曰溜水灘。峰連嶂合。飛濤一縷直舟從雲漢。身扶龍湫矣。已而山勢少開。二十餘里為石壁灘。其石自南而突。與流相抵。流不為却。搗擊之勢險與石嘴留水而三也。下此有溪自東北來合。再下夾溪復

自東北來合。溪流遂大。勢亦平。又東二十里則漳平縣也。寧洋之溪懸溜迅急。下倍建溪。蓋浦城至閩安入海八百餘里。寧洋至海澄入海止三百餘里。程愈迫則流愈急。况黎嶺下至延平。不及五百里。而延平上至馬嶺。不及四百而峻。是二嶺之高伯仲也。其高既均。而入海則減雷轟入地之險。宜咏於此。初二日下華封舟。行數里。山勢復合。重灘疊溜。若建溪之太平黯淡者。不勝數也。六十里抵華封北。溪至此皆從石脊懸瀉。舟楫不能過。遂捨舟踰嶺。凡水惟溢

A 1 2 3 4 5 6 M 8 9 10 11 12 13 14 15 B 17 18 19



觴之始。不能浮槎。若既通而下流。反阻者。止黃河之  
三門集津。舟不能上下。然漢唐挽漕。纜跡猶存。未若  
華封自古及今。竟無問津之時。擬沿流窮其險處。而  
居人惟知踰嶺。無能為導。

初三登嶺。十里至嶺巔。則溪水復自西來。下循山麓。  
俯瞰祇一衣帶水耳。又五里。則墮然直下。又二里。抵  
溪。舟行八十里。至西溪。西南陸行。三十里。即漳郡。順  
流東南二十里。為江東渡。乃與泉東來驛道也。又順  
流六十里。則出海澄。入海焉。

初四。輿行二十里。入漳之北門。訪叔司理署。即南靖。  
去郡三十里。遂雨中出南門。下夜船往南靖。  
初五。曉達南靖。以溯流迂曲也。溪自平南來。至南靖  
六十里。勢與西溪同。其浩蕩。經漳郡南門。亦至海澄。  
入海。不知漳之得名。而溪誰執牛耳也。

閩游後記

庚午春。漳州司理叔位赴署。余擬是年暫止遊屐。而  
漳南之使絡繹於道。叔祖念峨翁高年冒暑。坐促於  
家。遂以七月十七日啟行。至日。至武林。二高日渡錢唐。平波不設。如履平地。



二十分至龍游。覓得青湖舟。去衢尚二十里。泊於漳樹潭。

三十日過江山。抵青湖。乃舍舟登陸。循溪覓勝。得石崖於北渚。崖臨迴澗。澄潭漱其址。隙綴茂樹。石色青碧。一見如故。因為余言江山北二十里有左坑。岩石奇絕。探幽之屐。不可不一過。余欣然。返寓已下午。不成行。

八月初一日。冒雨行三十里。一路望江。即片石咫尺不

可見。先擬登其下。北至路口。不果。越山坑嶺。宿於寶安橋。

初二日。登仙霞。越小竿嶺。近霧已收。惟遠峰漫不可見。又十里。飯於二十八都。其地東南有浮蓋山。跨浙閩江西三省。徯處信寧四府之境。危峙仙霞。槩嶺間。為諸峰冠。楓嶺垂西。畢嶺東。障槩嶺。則其南案也。怪石擎雲。飛崖削翠。予每南通小竿。北踰槩嶺。遙瞻丰采。輒為神往。既飯。興不能遏。徧詢登山道。一牧人言由丹楓嶺而上。為大道而遠。由二十八都溪橋之左。越



二十分至龍游。覓得青湖舟。去衢尚二十里。泊於漳樹潭。

三十日過江山。抵青湖。乃舍舟登陸。循溪覓勝。得石崖於北渚。崖臨迴瀾。澄潭漱其址。隙綴茂樹。石色青碧。僧結搆依之。頗覺幽勝。余踞坐石上。有劉姓對予者。一見如故。因為余言江山北二十里。有左坑。岩石奇絕。探幽之屐。不可不一過。余欣然。返寓已下午。不成行。

八月初一日。冒雨行三十里。一路望江。即片石咫尺。不可見。先擬登其下。北至路口。不果。越山坑嶺。宿於寶安橋。

初二日。登仙霞。越小竿嶺。近霧已收。惟遠峰漫不可見。又十里。飯於二十八都。其地東南有浮蓋山。跨浙閩江西三省。衢處信寧四府之境。危峙仙霞。黎嶺間。為諸峰冠。楓嶺。岳。面。畢嶺。東。障。黎嶺。則其南案也。怪石擎雲。飛崖削翠。予每南通小竿。北踰黎嶺。遙瞻羊采。輒為神往。既飯。興不能遏。徧詢登山道。一牧人言由丹楓嶺而上。為大道而遠。由二十八都溪橋之左。越



嶺經白花岩上。道小而近。予聞白花岩蓋喜。即迂道且趨之。况其近也。遂越南橋。行數十步。即由左小路登嶺。三里下嶺。折而南。渡一溪。又三里。轉入南塢。即浮蓋山北麓村也。分溪錯嶺。竹木清幽。里號金竹云。渡木橋。由業紙者籬門入。取小級而登。初皆田畦高。疊漸。直躋危崖。又五里。大石磊落。棋置雲羅。松竹與石爭隙。已入勝地。竹深石轉。中峙一菴。即白花岩也。僧指其後山絕頂巒石甚奇。菴之右岡環轉而左。為裡山菴。由裡山越高岡。兩重轉下山之陽。則大寺

也。又有黎共頂。左有石龍洞。前輒黎嶺。可俯而扶矣。予乃從其右二里。憩裡山菴。裡山至大寺約七里。路小而峻。先躋一岡。約二里。岡勢北垂。越其東。塢下水皆東流。即浦城界。又南上一里。越一岡。循其左而上。是為獅峰。霧重路塞。捨之踰岡。西下。復轉南上二里。又越一岡。其岡左亦可上獅峰。右即可登龍洞頂。乃南向直下。約二里。抵大寺。石痕竹影。白花岩正得其具體。而峰巒環列。此真獨勝。雨阻寺中者兩日。初冒雨為龍洞游。同導僧砍木通道。扳亂磧而上。



霧滿棘銛。帶石籠崖。獐惡如奇鬼。穿鑿透峽。窈窕者。益之詭而藏其嶮。岷嶮者。益之嶮而斂其高。如是二里。樹底晚峭。葶拔踞其內。右有夾壁。離立僅尺。上下如一。似所謂一線天者。不知其即通頂所由也。乃藝火篝燈。匍匐入一罅。夾立而高。亦如外之一線天。第外則頂開而明。此則上合而暗。初入其合處。猶通竅一二。深入則全黑矣。其下水流沙底。濡足而平。中道有片石如舌上吐。直墜夾中。高僅三尺。兩旁貼於洞壁。洞既束肩。石復當胸。無可攀踐。踰之甚艱。再入兩壁愈夾。肩不能容。側身而進。又有石片如前。阻其溢口。高更倍之。予不能登。導僧援之。既登。僧復不能下。脫衣宛轉。久之乃下。予猶側踰石上。亦脫衣奮力。僧從石下掖之。遂得入。其內壁少舒。可平肩。水較泓深。所稱龍池也。仰睇其上。高不見頂。而石龍從夾壁盡處。懸崖直下。洞中石色皆赭黃。而此石獨白石色。掬搗成鱗甲。遂以龍神之。挑燈遍矚而出。石隘處。上逼下礙。入之自上。懸身而墜。其勢猶順。出則自下。側身以透。胸與背既貼。切於兩壁。膝復不能屈伸。石質



刺膚前後莫可懸接。每度一人。急之愈固。幾恐其與石為一也。既出。歛若更生。而嵐氣忽澄。登霄在望。由明峽前行。芟芥開荆。不半里。又得一洞。皆大石層疊。如重接複閣。其中乾爽明透。徘徊久之。復上躋重崖。二里登絕頂。為浮蓋最高處。踞石而坐。西北霧頓開。下視金竹里以東。崩坑墜谷。層層如碧玉輕綃。遠近萬狀。惟頂以南。尚鬱伏未出。循西嶺而下。乃知此峰為浮蓋最東。由此而西。蜿蜒數峰。再伏再起。極於疊石菴。乃為西隅。再下為白花岩矣。既連越二峰。即

裡山趨寺之第三岡也。時予每過一峰。輒一峰開。霽西峰諸石。俱各為披露。西峰盡。又越兩峰。俱有石層疊。又一峰南向。居中前聳二石。一斜而尖。是名犁頭尖石。二石高聳數十丈。堪為江郎支庶。而下俱浮縱疊石數塊。承以石盤。如坐嵌空處。俱可徙倚。此峰南下一支。石多嶙峋。所稱雙筍石。人攢列寺右者。皆其派也。峰後散為五峰。迴環離立。中藏一坪。可廬。亦高峰所罕得者。又西越兩峰。為浮蓋中頂。皆盤石累疊而成。下者為盤。上者為蓋。或數石共肩一石。或一



石復平列數石。上下俱成層臺。雙闕浮蓋。仙壇洵不  
誣稱矣。其石高削無級。不便攀躋。登其巔。羣峰盡出。  
山頂之石。四旁有苔。如髮下垂。嫩綠可愛。西望疊石  
。仙諸勝尚隔三四峰。而日已過午。遂還飯寺中。別  
之。南下十里。即大道。已在黎嶺之麓。登嶺過九牧。宿  
漢梁下街。

初五。下浦城舟。九日。抵延平郡。

初十。復逆流上永安溪。泊榕溪。其地為南平沙縣之  
中。各去六十里。先是浦城之溪水小。而永安之流暴

漲。故順逆皆遲。

十一。舟曲隨山西南行。亂石崢嶸。奔流懸迅。二十里。  
舟為石觸。榜人以竹絲綿紙包片木掩而釘之。止湧  
而已。又十里。溪右一山。瞰溪如伏獅。額有崖。兩重閣。  
臨其上。崖下圓石高數丈。突立溪中。於是折而東。又  
十里。月下上一灘。泊於舊縣。  
十二。山始開。西北二十里。抵沙縣。城南臨大溪。雉堞  
及肩。即溪崖也。溪中多置大舟。而旁為輪。關水以舂。  
西十里。南折山間。右山石骨巉削。而左山夾處有泉。



石復平列數石。上下俱成層臺。雙闕浮蓋仙壇。洵不  
誣稱矣。其石高削無級。不便攀躋。登其巔。羣峰盡出。  
山頂之石。四旁有苔。如髮下垂。嫩綠可愛。西望疊石  
。仙諸勝尚隔三四峰。而日已過午。遂還飯寺中。別  
之南下十里。即大道。已在黎嶺之麓。登嶺過九牧。宿  
溪梁下街。

初五。下浦城舟。九日抵延平郡。

初十。復逆流上永安溪。泊榕溪。其地為南平沙縣之  
中。各去六十里。先是浦城之溪水小。而永安之流暴

漲。故順逆皆遲。

十一。舟曲隨山西南行。亂石崢嶸。奔流懸迅。二十里。  
舟為石觸。榜人以竹絲綿紙包片木掩而釘之。止湧  
而已。又十里。溪右一山。瞰溪如伏獅。額有崖。兩重閣。  
臨其上。崖下圓石高數丈。突立溪中。於是折而東。又  
十里。月下上一灘。泊於舊縣。  
十二。山始開。西北二十里。抵沙縣。城南臨大溪。雉堞  
及肩。即溪崖也。溪中多置大舟。兩旁為輪。關水以舂。  
西十里。南折山間。右山石骨嶮削。而左山夾處有泉。



落四隙如玉筋。又西南二十里。泊洋口。其地路通尤溪。東有山曰里豐。為一邑望<sup>之</sup>。昨舟過伏獅崖。即望而見之。今逸其西而南向。

十三日。西南二十里。漸入山。又二十五里。至雙口。遂折而西北行。五里至橫雙口。溪右一水自北來。永安之溪自南來。至此合。其北來之溪。舟通岩前可七十里。又五里入永安界。曰新凌舖。

十四日。永安境中。始聞猿聲。南四十里為鞏川。上大灘十里。東南行。忽望見溪右峰石突兀。既而直逼其下。

則突兀者轉為參差。為崩削。俱盤亘壁立。為峰為岩。為屏為柱。次第而見。中一峰壁削到底。或大書其上曰凌霄。於是溪左之奇亦若起而爭勝者。已舟折西北。左溪之崖較詭異。而更有出左溪上者。則挑源澗也。其峰排突溪南。上逼層漢。而下瞰迴溪。峰底深裂。流泉迸下。仰其上。曲檻飛欄。遙帶不一。急停舟登焉。循澗而入。而崖僅裂一罅。竹影逼溪內。得橋渡澗。再上有門曰長春圃。亟趨之。則溪南之峰。前所仰眺者。已在其北。乃北上。路旁一石方平如砥。時暮色滿山。



路縱橫不可辨。乃入大士殿。得道人為導。隨之北。即循崖經文昌閣。轉越兩亭。俱懸崖綴壁。從此折入峭夾間。其隙僅分一線。上闢山巔。遠透山北。中不能容肩。鑿之乃受。累級斜上。直貫其中。予所見一線天數處。武夷黃山浮蓋。曾未見若此之大。而逼遠而整者。既而得天一方。四峰攢列。透隙而上。一石方整曰棋坪。中復得一臺。一樹當空。根盤於上。有飛橋架兩崖間。上下壁削。懸空而渡。峰攢石裂。砢然成洞。曰環玉出洞。復由棋坪側。歷西塢而上。得一井。水甚甘冽。躋

峰北隅。有亭甚豁。第北溪下繞。反以逼仄不能俯瞰。由此左下。又有泉一泓。匯為池。以暮不及往。乃南上絕頂。一八角亭。冠其上。復從西路下山。出倚雲關。則石磴垂絕。罅間一下百丈。蓋是山四面斗峭。惟一線為暗磴。百丈為明梯。游者梯下而一線上。始盡奇概。舍此別無可階也。還至大士殿。昏黑難行。道人命徒碎木燃火。送之溪旁。孤燈穿綠塢。幾若陰房燐火。道人云。由長春園二里。有不塵館。旁又有一百丈岩。皆有勝可游。予領之。返舟。促舟子夜行。不可。乃與奴輩



併力剝舟。幸灘無石。月漸朗。二鼓泊廢石梁下。行二十里。去求安止二里。十五里抵城西橋下。橋已毀。而大溪自西來。橋下之溪自南來。依然予遊玉華時也。遠城西而南。溯南來之溪以去。五十里至長倩溪出山右。路循山左。乃舍溪登嶺。越嶺而重。西南過溪橋。五里南過溪鳴橋。又五里直凌西南山角。以為已窮絕頂。其上乃更復穹然。不復上。循山半而南。紆折翠微間。俯瞰山底。溪迴屈曲。惟聞吼怒聲。而深不見水。蓋峻巖削岫。錯立如交。

牙水激其根。上皆叢樹。行者惟見翠葆浮空。非聞水聲。幾以為一山也。久之。偶於樹隙。稍露迴湍。渾赤如血。又五里與赤溪過。又五里止於林田。

十昏沿山二里。有峰自南直下。峰東有小溪。西為大溪。俱北會林田。而注於大煞嶺西者。渡小溪循峰南上。共五里至下橋。遠迤南躋。又八里得上橋。一澗飛空。懸橋而渡。而旁高峰挿天。渡橋路愈峻。十里從山夾中直躋兩高峰之南。登嶺巔。迴視兩高峰。已在履下。計其崇峻。大煞浮蓋。當皆出其下。南下三十五里。



抵寧洋縣。

十七日下舟達華封。

十八日。上午始抵陸。漸登山阪。溪從右去。以灘高石阻。舟不能前也。十里過山麓。又五里跨華封絕頂。溪從其下折而西去。遙望西數里外。灘石重叠。水勢騰激。至有一灘純石。中斷而不見水者。此峽中最險處。自念前以雨阻不能達。今奈何交臂失之。乃北下三里。得村一塢。以為去溪不遠。沿塢西行里許。欲臨溪不得路。始從蔗畦中下。蔗窮。又有蔓植者。花如豆。細莢。

未成。復踐蔓行。土流沙削。不受履。方藉蔓為級。未幾蔓窮。皆荆棘藤刺。叢不能入。初側身投足。不辨高下。時。陷石坎。掛樹杪。既忽得一橫溪。大道沿之。西三里。瞰溪咫尺。灘聲震耳。謂前望中斷之險。必當其處。時大道直西去。通吳鎮羅埠。覓下溪之路。久不得。見一小路。伏叢棘中。乃匍匐就之。初猶有路。影未幾。下皆積葉。高尺許。蛛網翳之。上則棘莽蒙密。鈎髮懸股。百計難脫。比脫。則懸澗注溪。危石叠嵌而下。石皆累空。間。登其上。始復見溪。而石不受足。轉墮深莽。予計不。



得前。乃即從澗水中攀石踐流。遂抵溪石上。其石大如百間屋。側立溪南。溪北復有崩崖壅水。既南避巨石。北激崩塊。衝擣莫容。躍隙而下。即升降懸絕。倒湧逆捲。崖為之傾。身安得通也。踞大石坐。又扳渡溪中突石而坐。望前溪西去。一瀉之勢。險無逾此。久之。溯大溪。踐亂石。山轉處。溪田層級。從之始得路。循而西轉。過所踞溪石二里許。灘聲復沸如前。則又一危磯也。西二里得小路。隨山脊直瞰溪而下。始見前不可下之灘。即在其上流。而嶺頭所望純石中斷之灘。即在其下流。此嘴中懸兩灘間。非至此。則兩灘幾有遁形矣。踰嶺下舟。明日抵漳州司理署。



待前乃即從湖水中。礫石殘流。遠抵溪石。土其石大  
 如百間屋。側立溪南。溪北侵有崩崖。壅水。既南遊  
 自石北。股前現樹。得莫谷。雞隙而下。即升陸。懸絕  
 則清。遂塔崖為。更通。子。若。得。道。也。路。大。石。生。又。拔。皮  
 溪。中。突。出。而。望。之。至。前。溪。石。一。道。之。勢。險。無。適。此。久  
 之。則。大。溪。與。山。山。得。溪。溪。日。漸。漫。從。之。始。得。路。循  
 西。轉。通。階。下。溪。石。上。有。石。如。前。則。人。亦  
 能。盤。行。矣。餘。餘。不。長。日。外。意。既。良。默。嘗。始。見。前  
 溪。時。其。千。計。此。當。時。懸。而。斷。非。至。此。溪。回。轉。矣



國家圖書館 NATIONAL CENTRAL LIBRARY TAIWAN, R.O.C.





A 1 2 3 4 5 6 M 8 9 10 11 12 13 14 15 B 17 18 19




	
登記號	005940
類號	
類別	史部地理類
全書	二函一二册








國家圖書館 NATIONAL CENTRAL LIBRARY, TAIWAN, R.O.C








國家圖書館 NATIONAL CENTRAL LIBRARY TAIWAN, R.O.C.







340502 v.2





刊本至此

游名山記 丙子年

刊本所遊日記

西南游日記一

飲至子夜

余久擬西南游。遷延二載。老至不能待。遂以崇禎九  
至。餘至子夜。乘醉放舟。天未明。抵錫邑。同行者為靜

束裝

行作沿

聞師。

十月初二日。舟至餘杭。登陸。行茗溪北岸。行二十里。渡  
馬橋。為餘杭臨安界。其北可達徑山。西十七里至石  
錦亭。北西去。於潛徽郡道也。予從臨安道。於亭南



2



西去二里抵臨安。西出閔。過皇潭。循山西南行。共十六里。為下圩橋。南可直踰新嶺間道。二十里抵新城。新嶺甚險。無托宿處。乃從迂道。踰橋溯溪。西上二里。宿全張之白玉菴。僧意餘杭人也。聞予負游癖。深夜篝燈淪茗。為談游日本事甚悉。

初四日西二里。過一橋折而南六里。上乾塢嶺。甚坦。東西各崇山峻嶺。獨此峽中夷。南北流分入。若與浙其山過東。忽掉天而起。曰五尖山。循其西麓。西南十二里。石梁跨澗。曰趙安橋。由橋北西溯澗。沿三九山

北麓。入後葉塢。又西十三里。為鉢孟橋。水西自龍門龕出。橋下龕有四仙傳道嶺。在橋西四里。乃於潛境。從橋北轉東南里餘。東即三九洞山。峙其西。環塢一區。皆石峰嶙峋。黑逾點漆。舟楫翠竹。間如錯綺。水穿壁而下。濯石為雪。時凌寒絕溜。而黑崖白峽。處處如着懸瀑。二里渡橋。至洞山東麓。洞山者。自龍門龕南迤邐東來。其石稜銳紋疊。東南山北開二洞。正瞰橋下。予同靜聞西向躡山。沿小澗而上。石皆峽躡壑透。清流漱之。淙石有聲。夾澗兩旁石片湧出。田畦中竹

A 1 2 3 4 5 6 M 8 9 10 11 12 13 14 15 B 17 18 19



樹穿石而出。再上忽一大石當澗立。方重不作透漏態。而細紋密縞。智索鏤工。竹林有菴。曰靈隱菴。後危壁空起。聳翠成疊屏。南即明洞。如軒斯啟。外五柱穿列。正如四明分窻。但四明石色劣下。不能若此列柱。連續也。中一柱上不至簷。一石欲下而下不及柱。相對不接者不可尺。柱旁一樹高撐。至簷端輒遜而反曲。翠色拂簷而上。再南即幽洞。兩洞並啟。為石壁所界。壁輕紅若桃花。八幽洞。口高懸。內若浮橋之覆空。其中空洞無底。人呼輒傳響不絕。二十丈

之後。忽南北洞分水陸。七者拾級而北。如登閣殿。入三十丈轉南。又闢一小閣。其水洞南入一轉。即仙田成畦。塍界分明。水滿其中。初無涸溢。從塍上曲折入。約二十丈。忽水聲潺。乃透入小門。見一溪南來。至此破壑下墜。宛轉無底。又過一峽。透小門旁無緣徑。短衣去襪。溯水躡流。又三十丈。石俱倒垂若蓮花。平沙隘門。忽束忽敞。正如荊溪白鶴洞。而白鶴潛伏山麓。得水為易。此洞高闢山巔。兼水尤奇耳。再入則石洞既盡。滙水一方。又不知滙者何來。墜者何出也。出



洞湖南之溪。二里止太平橋祠中。

初五日。南二里上馬嶺。里許達其巔。嶺以北屬新城。水亦出新城。嶺南則屬於潛縣。在其西北五十里。水由應渚埠出分水縣。下馬嶺南十里。過兌口橋。岐分南。北。上達於潛。可四十里。南則應渚埠道也。兌口之水。北源自於潛。馬嶺之水東來。合而南出。路隨之。八里過板橋。下水自西塢來。與前水合。溯水西走。路可達於潛。及昌化。又南八里。止於唐家拱。南去應渚埠尚二里。原無市肆。担夫以應渚舟下桐廬。必北曲經

此。遂止溪畔。久之得桐廬舟。蓋應渚埠為於潛南界。溪之南即隸分水。於潛之水。北經玉澗橋。昌化之水。西自麻汊埠。俱會於應渚。而水勢始大。顧玉澗橋而上。已不勝舟。麻汊埠而上。小舟直抵昌化。於潛水固不敵昌化也。下舟東南行十里。為分水縣。在溪之西。分水原止一水。東南去。其西山陸行八十里。通淳安。予初欲從陸。為王奴遁去。乃就水道。反向東南。烏初谷。抵蘭溪。與靜聞為金華三洞游。金華之山。橫峙東西。陽臨郡城。浦江在北。西垂盡處為蘭溪。東則義



又先提提  
一段線索  
始清

鳥也。娶水東南。從永康經郡之南門。而西北抵蘭溪。與衢江合。予將登陸行。見溪中一舟。溯流而東。遂附之。水流沙岸中。四山俱遠。丹楓疎密。映壑尤佳。仰瞻北山。兀突天表。若負床立。顧背之東南行。問三洞何在。曰在北。始悟三洞不必至。郡若陸行。便可中道入也。六十里抵金華西門外。初九日。即循城西北行。高下岡隴。十里至羅店。主人具悉北山之半為鹿田寺。其東下者南峙為芙蓉峰。西下者南結三洞。上之西即蘭溪界。予欲由三洞返蘭溪。恐東有別勝。遂望芙蓉峰而趨。自店東北五里得智者寺。寺在芙蓉峰西北山南麓。首刹也。今已凋落。殿中止餘一碑。乃宋陸務觀為智大師建殿撰字。即其手書。碑陰又鐫務觀與大師手牘數首。楷碑行牘。具有風致。恨無榻工。不能得一通為快。寺東菴曰芙蓉。有路可登芙蓉峰。見峰高不及北山半。舍之仍由寺西北登嶺。升陟五里。得清隱菴。由北塢登楊家山。遠其西山。夾中北透而上。則北山絕頂上倚於後。前列楊家山。中開平塢。竹石充隙者。朱淮督山墅也。東



北石壘。蹲伏平莽中。曰石浪。為黃初平叱石處。石上即鹿田寺。闕雞岩在其東二里。過山橋。東下一里。兩峰夾洞。峰石片。排空作雞冠怒起狀。溪流奔躍。其下頗勝。聞岩東下數里。為赤松宮。乃郡城東北所入道。芙蓉峰東坑也。岩北即北山頂。上有棋盤石。攀榛莽而上。約二里。始到石前。有平臺。臺後聳中列室一楹。有洞。冷。從山頂下。溯流再躋。則石硤成門。水從門出。門上更得平壑。所稱西玉壺也。聞其東尚有東玉壺。皆山頭出水之壑。西玉壺之水南下者。歷

棋盤石而潛溢。三洞。北下則從裡水源出。蘭溪。北東玉壺之南下者。水由赤松宮出。金華東下者。出義烏。北下者。出浦江。凡一郡分流。此其眷矣。玉壺一名盤泉。分聳於上者。稱三望。夫文之曰金星峰。摠所謂北

也。仍下返鹿田寺。後以久不。玉方分。臥匿呼山谷。響應。寺俗而臥。

初十日。拉寺僧束炬。從朱壑後西行。一里北登嶺。約里許。一石聳出峰頂。由山石畔循山而東。可達玉壺。踰峰而北。即朝真洞。上開高峰之山西。向穹然。下臨深壑。中居舍。厯落。即下雙洞。龍外居人也。蓋北山自

山作上

A 1 2 3 4 5 6 M 8 9 10 11 12 13 14 15 B 17 18 19



北石壘上蹲伏平莽中曰石浪。為黃初平叱石處。石上即鹿田寺。闕雞岩在其東二里。過山橋東下一里。兩峰夾洞。峰石片上排空作雞冠怒起狀。溪流奔躍其下頗勝。聞岩東下數里為赤松宮。乃郡城東北所入道。芙蓉峰東坑也。岩北即北山頂。上有棋盤石。攀榛莽而上。約二里始到石前。有平臺。臺後聳中列室一楹。有洞冷。上從山頂下溯流。再躋則石硤成門。水從門出。門上更得平壑。所稱西玉壺也。聞其東尚有東玉壺。皆山頭出水之壑。西玉壺之水南下者。厯棋盤石而潛溢三洞。北下則從裡水源出。蘭溪北。東玉壺之南下者。水由赤松宮出。金華東下者。出義烏北下者。出浦江。凡一郡分流。此其卷矣。玉壺一名盤泉。分聳於上者。稱三望尖。文之曰金星峰。摠所謂北山也。反宿鹿田寺。

初十日。拉寺僧束炬。從朱墅後西行。一里北登嶺。約里許。一石聳出峰頂。由山石畔循山而東。可達玉壺。踰峰而北。即朝真洞。上開高峰之山。西向穹然。下臨深壑。中居舍厯落。即下雙洞。龍外居人也。蓋北山自



王壺西來。中支至此而盡。後復一支。西走蘭溪。其層分而南者。一環為龍洞塢。再環為誦堂塢。三環為玲瓏岩塢。而金華之界於是乎盡。玲瓏岩之西。又一環而為鈕坑。再環為白坑。三環為水源洞。而崇崖巨壑。亦於是乎盡。後支層統中支。中支西盡。頽然下墜。初闢為朝真。中墜為水壺。最下及谷底為雙龍。所謂三洞也。洞門俱西。向層累而下。各去里許。山勢斬絕。俯瞰仰眺。各不相及。而洞中水實層注。朝真洞門軒豁。內洞稍窪而下。秉炬深入。左有一隙。如夾室。宛轉隨之。夾窮。有水滴。扈不休。而隙底仍燥。不知水從何去也。出夾室。直窮洞底。則巨石高下。仰眺愈穹。從石隙攀躋下墜。復得巨夾。忽有光一綫。自天而下。洞頂高盤千尺。石隙一規。宛如半月。出內洞。其左復有兩洞。下洞所入無幾。上洞宛轉。亦如夾室。右有懸穴。下窺。想即內洞深墜處。出洞。仍從突石峰頭南下。折而西北。得水壺洞。上門仰如張吻。先投杖。垂炬而下。滾。不見其底。乃扳隙倚空入。忽聞水聲。轟。秉炬從之。則洞之中央。一瀑從空下墜。水花玉屑。從黑暗處耀。



成潔采。水穴石中。莫稔所去。乃依炬四窮。其深陷踰  
朝真。而屈曲少遜。出洞直下里許。則為雙龍洞。上開  
兩門。一南向。一西向。俱為外洞。軒曠宏爽。如穹厦高  
寥。闔闔四啟。非復曲房夾室觀。流水自洞後。穿內門  
西出。徑外洞去。俯水所出處。低覆僅一尺五寸。予借  
一浴盆於洞口潘姥家。解衣赤身伏盆中。推盆而進。  
進隘五六丈。穹然高廣。一石板平架洞中。離地數尺。  
大數十丈。薄僅寸左。則石乳下垂。綺窻翠幙。橫列洞  
中。溯水再進。水竇愈狹。無容入矣。循溪南出羅店。踰

嶺。厯塢。北入東轉。去雙龍約五里。又上山半里。為講  
堂洞。亦有二門。一西北向。一西南向。軒爽高潔。可居  
可憇。其洞涸而不流。渡洞西。踰第二嶺。塢逼嶺下。而  
澗中有水。涼。北來。又渡而西。循嶺北上。外隘中轉。  
是名玲瓏岩。去講堂西。又六里矣。轉而西。逾其嶺。為  
蘭溪界。下嶺為鈕坑。又踰一嶺。曰思山祠。去玲瓏岩  
西。又六里。時日已將隨。問洞源寺道。曰十里。或曰五。隨作  
里。函下嶺。循澗南趨。五里至白坑。又西踰石塔嶺。上  
後高峰之北。即洞源寺。從此嶺穿逕而上。僅里許。而

六里下脫一也字

五

隨作



正道在山前下洞旁。蓋此地亦有三洞。下水源中紫  
上雲曰上洞。其地摠以水源名。故一寺而或名水源。  
或名上洞。而寺與水源洞異地。時昏黑不辨山路。竟  
循大道下山。徑路紛錯。久不得寺。遙望一燈隱。急  
投之。則水春也。其人曰。此地即水源。由此北過洪橋。  
循右嶺而上。可三里。即上洞寺。依其言得至。強寄宿  
焉。

十百不及晨。殮與靜關。從寺後躡磴北上。覓白雲洞。  
逾嶺而北。嶺回忽下。窪如孟磬。披莽從之一洞。呀然

下墜深黑。疑即白雲。仰問樵者曰。此洞牕也。白雲在  
北。乃復上北行。兩山夾中。又環成一窪。大且百丈。深  
數十丈。螺旋而下。中無滴水。倘置水其中。即仙游鯉  
湖矣。然山頂四環無一隙。瀉者僅見此。又下從峽西  
轉。則為白雲洞。七門北向。門頂一石極裂。梁架於上。  
入洞仰窺。所稱鵲橋者非耶。轉而左。漸下漸黑。有門  
穹然。內似甚深。外有石屏。遙峙。黑暗中以杖探地。而  
入。數十步。洞倍寬廣。第無燈炬。四顧無所覩。返步出  
抵穹門。初入黑甚者。至是。厯厯可見。乃轉屏出洞。踰



嶺還飯而出寺循舊路西下二里至洪橋未渡從橋左居人後上紫雲洞門西向中垂柱四五界為數重瓊窻翠幄處處皆是亦敞亦奧膚色俱勝洞北一與宛轉邃進亦以無炬下渡洪橋循洞而東渡石梁水源洞即在其側洞門南向正跨澗上洞口垂石繽紛中一柱自下屬上若擊之而起其上嵌空紛綸復闕一竇幻作海蜃狀洞中上下分二層下即澗水所出隘束之上層由洞門躡磴上入漸下則空廣愈無極但聞水聲亦以無炬不及窮出坐洞口擎柱內

十七日五十餘里至草坪為常山玉山兩縣界又

觀石態古幻始與靜聞別洞源而去循西嶺出塢又西南十五里連蘭溪南閔飯而登舟刺行五里泊橫山頭

十五始西入常山溪口過花耕山懸帆正拂楮崖自是兩岸綠橘丹楓珍苞映日雖霜且嚴辰有同暄藻

常山屬  
衢州

十七日低常山縣登岸暮夫  
刊李有江右遊日記

十七日五十餘里至東津橋其水自北山南流山高聳在玉山縣北三十里外蓋自草坪北渡即西峙此日三清山渡橋西五里由玉山東門入而東洋橋之水

玉山縣屬  
江西廣信府

A 1 2 3 4 5 6 M 8 9 10 11 12 13 14 15 B 17 18 19



嶺還飯而出寺循舊路西下二里至洪橋未渡從橋左居人後上紫雲洞門西向中垂柱四五界為數重瓊窻翠幄處處皆是亦敞亦奧膚色俱勝洞北一奧宛轉邃進亦以無炬返下渡洪橋循洞而東渡石梁水源洞即在其側洞門南向正跨澗上洞口垂石繽紛中一柱自下屬上若擎之而起其上嵌空紛綸復闢一竇幻作海蜃狀洞中上下分二層下即澗水所出隘束之上層由洞門躡磴上入漸下則空廣愈無極但聞水聲亦以無炬不及窮出坐洞口擎柱內

十七日五十餘里至草坪為常山玉山兩縣界又

十一

觀石態古幻始與靜園別洞源而去循西嶺出塢又西南十五里達蘭溪南閤飯而登舟刺行五里泊橫山頭十五始西入常山溪口過花耕山懸帆正拂赭崖自是兩岸綠橘丹楓珍苞映日雖霜且嚴辰有同暄藻十六日抵常山縣登岸暮矣十七日五十餘里至東津橋其水自北山南流山高聳在玉山縣北三十里外蓋自草坪北渡即西峙此日三清山渡橋西五里由玉山東門入而東洋橋之水

常山屬  
衢州

玉山縣屬  
江西廣信  
府



遶南而西。至此已勝舟。時已下午。無長舟可附。得小船至府。二十里而暮。榜人乘月鼓棹。八十里。泊廣信府之南門。郡西二十里。有石橋瀕流。下流又有九股松。一本九分。參霄競秀。俱不及覽。

十合至鉛山河口。初擬由廣信北游靈山。且聞其地北山寺叢林甚盛。阻病創而止。西南下三十里。有峰圓亘曰仙來山。舟過時。卧未起。及經二十里潭。至馬鞍山下。迴望見之。已不及登矣。自仙來至雷打石。凡二十里。石山介溪左右。俱如伏牛覆盆。釜不特形絕。

崆峒。並無波縞文。至纖土寸莖。亦不能受。或沙斷沙迴。霜痕樹色。出村廬石隙中。又二十里。過旁羅南望鷲峰。峭削天際。此予昔年假道分水關趨幔亭處。又二十里。抵河口。一水自東南分水關經鉛山縣。至此入大溪。兩溪合始勝大舟。

十九日。下貴溪舟。二十里。西至叫岩。瀕溪石崖盤突。下挿深潭。竇橫開其上。迴亘峰腰。穿穴內。撒如行廊閣道。窻楞戶牖。都辨崖上大書漁翁隱次云。崖右有磴可級。予循級上。列石縱橫。穿石隙而逸其後。一徑成。



蹊。衆峰環亘。壑迴峰易。居人多截塢為池。種魚鱗。七  
投回之地。已屬興安。其前對之山。圓亘而起。曰團雞  
石嶺。七前即叫岩寺也。叫岩前臨大溪。漁隱崖當岩  
在突出。又一崖翼其右。七崖之前。一圓峰兀立溪中。  
曰印山寺。後岩石中虛。兩旁迴突。度以一軒為叫岩  
岩為寺蔽。景之佳曠。在漁隱。不在此也。西十里。抵戈  
陽界。有山寺。方峙溪右。若列屏而整。上有梵宇。惜以  
棹急失之。又三十里。西南望龜岩。孤峰掉天際。予心  
艷之。又十里。至弋陽。遂以行李托靜聞。督舟去。予與

顧僕留旅舍。為明日龜岩之行。

二十日。雨中過西南門。過一龜岩。人欲歸。依之。三里。渡  
大溪。俱從山岡行。淋漓十里。望龜岩。杳不可覩。忽路  
左一峰。疑即夜來掉天際者。詢之為羊角嶠。去龜峰  
尚五里。比至。遙望一峰。中剖如門。已而門之南。忽歧  
出。片石如圭。即天柱峰也。及抵其處。路復南去。轉而  
東。入先過一堰。七南。匯水曰放生池。七水兩浸崖脚。  
循池北崖。鑿石成棧。七即展旗嶺。上危壁而下澄潭。  
潭盡。竹色樹嵐。掩映一壑。兩崖飛瀑交注。既入。忽見



感作甚

南崖最高處一竅通明若耳之附顙疑白雲所凝最近而知為石隙時雨勢彌盛衣履沾濕抵方丈貫心上人急解衣代更爇火就灸

二十一日雨漸收衆峰俱出唯東南絕頂尚有雲氣貫心出方丈中庭指點諸勝正南而獨高者為寨頂石如鷲口名鷲口峯又名老人峰其比下之脊一起而為羅漢再起為鸚鵡三為淨瓶為北下最高脊四起最北為觀音峰亦峭上特出一圓頂從下望之如老僧南向袈裟宛然名為老人者以此上振衣臺平視

鷲口作鷲口

傲起不應

其北之脊一起而為羅漢再起而為鷲鵡三為淨瓶為北下最高脊四起最北觀音峰亦峭上特出一圓頂從下望之如老僧南向袈裟宛然名為老人者以此上振衣臺平視

中支北與辰旗峰為對楠木殿因之從南頂而西最峭削者為龜峰三石攢立峰頭與雙劍並峙峰下裂隙分南北者為一線天東西者為摩尼洞其後即為四聲谷從其側一呼則傳聲宛轉凡四蓋以峯東水簾谷石崖迴環其上故也峰東最高者即寨頂西之最近者為含龜峰其下即寨頂含龜分脊處而龜峰雙劍峭挿於上為含龜所掩故其隙或顯或合上則并成一障時亦陡露空明昨遂疑為白雲耳又西為



南崖最高處一竅通明。若耳之附顛。疑白雲所凝。最近而知為石隙。時雨勢彌盛。衣履沾濕。抵方丈。貫心上人急解衣代更。爇火就灸。二十一日雨漸收。眾峰俱出。唯東南絕頂。尚有雲氣。貫心出方丈中庭。指點諸勝。正南而獨高者為寨頂。石如鷲口。名鷲口峯。又名老人峰。其比下之脊一起而為羅漢。再起為鸚鵡。三為淨瓶。為北下最高脊。四起。最北為觀音峰。亦峭上。特出一圓頂。從下望之。如老僧南向。袈裟宛然。名為老人者。以此上振衣臺平視。

則其峰漸分為二。由雙劍下窺。則頂一葉綴起。此為中支。北與辰旗峰為對。楠木殿因之。從南頂而西。最峭削者為龜峰。三石攢立峰頭。與雙劍並峙。峰下裂隙。分南北者為一線。天東西者為摩尼洞。其後即為四聲谷。從其側一呼。則傳聲宛轉。凡四。蓋以峯東水簾谷。石崖迴環其上故也。峰東最高者即寨頂。西之最近者為含龜峰。其下即寨頂。含龜分脊處。而龜峰雙劍峭掉於上。為含龜所掩。故其隙或顯或合。七則并成一障。時亦陟露空明。昨遂疑為白雲耳。又西為



雙劍峰與龜峰並立分脊之西南。龜峰三剖其下而上併雙劍同本而兩歧其頂其南大書壁立萬仞四字款氏剝落相傳朱晦菴也。此二峰為西南過脊之中東北與香合峰為對而舊寺之向因之。從西而北聯障於左者即含龜峰。下即振衣臺。平石中懸屏下乃道登摩尼一線天者也。次為明星峰。北接雙鰲南聯含龜。在正東峰為最高。又次為雙鰲峰。北下掉澄潭。即入谷所經放生池南崖也。此三峰環峙谷西而寨頂之脉西北盡。此從南頂而東最迴環者為城堞峰。圓屏峰。此為東南層統之後。西北與雙鰲為對。從東而北。嶙峋右列為轆頂峰。象牙峰。獅子峰。比肩谷東。而寨頂之脉東北轉於此。乃又從北而駢立為案。平突者香爐。幻起者靈芝。即方丈靜室所向。最高而歌張者。展旗峰。東昂西下。南北壁立。南掉澄潭。即入谷之鑿棧於下者。此三峰排拱谷北。而寨頂之脉東北盡於此。皆谷之內者也。展旗北為天柱峰。即昨遙望開岐如圭者。旁為天子峰。獅子南為卓筆峰。圓屏峰。南深壑中。有棋盤石。寨頂東南有朝帽峰。



峰獨高。孤立寨頂後。予從弋陽東。舟中遙見者。即此。近為諸峰所掩。又寨頂朝帽間。則有接引峰。寨頂西。又有畫筆峰。蓋寨頂北下者。既為羅漢諸峰。其南迴西遠。列成屏障。反出龜峰之後者。此是也。岩上有泉。是名水簾洞。此則谷之外者也。其谷四面峰攢。自成洞窟。唯西向一峽。兩崖壁立。水從中出。路亦從之。其南從龜峰之下。東從獅子峰之側。北從香合天柱間。皆踰嶺躋隙。而後得度。其霄壤中一靈勝哉。谷中觀音峰一支。自寨頂北墜。谷分為兩。西則方丈靜室所

托。最後為摩尼洞。振衣臺之路。東則榛莽深翳。予曳杖披棘而入。直抵圍屏城堞之下。仰視虎搏羊諸石。使芟夷蕪蔓。道置級。蓋進必有深羨。奈何任亂石茂棘。阻絕奧區。出循獅子峰北。踰嶺南轉。所謂轆頂象牙諸峰。從其外西向視之。中懸一峰如卓筆。不經此不見也。眾峰之麓。俱石岡高亘。其東又有石峰一支。自寨頂環而西北。與轆頂象牙諸峰。又環成一谷。予從石岡直南徹谷底。復阻石棘而出。因西踰象牙獅子間。眷歆削幾不容足。迴瞰內谷。真別有天地矣。此



谷東第一外谷也。復循外嶺東行。南轉二里。是為棋盤石。一大石穹立谷中。平如砥。其西南即朝帽峰。西北即寨頂。蓋圍屏峰之後也。其外峰一支。自朝帽峰下。復環而北。又成一谷。但其山叅差環立。不復如內俱。石崖削成者。此第二之東外谷也。寨頂朝帽之度。脊處一石高數十丈。南向立。即接引峰。予於棋盤石。頗見擬從此可躋絕頂。開棘直窮嶺下。則懸削無階。仍從故道。至獅峰。轉經香合峰。登靈芝峰。望天柱。犬子兩峰。植立北谷中。蓋展旗峰獨峙於此。北又環成

一谷。此北外谷也。從展旗西南。直東上其頂。東南眺朝帽峰。左又分立一石。有同接引。而接引則蔽不可見。南面龜峰雙劍。俱成一壁。迴環無復寸隙。下峰從夾棧西出。循放生池南行。出雙鰲明星含龜后。東視三峰。俱垂土可升。捨之南。東入。即水簾徑。逾龜峰雙劍。為下振衣谷中道。又捨而南。有路東上。知為登寨頂道。從之上二里。西視龜峰雙劍。已在足下。始知已出水簾上。下視谷中。三面迴環如玦。唯北面正對龜峰雙劍。其西有隙可通。然掩映不見所從。此第一南



外谷也。循崖端最上。已而舍北從南。見東南岡上。亂石湧起。有若雙芝駢發。盤大莖斂。下復並蒂。中穿孔。其上飛舞變幻。賞不同接。又上一里。登一頂。復舍南。從北穿石隙而上。轉而東南行。其頂更穹然也。其東北復起一頂。兩頂夾而成峽。東南自過脊始。而西北溢於水簾。山隨中斷為兩。而過脊之度。其東南者一石如梁。橫兩頂間。梁盡而矗崖削起。決無登理。踞脊上。迴瞰南谷。崩墮直下。深不見底。但見東西對崖。懸嵐倒翠。不知何途之入。此第二南外谷也。久之。覓路

欲返。忽見峽北頂有級。下達。自峽中直上者。因諦審峽南石上。復有級。同之。始知其道不從脊而從峽也。想寨為昔人盤踞。故梯險鑿空。今路為草沒。而石蹟未泐。遂循級北下。峽底復自峽攀級上一里。東登最高處。竟與朝帽接引。連袂比肩。朝帽四面孤懸。必無可登。而接引之界於其中者。已立懸脊之上。兩旁俱矗石錯塊。不恃下不能上。上亦不可下。其北下之脊。即棋盤石。南下之谷。當朝帽南來。山脉所環而成者。亦不知入自何途。此為第三南外谷也。獨西無外谷。



乃絕頂之北。東分為圓屏塚。西分為鸚口。然其異。下  
仰則穹然見竒。上瞰反窅絕難盡也。時日暮。亟返。予  
已目勞懷竭。飛騰而下。不自知其足之前也。四里下  
山。東向入至雙劍龜峰。下有徑可入水簾。昏黑難辨。  
遂踰嶺息方丈。

二十二日。逾振衣臺。上至龜峰。下再穿一線天而東。北  
過四聲谷。谷壁一隙。東南向。內皆大石累度。可西北  
出。其西北為摩尼洞。正下窺方丈。平揖觀音諸峰。遂  
下嶺。西南循外谷入水簾洞。其處三面環崖。迴亘自

天。而北對龜劍二峰。泉從崖東飄洒下墜。為此中絕  
勝。蓋龜峰巒障之竒。雁岩所無。但絀水觀耳。此谷獨  
飛珠捲雪。在深谷尤異。但其洞難與泉對。而窪伏崖  
末為恨。顧其危崖四合。已可名洞。不必以一窟標舉  
也。時朔風舞泉。游漾乘空。聲俱異。霽色忽開。日采麗  
崖光水。低徊不能去。久之。飯於寺而別。仍從崖棧西  
出十里排前。又西二十里至留口。暮涉其溪。溪西即  
貴溪境。自排前至留口。迴望龜岩。祇見朝帽峰。作一  
羊角挿天。與弋陽東向望。不纖毫差別。第此見一石



人旁立亭<sub>上</sub>為異。  
二十三<sub>里</sub>西行八里。將至貴溪城。忽見溪南一橋。架兩  
山間。執途人問之。知為仙人橋。隔溪不可至。西趨二  
里。入城。覓靜園于逆旅。同出西南門。經張天師墓碑。  
乃趙松雪奉敕撰書者。一里。越一小橋。東向流溪。<sub>上</sub>  
流直逼五面峰下。此溪發源江湖山。自花橋而下。即  
通舟楫。西北六十里至羅塘。又二十里至此。入溪為  
通閩間道。其所地北輪皆楮炭。適有炭舟。艤溪畔。呼  
之渡。<sub>上</sub>溪東一里。由五面峰西北入。其山俱石崖盤

峙。中剖而開。並夾而起。遠近離立不一。抵穹岩下。拾  
級而上。得一臺。綴兩崖如掌。其南下級。直垂洞底。其  
西上則山巔。予先攀蹬里許。至絕頂。則南瞰西華。東  
瞰夷壁。西瞰南溪。北瞰城邑。皆在指顧間。以山雨忽  
來。亟下山。從前蹬南下。線天即從峰頂中剖而下者。  
是為直峽。<sub>上</sub>至中間。忽轉而東穿。復得橫峽。俱上下  
壁立。東盡出塢而南。望兩崖穹岩盤竇。往<sub>上</sub>而是。直  
抵西華。予已從五面峰稔視。捨之。仍轉出一線。天北  
踰嶺二里。東轉入小隱岩。<sub>上</sub>上穹下遜。裂成平竅。東



西環轉。南連北豁。可廬而憩。岩後有宋洪駒父宣和  
年間書。予久知有徐仙岩。遍問不可得。聞有峨眉山  
在小隱東南三里。遂由羅塘大道過一嶺。北轉入山。  
竹樹深倩。岩石高穹。雨大至。飯于岩中。問仙橋道。曰  
間道循山而東。穿塢北去。四里可至。從之。路甚荒忽。  
久之。逾一山。忽見碧然高駕者甚近。及下谷。茫不可  
得。既直抵其下。一石高跨峰凹。上環如卷。中闢成門。  
面平整如臺。予先至橋下。仰視頂高穹。不啻數十丈。  
及登其其上。修廣平直。駕虹役鶴之巧。不逮也。從其

西二里。將抵象山。問徐仙岩。終不可得。忽一老翁曰。  
屋后南入。即是。舊稱徐岩。今為朝真宮。路荒沒。非明  
晨不可覓。予以明晨將發。遂強靜聞南望山夾而入。  
始猶有徑。入漸滅。兩崖深極。不顧莽刺。直窮其底。石  
峽盡處。隘不容足。乃象山東第三塢。望其西。又有一  
塢。入不得路。問知路尚在西。乃得入。則高崖盤亘。中  
有深岩。外垂飛瀑。乃象山東第二谷。即徐仙岩也。循  
暗路出。南登象山。兩崖前突。中塢不深而峻。從崖右  
登。仰止亭。上高懸崖際。嵌空環狀。仰危峰而俯幽壑。



令人徙倚忘返。守祠者以昏黑恐無舟渡。遂扶二里至中坊渡。隔溪呼舟。渡予過乃別。里餘入南関。抵肆宿焉。

二十四日仍渡西南門大溪。南十里新田舖。山勢漸開。正值西華山之南。迴望諸岩兀突。俱併成一山。祇有高下無復剖裂痕。三十里過馬鞍山。復入山谷。四里逾嶺下宿申命地。為上清入山始境。主人為予言。南去上清二十五里。西去仙岩止二十里。不若即此向仙岩而後上清便。又言仙岩之西十五里有馬祖岩。

貴溪縣龍  
虎山上清  
宮

不若竟赴馬祖。轉而由仙岩抵龍虎。以盡上清為更便。予善其計。分靜聞待於上清。而予與領僕西去。二十五趨而西。二十里過香爐峰。危亘三臺。南面直剖下中一凹。佛廬其上。雨不及登。其西即安仁界。于是又涉饒郡地。八里過新岩。足不知岩之在上也。從東峽穿而北入。有岩橫亘於西。飛瀑交洒于上。復探其南。巖有戶掩竹間。出躋其上。高敞盤亘。但無宛轉穿漏致。此即新岩非舊岩也。西趨下山一里。北轉入山峽。七口巨石磊落。高下盤峙。深樹古藤。連籠



其上其內崖東西並峙。北連南豁。卽峽口。連者其底也。馬祖岩在東崖之半。卽新岩背。予由岩下仰視。欄柵憑虛。以為殊勝。及冒雨登岩。則穢息不可近。蓋為業僧畜峙所。且拒客不納。強栖石龕側。

二十六日。仍從北連處下。轉上西崖。直趨而南。路斷處。卽來時峽口上也。崖壁峻立。不可下瞰。忽有洞透腹。西出。既越洞。分兩道。一道循崖而北。兩崖並夾。遂成一線。一線中東崖下。復裂而為岩。清幽可托。岩外之崖與對崖。下墜百仞。上掉千尺。不合者盈咫。而中亦

橫裂。邃若重樓。唯極北豁。然以為可通外境。而豁處天光上闕。懸險愈深。削崖窮壁。阻絕上下。復還至洞門分道處。仰其上層。飛石平出。然高不可攀。從其南道。轉峰側而上。則飛閣危懸。又闕一境。覓路下不得。仍穿洞出崖端。覓路下峽口。又不得。乃循舊沿崖。抵北連處下。出峽口四里。過南嶺。遙望東南亂山。洒翠駢聳。其北者為排衙石。敬其側。其南者為仙岩。最秀而近瞰嶺下。一石尖掉平峙。四面削起者為碣石。下嶺卽見大溪。自東來直逼嶺足。其溪發源瀘溪。由上清



而下。乃從溪北溯流東南行。四里至碣石下。仰望穹然。雖漸轉而潤。然削立愈甚。有孤柱分霄狀。下有碣石村。是為安仁東南界。渡溪南為滙水。山復隸貴溪矣。又東五里。直抵排衙石。西為魚塘地。東臨大溪。二十七。蔡坊渡溪。乘東一里。龍虎觀。後一里。水簾洞。南出山十七里。曰石岡山。金谿縣東界也。入撫州境。又八里。宿孔坊。二十八。五十里。下一嶺。為五里橋。東南入金谿城南。十里。至大塘山。

建昌府  
麻姑山

二十九。西南七十里。抵建昌東門。十一月初二日。出建昌南城。西二里。至麻姑山。上二里。半山亭。又一里。噴雪亭。麻姑以水勝。而詘於峰巒。半山亭之上。有水橫竄如卧龍蜿蜒。上至噴雪。則懸瀑落峰間。一若尺練。下垂一若玉筋。分瀉者。交縈石隙。珠絡縱橫。亦不止於兩。但遠眺則成兩瀑耳。既墜。成合為一。復如卧龍斜竄出峽去。但上之懸墜。止二百尺。不能與雁宕匡廬爭勝。再上五級。連注。可名五泄。五泄各不相見。各自爭奇。其中兩潭甚深。螺轉環

者上院分瀉二字瀑



連雪英四出。此可一目而盡。為少遜耳。再半里。上至龍門橋。兩崖夾立。泉搗中堅。不敢下視。架橋俯瞰于上。又變容與為雄壯觀。龍門而上。溪平山遠。自成洞天。不復知身在高山上也。又半里為麻姑壇。仙都觀。左有大夫松已死。右有通海井。西上嶺十里。踰篔簹竹嶺。為丹霞洞。又上一里。王仙嶺最高。西下在拗中宿華嚴菴。

初三日仍出篔簹竹嶺。由西拗中南上。越兩山。東南共五里。為飛爐峰。南為軍峰。北接麻姑。東瞰盱江西極矣。

蓉蓋在五老峰西。陽華峰西北云。

初四日東出建昌。過太平橋。南循溪五六里。西折出從姑南山。天柱峰山頂兩石並起如雙髻。北向登其岩。前日飛鰲峰。其後崖飛突而出。下有方池曰玉冷泉。從東上天際亭。上後鑿石梯而上。一洞隘如斗。蛇伏乃入。中高穹而寬。天柱之南隅也。仍下石級。西沿崖登天柱鰲峰間。有臺一掌。上眺層崖。下臨絕壁。竹拂石門。樹懸崖隙。為雲臺岩。從其上西穿峰峽。架木崖間。日雙玉樓。再西一石欲墮未墮。兩峽並起。上下離



立。曰一線天。此鰲峰北隅也。一線既盡。峽轉而北。有平石二片。方圓各異。橫度岐內。曰跌跏石。此一峰者。從天柱西鰲峰北。又起二峰。高殺於鰲峰。天柱而以鹿得奇者也。其東一峰。即南與鰲峰夾成一線。又與西峰夾度跌跏者。西峯之西。又有片石橫架成臺。其東西俱可跌跏云。從跌跏石北。踐一動石。梯東峰而上。其頂南架梁於一線。出鰲峰巔。東鑿綴以躋。遂凌天柱之表。北瞰郡城。西瞻麻嶠。時天霽。明爽殊甚。從跌跏峽中。北下天柱之北。穹崖下臨。片石夾立。天柱

北裂一隙。上有懸臺。曰可躡。曰滴水岩。東下又得穹崖一重。為竹影菴。從其南攀石而登。曰梅花岩。石隙東向。則天柱東隅下層也。飛鰲之西。有斗母閣。上側一石。曰蟾蜍。下嵌成窩。而上突為臺。則又鰲峰西隅下層也。

初五。東南四十里。為硝石。南溪東溪至此合。南來者為新城溪。舟抵新城。尚六十里。東溪四十里。至五福。又陸三十里。至杉關。為江閩分界。渡東溪橋而南。為鏡仙岩。山俱純石。北半斬削為崖。屏立田疇。間由崖



隙而上。兩崖間潛水成溪。崖挿溪底。鑿棧以入。又一水自東來注。亦純石挿底。隘不容足。架梁南渡。又轉一橋。西渡大溪。遂躡山峽而上。則飛岩高穹。東向而出。僧憑岩結閣。種竹於外。頗幽敞。出渡峽橋。見有石級。西上。因躡之。盤旋山頂。兩度過脊。皆深坑斷峽。迴亘縱橫。下山二里。仍宿硝石東溪橋之南。初昏。聞覺海寺勝。南趨二里。則南溪之左也。寺亦古。其前即鍊仙岩。以西之第二重也。蓋硝石以東。其山皆塊石堆簇。南則交互盤錯。斬若截堵。峰巒皆然。以

不保下

新城縣屬  
建昌府

鍊仙為中。西則兩突而峙于南溪之左。東則兩突而至于止。北岩之東。再東則山轉而南矣。入覺海。見山在其前。乃循崖以登。崖之西。不瞰南溪。洎北流。時有小舟自新城來。既南行。崖盡有峽。東下。蓋南北兩崖對峙成峽。其度脊處。及在西瀕溪之上。予見其峽。深沉。遂躡山級。東南直登其巔。其巔東西兩臺最高。自西而東。路盡莫前。下瞰亂壑。縱橫峽形。屈曲枝分。漚水成潭。分曹疊瀉。疑即所云金龜湖也。而二峰東下無路。但見東峽有水有徑。疑即鍊仙。仍舊路下。至

仍舊路下



溪東兩崖對峽處。即從崖下東入峽中。漸下漸濕。遂東北三里。至小港口。水自韓公橋而來。渡之入山。東北三里。大石岩。五里韓公橋。三里雙同槽。南二里紫雲岩。西一里渡溪。為夫子岩。迤出紫雲。一里至響石岩。又登嶺一里。至天竺岫。初七。東南六十里。與南溪遇。東為觀音崖。西為山居院。兩崖東溪。門以內澄潭甚深。三里入新城北門。出而西北南二十里。五宿石瓶岡。下脫。初九。從草堂左循崖南下。路甚微削。伏深草中。直下三里。東南一溪。自簫曲峰後。與外層巨山夾而成峽。巨山即岡界。其東北度而為簫曲。西北度而為應感峰。會仙峰。兩腋溪流。夾而西去。簫曲南溪之上。為板鋪。渡溪。東南上嶺一里。則平轉山腰。又南二里。直上山頂。二里南下。而東上。至應感岩。西向。巨壑轟峭。環成一窩。置室于中。自下望之。直憑虛綴壁也。從崖側登躡里許。至岩頂。以為諸峰莫高于此。既登而後。知會仙亭。七更上也。應感二峰連起。東屬于大山。過脊甚削。脊北之水出板鋪。脊南之水即西出會仙峰。



泰寧縣亦  
屬邵武府

北自應感登會仙南下三里過脊南水復南上則會  
仙北屬大山脊也脊中之水西出會仙之南其南又  
有大山東北屬於應感後之大山夾此水西去其中  
塢落為九坊乃新城五十一都地對會仙之山名迷  
陽洞山南即為邵武建寧縣其大山東南為泰寧其  
西南為建昌之廣昌自過脊至會仙望之甚近而連  
踰四峰皆峭刻四下四上又四里而登會仙絕頂則  
東界大山俱出其下無論簫曲應感矣自會仙西至  
南豐百里東南抵建寧縣亦百里其界有側家斜在

迷陽洞南為大山寥絕處

初十由會仙西下十里過溪即應感西南來溪也又  
十里為下埔應感溪自東而西會仙南溪自南而北  
俱會于下埔北去自下埔而上懸崖瀑布隨處而是  
亦俱會于下埔西南十里至章村山始大開有水自  
南而北源自建寧縣丘家嶺去章村南十五里又五  
十五里始抵建寧云章村西南三十里宿梅源  
十一日西五里至滌上塢平時一環四下統壑以為平  
地矣已而流忽下墜循級愈下遂成一瀑名滌山灶



又五十里抵南豐。出其西。盱江自西南遶城東北而北。下西五里一溪。自北來。渡其橋。軍峰溪自西來。溯之行。數家列溪上。曰三江口。十二日渡軍峰溪。從左路上。路漸微。六七里入山口。越二嶺。約三里。詢知正道在南。從三江渡溪已悞也。蓋其嶺西北為西坑。東南為東坑。去三江已十里。乃南轉。下一坑。復得土人指上嶺。共五嶺。至後阿上二里。一小廟當道歧。出廟西北。平循山半陰崖行。又二里。至一山過脊處。南北俱有道。西向登嶺。道獨仄。遂躡

之登一峰。即轉入山峽。上有溪自西而東。山口破壁下。縮口一峰。西南半壁直傾至底。石骨如削。鑿路在其對崖。循峽陰西入。自過脊登嶺至此。共二千七百步。一石飛突南崖。俯瞰溪日光。溪影俱為浮動。溪中大石矗立。西盡峽。兩崖逼束成門。水從門中墜。壁下滌迴。大石而出。蓋軍峰東溪源也。飛突崖下架一橋。渡澗而北。登嶺半里。山迴水聚。得歧路。又龍塘。菴西有龍潭。路棘不可入。菴左渡小溪。直上嶺。六百步。循崖而西。屢有飛洞。從山巔墜下。路橫越澗。流者五六



次。下復成一溪。又九百步。得橫木棧崖。又二里。直轉軍峰北。仰望峰頂猶天外。一石洞自峰頂懸而下。此北溪之源也。渡溪二百步。上一嶺。始與北來大路合。自此西上一里。至北嶺度脊處。其西下為宜黃道。東即所來大道也。自此南上。鑿磴疊級。次第間出。蹈空而上。道極修廣。愈上愈高。風氣寒厲。與會仙異。自分道處至絕頂。悉直上無曲墜。共四千三百步。抵軍峰巔。下望五六尖峰。自西南片上。來乃岡中來源也。其南圓亘者為着棋峰。亭上削刻。非他峰所及。蓋自南

南字下脫面工二字。且來。從車盤嶺南不及北道之間。然經着棋峰棧石轉崖。度西峽中。躡登攀隙。路甚奇險。予從北道望見之。恨不親歷。

十三。北下十里。至嶺脊歧路處。捨東北二道。從西下里半。得混元觀。則軍峰北下觀也。地已屬撫郡宜黃縣。聞山南車盤來道。亦有下觀云。循山北下。西山排列。水瀉其中。五里至洞底。軍峰直北水也。又一水自西南來。乃軍峰西壑水。至此會。循水東北五里。過架梁石。上縮兩洞口。聚落在其外。曰壩上。又魚牙山



次。下復成一溪。又九百步。得橫木棧崖。又二里。直轉  
軍峰北。仰望峰頂猶天外。一石洞自峰頂懸而下。此  
北溪之源也。渡溪二百步。上一嶺。始與北來大路合。  
自此西上一里。至北嶺度脊處。其西下為宜黃道。東  
即所來大道也。自此南上。鑿磴疊級。次第間出。蹈空  
而上。道極修廣。愈上愈高。風氣寒厲。與會仙異。自分  
道處至絕頂。悉直上無曲墜。共四千三百步。抵軍峰  
巔。下望五六尖峰。自西南片上。乃岡中來源也。其  
南圓亘者為着棋峰。亭上削刻。非他峰所及。蓋自南

豐來。從車盤嶺南不及北道之間。然經着棋峰棧石  
轉崖度西峽中。躡登攀隙。路甚奇險。予從北道望見  
之。恨不親歷。  
十三。北下十里。至嶺脊歧路處。捨東北二道。從西下  
里半。得混元觀。則軍峰北下觀也。地已屬撫郡宜黃  
縣。聞山南車盤來道。亦有下觀云。循山北下。西山排  
列。水瀉其中。五里至洞底。軍峰直北水也。又一水自  
西山南來。乃軍峰西壑水。至此會。循水東北五里。過  
架梁石。上縮兩洞口。聚落在其外。曰墟上。又魚牙山



之水亦自西南來會與大溪合。西轉下宜黃墟上。即東北歧。溯一小溪十里至東源。東上三里登板嶺。口水西流入宜。東南流入豐。東北流亦入宜。蓋軍峰下脊也。度嶺東竟塢。一里水東出峽。下墜深坑。從北歧一徑五里至下村。又北二里水入山谷中。兩山隘束。路濼山半。曰十八排。即七里坑也。凡十里水破峽而出。又一里山開水轉。渡小橋而西。曰楓林。十四日。即從小橋溯小溪北上。五里入南灣坳。踰分水嶺。為南源。即小溪源也。五里至八角庄。有水東下北

二里登黃沙嶺。下中兒漆水亦東下。北遡一小水三里。上攔寨門。平行李家嶺一里始下。一里為磁龜。又東北逾嶺下溪。自東南下深坑。路不能從。東下三里。山少開。東逾一嶺。二里曰乘龍坳。水亦南下。復東上二里。曰鵝腰嶺。平行二里。平一里曰鉏源。先是下磁龜。以為平地。至此至此。歷級東下。共十里。至歪排。始知磁龜猶在象山上也。歪排以上多墜峽奔崖之流。但為居民造楮。濯水成滓。夫飛練懸珠之勢。然鉏原小水已如此。不知磁龜以東。諸東注壑者。其奇勝



更當何如也。出盂排。其南山塢始開。水亦南下。又東  
十三里。則盱江自南向北。日方下午。不得舟  
十五里。右江左山。北行三十六里。則從姑在望。入郡之  
南門。

十八里。西循麻姑故道。三十里。踰朱君嶺。復循山半行。  
深竹密樹。瀾山繪谷。紅葉朱英。綴映沉綠中。日鞋山。  
五里。入石坪山環。一谷隨水峽而入。復登嶺五里。踏  
嶺頭。即芙蓉峰東過脊也。脊二重。南下六七里有龍  
潭古刹。在深坑中。道小不及下。度脊而西。即芙蓉山。

自南而北。高亘象山上。循山東北上。里許。山開一塢。  
東北向。是為芙蓉卷。  
十九里。自卷左小徑。直躋一里。出峰上。又平行一里。登  
三仙石。為芙蓉最高處。東眺黃仙峰。已不能比肩。南  
眺軍峰。直欲競峻。芙蓉之南。有陳峰山。在十里內。高  
殺於芙蓉。峭削似之。凭眺逾時。從峰北小徑。西下里  
許。與石坪西來大道合。下五里。北轉。始有高篁叢木。  
西下上四里。登揭燭尖。西南下二里。為南坑。有澗自  
東南來。四山環遶。中平一壑。隨水數轉。里許。一水自



北至。二水合而南出。路因之。西九里。高峰逼西。又合一南來水與俱北。遂渡港口橋。循左麓而北。五里抵上坪。水注北去。路西折。上杉木嶺。二十里。宿車上。二首。乘月西行。即與大溪遇。想即墟上之溪。自南而北者。發源軍峰。經坑陰至此。已而溪復西南下。路折西北山中。十里。則大溪復自東南來。渡之東行。五里。又一溪自西南循宜黃城東而北。軍峰溪與之會。再北。又一小溪自城北來。入三水合。經獅子岩下。遂北下臨川云。乃與靜聞出宜黃北。過豐樂橋。上獅子岩。

宜黃一區域

岩迴盤兩層。兀立三溪合流處。又西北二里。入山得仙岩。高峙若列錦屏。上穹下通。其西垂忽透壁為門。穿石而入。則象山內閣若另一世界。是岩甚薄。南面壁立。北面穹覆。其穿透多隙。正如度之通天岩。之。最奇者。仍迤出縣南。循南來溪西南行。二十二里。過玉泉山下。山屏路右。若負屨。又南隨大溪。三里。一小溪自西來注。即石砦下流也。始捨大溪。溯小溪。西折。入三里。得石砦寺。北有轟崖立溪上。半是山頂。平。剖下。南峰尤突兀。與之對峙為門。石砦嶺正中懸其

宜黃縣南  
石砦

是山自



間寺倚嶺東麓。仰望之。祇見峰頂立石轟然。不知其中空也。是晚宿寺中。

二十日。至登碧。是峰東西橫跨。若飛梁天半。較貴溪石橋。軒大三倍。從寺西眺。祇得其端。從寺北轉入峽中。南向登。仰見竹影浮颺。一峰中穿。高度雲末。透石入南。瞰亂峰兀突。溪聲山色。另作光响。非復人世。出橋南。還眺飛梁之上。石痕橫疊。疑有級。廬嵌室。無路可登。正徘徊間。一山鶴冲飛而去。响傳疎竹間。益令人番戀。是橋之南。其內石裂兩層。自下而上。離合尺

一作北峰橫擬

便作軌

求者作衣

許由隙攀躋。欲達其上層。而隙夾逼。及轉身便碍。無可緣躡。還問寺僧。謂從橋內裂隙登。必去求履。可及其上層。而後上。垂垂綆。可引入中層。云下碧由小路五里。抵玉泉山下。山甚峻。屏立溪西北。上半俱削壁。僧疊級鑿崖。架廬峰側。一峰懸上。三面憑空。後復下。隔深峽。離大山之右崖。犬許登眺。久之。返抵北門。逆旅已昏黑。二十二日。西北三十里。至陳坊。北渡小木橋。沿小溪入五里。由迴龍洞入山隘。抵曹山寺。環峰四圍。平時一



華蓋山在  
崇仁境

圍水流其間。亦此中一洞天也。  
二十三。西四十里。至朱碧街。去樂安尚三十里。  
二十四。西南三十里。至大坪墅。東轉入華蓋山。二里  
為一天門。又躡級上一里。為舊一天門。有二小溪合  
于石屋之上。從此行峻坂中也。七里。至二天門。兩度  
脊。東北遠三峰之陰。共七里。而登華蓋頂。謁三仙鳥。  
華蓋三峰並立。而中峰少遜。西為着棋。東為華蓋路。  
由西峰而登。其陽甚削。故取道于北。華蓋之上。諸道  
房簇。遠仙殿無餘地。可舒眺。登着棋。縱目四覽。其北

少作稿

正與相山對。西南則中華山與頡頏。東與南各翼以  
崇嶂。然皆不能與華蓋抗也。是山在崇仁南百二十  
里。東去宜黃亦百二十里。西去樂安止三十里。西南  
一百至永豐。東南至寧都則二百里。烏予自建昌。宜  
取道磁龜。則直西而至。自宜黃則取道石砦。從雲封  
寺。亦直西而至。今由朱碧。則迂向北。環而西。轉東。向  
入山。取道雖迂五十里。而得北遊曹山洞。石可無憾  
矣。仍下三天門。西南十二里。出大陂。溪中亂石平鋪。  
水碎飛其上。望齊水王。

清之九水也



二十五為長至日。早寒殊甚。西南十五里。溪邊一橫石臨流。與靜聞箕踞其上。不知溪流之即起其下。及起迴顧。溪流汨汨透石出。始知為架壑石也。予道樂安。聞城西十里有天生橋。欣然欲往。今路已南。不及西向。幸得此石。雖溪石庠細。已見天生石梁一斑。南十五里。抵流坑。又西八里。宿于烏江溪南之茶園。二十六日。候舟逆旅。渡溪橋。北上會仙峰。其峰在大溪北。黃漠溪之西。蓋兩溪交會。是山獨峙其下流。與雪華山東西夾黃漠溪。入大溪之口者。高聳兀突。倍于雪峰華。南面石骨嶙峋。于此中獨為峻拔。其西南則豁然溪流。放注永豐境。由溪北從東小徑。西上五里。至會仙峰。更西北上一里。石尤嶮峻。上多鵲花紅艷。但不甚高。亦冬深殊境界也。下山舟尚不行。復止宿。予自常山來。所經縣治。無不通舟。惟金谿樂安道。舟之流。俱在四十五里外。

二十七日。舟發烏江。經永豐。出吉水。恩江。十二月初二日。抵吉安郡。

初十日。登中華山。上下俱十里。



十一日遊洞雲

十二日循中華而南十里登分水嶺踰嶺東五里為帶源由帶源隨水東行出水口峽水東去路捨水南入山六里過羅源橋復與帶水過蓋其水出峽東行循山南轉至此度橋而北山始大開又五里宿水北

日

十八日由夏朗西：華山之東小徑北五里西轉循西華北十里至富源西一里為瀧頭溪至此折向南入

山又五里為瀧瀧溪東兩山間衝崖破峽兩崖石骨壁立有突出溪中者為瑞石飛霞峽中八景之一西

北十三里北宿於羅家埠

十九日行十里循西岩山南又西十里踰孟堂坳則賴江南來為瀧洋入處曰張家渡附小舟順流北下十里至永和其北崖有道可徑往青原登山隨山東北行五里入兩山間又一里有溪轉峽而出渡溪南轉石山當戶清澗抱壑青原寺西向而峙初八時不過東西兩山夾也至北塢轉入而南始覺水石清迥岩



十日遊洞雲

十一日循中華而南十里登分水嶺踰嶺東五里為帶源由帶源隨水東行出水口峽水東去路捨水南入山六里過羅源橋復與帶水過蓋其水出峽東行循山南轉至此度橋而北山始大開又五里宿水北十五日由水北五里渡瀘溪橋為是朗滯張氏西園數日  
十日由夏朗西華山之東小徑北五里西轉循西華北十里至富源西二里為瀧頭溪至此折而南入

山又五里為瀧瀧溪東兩山間衝崖破峽兩崖石骨壁立有突出溪中者為瑞石飛霞峽中八景之一西北十三里北宿於羅家埠

十九日行十里循西岩山南又西十里踰孟堂坳則贛江南來為瀧洋八處曰張家渡附小舟順流北下十里至永和其北崖有道可徑往青原登山隨山東北行五里入兩山間又一里有溪轉峽而出渡溪南轉石山當戶清澗抱壑青原寺西向而峙初入時不過東西兩山夾也至北塢轉入而南始覺水石清迥岩



壑濼迴。及登塔院。下瞰寺基。更覺中洋開整。四山湊  
合。其塢內外兩重。外建書院。內峙香草。若天造地設  
者。是寺久為書院。僧本寂。竭力興復。改院為寺。鄒  
南臯郭青螺欲兩存之。本寂力持不可。始遷書院於  
外塢。寂為予言如此。寺前一溪。由寺東南深壑中來。  
至前滙翠屏下。翠屏為水所蝕。山骨嶙峋。層疊聳出。  
老樹懸綴其上。下映清流。景色萬狀。寺左循流上山。  
夾甚峻而塢曲。折入十里。抵黃鮎嶺。入口迴鎖極  
隘。但知有寺。不知寺後有此深塢也。予自翠屏下循

流攀澗。宛轉其間。莫測所極。覺水春菜園。種。俱有  
異致。日漸西。乃登山。由五笑亭返寺。出山渡溪橋。從  
山南五里。越而西。北十五里。渡賴江。暮烟橫注。不  
辨江城。燈火又三里。宿郡北白鷺州。  
二十五日。入永新舟。  
二十六日。至神岡下。山乃西。入小江。又西。二十五  
里。曰三江口。安福江自西北來。而西南來者。永新江  
也。舟遡西南行。至是始有灘。又十五里。泊橫江渡。去  
吉安郡五十里。



二十七。二十里。廖仙岩。至是始有山。南岸為泰和界。北俱廬陵境。自此舟轉北行。十里永陽。廬陵大市也。在江之北。然江之南岸。猶十里而始屬泰和。以舟曲而北耳。又三十里。泊止陽渡。

二十八。二十里。至敷城。始南轉。揚帆五里。上黃灘。灘十八。後此始。灘之上為分線潭。水深碧。崖東如門。至此始有夾峙之崖。激湍之石。又十七里。經畫角灘。抵坪上。則廬陵永新交壤處。

二十九。二十五里。至還古。望溪南。大山橫亘。下有二小峰。拔地起。問舟人。大曰義山。無奇。小曰梅田。有洞在山麓。予夙慕梅田之勝。亟登涯。令奴隨舟候于永新。予同靜聞由還古南行。五里至梅田山下。峰皆叢石聳疊。無纖土。蒙翳其間。真亭。出水蓮也。東向者三洞。北向者一洞。惟東北一角。山石完善。東南洞盡處。與西北諸面。俱為燼灰者。缺削火碎。大喪玲瓏之質。東南第一洞。在穹崖下一穴。石障洞側。洞門穹然。高可十數丈。入洞後。頂忽盤空起。四圍俱削壁。下垂



如懸帛萬丈。牽綃迴帷。山復散空成閣。中仰一竅。直  
徹山頂。恨無十丈梯。空置身其間也。由此北入。左右  
俱有旋室透門。伏獸垂幢。不可枚舉。而正洞垂門五  
重。第三重有柱中擊界門為兩。正門在西。徧直透洞  
先。東徧則旁門。暗中由別隙入。至第四門而合。再進  
抵第五門。約已半里。而洞門穹直。先猶遙矚。至此路  
忽轉。西向入。一大門。黑暗漫無所覩。但聞傳響鏗  
錫。比明處更弘遠。欲出。索炬燭之。既返步。所覩比入  
時更顯。垂乳列柱。種滿前矣。洞之南。不十步。又得

一洞。亦直北而入。最後左轉。亦昏黑。其瑰異宏麗。少  
遜第一洞。既出。見洞之西壁。一隙呀然。側身入門。高  
五六尺。洞僅尺半。上下方正。如從絕潔。矩而檻桔成  
形。宛然琢削。其內石色與外洞較異。圓竇側隙。曲折  
玲瓏。悉可蠅旋。猿掛入。有風蓬蓬然。出自內深空中。  
而昏黑無所見。乃蛇退而出。上洞又南。不十步。再得  
第三洞。則穹然兩門。一東向。一南向。中皆穹朗。初直  
北入。既而轉右。轉處一石柱。潔白如削。玉上垂為寶  
蓋。綃圍珠絡。形多瑰異。從此東折。漸昏黑。兩旁壁蓋



狹上甚高。惜無炬。不能燭其頂。下則伏者漸低。不容身而出。自是而南。凌空之石。俱危于火斧烈焰。乃從山下轉而北。見聳削之勝。四顧無徑路。過東北折而西。過一人引入後洞。上在山北。甫入亦有一竅。上透山頂。入其內。高穹明敞。當洞之中。一石柱斜。鵞作槎枒狀。曰石樹。下有石棋盤。最內西轉。云可通前洞。而出時。連游四洞。日已下春。既不及覓炬。再入而洞外石片嶙峋。覺空中浮動。益無暇俯扶。幽闕遂與靜聞。由石瓣中踏隙。上至半。下瞰諸懸石。若削若綴。度

日已暮。無覓炊處。亟下山。山之西北隅。慘受焚削。與東南齊歎。西過一澗。十里至大道。西嶺角。西南行五里。抵永新東關。時予舟溯流逆上。且迂曲甚繁。尚未至縣。乃入遊城中。抵暮。出舟。適泊浮橋下也。永新東二十里高山曰義山。橫亘而南。為泰和龍泉界。西四十里高山曰禾山。為茶陵州界。南嶺最高曰七溪嶺。去城五十里。乃通永寧龍泉道也。永新之溪。西自麻田來。麻田去城二十里。一水自路江南向。至一水自永寧北向。至合于麻田。



三十日出城南遡溪行七里。小溪南自七溪嶺來入。又西三里。大溪西南破壁去。道自西北沿山入。三里越草壑嶺為楓樹。復與大溪遇。又西北越合口嶺。八里至黃揚山境。始大開湖溪而西。七里宿李田山鄉。寒寂徹夜不聞爆竹聲。北望岩嶠甚壯。問之即禾山也。聞其地西去路江二十里。北由禾山趨武功一百二十里。計令靜聞先待於路江。

丁丑年

正月初一日。予直北入山。升陟五里。越一小溪。又五里北抵厚堂寺。越小嶺。始見平疇。水曰漢。隨流東北。

行五里。西北轉遡溪入山。溪乃禾山東北流。聚甚大。予自永城西行。未見有大水南入溪者。當由東入永新下流也。北過青堂嶺。西下復得平疇。一塢曰十二都。西遡溪入龍門坑。溪水從兩山峽中。破石崖下。搗連瀉三四潭。最下一潭。深碧如黛。其上兩崖石俱飛突。相向入其內。復得平疇。是為禾山寺。南對之禾山之五老峰。背倚者乃禾山北支。復起之山也。蓋禾山乃寺西主山。而五老其南起之峰。最為聳拔。兩山夾凹中有羅漢洞。余急於武功。不及為羅漢五老遊。



遂北登十里坳。越嶺北下山。復成塢。曰鐵徑。復從其北。越一嶺。下五里。更得平疇。曰巖堂。五里上雞公坳。一名雙頂。甚高。嶺南之水出。鉄徑北水則出陳山。雞公以北。即安福境。下嶺五里。抵陳山。東西俱崇。山峻嶺夾峙。上則虧蔽天日。下則奔墜峭削。溪與非復人境。

初。旨北向行。南來之水從東破山去。又有北來水合而東。路即溯流北上。五里宛轉至嶺上。東轉北度嶺。脊曰常衝。嶺西一峰為喬家山。石勢嵯峨。頂有若屏

列。若人立者。諸山之中。此為翹楚。北下三里。一石崖兀突。溪左上皆純石橫豎。水從峰根墜空而下者。數十丈。但路依右行。畦畔叢茅蒙葺。不能下窺。徒聞搗空振谷聲。下此始見山。峽中田塍環壑。又二里抵盧子壠。一溪自西南一溪自東南。南山峽與常衝之溪谷而北。壠北一岡橫障溪。使西走。溪乃環岡復北。遂西北流。路始捨溪北過岡。又五里下至平疇。山始大開。成南北兩界。而盧子壠之溪復自西轉而東。遂成大溪。東由洋溪與平田之溪合。乃渡溪北行。三里至妙



山。復入山峽。三里至泥坡嶺。麓。五里北越嶺而下。又得平疇一壑。曰十八都。又二里有大溪。亦自西而東。乃源從錢山洞北至此者。平田橋跨之。度橋北上。相公嶺從此迢迢直上。五里有路從東來。合又直上十里。盤陟嶺頭。日炙如釜。渴不得水。久之聞路下淙淙聲。覓莽間一竇。出泉。掬飲之。山凹得居落。為門家坊。坊西一峰甚峻。即相公嶺。所望而登者。正東北與香爐峰對峙。為武功南業。

初三坊北三里。轉而西。後循山向北。始東見大溪。來自香爐峰麓。是為湘吉灣。又下嶺。連越兩山脊。二里抵何家坊。路從西塢下者。乃錢山之道。路從北拗上者。乃九龍之道。而正道則溯大溪東。從夾中行。二里渡溪。循南崖一里。三仙行宮在溪北。從此漸陟崇崖。二里直造香爐峰麓。其崖拗時有細流懸掛。北下大溪去。仰見峰頭雲影漸朗。亟上躋。忽零雨飄揚。三里至集雲岩。雨遂沾衣。乃入集雲觀。少憩。觀南倚香爐。北向武功。前則大溪由東溪塢來。西經湘吉灣而去。雨少至。倩一道流送。至山頂。冒雨半里。渡老水橋。復

武功山在  
吉安府安  
福境



循武功南麓行。遂上牛心嶺。五里過棋盤石。雨漸大。道流還所界。送資棄行囊去。蓋棋盤有道。直北上五里。經石柱風洞。又五里徑達山頂。此集雲登山大道也。由小徑循深壑而東。乃觀音崖道。予欲兼而收之。直從山頂小徑趨九龍。而所送道流。欲仍下集雲。從何家坊大道上。故不合而去。予遂從小徑冒雨東行。山支直從山頂墮壑而下。凸者為岡。凹者為峽。路循其腰。過岡則躋而上。過峽則俯而下。由棋盤經第二峽。一石高十餘丈。豎峰側。殊覺娉婷。其內峽突兀。叢

樹望之甚異。而石滑草塞。無可着足。循路東過峽者。三其岡。下由涧底橫渡而南。直接香爐之東。水遂分東西流。西田集雲出平田。東即觀音崖下江口。皆安福東北溪也。于是又過兩峽。北望峽內。樹木蒙茸。石崖竒詭。時見崖上白練如瀑。而怪無飛動之勢。審視之。俱僵凍成冰也。共五里抵觀音崖。一名白法菴。在武功東南隅。其地幽僻。溪泉初為山牛野獸窩。白雲鼎建禪廬。其徒隱之。擴大之。殿前廣池一方。亦高山所難前。有尖峰曰箕峰。乃香爐東又起一尖也。庵前



後竹樹甚盛。前大路直下江口。後即登山東路也。雨止。由菴東躋其後。直上五里。抵三里山頂茅菴。三石菴殿即在其上。而濃霧彌漫。咫尺不辨。道者引入叩禮。返宿茅庵。武功山東西橫若列屏。正南為香爐峰。香爐西即門家坊尖峰。東即箕峰。三峰俱峭削。而香爐高懸獨聳。並列武功南。若櫺門然。其頂有路四達。由正南者自風洞石柱下至棋盤集雲。經相公嶺出平田十八都。為大道。予所從入山者也。由東南者自觀音崖下。至江口達安福。由東北者。二里出雷打石。

又一里即為萍鄉界。下至山口達萍鄉。由西北者。自九龍抵攸縣。由西南者。自九龍下錢山抵茶陵州。為四境云。  
初四。霧影忽開。忽令從正道下覓風洞石柱。直下者三里。遠見香爐峰時出沒。半山猶濃霧如故。遂乘未雨。返山頂。先往九龍。沿山脊西行。初猶瀰漫。已漸開。三里下度一脊。忽沉霧中。望見中峰北。轟崖蘄柱。直下挿谷底。號曰千丈崖。百崖聳峙。迴環高下。不一。墮北而下。為門為闕。為嶂為樓。皆密樹平鋪。霧猶時上。



籠罩。身至其側。輒復開朗。標異。蓋武功屏立。東西與中共起三峰。而中峰最高。純石。南面僅見。峯兀而北。則極懸。岨迴。岨之奇。使不由此。而由正道。幾謂武功無奇勝矣。西三里過中峰之西。連度二脊。狹僅尺五。至是南北俱石崖。而北尤新削。環突多奇。脊上雙崖。重剖如門。下墮至重。整由此通道而下。可盡北岨諸勝。惜山高路絕。無能至者。又西復下而上。為西峰。一與東峰無異。而石骨嶙嶒。則少遜中峰。又五里過野豬窪。西峰盡處。石岨特出。下容四五人。曰二仙洞。聞

其上有金雞洞。未入。于是山分兩支。路行其中。西下四里。至九龍寺。當武功之西。垂崇山至此。忽閉塢成圍。中有平壑。水西出。峽橋。墜岨而下。乃神廟時與觀音岨東西並建。觀音開壘下臨。九龍幽巖中敞。形勝固不若九龍端密也。若以地勢論。九龍雖稍下於頂。其高反在觀音岨之上。出寺。西越溪口橋。溪從南下。西越一嶺。又過一小溪。二溪合而南。墜谷中。溪墜於東。路墜于西。俱垂南直下。五里為紫竹林。僧寮倚危湍。修竹間。幽爽兼得。亦精籃之最精者。從山上北



望猶在重霧中。漸下漸開。而破壁飛流。峽懸湍十里。而至盧臺。或從溪左。或從溪右。循渡不一。搃在轟雷倒雪中行。但澗壑危聳。竹樹翳密。墜不能下窺。及下而渡澗。又復平流處矣。出峽抵盧臺。始有平疇一壑。亂流交湧。畦間行履沾濕。夾溪四五家。環堵離立。遂托宿。

初五。東南越嶺行五里。下至平疇。是為大陂。居民數家。自成一壑。一小溪自東北來。乃何家坊之流也。盧臺之溪自北來。又有沙盤頭之溪自西北來。合而南

出陳錢口。兩山如門。路亦隨之出口。即十八都平田。東向大洋也。大陂之水自北而出。陳錢上陂之水自西而至。車江二水合而東。經錢山下平田者也。路由車江循西溪五里。至上陂。復入山渡溪。南上門樓嶺。五里越嶺。復與溪會。迺平塢二里。一峰當溪之中。南北各有一溪。潑峰前而合。是為月溪。上流路從峰之南。溪入南有石蘭衝。頗窳兀。又三里登祝高峰。嶺平。行二里。東南下二里。過洞北。西南登一小山。石色潤。而形巉。由石隙下窺。一窟四環。有門當隙中。內為菴。



后為石城洞。外石崖四亘。崖有隙東向。菴即倚之。菴北向。洞在其左。門東北向。循級而下。頗似陽羨張公洞門。而大過之。洞中高穹。與張公並。而深廣倍之。其中一岡橫間。內外分兩重。外重有巨石分列門口。如臺。當臺之中。兩石笋聳立而起。其左右列者。北崖有石柱矗立。大倍於筍。而色甚古朴。從石底高擊上。屬洞頂。傍有隙可環柱轉。柱根湧起處。有石環捧。若植之盤者。其傍有支洞。曲向北。再進。又有一大柱。下若蓮花。圍疊成柱。上如寶幢。擊蓋屬頂。傍亦有隙可

循轉。柱之左另環一竅。支洞益穹。因索炬不能。遂止。初。由洞門南越一嶺。可五里。其西為西雲山。東為佛子嶺。之西垂。望見東面一山。中剖如門。意路且南向。無由得一迫視。又二里。至樹林。忽渡橋。轉而東。一里。正取道。斷山間。乃即東向。洋溪大道也。蓋自祝高嶺而南。山分東西二界。中間大洋。直南抵湯渡。其自斷山之東。山又分南北二界。中間大洋。東抵洋溪。而武功南面。與石門山之北。彼此相對。中又橫界祝高。至兒坡一層。遂分南北二大洋。北洋西自上陂。合陳



錢口之水由錢山平田會於洋溪。南洋西自斷山至  
路口。水始東下。合石門東麓。盧子壠之水。由塘前而  
會于洋溪。二溪合流。曰洋岔。始勝舟而入安福。初望  
斷山甚逼削。及入之。無奇也。是名錯了。拗入拗東南  
三里。至午口。南上嶺。山狹片石森立。色黑質秀如英  
石。又二里。一小峰特立而尖。上人號曰天子地。東逾  
一嶺。五里為銅坑。南直上。黑霧中五里。忽聞溪聲  
喧沸。已循危崖峭壁上行。霧中下瞰。皆峭石並駢立  
溪上。沉黑逼仄。不能詳也。已而竹影當天前。大聲出

戶。遂得石門寺。問石門之奇。尚在山頂五里而遙。會  
雨大作。因番寺。

初七日。天雖霽。露未晞。日高乃上山。迨下山。日色已過  
午矣。以不及至梁上。遂由舊路下至銅坑。北向十里  
宿路口劉氏宅。

初八日。西南向石門西北麓行。即向所入天子地處也。  
五里。小流自銅坑北麓西北注山峽間。忽有亂石蜿蜒。  
中一石橫卧澗上。流深。透其下。其石玲瓏若雲  
片。偃卧。但流微梁伏。似園亭中物。巧而不鉅。耳又五



里。通。固。而。得。大。澗。一。峰。兀。立。澗。北。為。洞。仙。岩。踰。澗。南。循。西。麓。行。其。西。即。祝。高。南。下。之。大。洋。也。南。為。永。新。界。又。五。里。與。大。路。合。又。五。里。一。大。澗。東。自。宰。芳。坳。來。坳。在。禾。山。絕。頂。西。北。與。石。門。南。來。之。峰。連。列。者。渡。之。而。南。即。為。梁。上。復。南。五。里。連。踰。東。來。二。澗。過。青。塘。墅。又。二。里。宿。西。塘。

初。九。復。南。行。西。踰。一。北。來。之。澗。即。前。東。來。之。澗。轉。而。南。者。七。里。至。湯。渡。始。與。大。溪。遇。此。溪。發。源。祝。高。南。合。南。下。所。經。諸。澗。盤。旋。西。山。麓。至。此。東。轉。始。勝。舟。又。五。

里。至。橋。上。其。處。有。元。陽。觀。元。陽。洞。七。外。列。三。門。內。可。深。入。以。不。知。竟。去。前。溪。復。自。北。而。南。渡。溪。踰。山。十。里。隨。大。溪。東。入。峽。又。二。里。為。龍。山。數。家。倚。溪。上。循。溪。東。去。岷。石。飛。突。如。蹲。師。跳。虎。高。瞰。其。上。路。出。其。下。灘。石。激。湧。殊。為。壯。觀。三。里。峽。漸。開。出。峽。南。北。廓。然。又。二。里。溪。轉。而。南。北。望。禾。山。高。穹。獨。出。與。除。夕。李。田。所。望。無。異。始。知。宰。芳。嶺。之。東。又。分。一。支。起。為。禾。山。而。禾。山。又。西。環。一。支。至。高。山。石。坳。也。木。山。西。南。有。溪。南。下。至。此。與。龍。江。大。溪。合。而。南。去。路。亦。隨。之。五。里。渡。龍。田。溪。循。



溪南岫東向行。又六里至路江。與靜聞會。  
初十日。由路江循西來小水。二十里為橋頭。分兩道。直  
西向者。往茶陵道也。渡溪西南向。則芳子樹下道。於  
是從西南道十里至界頭嶺。為江廣分界處。蓋崇山  
南自岷子壠。東峙為午家山。東行者分永寧永新南  
北界。北轉者至月嶺。伏為塘石。為茶陵永新界下嶺。  
水即西流。聞黃霄仙在其南。遂迂道南入山。十里南  
越一溪。即黃霄下流也。踰仙宮嶺下五里。望南山高  
挿天際者。即午家山。乃永陵寧茶陵界也。北與仙宮

夾而成塢。中一峰自西而來。至此始卓立。下即黃霄  
廟。上南有澗奔湧。不見上流。察之。則一竅伏卓峰之  
下。亂波流出。遂成湍。七之勢。游竟。仍北出仙宮嶺。十  
里與界頭之道合。又一溪自西而東。發源岷子壠。在  
黃霄西北重山中。渡溪北五里。復得一溪。亦東向去。  
渡溪橋。即為芳子樹。始見大溪。自東南注西北。小舟  
鱗次。其下至高隴而更大。芳子樹名。昔有之。今無矣。



你楚遊日記

丁丑

起于你正月十五日

西南游日記 湖廣

年 正月十一日 分 靜聞舟從芳子樹順流至衡  
 州。期以衡之青草橋塔下。予同顧僕從陸探茶陵做  
 縣之勝。順流西行八里。越兩岡至蟠龍卷。前道分  
 為兩。一小溪北自龍頭山來。過溪直西去。是為巫江。  
 乃茶陵大道。隨山順流轉南去。是為小江口。乃雲嵒  
 山道。小江口即蟠龍巫江二溪。北自龍頭至此。南入  
 黃霄大溪者。雲嵒山在茶陵東五十里。涉江之上。其  
 山深峭。神廟中孤舟大師。開山建刹。孤舟故。虎來寺。

A 1 2 3 4 5 6 M 8 9 10 11 12 13 14 15 B 17 18 19

1 2 3 4 5 6 7 8 9 10 11 12 13 14 15 16 17 18 19



丁丑

西南游日記 湖廣

十年 正月十一日 分靜聞舟從芳子樹順流至衡  
州。期以衡之青草橋塔下。予同顧僕從陸探茶陵攸  
縣之勝。順流西行八里。越兩岡至蟠龍峯。上前道分  
為兩。一小溪北自龍頭山來。過溪直西去。是為巫江。  
乃茶陵大道。隨山順流轉南去。是為小江口。乃雲嵒  
山道。小江口即蟠龍巫江二溪。北自龍頭至此。南入  
黃霄大溪者。雲嵒山在茶陵東五十里。沙江之上。其  
山深峭。神廟中孤舟大師。閉山建刹。孤舟故。虎來寺。



攫僧去。遂星僧徒星散。豺虎盡遊。人無入者。每從人問津。俱戒莫入。且雨霧沉霾。莫為引道。予不為阻。從蟠龍小路南沿小溪二里。復與大溪遇。渡溪南入山。雨沉。益盛。西南三里。則大溪復自北來。直逼山下。盤曲山峽。兩旁石崖。水噴成磯。沿大溪二里。至沙江。即雲嵒溪入大溪處。道過一人持蓋將遠出。見問雲道。即曰。入此山非多人。不可。予為君前驅。因隨抵其家。為予覓三人。各持械。具火。冒雨入。初循溪口東入一里。一小溪自西峽透隙出。望其石崖層亘。外東如

門導者曰。此虎窟下也。熊採從未有入者。遂溯雲嵒大溪。宛轉二里。溪底石峙如平臺。中剖一道。水由石間下。甚為麗觀。于是上山。轉山嘴而下。得平疇。一壑曰和尚園。四面重峰環合。平疇盡約一里。復踰一小山。循前溪上流。曲折峽中一里。抵雲嵒寺。山深霧黑。寂無一人。而大雨催促。遂同導者出。上溪口。遇一舟。附之順流下。時衣履沾濕。得舟甚適。買新炊粥炙衣。無暇遑問兩旁崖石也。山溪迂曲。下午登舟。四十里。暮舟子宵征三十餘里。泊東江口。



會仙寨  
石梁

十二。聞靈岩在茶陵南十五里。乃出城南渡鄧水。東南行。陂陀上下。五里得平疇。曰歐江。有溪東南來。溯之行。霧中望東山。石甚兀突。心異之。又五里抵沙陂。溪之源在東四十里。百丈潭。山最高者曰會仙寨。下臨沙溪。上亘圓頂。如疊磨。其內穹峩裂洞。曰學堂岩。再東山峽盤亘。中曰石梁。在會仙寨東谷。其谷亂。岷分亘。攢列成塢。兩轉而石梁東西橫列。下開一竇。由梁下北望。別有天地。透梁入梁上。復開岷一層。由東坡上直造梁中止。登之如踐重樓。又東一里。乃此

入峽中。一里得碧泉岩。對獅岩。俱南向。又東踰嶺下。北轉則為靈岩。東向深數十丈。高四丈。自會仙岩至此山。皆不甚高。俱石岷盤互。堆環成壑。為玦為門。為岩為洞。往而而是。但石質粗而色赤。無通漏潤澤。觀唯石梁橫跨。下復穹然。此中八景為第一。十三。返至茶陵南關外。經大西門。尋紫雲。陽諸勝。西九里抵山麓。曰沙江鋪。至此直逼山下。鋪西為攸縣。安仁大道。南登山上一里。山半真武殿。上則觀音。菴俱北。瞰來水。予詢雲陽道。菴僧曰。雲陽山西去。此



十里。頂為老君岩。雲陽山在其東峰腋。去頂三里。雲陽山之麓為赤松壇。去雲陽亦三里。紫雲乃雲陽東北盡處。而赤松為雲陽正東麓。由紫雲之北。西順江岫三里。為洪廟山。乃登嶺北道。由紫雲南循山麓。西里。即赤松壇。則登頂東道也。去頂各十里而近。今觀音菴側。西小徑二里。可達羅漢洞。菴亦有間道登頂。不必下紫雲也。予從之。遂由真武殿側。西北度兩小坳。一澗從西北來。則紫雲與羅漢后山夾成者。水北入大江。紫雲為所界。斷渡澗。即羅漢菴。東向。予急

于登頂。從菴后。西向登山。濃霧翳山半。不顧攀躋。直上三里。踰峰脊。兩重。霧漸開。又上二里。則峰脊冰塊盈柯。大小依枝。遇風輒墜。時嵐霧悉消。山之南與東二面。歷々可觀。鄱江自東南。黃霄江自西北。盤曲甚遠。始知雲陽之峰。俱自西南走東北。排列數重。紫雲其北面第一重也。羅漢菴后。予所由躋者。第二重也。雲陽山第三重也。老君岩在其上。為絕頂。所謂七十峰第一峰也。頂峰在南。予所登峰在北。徑路迷絕。西南望峰頂。中隔一塢。絕頂尚霾沉霧中。俯瞰過脊



處在峰足里許。其上隔山竹樹一壑。兩乳迴環掩映。疑即雲陽山。雖無徑。亟直墜下。度脊上二里。踰一小坳。入雲陽山。菴上北向。登頂道由左畔上。可五里至老君岩。菴后有巨石。飛累駕空。竹樹懸綴。石間五雷池。澄碧迥異。層岩上突。無可扳陟。且黑霧迷翳其上。辨晰甚難。蓋予所登道。當風無樹。故冰僅隨枝堆積。此菴中山峰環夾。竹樹蒙茸。紫霧成冰。玲瓏滿樹。每朔風一振。鏗然傾地。如玉山之頽。有積高二三尺者。途為之阻。通頂處登陟更難。因問赤松壇。而僧楚音。

訛為石洞。予貪石洞奇。遂捨登頂。東下山。路側瀾流。瀉石間。僧指為子房煉丹池。仙人指跡。諸勝予笑領之。直下三里。抵赤松壇。始知赤松非石洞。殿前特古松一株。無他勝。十四日。濃霧回合。無復登頂望。循山麓北行。踰小澗二重。共四里。過紫雲巖。又六里。抵洪山廟。風雨暴至。市薪煨楸。拙者竟日。廟後有大道。南登絕頂。時廟下泊舟數艘。俱苦石厄。不能順流下。屢招予為明日行。予猶不能。怱然雲陽頂也。



十五泊舟將放。招予速下舟。予見四山霧舒雲泄。遂  
決策登山。由廟後南向登三里。一高峰北峙。道分兩  
歧。予初歧東南。疑由羅漢峽向雲陽山。非徑造老君  
岩者。乃復轉西南。歧不一里。陟高峰。西峽顧僕南見  
峽頂。若石梁東西架。予瞻眺不及。及西上嶺側。大江  
已環其西。大道乃西北下者。遂望嶺頭南躋。上嶺頭。  
冰葉分披。雖無徑。着跡。予意得石梁勝。亦可以少慰  
升嶺。遍覓。無有飛駕石。第見是嶺。脊東西橫。屬高頂。  
其為登頂道無疑。遂東南度脊。仰首直上。又一里。再

踰脊。下瞰脊南。雲陽山已在履底。蓋是嶺東西橫。且  
西為絕頂。北盡境。東即屬前登雲陽東第二重也。嶺  
于是始得道。更南向。上水雪峰。接行冰花玉樹中。一  
里連過二峰。始陟最高峰。從峰脊南下。又一里。復過  
兩峰。有十字微路。界峰坳。南上復登山頂。東西俱由  
山半下。然脊北頂極高。純土無石。脊南峰較下。而東  
面石崖高穹。峰笋森立。乃從南嶺東。攀崖踞石。瞰塢  
中。茅龕意。即老君岩靜室。因上已盡勝。不必下。時欲  
探秦人洞。乃從西路行。山陰水棘縈阻。舉足甚艱。不



二里道絕。四顧皆茅茨。僵凍舉首投足。上下觸困。兼  
茅中時有偃石。疑為虎爪。山下復重霧四沉。瞰眺莫  
燭。計難再下。復望山巔上。凍滑草附。隨躋輒墮。念嶺  
峻草開。可脫虎口。益鼓勇直上。二里復得頂。北望前  
所。西下脊。又隔二峰矣。又南一里。再下二峰。忽亂石  
排空。片片攢。必交戟。霧盛風急。從中流溜。足直下。強  
攀。嗟踞坐。益自豪。既下石峰。坳中復得十字路。于是  
復西向下嶺。三里草叢中。時有細路。又二里。路微而  
石樹蒙翳。又二里。則石懸樹密。路益絕。蓋始路踰嶺。

而西。聞茶陵人自東來。燒木為炭。至此輒返。過此岵  
窮樹深。上者不能下。者亦不復上。遂與顧僕掛石  
投崖。懸藤倒柯。墜空者數層。漸聞水聲。終不識去人  
境遠近矣。霧影一閃。露出層峰。夾谷樹色深茂。又見  
谷口。兩重外。平塢可眺。乃益撥叢。歷級。既而下一懸  
岵。忽得枯澗。遂可踐石行。而澗翳草中。不辨水石。為  
力甚艱。三里下一瀑。岵微見路。隱影時隱現。草間又  
一里。澗從岵間破峽出。兩峽轟峙。北尤斗峭。始得道。  
從南踰岵嶺出。又一里。過北來大道。一村居日窳裡。



蓋雲陽西塢也。其地東北轉洪山廟。五里而遙。南去秦人洞十五里。遂南循山峽行。踰一小嶺。五里上棗林嶺。上俱雲陽西向度。而北轉成峽者。下一里渡澗。澗乃南自龍頭嶺下。出上清洞。依西麓湖澗。南上半里。為絡絲潭。深碧無底。兩崖多疊石。又半里復渡澗。依東麓登山。是處東為雲陽之南峰。西為大嶺。大嶺高並雲陽。龍頭嶺其過脊也。其東南盡西嶺。東北抵麻葉洞。西北峙五鳳樓。西南為古奘沖。一溪自大嶺東北來者。乃洪碧山之水。一溪自龍頭嶺北下者。乃

大嶺雲陽過脊之水。一水合北出。把七龍頭嶺水。南下者。合秦人洞水。出大羅埠。越龍頭二里。得平疇曰東嶺塢。上內水田。平行村居稠密。東即雲陽。西即大嶺。北即龍頭嶺。過脊南為東嶺迴環。予始至以為平地。及下東嶺。而後知在象山上也。循塢東一里。宿新菴。

十音南行一里。登東嶺。即從嶺上西行。嶺頭多漩窩。成潭。如釜之仰。釜底俱有穴。直下為井。深或不見底。是為九十九井。是山下俱石骨崆峒。上透一竅。輒水

秦人洞

A 1 2 3 4 5 6 M 8 9 10 11 12 13 14 15 B 17 18 19



搗成井。七雖枯皆無水。然亦九十九奇也。又西一里。則西南谷中。四山環遶。亦成仰釜。七底有澗。七東西皆秦人洞也。灌莽中直下二里。至其處。澗由西洞出入東洞。澗橫畧釜中。東西長半里。中流先搗入一穴。旋透穴東出。即自石峽中行。峽南北俱石。崖壁立。夾成橫槽。水由槽中抵東洞。南向搗入洞口。洞有兩門。北向。水先分入小門。透峽下。傾人不能從。稍東南入大門者。從象石中漫流。勢較平。但洞內水滙成潭。深浸洞兩崖。旁無餘隙。可入。循崖則路斷。從水則苦無。

無浮槎。唯小門水入峽后。亦旁通大洞流。可搗屬入。其隙宛轉分轍。如軒輅。別啟。返瞞。搗入之勢甚奇。西洞七門東穹。較東高。少殺水由洞後東向出。亦較淺。可涉入洞五六丈。上嵌圓頂。四圍飛石架空。兩重如度懸閣。得二丈梯可度。上其下再入。水亦成潭。深並東洞。不能入。出西洞踰嶺二里。南抵塢。下東洞水東向湧出。水麓亦如黃霄之出石下也。土人環石為陂。壅成巨潭。以灌山塍。水南流出谷。路從其東北上嶺。共三里。仍達東嶺塢。



十七日。仍由新菴北下龍頭嶺。共五里。至絡絲潭下。先是予按志有秦人三洞。上洞唯石門不可入。予既得東西兩洞。無從覓所謂上洞者。土人曰。絡絲潭北有上清潭。門甚隘。水由中出。人不能入。即有奇勝。此洞與麻葉洞俱神龍蟄處。非為難入。亦不敢入也。予聞之益喜甚。既過絡絲潭。不渡澗。即依西麓下。蓋渡澗為東麓。雲陽之西也。東校故道。不渡澗為西麓。大嶺洪碧之東也。出把七道。北半里。至上清潭。洞即在路之下。澗之上。門東向。夾如合掌。水由洞出。有二派。

自洞後者。漚而不流。由洞左者。乃洞南旁竇。出甚急。適洞左急流。即當伏水。入導者止。供炬無肯為前馳者。予解衣伏水。蛇行以進。石隙低而隘。水沒大半。必身伏水中。手擎炬。平出水上。乃得入。西入二丈。隙始高裂丈餘。南北橫裂者亦三丈。然都無入處。惟直西一竇。澗一尺五寸。高二尺。水沒其中者。如所澗。隙餘水面。僅得尺之半。計匍匐水中。必口鼻俱濡水。且以炬探之。貼隙頂入。猶半為水漬。時顧僕守衣洞外。若涸水。又誰為遮炬者。身可由水。炬豈能由水耶。况秦



人洞水予雖沒浸股膝。溫然可近。此水獨寒。而洞當風口。颼七尤厲。風兼水逼。火復阻道。捨之出。爇火洞門久之。復循西麓隨水北。已在東嶺西矣。去上清三里。得麻葉洞。在麻葉灣。西大嶺南。洪碧東。即雲陽東。棧之支北。則東嶺西垂也。大嶺東轉。正東澗下流。夾峙如門。當門一石峰聳突。曰將軍嶺。洞搗其西。而東。棧一支西至此。盡澗西有石崖。南向東瞰澗中。大嶺一支亦東至此。盡迴崖之下。門一隙。淺不能入。崖前有小溪。自西而東入大澗。循小溪至崖西。亂石

間。水窮于下。竅啓于上。即麻葉洞口。南僅斗大。在石隙中。轉折數級下。初覓導心。俱以炬應。無敢導者。且曰。此中有神龍。奇鬼。非符術不能服。最後以重資覓一人。將脫衣問予。乃儒非法士。驚出曰。予以為大師。故縱胆入。豈能身殉水汝耶。予乃寄行李前村。與顧僕各持數炬入。村民隨至洞口者數十人。皆莫能從。予兩人乃以足先入。歷級轉竇。逾炬下。數轉達洞底。洞稍寬。可側身舒首。乃以炬前向。其東西裂隙俱無入處。直北一穴。低僅尺濶。等下甚平燥。先以炬後







蛇伏進。背腹摩貼。足後聳。乃度此內洞第一關。內裂  
隙既高。東西橫亘。然亦無入處。又度第二關。低隘與  
前齊規。進法亦如之。既入。內層亦橫裂。西南裂者不  
甚深。其東北裂處。上一石坳。忽又縱裂起。上穹下峽。  
高不見頂。至此石形殊幻。膚理頓易。片竅俱欲生動。  
其西北之峽。漸入漸東。內夾一縫。不能容炬。轉從東  
南峽。仍下一坳。其底浮沙石平鋪。如澗底潔。潘乾燥  
鮮水。峽東南盡處。亂石轟駕。疊成樓臺。由其隙皆可  
攀躋。上其上石竇一縷。直徹洞頂。光由隙中下射。宛

如鈎月。澗底南通。覆石低壓。高僅尺許。此必前通洞  
外。澗所從入者。由層石下。北循澗底入。隘低甚。與外  
關相似。稍從其西。攀上一石隙。北轉而東。下一級。復值  
澗底。已轉入隘。閉內。于是闢成一術。澗二丈高。殺其  
五尺。覆石平如布。帷北驅坦。底半里許。下有一石。度  
出為榻。楞邊明辯。上則蓮英。下乘連接成帟。四圍垂  
幔。大與榻並。中圓透盤。空上穹為頂。其後西壁玉柱  
圓。盞大小不一。而色皆瑩素。紋絕刻鏤。銜中第一奇  
也。又直北半里。洞分上下兩層。澗底東北去。上洞登



自西北時所齎火炬已去其七。恐歸途迷惘。遂割返。抵透光處。炬裁盡。洞外守視者。又增數十人。見余兩人。皆額禮稱異。且曰。前久待不出。疑墮異吻。予各謝之。然此洞但入處多隘。其中美勝。予所見洞俱莫及。不知土人何畏入。乃爾。乃取行李于前村。隨澗北十里。抵大道。又西十里。宿黃石鋪。去茶陵西已四十里。鋪南即大嶺北峙峰石俱嶙峋。揀空西南一峰尤甚。名五鳳樓。去十里而近。即安仁道。予奈卧不及詢。明發登途。知己無及。黃石西三十里為高暑山。又有小

暑山。俱在攸縣東。疑即司空山也。二山之西。高峰漸伏。茶陵江北曲。經高暑南麓而西。攸水在山北。是山界茶攸兩江云。十日。西北五十里。抵攸縣。十九日。西南四十五里。下太平寺嶺。則大江在其下。隔江即芷州也。候舟不得。宿泊舟間。二十日。上午始得舟。順流西北。向山峽行。二十里。五大鵞灘。十五里。過下埠。下四鄉灘。險甚。過此山始開。江乃西向。二十五里。北下橫道灘。又十五里。宿楊子坪。

A 1 2 3 4 5 6 M 8 9 10 11 12 13 14 15 B 17 18 19



民舍。

二十。百。四。鼓。舟。人。乘。月。促。下。舟。二十里雷家埠。出湘江。又東北十五里。抵衡山縣。出望岳門。三里。越桐木嶺。始有大松立路側。又二里石陂橋。松始夾道。五里過九龍泉。又五里師姑橋。山隴始開。乃見祝融峰北峙。然夫路松至師姑橋盡五里。入山復得松。又五里路北有子抱母松。又五里過司馬橋。入謁岳廟。問水簾洞在山東北隅。非登山道。遂東出岳市。東北三里。有小溪自岳東高峰來。入小徑。三里上山峽。即望見

水簾布石崖下。二里造其處。乃瀑之瀉于崖間者。非洞也。下山又東北二里登山循峽。踰一隘。中峰迴水。逸為九真洞。亦山峽間瀑也。在紫蓋峰下。踰山而北。尚有洞亦山塢。漸近湘潭境。予見日將暮。遂出山十里。宿於岳廟。二十。百。力。疾。登山。由岳廟西渡將軍橋。岳廟東西皆澗。北入山一里。為紫雲洞。亦無洞。山前一岡。當戶環成耳。由此上嶺一里。大石後度一脊。里許。路南有鐵物寺。上後躋級一里。路兩旁俱細竹蒙茸。上嶺得丹



雲寺。復從寺側北。由絡絲潭北下一嶺。又循絡絲上流之間。一里為寶善堂。其處澗從東西兩壑來。堂前大石如劈。西澗環石下出。王板橋。與東澗合而南。寶善界兩澗中。去岳廟已五里。堂後復躡蹬一里。又循西澗嶺東。平行一里。為半雲卷。後渡澗。西躡級。直上二里。上一峰。為茶卷。又直上三里。踰一峰。得半山。卷路甚峻。由北山卷。丹霞側北。上竹樹交映。青翠滴衣。竹中聞泉聲淙淙。自半雲踰澗。全不與水遇。以為山高無水。至是聞之。殊快。時欲登頂。過諸寺。俱不入。

由丹霞上三里。為湘南寺。又二里。南天門。平行東向。

三日下午脫履。天炬法宿。大者或以至。孟不賴。平時所見也。初行山前。望其雲烟霞。石原天柱。洪峰皆摩霄。插中森如列戟。多奇競秀。莫肯相下。而視融乃藏。峰間才露頂。如鬚及登峰首。別出峰巒。在履底。且揖且送。如頓而滿。湘蒸江一縷。環帶。因懷李白五峰晴雪。飛花同底。勺蓋。穿。景也。

二十六日。至觀音崖。再上祝融峰。會仙橋。由不語崖。西下八里。路分南北。七二里。九龍坪。仍轉路口。南一里。茅坪。東南由山半行四里。渡亂澗。至大坪。分路。東南上南天門道。予乃從西南小路。直上四里。為老龍池。在嶺坳。嶺外多淨室。西南至側刀之西。雷祖之東。七



雲寺。復從寺側北由給絲潭北下一嶺。又循給絲上流之間一里為寶善堂。其處澗從東西兩壑來。堂前大石如劈。西澗環石下出。王板橋與東澗合而南。寶善界兩澗中去岳廟已五里。堂後復躡蹬一里。又循西澗嶺東。平行一里為半雲菴。後渡澗。西躡級直上二里。上一峰為茶菴。又直上三里。踰一峰得半山菴。路甚峻。由北山菴。丹霞側北上。竹樹交映。青翠滴衣。竹中聞泉聲淙淙。自半雲踰澗。全不與水遇。以為山高無水。至是聞之。殊快。時欲登頂。過諸寺俱不入。

由丹霞上三里為湘南寺。又二里南天門。平行東向二里。分路南一里。飛來船諱經臺。轉至舊路。又東下半里。北度菴。西北上三里。抵上封寺。東有虎跑泉。西有卓錫泉。凡住寺三日。二十六日。至觀音崖。再上祝融峰會仙橋。由不語崖西下八里。路分南北。上二里九龍坪。仍轉路口南一里。茅坪東南由紅半行四里。渡亂澗。至大坪分路。東南上南天門道。予乃從西南小路直上。四里為老龍池。在嶺坳。嶺外多淨室。西南至側刀之西。雷祖之東。

卷之七  
遊山記



二里上側刀峰。平行頂上二里。下山頂度脊甚狹。行赤帝峰北一里。遶其東。乃南由坳中東行一里。轉出天柱東。遂南下五里。過獅子山。與大路合。由岐路西入福嚴寺。

二十七。由寺西循天柱南一里。又西上二里。越南分脊。北轉循天柱西一里。上西來脊。遂由脊上西南行。循華蓋東轉。出其南麓。西三里。復循華蓋西北下。風雨大至。北過一小坪。復上嶺。共一里。轉西行嶺脊上。連度三脊。或循嶺北。或循嶺南。共三里。復上嶺。直上

二里。是為觀音峰。北嶽中行三里。雨始止。沉霾益甚。西南下一里。得觀音菴。又下一里。為羅漢臺。有路自北塢至者。即南溝來道。于是復南上三里。度二脊。既踰高頂。南下一里。得叢木一丘。曰雲霧堂。又南下。一里。得東來大路。遂西下。又一里半。至澗。渡橋而西。即方廣寺。蓋大嶺之南。石廩峰分支西下。為蓮花諸峰。北則雲霧頂分支西下。為泉室天台諸峰。夫而成塢。寺居其中。水口西去。環鎖蓋隘。亦勝地也。寺西有洗袖池。補衣石在澗旁。渡水口橋。即北上山。三里得



天台寺。蓋衆室峰。又西起高頂。突為天台峰。西垂一支。環轉而南。若大尾之掉。幾東接其南下之支。南面水僅成峽。內環一塢如玦。在高原之上。與方廣可稱上下二奇。仍返宿方廣。

二十合。出補衲臺。沿澗西行五里。石樹紫溪。岩影溪。上下交映。又二里。隔溪前山。有峽自東南來。與方廣水合流。西去。路遂北向。登崖。下石樹愈密。澗在溪壑中。有黑白黃三龍潭。兩崖峭削。路折而上。聞澗而已。不能見也。已平行半山。共三里。過鷲公嘴。得龍潭寺。寺在天台西峰。南為雙髻峰。蓋天台雙髻。尖而西來。以成龍潭。北上即寺。西為獅子峰。尖削特立。天台以西峰至此盡。其南隔溪即雙髻峰。而蓮花以西峰亦至此盡。過九龍。猶平行山半。五里自獅子峰南。逸其西下山。又五里為馬跡橋。而衡岳西面之山始盡。橋東去龍潭十里。西去湘鄉界四十里。西北去白高三十里。南至衡陽界。孟公坳五里。自馬跡橋南渡一澗。即方廣九龍水去白高者。東南行四里。又越小橋一里。上一低坳。不知其為界頭也。過坳又

潭寺。寺在天台西峰。南為雙髻峰。蓋天台雙髻。尖而西來。以成龍潭。北上即寺。西為獅子峰。尖削特立。天台以西峰至此盡。其南隔溪即雙髻峰。而蓮花以西峰亦至此盡。過九龍。猶平行山半。五里自獅子峰南。逸其西下山。又五里為馬跡橋。而衡岳西面之山始盡。橋東去龍潭十里。西去湘鄉界四十里。西北去白高三十里。南至衡陽界。孟公坳五里。自馬跡橋南渡一澗。即方廣九龍水去白高者。東南行四里。又越小橋一里。上一低坳。不知其為界頭也。過坳又



五里。有水有東北山間懸崖下。高數十仞。曰小響水塘。亦衡岳餘波也。又二里。有水自北山懸崖飛瀉。是為大響水塘。濶大過前崖。而水分兩級。轉下峽間。初見上級。故見覺其不及前崖之流直下也。前即寧水橋。水南出沙河。下衡郡草橋。寧水橋五里。過國清亭。踰小嶺為穆家洞。迴環圓整。水自東南環東北。乃石廩峰西南峽中水。山環如水。而東附于衡山之西。經洞二里。復南踰一嶺。二里為陶朱下洞。甚隘。水直西去。出路又南入峽。二里復踰嶺。陶朱中洞。水亦

西出。又南二里上嶺。坳甚隘。為陶朱三洞。敞於前二洞。而不及穆洞之迴環。二里又踰嶺為界江。江之西曰大海嶺。湖水南行一里。上一坳。至傍塘。隨水東南行五里。抵黑山。又五里水口。兩山逼湊。水由其內破壁入。一里水始出峽。路亦夷。又一里為橫口。傍塘黑山之水南下。岫嵒之水西南來。至此合北望岫嵒白石諸峰甚近。南去衡郡五十里。二十九日沿溪南行。踰大小梨坪。共五里。復與溪遇。循溪東南下十里。越溪。又五里入排衡排衡者。山岡自



黑山西之談碧嶺。東南至青山。分為兩支。俱西北轉。西岡排列。夾為長塢。至青山坳。凡五里。塢始窮。乃踰坳而南。十里下望日坳。至黃沙灣。則蒸江自西南來。路隨江東南下。又五里。抵衡郡之草橋。覓靜聞。暮得之。綠竹卷。瑞光上人處。庵在北門外。華嚴松羅諸菴。間八庵連絡。俱幽靜明潔。貝誦之聲相聞。乃桂藩焚修地。

二月初一日。由庵東南踰小嶺。至湘江。溯江至蒸水入相處。渡江登東岬。東南行六里。復西五里。從丁家渡渡江。已在郡南門外。登岬上回雁峰。不甚高。東臨湘水。北瞰郡城。俱在足下。雁峰寺籠罩峰頂。無餘隙。仍出北門。登石鼓山。在臨蒸驛後。湘江流其南。蒸江北遠。山由其中間東突成峰。前有禹碑亭。後為崇業堂。再上宣聖殿。中峙焉。殿後高閣甚暢。曰大觀樓。平視衡城。與回雁南北相對。蒸湘夾其左右。近出窓櫺下。近而萬家烟市。三水檣帆。遠及于岳雲嶺木。亦為披映。雖書院宏偉。不及吉安白鷺。乃地為名賢樂育之區。薰滕王黃鶴諸勝。非白鷺所得侔矣。樓後為七



賢祠。最後為生上閣。上東向。下瞰蒸湘。合流于前來。水北入二里外。與大觀西易向。大觀踞山頂。收南北西三面之奇。此則東盡二江合流之勝者也。又東為合江亭。址稍下。臨流愈近。下樓過青草橋。東北二里入綠竹菴。來雁塔者。衡州下流。第二重水口山也。石鼓從郡城東北。特起垂江。為第一重。雁塔入峙于蒸水東來水北。為第二重。南瀕江。與石鼓夾峙。蒸水左右。初二至初六。俱雨阻庵中。

初七。旨靜。聞同顧僕定永州船。予循庵東入桂花園。乃桂藩新構慶桂堂地。前列丹桂三株。皆聳榦參天。接陰蔽日。其北寶珠茶五株。雖不及桂之高大。亦鬱森殊匹。又東為桃花源。西自華嚴天母二庵來。南北俱高岡夾峙。中層疊為池。上兩旁依岡分塢。皆梵宮紺宇。諸藩閣亭榭。錯出其间。桃花源上。即桃花冲。乃嶺坳也。其南最高處。結亭曰停雲。從亭北逾桃花冲。坳東復岡夾成池。越池而上。即來雁塔。前為雙練塘。西對石鼓。返眺蒸湘交會。亦甚勝。因促僧登塔。厯五層。



四眺諸峰。北惟衡最高。次西之雨母山。又次則西北  
大海嶺。餘皆岡壟高下。無甚崢嶸。而東南二面豁然  
無際。湘水自迴雁北注城東。至合石鼓合蒸。遂東轉  
經塔下。東合耒水北去。三水曲折。不及長江一望無  
盡。而紆迴殊足戀也。歸庵晤靜聞。知舟行期二日  
後。

初。合入郡。出南城一里。由回雁麓一里。入花葉山。  
不甚高。即回雁西轉迴環下府城者。諸峰如開翅舒  
翼。四拱成塢。有寺當其中。若在城郭內。弘敞為一方

冠。

初九。移行李舟中。雨不止。舟泊不行。

初十。僅行舟五里。泊水府廟。

十一。二十五里。南上鉤欄灘。衡南首灘也。又西二十

五里。為車江。折而東南二十里。為新塘站。又二里。泊

新塘上流之對涯。二鼓中盜囊洗。僅脫身。顧僕被重

創。

十二。賴靜聞于焚餘中。扳得衣被數件。體得蔽。時劫  
舟已沉。鍋具焚沒無餘。靜聞沒水。取得一鐵銚。漉取



江底濕米。煮粥遍食諸難者。余三人因附土人舟。返  
衙府。抵鐵樓門。已五鼓。

十三日。入城投金祥甫。欲假游資于桂藩。金其書記也。  
日復一日。竟不得其要領。

二十日。出黃柴埠門外。途遇折寶珠茶者。花大瓣密。其  
紅映日。又見千葉緋桃。含苞大如鐘。皆桃花冲物也。  
擬往觀之。

二十二日。同靜聞出瞻岳門。越草橋。過綠竹園。桃柳歷  
亂紛目。入桂花園。則寶珠甚放。花巨如盤。殷紅密瓣。

萬朶浮園翠之上。真一大觀。不復知身在窘難中。望  
隔溪塢內。桃花竹色。映帶生姿。中有閣臨流。亭新其  
巔。循級入登山踞亭。為之憮然。

二十六日。金闈會得百金。遂貸二十金於予。會桂藩復  
有所捐助。靜聞不能無望。予意先往道州。留靜聞候  
助。郡中待予還。同西行。

三月初三日。下舟。風雨作。舟子遷延。晚始移泊南門埠。  
初四日。下午過汊江。抵雲集潭。去前日被盜處不遠。  
初五日。平明發舟。風頗利。十里過前畏途。沉舟猶在也。



四里過爐香爐山。上有灘頗高。又二里十五里。過桂陽河口。桂陽河自南圻入湘。春水出道州舂陵山。巖水出寧遠九疑山。經桂陽西境。合流至此入湘。為常寧縣界。由河口入。抵桂陽尚三百里。又四里止瓦洲夾。

初春二十里過白坊驛。又西南三十里。為常寧水口。水從東圻入湘。亦如桂陽河口。水較小。常寧縣治猶在江之東南也。西十五里泊糧船埠。初七西南十五里。至河洲驛。此寧地。湘江東圻為常

寧界。西圻為永之祁陽界。皆平陵擴然。岡阜遠疊。三十里過大舖。兩圻俱祁陽屬。上九州灘。又三十里至歸陽驛。

初八西七十五里。泊石堤裡。初九五十餘里。下午抵祁陽。予病不能登。昨予至。將至白水驛。力疾西望。一橫山如列屏。至是舟溯流而。又北轉。已出是山之陽。蓋祁山也。山在湘江北。縣在湘江西。祁水南。相距十五里。上流則湘自南來。循城東抵山南轉。祁水西自邵陽來。東入湘。遂並東曲去。



初十日。舟以候客未發。予念浯溪勝不可不登。乃沿江  
南五里。渡之東。已在浯溪下。溪由東。西入湘。流甚細。  
溪北三崖駢峙。西臨湘江。而中崖最高。顏魯公所書  
中興頌。高鑄崖壁。前有亭。下臨湘水。崖巔巉石簇立。  
如芙蓉叢萼。予病怯。卧崖邊石上。仰觀久之。舟至。又  
行二十里。過新婦塘。江北岬石一嫫媢。立岩端。矯首  
作西望狀。下有小鮮。日竹魚極腴。八九月重一二斤。  
他處所無。又十里。泊舟滴水崖。上在江南岬。危岩巨  
空。

十一日。六十五里。抵七里灘。

十二日。二十里。過冷水灘。舟循東岬行。隔江聚落俱在  
石崖上。瀕江石骨嶙峋。直挿水底。闕闐之址。以石不  
以土。人從崖隙。拾級以登。直水中窟宅也。忽南風大  
作。薄暮風少殺。舟乃行五里。已暮。乘月行。五里抵區  
河。  
十三日。四十里。至湘口。闕湘江自西南。瀟江自東南。合  
于其前。予舟由瀟入。十里為永郡西門之浮橋。已一  
舟從後來。予移附其中。蓋以明日向道州者。下午舟



過浮橋。泊小西門。隔江望西岫。石甚森幻。中一溪自西來注。石梁跨其上。心異之。循城而北。西越浮橋。則浮橋西岫異石張吸。執土人問愚溪橋。即浮橋南畔溪上跨石者是。鉅鋤潭則直西北半里。路旁嵌溪者是。始知潭即愚溪上流。潭從西橋從南也。乃遵通衢直西去。路左人家隙中。時見小溪流石間。半里過柳子祠。上南向臨溪。舟西抵茶菴。則溪自南來。泥石東轉。上處石勢尤森特。但亦溪灣一曲耳。無所謂潭也。求小丘小石潭。俱無鮮識者。是水發源永州南百里。

之鴉山。有冉染二名。柳子易之以愚。按文求小丘。當即茶菴也。菴去潭西數十步。叢丘之上。為此中鼎剝。求西山亦無知者。後讀芝山碑。謂芝山亦非也。芝山遠在北。當即柳子祠后圓峰高頂。今後護珠菴者是。聞菴間有柳子岬。則為西山信矣。予覓道其間。西北登山。岬已蕪。竟不得道。乃西南繞茶菴前。復東返柳子祠。前渡溪。南越一岡。東轉出愚溪橋。上兩端瀟江之上。即前所望異石也。因搜踞石窟。上下穿眺。尤幻。橋內一庵曰圓通。北向俯溪。有竹木勝。時舟在隔江。



城下以舟子遲待。予乃返。十四晨過浮橋。西見一長者。叩以永州最勝。曰：湖江南二里。瀕江為朝陽岩。北隨江轉入山岡。亦二里。為芝山岩。無得而三也。予乃先北趨芝山。循江西岸半里。至劉侍御山房。由其側北入山。越一嶺。又北踰山岡。登其山。見山之西北。湘水在北。稍遠。近則一小水從西來。東南則瀟水在其東。瀟江東岬。又有塔臨江。與此山夾瀟為永水口。蓋此即西山北走之支。北盡瀟湘合流處。當即柳子所記萬石山。郡人則稱為芝

山云。越嶺北。從嶺上東轉。前望樹色合陰。石崖轟奮。知異境到矣。即下崖。足仰望。有菴倚之。路遶其北。而上。乃捨菴。上趨則崖石聳透。固奇。而兩旁亂石林立。上下起伏。如蓮萼。芝房中。虛外簇。隨地而是。小徑由其間。上至崖頂。穿一石闕。入有室。南向。遠其南。西穿石隙。入。仍從西峽。下至崖足。一路竹木扶疎。玉蘭鋪雪。入崖下。菴上北一小閣。可憇。南結精廬。倚之。門在其左。僧從內啟扉。揖入小庭。側竇穿卧隙而上。崖石穹然。一亭綴石末。四窻空明。花籜間發。若置身盆石



朝陽岩

窈窕中出。返至浮橋。南直西四十里。有寺曰石門山。最勝。渴登朝陽岩。不及往。分令顧僕從橋東溯瀟。放舟南上。予從橋西。仍過愚溪橋。溯瀟西岫南行一里。大道西南折。道州道也。由岐徑東南一里。則一山怒而豎石。奔與江鬪。踰其上。東俯入石闕。內飛石浮雲。旁下瞰瀟水。即朝陽岩矣。岩後通前溪。豁上覆重崖。山谷傳響。舟人已放。舟于下。促下舟。予不顧。崖北有石磴。直下緣江。亟從之。磴西倚危崖。澄江來逼盡處。

遠近下脫。與溪中。山多相出。及。匪。目。所。及。勝。處。送。供。

州中遠近。當前供賞甫定而

澹岩

湧作攫人狀。已望見兩峰前突。西峰聳石尤異。及登之。官舍半頽。先是西峰之陽。望見洞門高張。至是路從其側出。上見石崖攢舞。環玦東向。下則中空成岩。容數百人。平下上穹。明與幽。爽無逼仄。昏昧若北洞。底亦有垂石環轉。覆楞分內外者。巨石磊砢界道。石上多宋元人題刻。山谷最愛此丘。謂為此中第一岩。東穿腋竅。上有門。上通叢石間。東瞰官舍後迴谷。岩西南又闢一門。踰門出其右。石壁穹然。僧寮倚之。西眺山下平疇。桑麻布壤。中有進賢江。發源自龍洞。

此岩後



窈窕中出。返至浮橋。聞直西四十里。有寺曰石門山。最勝。渴登朝陽岩。不及往。分令顧僕從橋東溯瀟。放舟南上。予從橋西。仍過愚溪橋。溯瀟西岍南行一里。大道西南折。道州道也。由岐徑東南一里。則一山怒而豎石。奔與江鬪。踰其上。東俯入石闕。內飛石浮雲。旁下瞰瀟水。即朝陽岩矣。岩後通前溪。豁上覆重崖。絕壑臨其下。憇倚于中。烟帆遠近。當前供賞。甫定而山谷傳響。舟人已放。舟于下。促下舟。予不顧。崖北有石磴。直下緣江。亟從之。磴西倚危崖。澄江來逼盡處。

湧作攫人狀。已望見兩峰前突。西峰聳石尤異。及登之。官舍半頽。先是西峰之陽。望見洞門高張。至是路從其側出。上見石崖攢舞。環玦東向。下則中空成岩。容數百人。平下上穹。明與幽。無逼仄昏昧苦。北洞底亦有垂石環轉。覆楞分內外者。巨石磊砢界道。石上多宋元人題刻。山谷最愛此丘。謂為此中第一岩。東穿腋竅。上有門。上通叢石間。東瞰官舍後迴谷。岩西南又闢一門。踰門出其右。石壁穹然。僧寮倚之。西眺山下平疇。桑麻布壤。中有進賢江。發源自龍洞。



去永城西南七十里。江東來直逼山麓。北入瀟江。側  
又有水洞。去此二里。秉炬可深入。從僧寮循岩南東  
行。過前所望洞門。高張虜門。雖峻。中夾不廣。內亦不  
能上。達後岩也。仍冒雨東出。臨江。上迤。在數里外。  
澹山南。即崇山排亘。支分東走。故江道東曲避之。乃  
捨江南行。七里至木排舖。又南踰小嶺。三里為陽江。  
江不能勝舟。西南自大小葉江來。至此二十餘里。東  
注瀟。其北則西嶺橫亘。南則曹祖山。張家冲。諸峰駢  
立於前。又南七里。直抵張家冲。東麓曰陳皮舖。又南

忽有洞。呀然。高濶共四丈。亦東面江。溪流自中噴玉  
出。水洞也。洞口必入。即南轉。平整軒潔。大江當其門。  
內界流泉。與上岩高下。擅竒。入五六丈。即匯流滿洞。  
洞西轉而黑。計可揭進。無炬乃出。其北更有一岩。覆  
結竒雲。踵掉淵黛。土人橫杙架板。若閣道。仍從石磴  
透出岩后。凌絕頂。佛廬插其上。舟人促其不已。乃下  
舟。溯江漸東折。七里至香爐山。上銳若髻。石骨攢簇。  
獨峙江西岫。時見佳植綴搖。下午過金牛灘。上有金  
牛嶺。上北峰尖削。南則橫突三峰。江流直搥其脇。至



是舟始南。泊廟下。舟行已五十里。陸路止二十里也。先是聞永州南二十五里有澹岩。不意舟帆竟日。岩猶在前也。計明晨過。其下舟人執不肯待。予念陸近水遠。不若聽舟從陸躡之。十五日。五里至岩北。亟登涯。期舟于雙牌。雙牌者。郡南五十里。舖也。郡南二十五里為岩北。陸至此與江合。陸即南入山。又二十五里至雙牌。水道則東迂溯江。至雙牌又六十里。計舟一日僅抵此。予不難負病追躡也。岩背東北臨江。從其南二里。西向入山。岩俱怒。

和尚嶺

三里。踰嶺。望西山層墜下。時見石骨標異舉竒。已復靈湊一區。衆竅逆幻。亟披之。則石片層上。盡若雞距龍爪。下蹲于地。又如絲衣之囊。筋縷外貫。而中悉透空。但上下為蔓棘阻纏。無從披躋。隨之南。見旁有隙土。新薙者。輒為扞入。然每至純石。即復不薙。問之路傍荷鋤者。曰是乃和尚嶺。皆石山也。其西大山曰七十二雷。因指路隅一菴。看更勝。從之。則大道西直出。石壁下。石忽屏揀起。上多透明隙。形脩生躍。清泉一泓。下穿雲根出。有菴在其南。問之僧。則出水岨也。仰

七十二雷

出水岨



峩後石勢駢叢。側有路一線。皆其難地境也。賈勇從之。其上石皆如卧龍翥鳳。出水青蓮。萼叢瓣裂。轉至出水峩後。覺茹吐一區。包裹叢沓。而窈窕無竟。蓋其處西亘七十二雷。大山叢嶺南列。惟東北一臨官道。又出水峩障其東北。復屏和尚嶺。四面外同錯綺。其中怪石層朋。采艷奪眺。予乃透數峽。進東北屏峩之巔。有石高若若天門。上開不可慰。即若石西南。即出水峩內。燈一潭。澄石隙中。三面削壁下嵌。不見其底。若爬梳沙蔓。令石與水接。武陵漁當為移棹。予歷選

山棲佳勝。此為第一。而九疑尤溪村口稍次。云搜剔久之。始下。由庵側南二里得大道。一溪自西南山凹來。過溪東南一里。復與瀟江遇。溯江西南三里。抵雙牌。舟適至。下舟西南豁然。若可遠達。舟反向南山入龍。蓋瀟水南自青口合沱水。即入山峽中。是日瀧口北行七十里。皆連山駢峽。虧蔽天日。且水傾瀉直中下。所謂瀧也。中瀧有麻潭驛。南四十里。屬道北三十里。屬零陵。時風色甚利。薄暮乘風驅舟。灘捲浪如雷。五里入瀧。又五里泊橫口。自永州至雙牌。陸五十



里水倍之。雙牌至道州。水陸俱由瀧中行。無他道。故瀧中七十里。止有順逆分。無水陸異。出瀧至道州。又陸徑水曲矣。

十六日。二十里為麻潭驛。已零陵盡界。南即道州境。自入瀧來。山勢逼束。石灘懸亘。山鶴盛開。皆在水涯。岨側不作。蔓山布谷。觀映碧流。丹尤覺有異。二十里至吳壘舖。西南山稍遜。舟反東轉。又五里復南。又十里山勢愈逼。東為瀧口。又五里泊將軍灘。上有峰立瀧口。若當闕然。溯流出瀧。劃然另闕區宇。是夜月明徹。

夕。入春所未見。

十七日。山開水曲。五里至青口。一水東自山峽出。寧遠道。此水最大。即瀧水。一水平曠。中南來者。即道州道也。此為沱水。上小弱。乃舍瀧南溯沱。又五里為泥江口。水西通營陽。舟上羅坪。三日程。當即營水矣。又三十里抵道州。登南城。迴眺州城。南憑江水。東南西三门俱瀕江。唯北門在內地。蓋沱水自江華掩遶。二水自永明俱合于州西南十五里外。東北抵城西南隅。遠南門至東門。復東南去。若彎弓而城臨。



其背。  
十合過城東半里。有小橋。即孝泉入江處。江流甚微。橋側有石突立江濱。狀如永州愚溪橋。透漏聳削。過之。分歧空腹。隙可穿竇入。所謂五如石也。中一石擊之幽亮。為響石。按元次山道州詩。題石有五如窠樽。而窠樽莫覓。屢詢之。云在報恩寺。捨之出州。西南折過翼雲橋。有二歧。從西二十五里為濂溪祠。又十里為月岩。從南為十里舖。又六十里為永明縣。十里舖側有華岩。上下間道。可出濂溪祠。予欲兼收之。遂

從南行。大道兩旁分植喬松。如南岳道中。密過之。有松自下分柯五六枝。叢挺競秀。此中特見。他處所無也。聞自永明松夾道者。且七十里。州西南皆岡。既高下道因之。四顧崇山。閑遠。惟西北一山最高。較近。則月岩後所倚大山也。至里十舖東。從小徑北半里。為華岩。洞門北向。小水自洞下出。由洞入。只聞水聲。東轉三丈餘。復南下。則穹然深暗。洞北有僧寮。行急不及覓火炬。聞其內一炬可盡。遂從寮右北向小徑行。此地山俱小而削。或孤峙。或兩或三。石骨嶙峋。草木



搖颺其上。曲折升降。如在崩雲頽浪中。而西北崇峰。時從山隙瞻一面。五里橫過山蹊。四五里渡一小石橋。又踰嶺得西道。從之二里。又北入小徑。共四里。轉出平疇。則道州西來大道也。前一里抵濂溪祠。北向環山。不臨水。前擴然容萬馬。乃元公所生地。濂溪則自祠西。豸山麓北注。乃西一里。過豸山。北渡濂溪。溪自月岩來。至此為豸山東障。乃北走。又東至州西。入沱水。從溪北西溯。五里抵達村。西南入山。路傍一峰甚圓銳。出其南。從此亂峰漸多。為錐為指。為屏列。

月岩

俱環映大山東。牽引成蔓。五里南轉入亂山腋。又三里。西越嶺。望見正西。一山白烟一抹橫其腰。即月岩。上層透空處也。蓋高山西立。若齊天不可階。東下三級得此山。中空上若下闢重門。光徹前巒。遙睇之。如白雲浮動耳。又二里抵月岩山下。從東麓拾級上。先入下岩。東向。中空上合。高環成梁。下望如於菟張吻。目光牙血。宛然栗畏。復從岩上徧歷諸勝。即月岩宿。十九日。仍過所望岩。如白烟處。分歧東南行。穿小石山。



腋宛轉群隊中八里出山渡大溪東南十里至武田  
再東半里即永明大道橫過大道南一里半大溪湯  
上介於前為永明掩遼二水渡江東南行六里得板  
道甚大南隨板道十里止板寮

二十日東南從小徑一里出江華大道南為火燒舖在  
州南三十里而遠又五里為營上則中江華道州設  
營兵以守者後有小尖峰倚之東數里外高峰突兀  
為楊柳塘屏亘而南九疑當在其東矣南八里有溪  
自西而東石骨嶙峋橫卧洞中清流激之不減色園

石壑南十二里至伽祐舖去江華十理由舖南直下  
一徑可通浪石寺東南轉從嶺上行共七里至江華  
城西出城南東南一里為麻拐岩又名回龍菴由菴  
沿江岫南行半里水分二道來一自東山谷中出者  
其水較大即沱水也一自南來者可通小舟發源自  
上武堡上南即為廣西賀縣界大小二江合於麻拐  
岩之南大江東源錦田所溯流二百餘里舟行三四  
日可至小江南自上武堡舟溯流僅到白馬營可五  
十里然入江之口即積石為方堰置中流橫過江舟



不得上下。堰內另置小舟。外有橋橫板以渡。白馬營東大山曰吳望山。有秦洞甚奇。惜未至。又南始至上武堡。上東大山曰冬冷山。二山之水合出白馬營。為小江。上流云。乃沿南來小江岸。西行三里。宿浪石寺。二十一日。欲往蓮花洞。候引導者。久之得一人。由寺西遵大路行。南去山盡。即上武堡。西踰大佛凹。為富州道。凹去江華西十里。聞逾凹西二十里為崇栢。即永明界。又西二十五里。過枇杷所。在永明東南三十里。為廣西富州界。更西三十里。即富川縣治云。遂七里。

直抵大佛嶺下。先是路南一岩。若雲楞嵌垂。予意蓮花在此。而岩尚在岩北大嶺麓。乃從北岐小徑入。不半里。至洞下。導者取枯竹一大捆。縛為六火炬。分肩以入。出復探路。左洞披棘以進。還飯浪石。已過午。乃循舊路。抵麻拐岩。西合江口。南渡小江。堰外橋東南三里。至重元觀寺。南里許。入獅子洞。出返麻拐岩。北直嶺。直北行。已過東門外矣。又北踰嶺。過沱水。北宿江渡。二十二。循東山東北行。十里為蠟樹營。由此漸循山。

A 1 2 3 4 5 6 M 8 9 10 11 12 13 14 15 B 17 18 19



東轉五里過鰲頭北麓。又十里過馬岡原。自鰲頭至是皆循山北東向行。山南悉瑤人居。東十里逾虎版石。為分村。東渡兩大溪。共十里。于是東登嶺。先抵南面崇山。至是北亦有山橫列。路遂東向兩山間。升陟岡坳。十里抵孟坳橋西彭家村。

二十三東一里。南列山已盡。轉而西列。路循之南轉。五里抵唐村坳。其東又有峰卓錫立戟。亦自南趨北。與西面之山非若排闥直南遙望峰盡處。中豎一峰如當門之標。望之神動唯恐道不出其下。南七里東

渡一橋。小溪甚急。踰橋則大溪南自九疑北出青口。即瀟水上流也。北望小溪入江口。有衆舟艤其側。渡大溪東南十二里。直逼東界亂峰下。南六里至掩口營。始與寧遠南來之道合。北去寧遠三十里。掩口之南。東西排岫橫嶂。至此湊合成門。向所望當門之標。已列為東岫首。而西嶂東垂。亦豎一峰。若挿屏。若攢指。若亘坦。與東岫競闕勝。二里出湊門之下。水亦從中南出。其下平疇擴然。東西成壑。路從西峰南轉。西向又三里至路亭。



二十四西五里為太平營。由此西北入山。多亂峰環岫。蓋掩口東峰。排列為劔戟。此處諸岫如攢隊合圍。中環成洞。穿一隙入。如另闢城垣。山不甚高。而窈窕迴合。夾道皆宛轉之洞。卓立之峰。崆峒之石。噴雪驚濤之初漲。如是十里。至聖殿。聖殿者舜陵也。予初從岐路望之。見顏垣一二楹。路復蕪沒。竟從其東踰嶺北。上二里。問耕。已過聖殿。抵斜岩矣。遂西面登山。則穹岩東向高張。甚弘敞。洞門石峙峰中。峙門界為兩。飛泉傾布其上。岩右垂石縱橫。岩底有泉懸空。下或

從石端直注。或依竇斜噴。衆隙亂流。顧盼交射。更一竒也。下復開一岩。深下亦極宏峻。然不能遠透。岩之左。上層復開一岩。圓整高朗。若樓閣乘虛。正對洞門中峙峰。兩瀑懸簾。其前為外岩。最麗處。下有池。瀦水一方。不見所出。復無盈溢。池北一門復開。即左岩下一層也。由其內墜級下。為深入道。明宗上人曰。此間勝迹。君當先了。書字飛龍二岩。惟三分石。遠不可到。還以餘晷入洞。為秉炬遊。不妨深夜也。予乃先探二岩。隨明宗為導。出斜岩。稍北而南。下馬蹄石。其陰崕



九疑玉瑄

石嵯峨。疊雲聳翠。蓋南過永福寺故址。礎石猶偉。已犁為田。又南過一溪。即瀟江上流。西轉共三里。入書字岩。上不甚深。后有垂石。天矯岩外。鐫玉瑄岩三隸字。宋人李挺祖筆。岩右鐫九疑山三大字。為宋嘉定六年。知道州軍事莆田方信儒筆。側又隸刻漢蔡邕九疑山銘。乃宋淳祐六年。郡守潼川李龍襲之。屬郡人李挺祖書。襲之註為既新其宮。因鐫銘于側。以存曩跡。後人因鄙。執岩有巨書。遂以書字名岩。反失玉瑄之寔。蓋此地為九疑中峰。故鐫題于此。予坐玉瑄中。因求

飛龍岩

導人往三分石者。土人謂去此五十里。俱徭窟中。必且得徭人為導。然中無障棲。攜火露宿乃可。已而購得徭人。乃平地。徭劉姓者。期以晴爽乃往。遂返過馬蹄石。東入飛龍岩。上從山半陷下。內亦寬廣如斜岩。外層之南岩。中有石坡中懸。但無宛轉致。返斜岩。明宗出七火炬。與顧僕分携。執炬前導。始由岩左下層。循隙歷磴下。水自岩頂飛注。與人爭級。上畫路舒水。亦無有。東向入洞。忽平廣。既而石田鱗次。水滿其中。從膝上行。下遂隆成深壑。石田上有石池。由池涉水。

復游斜岩  
左下層



乃楊梅洞道捨之。仍下洞底。涉一溪。水自西而東。流入洞內。截流之後。循洞後右行。路復平。洞愈宏濶。有巨柱端豎中央。直近洞頂。東復有一小石。侍立其側。又東為弔空石。一柱自頂下。垂空半止。其端反卷而大。又東有天柱石蓮花。于是過爛泥河。即前涉下流。河底泥靡。陷深及膝。必遼緩。足沉不得拔。乃行循洞左。上壁岷片楞垂。上飛為蓋。下度為臺。中凹為床。為龕。南眺一方柱。自洞底屏列上躋。其東亦一柱。與之並起。更高巨。端有一石坐石蓮上。為大士坐。由此西

下。可北遠大士座後。前爛泥河水。亦遠大士座下。西來。至此南折去。洞亦轉南。愈極宏崇。水深艱渡。游者至此例止。予強明宗渡水。上深逾膝。然無爛泥河。寧甚。既渡。南向行。水流于東。路循其西。四顧石柱參差。高者千尺。低亦丈。以數十紀。俱光耀如凝脂。日雪洞。又前曰風洞。前又當南下渡河。明宗謂從無抵此者。故前過大士座。輒抽炬篋為誌。若再入。前逼深潭。後迷歧竇。寧不為歸途慟耶。時予不借已為蕢。跣一足行。先令顧僕攜一輛。備壞者以渡河水。深竟私置大



士座下。遂不能前。返約所入已三里餘。聞其水潛出廣東連州。恐亦臆論。大抵入瀟之流。然所進周通。正無底也。還過初渡第一河。上石田。北入楊梅洞。先由石田涉石池。上兩崕石峽如門。池水滿浸。涉亦逾膝。然其下石底坦齊。旁無寸土。入峽門。大石橫其隘。透隘入。復得平洞。寬夷豐博。北皆飛石平鋪若樓閣。有隙下窺。則石僅板薄。下復穹然成洞。水從下層奔注。入即爛泥河上源也。洞中產彈丸圓石。面凹紋痕。蠟毛起。楊梅之名以此。洞所入水。即岩外四山窪注。

地中者。此塢東為蕭韶峰。西即斜岩。南為聖殿。西嶺北為馬蹄石。皆廓高裡。降有同釜底。四面水俱潛注。第不見所入隙耳。出洞已薄暮。卧岩中。終夜暴雨。宣聲。兩不能辨。詰朝起視。則陰霏雨正清下也。二十五。靜息岩中。寒甚。間則觀瀑。寒則煨枝楫杜以竟日。此岩之瀑。非若他處懸崖下。俱從覆石之底。穿竇下注。其懸于左岩上洞前者。二瀑皆然。為最壯。其右崕窪洞上者。一瀑數竅。較小。左瀑乃出自懸石之端者。一出石底之竇。噴者二。

A 1 2 3 4 5 6 M 8 9 10 11 12 13 14 15 B 17 18 19



二十六雨仍不止。下午往聖殿。仍由來道北踰嶺。稍東轉出蕭韶峰北。蕭韶自南而北。屏峙斜岩前。上分兩歧。北盡為舜陵。前環遶數峰。正中者上歧為三。稍西者頂有石獨聳。陵有二大樹夾道。大四人圍。廟僧呼為珠樹。結食大如指。去殼可食。兩旁巨杉亦有。大四人圍者。尋丈以上。即分歧高聳。乃冒雨返斜岩。二十七雨止。急飯。踰馬蹄石嶺。抵玉瑄岩南。覓所期。劉瑤。以雲霧未盡。已他往。同居一人。于山中甚熟。諳惜。患創不能導。為予言。由此東行五十里。有三石。

參天。水分三處。俗呼舜公石。即三分石也。路已湮。由此南行三十里。有孤岬如髻。盤突山頂。俗謂之舜母石。有徑可達。下即為蒲江。過嶺則為麻江。麻江口舟可達錦田。且以所摘新茗獻。返過永福故址。南溪流甚急。雖西下瀟江。而東南北三面皆予所經。尚未睹來處。乃溯流尋之。則故址之南。石岬側懸。水由下出。岬不及水者三尺。其下甚深。不能入也。是日仍觀瀑。炙薪岩中。雲氣漸開。心目舒逸。因為永南諸洞殿。最道州月岩第一。九疑斜岩第二。江華蓮花洞第三。



獅岩第四。永州朝陽岩第五。澹岩第六。江華大佛嶺側岩第七。九疑玉瑄岩第八。道州華岩第九。月岩南嶺水洞第十。九疑飛龍岩第十一。又聞道州長田有中朗洞。勝不及到。

二十合。仍過玉瑄。南覓導。為肩火炬前行。東上揚子嶺。二里。上有石人立而起。山皆盤突。東南折。行嶺塢中。三里。曰茅窩。皆奇石。下深窩。有石崖嵌削。十尺四面交流。搖入岩洞。是石九龜進岩。上西向。疑永福南透岷出者。即此水也。又南東二里。越嶺為蟠龍峒。

水口。又登嶺一里。為清水潭。其東下嶺。韭菜原道也。余東南二里。渡牛頭江。上水東。自紫金原來。江兩岷路俱削峭。上下拔援甚艱。渡江即東南上半邊山。其東北高山為紫金原。山外即藍山縣境。其西南高山為空寮原。空寮原前山有白石痕一幅。上自山巔。下至山麓。若懸帛。再南為香爐山。上在玉瑄岩南三十里。三分西北二十里。高亞三分。石頂有澄潭。廣三畝。中石筍兩枝。亭之出水面三丈餘。疑志所稱天湖也。由半邊山頂行五里。屢度山脊。下少上多。共東南五



里。出鰲頭山。先是沉霧不開。半邊鰲頭諸山亦近望。不及身至始出。至是南眺三分石。尚不知所在。頃之雲忽澄明。瞥然內影高峰頂。與江口山縣江。即山相似。一為浙源。一為瀟源。但江即高直山半。此懸萬峰絕頂為異耳。半邊鰲頭兩山。東北與紫金山夾牛頭江。西南與空寮香爐夾為瀟源江。乃兩水中脊。二水合于玉瑄東南。西下魯觀與蒲江合。始勝如葉舟。出大洋焉。沿鰲頭東嶺。半行二里。始下三里。下至爛泥河。始得水野炊。已下午。其爛泥河東五里。踰嶺下三里。

為高粱原。隸藍山西境。嶺乃藍山寧遠分界處。在三分石東。余往三分石。下爛泥河。即與高粱原分道。折而西南行。又上一嶺。山花紅紫闌色。余于鰲頭山始見山鵲蘭花。至是又有紫花二種。一種大如山茶。小者與山鵲等。艷色可愛。枯樹間蒸菌黃白。厚大如盤。余袖摘。夜至三分石。穿箐烘之。香正如香菌。又山木干霄。有獨木最貴。楠次之。又有壽杉。葉扁同側栢。上儔也。鉅者圍可五人。高數十丈。瀟源水畔渡河處。倒橫一楠。修可齊肩。長可三四十步。凡上下嶺共五里。抵



瀟源水。東南從三分石來。經香爐山東北出。魯觀者。乃絕流南渡。即上三分石嶺麓。嶺峻削不容足。細徑伏深箐中。俯首穿箐山。即兩手挽之以移足。時箐猶宿霧淋漓。首不得舒。又不能平行其下。唯為垂空繡練資。如是八里。路漸平。又南行嶺上二里。濃霧仍翳。望頂莫辨。而晚色漸合。遂除箐依松。得掌大地。山高無水。有火不成炊。命導搖砍大木積焚之。筍箐圍火為度宵計。既暝。吼風大作。飛火星舞空中。火焰流徙。倏忽奔突。數丈。初謂竒觀。既而雨次盛。風傘被浣。

濕。幸火威猛烈。足以敵之。五鼓雨盛。火亦奪魄矣。二十九日。天明漸霽。仰見三分石。露影在咫尺間。輒憑飢冲濕而南。又下山二里。始知上隔一峰也。度坳中小脊。復南上三里。始有巨石盤崖。昨陟降處。皆峻土。無塊石。為導。搖悞出其南一里。東眺轟頂。已可周摩之。為霧所埋。對面無所覩。道窮磴絕。忽山雨大注。頂踵莫不沾濡。乃返過巨石岨。始見有線道。俱伏箐中。雨巨不可上。遂返至夜來依火處。擬從直北舊路下。就溪炊米。又悞出其西。竟失道。久之得微。啣炊澗中。



已當午。躑躅莽箐中。下抵硿。則五澗縱橫交會一處。蓋皆三分石西南北三面水也。向所渡東來一溪。尚在最北。溯流東一里。至來時所渡處。始涉而北。夫三分石下水。俱稱一出廣東。一出廣西。一下九疑為瀟水。出湖廣。予至此。乃知為石分三岐耳。其東北合北與西諸水。即五澗交會處。出大洋。為瀟江源。直東者自高梁原。為白田江。東十五里。經臨江所。又東二十里。至藍山縣治。為歸水源。東南者。自高梁原東南十五里。之大橋。下錦田。西至江華。為沱水源。而三分石水。初不出兩粵也。且其南有錦田水橫流。為楚粵界。聞錦田東有石魚嶺。屬廣東連州。水至此始東南流入東粵耳。乃從舊道。下至牛頭江。日已暮。命導獠從間道趨韭菜原。以自此而南。絕無一寮。而此原有高山。獠居也。初升猶土山。既東下。聞水聲出深壑中。暗扞危級下。又一里。過兩獨木橋。見火光熒々伏畦旁。乃獠人捕蛙者。已而茅寮在前。呼之一人秉炬出迎。歸托宿焉。

三十日。平明行。始見所謂韭菜原。在高山底。若釜西越



一山二里出清水潭。遂循故道。返斜岩。飯。仍出宿路。亭是夕始睹落照。

四月初一日。從路亭東北岐。隨簫韶水西岍行。三里。西望掩口東兩山峽。已出其下平疇矣。于是東山漸豁。路因溪東轉。溪兩旁石盤錯競敵。水奔東其中。隘處如門。即架木其上以渡。而循溪南岍行。共七里。抵下觀。下觀西有溪。自南遠下觀而東。石梁鎖其下流。水出橋下。東合簫韶水。其南一溪。又自應龍橋來會。三水合勝舟。北可二十里。至寧遠。過下觀。始與簫韶

水別。路轉東南向。南望下觀後。千峰萬巘。亭。若竹竿玉立。中有最高銳者。名吳尖山。下有岩窈窕。當不減斜岩。內有尤村洞。外有東角潭。俱此中盛奇處。恨未帶杖履。其中搜剔奇閎也。東南二里。大溪南自尤村洞來。橋跨其上。即應龍橋也。亦稱通濟橋。已渡橋。遂南入亂峰中。乃吳尖東派。二里上地寶坪。坳。于是四際皆奇峰。曲折。獅象龍蛇之石。夾路起。與人爭道。共六里。飯山口。峒名錐山口。寔瑤房錦幄。桃源鹿門。那辨此幽琦。邃詭也。南出山口。踰嶺共三里。忽兩



峰夾道。競險爭高。刻摩詭態。極其變幻。峰下小溪南  
向。憇溪橋。遇儒冠者王旋峰。家尤村內。欲挽予還其  
處。為吳尖主人。予期以異日。過峽南。始有容土負塊  
山。又五里逾嶺。抵大吉墅。石峰復夾道起。路東一峰  
下嵌空玲瓏。逆懸欹裂。蜃雲不足喻其巧。予望之神  
怦。動亟分荆入。皆竇空通漏。上盤腋轉。莫可窮詰。  
西峰懸削。不必雌遜。路出兩峰中。透隘南。始豁然山  
開。曰路園下。石峰至是始盡。東西俱盤坂。崇巒南二  
里始出大道。又南五里宿界頭鋪。為寧遠藍山界。其

西大山曰滿雲山。當是紫金原之背。其支東南行。界  
遂因之。

初二日。東南行。向所謂石柱山。俱莫知所在。共五里過  
嶺。至總管廟。遙望正東有聳尖卓立者。不辨為樹為  
石。又東南五里。至顏家橋。始辨為石峰也。橋下水東  
北流去。過橋東南踰一小嶺。大道南十五里至藍山。  
余東折取臨武道。五里過寶林寺。讀寺前護龍橋碑  
云。寶林山脉由北柱來。乃悟向所望疑樹峰。即志稱  
石柱。碑所指北柱也。東過護龍橋。下水南流洶湧。



即顏家橋溪委曲至者。隨溪東走。北瞻石柱峰。倩削如碧玉簪。兩旁石崖兀突露竒。然較之尤溪山口峰。此裁得其一體耳。又二里至下灣田。大樹峙路隅。上枝分聳。下盤曲偃蹇。大七圍。旋窩錯節間。俱受水若洗頭盆。亦樹妖也。又東路出卧石中。溪始折南向藍山路。乃東二里。一橫道自西南貫東北。即藍山趨桂陽道。又東沿白帝山南十里。抵雷家嶺。

初三日。大溪自藍山曲而東至。循溪東行。已而溪南折。路捨溪東踰嶺。共五里。大溪復自南來。曰許家渡。而東一里。溪北向入峽路南入山。十五里至田心鋪。鋪南徑道開闢。小溪來自朱禾鋪。北向去。自此路西。大山由藍山南上。向排列。澄溪帶之路。東石峰聳秀。亦南排列。喬松蔭其上。置道于中。三里一亭。供倦旅憩卧。二十里飯朱禾鋪。為藍山臨武界。一里渡永濟橋。水東流抵東山麓。折而北入歸水。又南四里為江山嶺。則南龍大脊水遂分楚粵云。嶺西十五里曰水頭。志謂武水出西山下。鷓鴣石。當即其處。過脊。即東南循水行。四里至東村。東南一里踰嶺。下行塢中。路旁



喬松合抱。夾立三里。出兩石山口。又四里。達墊江鋪。南去臨尚十里。初四。聞墊江東北十里。有龍洞甚奇。遂由小徑行。四里出臨武。北向桂陽州大道。一里即渡溪。越捱岡嶺。從小徑西北入山。共五里。抵石門蔣氏。蔣氏居洞後。在山半翠微間。洞門東南向。一入即見石柱千門。懸列其中。俯窪以下。則洞外層也。從東上穿石入列柱。衆柱復迴環成洞。如委房深閣。無不徹明。達隙八窻。掩映從所。歷洞無此。開朗宏麗。屈折殫工者。時蔣導還取火炬。予貪奇獨先至。意炬入處。當在下洞外層。後及炬至。導者從左洞後穿隙西入。連入石門數重。已轉出外洞之後。下層之上。乃北踰石限穿隘進。即下石池中。水澄明不流。兩崖俱穹壁立。柱池水深三四尺。中有石梗卧水底。水浮其上。僅尺許。踐梗行。蹇裳可涉。十步之外。卧梗又橫。若限。上外池益大。水益深。水底白石。龍首頂橫。脊尾拖泥。中逼崖側。又前兩三步。圓石大如斗。萼挿水中。不出水者。亦尺許。密依龍側。真領下物也。珠旁又一石。大倍珠。中凹如白面。



平水曰珠盤。然與珠並列。未嘗盛珠也。由此而前。水深五六尺。無梗絕涉。西望水洞宏廣。若五畝池。四旁石崖攢突。參錯而下。泥水不得去。洵異境也。其西似有隙更深。恨無槎可航。還從舊路出。經左洞下。迴望窪洞外層。紛綸窈窕。乃獨下洞底。環洞四旁。轉出列柱。後洞雖不深通。而芝田蓮帷。上下重有布。即無內二洞。亦自成一竒也。此洞品第固當在月岩上。下山返塾。江南十里抵臨武。初五<sub>日</sub>出臨武南三里。過迎榜橋。上南即掛榜山。予初

過不之覺。從其南東上嶺。共七里。過深井坪。又南二里。從路右下。是謂鳳頭岩。即宋王淮錫所稱秀岩者。洞門東北向。度橋以入。出洞下抵石溪。上流自橋即伏流石間。復透隙縈崖。破洞東入。此洞即王記所云下渡溪水。其入無窮處也。第王從上洞而下。此則水更由外崖入。予抵水洞口。深不能渡。聞隨水入洞。二丈即見天光。五丈即透壁出山之東。是山如天生橋。水達其下。僅三五丈。往連州大道。正度其上。但高廣度者不覺耳。予登巔東瞰。深壑下環。峽流東注。近俱峭石。



森立。灌莽翳之。不特不能下。亦不能窺。王記所云其  
入無窮者。臆說也。還渡迎榜橋。迴瞻掛榜處。石壁一  
幘。色黃白成章。剖峰平列。但少方整耳。遂宿臨武生  
祠中。

初六。出東門。東南四十里至鳳集舖。為臨武宜章東西  
界。又二里十里抵梅田白沙巡司。

初七。司東渡武溪。東北三十里為芥菜坪。南有石峰  
分突。下層嵯承之色。班赭雜黑。極似武夷一體。此  
處四山俱青萼巉峴。獨此有異。又五里過隘口。循塔

山北垂。覓小徑轉入山坳。曰良岩寺。向西南。岩向西  
北。岩口有池一方。僧鳳岩為煮金剛筍供粥。下午至  
宜章城南三星橋。過橋則市肆夾道。商旅雜還。為南  
下廣東之大道。路循城而東。已乃北十里過牛觔洞。  
在青岑山東北麓。更北一里。至野石舖。其北石峰嵌  
層。踞路左。即為野石岩。投宿岩下村家。欲從舍後上  
岩。須自其中舍後門出。予乃從南畔亂石中攀崖踰  
石入。先登一岩。其門呀然。內有透頂隙。不甚深。仰視  
門左。有磴埋草間。亟披棘上。西南行石徑中。復得石



門如合掌。內雖隘稍深。右裂旁竅。上亦透天光。而東壁半一圓竅。透光如鏡。出峽門西北。隨磴上。則窮穹岷削立。上有疊石分霄。下成展嶂。以薄暮乃下。聞中室牖內。有呼客聲。謂客探岩。曾見仙詩否。予以所歷對曰。未也。穹岷之東。峽門之上。尚有路可登。明日當再窮之。且為予言高雲山。乃衆山頂。路由黃岑嶺而上。宜章八景。有黃岑滴翠。白水流虹。二勝在其下。不可失也。

初八。復登岩上。由穹岷東叢鬱之下。果得路上。數步。

亂石縱橫。路復莫辨。乃攀躋石萼。上俱嵌空決裂。有大石高聳于外。夾成石砦。掩映愈勝。還至失道處。見一石穴。即在所踰石下。匍伏入。其內崦岬起裂。列穴旁通。宛轉透石坪下。皆明朗可穿。前越其上。茲又達其底。然終不得洞中。詩下岩。南從舊路。抵牛舂洞。北西越山峽。出峽共五里。循青岑南麓行。西三里。轉一岡。始與南來大路合。北上曲折嶺二里。直躋巔坳。西即白水虹。章水上源也。水自高雲山南。經黃岑峒。由此出峽。布流懸石下。土人即稱此嶺曰黃岑。然黃岑



山尚北峙。此其南下支。踰嶺西北半里。即溯白水上。流行黃岑山危峙東北。陽環成洞。大溪橫貫之。溯溪西行三里。可抵黃茅嶺。乃北上一嶺里。西下塢中。是謂藏經樓。高山回遠。小澗潏門。寺甚整潔。昔為貯藏所。近被賊焚劫。移經高廩矣。由寺左登坪頭嶺。直上二里。踰嶺塢甚幽。山幃疊翠。衆壑爭流。修篁一丘。叢木交映。中一靜室。出塢半里。塢窮。復溯澗北上里許。嶺已巔。水復不絕。此坪頭而上第二嶺也。水自上塢透峽下。路循峽入。平行半里。渡澗。東北上嶺。東自黃岑山後來。平流塢中。石坪殷紅。清泉素潤。色侔濯錦。出峽下瀉。鳴珠玉韻。重木翳之。樞不可窺。于是遠靜室西南下注。出藏經嶺南。為大章之源也。嶺不甚高。半里漸盤出黃岑北。山鷓鮮麗。光彩耀人。此坪頭第三嶺也。過一坪。又東北上第四嶺里許。踰其脊。嶺西石峰。突如踞獅。為將軍山。踰嶺北下。行深樹中。共二里。得高雲寺。倚翠微。猶踞萬峰頂上也。以憊極。日未暮止焉。

初九。東北叢木中下山五里。抵山麓坦山村。側北



上虎頭嶺。上東坳中。澗水瀉大石崖下。懸簾曳布。亦此中僅見。踰坳溯流。北行塢中。踰嶺下。共四里。有溪自西而東。渡溪。又一溪自北來入。溯溪北行峽中。二里為大竹峒。水自西來。想為黃茅嶺餘波也。東踰大竹嶺。上為大竹山。南下脊。上少下多。東直下二里。是為吳溪。東一里渡橋。北上小分嶺。亦上少下多。二里下至仙人場。有水頗大。北自山峒透峽而東。一峰當關扼之。水激石南折。峰削其西。巖上矗屐。以為下必有洞。燈可憇。絕流以渡。竟無人居。東北十二里出良田。

又北十里至萬歲橋。

初十日。二十里至柳州。東百餘里山下有泉。方圓十餘里。其傍石壁峭立。泉深莫測。是為真鉛錕潭。永州鉛錕潭不稱大觀。柳子厚有愛斯名。移稱永郡耳。

十一日。午後下小舟。東北由蘓仙橋下。順流西北去。六十里達柳口。則柳江自東南來。水自正東。二水合流。勢始大。耒水出桂陽縣南五里耒山下。西北至興寧縣。勝小舟。又三十里至江東市。勝大舟。又五十里乃



至此江口諸峰俱石嵯盤立寸土絕麗志稱曹王寨山極險峻暮不及登舟人夜鼓棹三十里抵黃泥鋪雨至而泊予從蓬底窺之外若橋門心異起視則一大石室下也寬踰數間屋下滙為潭四舟俱泊其內岩外雨聲山色不意夢中睹此奇境四鼓雨止乃行昧爽達程口

十二晨炊程口肆中程口者志所稱程鄉水也地屬興寧水發源茶陵鄱縣界舟溯流入皆興寧西境進有鐘源山土人誇為名山又進則小舟尚可三日

觀音岩

程踰高脚嶺則茶陵道矣程鄉水西入耒江煤炭大舟鱗次水淺不能發上午得小煤船附之行程口西北重嵯若剖夾立江岫兩涯純石盤亘錯突色間赭黑環轉一如武夷如此四十里又二十里過永興縣十五里為觀音岩上在江北岫西南下瞰江中石嵯騰空上覆下裂如剖半瓜其足疊閣兩層閣前有洞臨流中容數人由閣西懸梯直上上接嵯頂透隙上一龕嵌覆頂下中祠大士岩下一石獅橫卧江心下舟又五里至森口大溪自南來乃桂陽舟龍渡以東



諸水東北合白豹水。至此入耒江。又北五里。泊柳州灘。永興以北。山始無迴崖。穴石觀。

十三日。六十五里。過上堡市。地為耒陽境。北過江。登直釣岩。上有真武殿。觀音閣。東向迎江。洞門瞰江南向。當門石柱中垂。界為二。若連環然。其內空洞平整。右隅裂一隙。歷磴上。別為邃室。左隅由大洞深入。石竅忽盤空起。東迸一竅。歛納天光。內又盤空起。透頂直上。天光一圓。下墮其中。直是井底窺天也。下午九十里。抵耒陽縣。江經城東。直北去山。

至此盡閉。

十四日。順流北百二十里。至新城市。為耒陽衡陽分界。乘月隨流六十里。泊相公灘。

十五日。百二十里。至前溪渡。陸路抵府止三十里。水倍之。渡西峴。遂登陸。西行十二里。已暮。

十六日。二十里。渡湘江。已在衡郡南。陶外。抵金窩。靜聞宿花藥未歸。及歸。桂藩助金事尚未就。

十七日。已定廣右舟。

十八日。舟人以同伴未至。改期二十早發。



十九日。靜聞同祥甫。賈王所助游資來。

二十日。予冒雨下舟。靜聞往謝桂藩。追至南關外。揮手別祥甫。舟即解維。三十里泊東陽渡。江漲濁。湘流又作一觀。

二十一日。五十里。將抵松栢。忽衡友劉明宇。使<sub>上</sub>追予晤別。乃與靜聞逆之。而劉不至。宿山頂茅菴。

二十二日。聞劉已舟往松栢。旬雨中二十里。別劉松栢肆中。時所附廣右舟。計竟日力。其當止于常寧河口。乃遍覓漁舟。為夜抵白坊計。二鼓雨止。月

出。已抵白坊驛。已念再夜行三十里。可及舟。適見二舟泊下流。予漫呼顧行。得應聲。始知舟猶待予于此也。乃過舟。

二十三日。北行二十里。過大魚塘。見兩舟被劫。哭甚哀。于是同行兩船人謝曰。予昨不候君。暮亦當至此。始舟子以候予故。大為衆詬。至是甚見德色。共六十里。

泊河洲驛。

二十四日。歸陽驛。

二十五日。小河口。



二十六觀音灘。

二十七。初陽縣。予乃同靜聞出初陽。東北一里。憇甘泉寺。泉一方。當寺前坡下。味極淡冽。似惠泉。殿前有吾郡宋鄒浩甘泉銘碑。張南軒從郡中蔣氏得之。跋而鐫此。鄒大書。張小楷。可稱二絕。寺前山第二層之東。盤成一窩。則九蓮菴也。邑人陳尚書重建藏經閣。中供高皇帝像。唐包巾。丹窄衣。眉如卧蚕。中不斷。踈鬚傑張。陳氏得之內府供此者。九蓮菴山南盡。前有池。乃甘泉南下。東流注于湘。入湘處為瀟湘橋。

北一峰突起。奇石靈幻。湘江欲南至此。東折去。初江從北至此。南向入湘。乃三水交會中也。峰頂曰瀟湘廟。上後萼裂瓣簇。石態多奇。

二十合。水漲舟泊。竟不成行。

二十九。味爽。放舟。曉色蒸霞。層嵐開藻。既而火輪湧出。金光騰耀。中直從舟尾射。予枕隙。奉岳日觀。不得謂之卧遊也。過二十四磯。泊黃楊鋪。

閏四月初一日。冷水灣。

初二。湘口關。自冷水灣來。山開天曠。目界大騁。江南



岬瞰水之石。出沒屢變。但有所遇。靡不霽心縱目。蓋入祁陽境。石質竒。石色潤。過祁陽窅兀之勢。以次漸露。至此隨地湧立。及入湘口。則聳突盤亘者。變為峭壁迴翔矣。

初三日。放舟入湘口。于是別瀟轉向湘。瀟即予前入永州道。與湘交會此。二水一東南。一西南。界其中者。為芝山。北盡。兩流夾之。尖若龍尾下垂。因其脊無石中砥。故挫之必銳。而後已由湘口上。多西北之曲。灘聲愈多。石岬愈竒。凡四十里。有駢立東岬者。與江左平

剖之岬。夾江對峙。如五老比肩。愈見竒峭。西轉五里。過軍家埠。又南轉一山中。剖平。揵江右。其下雲根雲根倒浸重波。時落日平。岬山外。舟過江東。忽峰間片穴通明。若鈎月與日並懸。旋即隱蔽。乃去軍家埠五里泊。初四日。東過掛榜岩。上平削江北。下嵌水面。其上石若磨崖。色間黃白。遠逾臨武。南行三十里。抵石溪驛。已屬東安境。有東江自東北注湘。石梁跨其口。水發源零陵南。舟由橋下南湖十五里。為零陵境。又二十五



里為東江橋。上有小河三支。通筏而已。按志永水出永山。在永州西南九十里。北入湘。即此水無疑也。石溪之西有山突兀。石崖下挿江中。一隙北向。如重門懸峽。山之後頂為獅子洞。門東南向。不甚高敞。穿石窟下一里。可透出臨江門峽。惜時方水溢。臨江處既沒浸中。洞復無炬入。遂返。又五里。泊白沙洲。其對岫石壁臨江。黃白燦然。充壁。崖北山巔。又起一崖。西北向。有菴倚之。隔江不能往也。

初五<sup>月</sup>十五里上磨盤灘。兩岫山始峻峭。崖突北岫者。


飛瀑掛其腋間。雖以雨壯觀。要為不斷之流。又五里為兵書峽。西坳亦有瀑如練。又五里為沉香崖。上斜疊成紋。高迥處。疊紋忽裂。中吐兩枝。望之水形黝色。上有大樹一株。正當崖頂。更有上崖一重。內峙菴嵌其內間。層嵐聳翠。下挈遙江。真異境也。過崖泊羅埠。

初六<sup>日</sup>江漲。舟纔掛帆。行五里。

初七<sup>日</sup>西六里。兩山門立。遂分楚粵界。又南三十里。上金華灘。上東石崖當衝。轟流蕪壁。高下兩絕。險勝一



時。又西十里。止廟頭。  
初。合放舟南行。二十里為黃沙鋪。粵舟可直抵桂林。  
予欲盡全州諸山。遂止此。從陸為粵遊始。



國家圖書館, NATIONAL CENTRAL LIBRARY, TAIWAN, R.O.C.

A 1 2 3 4 5 6 M 8 9 10 11 12 13 14 15 B 17 18 19

Inches 1 2 3 4 5 6 7 8 9 10 11 12 13 14 15 16 17 18 19







國立中央圖書館 NATIONAL CENTRAL LIBRARY, TAIWAN, R.O.C.







國家圖書館 NATIONAL CENTRAL LIBRARY, TAIWAN, R.O.C.







國立中央圖書館 NATIONAL CENTRAL LIBRARY, TAIWAN, R.O.C.

3465013 v.3





游名山記廣西

西南游日記三

閏四月初八分領僕舟抵桂林。予同靜聞從湘江南岸登涯。為山角驛。即黃沙也。西南行大松夾道。五里黃沙鋪。又二十二里。捨官道右八山。西向大山行。四里止山下牛頭岡。

初九日。西五里至礮岩普潤寺。洞前門東向如橋。出水約三十丈。後門北向。入水約十五丈。泉自山後破石窟三級下。故曰礮。西二里小石山。兀立路旁。又三里。



A 1 2 3 4 5 6 M 8 9 10 11 12 13 14 15 B 17 18 19

1 2 3 4 5 6 7 8 9 10 11 12 13 14 15 16 17 18 19

NATIONAL CENTRAL LIBRARY, TAIWAN, R.O.C.



游名山記 廣西

西南游日記三

閏四月初八分。願僕舟抵桂林。予同靜聞從湘江南岸登涯。為山角驛。即黃沙也。西南行大松夾道。五里黃沙鋪。又二十二里。捨官道右入山。西向大山行。四里止山下牛頭岡。初九。西五里至確岩普潤寺。洞前門東向如橋。出水約三十丈。後門北向。入水約十五丈。泉自山後破石窟三級下。故曰壩。西二里小石山。兀立路旁。又三里。





張家村。後大山曰迴龍岩。南五里上大衝。西半里飯福壽巷。西北上柳山。三里宿獅子岩。南清泉巷。初十日南下二里。至湘山寺。在全州西門外半里。登殿拜無量壽佛塔。後有飛來石。出寺由寺西沂羅江一里。上捲雲閣。西為盤石。半嵌江中。絕壁有蓮花一瓣。凹八壁間。白瓣黑崖。又西一峒臨江。泉由洞東裂石出。曰玉龍泉。復有一石峯高聳。共十五里。度石覘岡。羗南為龍隱洞。小山獨立江上。門西向。出洞而西。抵橋度。橋度水東自龍水出口。山聳秀夾立。

十日度橋。西北行十里。北入峽。為山川口。又十三里。抵白竹江。望西北鉤挂山。甚兀突。闢其上金寶頂。甚奇。遂自白竹橋溯江西北。五里進峽口。兩山壁立夾溪。沿溪東北。崖上行。綠崖高下。屈曲十里。出峽為南峒。北五里峒盡。可由四川嶺達寶頂。但路已沒。遂捨北道。西度溪上嶺。左腋有瀑布。又十里至打狗凹。宿興隆菴。北高嶺。即金寶頂也。十二日。由菴西上。沿崖北轉。三下上。又三度坳曲。共三里。踰土地坳。西望新寧江。已在山麓。下山五里。為大



竹坪：北踰嶺。共三里。至大鼻山。

十三日從大鼻村後夾澗上一里。飛瀑懸崖宛轉下。脩竹迴岩掩映。即西板嶺上。紉行一里。至南來大道。乃南從大源上北者。又四里至角巷基。伏身蛇行。巷後叢竹中四里。乃從右崖叢中上。又二里。行觀音竹叢中。竹大如管。多竹實。如蓮肉大。採笋置路隅。識來徑。竹中上二里。至寶頂殿基。日甫。中山俱出。南峰近為鈎挂山。石崖峭立。東北向若削。再南即打狗嶺。再南為大帽。再南為南寶頂：最高。與北相頡頏。而基

後絕頂更倍之。復從竹叢中東北上。一里至頂。其觀音竹更大。笋腴美。然叢密中無由四望。登樹踐枝。終不暢眺。忽竹浪中出大石如臺。梯躋其上。群山歷歷。可縵數。仍下山宿大鼻村。十四日隨溪西下。四里為大源。則大鼻西峽水。與村後東峽水會。橋于上曰潮橋。西為大源村。予往南頂。則從橋東隨澗南行。里許渡木橋。澗忽東折。入山路。南出山隘。澗復墜。路東破峽出。連搗三潭。上方瀑長如布。中凹瀑轉傾。下圓整。瀑勻成簾。下二潭俱有圓



石中立承水。墜潭作勢。潏迴尤異。又三里渡橋。為  
桐初。有水南自打狗嶺來會。亦橋其上。二水合而西  
南。則又觀音橋跨之。大道從觀音橋西踰嶺出。予從  
橋下隨溪南一里。水從西峽去。路踰一嶺下。墜深壑  
中。四里至陳墓源。瀑自東南山峽中踴躍出。與東嶺  
溪合。亦橋跨其會處。大道與水俱南。予度橋東。躋嶺  
即湧瀑南嶺也。二里平行嶺脊。北望北寶頂。巋然峽  
中。水近自打狗南岨。直逼其下。南望新寧江流。遠從  
中子嶺橫界南寶頂之西。其西南有峯尖突。正當陳  
墓水口。已而路漸出其下。二里南下嶺。行凹中。二里  
又踰小嶺里許。至蘇家大坪。則大瀑破山西向出。  
勢甚雄偉。下為大溪。西北合陳墓源出口。下午東南  
上一嶺。悞東徃大帽嶺道。乃西南轉六里。出南寶頂  
道。桃子坪。問上梁宿處。四里而是。踰嶺東至新開田  
所。有路南下伏草中。復悞出其東。歷險陂三里。不辨  
所向。已忽得一龕。地名桂幡。去上梁五里。至快樂巷。  
又十里。乃至南頂。以暮雨遂歇龕。  
十五。雨不止。滯龕中。下脫缺一日。



十七日從定心橋下過脊處覓蓮瓣隙痕削嵒密附旁  
無餘徑乃從脊東隔岸望之痕雖岬然：上垂下削  
非托廬架道處也乃上定心石過聖水嵒再由捨身  
嵒登飛錫絕頂邊白雲菴

十八日由東路下山一里餘路旁峭石分列石級出其  
間為天門：外聳石立路右上大書白雲洞天從此  
歷磴下危峭較勝西路四里經顯龍菴：北向又東  
下南望隔山飛瀑自那孛山南服下先從寶頂即窺  
見至此始睹崇隆若九天也又東下五里北渡一小

溪深竹中有寺寂然則苦煉菴矣菴南向左右各一  
溪自後來繞而右溪較大橋橫其上水從西南山脈  
透壁下菴前東南渡橋南上嶺其地竹甚大路始分  
東西岐從西下始見那又瀑地樹層崖苦煉溪亦透  
空懸壑與那又大小高下勢相頡頏然若煉迤在對山  
路沿之同下明：見其搖壑勢其下山環成城瀑垂  
其中出西壁與那又東大溪合而東南去又見西峽  
中一瀑透山下連瀉九層雖練細然甚危長路乃東  
轉下共三里又一溪自西北來渡而隨之始僅涓微



漸下漸大。遂成轟雷湧雪。觀路循溪北。東二里為大坪。右渡溪入一村家。村西上流為蓮花菴。竹色叢鬱。遂西南渡。那入大溪。東北出白沙江。又西上嶺。十三里抵望江。踰嶺溯溪。又十里為桐原山。下山五里。隨小車江南下。又四里。桐原大溪自西來。與江合而南去。渡小車江口。從橋水東上山。隨江東南。路行峽江山上。極險峻。一小石山北面平削。江遠其南。路遠其北。東北又有小溪。破峽成瀑。凡東南四里。始下至江涯。稍上有溪自東北來入。其北峯曰不住嶺。

十九。東南上嶺。隨江東四里。下涉跳石江。又上山三里。出兩山峽口。壩堰水甚巨。曰上官壩。外一望平疇。直南抵裡山隈。出峽。水東南入湘。路隨峽右西南下。一里抵白塘村。後石山特立。曰金鐘山。下俱青石峭削。西南渡溪橋。過葉鷄嶺。共八里出咸水。則官道。山。東驛也。度橋西南行。長松合抱。夾道蔽天。極似道州永明道。十里石脂舖。從小路東南折。五里抵界首。為全州興安界。二十。溯湘江西。五里出塔兒舖。古松時斷續。不及全



州連雲接嶂也。三十里。至興安縣萬里橋。下水。迤  
北城西去。兩岸甃石。中流平而不廣。即靈渠。已為漓  
江矣。湘漓分水處。尚在東三里也。由橋北溯靈渠北  
岨東行。已復北折。渡大溪。則湘江本流也。上流堰不  
通舟。既渡。又東有小溪。疏流若帶。舟道從之。蓋堰湘  
分水。西注為漓。又東瀆相支。以達舟楫。稍下。復與江  
身合矣。支流上跨以持龍橋。南水灣為觀音閣。去  
城東二里。又東南五里。則湘水南來。直通石崖下。崖  
突立南向。曰獅子寨。循寨足溯溪東。東北七里。踰

羊牯嶺。抵狀元峯。下有迴龍菴。

二十一。菴東踰小山。南一里。至長冲。東逼狀元峰麓。  
又里許。至草菴。則狀元峯南一峰片插。曰小金峯。峭  
削似過之。二峯各有路。皆草翳。予直東上。二里。抵狀  
元翠微間。山削草合。蛇路伏沉莽中。漸東北轉三里。  
直上踰嶺坳。麻川逸其下。麻川東大山橫亘。屬灌陽  
界。乃老龍脊也。坳北峰下。即入九龍殿之峽。予從坳  
南直躋峯頂。峰甚峭窄。凡七起伏。共南一里。上狀元  
峰。則亭。獨立矣。但北面九峯相連。南走。與小金尚



隔二峯。峭若中斷。不能飛渡。故道必由麓。更上小金頂也。頂北第三峯。西北石臺如船首。飛突凌空。坐峯頂久之。下迤迴龍巷。

二十二東行二里。過九宮橋。踰小嶺。共二里至錦霄。是為峽口。麻川江自南來。北出界首。截江以渡。江深沒股。麻川至此破山出。名七里峽。下又破山出。名五里峽。錦霄在其中。為陸行口。過江。溯東夾之溪入三里。登山脊。至九龍廟。南北東皆崇山逼夾。南麓即所溯溪之北麓。溪較甚厲。遂下山。過觀音閣。支流分環

閣四面。惟南面石堰僅通水。東西北則舟上下俱統之。惜閣小不稱。閣東度石橋。循分支西岸。溯流一里。至分水塘。以巨石橫絕中流。南北連亘以斷江身。祇以小穴洩餘波。由塘南分湘入漓。塘之北。即潯湘為支。以通湘舟于觀音閣前者也。遂刺舟南渡。分漓口。入分水廟。西二里抵興安南門。出城西三里。抵三里橋。跨靈渠。上渠至此細流成涓。石底嶙峋。時巨舫鱗次。以箔阻水。俟水稍厚則去箔。故舟焉。二十三橋西有金鼎山。為老龍脊。由此至興安南



轉海陽。雖為史祿鑿山分滴水。而橋下有石底。水不  
滿尺。終不能損其大脊也。上一里至頂。大止犬許。  
惟南面群巒。分叢嵐霧中。若聚米。若流火。俯瞰其出  
沒甚遠。下至三里橋西。隨靈渠西南去。已而渠漸直  
南。路益西。路右石山叢立。雨中迴眺。共十里。已透金  
甌所望亂五山堆疊中。穿根盤壑。多迴曲。無升降。又  
三里為蘇一坪。東有岐。可達乳洞。予先趨西巖。閱共  
二里。而出隘口。東西兩石山駢峙。路出其下。若門中  
闕。傍裂穴如圭。梯厓入其中。不甚敞。空合如蓮瓣。坐

觀行李。紛沓。迤由蘇一坪。東南行一里。溯靈渠  
東北上。一溪東自乳洞。決注為清水。乃東波靈渠。四  
里過大岩堰。度堰東。石橋轉入山南。小石山分歧。立  
路口。洞岬然南向。遂西向。隨溪入。二里至董田巨村。  
洞即在其北一里。日薄不及登。乃趨東山。入隱山寺。  
後有洞門南向。高懸。水由下出。西合乳洞。北流水  
破西北山腹。出大岩堰。縛炬從寺右入洞。扳石崖上。  
石崢削地側。下墜淵壁若裂。深覓暗中。水石無可着  
足。乃出。



竅懼

峯均

二十四。西二里。至乳岩下洞中。洞上洞。雨中返寺。  
二十五。東一里。出山口。支峯兀立處。有菴草翳無人。  
從菴左先循其上。岨。危草沒。予扳隙入。轉崖之東。  
則兩壁門裂。內裁一線。剖宛轉。嵌漏。上夾參天。離合。  
殆十層。起。下夾直墜。澗底。俱凭臨。千尺。夾半。兩岨。復。  
有痕。受足。肩倚。隔崖。手扳。石竅。無墜。隕懼。直進。五六。  
丈。夾始。東轉。出。由支峯。均。脊。北望。觀音岩。在對崖。亦。  
幽削。可喜。昨從。其前。盤山。轉。惜。未。一。至。今。不能。更。北。  
也。下山。東南。十七里。至。開洲。為。湘。西。岸。南。十三里。宿。

唐。漚。田。東。有。大。山。崑。然。出。東。界。上。者。曰。赤。耳。山。  
二十六。南。溯。湘。六里。為。太。平。堡。東。西。山。至。是。開。成。巨。  
塢。小。石。峯。一。帶。駢。立。湘。水。東。南。十。里。飯。廟。角。雙。泉。寺。  
南。即。靈。川。界。南。二。里。東。南。岐。入。山。又。二。里。渡。橋。湘。水。  
有。橋。自。此。始。循。在。山。南。四。里。一。石。峯。特。立。中。曰。海。陽。  
山。有。海。龍。菴。在。峰。南。石。崖。半。菴。為。臨。桂。屬。抵。菴。日。已。  
西。乃。下。山。自。東。麓。二。洞。門。繞。北。西。入。一。洞。龍。母。廟。已。  
圯。即。後。流。水。中。行。轉。南。水。遂。成。漚。深。沒。朕。菴。下。石。崖。  
壁。立。下。臨。深。塘。由。塘。南。水。中。行。東。轉。登。山。海。陽。山。俱。



崆峒貯水。門二。南平西出甚急。東早門二。下一二尺。即水匯其中。深者五六尺。山南水塘有細流。東源季陵亦下此。則此山尚在過脊北。水俱北流。惟為湘源也。清源尚在海陽西。嶺角。

二十七。東望白面山。南諸峭峯甚奇。聞其上有讀書臺。遂東北四里度雙溪橋。又東一里。尖峯在白面西。望之。趨及登嶺北。坳望山下。水反自北南去。北皆山岡。亘絕無容流處。由棘中循崕南轉。捫隙歷塊。上峯腰。一洞南向。內西裂。卷窟吐納日月。以為即讀書岩。

矣。但平入三四丈。漸陞。其下路復翳塞。頗疑之。出洞望洞東。削崖萬丈。揀霄臨淵。上一石飛突。無所承。極似巨鼠下踞。然無路可捫。乃裂棘拔條。梯登懸石。直至巨鼠崖下。仰望巨鼠。又有二小鼠下垂。崕腰一線。痕可着足。下仍峭壁。又東有巨擘。一隻作接引狀。手背姆指。分合都辨。至其處。山腰痕絕。不可前。乃從舊路下。至南麓。詢耕者。岩尚在嶺坳西。當從嶺西下。不當東上也。乃從麓西溯澗而北。則前所望溪。從洞中出。讀書岩在澗上。登之。洞西向。高而不廣。內垂柱擘。

A 1 2 3 4 5 6 M 8 9 10 11 12 13 14 15 B 17 18 19





蓋種。異觀。三丈後即北轉。下隘不可俯視。出過下水洞。水即從讀書岩下石穴湧出。水與口平。第見急湍涌流。不見洞門也。由海陽巷東南過季陵。循過脊西行二里。為海陽堡。前又分一支南下山。與西山夾為西界。水始淙。南出。隨水下一里。則西谷中裂。水破峽出。又羅姑山與西嶺夾而成流者。皆為滴水源矣。越之西南七里。循大澗嶺上行。忽有水自東南下。搗成澗。路隨之直墜澗底。南越橋。水自橋下復搗峽中路不能從。乃踰嶺。墮然直下。其四里出山口。又西南二里。抵澗上。西有銀燭山。尖削特聳。東南則石壘。正阮水口也。

二十八日。西南十里。望西北五峰高突。頂平若臺。可奪五臺之名。西五里。直抵五峰南。則亂峯尖疊。什伯為伍。橫變側移。殆難更僕數。其陽即為榕村。東南三十里。有靈襟洞。南二里。有陽流岩。云西五里。過上橋。下水東北。自叢尖山南。西至此。又西南穿石山腋。共三里。過廖村。西北有山危峙。為金山。東叢角亭。更覺層疊者。龍山潭也。又五里。西穿石山峽。則諸峯分



峙疊出。離立獻奇。石峯下俱水。漚不流。深者尺許。淺  
半之。諸峯倒掉于中。直青蓮出水。各欲獨上。初西大  
峯夾道。後又夾以兩銳峯。道俱壅水中。取徑峯隙。令  
人賞無專接。但石皆廉利。倂及戟。不免目慰足妬耳。  
峰有稱者。曰雷劈。曰萬歲。其間逸名者甚多。共二里。  
始出水磴。平疇十五里。直抵兩山峽。中山南北成門。  
北山東垂。石峯分歧。起如削。岐峯尤亭。作搔首態。  
崖半裂。透明隙。惟南眺光一線。少轉步。即失之。南山  
又有石突。綴其首。人行于下者。左右流盼。又西為浮

橋。漓水自皇澤灣。至是極汪洋。桂林省城東臨其上。  
城之臨水者。東北為東鎮門。又南過木龍洞。為就日  
門。又南出伏波山下。為桂水門。又南為行脊門。極南  
為浮橋門。皆東面臨江。自北隅南至浮橋。共五門。浮  
橋貫江而渡。覓頌僕不得宿城中。送旅  
二十九。東出就日門。從城下北行。城上一山當面起。  
石脚下。揲江中路。忽穿山透跨下。南北岬然。殆天關  
閔津也。西則因山為城。以內即疊綵。東隅穿洞出。  
正下臨江潭。盤山壁透腹入。又為木龍洞。亦自南



穿北東開窓隙。屢引天光。外瀕江有路。行者或內自  
洞行。或外由江岸。俱可北達。出洞。片石夾峙。上屈曲  
架穹石。色錯青紅。似非本山石質。不知何處移架此。  
洞北闢成崖。綴以飛廊。前臨大江。後倚懸壁。憇眺勝  
莫踰此。循城溯江北一里。過東鎮門。又北過城東北  
隅。為東江驛。東向。當皇澤灣南下衝。出驛北望皇  
澤灣。二紅舫泊山下。疑預僕或在此舟。趨問之。則泊  
舟之山。在松陰中。乃虞山也。其下大殿為舜祠。後  
即韶音洞。東臨江曰薰風亭。余沿江登山。上薰風亭。

由亭西下。謁舜殿。後殿後入韶音洞。西向高二丈。  
東透出約十丈。洞東高崕嶄絕。小水匯其前。幽潭嵌  
壁。水自北塢南來。石梁當洞架其上。曰接龍橋。坐橋  
上。還眺洞門。崕壁更盡崢嶸勢。從此上躋。宛轉石級  
間。將至山頂。一靜室。窻楞西向。戶榻洒然。室斗大而  
潔。乃與靜聞解衣。憑几。指點西山甚適。因急欲覓顧  
僕。下山南循故道。入就日門。內南半里。由伏波山  
下。出桂水門。南一里。經行春至浮橋門。始遇之。  
五月初一。北抵靖江王府。循王城北行。登疊嶺山。踞省



城東北隅。山門當兩峰間。亂石層疊錯立。浪文花萼。騰嵌  
眩目。上為佛殿。後一洞窟。曲穿山背。門南向。高二丈。深  
倍之。北透小門。忽轉而東。闕洞前下。瞰城東。江水直激其  
足。洞內石門轉透處。風從前洞扇入。寒吹凌人。土人稱為風  
洞。石門北向。當東轉之上。仰見石板平度。山透圓竇。若接  
閣。再駕。予與靜聞分道趨。各會層樓之上。其處東復開隙。  
垂乳列于西。乃從圓竇中墜空下。出後洞。北躋磴上。南越  
洞頂。遂登絕巘。則越王壇也。是為桂山。上皆石萼。轟發。一  
石峰高與起。謂之四望山。西一石峰高與北峰並。峰半有

洞高懸。望之岬然中空。亟下仍從風洞。出寺由寺  
西坳中復登西峯。半洞東向。透峰腹而西。徑十餘  
丈高十之四。由其中望。東西洞然。惜絕頂地少。側未  
能徹。矚全勝耳。是名千越山。洞西墜壑下。極險峻。仍  
東下至寺。有大道北透。兩峯間。抵麓。西行里許。又一  
洞倚山北向。遂拾級以登。其下先有一洞。高可丈五。  
寬廣盤曲。多垂挂。界竅分歧。土人以為馬廐。散卧馬  
匹。令人氣阻。由西南躋級更上。從洞門入。透隙而西。  
外裂重門。內駕層洞。既下。西行見峯頂洞門。西墜處

柱



危峽孤懸。下有長垣環之。仰眺不得端委。則藩府別  
圃也。遂北轉至北門。在兩山聳夾中。門外兩旁山  
俱峭拔。即為華景竇積衆勝云。折而東南。出挂水門。  
抵廈真觀。北渡江。入玩珠岩。即伏波山東麓。石壁下  
嵌重江。裂隙兩層。上縱下橫。縱者高盤入頂。無級可  
階。橫者下卧波上。下石浮敞為臺。覆以欹石。柱下  
垂覆簷外。直抵下石。不接者僅寸。名伏波試劍石。後  
壁紅白紋若縷。圓岩宕三暈。恰當其首。故曰玩珠雙  
紋。後內復裂隙。直抵壁映。下垂柱之西。石臺中坼橫

石以渡。更北穿亭竇。下臨淵碧無底。南入山腹。有光  
西轉。北達前門。是其真境矣。但石色波光。俱不若外  
岩玲瓏映徹也。登崖由浮橋。返寓。按圖志以索桂林  
諸可遊者。  
初二日。更出浮橋門。度浮橋。又東度花橋。循山北轉。山  
峙花橋東北。七星岩即倚焉。岩西向。下有壽佛寺。  
左登山。一亭翼然。遊客曰摘星。石崖橫審其上。僅可  
置足。然俯瞰城堞。諸山甚暢。亭左佛龕。當岩之口。入  
其內。不知其為岩也。推龕後扉入。歷級上。約三丈。忽



轉而西北。豁然中開。上穹下平。多列筭懸柱。爽朗通  
漏。此上洞也。是為七星岩。從其右。歷級下。又入下洞。  
是為栖霞洞。雄拓門亦西北向。仰眺崇赫。洞頂橫  
裂一隙。鯉魚自隙中懸躍下向。首尾鱗鬣。酷肖。傍盤  
結幡蓋。五色燦爛。西北層臺高疊。懸梯而上。曰老君  
臺。由臺北向。洞若兩界。西行高臺之上。東循深壑之  
中。由臺上入一門。直北至黑昏處。出石上穹無際。下  
陷成潭。傾洞峭裂。忽變夷為險。返下臺。仍至洞底。導  
者搗松明前驅。循臺東登中行。始見臺壁攢雲錯綺。

脩諸幻相。直北入一天門。石極聳立。僅度單人。既入  
穹然高遠。左橫列石欄。下深黑不見底。云獺子潭。即  
老君臺北下墜處。至此高深易位。又成一境。內又進  
兩天門。路漸東北轉。崖石詭變。多所彷彿。導者行急。  
予強留諦視。顧此失彼。然予所欲觀者。正不在種。  
規擬也。又踰崕上。東有潭。淵里如獺子。宏廣更過之。  
是名龍江。下與獺子潭通。又北行東轉。過紅白穗。鳳  
凰戲水。穿一門出。忽見白光一圓。內映沉壁。遂東出  
後洞。水自洞北環流。南入洞中。想下為龍江者。小石



梁跨其上。宋相曾布帥桂時所為。易名曾公岩。蓋與  
栖霞一洞潛達。兩門各擅耳。予佇立橋上。見澗中有  
浣汲者。予訊水從西北來。可溯入否。其人謂水穴之  
上。更西北可深入數里。名勝較倍栖霞。水穴則深淺  
莫揆。惟寒辰肅月為可涉。予即倩其人為導。其人歸  
取松明。予隨之出。洞右得慶林觀。期觀中炊以待。遂  
同導者入。仍過紅白毡。始由歧北向。則佳偉殊麗。繁  
錫嘉稱。最深入。過潭淵。香當橋澗上流。導者阻進。謂  
前距數日。鮮竟游履。抵此。從無人者。况當夏漲。襄陵

可嘗不測乎。乃返計自接霞達曾公岩。徑約二里。復  
自岩口出入。盤旋三里。洞之觀止矣。飯慶林觀。望來  
時所見搔首峯。即其東。後間道出其下。則峰下西開  
一竅。圓者廬之。北復有岩洞種。遍曾公岩上下左  
右。殆難數記也。循七星南麓。北向草莽中。連入三洞。  
計省春當在北。可踰嶺達。遂北循嶺坳。微徑里半。至  
山頂。石骨峻峭。不容着足。石隙少閒處。棘刺沉翳。愈  
窮。扳躋。然石片布奇。峰瓣分異。遠望映。愈披愈出。令  
人心目勞遷。又里半。踰頂下。復得鑿石之級。盡即



省春岩。三洞排立俱東北向。最西者騫雲上飛。有  
倒石下垂如枯槎老龍。西入南轉。洞漸黑。惜無居人。  
不能索炬入洞。右旁通一竅。以達中洞。甚深難遠入。  
洞前垂石亦作槎勢。又透一門。以達東洞。東洞垂石  
愈繁。洞亦旁裂。中有清泉下注。寒碧成潭。由洞前循  
崖東行。洞上聳石如人立。歎躄。東則危崖亘空。仰望  
如劈。其下拖劍水灑之。即癸水也。源發堯山。抵山北  
麓。西出葛老橋。入滴水。時予轉至山東隅。仰見崕半  
裂層竅者三。乃披莽際梯懸累上。既達一竅。西通中

竅。中竅卑伏。首不得伸。從外橫度。有同臺榭。不由中  
奧。竟達第三竅。穿隙入。後有一龕。窻闢其前。中懸玉  
柱。左又着一龕。圓頂平座。前正對玉柱。予同靜聞  
分踞柱前窻隙。下臨危崕。行道者仰望者無不徘徊  
忘返。二村樵仰睇久之。亦躋登。謂中竅之上。尚有一  
洞。甚宏。欲為予扳躋上。求子乃下倚松陰。從二樵仰  
睇處。反睇二樵在上。懸枝索級。終阻懸漢。莫能階升  
也。仍西入省春。出西洞。西又得二洞。門北向。丹西者  
高五丈。內稍下。西轉。雖漸昏黑。勢崇宏愈甚。以無炬

A 1 2 3 4 5 6 M 8 9 10 11 12 13 14 15 B 17 18 19





中阻。左壑大書深刻五美章。乃張南軒筆。惜無知者。洞莫定其名。或以為會仙岩。彈丸岩。壁宋莆田陳黼題。則渚岩洞也。洞之西拖劍水自東北直逼壑下。崖愈穹削。棟霄凭淵。良竭雄偉。石梁跨水西渡。已為七星山西北隅。名彈丸山云。由其西南渡葛老橋。東望崖巔。有洞高穹。上下都削。南有一崖架廬。亟東向登山。下一刹與壽佛寺。七星觀。南北鼎列。南為七星觀。東上即七星洞。中為壽佛寺。東上即棲霞洞。北為此刹。東上即朝雲岩也。仰板磴數百級入岩。亦

西向。在栖霞北。洞口高懸。內北轉。穹危愈峻。微僧太虛。駕閣洞口絕壁。下瞰江城。遠揖西山。甚暢。遂停宿。因問上岩道。太虛曰。此岩高聳。雖予近在崖右。曾無級可登。約其洞之南壁。與此洞北底。隔止犬許。洞內可鑿空以通。洞以外更無懸棧。繅級處也。憑欄北眺。洞為石掩。反不能近。矚惟洒髮向西山。歷數諸峯耳。西山自北而南。極北為虞山。稍南為東鎮門山。再南為桂山之木龍風洞。最南為伏波山。此城東一支也。虞山之西。極而北為華景山。稍南為馬留山。再南為



隱山最南為侯山。廣福王山。此城西一支也。伏波隱山中為獨秀。其南對踞水口者為滄山。穿山皆滄江以西。故曰西山焉。

初三追錄游記于岩閣。薄暮乃返寓。

初四北二里。至靖江王祀懺壇。入藩城北門。內池水一灣。南透獨秀北麓。由池西南經獨秀西麓。至靖藩精舍。主僧為予言。君欲登獨秀。須先啟王期。以十日可登。乃出藩城。西穿榕樹門。北向大樹正跨其頂。巨本虬根。盤鬱閭闔。昔為唐宋南門。元時拓城

於外門。久塞。嘉靖乙卯。大將軍周子德舒壅閉而門之。門之前。匯水為大池。後即門頂。巨石疊級。分東西。上亦有兩大榕。南向東西夾之。上建閔帝殿。南面臨池。甚為雄暢。殿西下。即大將軍幕府。益西循城南一里。西出武勝門。北溯西江。又一里。達隱山。北倚馬留。西接侯山。四面有六洞環列。東為朝陽洞。寺在其下。洞口東向。下層通水。上層北開一門。就石刻老君像。今稱老君洞。山北麓下為北牖洞。東石池一方。水溢麓下。匯而不流。外竇卑伏。而內甚宏深。前有卷



由菴後披隙入。洞圓整危朗。後復上盤一龕。左有一  
窓西闕。石柱旁列。不通水竇。其北崕之上為白雀洞。  
在朝陽後洞西。門北向。入甚隘。前有線隙橫列。上徹  
天光。漸南漸下。直通水。又西為嘉蓮洞。亦北向。與白  
雀並列。洞分東西。西隙俱南向下墜。洞內時開小穴。  
彼此相望。歎犬鞞合。內墜淵黑。亦低水。又西過一石  
隙。西北有石。平度錯萼。中絕勝瓊臺。乃南轉為夕陽  
洞。西向洞口。飛石中門。為兩門。左一側壑。漚水由水  
竇東通于內。右有曲轉穴。北轉內甚萼暗。下墜深潭。

蓋南北皆與水會焉。又南轉西南山麓為南華洞。  
南向勢漸下。漚水當門。可屬入。深入則六洞同流。五  
洞之底皆交連中絡。惟北躡則另闢一水竇。初不由  
洞中通。云聞昔唐宋。西江東潞榕樹門。隱山漚巨湜  
中。是名西湖。其時諸紀勝者。俱云乘舟載酒入。今則  
西江南下。繁厥桑田。甚損浩蕩觀。予初至朝陽寺。月  
印上人導由殿後入東洞。穿老君側出山北。西過白  
雀嘉蓮。皆北隅洞也。南過西隅夕陽洞。又南盡東轉。  
過南華。則南隅之洞也。予欲從此涉水入。月印謂秋



冬水涸虫蟄窮幽無所憚。今漲甚深處莫測。蛇龍窟  
宅其中。老僧不敢導。請北游北牖。乃東過西湖神廟。  
北轉過朝陽。踰隱山東北隅。其處石片分列如張帳。  
如裁雲如透月。幻極紛紜。潤以米澤。不啻削芙蓉綴  
蛺蝶也。又南入北牖。予與靜聞分踞北牖洞西窻。  
內外周攬久之。出飯菴前松陰下。復抵南華。遇一田  
叟曰。此水實旁通。雖深淺疑迷。予獨熟過其內。君欲  
入。明當炬導。佐前驅。予強之。即入。曰。松明未辦。乃以  
詰旦期。予遂南過武勝門。及寧遠門。度橋而南。西江

走其下。東分西支入湖。予東南循西江南分派。一里  
抵瀟山。之東即瀟江也。從山西麓轉其北。則瀟水  
自北江水自西。俱直搗山下。山怒崖騰。力扼其衝。由  
磴上盤山腰。得雉岩寺。後躋石峽。躡青蘿閣。昏黑  
下宿岩寺。  
初五日。客序遷除。遂成午節。令頤僕入郭市。蔬酒出坐。  
雉岩亭。以蒲酒椎黃。自酬節况。復散酒青蘿閣。時方  
禁龍舟。人各以小艇。私擢山下。鼉鼓雷殷。迴波隔  
日。既暮下山。西入一洞。在山足。門西向。高穹中平。



上鐫樂感洞三字。出洞東循雉岩。崖沿江東。其  
東隅一石上。自山巔下。揀江底中。刻穴透虛。深二丈。  
高三丈。若闢門然。江流自北。匯其中。涉其南。透崖以  
上。即為千手大士菴。予濯足弄江。抵暮上宿。雉岩者。  
統志以為即漓山。在城南三里。陽水南支。經其北。漓  
水南下。經其東。有石門嵌江。西有穿洞。深入。南有  
千手大士菴。俱列其足。雉岩寺高懸山半。北迎兩江。  
頗浪飛。檻綴崖。倒影澄碧。寺西為雉山亭。南為雉山  
洞。外即飛崖斗發。裂隙迸峽。直自巔下徹。旁有懸  
龍矯變。石色都異。前大石平湧為蓮臺。石根與後  
峽相接處。下透小穴。入西向臺際。摩崖登臺。則懸龍  
架峽。正出其上。昔有閣曰青蘿。今移置臺端。登之不  
知其為臺也。然勝概。疊集不以閣掩。是山正對城南。  
為城外第二重案山。北一里。曰象鼻山水月洞。南三  
里。曰崖頭淨瓶山。荷葉洞。俱東逼漓江。而是山在中  
較高。志遂以此為漓山。范成大又以象鼻為漓山。二  
山形頗相似。但雉岩石門。不若水月。擴然巨觀。故游  
者捨彼趨此。然以予權之。瀕江午向三山。不特此二



山相匹。崕頭西北山脚。石亦剝空。嵌水跨成小門。其  
離立江水衝合中。三山俱可名。滿也。

初六。南下山。二里過南溪橋。南溪之山。高峙橋東南。  
溪來自西南。直逼西麓。純山東北入。滴去。白龍洞在  
山椒。洞門高張。西向臨溪。下廣列崇殿。仰望不知為  
洞。由殿左透級上。得璇室如層樓。內有龕。自然為一  
洞。絕勝處。從此北向東轉。遂成昏黑。先是買炬。山僧  
謂洞內可竟達劉仙岩。不必更出。及篝火入中。頗  
寬敞多岐。先極其東隅。上躋一隙。予以為劉仙導道  
也。竟途窮莫進。又南下一窪。支竇旁午。又予以為劉  
仙導道。僧謂此乃珠岩道。嶮巖莫逾。踟躕杳冥中。  
不若出洞。平行為便。乃下山至橋。望白龍北。復有洞。  
盤空。予渴赴劉岩。遂從橋東循山南東轉。南面一崖。  
層突彌聳。將捨之。忽山雨至。奔憇岩下。躋隙坐飛石。  
上。兩簾外窺。內映乳幙。飄。有食霞想。久之雨止。下  
岩轉其東。至劉仙岩。與白龍東西分向。有觀在岩  
下。從觀石登級。先穿一門。西入。即踰其上。復透門出。  
得一岩。東南向。又左由透門之上。再度而北。亦開一



岩：前懸石甚壯。當洞門為屏。若垂簾然。予至岩。即周覽各竇。詢與白龍潛通處。竟不可得。乃知白龍所通。即避兩岩下竇。導僧所云護珠岩是也。

初七日。由觀左登穿雲岩。在上岩東南絕壁下。亦東南向。後與左右分穿三竇。而左竇旁透洞前。洞東為文昌祠。由其前東過仙人足蹟。北更上。即為仙蹟岩。在穿雲東北。上岩正東。陽洞口亦東南向。外甚危亮。內乳柱倒垂。界為兩重。若堂皇之後。屏列窻牖。分內外室者。洞後穿竇兩岐。俱不甚深。竒在玲瓏。碑

致。迤至觀南二里。出十里舖。在聞雞西。郡往平樂大道。又東向岐路。入一里。北望穿山。高懸隔江空濛。雨色中。再前望嵯頭北。隅梳粧臺下。飛石嵌江。剝成門闕。遠望較水月似小。與雉山石門。形勢倫比。然急流湧其中。蕩漾尤異。共一里。東至嵯頭廟。崖頭在雉山南。滴江西合陽江于雉山。又東會拖劍水。及滴江支水於穿山。奔流南下。此山當其衝。山不甚高。而屹立。枕流有嘗態勢。北崖有臺曰梳粧。下即飛石懸嵌。中剝成門處。嵯突波傾。不能下瞰。但見迴欄素波觸



石奮出。巖然送散。互座坐久之。返廟中。由其後入一  
洞。門西南向。穿門歷級下。其後岬然通望。一石肺乘  
空。色正綠。是為荷葉洞。穿葉底透山東北。即通望口  
也。清江復濺其下。由葉前南下。東轉深昧中。勢穹然。  
不及索炬入。山東北隅。石崖挿江。山稱淨瓶。以此須  
汎舟沿流觀之。其上莫窺也。仍出大道十里。鋪經白  
龍洞。北隨溪探前望。白龍左洞。則玄岩也。岩東向洞  
門高聳。下峽由南腋東入上洞。東登必由北奧。俱崇  
深幽邃。無炬不能遐歷。洞前乳柱繽紛。不減白龍上

鐫玄岩字甚古。出洞入寧遠門。返寓。

初八。北出安定門。東轉北入。支徑登劉岩山。有菴在  
山麓。為後劉岩洞。西向東下。淵黑。由洞右躋危級  
上。至明月洞。高級危嵒。半門亦西向。東入岬然。  
昏昧莫辨。出洞下嵒半。循崖少北。復一洞。向門紛  
綸高懸。僧伐木縱橫洞前。無由上躋。乃梯登以上。一  
石當門。樹屏由左透隙。則宛轉玲瓏。踰木脊東下。穹  
然直透山腹。闔門東出。外臨層嵒。內皆乳柱充隙。徑  
竇迸裂。北一徑高穹下墜。東轉昏黑。亦有門東出。闔



不復下。北洞東西透豁。然有脊有門中界之。不若穿山疊巒中隱南峰諸洞。擴然平通。下望明蛟。內無餘奧也。下山西過北門。西峰當面起。削山為城。循山北麓。轉至城南北隅下。盤層石。上削危城。當即志所稱始安嶠也。而北門在兩山夾中。東西峯各峭壁。鑿起。因依為門。鎖鑰甚壯。予少憇盤嶠上。旋入北門。南一里。至挂嶺碑側。西向瀕城。復得一山。為華景洞。東向前對大池。後所倚山。則亦因為南城者。洞前岩平朗。上覆外敞。後穿穴為門。分為三。南入者。窪暗而邃。西透之穴。昔穿城外。因為門。今已斃石塞。北轉者。上出岩前。遂西登城。陴循南而升。已從石萼叢錯中。扳躋山頂。即寶積山。志稱寶積與華景相連。上多詭石怪木。然今又名卧龍山。想以武侯祠易名耳。下山二里。抵寓。初九。出文昌門。乃東南門也。正對南溪山。南過石梁。下即陽江北分派。東轉一里。抵石山。南麓三教菴。後為石雲岵。其山亦稱漓山。粵人呼為象鼻山。東南隅亦有洞。南向。循岵東北。抵漓江。盤山溯江。從



右崖危嵌中得一洞。北向曰南極洞。出其前。直至西北隅。為象鼻岩。水月洞貫其下。飛崖自頂騰跨。北挿中流。東西俱高。剝成門。陽江從城南西來。流其中。而合之。滴上空明如月。下復內外濺波。而挿江之崖。下跨于水。上屬於山。中垂外撇。正作捲鼻勢。水洞之南。崖半又闢陸洞。其崖亦自山頂東跨江畔。中刻竅若長廊。直透水閣。上北踞數口。下瞰水洞。適有漁舟泊洞中。崖石間。令禪予遠出洞外。復穿入洞內。水陸勝觀。一時兼盡。乃南行一里。渡漓江東岸。又二里。抵穿

山下。山西與闔雞山對。闔雞在劉仙岩南。崖頭山北。漓江西岸。瀕江之山也。東西夾漓。怒鬼鼓距。兩山當合名闔雞。特東山透明如圓鏡。故更以穿山名之。山之西。又有峯危立。初望竟為一山。上有豎石。至其下。始見豎石下剖。則抵山根。亭。獨立山固。以脆薄靈舉。見竒。土人名為荷葉山。殊得之。穿山北麓。嘉熙拖劍水直漱。崖脚循山之西南。與漓合。予始至其北。隔不得渡。望崖壁危懸。洞門或明或暗。紛。錯列。即渡亦不得上。乃隨溪南行。隔水東眺。則穿岩以轉。不睹



空明山側成峯。尖若豎指矣。又以小舟東渡。出穿山南麓。北面而登。撥草尋磴。一南向岩高倚半山。疑即穿岩。乃其中乳柱中懸。有曲折致。東入漸窪。黑水滙於中。知非穿岩。乃出。由其西上躋。始得崇岩廓然。平達山腹。徑山十餘丈。高闊俱五六丈。真徹望澄明。通無蔽眺。板外崖東轉。又開北向一洞。列並穿岩。而後不中通。其東尚有三洞門。下可望見。至此則峭削絕徑。而穿岩南口。上復壺一洞。後亦不透。然內多重幃。始為穿岩架閣也。仍東下漚水岩。東復有南向洞。

荆川太史紙

內亦夫竅。西入隘黑無竒。遂出西波荷葉山下。北過訾家洲。渡浮橋而返。

初十日。抵王城後門。登藏壇。訂主僧獨秀期。更移十

三日。

十一日。出浮橋門。過花橋。問龍陰岩道。為橋東之南崖。乃來時所過夾道。而山北即七星。南即龍隱。至是始得其詳。橋上南眺龍隱。與月牙並列東嶺。第月牙稍北。度橋循山。其路易通。龍隱稍南。須從橋下涉江上。其大道則自山北端拱石。南踰嶺坳。循隱真而西。又



從怡雲北轉始達。予欲并眺端拱石人。遂橋東直走  
嶺下。南上。平瞻石人。又南下。得一大塘。北循山西  
轉。崖石俱盤削。飛突里餘。抵山西南隅。峯益嵯峨。壑  
異。中空外聳。上若鵲橋。度虛板。隙登。則怡雲亭廢址  
也。由其上轉。鐫梯空。穿石罅。上躋。石片懸綴。側為  
透夾。平為架橋。如上竿轉塔。無不曲折匠意。下至怡  
雲右。即龍隱岩洞門。西向高穹。廣衍。頂石平覆。洞右  
近口。復垂柱環為層龕。重洞接影深流。此為最勝。出  
岩。仍從怡雲返花橋。南沿西麓。隨流歷磴。半里。月牙

岩。西向。南即龍隱。第北則級石成磴。彼則斷壁斗  
崖。路殊通塞。耳岩上環。西缺其口。內不甚深。政以圓  
缺分明。有同鈎月。下照清冷。亦幽境也。出由街北邊  
七里。滄朝雲岩。北渡葛老橋。覓屏風山。或有以黃金  
岩告者。謂去城東北五里。乃質。東北趨。三里。遇問  
負石者。指村北之山。曰。此即是。至村問之。仍不知也。  
及抵山東麓。則削崖列嶂。平屨危懸。已轉北麓。得洞  
門如峽。山頂高穹。兩崖濶五丈。高十餘丈。初南向平  
入十丈之內。必東南轉。忽明穴上開。自下望之。殆蜃



市重樓矣。從此高躋又十餘丈。抵明穴之口。采嫩松  
栝。兩崖開。薛劄翳。得程公岩三大字。西有訛一則。蓋  
鄱陽程公崇寧帥桂時所開。志載屏風岩一名程公  
至此乃爽然自釋也。遂西向歷級。上登穴口。其內岩  
頂之石層。下垂極為雄峻。將至出穴處。地少平。北  
巽有大石幢。盤壘至頂。色碧形詭。何該奇至此。出穴  
而西山迴峽轉。石骨森豎。下即盤峰成窩。底一洞  
北向。覓徑西南下。抵窩入洞。不甚深。即西踰窩出。  
兩石峯駢枝並起。一為石工剝蝕殆盡。一猶亭。孤

立。從石峰東更西南三里。已出葛老橋。西。于是循朝  
雲七星。西麓度花橋。紛得流警薄水。郡省城戒嚴門  
已鍵。亟馳過浮橋門。尚半啟。得返窩。  
十二日。西出鹿澤門。外巨塘匯水。自西北城角馬  
留過眷慶。南抵振武門。北入陽江。石梁跨之。曰涼水  
洞橋。南北塘中蓮花盛放。坐蔭橋樹下。殆不能去。  
予欲覓中隱山。乃南至振武門。西度定西橋。一里忽  
路右一山。有洞呀然。即北趨其下。前有古寺。拭碑讀  
之。西山也。洞門南向。東天裂石。自峰頂下跨成門。乃



捨洞趨之。其門南北豁然。亦如雉山象鼻。但彼急流中貫。異于此之外。逸澄潭耳。然外跨之石。欹疊錯出。尤露穎異。遂先逸其東。抵山北。向亦有洞穿洞而南。橫透山腹。竟與南洞貫徹。中有夾門。垂柱不似他洞。徹望竟目也。出南洞。左疊磴嵯峨。循之北。躋峰頂。石皆峯萼攢簇。中旋為平凹。長若溝洫。光滑特異。下至南洞前。始東入石門。乃片石下攢。中門高闊。旁通衆竅。故以小巧見奇。望西峰石亦聳列。從寺後西。歷其上。歷級南下。峰鏗中。西循大道三里。聞木陵。

村有岩曰佛子。遂從西北。岐入二里。石峯在候山東麓。洞門高懸。北抵岩下。若之東。二洞南向。竅東者敞而不深。稍西則洞門側裂。外垂列乳。中橫一屏。後深。峽下墜。屏東西俱有門可下。由峽中北入其竅。旁裂漸隘。乃復出。西上八大洞。南下北上。穹然高透。頗如程公以松枝拭石。崖所題。則宋呂愿中題中隱。呂公洞詩也。後署云。假守洛陽呂叔恭游中隱山無名洞。客有言此洞因君顯。當以呂公名之。因書五十六字。錫於壁。始知佛子岩即中隱山。呂公洞也。由是



北躋後穴。內雲翼倒翥。與洞俱上。不作逼隘觀。穴口高朗。大過程公後穴也。北出口石磴二道。一東北下山麓。子先從其下者。北向之麓。皆崆峒幔覆。外有倒石界而為門。為牕。內蜿蜒旁通。繞若行廊。復道此下。洞以幽竒勝。既復上。從西北磴。復得一洞。北入南穹。擴然平朗。頗似穿岩。南一石。聳立如臺。上有石佛。不知其自來。佛子岩所由名矣。前有巨石柱。如屏如峙。東西界為西門。西竅廣正。自下遠眺。此竅直透北山。東則偏隱無所睹。窾外循崖東轉。又闢一門。下臨

中洞之上。為閔帝座。仍由洞北東下。穿中洞南出。西循山。又開南向一洞。與中洞並列。由其西板磴上。又有洞南向。兩漬滑磴。捨之下山。東南半里。飯木陵。民家。民謂西南侯山下有銅錢岩。可透出前山。北向趙家山。亦有洞可深入。又有陳搏岩。頗竒。予念諸峰不能徧歷。侯山為衆峰冠。其岩不可交臂失。遂由中隱舊道。西一里抵侯山廟。後山麓漫衍。臨水披叢。茫不得洞。但見有級上躋。鼓興登絕頂。山前行者高呼。日暮不可登。乃遙望大道南削峰東轉。有洞東北穹。



立望之趨。南去里許。抵其下。洞高倚山半。前有潛水  
匯潭。上拾級。扳荆。遂入洞。亂石堆洞門外。高內  
深。歷石級。西南下。直墜洞底。水涯淵漠。內望一石橫  
突出。下有反壑。嵌水裂隙。受趾。予抵突石下。畏崖仄  
峭滑。乃出。下山。轉出其東南。山背復有門。匯水卒莫  
定。其為何洞也。其處西峰駢聳。無候山之高峭。拔過  
之。暮歸急。姑留為後游。二里。南出大道。路旁夾道之  
山。上有數東西。透空。與佛子岩等。亦不及入。執  
途人問前所入。北向洞何名。則架梯岩。一名石鼓洞。

也。紛傳城門已閉。竭蹶東五里。過木陵分歧處。已昏  
黑。又三里。抵振武門。將闔矣。側身入。始從容行街市  
中。  
十三日。入靖藩城。過獨秀西卷。主僧入內宮禮懺。登峰  
約復移之。他日。乃出就日門。過木龍南洞。由其下渡  
江。還望木龍下層。復有洞。濱江穿麓。潑流可愛。上江  
東。岬溯流北半里。入千佛閣。前有大榕一株。間所謂  
辰山者。俱莫曉。隨大路東北五里。堯山在東。屏風岩  
在南。獨辰山茫然莫辨。忽北望一山。去不一里。穹然



有洞。口一石當門。赭色班斲。彪炳有異。負芻者曰。老虎山也。予謂靜聞何不先了此。後覓辰山。遂北一里。抵山下。望高先登。由洞口穿入。其內天光自頂四射。由下北透其腹。再入重門。支峽後裂。層度上懸。俱莫可度。南向重門內。扳崖上躋。遂履層樓。徘徊未下。忽一人來候洞前。下問之曰。洞名獅子。一名黃鸞岩。山前三洞。下曰平地。中曰道士。共此岩為三出洞。見山頂石叢參錯。乃循路上躋。石片。冰稜鐵色。下嶺。石稜就夷。棘道俱除。前候者復趨。引予左入道士

岩。亦南向。在黃鸞東。稍下洞前壁。左右各鐫詩。拂讀詩序。是山即辰山也。穿洞東側門出。東向下山。東北一里。飯所候者家。主人王姓。字慶字。訂予宿此。東炬肩梯前導。趨辰山北麓。為青珠洞。游洞北向。裂峽上並山頂。內界兩層。始南入十丈許。扳崖上。稍西。乃豎梯向北崖上躋。既登。北入峽中。五丈餘。透出橫峽。東西橫亘。上高俱不見頂。東行四五丈。漸闌生光。一大石柱中懸。繞出柱西。峽又南北裂。南入臨洞底。北出正臨洞門上。洞門中列二柱。界為一門。兩窻。延

A 1 2 3 4 5 6 M 8 9 10 11 12 13 14 15 B 17 18 19





耀內射。正當圓柱。予詫為奇。導者曰未也。轉進橫夾口。又西行四五丈。有竅南入甚隘。悉去衣。赤體伏地。蛇行以進。其穴長三丈。大僅如筒。又曲折中多懸柱。時從游兩人。以炬先入。次及予。度稽一時。過隘洞復穿然。上崇下陷。俯躬南降。垂乳紛列。迥與外別。導者曰未也。又西踰一梁。橫南北若闕。越梁西下。石乳愈奇。西窮。復轉北上。藻績滿眼。彌轉彌勝。此洞與山南黃鵲岩正南北相當。然一山皆空。環峙分門者尚多也。北向開洞門者三。此為中。東西二門俱淺。東向開

洞門者五。北為高穹。中為三曲。狗頭。南為道士東峽。和合小岩。而三曲最深。南向者三。即平地道士黃鸝也。志稱辰山有洞三級。第指其南耳。惟西面予未之窮。出青珠洞。過北洞。一東麓洞。五循南入平地。岩初入。歛仄。側身緣東隙而上。內境既穹。外光漸闕。火炬已棄。北隅暮色亦上。乃出東北。迤王慶字家。十四別慶字。東北三里過矮山。在堯山西。漓水東北。聳一枝如附姆指。乃桂林石山最北首峰也。山南崕削立。下有白岩洞。南向三竇旁通。內垂石如蓮。



葉撲覆。下多透漏。其後少窪。下輒復平曠。轉西入數  
丈。仍南穴。天光出洞。東有菴。于是東向溯小溪。二里  
抵堯山西麓。又二里。為玉虛殿。山迴成塢。西向開洋。  
由殿右轉入山後。兩山夾澗。南向溯澗。半里。踰澗東。  
上登嶺角。益東北。上升降三四。又二里。始登堯山絕  
頂。此中石峰林立。間得此土山。反以為異。故堯山名  
特著。山之東石峯叢合。有溪盤遶其間。當即大壩上  
流出。廖家村西者也。下山。仍返西麓。南渡橋。五里出  
堯山東南塢。其南石峰森。東南一峯尤兀竄。益東  
南馳松篁間。出林。夾右轉石山而南。即鐵峯山。頗似  
獨秀。下有岩洞不可入。西南二里。抵冷水塘。小橋跨  
流。急湧西南去。一村依山。遂澗亦幽栖之勝。村南石  
峰如屏。東屏東西橫亘。後西嘴望之。薄若立。指由其  
腋東轉南山之坳。出山南大道。直西馳。共三里。過萬  
洞寺。則石山四開。寨山兀立其中。望寨山東崖。穹然  
壁立。而不覩其徑。循山南抵西麓。乃歷級北上。當寨  
山西北隅。堰開一罅。上架橫梁。踰梁入東貫山腹。已  
在嵌室內。遂托宿。



十五曉起徧觀洞中。其洞西北東南前後兩關。中通隘。僅容一人。由西麓上山。腰透入飛石下。旋躡其上。卷石為橋。以達洞門。西北向。門內洞界為兩。南北並列。北洞後。即通隘。透腹處。隘長三丈。既入。即寬闊。為岩。懸乳。垂蓮。紛綸左右。東岩上下。俱極崇削。下亦有深洞。路當山麓。南轉始得東上。予既晨食。西北望黃金岩。甚近。亟趨之。不復東尋下洞也。下西麓。過竹橋。由村右西北行三里。抵岩之陽。山骨立路北。下即裂為洞。南北交透。前卑後峻。後門之半。石橫架空中。

門界為二。由洞內上躋。北出架梁之下。俯瞰北麓。拖劍水直啣其下。土人俱指此為黃金岩。予南下出洞。西復有洞。南向。高裂。深入不透。僅如重峽。已從西麓北轉。山西北。垂亦有洞。西向中穹。不甚深透。對面有東向一洞。與北相向。若門廡對列。洞內分四支。如十字。東北二門外透而明。西南二峽內入而黑。然西北皆懸崖上。奧東其所入。南乃深潭也。拖劍水在東峰北。抵此洞前。轉北循山。當洞有橋跨之。橋內匯為池。亦山叢水曲之奧。出洞不知其名。問及水池中者曰。



此洞不知名。上更有一洞。可尋躋也。亟披箬透壑上。南北兩石屏並立起。微徑界其中。甚峻。洞峙南屏後。門亦東向。不甚宏。洞有舊鐫黃金岩三字。可辨。是洞始為黃金。前乃其東峰之洞也。出門左。見北屏內峽。有路上躋。為夙莽所翳。雨深蔓濕。不堪置足。予強登之。南轉則上洞也。門北向。門外棘蔓交絡。縷分之。乃得入。則旁竇外通。重樓三疊。反闕之石板。裁蟬翼薄。然無級隙可攀。惟中洞之內。旁竇玲瓏。懸隙宛轉。可穿而上。第甚隘。層折難舒。於是解衣蛇行。遂出上

層平度。閣上。踞洞口。飛石高呼。靜聞。乃下。迴望黃金岩。西北麓。諸洞尤多。乃隨拖劍水。透出北麓。又得北向洞二。西向洞三。遂西趨屏風山。將渡拖劍水。望屏風。黃金兩山中。又南界一山。下有洞北向。迂道從之。洞亦旁分兩門。一北向。一東向。西有級上躋。再上級崩路削。又有洞北向。乃下抵西北隅。則旁透中空之洞。峽連闕。與黃金西北同。正西一洞。高穹層裂。紛拏傑張。此又以堆武見奇。非尋常窈窕窟也。問之土人。知為飛石洞。遂西渡石堰。一里入程公岩。北二里。仍



飯王慶字家。西再探道士諸洞。過屏風西麓。至是已  
四周其山。入浮橋門。浮橋共三十六舟云。  
十九始定陽朔舟。

二十一日中乃行。南過水月洞東。又南雉山穿山。闕  
雞劉仙。峴頭諸山皆從陸徧游者。惟闕雞未到。今舟  
出其東麓。峴頭有石門淨瓶勝舟隔洲以行。不能近  
悉。去省已十里。峴頭之南江流浩然自放。又東南二  
十里。過龍門塘。南岫有山嵯峨。中峰最高。慶南北透  
東五里。橫山岩突立江右。又東南十里。江右削峴屏

立南五里。至碧峴岩。南石峯隔江排列起。橫障南  
天上分危岫。幾埒巫峰。五老托漚使東。江流啗其北  
麓。怒濤翻壁。赤壁采石。失厥雄麗。峴間一石紋黑。縹  
白章成。泛海大士曰沉香堂。其慶南雖崇深極。致北  
岫猶夷豁。共五里。下寸金灘。南轉入山峽。江自是左  
右皆石峰。噴岫爭竒炫。詭入峽下斗米灘。五里為南  
田站。當臨桂陽朔界。山遂轉峽為塢。四面層圍。僅受  
此村。過南田。山色暮合。舟人夜棹不休。江為山所泥。  
俛南俛東。盤峽透峴。凡二十五里。抵盡山。月犹未起。



山隱空濛中。又南五里為興平。月從群峰東隙出。舟泊候曙。漓江自桂林南來。兩崖森壁迴峯。中多洲渚。分合無翻流之石。直瀉之湍。故舟行屈曲。石穴間無妨夜棹。第月起楫緩。闇行明止。未免悵：

二十二。蚤起。曉月光流。竒峰合棹。南三里為螺螄岩。一峰盤旋上轉。峙江右。與平水口山也。又七里東南出水綠村。山乃歛鋒。予掩蓬就寐。南三十里則龍頭山。復錚錚骨立。而陽朔四圍。又攢作碧蓮玉笋世界矣。陽朔北自龍頭南抵鑑山二峰。巍峙當漓江上下。

流中有掌平地。乃東面瀕江。以岍為城。而南北屬于兩山。惟西面壘垣為雉。城西山最近者為來仙洞。石人牛洞。龍洞諸山。通省大道從之。蓋陸從西。水從東也。其東南門鑑山下。則南趨平樂。水陸並道。正南門亦西北轉。通省道。直南為南斗山。延壽殿。旁建文昌閣。無徑地達。正北即陽朔山。層峰駢峙。東接龍頭。東西城俱屬于南。隅北則以山為障。竟無城及門。東北一門在北極宮下。僅東通江水。北抵儀安祠。讀書岩。然俱草塞。人罕行其徑。惟東臨漓江。開三門以取水。



焉。予上午抵城。入正東門。從文廟西入縣治。蕪寂殊甚。縣南半里有市橋。下水西自龍洞入城。出橋東。即懸流注深壑。大四五丈。四面叢石盤突。是為龍潭。但飛流下擗。不見下流所溢。潭東即城。大江流城外。蓋地穴潛通也。橋南鑑山獨聳。一名易山。即南借以為城者。東麓有鑑山寺。倚山臨江。通道置門。即東南門也。西麓則正南門。予初抵北麓。覓道上躋。南東二面就崖為城。惟北面在城內。有微級。久為莽棘翳沒。乃板條捫隙。直造峭壁下。莽徑并絕。復出其旁。

躡巖石。盤旋半空。終迷所欲登。乃下。時顧僕守舟。期東南門外。于是南經鑑山寺。出東南門。覓舟不得。渡江東一里。至白沙灣。舟泊其南。乃下舟。白沙灣去城東南可二里。民居盛于城。有河泊所。其南三峯列峙。最東一峯曰白鶴山。江南抵其脚。曲而東北。抱此一灣。沙土雪潔。其東南一溪。南自二龍橋來。北入江。溪在南三峰之東。逼白鶴西趾出。溪東又有數峰。自南趨北。界溪入江口。最北者書童山也。江以此乃東北逆轉。



二十三日。從白沙依江東北行。一里南渡江。已出東界山之東。江東北岸。有高峰。矗四尖。起特障。江南趨。既渡。陂塘高下。林木翛然。有澄心寺。可憇。東一里。過穆山村。復渡江而東。循四尖南麓。趨出其東。山開日曠。竒致愈出。前望東北。又起一峰。上分二岐。東岐若僧帽。垂空。西岐尤高。豎四尖。東枝。銳若脫頰。與二岐西岫。建標絕頂。各見雄振。迴眺西南。隔江下。皆尖峴。並削上。懸姿岫。此即書童之南。東界群峰。所幻出。隨江東五里。出二岐。東南踰嶺下。是為佛力司。司當江南。

轉處北去。縣十里。問之居人。始知二岐西峰最高者。為狀元峰。乃仍踰前嶺北去。西一里。抵紅旗峴。竟峴西北。一里。抵山下。北上。斷磴間。三里。踰山坳。乃東西峰分岐處。西北度亂石。重蔓。直抵高峰。峴畔有洞。東向。門高。穹上。懸巖。兩重。簷覆出。無由得上。洞前東向之峰。即似僧帽者。其峯亦有一洞。西與北山對。懸絕。隔莽。竟阻。不得達。予必欲一登峰頂。南北俱壁立。絕磴。從洞南緣峭梯。險轉。從峭壁南。直抵峴半。則穹然。無片隙。不復手足力所及。遂下。飯佛力肆。居人蘇。



姓者謂此峰懸削。曾無登路。數年前峰側有古木一株。其僕擣而登。紐級僂窮峻。屹然止。達木所。亦未造巔。後遂問津者絕。鞅乃返。由白沙灣佛力司之南山。益開拓。內雖石峰離立。外俱排山亘嶺。桂林秀出。雲峰南盡于此。開平樂以下。四顧皆土山。崦厲之石。不挺于陸。而藏于水。山自此而頑。水自此而險也。二十四日。由白沙截江渡南峰下。循麓東南。又轉一峰。有岩高張東向。為田家洞。即在白鶴山下。軒朗平豁。上繫垂乳。白鶴東村對書童排闥而南。內成長塢。

中舟行六十里。可抵二龍橋。出白鶴。循北麓溯江三里。入東南門。肩炬由正南門出。西北循大道。向龍洞岩。二里東越小橋。有兩洞。西向其南。列者為龍躍岩。地稍下。門極危。朗北洞地稍高。草塞門徑。先入南洞。東五丈。層陟一臺。右有竅深入。出由洞北登龍洞岩。巖巖入洞。濶丈五。高一丈。南崖半壁平亘如行廊。入數丈。洞乃南闕。頂始高。後壁下方圓池各一。深五六寸。泉澄明如鏡。屢斟輒滿。池上連疊小龕。俱無通道。處由左壁窪陷處伏地入。漸入漸小。穴僅巨管大。



蛇行南透五六丈。始可屈伸。已而遇旁裂龕。得宛轉。連躍龍後腋。出洞。東望龍洞南列峰。閭闔重啟。異之。遂渡溪東行。棘莽沮洳中。共一里。抵山下。初入西向第一門。高穹如峽。東入數丈。北轉。愈昏黑。莫窮。乃轉南。得明穴。西透。西出洞門之上。蓋南上西向第二門也。由其外更南上西向第三門。洞東入。成峽如初。洞峽底迫仄。峽上層疊。有同閭殿。入五丈。下峽既盡。上懸重門。圓整擬剝琢。第峽壁峭削。無可上。與靜聞索慮躋躡。得止。峽一層。最上層。仍懸亘莫達。出洞前仰。

望洞頂。又連啟西門。此大南上西向第四門。第五門也。冀其中下通。峽內重門。于是又過南上西向第六門。仰望懸峽。倍高削。彌難慮。即又過南上西向第七門。見石紋層異。突出者可置足。竅入者可鉤指。遂反躬上躡。凌數十級。抵洞門。洞北又夾。坳豎。高五六丈。始入上層。其夾光膩無級。計絕所攀。予獨審視。周夾。雖無級。鐫而夾壁宛轉。可以手撐足支。不虞懸墜。遂聳身從之。如透井。皆橫細縱發。不階級。磴也。既升夾脊。其北復墮成峽。穿映明透。知與前所望洞必有。

A 1 2 3 4 5 6 M 8 9 10 11 12 13 14 15 B 17 18 19

1 2 3 4 5 6 7 8 9 10 11 12 13 14 15 16 17 18 19



一通。因騎牆坐。上睇洞頂。四達高傳。促靜聞。久之。至  
教之。如前法登。同從脊北下。峽中。峽底平。曲折北進。  
西上高懸門。則第六門也。不反上。循峽更進。轉出第  
五門。有石龍下。垂三四丈。由龍側北。循崖端。得第  
四門。穿門東入。稍下。次層中。廓然四闢。石向東轉。深  
黑無窮。左向西出。即前第三門上層也。知重門若剝  
處。當在其內。循崖窮之。復隔柱。轉柱隙入。門內另環  
一函。不遠亦不透也。自第三門上。連闢四門。初俱板  
躋無路。一入第七門。宛轉俱達。井隙陟重樓。復闢間。

有其公臣者。徧題珠明洞云。仍從第六門峽內。西向  
板崖上。門雖高張。內外都無餘地。不若四五二門。外  
懸臺榭。內疊樓楹也。乃逾脊南下第七門。外循崖  
復南。又得南。西向第八門。洞亦成峽。東上雖高峙。鮮  
所旁徹。此山西向八洞。惟南北二洞不交引。中央四  
洞最高。紛紜曲暢。較他處一二洞勾連。輒攬奇巖。真  
霄壤矣。下山循麓。南半里。路東西各一峰。屏峙。遂由  
南門抵市橋。入龍潭巷。莫姓者。隨予至。問游岩樂乎。  
予以珠明岩誇之。曰。牛洞也。數洞相連。然不若李相



公岩更勝。即在西門外。不可失。予仰日色尚高。並出  
西門。携火炬從岐北行。復西岐。已繞此山東北西面。  
蓋即前屏峙路旁東峰也。繞至西麓。洞正西向西峰。  
門又錫閩人李杜記。謚為來仙洞。入洞東行。不甚高。  
爽南轉。遂昏黑。秉炬東南入乳竇。初隘。漸進愈弘。放  
瓊葩雲葉。繽紛上下。東北轉成穹峽。高不見頂。其岫  
突躡裂。種：開勝益深。峽忽下墜。淵昧。不可以丈計。  
炬火星散。投之。沉：杳不得其底。其左削崖。不能受  
趾。右乳柱。紛褶。窓戶。歷：隔崖以炬。內若行廊。玲瓏

似可遠達。松光將盡。乃由舊道出。東入西門。出東南  
門渡口。桂林舟人已。鐵舟待。遂下舟宿。

二十五舟過水綠村。北七里。西岸一岩。門甚高。敞東  
向臨江。前番石成龍。曰蛟頭岩。由岩石峽深入。漸高  
黑。由岩左登。前亘為臺。後結一竇。尼棲之。竇後深陷  
成峽。以無炬返。時舟已先移待。興早出洞。循麓溯江。  
半里達螺螄峰下。繞峰東麓。又二里。及舟北。過興平  
二里泊。  
二十六北五里抵盡山。：橫列江南岸。江自北來。至



是西折山受噬。半剖為削崖。石頂錯綺成章。舟人泊  
舟晨食。予乃登其麓。與靜閣選石踞勝。崖半洞北向。  
望之甚深。高下都無着足處。又北上小散大散灘。至  
鑼鼓灘。共十里。其山南岩竅有水。中出綠突。石飛下  
墜。江勢同懸瀑。粵中皆石峰拔起。水隨四注。無待破  
壑騰空。此瀑出崇竅。尤奇絕。又北八里過攔州。西北  
岸一峰純透。初望之。疑即龍門穿空。以道里計之。始  
知另穿一峰。前以夜棹失之耳。又北三里為冠岩。先  
是江岫東嶺。岫丹碧煥映。采艷畫山。冠岩即在其北。

山上突岨層出。麓穹一洞。西向臨江。水自中出。外與  
江通。棹舟入洞。門甚高。內更宏朗。悉懸乳柱。惜通流  
之竇下伏。無從遠溯。久之。棹舟出洞。望隔江群峰叢  
合。憶前攔州所見穿山。當正對其西。惜溪迴山轉。并  
其峰亦莫能辨識。頃之忽北見。倏然一穴。另懸江東  
峰半。即近在冠岩北。亟登岸。迨之。期舟候南田站。一  
里抵山腋。踰嶺度明穴。在東南面。絕岨不可扳。反循  
崖北。稍下。則洞果南透。其山甚薄。上穹如合掌中罅。  
北下俱巨石磊落。南則削崖懸亘。故登洞道必由北。



洞東皆旁門複室。東北彌深。仍轉洞西北隅。又得一洞。南北橫貫。其北峰之麓透而不敞。仍南出。西北行平疇中。其西隔江屏立者。皆穹峴削壁。陸路望之。更覺崢嶸。東則石峴離立。後托崇巒。共四里。至南田入舟。

二十七。經橫山碧崖諸勝。無間昔游。橫山岩東向。右腋有竇。旁穿而南。復闢一洞。甚宏。有門有奧。西上則深入昏冥。奧之南墜。皆嵌空透漏。門在墜奧東。廓然凭流。與前門比肩立。又西北過龍門塘。南望橫

山岩。西透頂峰。雖似穿石。無從上躋。夜過新江口十里泊。

二十八。昧爽。亟推篷。已過峴頭山。十里抵水月洞。北城下入浮橋門。

二十九。入靖藩城。訂獨秀期。生僧詞甚遼緩。予初擬再至省。一登獨秀。即往柳州。至此失望。悵。

三十。炎威莫支。倦卧高厨。

六月初一日。流寇訛傳薄衝。永藩城愈戒嚴。予遂無意登獨秀。獨秀山北面臨池。西南二麓。予俱逸其下。西



岩亦已再探。惟東麓與絕頂未登。其異于他峰者。祇亭閣耳。

初二日。同靜聞再為七星栖霞游。由七星觀左入。即登級為碧虛閣。在摘星亭左。予昔游急于七星。以為此軒閣無煩屐齒。後累經其下。上見岩石倒出。異之。至是遂先入。仰視閣上。為瓦所掩。不見岩頂。既轉入元武座後。豁然透空。高峰跨頂上。如梁。類穿山月岩。惜人坐閣內不見。出閣後石垣外。始見亂峰飛石。森列掩映。訊閣僧後山道何向。曰。須南自大岩菴乃出。

仍登摘星亭。入七星前洞。由閣後東上。數十級。得小坪。石盤其中。遂北轉。透重門。出門東壁外。岨裂竅。懸雲。予亞解衣上。連躋重龕。二層俱列戶。疏櫺。勢同垂幄。北下。即栖霞洞。盤空西向矣。此山岩洞駢峙。棲霞在北。下透山之東西。七星在中。曲透西北出。碧虛閣在南。亦東西上透。三穴並懸。六門各異。北又有朝雲高峙。兩岩皆西向。此七星山西面之洞也。洞凡五。下栖霞。南入大岩菴。望碧虛岩後。山石叢薄。可由菴外東北登。遂從菴石草坪中上。共一里。得坪一區。小石



峰環拱之。秀薄層雲。西即碧虛岩。透明穴。北即七星山頂。與餘峯攢成斗列者。覓小徑。出東南坳中。下山共一里。得一岩。東南向。西下即會公岩也。會公西又有洞。在峯半。拔莽上。洞口亦東南向。初由石峽入。得平展處。稍北轉。外復有龕。東列。後則穿門西入。內益崇空。深轉。杳不可睹。遂下山。出花橋東街。此處岩洞駢峙者亦三。曾公北下。同列者又有二。若予昔游省春光。經此。俱東南向。此七星山東南之洞也。洞凡五。若北麓省春三岩。會仙洞。旁又淺洞一。俱於前日

展經者。則七星北面之洞也。洞凡五。一山凡得十五洞云。返寓于肆。得桂林故勝。西事。泐百粵風土記。諸書。按部考勝者。竟兩日。初五。讀清秀岩記。即出西清門。覓之。門在西北隅。城外削崖之半。有洞西向。出渡城壕壩。西有二歧。一循山北行。即北門西來大道。皆石峰突峙。其北片。若削下。開大洞。西南向。曰橫洞。一從山南入峽。疑即清秀道。遂南西行一里。峽南北山俱中斷。開徑四交。徑西北有洞。南向。覓道北入。愈入愈深。旁絕他竇。夾危

A 1 2 3 4 5 6 M 8 9 10 11 12 13 14 15 B 17 18 19





底平。灣環以進。莫測幽際。出問行者。曰黑洞也。問清  
秀何在。曰正西有山屏立。峽中者。下有牛角洞。由北  
徑出峽。有塘曰清塘。西南瀕塘為下庄洞。無所謂清  
秀者。予意清塘當去清秀不遠。遂北轉。從大道出峽。  
門東西。嶮俱有小洞。無徑道可登。北出臨塘。潄水  
一泓。浸山西北麓。循之西。路南嵌嶮末。北俯淵碧。忽  
一岐南上。坎躋漸高。沒磴。仰望都無懸竅。知非洞所  
在。乃下出塘之西。其南山迴塢轉。別成一壑。門殊杳  
然。仍返過黑洞。西向屏立。峽中山一里。抵屏東北。即

有洞斜窺。門東北向。南下漸窄。味為牛角洞。出洞遠  
屏北而西。轉出南麓。屏南嶮峭。削色黃頽。下有窪壑。  
水從山麓石嶮出。崖不甚高。中若崆峒。即牛角洞南  
通穴。至此墜成水窪也。又東抵南峽門。北入。問清秀  
于道上人。其人曰。惟北峽有清塘。上有洞。南與黑洞  
通。此外無他洞。乃悟清秀所托。必不出北峽。時已當  
午。遂捨之南。炊隱山。西過西湖橋。一里抵小石峰。下  
峯片峭裂。中介衆峰間。南瀕陽江。東北西三面俱短  
垣環之。從西北隙踰垣。披其東北。抵小峰南麓。峰雖



小如蓮之間。辨列房。半崖坪中。有石高丈許。如犀一角獨聳。後又盤空上。片攢支削。尤增奇幻。搜剔久之。出問其名。曰秋兒庄。西即陽江西來。有壘堰可渡。南即趙家山。穆陵村中。隱諸洞云。循陽江北岸。西一里。為獅子岩。西又聳一峰。與獅岩夾。有岩東向。凭峭石之上。中垂一柱。旁罅裂。正東瞰獅岩首。北轉又一洞。北向高穹。曰天慶岩。由級南下。中亘壁界。洞為兩入。數丈。兩峽復合。其北峽之上。重門複竅。懸級甚高。望不可扳。登此可直通上南。北出洞西北行。石山叢薄間。

山俱林立。圓聳。松陰石影。又北里許。經石山西麓。兩洞比肩西向。捫棘入南洞。進五六丈。轉從北洞出。仰望洞上飛崖。片欲舞為蝦。苞山西有林木。迴叢平疇。陽江鹵環之。王太守園也。仍從雙洞南。東北而登。得石磴一里。踰坳。西扳石銛上。所扳石銛。土若劍戟。石斷崖絕。中俱棘刺。遂出舞空石上。瞰北麓。斗懸難下。尋舊磴。下西麓。繞出其北。東一里。至宋家庄。出牛角洞。南北通北峽門。北眺西峽半。有洞呀然。當即清秀。暮色已迫。遂趨入西清門。



初十日始出振武門。取柳州道。西五里過茶菴。南小徑二里。至琴潭岩。東有村。土人俱訛為陳搏。余得桂勝方信儒記云。得清秀玉乳琴潭荔枝四岩。故前日首索清秀。幾及復失。以下三洞無知者。予疑陳搏即琴潭。及今抵其村。覓一人為導。聞東南有七寶岩。先趨之。乃東南渡南溪上流。共三里。至李家村。南石峰西向。巉突。岩不深而峭。蓋在南溪白龍洞正西。向游白龍時。西望群山迴曲處也。返陳搏村。尊者負松明并梯。至西趨小山南。先觀水洞。門南向。水匯其

內。浸洞口。洞中衍。四旁皆水所際。其左深入。洞前左。崖瀕水趾。刻琴潭二大字。即信儒筆。洞左復開一門。後與洞通。中多列柱。垂詭嵌空。虛度予既得琴潭。知荔枝當不遠。尊者篝火執炬。請游幽洞。微幽洞何名。果荔枝岩也。遂出琴潭。沿山左瀦塘行。遶塘北轉。而西。至荔枝岩。門東向。不甚高。西進數丈。循洞底石竅。入其下穴。有方池。四旁甚峻。再東南轉。平入數十丈。兩度低隘。石崖半一竅。高濶僅盈尺。內洞平穹。瀦水齊竅。引首竅中東望。其水廣遂。中石龍蜿蜒。南崖石



標  
盆一方。平度水面。不能以身入也。仍出至洞底。少西  
進。循<sup>右</sup>一竅入上峽。東有石幢圓立。繞出其後。忽度為  
兩層。下穴少西轉輒止。上穴以梯上躋。內復列柱分  
樑。穿樑少西。遂下南峽中。平入數十丈。又南旋成龕。  
外洞頂亦復龍形夭矯。仍出洞底。又循北竅入上  
峽。則層壁紛垂。懸蓮徹柱。雜然綴壁。大抵此洞以幽  
闕見奇。而深入左右水竅。側小石彈丸大。多磊落痕。  
稱荔枝。以此出洞西北三里。抵大道平塘街。其西石  
峰峭甚。夾立如門。南峰山頂開穴。達山腹。予向尋銅

錢岩。過此神動。今亟問道。知道旁油坊後。轉東南至  
古廟可登。乃曳杖過油坊南。無徑可入。逡巡得蛇道  
伏草間。隨山麓東行。南轉將抵右廟。見有路西上。從  
之。始捫級。既乃梯崖。窮陟峽。棘蔓擁沒。髻頂鈎不  
能出。久之抵叢石。崖下其上分形設詭。計透明之穴。  
已與比肩。乃橫陟而北。逾<sup>愈</sup>轉逾<sup>愈</sup>出峰頭。俯瞰嵌崖削  
窟。反在其下。有高呼路。悞指予下踐之級者。隨其  
指下呼者。乃二牧翁。云登崖道尚在古廟南。遂從廟  
南歷級上。西南轉出山坳間。眺其南。一峰枝起。頂整



一石高數丈。予所見石峰綴立。雁宕翔鷲。龜峰靈芝。及此地笋石駢發。未有靈怪至此者。度已出岷後。遙瞻石壁下。猶未見洞門。日暮遂返。宿平塘。期明日導游。

十百從右廟南登山。導者揚鑣斬棘。共一里。抵昨遊步處。石隙中登數步。望見洞門西南向。又扳石岨數步。即入洞。其門前向東北。後向西南。徹望通明。後洞正對壁石峰。導者謂洞曰榜岩。山曰楓木。云下山過右廟南。由田塍中度。西來小澗。水自西路口西塘迤

遞東穿山麓。即南溪發源也。東南入石岩洞。門西北向。後門東北向。中空洞旁裂。後門石岨有臺架。虛上又盤蓋隆起。悉窻楞隱透。出後洞北一里。仍抵平塘街。北石峰嶺岨若屏。東隅有岨。東向曰社岩。街西北尋銅錢岩。即前所游架鼓岩也。西二里。經兩山峽。北山巍然負峽。下為廣福王廟。峽南山東有岩門。東向西出峽。是為兩路口。市肆盛列。西北為義寧道。予往柳州。則從西南水福道。路東有岩。西向門甚紛紜。多所像類。西四里。路右小峰如佛掌高擎。下合上



岐。于象峰中尤詭異。其南又駢峙兩山。束成峽。南  
之山。東層裂兩岩。上岩明透。山後亟南趨之。祇下岩  
可入。上岩懸壘。莫登。乃入下岩。中列柱。牽帷為峽。  
為隄。轉透其後。亦橫貫山腹。予意由後竅。西出。可扳  
躋。上岩透處。乃上下俱削。旁絕階。後仍東出。洞前東  
北隅。石頗坎坷。披隙登上層。則前後二門。俱與下岩  
並列。門內乳幄蓮柱。左右環轉。以達後門。數丈之內。  
紆折無竟。前門一臺。正對東北佛掌峰。後門龕踞。  
遙瞰西南塢外之奇狀。攬都盡。予所見重樓之勝。此

為第一。既下。西向行。又見重樓北麓。復有岩北向。此  
峽南之山也。在峽北者。西向亦有二洞。層列。洞門俱  
石色赭黃。獨為標異。但一出峽。滙水直浸。而峽西中  
壘石。提亘水面。旁皆巨浸。無從渡水。一登赭岩。又聞  
有八字岩。亦不能至。遂由石道。西向行。滙水中。望西  
峰之東。崖壁高亘。上懸三洞。相去各二十丈。俱東向。  
駢列。其山在滙水西南。與東峽南峰。東西夾塘。成滙。  
遙睇崖端。俱有微痕。自南之北。可上躋。惟北洞。嶄然  
懸絕。特不可階。遂循堤。西草徑。傍水而南。已抵南洞。



下梯。峒入。洞門甚崇。內崆峒宏峻。規模迥別。稍下一  
岐。由右入西南。轉漸昏。莫規底止。一岐由左入。不  
五丈。一門西透山後。一門北通中洞。先西拔後。岩洞  
門高與東峙。上下俱懸。峒斗嶽。遙望西南。對山亦有  
洞。若覆梁。門廣中透。曰牛洞。東向黯黑。而不知其峒。  
仍入內。北上中洞。亦北轉而東透。探其北。轉至洞  
門。有石內度。架為兩層。上壺閣。倒向洞內。下裂門。嵌  
壁間。即望所北洞也。仍入中洞內。東臨洞門。愈高  
穹。下則崖危路絕。遂循南洞出。由舊級下一里。北出

大道。西循南山北麓行。三里。越一平坡。其南北岩洞  
甚多。不暇詳步。南至通城壩。又南一里。為上岩後洞。  
門北向。前臨深塘。入其內。廓然崇宏。峒分左右。進石  
峒下。墜為淵。石壁東西夾峻。不可下。其底南眺。況  
壁西之峒。迴覆洲上。予所駐足下瞰者。壁東則絕壁  
之下。駢通二穴。若環橋連亘。水通其中。不知所往。北  
則石壁自洞頂下。掉淵底。壁半裂。柱成隙。泉淙。隙  
端下注。出右峒。由左峒上入。則蹲石當門。中聳為臺。  
上一柱支洞頂。路從柱南北入。內復有石。峒自洞



北南突若塞門。與洞南壁夾成罅。路循峩南西出。繞  
峩後外穹為門。下橫闕而上多垂簷。踞闕坐。門外  
峩復峭峙。兩旁多倒懸下攫之石。若龍爪猿臂。紛拏  
其門。俯仰兩絕。出洞循其東麓。復開東向門。內窪下。  
滴水空穀。轉南漸黑。當即通後洞。環橋水次者。洞南  
則上岩村。後疊石開徑。曲折上。為上岩前洞。門東  
向高齊後洞。肩深折不及。洞側有臺趾。由臺直躡洞  
後。逆竇成龕。垂石如距。有垂至地下。離一線者。有中  
懸四旁。忽卷者。有柱立輪囷。其中者。有瓜攫分出。其

岐者。其東南對山有泉源。曰龍泉云。下洞仍出後洞  
塘北。西向入東來大道。度高橋共十里。至山蚕舖。其  
四旁雖土阜間出。石峰兀突。馬又三十里。抵蘇橋。  
為洛青江上流。水始捨桂入柳去。予遂與桂山別。



西南游日記四

刊本作粵西遊日記二

訂六月十二日自蘇橋登洛容舟順流西南五十里過永  
福縣又八十五里泊新安舖  
十三日一百二十里抵洛容縣陸去柳州府五十里水  
湏三日溯柳江乃至遂定騎為明日陸行計  
十四日出城南西二十里為高嶺舖南寨山秀立其南  
乃南折登嶺共五里直抵南寨山西柳江逼其西崕  
舟人艤舟以渡有小溪自南寨破壑西注柳江曰山  
門冲江東西為洛容馬平界去治各二十五里登西



岸瀕江南向行為馬鹿堡東望隔江南寨山分枝聳  
秀亭露竒又五里西向踰坳入則石峯森立夾道  
南峰曰羅山頂北向有洞斜竄開兩門仰眺無躋板  
路西麓又有洞駢峙其北峰南面峭削尤甚西二里  
小峰中央立曰獨秀峰迴眺羅山西麓洞心異之遂  
從岐東南披宿草一里抵羅山西南角東轉循其南  
麓北望山半亦有洞南向高少遜北巔而面背正相  
值轉山之東遂踰坳北入一坪中開其右峰北巨石  
數十丈斜疊起衣折古勁逼肖左崖之北雙門墜峽

樓陽朔珠明外此為最出洞返獨秀峰下西向大道  
馳五六里北望兩尖峰亭夾立南則群峯森繞中  
有石綴出峰頭纖幻殊甚又西五六里柳江自南而  
北即郡城東統之江也西渡江二里入柳郡三面  
距江故曰壺城江自北來復北折而去南環甚寬北  
夾東形正與壺等寓郡治西因靜聞病卧予亦數日  
不出  
十八日始出大南門渡江之南稍西為馬鞍山最高  
而兩端並聳為郡案山稍東為屏風山形伏處方正



東北為登臺山。則又高。乃托江北轉者也。馮鞍西尖  
峰聳削曰立魚山。特切。南復有山映之。非近出其  
下不能辨。立魚當賓州大道。在城西南隅。由山東北  
麓躡級盤崖上。岩門東向。踞山半。門外右上。復旁裂  
一龕。若綴閣。其左下拾級數層。又另穴一竅。雙峽夾  
壁。高穹直。皆門以外景也。入岩張巨吻。中寬夷整  
朗。後通兩竅。一南一北。皆穿腹西入。先由南竅進。內  
忽穹然高盤。西復透一門。踰闕出。西臨絕壑。遙矚西  
南群峰。開繞延攬甚擴。由門右穿峽竅以下。復有洞

下。內洞北向。深削成淵。底伏流澄徹。兩旁俱削壁數  
十丈。南進窅然。莫窺其源。北抵洞口。壁亦嶄絕。上有  
橫石高二尺如闕。可坐瞰其底。無能踰險下也。北出  
峽門上。有道直上西峰。得石坊。後有洞東向。中甚  
高平寬朗。探其左。北轉漸黑隘。右則西上愈昏邃。巽  
後有透明處。久之不得出。仍從石坊。共二里。轉是山  
西麓。先入一洞。門西向。左轉而西進。黑不可捫。乃右  
轉東下。窮于水。出洞又北。即向大道所望洞。門亦  
西向。連疊兩重。洞外一大石橫卧當門。峻不可踰。北



有隘。側身以入。為下洞。中懸一石。復界洞為兩。南北  
列。先從南門入。稍窪下。南壁峻裂。非板躋可及。北崖  
有微隙。正穿入北門內。亦下墜。東入洞底。水漱汨  
。與南洞右轉之底。下穴潛通。由北門出。仰視上層  
石如荷葉。下覆虛懸。徑絕上躋。復從南門側左穿外  
竅。得旁龕。外有峽對峙。相距尺半。其上南即龕頂  
盡處。北即覆葉端。從峽中手扳足撐。遂擬虛凌其上。  
。層洞東入不深。惟洞北裂。崖成竇。環柱通門。石頂  
乳態各。創變板隙。西透崖轉。南向開二極。下跨重

西向石柱中懸。柱後穴即前洞所通北竅也。門內左  
循岩壁上。洞橫南北。勢愈高盤。頂有五穴。乘空紛若  
列星。其下東開一穴。前達僧栖。置鍵不通行。稍南西  
轉下峽。復西透一門。前亦下臨西壑。門左轉入內。亦  
下墜成峽。直進東底。深峻不可下。緣其上。捫崖透腋。  
又南出一門。前一小峰。枝起與大峯駢立成坳。從其  
間。扳崖梯石。直躡立魚巔。是洞漏透腹。東開門二。西  
開三。門南開者一。頂懸側裂。復十餘穴。真異境矣。遂  
仍出前洞。門右歷級南上。少憩僧廬。東瞰山下塘。漚



水一方內沁不知所去。東北所對者。即馬鞍山西北麓。為仙奕岩。居人祇知馬鞍。不復曉仙奕。實無二岩也。東南所對。乃馬鞍西北枝峰。有壽星岩。後重岩。迴復為馬鞍。真境非一覽可盡。予欲候靜聞。并仙奕。俱留為後游。

十九。留顧僕伴。靜聞寓中。予獨挈囊為融縣游。出西南門。得沙弓小舟。同舟者明晨行。竟宿沙際。二十。上午始發舟。由城西北溯柳江。之西。鵝山亭。獨立曠野中。自柳郡西北兩岸山土石間出土山。

迤邐間。忽石峰數十。擬立成隊。所異陽朔桂林者。彼四顧石峰。不受寸土。此則如椎處囊中。尤覺有脫穎異。北二十里。泊古陵堡。二十。百。過杉。嶺。江右尖峰。疊出。共五十里。抵柳城縣。城西江道分為二。自西來者慶遠江也。其源一出天河縣。為龍江。一出貴州都勻。司為烏泥江。經忻城北。入龍江。合流至此。自北來者懷遠江也。其源一出貴州平越府。一出黎平府。流經懷遠融縣。至此二江合為柳江。所謂黔江也。下經柳郡。歷象州。與鬱江合于潯。今分潯州。南寧。大平。三府。



麗  
為左江道。以鬱江為左也。分柳州慶遠思恩為右江道。以黔江為右也。然鬱江上流復自為左右二江。則以雲南交水南盤江為右。交趾廣源麗江為左也。二江合于南寧西合江鎮。古左右二江指此。今則以黔鬱分耳。南盤自交水下田州至南寧合江鎮合麗江。是為右江。北盤自普安經忻城為都泥江。入黔江。經象州至潯郡合鬱。亦為右江。是南北二盤在廣右俱為右江。但合非一地耳。雲南志以為二盤分流千里。至合江鎮合。則誤以為南寧左右二江俱源自盤江。不知南盤無關於麗江。北盤且不出合江鎮。

也。下午自柳城北溯懷遠江。八又十里抵舊縣。

二十二。暑雨時作。僅行三十里。

二十三。西北十里。過草壩。江右崖壁甚峭秀。又十里。

江左山嶮迴亘。內遙峰森列。攢合天半。于是舟反東。

北轉十五里。抵沙弓。融縣南界也。江之西南。即為羅

城縣東界。西望隔江。群峰滙聚處。皆羅城道中所由

也。

二十四。仍附原舟。向和睦壩。先是沙弓人謂明日乃和睦壩期。壩散有融縣婦舟。原舟亦往壩買米。故仍



附之行。舟自沙弓西即東轉。北一里有江來自西北。舞陽江也。內灘石甚險。又北東九里。抵和睦壩。已散不得舟。得一荷盞歸者。乃附囊與之行。北二十里。大道直北向縣。而荷行李者家東梁西北。遂同西北行。二里上鷄籠嶺。西大山曰古東山。北東隅為東梁。抵縣大道所經也。越鷄籠三里。抵其家。去真仙岩尚十里。去縣十五里。

標

蜃樓內。朝。垂蓮倒柱。鈎連旁映。甚軒爽可憇。西有小石峰特起。田間旁絕。延附亦有門。東向。并越水畦入之。初入覺峽逼無竒。穿門西進。鑄道十字。西既通明。南北俱裂竅。土人架木竅間。若欲為懸閣以居者。又西循溪。膝里許。抵赤龍岩。北向。高穹山半洞。北突兩峰。洞當其中。高曠宏邃。底平而上穹。門內石臺。兩重界其間。洞右列柱分標。別成歇室。中洞直入數丈。脊稍隆起。成仙田中。每貯水。更入漸窪黑。聞內門東如竇。止容平身入。則廓然通別竅。恨不攜炬一竟。

A 1 2 3 4 5 6 M 8 9 10 11 12 13 14 15 B 17 18 19



其奧。山前有溪自西來。分兩派。東抵東梁。北匯安靈潭。為靈壽溪。上流云。下山北越溪。北山有洞。駢立門南向。雖高穹側裂。中乃下旋如墜螺。門外右躋。復飛嵌懸。岨趣。豐甌臨踞。乃下。此山正與赤龍南對。讀學則東西肩列。北趨間道。正由此山讀學兩岨。中此山東隅。復開東向。西岩曰鐘洞。北岩淺峻。若墜鐘。剖其半。南岩門高。層次屢引。上透無級。入下洞。當門巨柱中懸。環轉無餘地。遂下直北。趨二里。越一脊。北為百步塘。尖峰四列。中開平壑。一圍。循山右轉。又一

渡

里山分突三峯。北向列。西一峰。山半洞門。西向。舍之中峰。洞東向。東峰洞。西向。先登東峰洞。南北逆橫。峽斜竇。有石自山巔下嵌。峽底四面可繞。而出。次登中峯。其洞北竅。下裂。上懸。南牖。石飛架其間。上牖前突石臺。蹙卧甚適。下直北徑百步塘。三里越塘。北小溪自古鼎來。橫涉之。又大溪自南趨北。即赤龍岩前。水東過東梁至此。二水合而北行。一石梁橫波。於是東西俱駢峰成峽。溪流其中曰靈壽溪。北一里。匯為安靈潭。神龍之所窟也。又北里餘。山當面橫列。洞門



開張山半。余疑真仙岩至矣。至則路轉出其西麓。遂  
東行環遶其北。復有洞不識中貫南洞否。時望真  
仙岩山尚在北。即安靈溪水流入真仙後洞處。予  
初未悟。遂東循山麓出。北轉一里。與東梁大道會。峰  
轉溪怒。始見真仙前洞。東北高懸。溪流從中北出。前  
有大石梁二道。越梁而西南向入洞。門圓迥如半  
月高穹。中剝一山之半。其內水陸平分。北半高崖平  
敞。南半迴流中貫。由北畔陸崖入數丈。中壁橫拓分  
二道。壁之西有竅南入。僧栖倚之。壁之東南溯溪岸

鬱

深入巨穴中懸。上下綴旒紛麓。稍後則老君巍然鬚眉  
皓潔。皆玉乳所幻結。故名老君洞。其後則子門萬戶乳  
象愈極繽紛。以無炬未及入。下則溪匯為淵。前趨映壁。  
激石轟雷。其隔溪東崖。南與老君對者。溪上平律為臺。  
後倚危壁。為下層。北與僧栖對者。層閣高懸。外復疏明。  
為上層。但非鵲橋不能渡。遂出慈僧栖。同僧叅慧入市。  
隨之北。一里過下廓。又北則大江在東。即潭江。北自懷遠  
大融南來者。菜邕江西自丹江橋。遠老人岩。至此東入  
江。二水合流下廓旁。道當其中。北渡菜邕橋。入融南關。



約二里。城居寥落。問老人岩道。復從下廓北。循萊筍江西南行。西抵一峰。石勢疊聳。迴削千仞。老人岩當北。溯溪岬。予悞南入山峽。乃老人岩南支。與南山夾成者。南峰北麓。石磴盤山而上。有僧方汲。趨問之。其上為獨勝岩。非老人岩也。岩北向。高級峰頭。僧廬塞其門。入其下。不知為岩也。穿穴入內。開一龕稍窪。亦隙裂成。楞。但無光透耳。獨勝北有鯉魚岩。即古彈子岩。開乳柱甚豐。不及往。仍東北出下廓。溯西北小溪。抵老人岩山下。有洞東向。捨之。西向拾級上。西岬合。東懸磴其間。取道

標

甚勝。已透入一隘。轉北上。至岩之前門。其岩一洞。兩門。前門東南向。後門東北向。石岬高跨而東。窳洞徹其下。前後相去不遠。亦穿岩類。惜前後俱障以佛廬。遂令空明頓失。從廬側轉入後岩。仰見盤空之頂。後岩僧樵未返。門閉不得入。遂留為後游。下山出獨勝東峯。披蔓草行二里。暮抵其仙岩宿。二十八。叅慧東炬。導游真仙後暗洞。始由天柱老君像後入。溪之西。岬陸洞也。千柱層列。象竇競啟。前之崇宏雄曠。忽為窈窕靈奧。竊搜殆盡。石下巨蛇橫卧。



火燭之不見首尾。踰之出入。竟伏不動。然此真雖幽  
邃。猶溪西一隅時。由隙東瞰溪流。莫得一當。終未  
能下涉。既出。迴顧溪竇。內透天光。對崖旁通明穴。益  
神動不能已。托叅慧入市覓筏。以為必入水洞。計叅  
慧復爇炬引予。岩前左石下。北入深穴。雖幽深。無  
乳柱幻空。然下多龍脊。盤錯交伏。鱗爪宛然。亦一奇  
也。出洞。叅慧即往覓舟。予恐不能遽得。不若躬往索  
之。且以了老人諸勝。乃出洞。北大道。西望山峽。間峰  
壘聳異。內有劉公岩。草深無導。仍從下廊先趨老人

瀑

岩。入下岩。門東向。西北巖深入漸暗。聞秉炬以入。徑  
甚遠。從門左仍躋石峽。抵上岩。轉透後岩。內結閣。盡  
踞洞口。閣前臨眺。上下懸崖峭絕。菜菔江西來瀑。其  
北麓。自為分合。抵岩下。北轉去。大江當其前。恍然如  
天表飛仙。直北即為香山。遂下山。絕流渡江。水淺不  
及膝。溯江北行。望其西。江所從來處。峰壘現異。內有  
鷄場洞。幾隨之。西遇荷薪僧。指香山在東北。乃轉循  
北山東麓。一里。西登級。抵香山廟。虛無人。東北至  
縣西門。又南過下廊。遇樵者。令覓八舟。真仙二人。概



然許之。先是予屢覓之居人。俱云此地無筏。而舟為  
陂阻。無由入洞。須數人負之趨。不意此乃漫相許。予  
心不以為然。竊計岩中有遺構。可結桴浮水。獨巨木  
不能自移。還與叅慧圖之。既抵岩。叅慧已歸。亦覓舟  
不能得。惟覓人結桴為便。意與予適合。

二十九日。晨促叅慧覓結桴者。未行。昨所期樵者呼群  
至。謂予曰。已入洞否。予應以待舟。樵者謂舟不能至。  
若聯木為桴。予輩水中扶之。入。正與舟等。叅慧即以  
覓人錢界之。遂群負木入溪。斬竹為筏。頃間桴已就。

復以岩中大梯架其上。更置木盆。予踞坐盆中。諸人  
前者引絳。旁者挾篙。後者肩箠。過深淵。輒浮水引之。  
遙不能引。輒浮水挾之。始由洞口溯流。仰瞻洞頂。益  
覺穹峻。兩崖石壁。劈翠芙蓉。漸進漸異。前望天光。遙  
層門複穴。交映左右。既入重門。兩旁俱有層竇。盤  
空上嵌。前後明光皎然。彼此照耀。挾桴者欲從中。藝  
炬登崖。以窮旁竅。予令先溯流出。後洞乃復浮水引  
桴抵洞門。西南向。吸川飲壑。溪破石而下。桴抵石  
為所格。不能入溪。捨桴踐石出洞。又晝然一天也。溪



石坎坳不受踵。望左崖有懸級。左伏莽中。援莽蹠空。上。不數十步。輒得蹊徑。四望平疇。中圍衆峯環遠。即予昔來橫道北岩之東北隅也。返登桴。順流入洞中。扁東西俱有穴可登。而西崖穴高難扳。且前游暗洞。彷彿近之。東崖則穴競門紛。曾未一歷。遂藝炬東入。其上垂乳環柱。與老君坐後暗洞諸勝。工力悉敵。從其內穿隙。透折多有旁穴。星々上徹雲影。知其東透山膚甚薄。從其側宛轉北出。已在老君對岬之下層。因崖為臺。下臨溪流。再出。即為對崖之上層。上亦列

柱縱橫。石岬峻阻。與此層無徑相達。仍引桴下浮。欵從溪中再上。溪岬亦懸嵌。無由上躋。計取道當從洞前南轉。抵東北山椒。可入洞中。非架飛梁。不能上也。乃絕流引桴還。登東崖。諸人釋桴。歸舊處。予亟呼其中一點者。攜餘炬。令導游。劉公洞北半里。西南轉入小岐。向山峽二里。抵山下一洞。在南山東向。一北向。北山中突峰。又一洞東向。方莫知適從。忽聞牧者警咳聲。遙詢之。北向高騫者。是亟披莽從之。其人見予所攜炬一束。咲謂入此洞。須得數枚炬。乃可竟。僅此



將何從。伏莽中石磴隱。隨之躋。洞門巨石前橫。縱  
石隙入。崖石上大鐫西峯之岩四字。為寶祐三年李  
桂高書。前又有碑記二方。其一不可讀。其一為紹定  
元年太守劉繼祖重開此岩。桂林司理叅軍饒訥并  
書。始知名洞以此入。洞先藝炬從其後石畔入。乳柱  
環轉。不數丈出。又從其後左畔入。數丈後。愈轉愈廓。  
玉笋左右森羅。升降曲折。杳不可窮。紀恐火炬易盡。  
竭蹶嘗出。不知巖境更何如也。西望北山中。穴洞  
石態秀出。門若雙列。中必相通。迨其下。岨懸無路。導

者已先歸。見予徘徊。留眺復至。引入南麓小洞。內甚  
淺。不通上岩。上岩危嵌峰半。遙望多姿。今迫視了無  
警目處。且路絕莫援。不得不為却步。及東行。回首再  
顧。紛綸之態。復標異。撩人仍強導者。芟翳級石。猿引  
以登。予接之。遂歷其上。削壁層懸。雖兩岨並列。中不  
共貫。外復淺竭。徒負巧頑耳。興索然。返東南。抵真仙  
岩。阻雨。岩中數日。

七月初三日。予出洞。往覓對崖明竅。徑東越洞前石梁。  
循山南轉而西。徑伏草中。時不能見。抵後山。過脊。竟



不得西向登崖徑。乃莽然躋山半覓之。皆石岨嵯峨。無竅可入。度其處似過而南。懸崖復下。忽二農過其前。詢之。果尚在也。依所指西北上。莽棘中果有一竅。止容一身。然下垂甚深。俯瞰之深餘三丈。即北岨僧栖對望處。已聞搗碑僧咲語。穀但崖峻下懸。不能投虛墜。眺視久之。見左壁有豎隙。雖直上無容足。扳指處。隙兩旁相去僅一尺五寸。可臂綑足撐下。乃左轉向隙。轉處石皆下墜。無上歧。圓滑不受扳踐。摩腹過。既至隙中。兩壁兩足若膠釘。稍動即且溜。脫下然。

即欵不動。支撐久力竭。勢必自溜。不若乘其勢。蹲股就之。迨溜將及地。輒猛力一撐。遂免顛頓。此法亦勢窮所生。非問學可至也。既下。岩寬四丈。中平下臨深溪。前列層柱若護欄。岩內四周環壁。皆紛紜威蕤。非雕鏤所能殫。前與西崖掩映。後復得洞頂。雙明竅。從中遙頽。溪兩端出入處。俱一望皎然。收一洞全勝。真仙為天下第一。此又真仙第一也。岩右一石平突。溪上由其側。扳崖而北。又連闔兩龕。內俱明潔。石壁迴嵌。色態交異。如初墜處。其前崖亦有一柱。傍溪起。中



織圓類指。上抵洞頂。復結為幢絡蛟龍。繞織指下垂。環而夭矯者數縷。內近龕處。復有石圓起三尺。拍之。散若鐘。其傍倒懸之石。皆能傳響。此皆溪東上層之。岨也。南與下層並峙。崖相隔無幾。中有石壁。下挿溪根。無能外渡。稍內有隙。南入。皆倒垂龍形。縱橫交折。真其中通南岨。尚有片石。隔若鑿空。取道于此。從下層臺畔。結浮橋。渡老君座後。宛轉中通。無假道于外。免投空險。真濟勝盛事也。時雖溜下。計上躋無援。隔溪呼僧。柶中搨碑者。乞其授索。垂岨。庶可挽之上。搨

者不識外轉道。欲以長梯涉溪。既難越。梯長不及岨之半。即越溪亦不能下。徬徨久之。擬候叅慧歸。覓道授索。因午過。猶未飯。反覆環眺。其下豎隙。雖無可扳援。其側覆岨。反有凹孔。但上瞰不得見。下可因躋。聳身從之。如鳥斯翼。不覺透井出。仍從莽中下山。返飯真仙岩而卧。

初四聞西南十里古鼎山。有龍岩高懸。鐵旗新聞。且可從真仙後。溯靈壽山流。幾欲命屐。為候搨所羈。初六搨事竣。始探鐵旗岩。晨食即行。過來時橫列之。



北洞及南洞。南過安靈潭。西渡溪。從岐西向山坳半里。踰坳路漸大。透山峽出。共一里。南越小橋。即來時橫涉小溪上源也。橋南山半。洞北向無奇。循麓西至古鼎村。問鐵旗岩。居人指西北峯半里。抵峰之東南。又西始見洞懸山半。閣倚于前。稍上得層級大木橫偃級旁。上叢木耳。芝結其下。予時急入岩。不及細簡。抵岩。南向。正與百步塘南山相對。內亦無奇。外勝頗饒。鐵旗名以峯著。非以洞著也。因問僧。龍岩所在。僧初住山。誤以沸水岩為龍岩。指予西南入龍岩。

寔在東南古鼎村後山。予不知。從僧半里至沸水岩下。穴東北向。滿貯水。內聳砢峒。東穴亦如之。蓋其下皆中空故也。予所聞龍岩在山半。乃望高上躋。上岐兩峰中。削千仞。東西各有淺穴。側罅。終無危岩貯水。乃下。東至古鼎村。後山南向開洞。一高峽上穹。一圓竅並峙。即從岐東上。皆無峽中之水。如所云龍岩者。既下。仍由村北舊路。過小橋。溪峽雨暴漲。橋沒水底二尺。杖傘以渡。念小溪如此。若靈壽石堰。漲高勢湧。必難東渡。適土人取笋。歸古鼎。問之。曰。大溪誠難。



涉可不必涉。踰嶺抵溪。即隨溪北下。止涉一小溪。竟繞出老君洞左矣。予聞之喜甚。踰坳抵安靈西堰。果水勢洶湧。非捐厲所能及。即隨溪左北行。約里半。近隔溪橫列之南洞。溪遂西轉。又還西面一獨峯。從其西麓轉北。東向趨老君後洞。靈壽大溪也。東去。惟西山夾中。有小溪西來注之。上有堰可涉。循溪而東。從左越坳下。坳皆懸石層巖。刺骨之。陷身沉頂。手足失勢。傾蕩洪濤中。汨汨然無出理。久之。竟出坳脊。俯扳棘滾涯。出洞左。蔬畦。得達洞。叅慧已下。攙支扉矣。呼啟扉者。再得入洞。若更生焉。

初七日。別叅慧入城。訊舟。

初九日。始得一小舟。過午。主舟者至。發舟東南行。已轉

西南。共六十里。泊沙弓。

初十日。四十里為羅岩村。岩在江右。層脊斑駁。五采燦列。南岬稍低。石芝偃峯頂。崖半匏剝。一洞當有勝可尋。惜來時以暑雨掩蓬。今去僅隔江。遙梯耳。又四十里。柳城縣。南二里。江之東為壘。攔山削崖截江。為縣城南障。西即峭峰叢立。土人指為筆架穿山者。棹



月順流瞬息二十里。一山兀聳江東岸。排列而南。江亦隨之。南折灘聲轟轟。如殷雷。為倒催灘。又南四十里。抵柳州府。泊南門。城鼓猶初下也。

十一日。早入寓。靜聞未瘥。碩僕亦病。徃返二十日。莫其霍然。同行。加以顧僕尪弱。尤甚。為之悵。

十三日。出城南渡江。循馬鞍山。北麓西行。折而南。循其西麓。由西南塢中登山。草沒石級。濕滑不能投足。仙奕岩在山半削崖下。門西向。正與立魚對。祇隔山下平壑中一潭。岩內逼如合掌。深止丈餘。岩右有石端

聳。上迸裂成紋。叅差不齊。雖可登憩。以為黑肌赤脉。分十八道可奕。似未確。崖左東南上。又裂一岩。形與仙奕等。西南向。其下東南抵坳中。又迸一岩。亦淺隘。不足觀。仙奕三岩。齊列山半。俱相伯仲而已。西下山麓。還望。復得一岩。亦西向。正在中岩下。岩前砥石如枰。其北石窟成峽。北透通明。中開朗。可憩。出岩西盤一山嘴。轉出東南。山半有洞。西南向。登之。洞門岿然。中高穹上出。下深墜。縱橫成峽。樓殿層疊。雖不甚寬。放固以危峻。逼裂見奇。入門有石突。門右青踞若牛。



背復高突一石。圓若老人首。先是立魚僧。指其處有壽星岩。必即此。由突石左。懸級下墜。西出突石下。則下墜淵削。上級虛懸。皆峭裂不通行。東入峽道中。灣環以進。忽天光上映。仰睇若重樓空架。兩崖上覆下嵌。無由渡。虛上躋。遙見光映處。內門規列。高懸夾崖末。外戶分透前山。頂平若覆帷。恨不牽縵一登。下山東仰北山半。復有門南向。計其處當即前洞。光映所通也。下俱迴崖層直。稍東循崖西北上。踰下崖。抵中崖上。岨卒懸絕。不得上。復從前道下。更東循崖角。西

北登上岨。沿崖西陔。則洞前三面。皆危壁倚空。惟此一線。盤崖可達。前有平石如露臺。內旋室方丈。四壁俱環柱駢枝。分布密嵌。西北內通一門。下臨深峽。果即前所仰望透空處也。仍循崖端東南下。南復有山。鵲起。從西麓仰眺山半。懸岨穹拓。黃斑赭影。歆登路。循山南行。得微徑。從草中東上。抵一門。外雖穹然。內僅如合掌。無可深入。望黃赭削立處。已在其北。岨嘴間隔。不可盤陔。復下至山麓。再從莽中望岨。登久之。抵岨下。崖危削數千尺。上覆下嵌。若垂空之雲。亘接



天半。每當平削處。裂孔一方。中多紛綸奇詭。第瑣隘不能深入。循崖脚北行。上有飛窠之岨。升降石罅中。如度凌虛檻榭。披覽久之。下山東出前峽。踰界峽石垣。又東兩崖石皆嶮嵌。叢翠倚之。共一里。出馬鞍東麓。得北來道。截大道東一里。為郡東門對江渡。于是瀕江南岸。倚屏風山北麓。東行里許。抵登臺山。江為山扼。轉北去。路從山南。饒東麓而北。一里有山橫列三峯。其陰即王氏山房所倚。予昔來自洛容。從其北麓渡江者也。山南有洞。駢立南向。岬然。其山倒石虛

懸。內裂三峽。外通三門。宛轉迴合。惜不甚深。擴西峯之陽。復有一岩南向。皆赭赤之石。中甚淺。遂下西坡小徑。北循西麓。踰一岡。竹塢蒼叢。共一里。于是東倚山麓。西臨江坡。上密箬蔽空。連麓交映。道出其下。行空翠中。一里抵姚埠東門渡。由村後南向登山。入竹塢中。箬簷萬箇。俱碧玉森翔。塵喧滌頓盡。已而上山石磴甚峻。西南折穿榕樹根中。又東上過一度石片下。石去地五六尺。岨旁平度出。薄齊架板。上為王氏山房小樓三楹。橫洞前。北臨絕壑。勝瞻遐眺。接後



即洞。高不受樓掩。曰東林洞。后分東西竅。南入西竅。稍東轉。黑隘不堪進。東竅亦從南入。轉東。忽明。踰東闕。出巨石。迸裂成兩罅。北透者石叢而平臺中懸。其東下隙。則茅閣虛嵌。削崖四旁。聳石成雲。非若他山透腹。出一覽竭致也。從洞東南。躋嶺頂。石磴危峻。扳望愈擴。直南盡登臺。久之下山。渡舟。適至。由東門二里。返寓。

十七。同靜聞輩下潯州船。以中元節無旅客。故留滯數日。

十八。晨食後放舟。十里有小山在江左。江稍東北。曲小山東為龍船山。又西南為夾道雙山。乃北門陸路所出也。又五里為油閘。江始東轉。十五里乃轉而南。十里為山門冲。即向日洛容來渡江處。江東為南寨山。西麓石崖迴迤。下嵌江流。又南十里為羅峒。前有山兀突坪中。罅裂其南。上連下透。如石門巔。又一圓石突。綴作一僧。倚崖南向。肩與崖齊。頭顱上出。又五里。諸峯森叢。江右由山門冲至此。江稍西南轉。又東五里。轉而南。一崖懸竅。江左層疊疊嵌。光采離奇。更



有尖峰若牛角。遂東轉五里。迴渚成崖。曰黎冲。山脉  
北自牛角尖直下。江流環其東南西三面。中成盤崖。  
宛似犁尖云。忽北轉五里。直抵牛角山下。復轉東去。  
灘聲如轟雷。久之乃止。懸流迴湍。一瀉數里。曰橫旋  
灘。自黎冲北轉至此。若破壁出。東南下灘五里。山漸  
開。又東北二十五里。至三江口。洛青江自東北來注。  
日已西。遂泊。  
十九。乘月放舟。五鼓抵賓江。有岩特立江左。下削上  
突。江因之西轉。二十里至象州。城在江東岸。隔江即

為象山。西二十里。過大容堡。遂西南行。兩岸始廓然  
無山。又東南十五里。都泥江自西南來會。江東北岸  
一小山。北面分聳。西歧為瓦突。東峯峭削尤甚。正對  
都泥江入江口。特建標以識。都泥江者。北盤之水。發  
源楊林海子。抵普安州。由泗城下遷江。歷賓州來賓。  
出于此湖流。舟至遷江止。上流即土司蛮峒。人不敢  
入。水多懸流穿穴。故鮮核其源流也。又按慶遠忻城  
有烏泥江。由縣北合龍江。詢之土人。咸謂忻城絕無  
北合龍江水口。蓋即都泥南下遷江者。且遷江忻城



南北接壤。烏泥都泥音殺相亂。寔無二水也。又東南二十五里。東下大灘。曰菱角灘。又二十里。泊瀧村。二十放舟五里。下大鷺灘。江右石峯復駢列出。又南五里。至武宣縣。隔江西岸山。卓立岐分。引隊南下。岩皆竒詭。若垂手引項。偃倭比肩。種、怪異。志謂縣西有仙人山。南有仙岩山。當即所望諸異峯也。東南十里。兩岫復曠然。又二十五里。為勒馬堡。過此即潯郡桂平界。南十里。兩岸山漸合。又五里。為橫石磯。石自江右山麓橫突江中。迤流倒湧。遂極瀕洞勢。兩崖連

山逼束。至此為入峽始。又東南二十五里。為鎮峽堡。又十里。兩岫山勢益高聳。獨冠諸峰。間出石峰懸峙。江至是轉而東。其南迴東轉處。江左瞰流之石。有大書鐫石。傳為韓督憲留題。云東北二十里。小溪自北破壁出。其內峻崖屈曲如夾堵牆。又東即大籐渡峽。處南北兩岫。俱有石突立江心。昔有巨籐橫架江上。故南北兩山徭賊。此追得彼竄。得藉為津衢。韓公雍破賊斷之。因名斷籐峽。過斷籐五里。下弩灘。遂南出峽口。一水自東來。注曰小江口。合而西南下。勢甚峻。



急。蓋北自橫石磯入峽。南出弩灘。其中山勢迴逼。正如道州瀧江。嚴州七里灘。但此峽相去六十里。始入為東西峽。中轉為南北。絕無居廬。叢木虧蔽。兩旁悉徭僮窟宅。故得因勢展暴。使刊木開道。則亦丹崖鈞臺。勝概相麗矣。出峽西南循山下十五里抵潯州府。日已暮。泊於北門。

西南游日記五

刊本接前卷在此題  
七月二十二日

七月二十二日。留靜聞碩僕寫潯之南門。覓担夫為白石勾漏都嶠三山游。從驛前南渡鬱江八里至車路江。小水自東南西北入鬱。郡舟上水可抵此。又南二里為石橋村。南望白石山與獨秀山各挺峙三十里外。寔尚六十里而遙。為山道迂複也。村南二里得迴石一壑。清流中瀦。石皆玲瓏迸裂。為蕪原生采。更南匯潭益盛。東有山自南抵北。從其西漸升而南。益迸穴。平地下陷。為峽為井。中悉叢石合嵌。淵水澄其下。



蓋地中二丈下。皆伏流潛通。石骨阻亘。偶骨裂土迸。則石出。陷成穴。云。又南二十七里。抵姚村。依山滙水。真山中樂墅也。渡小溪。南踰嶺五里。為木角村。在白石山北麓。去山尚十里。炊宿山村春舍間。

二十三。東南越嶺。歧徑望白石。趨其山。峯攢崖絕。東北特聳一峰。為獨秀。孤懸峭削。上齊白石。頂下則若傍若離。宜剖其根。岨石獨多。赭赤色。五里路。漸沒草間。嶺半得一山家。傍舍植芭蕉甚盛。趨問白石道。尚在西南。由其左登山。東向上。南轉山脊。五里度坳。稍

東即南折。直抵山北麓。獨秀已不可見。惟危岨盤削。下多平突之石。盤亘突出。又作一態。直上抵崖石下。南出。共二里。為三清岩。西向橫開大穴。濶十餘丈。高二丈。深及濶之半。石特平燥。不作紛紜滴瀝勢。即白石下洞也。又南半里。為大寺。後倚崖壁。寺在水自半崖下滴。曰圓珠池。無他異。按志。山北有漱玉泉。西事洱。百粵風土記。俱謂其泉暮間。寺中鐘鼓。輒沸溢。止則寂然。詭為異。及抵白石寺。并漱玉名。不知何况。聞鐘泉沸。非寺僧之蠢。即著書附會之談也。遂



由池前南循崖壁行。已東上入石峽。兩峰中剖。上  
摩層霄。裂罅相距不及丈。磴懸其中。時有巨石當闕。  
輒置梯以度。連躋六梯。始踰峽登坳。南北猶重崖。  
摩夾。稍北轉。循坳左行。則虬木叢篁。迷雲閣鳥。身度  
霄漢上。不知午日之中。東障稍開。始見獨秀峯東北。  
立東南塢中。又起一峯。正與獨秀對峙。高殺三之一。  
宛然蓮蓋中擎。但四面為諸峰所掩。惟此得覩全体。  
耳。又北扳懸崖上。木根絡石間。為梯為絙。得受手足。  
緣躡。已轉一壑。礪自山頂。西向墜峽。索搗潭穴。峽南

復懸梯上登。宛轉三梯。東行平岡間。外則萬仞下削。  
內即絕頂漱根之峽。內外皆松。一道深碧間。日影下  
墮。臨風颺曳。閃映萬端。林盡鑿石成磴。躋磴轉會仙  
岩。岿然南向矣。岩皆黃赤石。上下開穿。內漸湊合。無  
紛紜滴瀝。與三清同。而地位高迥。已窮極幽暢。乃從  
岩右躡削崖。凌絕頂。岿雖危削。盤阻處中有子石。鵝  
卵大。嵌突齒。上露其半。藉為麗趾。級不覺一里。已  
湧出峯頭。東向與獨秀對揖。此峯正從潯郡來。所望  
獨秀。西白石絕頂。獨秀四削如天柱。非傳翰不能翔



冢

上。此峰三面亦危崖特立。惟南面間罅。梯隙得躋。頗似太華三峰。上分仙掌。下懸尺峽。透險踈虛。此真青柯嫡冢。他未見其比。即桂朔柳融諸峯。非不亭、直上。然石質青幻。片片芙蓉攢合。竅受躡。痕受扳。無難升陟。此則一劈萬仞。雖曲循隙竅。何啻蹈空自奮也。獨秀蓮蕊二峰。為此峯門戶。其內環壑深坑。厝蔽日月。重岡間之人無至者。久之。下會仙。歷三梯。三里至峽坳之上。峽南一石倚崖起。下有線罅。穿其中。僅容側身進。其上或連或缺。既而漸下。南轉出罅。飛石上

下懸嵌。危不可躋。迈出石峽坳。倚石側。復有道上出石端。危懸殊甚。扳根引蔓。僅躋其端。透入石闕中。即倚石西盡處。與前崖夾成闕。穿出闕南。抵飛石南懸之上。瞰前罅正在其下。遂扳登倚石頂。則一臺中懸四崖環峙。上又連者如橋。缺者可瞰如井。下峽坳。歷六梯。一里西出峽。又一里北。返寺。二十四。西向下山。三里。過周塘村。倚山環池。樹木掩映。南七里。為麻峒壩。又二十五里。宿中都峽。二十五。南二十里。下核桃嶺。大溪自南來。西折去。即



潯郡西繡江上流也。發源自平山墟。乃大容山西北水。大容東西有兩繡江。一南自廣東高州北至北流縣。合大容東南水。經容縣注于鬱。此容縣繡江也。一即此水。為潯上流之繡江。循溪三里。涉流渡江。水及腹。為橫塘渡。潯郡南界止此。江南即鬱林地。屬梧州西北境。由江南岍溯流踰嶺。南五里過白堤。亦深山奧境。溯溪右南行。八里得大寨村。自白堤至此。山迴谷轉。夾塢成塘。溪水連雲。堤篁夾翠。宛然避秦處也。二十六<sup>日</sup>西南十五里。過箬帽山。稍開。南見大容。又

五里為平山村。東望大容。在三十里外。猶有層峰間之。南十里。轉峽西出。為勒菜口。于是山分兩界。大容東北峙。寒山雄倚西南。排闥東南去。中成大塢。溪流南注。為羅望江源。十里過馮羅廟。南峽愈開。寒山南盡。而大容東轉。于是平疇擴望。南有岐。東涉羅望江。循大容南麓。過陸馬廟。東四十里。可出北流縣。予取鬱林道。南十里。止松城墟。二十七<sup>日</sup>十里抵鬱林州。西南一里。南流江自東而西。其流較羅望為大。涯下泊舟鱗次。上有堤內環。為



塘堤下卧石片。横列嵯间。紫泉在堤下石片中。石南北夹成横罅。横三尺。濶二尺。東迴環而西。缺其南。水從底上溢。潞其中。停泓者三尺。上從南缺處流。瀉去時見珠泡浮出水面。泉之西有石梁曰南橋。跨南流江。橋北文昌閣。當江流環轉中。虛敞可眺。為此中勝覽。橋南為廉州大道。予由岐溯江。岍東行。水月岩道也。東北共二十三里。踰山峽。東下峽。東石峯森。自北而南。出峽。循西土山東麓而北。一村倚山東向。又北一里半。東轉得龍塘村。踞岡脊中。其南水南

流東去。其北水北入水月洞。由其東又北一里半。直東抵石山中峯。渡石橋而北。則上岩西向。高穹山半上。岩者水月洞南倚山。憑虛之竅也。石山自東北來。南引而下一支中出者。西瞰平蕪。削嵯懸竇。層結皆不甚深。而此層最下。亦極擴。環峯石皆青潤。獨裂岩處色變赭赤。石頂尤窮極神詭。尋丈之間。穴穿蓋偃。無不具足。岩前架廬當門。敞其上。不使掩岩勝。由岩右腋穿竅上。復出一層如偏閣。其左腋可環柱出。柱側緣崖上躋。轉出岩末。復得岩西向。自分左右兩重。左



重在下。垂柱裂竅。仰睇上。即右重也。然歷磴無階。由外北躋。始入右重。閣綴絕壁。與左層翼對增妍。皆岩之中層也。其上削崖絕頂。尚虛懸一重。級絕扳躋。惟供矯首耳。水月洞。左上岩北。地稍下。龍塘水。經石橋。北過上岩。乃東向。搥入水月洞。門亦西向。路由其南。水行路北。相沿入水。北透後洞出。前後洞門。一望通明。水旁蹲石。夾流兀突。俱作獅象形。洞頂垂石。夭橋交龍舞螭。繽紛不一。其水平流洞中。無真仙岩之大。兩岨亦失其深峭。可褰裳涉溪。崖右有一小水。南

自支洞出。為陰洞。左則沿溪笋乳。迴夾上。亦裂門綴穴。層閣之上。又匯水一池。為奇。此明洞以內勝也。後門崖口。列大柱數條。自門頂合并倒懸。洞內望之。蜿蜒浮動。此明洞以外勝也。陰洞乃明洞旁穴。中又分水陸。流不甚大。東南自牛隴。又開一門。穿山腹至此。合明洞。溯流南入半里。洞漸沉黑。岨益水斗。益深。結筏積炬。曲屈約二里。出牛隴。此陰洞水中勝也。從陰洞溯流始。岨左嵌石下。竇甚隘。匍匐下穿。引炬而前。忽歸然上穹。上下垂簦。藍柱詭狀百出。升降其中。洞



心駭目。遂曲莫盡。此陰洞陸中勝也。是日予抵上岩。已過午。道流方扃戶出。予坐岷下荔陰間。久之。道流罷釣歸。即促其束炬為水月游。即入明洞。篝火入陰洞。道人不隨支流入。由其側伏窪穿隙。遍收陰洞陸岷勝。中崇宏幽奧。森羅衆詭。凡五易炬出。欵溯流窮。水崖。道人以無筏辭。請別由牛隴探其後岷。不必從中出也。乃出明洞。涉水窮左崖之勝。仰睇後洞。諸垂虬舞龍石。出飯上岩宿。二十八日。予曳杖窮最上岩。下憇右竅偏閣中。既午。循

山而南。至昨來所渡石橋。側東折入峽中。是山石峯三支。俱鋒稜崿削。由東北走西南。中支為水月岩所托。是峽則中文南支相夾者。南支多削岷裂竅。予來時循其西麓。詢之土人。皆曰中不甚深。今故從峽中。轉其北。得平窪一圍。群牛散寄其中。知為牛隴。窮隴西北。水匯成潭。陰洞後門。即東南臨潭上。四旁皆陡石。無路入。必涉潭乃登。洞甚虛敞。隨水西入。漸北轉。石岷成峽。水亦漸深昧。與水月陰洞所見等。雖未出其中。兩端源流悉見。可無煩暗中摸索也。洞門右岷。




馬蹄痕莫記其數。疑即志所載天馬洞。出洞益遵峽而北。東西兩界。峰石翔聳。蔚然霞綺。二支北盡處。北支又兀突起。與中支北麓對峙成峽。下有三洞。南向。上蒸雲流電。閃爍多異。東畔二門駢裂。雖懸乳繽紛。俱不邃進。其西畔一門。孤懸峰半。洞門嵌空中。忽淵墜。深且數十丈。宛轉內透。極杳渺之勢。但兩崖直削。無級下降。踞崖未望之。飛鼠千百成群。見人蓬：內竄。鼓傳遙谷。出洞望中支。而北山嘴頗近。以為由此穿水月後洞。抵上岩。甚便。趨一里。至其下。板陟山岡。

則巨石飛簷中多蔓絡。脚嵌沉淵底。遙探洞外諸竒石。杳不可見。即溪流破壑出者。亦盡沒其跡。乃仍出向峽。返上岩。復至水月後洞。睇望所陟路斷處。尚隔一峰嘴也。

二十九由上岩過半隴。共三里出峽。有兩岐。直北循北支石峯東麓者。為北流大道。東向踰嶺者。為間道。乃從東岐。二里抵塘岸墟。為陸州北境。北轉即北流屬。二十里為橫林村。北石山一支。自北而南。叢簇尖翠。矛初望之。以為勾漏。在是。漸近。路出其東南。西

A 1 2 3 4 5 6 M 8 9 10 11 12 13 14 15 B 17 18 19





望而行。秀色飛映。蓋北山在北流。西十里。勾漏尚在  
北流東十里也。自橫林共東北十里。抵北流縣。當  
大容南面之中。山脉由大容南下。曰綠藍山。水分東  
西流。東流者為北溪。循城東。下登龍橋。入繡江。西流  
者即南流江源。西南合水。月洞水。經鬱林南門。西合  
羅望定川諸水。南下廉州入海。是縣寔為南流源。其  
曰北流。以繡江東自粵東高州來。至此始勝。巨舟東  
通容縣界。合洛桑渡水。經容邑南門。下藤縣。北入鬱  
江去。非謂此流源此也。縣西十里為鬼門關。東十里

為勾漏山。二石山分支聳秀。東西對列。而鬼門顛。岬  
邃谷。兩峯合立。路經其中。勝與勾漏寔相伯仲。予自  
橫林北望。即竒之。不知為鬼門也。至縣始悟。已從東  
南越之過。以不及經其下。為恨。出縣東門。飯于沙街。  
北出隘門。抵北山下。循南麓東行五里。渡溪橋。入山  
夾中。南為望夫石。即黃婆岩。西垂山也。北則石峯透  
迤。愈東。石骨益瘦。疑即獨秀岩所托。今已失其迹。峯  
東岬大書勾漏洞三字。此南北二石峯。俱東拱賓主  
洞。予東行夾中。凡五里。石山迴合。中復突一峯。勾漏



菴正倚峰南麓。其西隅即寶圭洞。菴頗整潔。內堂三楹。西則葛令也。葛像綸巾朱履。飄然欲生。前廷佛象盛放。乃令道人多覓竹束炬。為明晨游具。道人欣然願前驅。

八月初一日。先作寶圭行。約道人肩炬篝火。後至洞在菴北半里。菴後先有兩岩。一南向。一西向。望之甚淺。寶圭更在北。其漫流自西北來。東南直激山脚。北涉之。登山抵洞門。西向左開。岩軒敞。平臨西峰。右則深入窟。嵌下一石柱當門。端石斜飛。磴道由其側。下至

洞底。交闕為四歧。由東入由南入者。二歧俱深黑。歧而虛明。則一西向。豁一北透。為西向豁者。即正門所由入。內與東歧黑穴對。北透乃偏門。另啟。正對南歧黑穴也。歧交於中。成十字。東歧之南。頂側忽倒垂一葉。平度半空。外與當門柱遙對。上下憑虛。各數十丈。卷舒懸綴。薄齊蟬翅。葉間復分開竅。竇若眼之決。皆由東歧南。崖板紋上。抵葉根垂蒂處。盤旋蒂側。出葉間。踞孔坐其上。坐久之。復盤蒂下。向北透歧。中一乳倒垂。長數丈。水由其端涓涓下。更北入峽中。右則



窪而北出。為下門。左復稍高北度。疊成上閣。前平臨  
西北。亦有乳柱界其中。此明洞西北二岐也。道人負  
至。藝炬先入南室。兩旁壁峽起。高而不廣。八半里。側  
皆裂竅垂柱。少進。忽下墜成淵。由洞抵水。深二丈。水  
之深。不知其幾也。兩崖俱無可着足。南眺其內。昏黑  
莫竟。促道人涉淵。言水深。曾無徒涉者。促之覓筏。則  
又云隘逼。曾無以筏進者。然則若何可入。曰。冬月水  
洞始可墜崖涉。入何如。曰。內甚深。能見明而不能升  
也。予聞之。悵甚。捫石投水中。淵。不遽及底。旁燭之。

仰見在壁有旁通隙。入則漸東。無餘竅。乃下。返出四  
達處。更入東穴。初兩旁亦成峽壁。下漸高。中間如堂  
皇。稍北而東。徑遂窮。比之南竅。雖有穴宛轉。深不及  
其半。乃謀為白砂洞。游道人復炬肩束火。從北透偏門  
下。層出。循山西北麓行。始見其山前後兩峰。駢立而  
中連。峯西南突者。即寶圭。東北峙者。乃白砂所伏。白  
砂亦前後開洞。前洞北向高敞。分為三門。兩旁峻懸。  
中可俯級入。後洞南向。高隘僅通一孔。前對寶圭背。  
東即二峰中連脊也。先經白砂後洞。草沒無徑。道人



不之入。北去一里。東北轉。繞山北麓。南踰前入門。即  
窪下。數十級及底。仰視門左右。各有隙高懸。即所謂  
左右門也。逆光流影。豈照四徹。然虛嵌莫得扳其處。  
從洞中東轉。頗崇宏。漸窮漸黑。予先遍探四面。無深  
入路。出。促炬命導。仍入其中。以火四面燭。旁無路也。  
導者忽從南壁下。投炬蛇伏。入竇高不踰尺。廣如之。  
既入。忽廓然盤空。衆象羅列。方瞻接不暇。而崇宏四  
際。復旁無餘隙。透東轉南。倏開倏合。凡經四竇。皆隘  
若束管。薄僅透屏。故極隘忘窘。屢經不厭其煩也。既

而東。崖之上。大書丹砂二字。南有歧。入之不深。出向  
西轉。再南。則天光四射。後洞門在望矣。導者欲仍從  
前洞返。予強之出後洞。見寶圭後峯。特為當門屏。乃  
西南披草棘出坳。仍過寶圭北偏門。將及菴。東探清  
泉岩。即前所經南向岩也。還飯菴中。下午。探近山諸  
勝。西南入黃婆岩。黃婆岩者。寶圭西南諸峯所裂。岩  
也。其西山自望夫石東來。岩當其東北隅。與寶圭東  
面對。稍南。遜岩門外。極危聳。黃岩綴其中。岩頂峰石  
分歧。發異。惜內無深入竅。西抵望夫山西麓。環觀東



西南三面鼎立諸峰。巒岫無出黃婆一面者。按其攢  
簇之勢。疑卽志所載巫山寨云。已乃循黃婆東麓。南  
抵東南隅。石萼懸峭。片々飛雲綴空。自外崖扳峭石  
上。歷整隙。屢出層空。達峯頂。遂盡發其危嵌態。下山  
轉循南麓。峭崖穹立。石色雄赭。乃東由營房。橫過勾  
漏。菴後峰東南角。蓋寶圭所托之峯。南面駢立。而中  
連。西立一峯。卽菴後清泉岩所倚。東立者與之比肩  
南向。循峰東麓北行。路左得一東向岩。內頗深。漸縮  
如牛角。出洞又北。清流一方。淙々自亂石中出。上皆

草石蒙茸。莫辨其自來。忽一少年至。曰。欲覓洞乎。其  
上翳草中。二洞相距數十丈。可深入也。予亟扳棘淺  
刺。覓之。深蔓中。洞門杲然東向。外為蔓石擁蔽。入  
洞。卽墮然下墜。俯瞰之。有溪自南而北。貫其底。崖勢  
峻立。非扳緣可下。四矚其上。南崖有墜而未盡者。片  
石懸空。若棧道架壁。濶不盈咫。而長竟墜處。直達西  
崖。但中棧有二柱駢立。若樹柵。斷路。外一柱已為截  
去。下存尺許。可跨而過。但其處益狹。必以兩手握內  
柱。外柱始得越。臨深并險。莫此為甚。過棧。達西崖。與



洞門止隔溪相向。乃明炬燭之。岨之下。深墜與外崖等。上則垂列乳柱。迴錯開閣。踈楞窈窕。深入猶徹外洞光。乃出岨臨溪。從深墜處投空下。抵溪中。仰視洞頂高穹。迺照內映。側棧凌虛。尤增縹緲。溪水深不及膝。南從崖脚湧出。北墜岨去。即由此東出。為亂石泉源也。于是從南崖溯流入穴。極底。垂覆水面。距止尺。遂衝沫過額。南入數丈。望前有流光熠。又南數丈。洞復穹然高盤。轉而東西橫貫。上則東關為外門。高聳與前所入門等勢。時從人亦至。乃令其以炬更

前。西向溯流。洞愈宏放。流益深澗。又數丈。石砥中流。登石內望。洞闊如廣廈。淵潭四際。其下以杖測水。不竟其底。不知更幾轉。得抵寶圭南穴前。所望深墜處也。返涉隨流。仍抵東關外門下。從人將垂首及膝。腰橫炬匍匐。北向抵穴。出。予止之曰。此門雖峻。與先所入者無異。不若攀空躋危。竟登此門為便。遂扳崖出。洞口門亦東向。與所入門北肩。持翳于突石連蔓。遂相顧不見。洞外循左岨平出。返眺門頂。又上關一重。惜無躋級。蓋北洞奧宣內羅。此洞外綴層樓。所異者



此耳。遂一以北洞上登法而下。崖半石隙蔓影中。彷彿并此洞見之。迨極下仰眺。仍茫然失所睹矣。乃自東南山角共一里。八勾漏菴。

初二日錄詩寶圭者竟曰：

初三日飯勾漏。即東北行。由營房轉山之東南角。過亂石透泉處。徑草坡五里。越坡一塘。匯水環浸山谷。渡橋約二里。堰塘愈大。石峯至此東盡。山北隙中露大容。蜿蜒為列屏。又東十里。水自西北大容來。東南入繡江。為容鬱分東。曰洛桑渡。水頗急。以藤橫跨西崖。

上繫船于藤。渡者引藤就進。謝絕篙楫。又東二十五里。為景清新橋。則大容東峯巍然北臨。若負辰。又五里入容縣。出城南門。外繡江自西而東。西南合渭龍江。北出藤渭龍源。出天塘山。北向石寨村。始入繡江。渡江南十里。宿古樓村。

初四日西南循大道。盤都嶠而過。蓋都嶠北俱削。岨懸亘無級可階。必繞出其南。始可北向以登。共五里。過石寨村。又一里抵石嘴舖。東南八里有黃土岩。不及登。東渡一橋。始從岐北向上山。循池東上五里。抵



南山寺古稱靈景寺。大岩倚東崖。門西向。外攔高垣。設蓮座于中。雖云寺寔岩也。蓋都矯北穹高頂。南分兩腋。如垂臂直下。攙成塢。清塘一方當其中。兩腋石壘。皆重疊迴亘。一岩甫斷。復開一岩。層穴之巔。復環層穴。外列多門。如絳帷紫幄。紛披競縱。靈景為東腋首岩。最高而大。高三丈五尺。深五丈。橫濶十餘丈。兩端稍抵。中穹如半月。北有三岩皆西向。差小。三清則當分腋攙合處。岩高深橫濶同靈景。東有南向二室。與西向岩易隅齊列。其西有飛岩。則南轉東向。為

西腋戶。迤遞南下。與靈景分門對峙。若兩廡。此下層也。三清上又列重門。為中層。無緣陟道。其上又啟一岩。為上層。是名寶蓋岩。高十五尺。深二丈。濶五六丈。後倚峰頂。地愈高上。獨當中幹。平臨兩腋巔。再上即中盤頂。上午先抵靈景。門外竹光旁映。岩中霞幄高。張心樂其幽曠。僧留午餐。聞三清觀道者已化出。竟止寺中。

初五日。由岩右北行。歷西向三岩。盤磴上。入南向二岩。共里半。然後抵三清岩。孤境寂。樹拂空明。又西歷



東向虛岩。乃仍返西向三岩間。取道北上。又一里半。沿躡岩末。抵寶蓋岩。下視中岩。嵌八足底。而下岩三。清樹杪若浮空。載之者。岩左循崖躡石。迴亘如盤。譬上突。俱不中空。雖峭削無容趾。級而予石嵌。崖一同白石絕頂。可緣之上。一里。遂凌頂。乃知是山東西駢列。惟三峯最高。皆北聳南俯。此其最西者也。迴睇最東。層疊更多。但不及此峻耳。北又橫突一峯。為此峰北護。即縣南望之趨者。其北面峭削特甚。西則旁插一峯。頗尖銳。為此峰附。西北兩附間。下開一

門。內環為峽。乃北護山與西高峰夾而成者。峽中又突嶂中盤。為當門屏。由屏東進峽。南轉。則東西二高峰。交夾隙也。迴谷甚深。曲乃從舊道。下至靈景岩。飯石嘴鋪。北過石寨村。東望峽門窈窕。聞其內山半有竹筒岩。遂東向峽門入。一里。抵當門屏下。其南面裂垂罅。削為三崖。西則下屬北護峰。與之並起。東面危崖獨展。與西高峰麓相對成峽。南堰水為塘。環匯南罅。三堰下。西附小峰。即推立于南。塘上一家。結茅居之。環戶以竹。致幽甚。由此渡峽。東上西峰北麓。一



里越嶺沙下。又成峽。細流南向。直墜。柱立小峰。腋  
溯流北入。澗壁萋森。藤竹映其上。菖蒲覆石。嵌水根  
葉交加。足之所投。知菖蒲不知為石也。綠澗上東南  
躋嶺。共一里。飛石二丈當道。懸梯入。則竹簡岩在其  
北。兩岩並列。門俱西北向。高爽殊快。南有飛泉外墜。  
岩下崖直達澗底。計岩後即西高峯絕頂。當與三清  
岩胸背值。若由此置磴。可先登峯頂。次第下諸岩也。  
迤至環塘西。探南面裂罅。相距五尺。兩罅並起。界  
崖為三。俱危懸絕峭。仍東抵危崖。獨展處。循崖北行。

夫澗藤樹密。冒深綠。空濛徑西飛崖千尺。轟影流空。  
隔絕天地。若不有此行。止謂都矯南北峭秀。可一覽  
罄。幾失此幽邃。凡二里。危崖北窮。與搗西轉。即當門  
屏北麓也。較南麓三裂。崖稍遜其峻。亦環亘成城焉。  
路乃捨塢東向。復登嶺。乃西高東北支。北走屬北  
護峯者踰嶺。復開南北塢。東乃中高盤亘。上亦有  
岩懸綴。下與西高夾為此塢。北更有重崖間之。南則  
灣環以出。不知所極。既而南見兩三家。倚西峰北麓  
居。則石背村也。時日已下逼。抵縣高二十里。亟返出。



石寨村。北過古樓村。昏黑中抵繡江南涯。叩昨來炊飯家宿。

初六日。出容縣北門。即西行。已復北轉。循大容東麓十里。水自西北來。東入繡。三渡溪。循溪溯流。行夾谷間。五里。為石頭鋪。復亂流涉水。山勢愈夾。西折入山峽。行透峽共五里。山復開。為李村。度一橋。更入幽阻。盤折山峽間。樹蔓坐底。溪流藤菁沉翳。舉首不見天日。五里躋嶺。復盤折其上。峽又五里。山迴谷轉。灑水滿腹。浸山下。皆平隘。不流。左右幌漾。直山棲佳勝處。南

出峽。水遂西流。為水源。蓋大容北下脉所盤夾成者。西北二里。至同山墟。山乃大開。西轉仍見大容西峰。巍然穎出也。又五里。止鷄黍山。北搗秦窰村。地多大竹裂竹片。大至尺許。

初七日。西北七里。踰長嶺。始北望白石山。在重峰外。又八里。為平地墟。西羅江自南東北注。源出大容西北。至此始勝舟。東兩日程。出頭家寨。下繡江云。又十五里。抵羅秀。北三里。將至盧塘。道旁空樹一圓。出地一尺五寸。圍大五尺。中貯水一泓。水面上不盈圍者五六



寸。下浮出平地幾及尺。澄碧流瑩。杖抵之。深不可測。珠泡沸。上發。屢斟出之。輒齊舊痕。不與平地尤為可異。又二十里。渡大水河。抵陳村。

初八。西北八里。上一嶺。正西瞻獨秀。下山二里。為陳冲。已出獨秀東北。正予昔登白石頂。東望深塢中。聚落也。又三十五里。至陳坊墟宿。

初九。西十里。渡鬱江。迂得郡寓中。兩病人比柳州時。少有起色。橫州船以明晨早發。遂攜囊下舟。候初十日。未明發舟。曉霞映江。從蓬底窺之。如行紫綠步。

障中三十里。望白石山亭。峙東南。甚迫。西北三十里。泊鎮門。

十一。二十里為白沙。又五里登涯。向羅叢岩。東北里許。北望數峯叢平疇中。南一小峰如立指。中三四峯東西駢立。再北一石峰稍低而橫亘。即羅叢所倚也。由小徑四里。透小石峯峽。又三里。北抵羅叢岩門。南向索炬同導者八洞頂高處。盤窩成蓋。又倒石捲空上垂。但無登處。北八五六丈。遂分東西內洞。西外洞亦南向。擴然透明五六丈。由西竇北八。則西內洞矣。其



內時夾時開。時高盤。時垂下。覆頂平若幙。裂隙成紋。至石形之異。有疊蓮縱空。挺笋特立者。隨處布置。不專以乳柱見奇也。計里許。北過一隘。西轉有峽。北透天光。時數炬更盡。不復能由內返。北躋後洞。出穴北。向僅中匍匐。出洞已下北麓。循麓東行。過東北隅。導者指其上列竇曰。此東洞後穴也。予即欲從之。入導者曰。無炬。須仍由前洞攜炬出。從之。環其東麓。東一峰圓峙。高躋此山。竅穴離披。導者謂都無深入竇。然其北有石一枝。離立起。不由此不得睹也。復入東

前洞。縛炬內游。乳石奇變。與西內洞等。而深止得半。不若西屢轉逾擴也。東崖上穴駢迸。亟躋上。則有門三穴。聯翩北向。而下無階級。導者謂從其內西向躋。暗夾中。有道可出。然愈上愈隘。不若仍出前洞也。出飯後。導者復肩炬。為水洞龍洞游。水洞在山西南隅。門亦南向。中寬數畝。潭水四際。深不測。其外淺處。紫碧浮映。日光所燦也。門左右俱有重崖。迴環潭上。可循行以入。各抵潭北。崖插底。兩路旁絕。上無歧穴。不識水洞何所止。出洞循西麓北。轉東得龍洞。在山



西北。西後洞。西門亦北向。中有水夾。其上片石。東西  
交成。天生橋。鳥五丈以內。又度一梁。篝火入。西穿石  
柱。夾漸大。南入可半里。路窮下黑。乃多燃火炬。照耀  
之。亦有深潭。一泓。渚水莫測。其大東。逾水洞。投石沉  
。亦止而不流也。已而熄炬。消燭。南望隔潭深處。杳  
。光浮水面。道人神以為光怪使然。予謂穴影旁透。  
道人曰。昔村人結筏窮之。至其處。輒不得穴。安所得  
倒影。予曰。此地深伏。雖去洞頂甚遙。然由門南出。計  
去水洞不遠。或水洞之光。由水中深映。浮筏者但從

上。矚不及。悟光從水出耳。若係靈怪。豈有自古不息  
者哉。乃復明炬出洞。別道入西南十里。抵安祿營。為  
潯貴兩縣中道處。蓋羅叢岩西北。有崇山橫亘。其東  
北。自潯之西山。直西南接貴縣北山。二山兩角高張。  
東西相距幾百四十里。中間峰巒橫疊。翠環雲繞。頗  
似大容。大容為鬱江南條山。界繡鬱兩江間。此山為  
鬱江北條山。亦界黔鬱兩江間。貴縣之倚北山。猶鬱  
林之倚大容。西嶺潯州之倚西山。猶容縣之倚大容。  
東峰皆東西突聳兩角。中則連亘焉。第大容東西八十



里較近。中有北流。縣界其間。茲山較遠。而別無縣治。惟今安祿營為中界耳。

十二日。自安祿西南二十六里。直抵石山下。為平碛營。東石峰峭立。曰大岩山。岩甚巨。中容數千人。南又突一小山。上有平架石。若橫橋。其下透明。出小山。西為馬鞍山。亦峭聳。起皆平碛。近峯也。南望銳峰。若筆架。若卓推者。在數里外。望之。趨三里。度石梁。又南十里。直抵衆遙峰。西麓。白劈竹舖。挑路左。諸峯分歧。競異。即貴縣東山也。又西南十八里。抵貴縣南門。則大

江在其下。靜聞與頤僕所附舟。已先泊南門。久下船。迫暮放舟。乘月西行。十五里而泊。十三日。行十里。西抵西山。南東南轉十里。為宗村。由貴縣南至南山十里。南山至宗村亦十里。舟行屈曲。水路倍之。予先擬一至貴縣。即往宿南山。詰明從南山間道候舟。詢之舟人。既不得地名。且云舟將連夜發。遂不得行。及發。不過十餘里。即泊。今上午過宗村。悔不從初所擬。至此登舟也。又四十五里。夾江兩山。起潮之。八。又乘月十五里。泊香江驛。

A 1 2 3 4 5 6 M 8 9 10 11 12 13 14 15 B 17 18 19



十四日。過烏司堡。已十里。為橫州界。

十五日。挂帆三十五里。抵橫州南門。猶上午也。是日為中秋節。以行李及兩病人入南寧舟。予獨入城。傍江而東。二里抵下渡。南岬為寶華山道。甚大。共十里。過蒙氏山莊。又十里東向入山。二里抵山下。披叢入之。寺尚在半山。渡澗拾級。又半里。得寶華寺。門西向。寺旁無他勝。問所謂山後瀑布。僧謂墜自後嶺。高百丈。峽為叢木所翳。行絕蹊。望之無所睹。惟從嶺而上。可聞其聲耳。予乃曳杖上嶺。自巔至峽。皆紛植蔽。

虧。予直造山頂。風瀑怒聲不止。瀑果石可見。嶺南下五十里。即靈山縣矣。乃返寺宿。

十六日。寶自華下山。十里望東北鳳凰諸石峰。在三十里外。路遠不及往。遂西抵州。由上渡入江。入南寧舟。十七日。舟西南行。四十里抵陳步江。內通小舟。欽州監俱從此出。是日靜聞病轉劇。

十八日。舟至是多西北行。旁皆土山。繚繞。蓋自八鬱江。惟鳳凰山石岬。駢立瞰江。餘皆壞阜耳。又三十里。泊江西岬。




十九日。平明行五里。過火烟驛。為永淳縣界。于是舟北轉。歷十二磯。在江右涯。盤石橫突江畔。又四十里。抵永淳南門。

二十日。北繞永淳東。旋西繞其北。江幾環城。四隅矣。于是始西北行。共四十里。過伶俐水五里泊。

二十一日。西南五十里。八尺江自西來入。江發源自欽州。通舟可抵上思州。遂西泊黃花驛。去南寧府尚五十里。

以下八月二十二。至九月二十。凡游南寧者。皆脫


去約廿頁。



國家圖書館 NATIONAL CENTRAL LIBRARY TAIWAN

A 1 2 3 4 5 6 M 8 9 10 11 12 13 14 15 B 17 18 19











國立中央圖書館 NATIONAL CENTRAL LIBRARY, TAIWAN, R.O.C.








國家圖書館, NATIONAL CENTRAL LIBRARY, TAIWAN, R.O.C.







國家圖書館 NATIONAL CENTRAL LIBRARY, TAIWAN, R.O.C.

3405011 1.4





刊本  
身西遊日記三

刊本  
丁九月三日

游名山記

西南游日記六

九月二十二日。予自南寧崇善寺別靜閣。下太平舟。

泊建武驛。

二十三日。下午始解維。行八里。泊密頭。

二十四日。放舟西五十三里。為右江口。右江自北。左江自西。至此會。聞右江之流。溯田州而上。舟至白隘止。由右江北口望。其內俱高涯平隴。無崇山為間。而左江南岸。則象峰內突。兀一圓阜。頗與象山異矣。西入



國立中央圖書館 NATIONAL CENTRAL LIBRARY, TAIWAN, R.O.C.



左江二里。泊大果灣。乃兩江中文脊盡處。北有小峰三石圓。亘如覆鐘。山至是始露石形。

二十五。西南二十里為楊莢。石嘴錯愕臨流。又二十里。泊金竹州。上流野岫。

二十六。西南十里。過蕭村。入新寧州境。石山復出。若列屏若角。挺瀕江兩岫。奇石碁置。競露崢嶸。又五里。東折。江南岫穹石成洞。外裂多門。如猛獸群立。空其跨下。北岫則斷崖為峽。飛梁駕其上。兩端又五里。仍西南轉。與石山倏忽向背。兩岫突石愈奇。上下覆嶼。

如劈雲。如肺葉降垂。紛幻沓換。但岫洞未甚深橫。竟成閣殿耳。又十八里。石山始在江南岫。又三里。兩山腋。兩岫始石山對列。舟挾江北石峰。轉北而循其西麓。于是東岫之南峰。列三洞門。北向。北駢列兩岫。壁兩疊。各有洞。是名獅岩。南向爭雄。北三里。直抵獅岩下。乃南轉二里。又西一里。逼尖峰下。仍南向。西岫復有駢岫。平削。巍臨江潭者。筆架山也。而東岫石根愈透聳。共三里。過象石下。泊新寧之西門。自南寧來。過右江口。岫山始露石。至揚莢。江石始奇。過蕭村。



入新寧境。江左始有純石山。抵新寧北郭。江左崕峙。如有對峙之岫。舟行峰石中。如梭度緯。應接不暇。且江抵新寧。不特石山最勝。而石岫尤奇。蓋流江擊山。山削成壁。流迴沙轉。雲根迸出。或錯立波心。或飛嵌水面。皆洞壑層開。膚痕殼縷。江既善折。岫石與山轉輔之。恐後。益使江山兩擅其奇。予謂陽朔山峭瀨。江無此岫之石。建溪水溪激多石。無此石之奇。雖連峰夾嶂。遠不類三峽。湊泊一處。促不及武夷。而疎密宛轉。在伯仲間。至其一派玲瓏通透。別出一番鮮巧。

足奪二山之席矣。

二十七日。西南行八里。江東岫石根。空中上覆。已為詭巧。忽一轉。雙岫前突。岩石高連。下闕如閭闔。更巧幻中雄觀。又一里。沖江自東南來。會南三里。東岫一峰甚峭。其北垂環腋。轉截處有洞。西向累。特懸空無路。又西曲南轉。共六里。過耶勒。予泊舟于此。為穿山。犀牛二峰遊。西南又三里。透兩峰下。南至穆密村。市肆西臨江。游穿岩在其南一里。群峰排列。岩在峰半。門西向。板岫石上。抵門始西。見江流橫其前。洞直

A 1 2 3 4 5 6 M 8 9 10 11 12 13 14 15 B 17 18 19



透山腹。又見隔山迴環。後門外翠壁掩映。乃由門上  
躋路其中。局則東西兩門對闢。上皆垂石駢柱。凝結  
兩旁。但其內西下東上。故東透門高出西門頂。自外  
望之。都無所見。必入門始知為穿岩也。西門外俱削  
崖千丈。矗立雲表。而東門地勢既崇。壁尤峻峭。趾尤  
峻。所環對諸岩。自門北迤邐東轉。又南圍深谷。若另  
闢一翠微境。其下旋轉西去。谷口崖石交錯。不得窺  
下山。過穆窰。聞犀牛洞在麒麟村。上依那勒。東與穆  
窰三村鼎立。乃東北二里至其村。人指洞在北山

東峰上。相去祇里許。至其下。不得路。聞岩下伐木聲。  
呼覓之不答。時已過午。雖與舟人期。抵午返舟。今即  
舟去不能顧也。乃盤山東北隅。循大道行。道西北皆  
石峰。二里一歧。北轉有燒痕在焉。先是麒麟村人謂  
抵山下燒痕處。即登岩道。予謂在是矣。益前趨。北入  
山夾。兩旁峰崖攢疊。中平遂有車道。循之里餘。道旁  
停車四五輛。數牛布牧于麓。樵者徧崖。歷叩之。俱不  
知有岩者。蓋皆遠村樵牧。以車載至此。過此車路亦  
塞。入一里。夾且東轉。四眺重崖。皆懸絕無徑。西崖尤



為峻峭。抵其北。轉抵其東。共二里。環夾為塢。四面迴  
崖截嶂。深叢翳之。道遂窮。出沒莽棘中。索終不得  
路。仍西南五里。迤至騏驎村大道旁。前望隔隴。有燒  
痕一圍。亟趨之。前至伐木聲處。痕間有微處。徑石環  
叢隔。故前不遽見。今當在是矣。益厲勇而前。乃愈上  
愈遠。西望南垂橫脊。東突迴峰。予皆已出其上。獨一  
徑北躋。二里。路迂逾北頂。下翳不可行。仍逾高頂。迤  
下至燒痕間。見石隙。復有一道。東望峽上。其徑正造  
南突孤崖下。始與騏驎村人所指合。凡三悞。三迤後

得之。日色漸下。函望崖上躋。半里抵孤崖北。是崖迴  
聳高峰南。從東轉西。向若獨角中突。犀牛擬稱。以此  
崖北一脊。北屬高峰。與東崖轉處對上。巨石巍峙。與  
獨角並而支其腋。巨石又中裂。監穴嵌一石。圭高丈  
許。兩旁俱石。尖上復覆之。若刻空特置。其間者。圭石  
赭赤。迥別一山。石色為尤異。脊東下墜成窪。深若迴  
淵。上削崖四合。環轉無隙。踰脊俯瞰淵底。南崖下有  
洞。北向門高張。內深不知所極。四崖樹蔓蒙密。淵底  
益盛。崖旁有徑可循。至淵底。翳不可前。使芟除稍盡。



可達洞腹。則竒邃盡發矣。日已墜。乃踰脊西下。由騏驎村北。西二里。抵那勒下舟。

二十合。放舟南行。旋轉西北。三里直逼雙峰石壁下。再折東南五里。小水自東南來。即穆窰也。又西南一里。過穿山西。又一里。西入兩山隙。又五里。江北岍山。崕陡絕。小峰如浮屠。擗其前。山半綴一南向洞。又六里。界牌山。蜿蜒江北。西即太平境。蓋江之北岍。新寧太平。以此山分界。南岍俱屬新寧也。又二里。舟轉北向。西岍列岫嵯峨。一峰前突。俗名為五虎山。出洞。舟

遂東轉。已復西北。抵北山下。循之西向行。共六里。過安定堡。北山盡。南山復出。亦西循之。三里。隨山北轉。過花梨村。又西北轉。隨江北山。二里。轉而西。隨江南山。三里。又暮行三里。泊南岍晚夢村。二十九。循南岍<sup>山</sup>三里。北轉。又三里。轉而西。又五里。山開水繞。百家之市。倚江北岍。日馱廬屬太平崇善縣。是日止行十里。舟遂泊不前。十月初一。循馱廬西北五里。北岍為左州界。稍南。岍石峰復突。又二里。西北轉。乃見北岍石峰。三里。西

A 1 2 3 4 5 6 M 8 9 10 11 12 13 14 15 B 17 18 19



南入峰夾間十里。西岫迴崖雄削。駢障江流。南最高。有三洞東啟。極南一峰稍低。上闢洞尤巨。洞南崖石外跨。自峰頂下挿江潭。崖南洞後透門出。中崆峒交透。再行望之甚奇。又南二里。東岫石壁不少。諫而峰壁合映。江濛其間。更為勝絕。又西南行六里。已而東折。則北岫雙崖高穹。崖半各有洞。南向。南岫磯嘴盤壺。飛石凌空。無不穿嵌透漏。二里西南轉。上銀甕灘。灘始有巨石。中橫如壩。西五里。西北盤東岫迴崖。二里抵北山下。仍西南六里。山開江曠。一望廓然。又五

里而暮。又二里泊捺剝。在西南岫屬新寧。初二日。西北三里。抵江北危崖。下南七里。響源水自南來注。聲傳如雷。源發自江州。水之西岫。即江州屬新寧江州。以此水分界入江處。有天然石壩。絕江口高十尺。東西長十餘丈。水踰壩墜江。雖不甚高。而雪濺雷擊。勢尤濶悍。亦一奇觀也。北岫為上果灣。有岩西向臨江上。于是北一里。抵北山也。又西北轉。兩岫山復出。二里為宋村。上有八仙岩。絕勝。又八里。西岫石崖。疊出屢出。變奇詭盈望。又五里。北轉。西岫一崖。嶂



天。峩半洞列雙穴。東向如連環。北大南小。垂石外間。通其內。既而大者愈穹。忽剗然中刺。光自後透。洞前上下皆翠。峩危疊。倒影江潭。南有馱槎村。轉登山後。聞可扳躋。上又北一里。東岬臨江。皚然者為銀山。劈峩截山之半。斑斕綴色。與天光水影相為飛動。覺陽朔畫山。竟遜一籌。峩下有上下二洞。門俱西向。上洞尤空邃。中懸石作大士形。上嵌層壁。下瀕迴潭。無從中躋。其北紛竅甚多。裂紋錯綴。樹間吐納雲物。奇為詭幻。一里轉而西。遂止馱村。為明日陸行計。自新寧

至此。石山皆出。巴苴樹。蘓木二種。樹殊小。巴苴葉色丹映。每隊聚重。密孤峩絕壁。丹翠錯望。如楓葉着霜。正紅點染可愛。蘇木則山坳平地。隨處俱生。笑如扁豆子。長倍之。統幹結癭。點上垂結。同垂乳。土人以子種成林。收買不至。輒刈為薪。又擇其高年幹細者。光紳之。乳紋旋結。朶上作胡桃痕。色尤蒼潤。予昔天台覓萬年藤。一遠僧携此云。出粵西蠻洞。予疑為古樹奇根。不知即蘓木叢條也。馱村西至太平府陸四十里。水倍之。水源直通高平。為安南地。由龍州換小舟。



溯流四日可至。太平人呼之為高夷。聞龍舟山峒更  
奇。其地分水至思明府東。換小舟。可溯流四日。至天  
龍過山。半日即抵上思州。屬南寧府。有十萬山。  
水西流為明江。出龍州。東流即出前八尺江。  
初四由馱朴取道至太平。東南溯江八里。為新舖。江  
從正南來。陸路遂西南轉。又十二里。轉一山嘴。乃循  
山南麓西向行。迴峴。巖上壁極峻拔。多玲瓏石。二  
里路南復突一危峰。遂西入山夾。又一里南登媚娘  
嶺。東南五里。路側石甯一圓。曰龍井。下墜五六丈。四

圍大徑三丈。俱純石環壁。墜空綴磴。下底甚平。東北  
裂一門。透門入內。水聲潺潺。路遂昏黑。踐峴捫隙。下  
忽深不可測。久之。光漸啟。迴見所入處。一石柱細若  
碧筍。中懸其間。上下連屬。旁有石板平度。洞雖不宏。  
奇奧窈窕。得之路旁亦異也。自馱朴陸行至太平。輒  
見岡陀盤旋。四環中墜。深者為井。淺者為田。上下異  
穴。彼此共窟。蓋他處水皆轉峽出。必有一洩水門。惟  
此地明洩澗甚少。水皆從地中透去。竅之直墜者。下  
陷無底。旁通者。則底平可植五稼。路旁大抵皆是。惟



青蓮山  
碧雲洞

龍井下陷猶有底。故得墜玩焉。西南出山四里。泊江自壺關東。垂北向。至湖之南。升降岡阜。又四里。抵壺關。在太平郡城北里許。麗江西自龍州來。抵關之西南。折。繞城南東轉。復北抵關之東。乃東北去。關東西正當水東處。若壺頂然。相距不及一里。垣之設。關于中。為北門鎖鑰。其南江流迴曲。壺腹間。則郡城倚焉。城中縱橫相距。亦各一里。東西南三面俱瀕江。予以下午抵關。留憇關左映霞菴。青蓮山在郡城北二十里。重巒北障。天羊其支南向。東下者。即媚娘嶺。

像

西下為碧雲洞。在壺關正西二里。石峰突兀。洞穿峰半。門東向。先從北麓上三折坂。東向透石隙。曰天門。得平臺焉。洞門峙其上。門挾而高。內南轉。空濶深暗。上透山頂。引光一線。空濛下。光下有。大士龕。北向中坐。據後有窟。深陷。炬燭之。沉黑。又一穴南去。不知其底。此下層也。其上層隔窟之南。復闢為門。前列雙柱。上平度。兩盆。曰寶盆。先由大士像右壁穿小穴。南下窟側。由雙柱中。抵寶盆下。透門入。始頗隘。連進門兩重。漸轉東上。則穹然高張。天光下。透一門南向。



出為通天竅。歷級上。出洞門外。亦有臺甚平。下瞰平  
壑。與東向門無異。由大士像左壁。西穿小穴。曲折入。  
兩壁狹轉。下復為隘門。透門進。忽上盤如覆鐘。允進  
四門。連盤而上者。亦四五處。乃出於大士像左壁稍  
北。又西穿小穴。漸北轉。則岬然中通。山影平透。裂一  
門。北向。號曰盤龍窟。此洞中勝也。北門外。岬石橫帶。  
山腰。東達天門。西抵一飛岬。下上覆下。岬不甚高。  
上下俱絕壁。中虛而橫帶者。若平廊。復榭。無愧郡峰。  
獻翠名。北瞰深塢。重巒前拱。較東南二臺。又作一觀。

由岬東。板石萼。西望。峰頂蓮瓣錯落。中有一石。東刺  
空明。為蔓深石削。不得扳。仍從盤龍窟入。出東臺。  
仰眺洞南。峰裂歧。岬環一峽。乃扳枝援隙。上直歷峽。  
峰攢合中。復有東向洞。內皆聳石攢空。隙裂淵墜。削  
不受趾。瞰莫窺其底。石塊投之。聲歷上不休。下即大  
士龕。中承受墜光處也。至此洞外勝始盡。

初五。聞壺闕。東四里有白雲岩。乃由郡城東渡江。經  
歸龍村。峒東抵石壁。下穹岬。高轉展。下削如屏。色瑩  
潔如玉。岬南削壁。半列洞。四五大小不一。皆西向南。

白雲岩

岬

A 1 2 3 4 5 6 M 8 9 10 11 12 13 14 15 B 17 18 19



目  
面一洞較大。下復疊一洞。不甚深昧。而上洞中空外。削望之窈窕。竟不得扳憇。再南半里。有洞甚大。亦西向。前俱大石交支。從石隙透門入。窪敞可容三百人。內無旁通竇。洞北有小徑。東上山。西旁削石並聳。板級而登。踰山坳。南亦有窪下陷。木翳不能窺其溪。其北更起層峰。西瞰江流城堞。俱在足底。再出北。直出白雲岩頂。其坳中窪竇雖多。然深莽密胃。終不能下通。岩半洞也。此處岩洞特苦。通路蕪阻。若能岩外懸梯。或疊磴中竇。其委折奇勝。更當居碧雲上。遂西

遂西出歸龍。南溯江。溯三里。抵金櫃將軍。兩山間。金櫃瞰江。峙峴洞中空。大容數百人。茅棘湮阨。亦莫覓入洞道。祇三週其東。南北三面。又再越其頂。對瞰江城。若晰鬚眉于鏡中。東即將軍山。片峴立峰頭。迎江有干城。赴下勢。環郡四眺。峰之特聳者。此為最。下渡江。趨壺關。山雨忽來。暮色亦合矣。

初六。予欲走歸順。由富州入雲南。聞歸順為高平所阻。道未決。且從歸順行。必假叅戎馬牌。方得前會。庠友滕賓王。音昇書叅戎道意。遂留滯壺關。菴中。

介翁藤賓  
王交情不下  
於滇之唐大  
來萬里外得  
此良友惜不  
詳其委曲為

A 1 2 3 4 5 6 M 8 9 10 11 12 13 14 15 B 17 18 19



抄者刪去可  
勝太息

初八。有僧自南寧崇善寺來。謂靜聞以前月二十  
八日子時故。去余別時。裁五日。為之哀悼。終夜不

寐寐

初十。滕始以叅戎馬牌相昇。又為余作諸土官書。竟  
連日阻雨不得前。

十八。始同顧僕出壺關北行。關外有三岐。東北向馱  
朴走左州。西北走龍州。今直北取中道。太平州道也。  
西北十四里。登樓沓。復兩旁山。岨陡絕。夾隘頗逼。踰  
隘。少西下。輒有塘一方。匯水。西行。峽中二里。踰二崑。

高倍于樓沓。西下。岨石嶄削。夾深塢。北一里。上大崑。  
陡絕。更倍之。踰坳。北下。夾壁。截雲蔽日。者一里。塢窮  
西轉。其北四山中。墜下。窪不測。淵又西一里。踰隘。西  
下。懸磴。旋重岨間。直下山脚。幾千級。按郡北有蕩平  
隘。乃青蓮山中。裂成峽者。東南自樓沓崑。西北出此。  
中為崑者。凡四重。兩岨重亘。水俱穴壑底。墜。並無通  
流隙。真阨塞絕隘也。既下。循麓北行。一深窞。懸平疇  
中。墜陷如窞。上開線。峽南北裂。中跨石橋。界為兩。其  
南可循磴下。泉流漑。仰望如處甕內。引首窺天也。



北十里。山始離立西北十四里。水小自東嶺峽中西南去。絕流西渡。聞水聲動山谷。余疑即所渡。忽見大溪洶湧。路右澗比龍江之半。自西北注東南。下流與小溪合而去。上流水懸壩石下。壯齊湧雪。蓋此江發源歸順州。至安平州北。又合養利思誠二州水至此。下抵崇善水口綿埠村。入龍江水口在太平郡西七十里云。西四里水南層峰秀起。瀕水一小峰孤突。上分岐。怒流橫噴其脚。北則巨峰巍踞。特當關阨之路。抵巍峰東。即北轉共十里。為叩山村。屬太平州境。又

西北七里。暮抵太平站。

十九日。西十里渡江。止太平州。西南峰俱峭立。西北一峰特倚州後。下有洞南向。門突巨石。

二十日。西北六里。過石梁。水北流入江。下俱石峽。嵯峨西岡一鐘。鐘覆路左。質甚巨。傳聞重三斤。千自交南飛至。土人已不憶其年。色倅新出於壘。略無風日剝蝕痕。紐已為四川人鑿去。土人謂尚有一鐘。在梁下石澗中。然亂石磊落。窺之卒不辨。又十三里為安平州。江南在州東北。東南付太平州去。西南一山



觀音岩

壁立。觀音岩穹其下。門北下向。高敞明潔。四旁多玲瓏透壁。洞後懸壁上。坐大士一尊。下開西門。內復橫拓為洞。從其右入。夾溪東轉。甚深窄。以暗逼出。大士座下。右裂一門。直透東麓。座左拾級上。從東轉跨梁飛棧。遂出懸石巔。西入則深竇墜峽。已而南轉昏黑中。久之忽南見光。隱上動。望之前一門。東南透壁出。門稍隘。門以外穹壁高懸。南眺平壑。與前洞頓異。仍出前洞。返州宿。

二十一。取思誠道。思誠在安平東北。由安平西北抵下雷。日將半可達。而東北向思誠。走龍英須四日。抵下雷。今安平西通下雷界。曰十九崑。與交夷接壤。慮彼竊掠。用巨木橫塞道。故必東迂二日。于是由安平北一里。與江遇。江源出歸順州。即志所稱邏水。勢比太平州減半。蓋養利思誠二州水尚合于下流故也。渡江有山橫一障。江北岸循山麓東五里。路北一峰。枝起如駢指。其東北崕障間。高裂中透。特峻不可登。穿山東峽。東北轉。峽之東復起層峰。夾而東北去五里。折而東。峰少斷處。尖岫中懸。如人東向坐。忽一



江自東而西。石梁開五砮跨江上。江水透梁。即東南  
搖尖岫峽中。下邏水。踰梁。即思誠州。  
二十二。仍從州前西越五砮橋。循江東向五里。山峽  
愈東。江漸小山。峽東盡處。峰中峙。南北俱有大溪。合  
于中峰西。水始大而成江。又五里。直抵中峰北。上夾  
山始盡。循北夾東。峽渡一小溪。溯中峰北畔大溪。北  
向行夾峽中。二里。峽東西轉。西峽有小水。東入大溪。  
乃越小水向東。峽溯大溪北。峽行一里。拾溪登禹促  
嶺。二里至頂。為養利思誠界。北下又二里。入谷底。四

山重護。惟東面少豁。向之行。余以為水從此出一里。  
北渡溪。水自東出西者。竟不知西峰迫合。透何峽去。  
東北行山叢中。巒岫歷亂。共歷五里。出峽。始開大塢。  
東西遙望。皆峰頭矗合。而南北夾壁。有同迴幄。極崔  
巍。勢出峽。北向三里。橫渡此塢。直抵北峽下。若無路  
可達者。至則東北開一隙。穿入之。峽峰峭合。愈覺宛  
轉難竟。二里。東山大開。出達養利止數里。從小徑北  
一里。西北入北夾中。南北兩夾山。皆引錐怒。籜俯仰  
神境者。四里。于是復開大塢。東西亘。南北兩界山。如



南塢。但南塢東西俱有叢岫遙疊。此則前後豁然。不知西去直達何地也。東北斜徑塢中共五里。至北山東盡處。東山益大開。為龍英屬。其東隔江即養利。養利西北至江止。不及五里云。循北山東麓。北一里有小石峰。駢立大石峰東。穿之。即西轉。至是北條始見。土山與南條石山夾成塢。又三里。止聳峒站。自發足已五日。雖行路迂曲。去養利止數里。而所閱山川特奇。且兼辰晴麗。即春秋不及也。

二十三。北度塢抵土山。共七六里。土山自西南石峰

攢合處。旋亘東去。北塢復石峰特立。東北繞石峰東麓。二里。一土岡復前橫。西抵遙峰隙。東則南屬於土山。北逾崗。水淋漓道間。叢木沉覆。無燥地。下益深。始知橫崗之南。猶在山半也。北下二里。至平壑。渡溪橋一里。直北抵石壁下。壁西裂一隙。扳隙西登。曰大窰。南北石崖駢夾。極峻。西穿其間。乃墜至塢底。共一里半。其處山壁叢合。草木蒼蔽。州人採木者。皆取級。大窰云。西北三里。北有望石峰。間有洞。並峙。俱南向。路出其西。北透峽。多巨石夾道。二里。踰翠村嶺。北下東



北二里溪自西而東。兩岍石崖深夾。渡橋東北透山隙。出田塢中間。共七里。復踰土山。西北十里入山。渡石橋。橋東北特峰懸削起。曰牛角山。極似縉雲鼎湖峰。西北又特立一峰。為龍英東面水口山。又西一里。抵龍英州。

二十四日。候夫不至。

二十五日。因往游飄岩。州北數里外。土山環繞。中一小石峰如筆架。南開平曠一塢。大溪橫于前。即東入養利州。為通利江源。下太平州合邏水者也。水之東有

山當塢立。為飄岩山。聳拔州東。即前牛角山西北特立峰也。山東崩崖之上。有岩東南向。高倚層雲。下臨絕壁。聞龍英被寇時。州人悉避懸崖中。交夷環守。其下終不能上。余挾導至岩脚。扳登崖間。轉一橫木。渡石夾而過。輒有竹梯層上。宛轉懸綴。長短不一。凡十四層。抵岩口。岩兩旁俱危壁。下瞰惟岩口直下崩崖。綴痕梯。故得宛轉依之。岩口上覆甚出。由中洞入門。甚隘。已而漸高。中懸石拱把。翠潤若玉。柱旁又有兩柱。上下垂接。斷僅寸。相對若天平針。由柱右北入穴。



漸黑。既得東透光一縷。返由柱右。東穿低竅。出門。與中洞並列為兩。西入暗隘中。復穹然不甚深。乃由中洞出外岩。北找一木。透石隙間。復開一洞。東向。柱高與手內稍寬。盡處乳柱懸枒。細同柯節。右有穴。潛通中洞。後即東透光處也。左稍下有穴。空懸。不知入自何所。仍度所找木。歷梯以下。三梯。復見一梯在梯左懸崖間。亟援之上。循崖端橫渡。而北。徑狹尺長三丈餘。外橫木為欄。崖窮又開一洞。亦東向。前一石自門。左下垂數丈。端懸小石一。長三尺。圓徑尺。洞中高敞。不似中洞低。

口暗腹也。後壁環一隙。更覺宛轉。即上層懸穴。下窺處。徧探各洞。久乃復歷十一梯。下是洞高。張路旁。遠近見之。唯州治相背。反不得見。余西游所登岩。岩險峻。當以此冠。貴溪仙岩。雖懸空瞰溪。然其上窄甚。不及此岩崆峒。而得水則仙岩為勝。二十六。由州治前。西南溯大溪二里。石山復攢繞成峽。八里踰一岡。溪南始見土山。與溪北石山夾而西。涉溪南踰土嶺。九八里西南轉入石山中。里許西過石硤。連陟二石脊。共五里。仍穿石山塢中。山脉自石。



脊南去。攢峰沓萼。叢結甚固。直東南盡於安平。由安平東北經龍英。抵下雷。凡迂數百里。皆以此山支叢沓故也。西登石磴。又平行峽中。始直墜峽下。磴道與澗水爭石。共八里。復與土山遇。踰土山脊。望東南隔塢。皆石峰攢合。翠浪萬疊。升降土山中七里。西南抵石峰下。宿安村。食冬瓜。土人以為時物。始知江南種。當從此去。

二十七。西北盤陟土山。共十六里。及西塢。復穿石山間。又二里。大溪自北而南。溪之西。即下雷州。上治開

於萬曆間。屬南寧府。宜統志不之載。州南北三十里。西與高平接界。治西大山外。向亦本州地。近為高平莫夷所踞。西為州界者。止一山。州郡即倚之。其外皆莫夷境矣。州南城外。崇峰攢立。一西南轉山峽者。即高平接界。東南轉山峽。即隨州東大溪。為十九峩故道云。

二十八。西北溯大溪。二十里。抵胡澗寨。上西南有大峽。與交趾通界。抵高平府。可三日程。西北長峽十五里。兩峰湊合處。曰鵝槽隘。上正西大山之陰。即歸順



地日半至其州直北鷺槽嶺之北為鎮安府地至其  
府亦兩日半程是日下午抵胡潤聞歸順道有交夷  
警乃決意返轅東北取向武州道鎮安與歸順近族  
也而世仇前糾高平莫夷破歸順虜州師以去為當  
道燭其奸僅贖州師第以塞責未幾鎮安身死無後  
應歸順繼嗣而田州以疎族爭之歸順度力不及反  
乞援于莫向據歸順地未吐今且以為功遂驅大  
兵象陣代營鎮安莫夷過胡潤即在是月十八日今  
其事未定不知當道作何處分也聞當道遣官往詰

莫酋：厚賂也。報云彼仇閩無與中國事當道懼開  
邊釁亦曰土司交惡與中國事無與不知土司絕世  
國有定憲今龍英鎮正宜如昔日太平立郡故事疆  
理其地若莫夷助歸順得鎮安而自取歸順地是中  
國自撤其藩籬而日近狼虎也此邊陲大利害朝  
廷焉乎知之。

二十九日候夫未至散步寨署前後始見大溪之水一  
西北自鷺槽隘來者發源歸順南境一北自土山峽  
中來者發源鎮安南境合於寨前流始大即志所謂



邏水為江左西北源南下安平出賦綿埠口  
三十日下午夫始至湖北來大溪僅東北七里止南隴  
村。

十一月初一南隴東北一里渡大溪北岬溯溪二里  
溪來自東南山峽轟墜下西山峽口巨石橫亘如堰  
高數十丈濶十餘丈崩雷傾雪勢極偉壯西南來未  
之見也水由此西南去路由峽北山塢東北上踰嶺  
四里復與溪遇橋跨大溪上溪北自石山腋中來橋  
北溯溪入即鎮安道度橋東半里抵羅峒村倚塢

北石山下從村東南山隙去又上英洞都康州道也  
余走向武道則直東去由村前南渡溪循山石嘴東  
向上里半登隴上復見石山四合五里上嶺西北有  
土山排列北則來龍大脊與東南石峰分界東北去  
循東南石峰北平行其陰升降者七里下壑底東北  
入土山四里宿上黃胡澗境至是始盡  
初二北三十二里遇上控蕪村東南折入石山夾三  
里宿那黃  
初三東半里當前有石山巍聳大溪自南峽透越出



向武州諸  
岩洞

經巍峰西麓。抵其北。折而搗巍峰北峽。中東向去。路亦循之。倚崖阻水。止容一人。扳隘入。置柵為欄。曰北岍寨。東過寨。南向循崖。再出隘門。南下東行。山塢間。南北石山排闥立。大溪貫其中。共東北六里。循路右。山崖東南轉。始與溪別。又東二里。稅駕向武州舖司。土州守黃君一見如故。遂歡飲十日。十三日。始往百感岩。先經瑯山東。回望見東面懸梯。乃新縛以升岩者。晚出百感岩。度橫棧。未下梯。有岐東循崖。一岩在百感東。晚不及上。

十四日。出州城北半里。覓大溪。即枯榕江。隨其支流而東。游瑯岩境。再往百感。游東上岩。復從百感大岩內。暗中穿洞。北下百感村。溯水觀水岩。外水深不得入。約明日縛筏以進。遂東北度橋。由百感外村。東南踰嶺。南出東來大路。西入隘門。過紅石崖。下息其石山。有洞。南向甚崆峒。月下共行五里。還舖舍。十五日。東渡南曲小溪。循東流。有岩在路北。過百感村。僧言村氓未得州命。不敢縛筏。乃返至瑯岩東北。觀枯榕江三分水。北為龍巷村。北渡溪。東隨所分北溪。

循之將往水巖



入山隘。水東潛入穴。憇崖上。西向洞者久之。  
十六日。黃君命人送游水洞。  
十七日。復以銀燭贈予。凡留向武者十六日。岩洞奇勝。  
詳列於左。

向武石峰。其洞甚多。予所遊者七。為百感洞。又東洞。  
又下洞。又後岩水洞。為瑯山洞。又下洞。為龍巷村東。  
北江流所入之上洞。其過而未登者三。為瑯山東北。  
二里中江墜穴之上。高崖南向洞。又為瑯山東南二。  
里南江所繞。獨峰西南向洞。又為州東北巨峰南向。

洞。在紅崖峰北。其闢而未至。最以奇著者尚二。為。  
向武西南三十里。上英峒界吉祥洞。前後通明溪。  
流其間。又東南二十里。風輦洞。共十二洞云。  
枯榕江。即州北大溪。自西南境東經北岍寨。抵向武。  
北龍巷村前。江東石峰一枝。東向列。江當其西。垂分。  
為三。北支東循石峰北入峽。為正派。東循石峰南者。  
為中江。南支直東南流。田塍間。為南江。入峽者。東北。  
五里山。勢四逼。東搗入石穴中。北透其下。為水洞。循。  
山南者。忽下墜土穴。亦北通百感洞。南行塍間。東遠。

A 1 2 3 4 5 6 M 8 9 10 11 12 13 14 15 B 17 18 19



平疇間而獨峰南。又東抵隘門嶺西麓。北折直趨百感東洞下。稍東入峽。亦下墜土穴。北入百感三流。分列石峰西。隔山岐壑。皆復合。百感一岩內北出為大溪。始東北流。經土上林縣之刁村。入右江。

百感岩在州東北七里。岩西南即分水橫列山中。江水所由入者。東南即隘門嶺。北遷而逆於東南。江水所由折而北入者。西北即岩背。環為龍巷村。東入搗北江水所由下搗者。東北乃此山後門。繞為百感村。衆江合於岩中北出者。此岩外四面也。岩則中闕于

山半南通二門。一前門一別穴。皆隘。北通後門甚拓。而北面層巒阻悶。不通人間。自州來必從南門入。初抵山下。東北板級上。仰削崖高數百仞。找木橫找。同雲氣出沒。西上危梯三十級。達崖半。即得坪一掌。東緣崖端石級。左為東洞道。入正門。則西踐找。潤二尺。長六七丈。石崖上下削立。無少痕竇。虬枝古幹倒懸。上輒就之。橫木為找。外藉樹杪。而內者則鑿石壁。架長木梁其上。削短枝鋪之。又外就垂籐為縲索。資人移踐找上。懸杖外時。下窺絕壑。奇險甚劇。找西



畫又北上懸梯十餘級。入洞前門。南向高三尺五寸。澗半之。僅容偃俦入。下丈許。中平石柱四環為一室。旁通多細穴。延光外燠。宿火種於中。藝炬由西北隙下。懸梯三十級。底開北夾。土益峻。梯脚一小穴。伏<sup>壁</sup>根南透出。亦明室一圓。在前門下層。當懸棧下。由北夾入。路西穴平墜。深不測。乃循東壁行。西壁下窪穴甚多。斜傾西墜。深入可下通水穴。然流沙地瀉。不受踵。由夾東又北過一隘。下懸梯三十級。底復平曠。石紋粼。俱作荔枝盆。其西懸乳。毒蛇板隙入。如

葉

穿雲葉。稍北轉西上。望微明。躡沙坂從之。透隘西出。則南北高穹。赫然大觀。此處內抵西南為偏門。外抵東北通後門。長四十餘丈。澗十餘丈。高二十餘丈。上皆倒垂乳柱。紛紜無慮千萬紀。兩旁懸臺卷室。楞樹縱橫覆。殆無曠隙。由東崖躋入西南洞底。上層龕。西則偏門。光自頂射。焰耀幽壁。反峻峽西上。達偏門。西南向。頗隘。下臨無地。惟樹杪叢。沉疊石間。岨嶂懸截。不辨其處為前山。為後山也。西龕既窮。仍東北下。趨後門。東北向。高二十丈。門外西旁。石崖直



墜山脚為水洞。門：內洞底中隘。亦直墜通水洞。隘處徑一丈五尺。周圍如井：北巨石東西橫。高洞內者五尺。當門為之閘。由井東踐閘北上。踞門之中。內觀洞頂。日厭雲物。外又下俯絕壁。立重淵。破壑中。采色艷絕。此閘內井外峽。下透水門。正作一架空石梁。第勢極崇峻。無從對矚耳。閘東透石隘。東北下。磴奇絕壁：石皆崢峿。樹根穿隙。怒發磴斷處。間橫木度。下半里。至百感村。餘勝猶攝目。不得合。西來第一。無以易之也。

百感東岩。在百感前門東。由棧東危崖端。綠石痕一縷。東數十步得洞。門亦南向。亦不甚深。然高爽窈窕。石脩五采。詭裂成形。峽中東入三四丈。輒北轉。石特中峙。踰隘進。漸昏黑。中又南北成峽。深十丈。底平上峻。北盡處。多石柱迴環。其外通明。躋級北上。一竅欹側。東透。僅納天光。由竅內北轉。又連關二室。一室中通外障。乃由此北達者。一室則北盡。東向。先入中通室。西隙俱旁環。東亦多瑣穴。外徹紛光。綴引北透。一隘。達北室前。遂虛敞高門。東臨絕壁。矗竇中立。北



復有懸崖倒垂外。下聞水聲潺湲。則南江北轉至此。由其下入穴。室內西壁。群乳環為小龕。皆編竹架欄。疑昔人棲隱所。此真行宮百感下水岩。在百感洞後門下。百感村之南。百感有內外兩村。水從百感洞分兩界。北向迴環下成深塢。水出岩為江。曲折北去。村界於其間。源澗土沃。中豐腴。產洞在內村南二百步。門東北向上。即後門也。水自洞出。前匯為廣潭。溢兩崖。石壁倒插水底。道從潭中浮筏出。洞頂飄渺。似出雲表。不意乃向所凌跨處。洞內西壁排空南向入。渚水甚深。西

北一木梯懸嵌石間。東壁石隙中拓。有廬架絕頂。而石壁削懸二十丈。無可攀躋。聞縛梯可綴壁上。人入洞十餘丈。壑窮峽懸。遙西南峽寬深入處。日影輝。浮動。下峻不可及。又不知所通為山前為山右也。下壑石根挿水。而無內入隙。水由下泛溢。出其中。衆水交合處。尚崆峒內扁。歷古竟無問津者。返筏出洞。後門外潭西。踞崖登門。左壁透峽上。亦闢岩一圓。東向下臨前潭。右瞰洞水。前眺對崖。旁竇紛綸。可橫木跨洞門渡也。此且另行寫百感前下岩。在百感洞前門下。路西



坑腋間門亦南向。高拓如堂皇。中多巨石磊落。後漸下。俱水漲時。山前水亦自洞外驅而入。今乃無滴瀝。洞東北隅北進峽。上透隙光。下皆重石。嵌巖數石。下窺其底。水淵然涵深。實石軌浮綴。兩崖間遂不得循隙下。架空入亦窮。惟倚石內望。西北峽盡處。亦有返照光。隙長且狹。倒影浮洞壁間。亦不知所通。為山前為山右也。

龍巷東北塢上洞。在州東北七里。即百感西崖。第道由龍巷村東山北折成塢。枯榕北支大江。分塢塢中。

崖迴塢絕。乃東墜穴。洞正臨其上。門西向。左右皆危崖。下臨激湍。都無入徑。惟由其北板線紋。踐懸壁入。上下雲芝疊發。東進五六丈。後忽烘然中暄。殆無霜且。又三丈北轉。漸上稍隘。又三丈止。中亦豐懸柱。不及百感林立。下有丸石圓潔。勝珠布散。坡坂間坡坂上皆齟。鱗次簇邊隆起。中窪圓珠堆嵌紋中。無極河沙數。

瑯山岩。在州北半里。形正如獨秀。始見西向門三疊。不知登道。反在東峰。半余至州。黃君始命縛梯通棧。



板東麗危梯數百級。入東洞門。豁然高敞。門以內分  
三徑。北徑平開一函。即透北向門。直瞰龍卷後北山。  
大溪西來界其中。抵橫列峰西。三分之。北面巒嵐溪  
翠。遠近悉攬。南徑反從洞門內東折出。外復豁然。即  
東洞門側竅也。一石屏橫斷。故假內峽中曲達。其內  
下有深窪。循深窪上嶮。南入峽。躋漸隘。石梁上橫跨。  
透梁下。再上峽南盡。東壁開穴度空。延納倒影。西竅  
高穹南透出。為南洞門。前正與州東北巨峰對。屏立  
當前。不知其下乃通行峽也。由西直入者。高穹旁拓。

十丈。後即側偃曲房。為隘門。然其上盤益穹。當隘處  
亦上裂成峽。高聳尤劇。透隘門西出。當西關。光明四  
溢。以西洞門高敞獨甚也。堂左右分嵌樓龕。至洞門。  
石闕高阻。透竅出。始俯瞰門下。岨穴層接如累基。已  
出西望。第三門最上。下即為中門。坐其上。倒樹外垂。  
環流下湧。較南北門為最暢。  
下洞即為瑯山西麓。門西向。東入三丈餘。輒止。仰其  
上層穴。競開懸岨頂。允疊門兩重。予初至此。望之深  
苦。不上。通。明日又至。亦不知上層可由東達。并不知



有東洞可級也。既而由南峽往百感。出山之東。回望見梯已蜿蜒垂空。始知上洞由東入。但無通中洞道耳。向武多何首烏。大有至五斤者。生石山穴中。予於州墟。以十二錢得三枚。重約十五斤。土人皆以為馬櫛柳云。

十八日。始別向武州東。過紅石崖下。直東即出東隘。可五十里至舊州。又三十里為力村。又三十里為土上林縣。予從鎮遠道。乃南入山。五里為南踰石山脊。亦置隘門。曰蔓腋。下嶺入土山峽。東南二十五里宿峒。

槽村。

曉

十九日。晚起。半里至寧墟。從南峽去。抵天燈墟。聞有營懷洞。乃龍英分界。為左右二江脊。東十四里。飯龍瀨村。地已鎮遠屬。初至村。遙見屋角黃花燦爛。以為菊。疑無此。逼視之。乃細花叢。不知其名。又見白梅一樹。折之固李也。黃英白李。錯紅霜葉中。亦仲冬一奇景。東十七里。又與石山遇。循南崖入。崖上石竇。壁亂。下累石。屬南山。傍崖設隘門。南北兩石山。復嶂。立共一里。抵鎮遠州。屬太平府。在郡東北二里。

盛



二十日。鎮遠東一里。出石山隘。東北六里。山夾開東西。界俱深木密。蒙障不辨土石。北七里。東踰土山嶺。共二里。為鎮遠結倫界。東四里。宿結倫州。

二十一。東南二里。有岐。西南溯大溪。乃結安養州利。大道為結倫入郡者。正南里。東折入土山峽。其處西來鎮遠來所踰石峰峭聚如林。東為土山。自結倫北。南遶而西。遙裹西面石峰。中開大塢。亦自西南轉北。去東三里。登南嶺巔。東望盤谷。東復有石山。遙列自東北環峙西南矣。踰嶺東南四里。一村倚東山麓。為

都結舊州。其站夫絕點詭。與結倫互委。往返者凡五日。乃散步村前。東隨溪入山峽。里餘。水西南轉。墜深峽中。東峰崖下有西洞。南向。東洞頗寬。遂一圓石界門為西。右門為大。右入深十丈。高三丈。濶如之。後壁北轉。漸隘黑。而中若穹然。甚遠。無炬不能入。出從左。南擴復分兩岐。一東北。一東南。皆不深。然明爽玲透。有上下旁穿者。上則青石屹穹覆。盤旋竟尺。圓石密布。無餘地。又黃石倒垂其間。紋色俱異。此中一異境也。



二十七日。夫始至。從舊州東北七里。上一嶺。畔多叢木。中行嶺上者三里。林木少斷處。下瞰左右旋谷。中木合禁阻。飛鳥不能墮下。一里木山始盡。一山皆黃茅彌望。東十里踰二嶺。得一平脊。東從嶺北行。漸入叢木。出山南。又度一脊。南望皆石峰排列。東南一峰尤峻。出衆峰上。過脊稍下。輒東上。直造前所望東南峻石峰北。始東南下一里半。及塢底。兩崖壁立。叢木沉翳。循水穿峽一里。峽流南匯成陂。直漱峰足。又一里始東南出峽。東十三里。都結州治。倚南山麓。土

守農氏。求子作西院申文。留飲者三日。

十二月初二日。乃行。東五里。一石峰東峙峽中。先是南北兩界山。自州西八里。即排闥而至。此則東石峰中峙。塢始盡。由石峰北東走北塢。十二里。復穿山峽。甚逼。石骨稜。刺人趾。不堪著足。出峽。路忽降而下。已復南轉石壑。中高下亂石。共三里。山漸開。路左石穴曲折。陸成西潭。清流中瀦。心目怡霽。東折五里。北渡西來溪。水穿石壑中。路隨之。水石交亂。從溪北轉入北壑。共二里。水復自南來。又渡之東。一里。



水復自南而北。又渡之。乃東向出峽。忽墜峽直下者一里。下山。是為龍安界。亦為太平南寧西郡分壤處。乃知都結地直在西山頂也。北溯溪一里。得岩村。居民始有瓦房高橈。如見漢儀矣。南行六里。抵西界石山下。峰皆尖若卓錫。岩有中空者。行石山下。嵌石中南四里。乃循東土山。東南五里。宿巴潭村黃姓家。初三日。東南踰土山。共三里。溪自西北石山下東來。漉有聲。南隨溪一里。西南平壑大開。西界石山至此。南盡而石猶未盡。於是平疇曲塍中。怪石森。僂離

僂合。高下不一。泉流時漱之。環以畦塍。使置一椽。其中石林精舍。勝無敵此者。行石間一里。得村曰把定。東北六里。至隆安縣。城在右江西南岬。予前至南寧。入郡堂。觀屏間所繪合郡圖。此縣繪右江北。故予自都結來。以為必渡江後抵邑。至此乃先邑。後江。非躬游殊域。則郡邑圖殊不足憑也。地多巨竹。徑尺餘。土人以為牢柵。婦人每担四竹筒汲於溪。筒節長至四尺。縣北關外為鞏閣。右江自西北來。經閣下東去。江涯深峭。遙望竟不之見。涯下得南寧舟。期明日發。



初四日舟忽改期初八遂以初五定担夫為步行計  
初六日夫至始行出城南六里土山南盡一石山如錐  
中央立南六里又抵一石山下山自北遙望若屏列  
近循其西麓愈見平展已遠其南復東向三里山忽  
東西兩壁前環中央則北壁后遜皆削崖布空三面  
圍合南獨缺前復有土岡橫接兩峰盡處為當門闕  
焉先按百粵志記隆安有金榜山合沓成城至是心  
異其山問之皆不知所謂金榜者問此山何名第曰  
石岩山予乃北半里踰土岡下直抵北崖脚東崖上

兩裂透壁光若日月高懸又望西崖頂裂罅層懸疊  
級嵌空天半乃從北崖麓入一門高南向嵌壁可  
層累上內不甚寬而外皆疊透連躋二重猶飛軒下  
臨爽朗可憇左轉一罅西裂最深直自崖巔極麓底  
板夾縫僅可脅脊上乃下趨西崖懸扉門東向仰眺  
皆崇崖莫躋惟北崖有可扳線痕乃逆上西盤短峽  
下復上始凌洞門以內隙西北穹起門外隙直峽  
從崖麓墜下深數十尺前巨石立掩之故自下望祇  
知崖石懸立不復知內有峽也然峽壁峻峭上俯之



不得下。即欲扳入門內隙。亦傾側難措手。內窺漸暗。於是從舊法扳緣下。南出大道路。過左魚輿村。人勞予曰。遊金榜大洞樂乎。予始知金榜即此山。亞問大洞云何。曰。是山三面環列。惟西面如屏。大洞在前。嶕後高峰半。中闢四門。宏朗靈透。予乃悟所遊者。為前嶕小洞。尚非大洞也。東南七里。右江自北來。隨之南下。抵江畔。一水西自石峽中來注。水亦深廣。可勝舟。但峽中多石。不能入耳。下有渡舟。曰龍塲渡。溪東南二十六里。至那同村宿。

初七日。東南三十七里。抵平陸村。已為宣化屬。暮黑行四里。至那吉。土人呼為叱吉云。

初八日。二十三里至宋村。即來時左右二江夾合處。南面臨左江。為大果灣。宋村正在兩江夾中。寔即古之合江鎮。土人莫存其名矣。東一里。即右江口。路從東北一里半。渡右江。南望西江合處。在半里外。正猶前日舟過右江口。內望此地也。渡右江東岸。東北四里。雨阻王宮村。初九日。淋漓雨中。僅行二十三里。煨濕木藝衣羅坻村。



初十日。東南十五里。至南寧崇善寺。聞淨開承訣事。歿  
在九月二十四酉時。止隔予行一日。寺僧引至窆  
骨所。拜哭之。南顧橋上。願奴行李適至。遂寓城外梁  
店。一別南寧。已七十五日矣。

刊本作粵西遊日記四

南游日記七

刊本無十二月三字

十二月十一日。予在南寧行道莫決。聞淨聞訣音。必窆  
骨雞足山。遂至崇善寺。拜揀骨起。置大竹種間。北取  
慶遠府。由黔入滇道。  
十九日。乃行。以積日雨阻。今始得夫也。出南寧朝京門。  
東北六十里。至施澁驛。  
二十日。由施澁東北十七里。為常村。朝著山負辰列村。  
後按郡志。東八十里有橫山。高陰橫截江。即此山南  
走截江特立者也。宋置橫山寨。為市馬所。又十七里。



初十日。東南十五里。至南寧崇善寺。聞淨開永訣事。發  
在九月二十四酉時。止隔予行一日。寺僧引至窆  
骨所。拜哭之。南顧橋上。顧奴行李適至。遂寓城外梁  
店。一別南寧。已七十五日矣。

西南游日記七

十二月十一日。予在南寧行道莫決。聞淨開訣音。必窆  
骨雞足山。遂至崇善寺。拜揀骨起。置大竹槌間。北取  
慶遠府。由黔入滇道。

十九日。乃行。以積日雨阻。今始得夫也。出南寧朝京門。  
東北六十里。至施澁驛。

二十日。由施澁東北十七里。為常村。朝著山負辰列村。  
後按郡志。東八十里有橫山。高險橫截江。即此山南  
走截江特立者也。宋置橫山寨。為市馬所。又十七里。



介翁云不獨  
深明形勢且  
深明兵事機  
密矣

湖流入山峽。東處截塘堰水。西岬山甚逼。田閔山  
土。又人名為山心。按志崑崙關在郡東九十餘里。必  
此地無疑。然土人皆謂崑崙關在賓州南。謝在抗百  
粵志亦謂在州南十里。按賓州南者。乃古漏關。非崑  
崙關也。世因狄武襄駐賓州。以上元饗士。夜二鼓破  
崑崙。遂以賓州古漏當之。而今在南寧者。皆以崑崙  
為閔山。在賓州者。又以古漏為崑崙。若崑崙果去賓  
州十里。則西軍已對壘。武襄十日駐飲。二鼓起破之。  
及曙。反不足為神奇矣。又十五里。抵長山驛。又十里。

宿裡段墟。

二十一。北十里。東入一隘門。以內屬賓州。為柳州  
南寧分界處。土人名隘為界牌嶺。又指為崑崙關。按  
志崑崙為南寧地。去郡東九十五里。此與賓分界。去  
南寧已一百二十里。今經行者見其處有隘。遂以崑  
崙當之。故西事洱云。崑崙關不甚雄險。其上多奇徑。欲  
守崑崙。須慎間道。亦悞謂此也。又十六里。小水自南  
來。東渡之。為上林縣境。自界牌嶺至此。皆屬賓州。獨  
此水東入。為上林屬。以上思籠一驛。孤懸其中也。過



介翁云地界  
瑣事耳必細  
為剖析洵身  
到處不放過

橋東北升陟岡陀四里。抵思籠<sup>龍</sup>。其地東西南皆賓州  
境。惟西北五十里達上林。驛南面曰高峯山。北面崇  
山並障。東曰北斗山。西曰晒麵嶺。遙山層疊正西者  
曰陸蒙山。溪自界牌嶺東北至此。扼於此<sup>北</sup>。山遂轉西  
<sup>地</sup>去。惟陸蒙隔於溪西也。由思籠東下塢。南北皆崇  
山逼夾。乃高峯北斗二山東垂也。東二里半。至二山  
度脉脊。水遂分二派。脊東北者入都泥江。西南者入  
右江。為黔鬱西江脊。踰脊隨水行峽中。峽甚束。半里  
稍下。復為賓州界。蓋賓州之地。東西夾思籠<sup>龍</sup>一驛於

中。屬上林南界者。橫過僅七里耳。既下山。愈逼路益  
東轉。已越高峯山東麓。按志。賓州南四十五里有古  
漏山。古漏水出焉。其閔曰古漏閔。當即此地。然土人  
無復知者。隨水東北出峽。三十里至山口。溪北山東  
盡。溪南山亦漸東南轉。其東平曠齊望。天峴空豁。萬  
山阨塞中。乃有此浩落區。東可十五里至賓州。在  
平楚中。謝肇淞謂崑崙在州南十里。此何據也。予取  
三里道。從山口北渡溪。二十里至公村。  
二十二。公村北越山七里。西望雙峰峻極雲表者。大



明山也。山在北斗山西北。為上林武緣分界。北渡大明山大溪。共八里。登思落墟。西北二十五里。至開籠山。一名雞籠。由此西二十里。可抵上林縣。予自隆安西嶺入土山。崇卑不一。皆壤阜。無片石。至此復覩崢嶸面目矣。北入石山峽中。山子百為群。離合競變。有分三岐者。東岐大而高。中次之。西岐特銳。細若竹枝。詭態尤甚。有聳立衆峰間。卓如簪筆者。如此者五里。北至洋渡。大溪由上林西北崇山中東流至此。直逼溪北石雨中。又一溪北自三里山峽中。南向入大溪。

賓州三里城

二流合。其溪愈大。循石山東。抵遷江。入都泥江焉。舟渡北山下。稍東。湖南來溪。西岍入峽。十里。峽復大開。四山為大塢。一峰當塢起。平疇中。道經其西北。三里渡桂水橋。水自西北激崖。南崖瞰溪。臨橋上。又二里。抵三里城。建於萬曆八年。設叅府。移南丹衛於此。以鎮歷八寨云。

三里東西皆石山排列。自後營分枝南下。中有土山一枝。至此盡。叅府即倚之建牙城。久頽。且無樓櫓。鎮江陸叅公鎮此。六年。增緝雉堞。創三門樓。南門外又



建南樓。壯一方形勢。又前則東西二溪。交於滙水橋。俱發源後營東西谷。西大。東稍遜。合而下洋渡。而獨山岩。又中峙為下流鑰。前又有獨山村之名。為鑰第一重。

三里四境。南踰洋渡。抵雞籠山。共二十里。北過後營。抵分脊巔。共五十里。東抵周泊隘。共二十五里。西抵藕坑。共四十五里。縱橫皆七十里。名三里者。以昔為賊踞。王文成平寨。始清出之。編戶三里。一曰上無虞。二曰下無虞。三曰順業里。曾置鳳化縣。隨廢。設衛與

參府鎮之。日糧初輸衛。後收歸上林縣。民以不便。復紛。議歸衛矣。

三里以洋渡為前門。李依江西自上林大明山發源。東至此橫為洋渡。南石峰離立。若建標列戟。渡之北。則石峰迴合。中開一峽。小江自北來。南注洋渡。下流即滙水橋。下合流水也。溯小江入峽。宛轉石山中。北數里。西界山漸拓。平疇中開。獨山村界其中。一石山中立。溪西外為案。又有獨山岩為內案。北面石山愈開。土山自北來。結為城治。其東西兩界石山迴合。



如抱。愈遠愈密。殆天成石郭。蓋西來巨脊。高峙為大明山。分走東走。達蘇坑為南北者。為西界障。又北轉東抵後營。乃中抽土山一支。直南四十里。結三里城。其分支東度者。又南轉環遠為東界障。故周泊蘇坑西地為三里東西腋。正中與城治相值。其處東西最拓。由周泊而南。漸轉漸合。至洋渡西向臨溪。則青獅廟後。崕也。蘇坑南下。亦漸轉漸合。至洋渡東向臨溪。則白崕堡東。崕也。二崕湊於洋渡。為三里城之前門。東西兩溪俱在兩界石山內。土山北自後營盤伏來。兩源遂夾與俱。西界者南至羅墟北。又合一西來水。曲折遶城西。抵石村。併汎塘水。東南出匯水橋下。合東溪。東界水南至琴岩東。又南出琴水橋。合一東來水。曲折抵東南石峰下。又穿流山峽中。乃西出合西溪。二水合而南。滌兩獨山。又南注洋渡東。併大江東去。西北夾即洋渡東北夾為青獅廟後。崕。仙廟山在城西四里。西南石峰之最近城者。石峰中懸三面陡絕。惟從西南坳板崕上。則三里四際盡在目。中昔有村氓登山樵採。遂仙去。故土人廟祀之。



汛塘浮石。在城西五里汛塘中。汛塘者。即仙廟山南塢也。自仙廟山前。西即佛子坳。塢中塘長數里。水漲時。洪流漫衍。巨魚逆流上。土人利之。故障為塘而不畝其地。當塘之中。有石壑一區。上浮如敗荷覆葉。支撐旁偃。中空漏水。一潭遠之。石筴踞其上。去水不及三尺。極蜿蜒分合勢。西北里許。即汛塘村。倚北山下。

汛塘後塢石洞。在城西七里。西山東來。過佛子嶺。分為兩支。一支直東為汛塘村後峰。一支北轉為韋龜山。二山東北。又環成一塢。東以仙廟山為前障。中有支峰對其麓。一洞東向前。隔水內望甚深。中可容千人。所向東峰上。亦有西向洞。高懸欹側。皆翳沉莽中。俱未及登。

韋龜洞。在城西十里韋龜村。西由汛塘踰佛子嶺。北其道近。北由羅壩轉石山嘴而南。道較遠五里。其中群峰環遠。內拓平疇。小水自北趨南。分流石穴去。惟北面石山遠。開亦獨峰中。峙為之標。韋龜山中懸。東南直北向對之。函蓋獨開。山水皆逆捍。洵世外丹邱。



也。數十家倚山北麓。以造楮為業。樓舍纍纍。高下層  
巖石隙。望之欲仙。西即洞門。亦北向。初入甚隘。閣西  
南下數步。透出石隙。忽穹然高蟠。內朗。四際博通。頂  
有懸空穴。天光倒映。正中墮。北向躋石上。乳柱前排。  
環一平臺。可布几席。拾級南下。滙泉碧黛。中用周村  
汲。平臺前。西多森立柱。幢蓋縱橫。文采瑩潤。東則怪  
石磊落。如御如象。交踞不少。遊內復可左右深入。東  
炬由右。西向入。漸下。漸南。岐可半里。又開一壑。開由  
壑梯險上。入甚深。以覓道不得。出復由左。東向入。北

躋半里。轉一竇。返三里。雖岩谷絕盛。固當以是岩冠。  
况岩外村居。又擅桃源谷口之勝乎。  
佛子嶺北岩。在城西七里。汎塘村西。佛子嶺者。石山  
分枝東出。為汎塘仙廟。諸峰嶺界其間。石骨嶙峋。踰  
嶺北下。常龜村西。塢水南流。抵其麓。傾入洞。門北  
向。甚豁。中迴環成潭。水際四壁。時久齊霽。溪涸。入  
無涓流。潭中潞水。特澄深不可測。潭四迴。皆石壁。無  
隙。聞其南隙。伏水下。大潦從北下擊。洞滿不能容。則  
躍出於山南。崖門右穿旁竇。南抵潭東。崖上一石高。



碧潭旁。上懸洞頂不及尺。若鵲橋。坐瞰深潭。橋石下更悠然也。

佛子嶺南岩。門南向。前有石澗。天成若槽。橋橫其上。時澗中無水。即由澗入洞。外高岩層穹側裂。不能宏拓。北入洞。僅受一人。中漸黑。而光潔類琢磨者。入頗深。即北洞洩水道。水盛。北洞中滿。水從下反溢。出激湧勢壯。故洞與澗。皆若磨礪以成云。

佛子嶺西北岩。去佛子嶺西北一里。門東向。常龜村西塢水自北來。又分流一澗。西抵此洞前。穴地墜洞。

乘水上臨。外門危朗。入可三四丈。輒止。洞南又一隙。傾側下。漸黑。轉西南向。無炬出。聞下與水通過。循水西南炬行。即透出後山。乃知此村水墜穴。山透腹。亦與向武百感一轍也。

琴水岩。在城東六里。城水橋北。中支土山。東南盡處也。東溪自北來。環山東。土山既盡。獨露石山一拳。石參差層沓。山南亦有樹。教家洞在村西山半。門南向。初入甚窄。下北進數丈。秉炬踰一隘。西轉。始穹然中。高西透明穴。上垂柱。繽紛。當明處平石澗。三丈。卧洞。



底。可扳憇。躋西穴出。則山之西面也。下山仍轉出山前。騎周玩之。洞前稍下。又東開一洞。門亦南向。村人以為積薪寮。北又開二岩。上下立。上者托重岩。若無徑。下岩多潞水。然亦不能與前通也。

周泊隘。在城東二十五里。東界山石脊也。隘當脊中。南北崇崖高壓。東踰隘即遷江境。其東北石山內為八寨之羅洪洞。東南石山內為馬腸洞。地無民居。皆巨木。

獨山岩。今名砥柱岩。在城南四里。此地有<sup>三</sup>獨山。皆以旁絕附麗得名。一在溪東岬。與東界石山近。一在此山南五里。障溪而東環之。獨此山高。正當中立。與向武瑯岩絕類。省中獨秀。無此峭拔遠達也。岩當山腹。南北透。南北尤高。巔前有巨石。自岩頂分跨而下。界洞門為兩。正門在東。偏門稍西南。皆有古木。虬藤倒掛其上。每輕風搖曳。香翠眩望。岩中合掌起。高數丈。濶一丈五尺。平通山後者五六丈。南北徹眺。衆山無不羅列出。此竅上。飛崖倒覆。又分竅西透。亦北轉通一門。內架閣兩重。土穿圓竅。人下竅行。若透橋出。



又關西向洞一洞四門相通小峰乃出此殊幻惟東面不通而峩外一門東向入深數丈是又分門立戶者。

小獨山岩在城東南五里與砥柱東西夾溪立自砥柱東望似此山偏傍東界自此山西望又似砥柱偏與西界近平中望之西山去東西界各懸絕等也山小於砥柱興銳殊甚極似一浮屠中立下亦通一門石外跨西透小隙上懸峩側時平石為臺上斗絕處有洞南向極深若能階梯上亦異境游砥柱日獨隨一

騎浮江并盡此勝

砥柱岩西峰水岩在城南四里有峰兀突砥柱西高不及砥柱廻列倍之上冒下削其淋漓痕儼若黃熟香片側立南多空裂成門北麓洞北下西峩合掌上並內深杳有光南透若甚崢峸第洞口瀦水溢西峩不能入策馬渡水多亂石不能前堡北峩在城南十二里巨堡北堡南去洋渡僅三里洞門東向深六丈後窪下不能深入獨山村西北水岩在城南八里大道西門東向洞口



危石磊落欹嵌。正倚西山下。中窅然沉黑。竟不得入也。

白崖堡南岩。在城南十六里。由洋渡北。岨西溯江。轉入山塢。得白崖堡。山南北迴合。又成一洞天。洞在南山上。重門北向。高綴萬仞壁。自堡中仰之。即在目眦末。無從着足。崖底石下。挿亦開裂成紋。初板數隙。如升重樓。復出望之。始知去洞猶極遠。土人秉炬前導。仍出山口。循南山東。抵南麓。拾級上。得一門。東南向。為後洞。正對卓筆青獅岩諸峰。洞內東北上躋。甚暗。

更北上益峻。遙見天光中引。愈扳躍以升。得掌大隙。瞰隙外。即闢巨門。則上洞下層也。隙隘不受側身。過祇供俯眺而已。內更上躋。透隘。一洞門岬然北臨。無地。向仰眺莫可及者。今忽窮立其上。此洞最高。前夾崖下陷。假以木橫架。補其闕。即堪托憇。凭挈諸峰也。仍下內隘。再外窺。第二層洞。已置為必不可到。姑以杖從隙中投之。由故道下。抵前。遙見天光處。明炬徧燭。洞北崖下。得一穴。亟引燭蛇行入。中漸高。成峽。數丈。後宛轉東折。又北透數丈。其門北向高裂。巨樹



盤根洞中。偃出洞外為第三層洞。前平石如掌。上下皆危崖。峭懸絕級。上眺層門重疊。出數十仞巔。即上洞與第二層洞也。稍懸平石而東。峽壁間簾樹蟠絡。乃猿接以登。久之。竟歷第二層外洞前。所投杖儼然在。洞深三丈。高五丈。嵌上下兩洞間。獨不中通。必藉外躋始達。倍覺幽峭。

白崖堡南山下洞。在後洞西三百步。門亦東南向。洞外高崖氤氳。內橫分二道。一西南一東北。皆下從窪中入。必以炬。西南者。數丈後輒分西層。下層一井大

穴。由井下墜。即得平峽。西行三丈。又懸峽下墜。得平窪。中峽竅盤錯。乳柱花萼垂。團簇者千萬計。又白乳蓮花一簇。徑大三尺。細瓣攢合。逆懸洞底。根平貼上石懸一線。盤折久之。忽明光一縷。透竅出井口。如前。在前井之南矣。又從上層西南入。中石脊高下屢見。下臨坑窞無底。疑即前所探下層也。深入亦盤互多乳柱。細皆若駢枝。團聚每千百枝。惟後營東洞。乳柱多而大。悉作垂龍舞虬狀。北列皆數十丈云。於是從東北進。不五丈。有北嵌竅兩重。俱淺東向。板崖上。



進漸曲。盤錯亦如西洞。深奧少殺耳。

青御南洞。在城南二十五里。西南與上林分界處。路由洋渡過江。東南四里乃至。其山石峰卓立。洞在山下。開東西二門。東門坦下。門高數丈。濶亦數丈。直透山西者三十丈。平拓脩整。下闢如砥。慢覆其上。間有石柱倒挂。幔下洞西垂。又石柱一隊。外自洞口排列。抵洞後西界。別成長榭。從榭內。矚外洞。如疏楞綺牖。牽幙自蔽。西門特崇峻。下巨石盤疊為臺。上忽中盤高穹。從臺內眺。已不見前洞頂。祇覺四面層繞。皆雲

氣嘘鬱。時有竅穴。絢連空懸。無上處。外眺則西南三岐卓筆。諸詭岫正近。當洞門設之。供由臺北下。奧窟中。復開平洞一圍。外峙巨石為障。下透中虛。若橋之度空。從此秉炬。北入東轉。穴大而易窮。東從脇隘直入。計其止處。當不下十五丈。已踰外洞半。此下洞最奧處也。出坐臺上。仰視上層。真一登不可得。忽見北光墮影。知其外通。陸公令健捷者從山外。扳崖索之。久之。其人已穿入其上。呼曰。速携炬來。尚可深入。予從之。乃從西門下。循山麓。轉出山北。南向扳崖躋山。



半有門北向。穿石竇入。俯見諸君酌臺上。其上石砥平度。石端懸空處。復有石柱外列。分牕界外戶。故自下望之。綴竇不一。內竇旁通也。於是秉炬東入。愈深。窅中闕幾二十丈。東窮西北轉。得一竇。扳而北上。忽倒影遙徹。有峽縱橫駢沓。東北峽一穴高懸。僅納雲日光。道絕升降。更披西北峽上透。得一北向門。愈高。吐納嵐烟。其北峽上有餘奧。然所入已不甚遙。乃由其門出。欲緣石覓磴下。皆削立壁。復從洞中故道。降至懸臺下瞰處。諸君自下呼噪。人皆以為仙也。

青獅北洞。在青獅潭北岸。青獅潭者。即洋渡下流也。江潭深滙。為群魚巢窟。乃叅府禁沼。罟網所不敢入者。北岨亦多穹門。與南洞隔江對。予雨中過此。不及旁搜。又西為青獅廟。危峰西南來。抵水盡。江至此合流而東。峰截其灣。愈見岬嶮。廟倚山下。遂極幽焉。後營東山洞。在城北四十里。即後營東界石山西麓也。去後營四里。中又界小山一重。山岫中斷處。有共峰在前。亦曰獨山。則其西護也。直抵東山下。小石峰一枝西附起。遙見當峰半一門。西向高懸。則西洞後。



穿別竅。正門尚在南脇間。有兩門東西列。皆南向。先  
從西一門入。中平朗若皇堂。石柱後列。從其東轉出。  
柱後下墜小穴。上則垂乳窈窕。圓成龕。紋極玲瓏。纖  
幻龕中圓且峻。貯水一池。沉映崖壁。光影上照。紺碧  
奪目。穿西隙而入。又闢後室。高整與前堂無異。門西  
向。下臨絕壁。即前從塢中遙見高懸者。既乃列炬從  
東洞門入。門外隘中窞入數丈。輒巨乳夭矯垂空下。  
繽紛不一。底甚平。岐而西。峽東隙。皆不數丈。盡惟直  
北。踰乳隙進。內復寬。稍東折。過方石中橫。從石東北  
轉。石披高下。笋乳參差立。予悞穿東南腋。仍下方石  
邊。聞此洞內透甚。遐行至半日。一大溪中貫。上有空  
明倒影。飛梁渡溪。直出遷江云。予欲挽炬復入。從者  
恐炬不給。強余出。計所入未及十之一也。瑰巖已壓  
諸岩矣。

三層閣在叅府廳事東。陸公所新構。長松迴蔭。群峰  
四合。松風亭在署後土山嶺。松陰山色。遙接城埤。月  
夜尤佳絕。予下榻層閣。幾至忘行。陸公餞予於松風  
亭。沉醉月中。故以終記。



三里週迴石峰。中當土山盡處。風氣含和。獨盛於此。土膏腴懿。生物茁茂。非他處可及。叅府四圍。喬松百餘枝。高刺霄。大可三人抱。余疑數百年物。考之碑記。植於隆慶初。建帥府時。栽踰六十年。其巨如此。為良區。異壤可知。所藝禾穡。特大。恒種一郭。長倍之。性柔嘉。亦異。庶土所植。鳴大者。重七十兩。方體。粵西。鯽魚甚艱。長僅寸。此地有至尺者。木棉樹。再高。巨。粵西隨處有之。此中尤多。春時花大如木筆。紅色燦然。時有數禽群咏。四面繞之。竹皆中寔。外多刺叢。生最大。如

吾地。虛中間有之。然無巨者。

予以二十<sub>二</sub>日下午抵三里。二十四乃入謁陸公。為下棍東閣。自後多雨無霽者。二十八稍霽。陸公特同予游常龜岩。後復雨。至十<sub>一</sub>年正月十三。始游西獨山岩。十五雨中往游周泊隘。晚酌南樓。觀龍燈甚盛。二十七同陸公乃孫伯恒游白崖堡岩洞。二十八陸公昆仲至。同游青獅岩。既乃觀打魚江潭。抵暮歸。卧疴重閣者數日。

二月初三。雨中復往青獅潭觀打魚。先是張揮使謂



青獅岩南雞籠山。亦有大岩。故陸公以騎送予。命張同往。張謂雨中不可入。固阻予。仍冒雨歸。自後予辭陸公行。陸公擇十三日為期。至是日始治裝。凡留三里者五十日。

十三日午後出東門。渡琴水橋。共六里。北向入山。皆東石西土。凡三十三里。抵後營。在西畔土山頂。十四日東游東岩。出飯於後營。下山北行。兩界山仍石山西土。小水南流。兩山中。經後營南。西南墜壑去。即琴水橋上流也。北八里土脊自西而南。橫屬兩界中。

介翁云八寨為王陽明所創。安靖數十年。然根株未盡。駸乎復肆矣。揚鶴有言。治南爨治之以必治。假令稍有跋扈。即有以懲之。至決不至濫觴不可救也。安得視膏腴為細事而聽其踞耶。

為南北分水脊。南入洋渡。北入羅木渡焉。自此而北。昔皆三里民居。今為八寨賊踞。北二十二里為橋蓋村。又十二里為周安鎮。也者并西南古鵬。北蘇吉。總為二鎮。界八寨中者也。今古鵬已廢。周安僅教家倚溪西。溪東膏腴俱為賊踞。不得成鎮矣。十五日隨大溪西。岍北行。石峰西突。路左峰四面多開竅穴。中空。第高莫能上。北又有荔枝岩。深黑。須炬入。聞中有荔枝。益於是。東西界皆石峰。無復土山。中間先北涉一小水。又北涉一澗。水皆東向入大溪。共四



里。小峰當塢立。嵌空多穴。乃下流鎮山。亦如三里之  
獨山。但南北易位耳。又六里抵蘇吉鎮。復與土山遇。  
又十八里。一江西自萬峰石峽來。破隘出。東復破萬  
峰入峽。則都泥江也。剡木小舟二以渡。江濶與太平  
左江。隆安右江。畧相似。而岨甚峻。江嵌深崖間。所謂  
北盤江也。土人云。自利州那地至此。北渡江。飯羅木  
堡。屬慶遠府賓州慶遠分南北。以此江界。堡北有  
小江。南入都泥。溯小江三十里。抵高陽站。西石峰  
後。即徭窟。其西有夷江。即羅木渡上流也。

十六。北二十里。東西兩界俱石山。西界石山突東出。  
曰橫山。乃忻城懸宋定司分界處。綠山嘴盤崖北轉。  
密樹蒙蔽磊石上。下莫可窺眺。偶瞰路下石潭淵。  
沉仰見雲障排空。高下隱現。令人愴恍。二十里至永  
定司。又西北十六里。踰石山門。西望擴然。則永順司  
接境。南即石峰叢合。皆徭窟。北踰石山西麓。升降土  
阜。上多迴環中窪。如塘如井。俯不見底。水由地行。此  
其中陸處。一如太平府所見。北七里。歇東峰麓草塘  
村。



十七<sup>a</sup>北三里抵慶遠府之南門。

西南游日記八

刊本接十七日下另行寫

慶遠郡城在龍江南。龍江西自懷遠鎮北。憑空山透石穴出。循北界石山而東。流水殺羅木渡。西岬森石嶙峋。過之。江北石峰聳立曰北山。中為會仙。東為青鳥。西為宜山。又西為天門拜相山。即憑京祖墓。皆憑臨江北。中復開塢。北趨天河者也。江南即城。南五里。石山一枝。自西而東曰南山。中為龍隱洞山。東為屏山。西為火號山。又西為九龍山。皆蜿蜒郡南為來脉。



西竺寺。在郡城西門外。殿宏壯。為粵西所僅見。南為香山寺。前平地湧石環列。為門為峽。為峰為障。甚微而幻。且小峰頂每有巨樹箕踞。其根籠絡。與石為一。幹盤曲下覆。極似蘓閣盆玩。寺西一池。中亦有石。池西北為黃文節祠。後有臥龍石。前有龍溪西流焉。龍隱岩。在郡城南五里。石峰東隅迴環北轉之處也。前三門俱西向。後通山背。亦有三門。俱東南向。其中上下縱橫。無不貫串。今中道交通處。以巨石窒穴。洞遂分而為兩。北偏一門最高敞。前有佛宇。南偏二門。

北門字宜另行寫

在山腋間。其中門已無路。予先後南門入。北透暗穴。反從上層下眺得之。無從下。仍出南門。板搜到其處。再携炬入。遂盡其奧。曲北門。西向高穹。前列佛宇三楹。入數丈洞稍隘。偏南遂昏昧。秉炬直東入。又數丈。有技在南崖上。扳木梯以登。南向入一窟。下陷如穿。橫木板以渡。又南。西壁下紋一綫。緣崖根臥。鱗脊蜿蜒。似龍形隱起。又南數丈。踰隘。俯石級下墜。下層穴亦開南北塢。南透則與中門內穴通。已為巨石隔斷。遂北透。度二隘。仰其上。即橫板上渡處。再北塢隘。且



窮遂從橫板竅板空上。仍北下木梯直東入。又踰一隘。有岐亦南去。從之。漸見前竅。流光燁敬終年。已透山得後門矣。行數丈。抵後門。東南向。下瞰平疇。山麓溪一支。環而北透其腋。前復有石山。遶為塢。別成一洞天。仍北。迂分岐處。直東入數丈。遇巨石中踞。由北隙側身入。一智井。平空下陷。大三四丈。深如之。懸梯投炬。令一人垂索下。兩人從上。援索以繫梯。其人既下。予隨之。東南入一竅。中復有下墜穴。極深隘。一飛鼠驚竄上。從其西南板崖上。崖內亦智井。空陷。燭之不

見底。循其上西南入。穴窮。乃依故徑。直西出前門。南門在北。洞南二百步。山腋間。俗謂之雙門洞。東向上。輒橫裂分南北。南向忽明。透山腹。數丈出後門。亦後洞最高者。北向內分兩岐。一北。一東北。予先從直北者。透腋平入。下伏深窟。循其上。若履棧道。數丈北抵透明處。中門西關在五丈下。此則中門上層也。前列柱垂楞。飛崖下懸。與下洞相隔。隙間俯窺下洞。前明敞。不啻堂皇也。上層踰隘。北轉昏黑。不能入。乃出南門。索炬於此岩。復入。至分岐東北處。踰石垣下。內



寬宏窈窕。數轉約二十丈。透出東門。則後洞中門也。門內五丈。有岐東去。轉西南不十丈。輒窮。中門在南。南門北數十步。與南門祇隔一崖。上下懸絕。叢箐翳之。湏下而復上。搜剔久之。乃得門。秉炬東行。其後壁頂即南來上層也。從其下入峽。窮扳而上。南即上層北轉處。向所瞰昏黑。不能下者。今援側扳可通焉。東直進。又五六丈穿穴下。為大石所窒塞。即此洞交通中斷處也。大抵北洞後通之門一。南洞後通之門二。中洞則南通南洞上層北通北洞與窻。是山東西南三面無不貫達。惟北山不通。而頂有蚺蛇洞。另闢一境云。

蚺蛇洞在龍隱山北絕頂。遵山東北麓一里。溪水從兩山峽中。破壁西北來。漱空倒影。自成一壑。渡水共一里。扳崖南上。兩崖如削。瓜突石累。綠之躋。佳木叢簾。蒙密搖颺。上一里。洞門穹然。北向。正與郡城對。前有土山。障溪西北去。環麓成塢。門之中。石柱玲瓏。疊綴。前浮一臺。東闢洞空朗。多外透竇。東崖窮。南轉始昏黑。湏炬入。數丈。無復旁竅。乃出。仰眺東崖上。復



有重龕。板崖上躋。則外龕甚巨。內龕重綴其上。坐內龕前對外龕。北竇一圓。恰當其中。炤若明鏡。盧僧洞在龍隱北洞旁。北數十步即是。門亦西向。最隘。中開一室。東北板隙上。又得一小室。其東北與垂蓋上圓。下聳圓。笋若人之首。即指以為盧僧者也。九龍潭在郡城西南五里。平岡上有潭一泓。深杳無底。水常溢流成溪。九龍洞石山在其南。山北有岩北。向前立石屏。由西隙入。內闢巨室。不甚高。後復有石柱一圓。當洞之中。秉炬南入。又得一室。南漸隘。乃出岩西下。又有一南入峽。甚深隘。秉炬深十餘丈而止。底多石。九色黃。不及向武瑩白。東下又一巖壁。橫拓平廣。去岩東北四里。石障排列。自西而東。如棟屏。直止於香山寺前。俗稱為鐵索繫孤舟云。又一里。迤香山寺。僧謂九龍洞甚深。須易數炬。此洞猶丹霞墓。非九龍岩也。

會仙山在龍江北。南面正臨郡城。渡江半里。即抵麓。山盤嵯峻。疊。東西南俱無可上。惟北山腋。栽受級道。從西麓北向行。抵山西北隅。乃東躋第一層。南岐為



百子岩第二層南岐為雪花洞。岐而北為百丈深井岩。直東上嶺脊。南轉為絕頂。此會仙西北面勝也。東麓北向上者。直抵絕壁下。最東北隅為丹流閣。西循崖為東觀。以次漸西。為白龍洞。為中觀。為西觀。此會仙東南面勝也。百子岩在會仙山西。西崖半。門西向。入下門三丈餘。梯空上。復疊為洞。前門復出。下門上。洞雖不邃峻。而是山石質皆青黝。洞石獨赭。南又一洞。與上洞並。復青石為異。雪花洞在會仙山西。西崖。乃百子上絕頂側洞。西北向前。結菴奉大士。菴後秉炬

乃入門。少不宏。漸進。愈崇拓。皆石柱石門。宛轉數曲。內復狹。下石始嶮。不復平底。越一小潭。南轉境遂窮。夜宿洞側。臺巔三面斗臨。絕壑灑氣上接。冲穆萬象。絕頂中懸。霄漢江流如帶。橫於下。東界青烏山。西界天門。拜相山。俱自北而南。左右翼對。宜山則近。伏西腋。以其<sup>早</sup>小宜民。則此山巖。歷衆可知矣。峰頂有元帝殿。頗巨。無棲者。深井在絕頂北。平雪花洞列道。由二天門東北行。忽山頂中陷。下週圍大數十丈。深且百丈。四面皆斬削下嵌。密樹古簾。垂結相虧蔽。俯



不見底。獨南面石崖。自山頂直剖下。有洞北向。高  
穹上及崖半。中特平遠。反可敬矚。以洞崖削無片隙。  
樹莫能緣也。崖西北峰頭橫突石窻中。踞之。正對洞  
門。傍又有一棋枰石可憇。余晚停杖雪花洞。至橫突  
石上。心目俱動。僧謂洞直通山南。窻江底。出南出。恐  
未必然也。中觀在會仙山南崖下。緣石坡上。至此則  
危崖削立。洞南向。洞東三百步。得白龍岩。在中觀  
東危崖下。洞南向。入門即西行。秉炬漸轉西北。入愈  
崇放。二十丈內。石柱中懸撐洞頂。殊極偉麗。後有巨

石中亘。四旁愈擴。窻隙入。石柱益繁立。北數丈度隘。  
又數丈。石壁忽湧起。如蓮下垂。下絕無旁竇。上復深  
昧。去平地三四丈。不得級。乃出至懸柱處。又東上一  
岐。入數丈。石柱夾而成門。踰門東下。漸北轉。恐火炬  
不給。惜未竟而返。東觀在白龍洞東北二百步。窻岩  
覆空。門南向。西復有東向洞。崇峻崆峒。西入數丈。忽  
深坑下墜。上嵌危石。北轉益宏深。蓋下陷窟。透石北  
轉於下。洞上穹。亦凌石北轉。中皆欹嵌。石橫跨側。偃  
彼此間阻。故無深入道。第一望窻黑而已。是洞乃白



龍後洞。前洞東岐未竟處。可通此出云。丹霞閣在東  
觀東北二百步。危崖至此。又一折矣。閣西有洞。門  
東向。甚高。洞西入亦數十丈。即隘。無深入處。閣崖嶺  
巔。墜北路。盡在此。西觀在中。觀西三百步。危崖上。  
下皆石壁懸亘。後有洞亦洞南向。予至中觀。仰眺不  
見洞。遂東折。既下山麓。迴睇見之。不及復往矣。聞會  
仙山西南層崖上。又有仙姑岩。由西南山麓扳躋上。  
當在西觀上層。雪花百子岩南崖。無正道也。  
多靈山最高聳。其上四時皆春。瑤花仙果。不絕於樹。

登其巔。四望無與障者。山在慶遠西南九十里。永順  
司鄧宗勝之境。乃龍江西南。都泥江東北。二江中分  
脊處也。

予以十一年二月十七抵慶遠郡。稅駕香山寺。日方  
午。乃抵南山。游龍隱護門洞。諸勝。即宿龍隱菴。  
十谷。由山北登蝥蛇洞。既下。循南山北。西行二里半。  
穿山腋南出。循山南。又西一里半。過龍潭。又西一里。  
渡龍潭所北。出小溪。南入丹霞墓洞。遂渡龍江北。循  
會仙岩西麓。東上山。共三里。游雪花洞。又一里。登絕



頂下宿雪花洞。

十九探深井岩。從雪花東坳下。游百子岩。下山二里。至臥雲閣。携火游中觀。東觀丹流閣。白龍洞。下午還香山寺。

二十日。坐雨寺中。

二十六早晴。同僧慧菴往九龍。西南五里。越北流溪。繞丹霞墓洞東麓。南三百步。迴眺丹霞墓山。峰頂有東向岩。玲幻極。無可登道。又東南三百步。抵東峰北麓。路旁皆水坑。流貫路行其上。若橋。西有巨楓樹。一

株。下為九龍祠。九龍潭在祠南石崖下。水從中北向。經路旁水坑出。丹霞墓洞前平岡潭。乃其下流也。九龍洞山在郡城西南五里。丹霞墓東南山。從丹霞墓山後。繞而東。其北崖有洞。下即深潭。嵌石壁中。一石中橫。東西界潭為西潭。南石壁高數丈。下挿潭底。潭多巨魚。然水際無穴。從入通流處。當沉伏水底。洞高懸潭上。三丈餘。門北向。頗隘。入乃高穹。峽南進。秉炬直入十餘丈。東轉。下雖平。石級屈曲湧起。中環停滯。成仙田。東二丈。忽深坑下陷。由坑上南崖。樞倭出。



坑之東。下平。仙田每：如西。但其上覆石壓乳。人不能舉首。僅披隙透。稍南北分岐。逼仄愈難入。仍西出坑。崕上。投炬締視坑中。下深三丈餘。復開洞東西透。西洞直入與上峽等。東則橫拓空濶。坑南崕。平覆如棧。惟北則自上直插坑底。坑裂竅。南北濶二丈。東西長三丈。洞頂懸柱倒蓮。恰下貫坑中。色瑩潔逾衆乳。俯窺久之。恨無梯索得竟與底也。東三百步。又有岩北向。深十餘丈。在東峰崕過脊處。其九龍西峰高懸洞。在丹霞墓山之東頂。無路上重崕。綴石逆扳。雖險。

然石鋸競裂。似可援手以發足。乃凌空上躍者數層。後其北得一岩。門東向前隘峻極。中通一線。可尺許。曲折入三丈。內忽穹開。西南轉遂黑暗。中又轉入一小室。似無餘隙。乃出。然非高懸洞也。高懸洞尚在南畔絕崕上。虧蔽不能仰見。稍降轉崕下。扳隙以升。岩亦東向。然無門環迴。前列高十丈。覆空若垂天之雲。內壁後層削起。上嵌赭石一區。尤瑩幻。連開二門。累上。上齊雲氣。惜無十丈梯。凌空上也。下山五里。返香山寺。



二十七渡北門大江。登北岬觀音閣。前為澄碧菴。皆江。岬危石。飛突洪流。就之結廬者。又北一里。過雪花洞。下又三里。循西山轉入西塢。北界皆石峰。崔嵬。南則土山間之。中有土岡。南北屬。踰岡西下。三門岩在北。岬之中。乃北抵山下。拾級上。先抵岩東。則石隙縱橫。駢沓。皆可深入。前有徑。循岬端而西。其岩中闊。高二丈五尺。深如之。橫拓四丈餘。外列三石。界門為四。俱南向。惟中門最巨。東腋一門。頗卑伏。稱三門者。舉其大也。西門岬壁。莫能前。其上石態更奇。東門穿隙。

出。即與東偏縱橫隙。並出岩東。披縱橫隙。亦宛轉三四丈。始闢而大。踰闕東上。前穴通明。另成一境。乃岩外。奧室也。透前穴出。石高擎穴前。平齊臺。東又有宛轉小隙。瓣萼連簇。紛披無不畢達。臺前小隙下。即前循岬端而西。徑復從岬端東。轉石山嘴。稍入有洞。內關亦南向。深數丈。致幽美。乃出舊道東。近三百步。北望山坳間。岩高懸絕。峽上。輒北向。扳岬以登。東入岩。岩前皆棕竹。巖中洞當轉峽側。上下懸削。門西南向。入五六丈。遙望西南銳峰。一線直上。列洞兩旁。石



壁廉利。沓合洞後透石門入。凡三關三合。中連下透。俱若浮橋架空。思躋其上。竟不得受踵處。及已穿。出三橋。中轉寬黑。從左壁摸索上。扳東崖。南出三四丈。凌內梁之東。梁背刀削起。趾不得着。梁西亦峻。石柱頂。隔別不容西渡。又南緣東崖。凌中梁。不可渡。如前。益南凌前。岨之東。梁背平整。架兩岨間。又圓石尺許。聳立上。遂平行西渡。梁北轉入峽門。即內二梁西端。石所界成者。峽內東豁。即下通梁後西剗。又透入一穴。中皆為龕。為門。為峽。細沙鋪底。平潔如玉。但暗東

不能窮深。即返至前梁。西岨半。扳石筍南下。穿石窟。出。抵洞中央矣。出洞。取棕竹數枝。東可百步。一洞裂。削岨間。如丁字。上橫下豎。門南向。乃北抵岨下。石峽間。纍數巨石上。最上一石。高削數丈。無級。下有斗大穴。蛇穿以入。中遂穹然。上高數十丈。外透起。則丁字。豎立裂也。洞內夾壁入底。傾下。北進七八丈。東折。始昏昧不可詰。出洞。下累石。循岨東數十步。又入巨峽。門亦南向。北進五六丈。東折入。黑暗中忽有光如星。在履底。近索之。復不見。益東二三丈。石板盡處。復燁。



燁微光動。近視之。一外界石如屏。中細孔僅寸。屈曲透漏不一。下亦有斗大穴可墜。乃懸手下。抵下層外。亦開門南向。門內巨石屏。僅二丈。屏下又橫竅。內通。即前所望履底有光處。門外循崖東數丈。又得一南向岩。內不深。後壁竅特石竅玲透。岩前崖磴懸絕。不能東。仍西歷前所入洞口。下至山麓東百步。又一洞南向。當北麓穿入之。則東轉透峽五六丈。出門又東豁者也。聞古城洞在青烏山前。東門渡江三里可至。石壁對夾。中多種蔬者。時日已暮。恐渡舟晚不及。

濟。返由故道。渡龍江。抵香山寺。街鼓發矣。

二十八日。為多靈山游。西南十五里。踰土嶺。復與石山遇。又三里。南穿其峽。西循石峰南麓行。二里為黃窰村。西石峰前突。曰黃窰山。西二十里。南渡下遷江。共七里。出土山隘。於是塢在南北豁。東西兩界皆石。山中有溪北流去。南湖流三里。宿黃村道人茅中。二十九日。黃村南三里。峰迴塢夾。藤蘿虧蔽。山窮水盡處。蒙密中不知水從何出。但聞潺湲。有聲來自足底耳。從此躡級西上。踰坳共一里。抵都田隘。溪自西南。



來抵坳窟下穿穴東出。即黃村上流也。南八里抵大  
歇嶺。始見多靈山峰如筆架。高懸西南二十里外。下  
嶺又三里。西由塢中入石山夾。漸轉西北行。為永順  
境地。宵絕無人居。石峰離立。色青白成紋。態鬱紆若  
鏤刻。五里路右一崖。扉啟門皆南向。東洞在麓。可穿  
竅東出。西洞。面扳石始達。門後透腋北入。凌竇隙以  
上。轉南出。已在洞門上層矣。下石板砥平。薄逾葉。踐  
之。殼逢。南有穴。下俯洞門。猶層樓通牖。但自外望。  
不覺上洞中虛也。結構絕似會仙百岩。勝當十倍之。  
南下山。西北二里。北山麓。石崖下覆。橫亘如行廊。南  
一里。路漸降。北望石峰頂。岩穹然東南向。內微透明  
穴。乃石梁飛架峰頭者。下至壑。是南轉始與溪遇。凡  
兩溪。渡此溪。南五里。直抵多靈北麓。路左一土山。自  
多靈天矯下墜。從其南前轉。西南行一里。下土山。渡  
溪。其溪自南來。乃多靈以西。石山村以東。夾成之者。  
抵石山村。東北山環壑。盡搗入石穴。過溪。北抵山麓。  
是為石山村。乃飯一老人家。望多靈。正當其南。問其  
上。有廬無居者。遂借鍋于老人。老人携火曳杖前導。



仍渡溪。東南上土山。共二里。越岡得塢。與多靈接阪。老人指予登山道。別去。始踐土麓。東南上。轉東北行。二里。遇土峽。最峻。扳之上。抵石崖下。崖削立。叢木中。得石磴。忽聞犬聲。以為絕巘。幸有人。久之不見。但竹。捆駢置道旁。蓋他村竊竹者。聞人至。避去耳。於是扳。磴上。磴為墮葉覆積。幾不得級。磴旁壽枋。大至三人。抱者甚衆。上一里。得坪。菴倚之。北向。竹匡木几。洒掃。具悉給。二桶尚存。斗米第苔封古灶。人去已久。菴側。斷積薪竹。炊具甚贍。而水不可得。菴兩旁俱無汲水。

道。惟東北路倚草伏。樹循崖甚遠。予從之。半里。果得。泉。蓋山頂皆懸崖。綴石。獨此腋。衆木合翳。水自崖石。墜溜不絕。昔人鑿痕。接竹引之。以通流。供酌。乃携水。返菴。令從人。浙米炊。余西南入叢籜中。覓登頂道。初。小有路痕。乃竊筍者所踐。竹盡。上皆巨茅。沒髻頂。披。之不開隙。里許。踰一西走脊。西又旁起一峰。下不。能見。至是始陟之。循脊東上。又一里。踰一南走脊。南亦旁起一峰。此兩峰即大歇嶺所望合中峰。為筆。架者。於是又循脊北上。石崖峻。垂扳石隙。乃得移步。



春

直北上一里。凌絕頂。孤懸衆石山上。南北逾一丈。東西五丈。惟南面可躋。餘三面皆嵌空不受。此頂之北。有嵯自頂平剖。直墜至菴前石磴下。巨木叢列。翳不可窺。惟遙望四圍。重疊矗。盛列。南壑下層坑。隔坂。時見有水汪洋。蓋都泥一曲也。土人謂此山四時皆春。花菓佳珍。林無素木。然但可採食。懷之輒復迷道。若余所見者。引泉覆石之上。有葉如秋海棠。大倍之。花如秋海棠者。色獨白。不知何種。山頂巨木。皆薔薇綠枝綴花。殷紅鮮耀。又有酸草。莖大逾指。正赤作

珊瑚色。眺望久之。仍由故道返菴。食所炊粥。積薪佛座前。為長明燈。乃架匾展簾臥。

三月初一日。晨至石山村。覓勝後山。仰見石嵯最高處。洞門穹懸。依小徑抵西峽。以為將扳嵯上躋。碩乃穿腋下。北踰隘。東峰峭立。西嵯多懸竅。然蘿蔓沓叢。無可躋。北隨峽出。又通別塢。不能窮。仍轉出村前。東索溪水所由入。則洞穴伏山坳下。門南向。溪流瀉入之。洞高濶各二丈。深四丈。水至後壁。旁分二門入。昏黑莫可進。洞前石柱當其右。穿柱入。下有石坡尺許。傍



流渡入。不煩涉水。柱內西登隙。上復闢一龕。底平上  
穹。亦石柱前列。與水洞並向。出洞還飯老人家。東北  
抵黃村菴前。道人瀹茶煮笋以待。乃取所摘多靈山  
頂芽茶。潔釜焙之。當吾鄉陽羨最佳茗。香色都無下  
意。

初二日。別道人北渡下遷江。東上高四山。南阪踰兩土  
岡。下塢有塘一方。潏水甚清。西北石峰下破澗去。叢  
木翳之甚遙。又東踰岡。巨塘滙陂間。北墜下分為兩  
流。一北入山穴。一東循山嘴。環流黃窰村前。抵村詢

觀岩道。須東經草峽。北出峽口。西轉循山之陰。可  
得岩。從之。遂東。甫出村。北望崖壁半。穹開洞門。東向  
高迥。不及板。二里半。北入草峽。又東北一里。踰石脊  
西轉。即黃窰諸峰石山之陰也。山排列西北去。北盡  
于獨山。而觀岩在其中。循山東麓西北行。凡三里。西  
南折。至其下。則危崖上覆。下有深潭。水潏其中。不見  
所出。惟從岩北隅。瀉入巨門。中宵黑。水聲甚沸。蓋水  
自山南來。溢底出。潏為此潭。即黃窰西巨塘分流入  
山穴者也。乃一出。輒復北入穴。尤異。覆岩之上。垂柱



懸旌紛紜歷亂。後壁石脚直逆挿潭中。上迴旋龕竇。嵌漏不一。俱隔潭不能至。潭東北嵯間。神祠倚之。祠後即潭水北入石門處。門南向甚高。中望崆峒。疑浮筏可進。從神祠東北出平疇。有北趨道。欲從之入郡。既乃愈北。始知獨山懷遠道也。忽見西山下潭淵然。直逼石嵯。南開穴。則前北向入門。水又透此出也。計所穿山腹中。亦不甚遙。若溯流入。當可抵水鼓甚沸處。乃東轉半里。前潭水散為平溪。滌村南東去。又東北八里。得一郡大道。又五里。路西旁多背井墜穴。

與太平一轍。於是聞水鼓聲。石壑或斷或連。水走其底。俯瞰底水。所墜不一道。皆不甚巨。東二里。踰岡下水。走石壑底。復如前。又三里。抵香山寺宿焉。嗣是予欲西由南丹州入黔。日候騎郡中。至初九。卒不得騎。予決為步行計。

初十日。晨飯香山寺。別慧菴。西取南丹道去。二十里有山中峙。兩界石山間。曰獨山。其峭孤聳。亦獨秀流亞。又西北十里。泉一泓。止石窟中。色澄碧。西一岩北向。前大石屏。峙門洞深五丈。後壁皆若蓮花。葉蓋層綴。



二里為大峒堡。大洞在南山背。堡後南入峽。尚三四里。始至洞。曰天門洞云。自堡北望之。南峰環迴如玦。入至堡後。又類蓮瓣自裂。可披隙進也。過堡十里。江流自南而北。江濶半慶遠。乃懷遠鎮南江也。江自荔枝縣來。至河池州東境。為金城江。又南合思恩縣東江。南抵永順司北境。入山穴中。暗伏屈曲數里。東出於恭順里。又東北過此。遂北與北江合。龍江焉。渡江西岬。即為懷遠鎮。北有北江。自思恩縣總州來。舟溯南江。至懷遠止。北江通小舟。可四日直達總州。

十百。西北四十五里。抵德勝鎮。

十四。由鎮北抵北山下。半里抵觀音菴。在一洞南。向倚山楸。高五丈。後有石柱中屏。穿東西隙。俱可入。乃東炬從東隙。北進數丈。洞遂高拓。多擎天柱。諸詭勝。東折數丈。北面光熠。自上倒影。以為從此出洞也。及東去。尚有道。更張炬覓之。又五丈止。仍北出望。明光趨之。則懸石巉岨。光上透如衆月。並升。予將扳石登企。忽平峽繞其左而轉。遂透出一北向門。又在。前所望通明下也。出洞。扳叢崖南躋。石藞攢。正過。



通明上穴。南向凌山頂。登玉皇閣稍憇。下山折磴石  
崖間。凡數曲下。出過前洞。南去德勝又半里。抵常家  
山。從山西麓扳級登。崖懸峽轉。樹倒垂其上。類若乘  
空。上有別柯。從岩門橫架巨樹杪。合為一。橫架處枝  
體穿漏。剝空穴竅。工最雕鏤。岩門在上下削。崖間門  
西向。前對樹杪。就隘為門。旁即觀音閣。左右皆  
可入。洞不十丈。輒止。大約以凭虛勝。無中通寄竇也。  
北返德勝鎮西二里。岐而南。渡一小溪。平原中亂石  
叢簇。分裂不一。中潏水一泓。澄無片草。石頂名跨樹

盤絡如香山寺。石片更稠合。間以潭渚尤奇。潭西一  
石峽。下與潭通。南一石獨高。巨僧結茅於上。曰蓮花  
菴。門就石隙。東西北俱小。流環之地較香山幽麗特  
絕。仍北出大道。又一里入河池所。

十四為北山游。出所城北門。行平壑。不半里。亂石秀  
立。路隅為門。為標。為屏。為梁。為芝。為筍。奇美博出。倍  
巧於蓮花菴。香山寺者。又北向陟山。危磴倚雲。崖曲  
折。上一里抵菴。之西凌削。崖去上下皆絕壁。菴無  
他奇。惟臨深。凭遠。昇眺清曠。耳下山至所城東北。入



壽山寺。亂石一區。水縱橫。滙其中。石巔構廬三四處。高下散布。西渡橋。遇側石一隊。亦南北列。上下有穴如門。穿而西。一菴北向。前滙為塘。石所擁成者。菴後聳石獨高。憇久之。返所城。

十吾。西南二十三里。宿於馬草堂北村。

十六日。西南五里。一江自北而南。深嵌危崖間。所謂東江也。西渡江。濶數丈。深不測。再南下數里。即與金城江合。入石穴中。云西十五里。又一江自北而南。濶十丈。深與東江並。乃自荔波來者。是為金城渡。北

西岬有水懸崖。平瀉三丈。聲轟如雷。東注大江。則官村南來水也。渡江西十四里。宿鬼岩村。

十七日。西北三十三里。入河池州。

十八日。西十六里。為南丹境。又三十里。宿岩田村。

十九日。西十里。水自東北注西南。深不及膝。濶五丈。是為大江源。發西北山壑中。南流東轉。至永順界。合東江。下流者也。渡江又十里。至金村。其地西往錫坑止。十五里。四北去南丹州五十里。二十日。西北三里。搗底水小。自南而北。大道南隨之。錫



坑道也。從之北二里。遂轉為東西塢。大溪自西來。即南出為大江者。於是西溯大溪二十五里。為大徐村。又溯流四里。抵西山。下北轉一里。涉水上西山。望北塢山環壑盡。瀑流從山腋乘空下。高及千尺。粵西皆石山林立。故懸水最艱。今於夷壤得覩此。亦汗漫中一竒觀也。西上一里。瞻顧不能釋。又十三里。稅駕南丹州逆旅。南丹西三日程。抵巴鵝。西即泗城州界。錫銀二廠。在南丹東南四十里。其廠有三。曰新州。屬南丹。曰高峯。屬河池州。曰中坑。屬那地州。三地相間。僅

一二里。由廠南兩日程。至峴洞。有大江自西而東。為那地東蘭二州界。其渡處名河水渡。即都泥江也。上流來自泗城界。下流東歷永順土司。北五里下石堰。為羅木渡。

二十四日。候夫南丹者數日。始行。西北四里。石峰復出。溯峽西入三里。一石中立山峽。高銳殊絕。兩旁危障隘夾。益覺崢嶸。又三里。西出夾山關。數家倚北峰下。後削峴如屏。前接新篁。密箐路行峰竹中。忽北山麓石崖飛架。小水西來。直漱峴足。下北入石洞中。洞南



向在架石東危崖下。又西北二十里止蠟北村。  
二十五北竟村峒四里。有洞在中小山坑中。門東南  
向外甚敞。中壁屏立。又關內門。沉不可測。路由東  
山上。隔塢行對望之。藤蘿掩蔽。中有水潺。出洞門。  
成澗南流去。又西北二十七里抵飄渺村。

二十六西六里北轉。山開東西。西界東界山自東突  
西。凡五六峰。西面悉平。剖下墜。排列而北。若五老西  
向澗。由中北向去。北六里東界突山既盡。塢大開。東  
望一尖峰迥立。中空如合掌。懸架衆峰間。空明下透。

合處僅湊。徒扛千尺白雲。正東映危峰。脇可借香爐  
瀑雪。不復辨為山為雲也。自桂林來。所見穿山甚衆。  
雖高下各奮。若此刻開微雲者。得未曾有。又北十二  
里抵銀村。

二十七北五里為岵歹村。乃丹州極北哨。由此西去  
兩日程。曰羅猴。為泗城東北境。都泥上流所經也。岵  
歹北五里至山界。與貴州下司分界處。粵西北境  
在此。予粵西游亦止此。



盤江考

此宜在己字本之後

南北兩盤江。余於粵西已觀其下流。其發源俱在雲南東境。予過貴州亦資孔驛。輒窮之。驛西十里過火燒舖。又西南五里抵小洞嶺。北二十里有黑山高峻為衆山冠。此嶺乃其南下脊。嶺東水即東向行。經火燒舖亦資孔。乃西北入黑山東峽。北出合於北盤江。嶺西水自北峽南流。經明月所西塢。東南出亦佐縣。南下南盤江。小洞一嶺為遂南北盤分水脊。一統志謂南北二盤俱發源。需益州東南二百里。北流者



為北盤。南流者為南盤。皆指此黑山南小洞嶺。一東出火燒舖。一西出明月所。二流也。後西至交水城東。中平開巨塢。北自霑益州。炎方驛。南踰經曲靖郡塢。亘南北。不一百里。中皆平疇。三流縱橫其間。滙為海子。有船南通越州。在曲靖東南里四十里。每行至州。水西南入石峽中。懸絕不能上下。乃登陸十五里。復下舟。南達陸涼州。越舟東一水。又自白石崖龍潭來。與交水海子合。出石峽。乃滇東第一巨溪也。為南盤上流云。余憇足交水。聞曲靖東南有石堡溫泉勝。

遂由海子西而南。下二十里。一溪來自西北。轉東南去。入交海。橋跨之。為白石江。涓細僅濶數丈。名獨著。以沐西平首破達里麻於此。以入滇也。按達里麻以師十萬來拒。與我師夾江陣。是日大霧。沐分兵從上流潛濟。繞出其後。遂破之。今觀線大山溪。何足險據。且白石上流為戈家冲。源短流微。濛帶不過數里內。沐公曲靖之捷。誇為冒霧涉江。自上流出。奇夾攻之。為百世勲。不知乃與坳堂無異也。渡橋南六里。抵曲靖郡。出郡南門。東堂南二十五里。海子注洋漲溢。



至是為東西山所束。南下伏峽間。橋橫架交溪上。曰上橋。西開一塢。東向。即由上橋西折入塢。半里至溫泉。可浴。泡珠時發。自池底北池沸泡尤多。對以六角亭。曰噴玉。東踰坡半里。抵橋頭村。西行田疇間。忽一石高懸。四面箭叢。樓楹上出。即石崖堡也。與溫泉北隔一塢。徑平畦里許。抵堡東麓。南向板級上。凌絕頂。則海子東界山南繞於前。西界山自北來。中突為此崖。又西峙而南為海口山。交溪南出。上橋前為東界山。南遠所扼。輒西南匯為海子。正當石堡南。

其東北白石崖龍潭。與亦佐之水。合交溪下流于越州。乃西南破峽去。而石堡正懸立眾峰中。諸水又匯而滌之。危崖古松。倍見幽勝。北下山。西一里。抵石堡村。迴眺石堡西北。西面嵌空奇峭。步不能去。由村南下坡。東半里。踰一石梁。南走梁下者。即交溪。遂折東南去。又東一里半。抵東山麓。東北上山。從石片中行。土傾峽墜。崩嵌紛錯。石骨競露如裂瓣。從之傾曲取道。石多幻質。色正黑如着墨片。英山絕品。石中上者一里。至嶺坳。下見西塢南流之江。下墜嶺南。



之峽。乃交溪由橋頭南下。橫截此山南麓。以東去者也。予以躬親南盤源。聞有西源更遠。直西南至石屏州。隨流考之。其水發源自石屏西四十里之閔口。流為寶秀山巨塘。又東南下石屏。漚為異龍湖。有九曲三島。週一百五十里。島之最西北。近城者曰大水城。頂有海潮寺。稍東。島曰小水城。舟經大水城南隅。有菱荷百畝。巨朶錦蓮。湖中植蓮。此為最盛。水又東。經臨安郡南。為瀘江。穿顏洞出。又東至阿彌州。東北入盤江。盤江者。即交水海子。南經越州。陸涼路南寧州。至州東六十里。婆分甸。合撫仙湖水。又南至播箕街河甸。合曲江。又東至阿彌州。稍東。合瀘江。二江合為南盤江。遂東流廣西府東山外。予時徵諸廣西土人。竟不知江所向。乃北過師宗州。又東北去羅平州十五里。抵一塢。曰與哆囉。其塢西傍白蠟。東瞻羅莊。南去甚遙。而羅莊山森峭。東界皆石峰。離立分行。競奮。復見粵西面目。蓋此叢轟怪峰。西南始。此東北盡道州。磅礴數千里。為西南奇勝。此又貴西南之極也。已而至羅平。詢土人。盤江曲折。始知江自廣西府流。



入師宗界。即出羅平東南隅。羅莊山外。抵巴旦夷寨。會江底河。塞去羅平東南二百里。江東即廣南府境。又東北經巴澤河。格巴吉興隆那貢至霸樓。為霸樓江。六處地名俱屬西安隆長官司地。今遂入泗城境。安隆無土官。俱為廣西泗城所占。之八蠟者香。於是為右江。再下又有廣州南富州之水。自者格經泗城之葛閣。歷裡來合。而下田州云。後余至雲南省城。過楊林。見北一海子。特大。古稱嘉利澤。北成大溪。出河口。溪北有山甚峻。曰堯林山。又東北十里出峽。經果子園。北至尋甸府。合郡城西北水。滙為南海子。又東北與馬龍水。合於郡東二十里。七星橋。為河交合溪。予因究水所出。知其下霑益州為可渡河。乃北盤江上流也。按此則南北二盤。但名稱之同耳。發源非一山之水。北盤自可渡河而東。始南合亦資扎火燒舖之水。則火燒舖非北盤之源也。南盤自交水發源。南度越州。始合明月所之水。則明月所非南盤之源也。乃一統志。北盤捨楊林。南盤捨交水。而取東南支分者為源。則南北源一山之誤。宜訂正者一。又以南盤八蠟者香。一水自東北來合。土人



拈以為北盤江。遂謂南北盤皆出於田州。夫北盤過  
安南。已東南下都泥。由泗城東北界。經那地永順。出  
羅木渡下遷江。則此東北合南盤之水。自是泗城西  
北。箐山所出。謂西江合于普安州。泗城州之誤。宜訂  
正者。二至統志最處。又謂南北二盤分流千里。會  
于合江鎮。蓋惟南寧府西右左江合流處為合江鎮。  
是直以太平府左江為南盤。田州右江反為北盤矣。  
今以予所身歷。綜核之。南盤自霑益州炎方驛南下。  
經交水曲靖。南過橋頭。由越州陸涼路南。抵阿彌

州境北。合曲江瀘江。始東漸轉北。合彌勒巴甸江。是  
為額羅江。又東北經大栢塢。小栢塢。又北經廣西府。  
東八十里永安渡。又東北過師宗州。東七十里黑如  
渡。又東北過羅平州。東南巴旦寨。合江底水。經巴澤  
巴吉合黃草壩水。東南抵霸樓合者。坪水。始下舊安  
隆。出白隘為右江。北盤自楊林海子。北出嵩明州果  
子園。東北經熱水塘。合馬龍州中和山水。抵尋甸城  
東。北去夷地為車洪江。下可渡橋。轉東南經普安州  
北境。合三板橋諸水。南下安南。衛東鐵橋。又東南合



平州諸水入泗城州東北境。又東注那地州永順司。經羅木渡。出遷江來賓。為都泥江。東入武宣之柳江。是南盤出南寧。北盤出象州。相去不下千里。而南寧合江鎮乃南盤與交趾麗江合。非北盤與南盤合也。其西盤江相合處。直至潯州府黔鬱二江會流時始合。但此地南北盤已各隱名為鬱江黔江矣。則謂南盤北盤。即為南寧左右江之誤。宜訂正者三。若夫田州右江源。明屬南盤。志書又謂源自富州。是棄大源而取支水。猶之志南盤者源明月所。志北盤者源火燒舖。彼不辨端末巨細。悍然秉筆類一丘之貉也。夫。



此記刊不列法王緣起  
之後

湖江紀源 刻本邑馮志靖邑陳志中

談江源者久治禹貢岷山導江之說近邑人徐集  
宇霞客夙好遠游欲討江源崇禎丙子辭家出流  
沙外至庚辰秋歸計程十萬計日四年其所紀覈  
從足與目互訂而得之直補桑經酈註所未及夫  
江邑為江之尾閭適志山而霞客歸出湖江紀源  
遂附刻之

江河為南北二經流以其特達於海也而余邑正當  
大江入海之衝邑以江名亦以江之勢至此而大且



盡也。生長其地者，望洋擊楫，知其大，不知其遠。溯流窮源，知其遠者，亦以為發源岷山而已。余幼考記籍，見大河自積石入中國，溯其源者，前有博望之乘槎，後有都實之佩金虎符，其言不一，皆在崑崙之北，計其地去岷山西北萬餘里，何江源短而河源長也。豈河之大，更倍於江乎？迨踰淮涉汴，而後觀河流若帶，其濶不及江三之一，豈江之大，其所入之水不及於河乎？迨北歷三秦，南極五嶺，西出石門，金沙而後知中國入河之水為省五。陝西、山西、河南、山東、南直隸。入江之水為

省十一。西北自陝西、四川、河南、湖廣、南直、西南計其吐納。江既倍於河，其大固宜也。按其發源，河自崑崙之北，江亦自崑崙之南，其遠亦同也。發於北者曰星宿海。佛經謂之北流，經積石，始東折入甘肅，為河套。又南曲為龍門大河，而與渭合，發于南者為犁牛石。佛經謂之南流，經石門關，始東折而入麗江，為金沙江。又北曲為叙州大江，與岷山之江合。余按岷山經成都至叙，不及千里。金沙江經麗江、雲南、烏蒙至叙，共萬餘里，捨遠而宗近，豈其源獨與河異乎？非也。河

A 1 2 3 4 5 6 M 8 9 10 11 12 13 14 15 B 17 18 19



源屢經尋討。故始得其遠。江源從無問津。故僅宗其近。其實岷之入江。與渭之入河。皆中國之支流。而岷山為舟楫所通。金沙江盤折蠻獠溪峒間。水陸俱莫能溯。在叙州者。祇知其水出于馬湖烏蒙。而不知上江而不知下流之出叙。為江在雲南麗江者。知其為金沙江。一南流北轉。即此江乃佛經所謂旃伽河也。一南流下海。即王靖遠征麗川。緬人恃以為險者。乃佛經所謂信度河也。雲南諸志。俱不載其出入之異。互相疑。尚不悉其是一是二。分北。既不悉其孰遠孰近。第見禹貢岷山導江之文。遂以江源歸之。而不知禹之導。乃其為害於中國之始。非其濫觴發脈之始也。

導河自積石。而河源不始於積石。導江自岷山。而江源亦不出於岷山。岷流入江。而未始為江源。正如渭流入河。而未始為河源也。不第此也。岷流之南。又有大渡河。西自吐蕃。經黎雅。與岷江合。在金沙江西北。其源亦長于岷。而不及金沙。故推江源者。必當以金沙為首。不第此也。宋儒謂中國三大龍。而南龍之脈亦自岷山。瀕大江南岬而下。東渡城陵湖口。而抵金陵。此亦不審大渡金沙之界。斷其中也。不第此也。并不審城陵磯湖口。縣為洞庭鄱陽二巨浸入江之口。



洞庭之西。源自沅。發于貴州之谷芒關。南源自湘。發於粵西之釜山龍廟。鄱陽之南源自贛。發于粵東之泃頭平遠。東源自信豐。發于閩之漁梁山。浙之仙霞南嶺。是南龍盤曲。去江之南且三千里。而謂南龍瀕江乎。不第此也。不審龍脈。所以不辨江源。今詳三龍大勢。北龍夾河之北。南龍抱江之南。而中龍中界之特短。北龍亦祇南向半支入中國。俱另說惟南龍磅礴半宇內。而其脈又發崑崙與金沙江相持南下。經石門麗江。東金沙西瀾滄二水夾之環滇地之南。由普定。貴度。空都。

黎南以趨五嶺。龍遠江亦遠。脈長源亦長。此江之所以大於河也。不第此也。南龍自立嶺東趨閩之漁梁。南散為閩之鼓山。東分為浙之台宕。正脈北轉為小草嶺。閩浙界度草坪驛。江浙界時為浙嶺。徽浙界黃山。徽寧界而東抵叢山閩。績溪農平界東分為天目武陵。正脈北度東壩。而峙為句曲。於是迴龍西結金陵。餘脈東趨余邑。是邑不特為大江盡處。亦南龍盡處也。龍與江同發於崑崙。同盡于余邑。屹為江海鎖鑰。以奠金陵。擁護留都。千古不拔之基。以此。若大河下流。昔曲而北。

A 1 2 3 4 5 6 M 8 9 10 11 12 13 14 15 B 17 18 19



趨碣石。今徙而南。奪淮泗。漫無鎖鑰。耶。然則江之大。於河者。不第其源之共遠。亦以其龍之交會也。矣。故不探江源。不知其大于河。不與河相提而論。不知其源之遠。談經流者。先南而次北。可也。

陳體靜曰。此考原本已失。茲從本邑馮志中錄出。非全文也。前人謂其書數萬言。今所存者。僅千餘言而已。考內北龍亦祇南向。半支入中國。下注云。俱另有說。其說必甚長。乃一概刪去。殊為可惜。

日游滇記一

此記刊本在游滇記前

以廣洞

臨安府顏洞。凡三。為典史顏姓者所開。名最著。予一至滇省。每飯未嘗忘銀鹿也。遂由省中南過通海縣。游縣南之秀山。上一里半。為灝穹宮。前巨山茶。二株。曰紅雲殿。宮建自萬曆初。距今總六十年。山茶樹。遂冠南土。又南抵臨安府。城南臨瀘江。此江西自石屏州異龍湖來。來北穿自出顏洞。而合郡衆水。亦以此洞為洩水穴也。於是覓一導游者於城東接待寺。



趨碣石。今徙而南奪淮泗。漫無鎖鑰耶。然則江之大於河者。不第其源之共遠。亦以其龍之交會也矣。故不探江源。不知其大於河。不與河相提而論。不知其源之遠。談經流者。先南而次北可也。

陳體靜曰。此考原本已失。茲從本邑馮志中錄出。非全文也。前人謂其書數萬言。今所存者。僅千餘言而已。考內北龍亦祇南向半支入中國下。注云。俱另有說。其說必甚長。乃一概刪去。殊為可惜。

日游滇記一

游顏洞

臨安府顏洞凡三。為典史顏姓者所開。名最著。予一至滇省。每飯未嘗忘鉅鹿也。遂由省中南過通海縣。游縣南之秀山。上一里半。為灝穹宮。前巨山茶二椽。曰紅雲殿。宮建自萬曆初。距今總六十年。山茶樹遂冠南土。又南抵臨安府。城南臨瀘江。此江西自石屏州異龍湖來。來北穿自出顏洞。而合郡衆水。亦以此洞為洩水穴也。於是覓一導游者於城東接待寺。

林



顏洞大道。當循城而南。渡瀘江橋。導者從寺前隔江東北小路行。遂不得渡瀘江。東觀三溪會合處。由寺北循塘畔東行。塘東皆紅蓮覆池。密不見水。東北十五里。渡賽公橋。水自西北來。東南入瀘。又五里上山。為金雞哨。南瀘江會諸水。由此東入峽。逼甚。水傾其中。東抵洞口尚里餘。望洞頂石崖雙臂如門對峙。洞正透其下。重岡迴夾之。不可得見。求土人導入。皆曰水漲流急。此非游時。若兩月前水涸。可不橋入。時即有橋。亦不能。况無橋耶。橋非一處。每洞中深水

處。輒架木以橋。徃例按君來游。架橋費且百金。他費亦百金。土人苦之。乘普首兵變。托言洞東即阿彌境。叛人嘗出沒。此遂絕官長游洞者。予必欲一至洞門。土人曰。須渡江南畔。隨峽入。所謂瀘江橋大道也。始悔為導者悞。乃捨水洞。覓南明萬象二陸洞。從哨東下坡。復上山登頂。東瞰峽江環峽東入。洞門即在東峽下。予所登山處。正與其上雙崖平對。門猶為曲掩。但見峭崖西向。湧水東傾。搗穴吐吞流之勢。已無隱形矣。東北三里。踰嶺脊下山二里。則極東石壁迴聳如



環半城。下開洞門北向。予望之有異。從之直下一里。抵峽中。又一里半抵東壁下。稍南上。洞門廓然。上大書雲津洞。蓋水洞中門也。游雲洞以雲津為奇。從前門架橋入。出後門約四五里。暗中傍水行。中忽闢門。延景其上。又絕壁迴環。故自奇絕。予不能入其前洞。而得之重嶂。絕巘間。且但知萬象南明。不復知有雲津也。誠出予意外。遂瞰洞而下。洞底水從西南穴中來。盤門內而東。復入東南穴去。予下臨水湄。徑之水澗三丈。洞高五六丈。而東西當門透明處。徑可二

十丈。但水所出入直逼外壁。故非橋莫行。出水西穴。漸暗不可遠窺。東為水入穴處。稍傍拓。隔水眺之。中垂列乳柱。繽紛窈窕。復上出洞外。上眺東南北三面。俱環壁無可上。仍西出舊道。北上山東一里。踰嶺已涉東壁迴環上。嶺塢中東向一里。其地南北皆起層峰。石崖時突。萬象洞即在此崖上。乃導者妄謂在南崖下。直下者一里。抵南崖。一洞東向。高四丈。水從中湧出。西崖角起。前對為峽。水出洞破峽。勢極雄壯。蓋水洞後門也。又東二里。抵老鼠村。執塗人問之。萬象



洞在西北嶺上。即前所從下山處。洞甚深。歷降而下。底與水洞通。予欲更至洞門。夜色已合。去宿館尚十里。念此三洞。慕之數十年。趨走萬里。乃至而叛夷阻之。陽侯隔之。太陽促之。導人又悞之。生平游屐。斯為最阨矣。

此記刊本在旅同記之前

### 游太華山

出省城西南二十里。下舟。兩岬平疇。夾水十里。田盡。崔嵬湍澤。舟行深綠間。不復知為滇池。巨流。是為草海。草間舟道甚狹。遙望西山。繞臂東出。削崖排空。則

羅漢寺也。又西十五里。抵高峽。乃捨舟登陸。高峽者。西山中遜處也。南北山皆環而東出。中獨西遜。水亦西逼之。有數百家倚山臨水。為迤西大道。北上有傳傳園。西上五里。為碧鷄關。即大道達安寧州者。由高峽南上。為楊太史祠。南至華亭太華。盡于羅漢。即碧雞山南突。為重崖者。蓋碧雞山自西北亘東南。進耳諸峰。由西南亘東北。西山相接。即西山中遜處。故大道從之。上置關。高峽寔當水埠焉。予南一里。飯太史祠。又南過一村。乃西南上山。共三里。山半得華亭



寺：東向。後倚危峰。草海臨其前。由寺南側門出。循寺南西上。南踰支隴入腋。共二里。東南升嶺。界華亭太華西寺中。而東突者。南踰嶺。西折入腋。湊間上為危峰。下盤深谷。太華則高峙谷東。與行處平對。然路必窮極。西腋後乃東轉出。腋中懸流。西派墜石窟。幽峭險仄。不行此徑不見也。轉峽。又東盤山嘴。共一里。俯瞰一寺在下壑。乃太平寺也。又南一里。抵太華寺。亦東向。殿前夾壑。皆山茶。南一株尤巨異。前廊南穿廡入閣。東向瞰海。然此處所望猶止及草海。若

灤：浩蕩觀。當更在羅漢寺南也。遂出南側門。稍南下。循塢西入。又東轉一里半。南踰嶺。自西峰最高處東垂下。有大道直上。為登頂道。截之東南下。復南轉。遇石峰嶙峋。南擁輒從其北。東向墜坑下。共一里。西行叢石中。一里。復上躡崖端。盤崖而南。見南崖上。下如蜂房燕窩。累。欲墮者。皆羅漢寺南北巷也。披石隙稍下。一里。抵北巷。已出文殊岩上。始得正道。由此南下。為羅漢寺正殿。由此南上。為朝天橋。架斷崖間。上下皆嵌崖。此復蘄崖中墜橋渡而南。即為靈

A 1 2 3 4 5 6 M 8 9 10 11 12 13 14 15 B 17 18 19



官殿。門北向臨橋。由殿東側門下。扳崖躡峻。愈上愈奇。而樓陽供純而殿帝供元而閣皇供玉而宮。名抱皆東向臨海。嵌懸崖間。每上數十丈。得斗大平崖。輒棧空架隙成之。故諸殿俱不巨。而點雲綴石。互為披映。至此始曠然全收水海之勝。南崖有亭前突。北崖橫倚。樓。前高栢一椽。浮空樣翠。並樓而坐。如坐危檣上。不復知有崖石下藉也。抱一宮南削崖上。棧木棧穿石穴。棧懸崖樹穴透崖隙。皆極險峭。度隙有小樓粘石。端寢龕炊灶皆具。北麓景至此而極。迤下朝天橋。謂

羅漢正殿。後崖高百仞。崖南轉折間。泉一方濟。崖麓乃朝天橋。逆縫而下者。曰勺冷泉。南踰泉。即東南折。其上崖更崇列。中止濛坪一縷。若腰帶下。悉潰。阪崩崖。直挿海底。梵宇仙宮。雷神廟三佛殿壽佛殿次閻帝殿張仙祠真武宮第連綴。真武宮之崖上。愈傑竦。昔梁王避暑於此。又名避暑臺。為南巷盡處。上即穴石小樓也。更南則巷盡而崖不盡。穹壁覆雲。重崖拓而更合。南絕壁下有漪蘭閣址。還至正殿。東向出山門。凡八折。下二里。抵山麓。有村氓數十家。俱經畧為業。村南即龍王堂。前



臨水海。由其後南循南崖麓。村盡波連。崖勢愈出。上已過漪蘭舊址。南壁愈拓削。一去五里。黃石痕掛壁上。土人名為掛榜山。再南則崖迴嘴突。巨石壘空嵌。水折成壘。南復分接屏壁。雄峭不若前。而兀突離奇。又開異境。三里下瞰海崖。舟行沒石隙中。有結茅南崖側者。亟緣仄徑下。得金線泉。自西山透腹出。外分三門。大僅如盎。中崆峒。悉巨石欹側。不可入。水由盎門出。分注海。中細魚溯流入洞。是名金線魚。大不踰四寸。中腴脂。首尾金一縷如線。為滇池珍珠。

泉北半里。有大石洞。門東瞰大海。即在大道下。崖傾莫可陞。必迂其南。始得逶迤入。即前所望石中小舟出沒處也。門內石質玲透。裂隙森柱。俱當明處。南入數丈。輒暗。覓炬更南。洞愈崇拓。共一里。始轉而分東西向。東上三丈止。西入窈窕莫極。懼火炬不給。乃出。上山。迤抱一宮。問山頂黑龍池道。須北向太華中。乃南轉。然池實在山南。金線池絕頂。以此地崖崇石峻。非扳援可至耳。予輒從危崖歷隙土。壁雖削。石縫多稜。懸躍無不如意。壁紋瓊葩瑤莖。千容萬變。皆目



所未收素習者。惟牡丹枝葉離披。布滿石隙。為此地絕。乃結子垂。外綠中紅。又予地所未見。土人以高遠莫知採鑿。第曰山間野藥。不辨何物也。扳躋里餘。遂躡巔。則石萼鱗。若出水青蓮。平散竟地。峰端踐側。鐫而南。惟西南一峰最高。行峰頂四里。凌其上。為碧鷄絕頂。南石萼駢叢。南陞又起一突。兀峰高少遜之。乃南盡海口山也。絕頂東下二里。已臨金泉之上。乃於聳崖間觀黑龍池而下。

滇中花木皆奇。而山茶山鷓為最。山茶花大逾碗。攢合成毬。有分心卷邊。軟枝者為第一。省城推重者。城外太華寺。城中張石夫所居。朵紅樓。前一株挺立三丈餘。一株盤垂幾及半畝。垂者叢枝密。幹下覆及地。所謂柔枝也。又為分心大紅。遂為滇城冠。山鷓一花具五色。花大如山茶。聞一路迤西。莫盛於大理永昌境。花紅形與吾地同。但家食時。疑色不稱名。至此則花紅之實。紅艷果不減花也。





國家圖書館, NATIONAL CENTRAL LIBRARY, TAIWAN, R.O.C.








國立中央圖書館, NATIONAL CENTRAL LIBRARY, TAIWAN, R.O.C.








五







31105015 v. 5






日游黔記一

黔寧下司上司獨山州都勻府麻哈州平越  
衛新添衛龍里衛貴州平壩衛普定衛安莊  
衛查城昂祐安  
南衛普安州

戊寅三月二十七。自南丹北鄙。邕歹村。易騎入重山  
中。漸履無人之境。五里踰山界嶺。南丹下。又北一里。  
踰石隘。是為艱坪嶺。其石極嵯峨。其樹極蒙密。其路  
極崎嶇。黔粵之界。以此而分。南北之水。亦由此而別。  
然其水亦俱下都泥。則石隘之脊。乃自東而西度。盡  
於巴鷺之境。而多靈大脊。猶在其東也。北下一里。就





峽西行。一里始有田塍。又半里。峽轉脊。塢始大開。又  
北一里。有村在西塢。曰由夷。此中諸塢。四面皆高。不  
知水從何出。然由夷村南石壁下。有洞東向。細流自  
畦中淙淙入。透山西而去。固知大脊猶在東也。至此  
南丹差騎辭去。由夷人始許夫騎。久乃不至。促久之  
止。以二夫負擔去。余獨坐其欄。從午至暮始得騎。西  
北二里。至山寨。則寨人送擔亦前去。乃由其東上嶺。  
越脊北下。一里行壑中。又北一里。再越嶺脊。下行峽  
中。壑圓而峽長。南北向。皆有脊中亘。無洩水之隙。而

北亘之脊。石齒如鋸。橫鋒鑿。莫可投足。時已昏暮。  
躍馬而下。此騎真堪托生死也。越脊直墜峽底。踰所  
所上數倍。始前之圓壑長峽。猶在山半也。峽底有流。  
從南脊下溢。遂滔成流。隨之西向行。共里許。有村  
在南山麓。擔夫已換去。又騎而西半里。擔夫又已去。  
蓋村人恐予止其家。故亟換之行。而又無騎換。騎夫  
不肯前。余強之。暗行西北半里。有溪自東而西。橫堰  
其中。左右淵深。由堰上北渡。馬蹄得。險甚。又西轉  
過一村。半里。由村西而北。向踰嶺。始與雙擔同行。暗



中呼聲相屬。不辨其為石為影也。共二土。二下。遂行  
田塍間。共五里。過一塞。排門入。居人頗盛。半里復排  
一門出。又行田塍間一里半。扣門入舊司。門以內茅  
舍俱閉。莫為啟。久之。守一啟戶者。無茅無飯而卧。  
上下二司者。即豐寧司也。瀕南界者。分為下司。與南  
丹接壤。二司皆楊姓兄弟也。而不相睦。今上司為楊  
柚。強而有制。道路開治。盜賊屏息。下司為楊國賢。地  
亂不能轄。民皆標掠。三里之內。靡非賊窟。其東有七  
榜之地。寬而涯。鴛鴦尤甚。其叔楊雲道。聚眾其中。

為亂首。人莫敢入。舊司者。下司昔日司治也。為上  
司所破。國賢移居寨上。寨在南山之麓。與舊司南北  
相對。中隔一塢。然亦無奇險也。

二十八日。平明起。雨霏。下。余令隨夫以盞易米而炊。  
余以刺索夫於南寨。國賢避不出。托言與上司不合。  
不敢發。夫止許護送者兩三人。送出境。余飯而待之。  
送者亦不至。仍僱夫分肩行李。從舊司北向踰嶺。共  
三里餘。下至餓鬼橋。有小水自東北注西南。小石梁  
跨溪上。禦人者每。橫行於此。又北二里。踰嶺。已為



上司界下嶺二里。有村在西塢。而路東楓樹對之。又  
東北踰嶺二里。村倚東峰。其前環山為壑。中窪為田。  
有石崖當村後。路循西嶺。與村隔壠相向。始敢對之。  
息肩。又西北踰嶺二里。轉而西向行。於是峽大開。南  
北相向。南村居甚稠。北則大路倚之。西行五里。路復  
西北踰嶺。蓋此地大山在東北。路俱緣其西南上。雖  
有升降。然俱上多下少。逶迤以升者也。又西北二里。  
踰嶺。路北有峰。迴亘層疊。儼若天盤龍髻。崖半有洞。  
門西向。數十家傍其前路。乃北轉。又一里。越其西岡。

北向下。西岡者大山分支。西突為盤髻峰。其下橫岡  
西渡者也。西岡之北。山又東西排闥。北望西界山。高  
挿峰頭。矗若倚天之柱。其北石崖迴沓。即上司治所  
托也。東界土山。即路所循而行者。共北五里。路與西  
界矗柱對。又北二里。忽山雨大至。擔夫停担。各牽笠  
蔽雨。余持傘亦蔽一挑。忽四人持鏢負弩。懸劍索矢。  
自後奔突而至。兩人趨余傘下。一人趨顧僕傘下。一  
人趨一夫笠下。皆勇壯兇獍。似避雨。又似夾持。余甚  
恐。問余何往。余對以都勻。問余求烟。余對以不用。久



之雨不止。而勢少殺。余曰：可行矣。其人亦曰：可去。余以為將同往而前者。及余行而彼復止。余益知其必非良人。然入其叻而不下咽。其心猶良也。更北半里轉而西。又一里餘。有營。營兩界夾中阜上。壁壘新整。由其下又西一里。入上司南門。有土垣環繞。門內即宿舖。江西人自下司至此。居舍中各半土半欄。時雨過街濕。余乘濕履。遂由街北轉而西。有巨塘。滙其內。西築堤為堰。堯為馳道甚整。又北半里。直抵國山東麓。北向入一門。有石罅一縷。在東麓下。當其盡處。鑿孔如盂。深尺許。可貯

水一斗。國上下人。俱以盞候而酌之。蓋其水甘冽。迥異他水。余嘗之。果不虛也。由此循國麓轉入北峽。中居人甚多。皆頭目之為心膂寄者。又編竹架國於峽中。分行貯粟焉。由北峽西向行。已入國後。有脊自西北連屬於國。乃國之結蒂處也。脊東峽中有洞。倚國麓。其門北向。甚隘而深。有二人將上國。余問此洞深否。云其洞不深。上至國半。有大洞。頗深而有水。須以炬入。由下仰眺。國上居舍壘壘。惟司官所居三四層。皆以瓦覆。以堊飾。國險而居整。反出南丹上也。余



乃隨其人拾級上。圍其級甚峻。而麓鑿開整。竭蹶而上。共半里。折而東。有樓三楹。跨路間。乃圍半之隘。閼也。洞在中楹之後。前為樓所蔽。不可見。有男婦各一。炊中楹。二人指余入。遂登圍去。余索炬於炊者。則楹後即猪欄馬棧。踐之下洞。門北向。窪墜而下。皆汚土。上多滴瀝。不堪註。乃復出而下。先是令一夫隨行至脊下。不敢登。余乃獨上。然圍上之形。可以外瞭。而見惟此洞為樓。非身至不知也。仍由舊路里餘。返宿舍。已薄暮矣。炊飯亦熟。食而卧。

上司土官楊袖。由長官而加副總。以水西之後也。其地小而與南丹為仇。互相襲殺。故兩土官各退居圍上。南丹州治在圍下。而於上。則司南丹第三弟治。俱在上。而環圍而居者。皆頭目也。走荔波。為莫侯所執。第四弟走上司。至今為外難。日喘。為其圍圓而大。四面絕壁。惟西北有脊。通級而上。路必環旋於下峽。故為天險。峽中水西南下。合塘中及外峽。南北渚流。俱透西南峽中。墜去。二十九。由上司出南門。仍渡門東小水。溯之東北行。一里。躡土山而上。四里。由土山西度之脊。其西石峰。



突兀。至此北盡。踰脊西北行一里半。嶺頭石峰。復夾成隘門。兩旁石骨嶙峋。由隘西出。轉而東北。下半下抵塢中。又北一里。復越土山西下脊。是為上司獨山州界。於是下嶺。循東山行。又二里有村。在西山塢中。為苴查村。其處東西兩界皆土山。中開大塢。水自北來。界於塢中。遠苴查之東。乃西向破峽去。循東界山溯水北向行。又三里。水由二枝來。一自西北。一自東北。如了字會於中枝。山盡處西北者較大。路溯東北行一里半。始渡之。於中枝山東麓得鐘於壑村。乃土

官蒙氏之族也。村北渡溪中皆碎石。時涸時溢。又東渡之。東北上岡頭。共里許有土環遺址。名曰閔上。而無居舍。又東北一里。水盡塢窮。於是躡嶺。其嶺甚峻。三里。北踰其脊。隘中砥石如鋪。兩旁有<sup>山</sup>屹立峰。是名雞公閔。其脉自獨山州西北。遠州治東南過此。又東南度六寨之東。而下蠻王峰者也。脊西南水下苴查。而入都泥。脊東北水由合江州下荔波而入龍江。從脊東北眺。則崇山蜿蜒。列屏於前。與此山遙對。成兩界。中央大塢。自西北向東南焉。下山即轉北行一里。



抵塢轉塢。即有小水東南下。又東一里。踰陟岡阜。忽有溪自西北注東南。水於此出烏龍江上流矣。渡溪東上。於是升陟坡壠。東北行塢中。五里有數家。在東北山下。從其前復轉入西峽。北一里。過一脊。始北向下。嶺其下甚深。半里抵其麓。始知前所行俱在山上也。又北行塢中一里半。大溪汪然。自西峽層山中出。東注而去。亦由合江州而下。荔波思恩者。歷石壑而渡其北。又緣西界支龍北行五里。為羊角寨。乃蒙氏之峒也。在西麓山。又北三里。小水自西坡東注。涉之。又北二里。入獨

山州之南隘門。其州無城。一土知州。一明知州。土官蒙姓。所屬皆土人。即苗仲。苗明官多缺。以經歷署篆。所屬皆客戶。余所主者。江西南昌人。黃南溪也。其人忠厚長者。家有棊可棊。蓋是州雖無城。而夾街棊房連屬。俱用瓦蓋。無復茅攔牛圈之陋矣。獨山土官。昔為蒙詔。四年前觀燈。為其子所弑。母趨救。復弑之。乃托言殺一頭目。誤傷其父。竟無問者。今現為土官。可恨也。三十平明飯。出獨山州北隘門。西北向循西界山行。六里。有小水亦自西坡東注。涉之。北。又二里。北塢漸



窮山脊自西界東西度南轉。乃路轉東北。澗中小水北流渡澗。循東界山。脰間東北上。又二里。有水溢路旁石穴間。甚列。其側有蒙氏修路碑。從此板石磴。東北上嶺。兩大至一里北。登嶺隘。是嶺由東南度西北。乃祖山。從其東北。分裂衆枝。其直東而去者。為黎坪平崖之脊。東南分枝而下者。為荔波羅城之派。西北分枝而下者。度此稍北。即西轉南走。而環於獨山之西。度雞公嶺而南。為蠻王多寧之派。獨山州南二十里有山尖起。立於衆山之中。是名獨山。州之所以得名也。又東北行山峽間。乃下。共二里。有澗自東

谷走深崖中。兩崖石壁甚逼。深澗嵌其間。架石梁於上。為深河橋。過橋復躋崖而上。登嶺而北。有小水自東北瀉石崖而下。涉之復升嶺。共一里。遂由峽中北行。又二里。乃下。東北行壑中。有村在東山下。由其前少轉西北。共二里。有溪自東北來。渡之。溯其西岸。東北踰嶺二里。一水自東北來。一水自西北來。東北者較大。於西北。於是涉西北水緣。中支山而上。東北三里而登其岡。飯於岡上。乃稍下。又北踰嶺而下。夾塢中。共三里。又有溪自南峽北。向下墜深潭中。潭小



而高。此西北小溪之源也。又北踰嶺下一里半。下渡深壑中。有澗自西南峽中來。至此東向西轉。此東北小溪之源也。涉之。西南登嶺。半里而上。循嶺半西南行。三里過兔場。西出嘉坑。閘隨小水西下。由夾中行五里。兩夾山多石崖突兀。路側有泉湧穴出。又西二里。水墜南峽去。路踰北岫。上有寨在東岡之巔。由其西北度脊。南北俱有窪中墜。環膝為田。直抵其底。水皆自底西向透石穴者也。又西踰嶺一里。出隘口。其上石骨稜峭。皆作虛雲裂萼之勢。又西北下峽中一

里。轉而西。半里。西出峽。是為獨山。舟與胡家司分界。胡家司即胡家司長官司於是山開南北。洋中有大溪自北而南。是為梁溪。循溪南轉南半里。抵南崖。下有賣粉為餉者。以鹽少許。易而食之。隨溪南岸西行。道路閑整。不復以蜀道為苦。溪北有崇廟在高樹間。人家田隴。屢從斷岸而去。共六里。過塢。裏村。又西一里。其水南曲。乃西渡之。從溪西岸南行。半里為叩母村。由村前西轉。塢復東西開。而其村重綴岡阜。瓦舍高聳。想亦胡家司之族目也。西二里。其水北曲。復西渡之。又西北一里。其



水西曲。又北度之。從北岸懸崖西行一里半。有水自西來會。乃麥冲河也。即溯河西行二里。入麥冲堡南隘門而宿。是晚雷雨大作。徹夜不止。

四月初一日。平明起。雨漸止。飯間聞其西有桃源洞。相去五里。須秉炬深入。中多幡蓋繆絡之物。覓主人導之不得。曰。第往關上。可西往也。遂北向出隘門。溯溪東岸行。忽石壁湧起。岸東勢極危削。溪激之南。路朔之北。咫尺間。上倚穹崖。下循迅派。神骨俱竦。三里轉入東塢。其北有小峰立路隅。當麥冲河南下之衝。

有岸北向。曰觀音洞。又北半里。曰麥冲關。關所謂桃源洞者。正在其直西大峰之半。相望不出四里外。關之東。有真武閣。南向。正與觀音洞對。乃停行李於閣中。覓火炬於僧。將往探之。途遇一老者。曰。此洞相去不遠。但溪水方漲。湍急不可渡。雖有導者。不能為力。而况漫試乎。余乃廢然而返。取行李西南越而下。抵河東岸。朔之北。共一里。溪自西北山腋來。路從東北山腋上。遂與麥冲河別。當坡路潦跡間。有泉汎。從下溢起。孔大如指。以指探之。皆沙土。隨指而涸。指去



而復溢成孔。乃氣機所動。而水隨之。非有定穴也。一里轉上後峽。遂向東入。又一里。峽更東去。路復從北峽上。其處石峰嶙峋。度脊甚隘。越隘北下塢中。破隴盈塢。小麥青。蕎麥熟。燕粉花翠浪。從此遂不作粵西蕪態。粵西獨脊東西亂水交流。猶俱下麥冲者。又不藝麥。東一里轉而北。有塢南北開洋。其底甚平。犁而為田。此處已用牛耕。不若波耕水耨。盈。其間水皆從崖坡瀉下。而不見有澮濬之跡。二里有村頗盛。倚西峰下。曰普林堡。又北一里。踰嶺而上石峰。復度峽而

下轉而東。平行石嶺間。一里東下。盤窩中有小石峰。圓如阜。盤托而出。路從徑窩東入峽。一里復北向升嶺。一里遂踰土脊之上。此脊當為老龍之幹。西自大小平伐來。東過谷蒙。包陽之間。又東過此。東南抵獨山州北。又東為黎平。崖之脊。而東抵興安。南轉分水龍王廟者也。越脊北下。峽壁甚隘。一里下行峽中。有水透西南峽來入。北隨峽去。渡之。傍澗西崖行。有岐路溯水西南峽。則包陽道。通平浪平州六洞者也。隨水東北行峽中。又三里轉而東。其峽漸開。村在南



山間曰。下石堡。又北二里。過一巨石橋。澗從橋下西  
北。墜深峽中而去。路別之。東北踰嶺。升降二重。又二  
里。越嶺下。則東南山塢大開。大溪自西北破峽出。湯  
湯東去。是曰大馬尾河。以暴漲難渡。由溪南循山崖  
東行。溪流直搗崖足。一里東抵堡前。觀諸澗。平胸不  
勝望洋之恐。坐久之。乃解衣泗水而渡。從北岸東向  
行。水從東南峽去。別之。乃東北踰嶺而下。共三里東  
渡。小馬尾河。復東北升嶺。一里半。越嶺脊。東下一里  
半。出山峽。山乃大開。成南北塢。東西兩界。列山環之。

大河湯。流其間。自北而南。溯溪西岸。循西界山北  
行。一里。路旁即有水。自西峽東向入溪。涉之。又北二  
里。度一西來溪。上石梁。從梁端循峽西入。是為胡家  
司。即都勻長官司也。以名同本郡。故別以姓稱。又北  
一里。有村在西山崖上。曰黃家司。乃其副也。又北行  
田塍間五里。度西橋。又北半里。入小西門。是為都勻  
郡城。宿逆旅。主人家為沈姓。亦江西人。  
初二晨起。作書擬都勻四尊張。勉行。四乃散步東入  
郡堂。乃西向蟒山者。又東上東山麓。謁聖廟。有讀

A 1 2 3 4 5 6 M 8 9 10 11 12 13 14 15 B 17 18 19





書廡東者。閩南舉鄒總憲成都時遺跡。曰有書院在東門內。閩郡志其友歸取以示。甚畧而不詳。即大小馬尾之水。不書其發源。並不書其所注。其他可知。載都八景。俱八寸三分帽子。非此地。確然持出之奇也。此地西門大溪。上有新架石橋。壘石為九門。甚整。橫跨洪流。乃不取此河耶。都勻郡城。東倚東山。西瞰大溪。有高岡自東山西盤而下。臨溪墮。溪自轉北來。西轉而環其東。城圓亘岡上。南北各一門。西有大小二門。東門偏於山之南。城後環東山之嶺。其上有樓。可以舒眺。郡西對蟒山。為一郡最高之業。郡治文廟俱向之。其南峰旁聳有梵宇在其上。須拾級五里而上。以飯後兩作不及登。謂之蟒者。以峰頭有石脊。蜿蜒如巨蛇。今志改為龍山。九龍洞在城東十里。按一統志有都勻洞。在都勻長官司東十里。前門北向。後門南向。當即此洞。今志稱為仙人洞。下注云。一在城西。一在城東。殊覺憤。水府廟在城北。夢過山。大溪南下橫其前。一小溪西自蟒山北直東來。注下有白衣閣。倚懸崖危壁上。



凭臨不測。上布梵音洞。西向為門。洞無他致。云其中石佛自土中出者為異耳。

初三下午自都勻起身二十里。文德宿。

初四三十里。麻哈州。又十里。乾溪宿。

初五十里。麻哈大堡。又十里。乾壩哨。又十五里。平越衛。

初六歌平越。

初七宿店。

初八顧貴州夫行。至崖頭宿。

初九新添飯。至揚寶宿。

初十龍里歇。

十一日二十里至鼓角。三十里至貴州。

十二日至貴州遊古佛洞。

十三日止貴州寓吳慎所家。

十四晨飯於吳。遂出司南門。渡西溪橋。西南向行。五里有溪自西谷來。東注入南大溪。有石梁跨其上。曰太子橋。此橋謂因建文帝得橋下水。湧流兩崖石間。名然何以太子云也。衝突甚急。南來大溪所不及也。渡橋。溯南來大溪。又



西南三里。有一山南橫。如列屏於前。大溪由其東脰北出。路由其西脰南進。又南行峽間。二里。歷東山之嘴。曰邕堰塘。其西南有雙峰駢起。其東即屏列山之側也。又三里。過雙駢東麓。而出其南。漸聞溪聲。遙沸東望。屏列之山。南迸成峽。溪形復自南來。搗峽去。即出其東北。脰之上流。第路循西界山椒。溪沿東界峰麓。溯行而猶未覩西耳。又南二里。始見東溪汪然。有村在東峰之下。曰水邊寨。又南三里。曰大水溝。一人家在路側。有樹可憩。又南漸升土阜。遂東與大溪隔。

已從嶺上平行。五里。北望雙駢。又三分成筆架形矣。南行土山峽中。又二里。出峽稍折而東。則大溪自西南峽中來。至此東轉。抵東峰下。乃折而北去。有九鞏巨石梁。南北架溪上。是為華狔狔橋。乃飯於橋南鋪肆中。遂南向循東峰之西而行。皆從土坡升陟。路坦而寬。九里。見路出中岡。路東水。既東北墜。峽下路西水復西北注坑去。心異之。稍上岡頭。則路東密箐迴環。有一家當其中。其門西臨大道。有三四人。憩石畔。因倚杖同憩。則此岡已為南北分水之脊。蓋東西兩



界俱層峰排闥。而此岡中橫其間。為過脉。不峻而坦。其南即水南下矣。是云獨本嶺。或曰頭目嶺。昔金坑為頭目。從嶺南下。依東界石山行五里。復升土嶺。漸轉東南。嶺頭有一窪中墜。從其東又南向而上。共二里。乃下一里。則有溪自西北峽中出。至此東轉。石梁跨之。是為青崖橋。水從橋下東抵東界山。乃東南注壑去。經定番州而南下。泗城界。入都泥江者也。於是又出嶺南矣。度橋而南。半里入青崖城之北門。其城新建。舊行而東。今折其東隅。而西就尖峰之上。城中

頗有瓦樓閣。闌焉。是日晴霽。竟日。夜月復皎。○青崖屯屬貴州前衛。而地則廣順州所轄。北者五十里。南去定番州三十五里。東北去龍里六十里。西南去廣順州五十里。有溪自西北老龍脊發源。環城北東流南轉。是貴省南鄙要害。今添設總兵。駐扎其內。十五里。昧爽出青崖南門。由岐西向入山峽。為定番州道。五里折而南。又西南歷坡阜。共五里有村在路北山下。曰翁樓。木樹蒙密。小水南流。從其西入山峽。兩山密樹深箐。與貴陽四面童山迥異。童然無木。而貴



陽尤甚。西北入峽三里。遂西上陟嶺一里。踰嶺西下半里。有泉出路旁土中。其冷徹骨。南下瀉壑去。又西下半里。有澗自北峽來。橋木橋其上。其水南流去。路西度之。復北上嶺一里。踰脊西有泉涼。隨現隨伏。西北行西山夾中。夾底平窪。犁而為田。而中不見水。又西北半里。抵西脊。東復有泉涼。亦隨現隨隱。蓋此中南北兩界俱穹峰。而東西各亘橫脊。中水皆中墜。不見窪底。故窪底反燥而不瀦。越西脊而下。西北二里。路北有懸泉一罅。自山脊界石而下。路南忽

有泉聲淙。成澗。想透穴而出者半里。轉而西行。又半里。得一村在北山下。曰馬鈴寨。路由寨前西向行。忽見路南澗已成大溪。隨之西半里。又有大溪自西峽來。二溪相遇。遂合而東南注壑去。此水經定番州。與青崖之水合而下。都泥者也。於是溯西來大溪之北岸。又西向行二里。為水車壩。北有土司盧姓者。倚廬北峰下。壩南有場在草間。川人結茅場側。為居停。鳥壩乃自然石灘橫截。澗水飛突其上。而上流又有巨木橋。架溪南北。其溪乃西自廣順來。廣順即金 靖安撫司



乃萬曆二十五年。由溪北岸溯流入。為廣順州道。由  
改為州。添設流官。溪南岸踰嶺上。為白雲山道。隨溪東南下。為定番州  
道。乃飯於川人旅肆。遂西南一里。踰嶺。又行。嶺夾中  
一里半。乃循山南轉。半里。又東轉入夾。半里。峽窮。乃  
東南扳隘上。其隘蘿木蒙密。石骨逼仄。半里。踰其上。  
又東南截壑而過。半里。復東南上。其嶺峻石密。叢更  
甚焉。半里。又踰嶺南下。隨塢南行一里。是為八壘。其  
中東西皆山。南北成壑。亦有深坎。墜成皆井。而南北  
皆高。水不旁泄者也。直抵壑南。則有峰橫截壑口。西  
駢隘如闕。東聯脊成嶺。乃東向陟嶺上。一里。踰其脊。  
是為永豐莊北嶺。即白雲山西南度脊也。乃南向下  
山。又成東西塢。有村在南山下。與北嶺對。是為永豐  
莊。從塢中東向行二里。得石磴。北崖上。遂北向而登。  
半里。轉而西。半里。又折而北。皆密樹深叢。石級迤邐。  
有巨杉二株。夾立磴旁。大合三人抱。西一株為火傷  
其頂。乃建文君所手植也。再折而西。半里。為白雲寺。  
則建文君所開山也。前後架閣兩重。有泉一坎。在後  
閣前楹下。是為跪初泉。下北通閣下石竅。不盈不涸。



取之必伏而拘。故名曰跪。乃龍神所供。建文帝者。中通龍潭。時有隻金鯉出沒云。由閣西再北上半里。為流米洞。懸山頂危崖間。其門南向。深僅丈餘。後有石龕。可傍為榻。其右有小穴。米所從出。流以供帝者。而今無矣。佐有峽高竄。而上透明窻。中架橫板。猶云建文帝所遺者。皆神其跡者所托也。洞前凭臨諸峰。翠浪千層。環擁迴伏。遠近皆出足下。洞左構閣。祀建文帝遺像。閣名潛龍。騰蹟像昔在佛閣。今移置此。乃巡方便胡平運所建。前瞰遙山。右翼米洞。而不掩洞門。其後即山之絕。

頂踰而北。開坪甚敞。皆叢篁篠木。虧蔽日月。列徑分區。結靜廬數處。而南京井當其中。石脊平伏。嶺頭中裂一隙。南北橫不及三尺。東西濶約五丈。深尺許。南北通竅。不可測。停水其間。清冽異常。而不減不溢。靜室僧置瓢杓之。余初至。見有巨魚戲水面。見人掉入。竅去。波湧紋激。半晌乃定。穴小魚大水。停峰頂亦一異也。以其側有南京僧結廬住靜。故以南京名。今易老僧。乃北京者。而泉名猶存其舊也。是日下午抵白雲菴。主僧自然供食後。輒導余登潛龍閣。憇流米洞。



命閣中僧導余北踰峯。觀南京井。北京老僧迎客坐。廬前藝地種蔬。有蓬蒿菜。黃花滿畦。鶯粟花。殷紅千葉。簇朵甚巨而密。豐艷不減丹藥也。四望喬木環翳。如在深壑。不知為衆山之頂。幽曠交擅。亦山中一勝絕處也。對談久之。薄暮乃還。自然已候於菴西。復具滄啜茗。移坐菴後石壁下。是日自晨至暮。清朗映徹。無片翳之滓。至晚陰雲四合。不能於羣玉峰頭。逢瑤池奩月。為之悵然。

十六日。聞風雨聲。抵曉。則風雨霏。余亦遲起。飯後

坐小窓待霽。欲往探龍潭。零雨不休。再飯乃行。仍從潛龍閣北踰嶺。至南京井。從岐東北入深箐中。聳木重崖。上下窈渺。穿罅透碧。非復人世。共五里。則西崖自峰頭下嵌。深墜成峽。中窪停水。淵然深碧。陷石脚而入。不縮不盈。真萬古潛淵。千峰閎壑也。其峽南北約五丈。東西濶約丈五。東崖低。陷空下者約三丈。西崖聳。陷空下者十數丈。水中深不可測。而南透穴彌深。蓋穿山透腹。一峰中涵。直西南透為南京井。東南透為疏勒泉者也。崖上喬幹密枝。漫空籠翠。又東北



扳崖東南度壑。皆極窈渺。壑東有遺茅一龕。度木橋而入。為兩年前匡廬僧住靜處。今茅空人去。將度之而山雨大作。循舊徑返。深霑間落翠紛。衣履沾透。再過南京井。入北僧龕。僧鑰扉往白雲。惟雨中鶯栗。脉脉對人。空山艷嬌。宛然桃花洞口逢也。還踰潛龍閣。自然已來候閣旁。遂下菴。淪茗炙衣。晚食後。雨少霽。復令徒慕由菴東登嶺角。循之而北。一里出其東。岵近山皆伏其下。遙山則青崖。以來自龍里南下之支也。稍北下深木中。度石隙而上。得一淨室。其室三楹。

東向寥廓。空前就石為臺。綴以野花。室中編竹繚戶。明潔可愛。其處高懸萬木之上。下瞰箬篁叢疊。如韭畦。畚隔以懸崖。間以坑塹。可望而不可涉。故取道必迂從白雲。蓋與潛龍閣從北坪諸靜室。取道皆然。更無他登之捷徑也。此室曠而不雜。幽而不悶。峻而不逼。呼吸通帝座。寤寐絕人寰。洵栖真之勝處也。靜主號啟本。真人與一徒同栖。北坪則獨一老僧。白雲之後。共十靜廬。因安民亂。各出山去。惟此兩廬有栖者。十二廬旁。各有坎泉供勺。因知此山之頂。皆中空。



醞水停而不流。又一奇也。晚返白雲。暮雨復至。自然  
供茗爐旁。篝燈夜話。半晌乃卧。

十七晨起。已霽而寒悄頗甚。先是重夾猶寒。余以為  
陰氣所至。有日當解。至是則日色皎然而寒氣如故。  
始知此中夏不廢爐。良有以耳。

白雲山。初名螺擁山。以建文君望白雲而登。為開山  
之祖。遂以白雲名之。一統志有螺擁之名。謂山形如  
螺擁而不載。建文遺跡。時猶諱言之也。土人訛其音  
為螺勇。今山下有羅勇寨。土人居羅勇。而不知其為

螺擁。土人知白雲山。而不知即螺擁山。夷地無微。滄  
桑轉盼如此。白雲山西。為永豐北嶺。即余來所踰  
嶺也。東則自滇僧淨室而下。即東墮頽然。下對青崖。  
皆為絕壑。前則與南山夾而成塢。即余來北上登級  
處也。後則後山頂窮極杳渺。北抵龍潭。下為後塢。即  
余來時所經嶺南之八壘者也。此其迹址也。其遠者。  
東抵青崖四十五里。西抵廣順三十里。東南由蒼貴  
抵定番州三十里。北抵水車壩十五里。○白雲山中。  
有芍色白色諸猿。每六。成行。輪朝寺下。  
據僧言如此。余早晚



止聞又有菌甚美。大者出龍潭後深箐僕木間。玉質其聲。又有菌甚美。大者出龍潭後深箐僕木間。玉質花腴。盤朵徑尺。即天花菜也。又有小者名八担柴土人呼為茅朶雲南甚多自青崖而西。有司如云流。又西有馬鈴寨東溪。又西有水車壩西溪。皆南流合於定番。而皆自石洞中湧出。至白雲南。又有翁貴鑼鼓洞水。及撒崖水。皆為白雲山腹下流。皆東合於定番州。其南又有水埠龍。在雲南三十里有仙人洞其北五里又有金銀洞白牛崖其上流亦自洞湧出。而南注於都泥江。則此間水無非洞出者也。○東望山脊蜿蜒。自龍里西南分支南下。迴繞如屏。直抵泗城。

界。此即障都泥而南趨者。其山迴環而東。中圍丹平。平州諸司。即麥冲橫梁諸水。南透六洞而下都泥。以此支而環之也。○老龍之脊。自廣順北。東度上寨嶺。東過頭目嶺。又東北過龍里之南。又東過貴定縣西南。又東過新添衛之杪木寨。乃東南轉。環蟒山之南。東過為普林北嶺。又東南抵獨山州北。乃東趨黎平南境。而東渡沙泥北嶺。以抵興安分界。○貴州東三里為油鑿關。其水西流。西十里為聖泉北嶺。其水東流。北十五里為鴉關。其水南流。為山宅溪。南三十里。

A 1 2 3 4 5 6 M 8 9 10 11 12 13 14 15 B 17 18 19



為華狃狃橋。其水北流。四面之水。南最大。而西次之。北穿城中。又次之。東為最微。俱合於城南薛家洞。東經襄陽橋。東北抵望風臺。其從東又稍北。入老黃山。東峽。乃東搗重峽而去。當與水橋諸水。同下烏江者也。

十八。辭自然師下山。一里半抵山麓西。一里半有數家在南麓。為永豐莊。皆白雲寺中佃戶也。由其前西向尖峰峽中去。是為廣順州道。由其前西去南轉。是為定番州道。由其前北向踰嶺。是為土地関道。先是

自然為余策所從。曰由廣順安順西出普定。其道近。

而兩順之間。廣順知州。福欲歸臨清安。苗蠻伏順土知州。近為總府禁獄中。

莽可慮。不若西北由東基出平壩。抵普安。多行四十里。而地僻苗馴。可免意外。余思由兩順亦須三日行。走平壩路迂而行多。亦三日可達普安。遂不西行而北踰嶺。其嶺即白雲山之西垂也。共一里。越其北。有塢東北向。東南界。即白雲後龍潭之後。西北界。即南嶺所環。轉北而東。屬於龍潭東峰之下者。其中平塢一壑。南北長二里。亦水中窪下墜。兩旁多犁為田。是



名八壘。北竟塢中。乃北踰石嶺。共半里下。北渡獨木橋。有塢自東北向西南。是為乾溝。橫度之。北上半里。是為土地關。下關半里。鑿石坎。停細流一盃。曰一碗水。行者以口就而啜之。又西向一里半。出峽。由其北循山東北轉。為水車壩道。由其西截塢。直行一里半。有村在北山下。是為谷精。從村西轉。又截塢而下一里。轉入山峽。有溪自西南而北。即從北峽轉而東去。是水車壩之上流也。其流自廣順州東北老龍南谷來者。渡之。又西越山坡。旋下泝西來小流。其流東注南來。

大溪。即同之。直向東去。路溯溪南。山峽逼仄。時板石上下。二里餘。乃西渡此水。從其北西向。又半里。其北削崖高穹。有洞上綴。門南向。遂從其下。西踰峒。間石骨稜厲。逼屬南山。迴視前溪在其下。不知從何而出。當亦透穴之流也。先是自然師謂余。此間如馬鈴堡。諸水多從山穴出。即水車壩道。亦流自穴中者。不知即指此水。抑謂南來大溪也。踰峒西稍下。約一里有路交為十字。其南北皆從山嶺上下。有石磴逶迤。乃廣順達貴省道也。其東西。即踰峒而西下峽中者。



從峽西下半里。又聞聲潺湲，有水深自坑底東注。岫下信乎即岫東透穴之水矣。溯之山塢復開，有村在西山下。是為東基下寨。從其前轉而東北，則下寨山之北突也。循之一里，又西北轉，則西界山純削為石，而東界即土脊迤邐。又北二里，有村當北岡之上，是為東全上寨。中懸小支盡處，皆瓦房鱗次，非他苗寨所及。由寨西北向半里，有泉飛流注腋，由寨東而出。寨當其中，小支左右皆崇岡峻峽。寨後復環一塢，良疇層倚焉。皆此泉之所潤，而透於東岫之下者也。

蜿蜒上躋者一里。從嶺上復北踰嶺者半里，下至塢中。望北峰夾立甚高，其下有塢自西北來者，即上寨後注腋之水。從水車壩而南去者也。其下有塢向東北墜者，即塢中東分之水。從華犵狁橋而北出者也。其塢甚平，中犁為田。從田塍北上，又東北升嶺，半里踰峰頭而飯。於是北望遙山，開伏數里外，石峰屏列，俱不能與此山並峻矣。北下甚垣，半里路分兩歧，一從東北行，下者從黃泥堡天生橋而達者。一從西北行者，為野鴨塘出平壩道，遂從西北下行，一里抵山



下沿坡陀西行。漸有小水。俱從東北去。二里復溯水入峽。一里復陟嶺而上。又二里。遂西過野鴨塘。有堡數十家在南山下。其前有塘。潄水直逼北山。然東西皆高。不知何從而洩。即所謂野鴨塘是也。遠堡前西南行。半里。望西北山崖間。有洞高穹。其前隴復有洞。伏於下。乃呼担夫少停行李路隅。余獨從西嶺橫陟之。半里。遂陟下洞之上。隴不甚高。然四面皆懸削。不可下。復稍西下山麓。東向行。遂得下洞。門南向。門中稍窪。其左透崖東出。另闢一門。東北向。其後旋

墜下陷。四面寬圓。雖窪而不暗。既上。遂透東門而出。稍下。從峽中西陟上洞。門東向。前有壘石為垣。後亦中窪而下。然不甚深。其上懸崖雖高。中高之玲瓏。乳柱之天矯。反不若下洞也。既出。復從峽中下。轉前隴之嘴而西。又經下洞前。則前麓皆水草沮洳。東與野塘相連。而此即其上流也。忽聞潺湲。水聲自下洞前石根透出。歷沮洳之塢。而東潄於鴨塘者也。又從西嶺下半里。仍抵路隅。呼担與顧奴。遂西緣山岫行。西望三峰攢列。外又有峰。統之心以為異。又西四里。



有寨在南山下。又繞其前。循之左轉。西南半里。又踰一岫。於是西行峽中。其峽南北兩界。排闥而前。北即所望三峰攢列者。但在其內下望。反不可見。南則有崖高削。上有一石倒垂。石色獨白。而狀如羊。是為羊吊崖。踰岫至此。又一里矣。其北崖中斷。忽露頂上之峰。盤穹矗豎。是為唐帽山。蓋即前望三峰。至是又轉形變象矣。按志。唐帽在省城南八十里。天生橋在金疏司北三十里。今天生橋在唐帽東北三十里。是天生橋去省反近。而唐帽反遠。不知當時何以分界也。

自然言建文君先駐唐帽。後往白雲。志言其處可以避兵。亦幽閔之區矣。又西一里餘。有峽南向下。是為猪槽堡。路直西踰小脊而下。三里。則塢南北路交十字於中。乃橫截之。渡一小水。半里有堡在西山上。曰柳家堡。又北半里。又有堡在北隴上。於是循其石。復西上嶺。一里將及嶺岫。有泉深。自土穴出。其色乳白。渾而不清。踰嶺下。共二里。復塢開南北。仍橫截之。有洞在塢中。其水甚小。潄而不流。似亦北去者。又西一里。復上嶺。其嶺南北石峰駢夾。中通一岫。甚逼。一里



越岫而西。見西壑中堰水滿陂。始以為東出。而實不  
流之波也。循之又西一里。則大塢擴然西去。陂堰橫  
障而北。又北循之。有村在北山之嘴。曰狗場堡。乃更  
部之佃苗也。村西平疇一塢。為膏腴之壤。欲投之宿。  
弗納。曰西去二里有村。亦湯氏佃丁。其中可宿。乃復  
西循平疇北隴行。一里餘。有石峰界平塢中。削骨擎  
空。亦獨秀之峭而險者。逶北峽而西。又半里。復得一  
村。入叩之。其人閉戶遁去。又~~去~~得一堡。強入其中。茅  
茨陋甚。而卧處與猪畜同穢。蓋此地皆苗。熟者雖為

佃丁。而習甚鄙。令人反憶土蠻。竹欄為上乘耳。  
十九晷昧矣。促苗起作飯。忽担人亦呼之。余心念其異。  
謂從來懶不肯起。此何以人呼亦呼也。蓋此人名王  
貴。為靖州太陽坪人。先是三里抵藍澗。彼同數人自  
後尾至。告曰。余儕欲往慶遠。苦此路不通。迂路又太  
遠。聞叅府以兵送行。故特來附帶。余憐而納之。途中  
即以供應共給之。及抵慶遠。已去。及遊南山。復遇之。  
遂日。來候余。願隨往滇中。余思自慶抵南丹。有夫  
可送。至貴州界。恐無負擔。欲納其一人。因與之約曰。



余此地尚無所用汝。然既隨余。亦每日予工價一分。若過負擔處。每日予工價三分半。彼欲以二人從。後聞其儕在南山洞中。以絮塞牧牛兒口。余心疑之。而王貴來言。誘童子非伊。乃同行者。彼已另居於慶。已請獨從。後至麻哈。遂漸傲慢。以撓傷余足。及抵貴州。見余欲另覓天。復作悔過狀。甚堪憐。余復用之。至是早起。忽不見。觀所藏路費。竟竊之去矣。自余行蠻洞中。以數金藏鹽筒中。不意日久。為彼所窺。乃不失於蠻烟虺毒之區。而失之。就担遵途之日。徒有悵。而

已。既明。人與金俱亡。無可奈何。求苗子送出平壩。不及三十里。索價甚貴。已而竟遁去。不肯出。蓋苗習素不送客。余求之他苗。其人曰。彼好意宿汝。奈何以担累之。須自負去。二三里抵九家堡。即有送者。遍求之。其語皆然。余無可奈何。飯而東担。與顧僕共擡而行。由狗場西苗堡。截塢堰南過。一里踰嶺西下。又過一苗堡。益轉而南。又踰一嶺。半里。乃由嶺頭從歧路北。向入塢。路小山寂。一里。乃西向下。半里有溪。汪然。自南而北。始為脊北第一流。乃北合洛陽橋下流。東經



威清而下烏江者。溪上舊有石橋。已圯。其東半涉水而渡。其西半是為九家堡。乃苗之熟者也。至是已近午矣。始僱得一人。担而行。復西北上隴。六里有村。在西山下。曰二家堡。從其東盤山嘴而北。北界山遠闊。曠然。直東遙見高峰在四十里外者。即志所云馬鞍山。威清之山也。路復循南山之北。西向入峽。二里出峽。有村在南山下。曰江清。其處山塢大開。平時中拓。東有石峰離立。即與南山夾而為所從之峽者也。由村東北向。抵二石峰下。甚岼峽。南面削崖迴裂。而無

深洞。西面有洞在峰半。其門西向。亟令苗子停担峰下。余先探其南面。無岩可入。惟西南峰下。細流洄。向麓下竅中。遂從其上躋入洞。底甚平。間有乳柱下垂。若帷帶飄搖。其內外為三層。外層即洞門之前。曠若堂皇。中有圓石如堆旋而成者。四五丈之內。即陷空而下。其下亦平整圓拓。深約丈五。而大倍之。從其上下瞰。亦頗光明。蓋洞門之光。既上倒下。而其底比裂成隙。亦透明於外。似可挨入而未及也。是為下層。下層之東。其上復深入成洞。與外層對。第為下



陷所隔。不能竟達。由外層南壁扳崖而上。東透入峽  
脰。列柱如門。頗覺幽暗。而玲瓏嵌空。詭態百出。披竅  
北下。遂達中層。則外層之光。仍中射而入。其內千柱  
繽紛。萬竅靈幻。左甚深。而窈窕莫窮。前臨下層。如  
在樓閣。亦貴竹中所僅見者。方扳陟不能去。而苗夫  
在下。呼促不已。乃出洞而下。從洞前北行。升陟騰隴  
二里。有大溪自西而東。溯之西行。有橋十餘。橫跨其  
上。是為洛陽橋。乃新構而成者。橋下流甚大。自安順  
州北流至此。曲而東注威清。又北合陸廣。志所謂

澄河是矣。渡橋北。又溯流而西。抵水之北。來折處。遂  
從岐北向。溯小溪行。始由溪東。已涉堰。由溪西。已復  
西北踰岡。五里抵銅鼓山。其處山塢南闢。北界石峰  
聳立。皆有洞。或高或下。隨峰而出。西界則遙山自北  
而南。蜿蜒如屏。連裂三洞。其門皆東向。而南偏者最  
高敞。前有數十家。當其下。即銅鼓寨也。是洞名銅鼓  
洞。按志。銅鼓山在威清西四十五里。以方隅道里計  
之。似即此山。然其地去平壩僅五里。不平壩而威清  
何也。其洞高懸峻裂。內入不甚深。而前多突聳之石。



環牖分門。反覺窈窕。其右重壁之上。圓穴一規。北向高穹。扳崖登之。其中上盤空頂。下墜深窅。土人架木鋪竹為墊。儼然層閣。頂東另透明窓。窅內復有穴。自下層出入。土人置扉穴前。晚則驅牛馬數十頭藏其中。正岩之後。有裂竅西南入。滴瀝垂其內不絕。漸轉漸隘而暗。似向無入者。乃出。時有一老者候余洞前。余欲并探北偏中洞。老者曰。北洞淺。不足觀。有南洞。在高崖上。且大路所由。可一登之。乃循洞麓西轉。不數十步。則峰南果有洞。出崖端。其門南向。其下依崖。

而居者。猶環之為廬。乃從廬後躋級上。洞門懸嵌。彌高。前壘石為垣。若雉堞形。內深五丈餘。而無懸突之石。曠然高朗。其後窪陷而下者一二丈。然俱面陽而燥。土人置廩盈其間。其左脘裂竅北入。漸下漸狹。而卑。土人曰。與東洞通。想即垂瀝不絕處也。亦以黑暗不暇入。時顧僕與苗子担前行。已久。余恐其不之待。遂下山。循麓西上半里。踰岫。則顧僕與苗夫猶待於此。其岫當西界。蜿蜒屏之中。脊不甚高。而石骨稜。兩旁駢峙甚逼。通隘西下。塢中窪。其西復有岫環屬。



南北夾危峰。而東西又雨脊如屬垣。窪中有小水。牧者浸牛滿其中。度窪半里。又踰脊西下。約一里有岐。直下西塢者。通平壩南上之道。循嶺北越嶺角者。為往來壩道。乃西北上嶺一里。踰嶺角而北。又北下一里。又踰嶺西北一里。與大道伍。循大道稍北。遂西度田塍。共半里。踰小橋。入平壩東門。半里轉而南。乃停担肆中。是晚覓得安莊。夫市小。鮑佐酒。時終過午。坐肆樓作記。○平壩在東西兩山夾間。而城倚西山麓。城不甚雄峻。而中街市人頗集。魚肉不乏。出西門數

里有聖泉。亦時涸。時溢。以迂道不及往。二十早食。隨担夫出平壩南門。循西山麓南行。二里有石坊當道。其南叢山橫列。小溪向東。峽去。路轉西。峽入三里。又隨峽南轉。又二里上石子嶺。踰嶺上為石子哨。又七里。過水橋也。又五里為中火舖。又二里西上岫。從岫夾行一里。為楊家閔。又西三里為王家堡。乃南轉西四里。為石佛洞。門西向。不深。有九石佛。甚古。其處西抵大茅河。為安西界。約五十里。又南五里。平塢間。水分南北流。是為老龍過脊。又南五里。為頭舖。又南二里。



西入山岫。踰之。出其西。又南行三里。過一堡。又二里。上隴。入普定北門。一歧自東北來者。廣順道。一歧自西北來者。大茅河諸閔隘道。普定城垣峻整。街衢宏濶。南半里有橋。又南半里有層樓跨街。市集甚盛。

刊本接前寫

日遊黔記 二

四月廿日<sup>二十一</sup>普定南門。西南行十五里。為楊家橋。有堡為楊家堡。又南十里為中火鋪。又南一里為龍潭山。下轉入西峽。西八里有哨。轉南七里為龍井鋪。又南七里。過啞泉。大路從東南下山。繞山南入安莊東門。小路越嶺西而南下。渡小橋抵安莊西門。安莊後倚北峰。前瞰南隴。而無南門。惟東西兩門出入。西門外多客肆。余乃入憇焉。遂入西門。過伍徐二衛舍。為言此間為安邦彥所塗毒。殘害獨慘。人恨不洗其穴。



然以天兵臨之。蕩平甚易。而部院朱獨主撫。以致天討不行。而叛逆不戢。今正月終。猶以衆窺三岔河。以有脩而退。三岔河者。去安莊西五十里。一水西北自烏撒。一水西南自老山中。余并東北行。故曰三岔。東經大茅陸廣烏江。與安限為天塹者。惟此。今設總兵官駐其地。時宋總督已斃。輿尸還越。而按君馮士晉為四川人。余離貴省日。亦親臨陸廣。巡歷三岔。將由安莊抵南安。伍君曰。按君此行。亦將巡察要害。分布士卒。為勦除之計。非與朱為比者。不識然否。普定衛

城南。即安順府所駐。余先聞安順止土知州。而實籍

刊本段公祠之東。段公名時威。天啓四年。任鎮寧道。雲南普名勝。叛踞阿達州。段統兵征之。死於難。故州人立祠祀之。而招魂墓於望水亭之西。今普名勝之子。猶據阿達州。內即鎮寧州所駐。其亭之西。今普名勝之子。猶據阿達州。

敞殊甚。庭有古杉四株。大合兩人抱。豈亦國初之遺耶。○南安衛城內。即永寧州所駐。考一統志。三衛三州。舊各有分地。衛俱在北。州俱在南。今州衛同城。欲以文轄武。實借武衛文也。但各州之地。俱半錯衛屯。半淪黃孽。似非當時金甌無缺矣。○三衛之西。為水西所昔。其東又諸市襟據。惟中一道通行耳。○段公

A 1 2 3 4 5 6 M 8 9 10 11 12 13 14 15 B 17 18 19



然以天兵臨之。蕩平甚易。而部院朱獨主撫。以致天討不行。而叛逆不戢。今正月終。猶以衆窺三全河。以有備而退。三全河者。去安莊西五十里。一水西北自烏撒。一水西南自老山中。余并東北行。故曰三全。東經大茅陸。廣烏江。與安限。為天塹者惟此。今設提兵官駐其地。時宋提督已斃。輿尸還越。而按君馮士晉為四川人。余離貴省。且亦親臨陸廣。巡歷三全。將由安莊抵南安。伍君曰。按君此行。亦將巡察要害。分布士卒。為勦除之計。非與朱為比者。不識然否。普定衛

城南。即安順府所駐。余先聞安順。止土知州。而宦籍有知府節推。至是始知所駐在普定也。○安莊衛城內。即鎮寧州所駐。其公署在南城內。段公祠之東。湫敞殊甚。庭有古杉四株。大合兩人抱。豈亦國初之遺耶。○南安衛城內。即永寧州所駐。考一統志。三衛三州。舊各有分地。衛俱在北。州俱在南。今州衛同城。欲以文轄武。實借武衛文也。但各州之地。俱半錯衛屯。半淪黃孽。似非當時金甌無缺矣。○三衛之西。為水西所苦。其東又諸市襟據。惟中一道通行耳。○段公



雙明洞

名時盛天啓四年任鎮寧道雲南普名勝叛踞阿迷州段統兵征之死於難故州人立祠祀之而招魂塋

於望水亭之西

今普勝之子  
猶據阿迷州

廿二五鼓大雨達旦余少憇逆旅下午霽獨南遵大路一里踰嶺由岐東下半里入雙明洞此處山皆迴環窪水皆下透穴地將抵洞忽塢中下裂成坑濶三尺長三丈深丈餘水從其東底溢出即從其下北去溢穴之處其上皆環騰為田水盈而不溢亦一奇也從此西轉則北山遂南削為崕西山亦削崖北屬之

崕環西北二面如城半規先抵北崕下崕根忽下嵌成洞其中貯水一塘淵碧深泓即外自裂坑中潛透而滙之從崕外稍西即有一石自崕頂南跨而下其頂與崕並起而下闌為門高濶約俱丈五是為東門透門而西其內北崕愈穹西崕之環界而屬者亦愈合西山之南復分土山一枝掉臂而前與東門外崖夾坑而峙昔有結高垣壘石址架閣于上北與東門崕對以補東向之隙而今廢矣由東門又數十步抵西崕下其崕自南山北屬於北崕上皆削壁危合下



則中闢而西通。高濶俱三倍於東門。是為西門。此洞外之雙明也。一門而中透已奇。兩門而交映尤異。其西門之外。山復四環成窪。高若列城。水自東門外北。崕<sup>北</sup>淵泓間。又透石根。溢出西門之東。其殼淙。從西門北崖。又透穴西出。門之東西皆有小石梁跨之。以入北洞。水由橋下西行。環塢窪中。又透西山之下。而去西門之下。東映重門。北環墜壑。南倚南山。石壁氤氳。結為龕牖。置觀音大士像焉。由其後透穴南入。石竅玲瓏。小而不曠。深可十餘丈而止。此門下南壁之

奇也。北接北崖。石屏中峙。與南壁夾而為門。屏後則北山中空盤壑。極其宏峻。屏之左右皆有小石梁。以分達之。屏下水環石壑。盤旋如帶。此門下北壁之奇也。北壁一屏。南界為門。北界為洞。門南臨此屏中。若樹塞。遂東西亦分兩門。南向水自東門下。溢穴而出。漱屏根而入。則循屏東而架為東橋。而東門臨之。又溢穴出西門下。循屏西而架為西橋。而西門臨之。此又洞內之雙明也。先從西門渡橋入洞。頂高十餘丈。四旁平覆如幄。而當門獨旋頂一規。員盤而起。儼



然寶蓋中穹。其下有石臺。中高而承之。上有兩員窪。大如銅鼓。以石擊之。分清濁聲。土人詫為一鐘一鼓。云洞西北盤亘。亦多垂柱裂隙。俱迴環不深。東南裂隙下。高迥亦如西門。而掩映彌深。水流其前。滌洄作態。崆峒清冷。各極其趣。遂踰東橋。仍出西門下。由其前南向而上。直躋崖根。復有洞東向。高濶俱三丈。而深十丈。洞後北轉。遂上穹而黑。然不甚深矣。洞中乾朗。有僧栖之。而中置金仙像。乃扣僧索筆。携炬同下。窮西門大士。後小穴。并錄壁間詩。返寓已暮。

廿三催短夫。遵大道南行。二里從隴頭東望。雙明西岩。其下猶透明而東也。洞中水西出流壑中。從大道下。復西入山麓。再透再入。凡三穿岩腹。而後注於大溪。蓋是中窪壑。皆四面山環。水必透穴也。又南踰阜。升降共四里。有堡在南山嶺頭。路從北嶺轉而西下。又二里。有草坊當路。左有茅鋪一家。又西下。升陟嶺壑。共七里。得聚落一塢。曰白水鋪。已為中火鋪矣。又西二里。遙聞水聲轟轟。從隴隙北望。忽有水自東北山腋瀉崖而下。搗入重淵。但見其上橫白濶數丈。



翻空湧雪。而不見其下截。蓋為對崖所隔也。復踰阜  
下半里。遂臨其下流。隨之湯。西去擔夫曰。是為白  
水河。前有懸墜處。此更深。余迴望東北懸流。恨不  
一抵其境。心甚快。隨流半里有巨石橋跨水上。是  
為白虹橋。其橋南北橫跨。下闢三門。而水流甚濶。每  
數丈輒從溪底翻崖噴雪。滿溪皆如白鷺群飛。白水  
之名不誣矣。渡橋北。又隨溪西行半里。忽隴箐虧蔽。  
復聞聲如透隴隙。南顧則路左一溪。懸搗萬練飛空。  
溪上石如蓮葉下覆。中刻三門。水由葉上漫頂而下。

如鮫綃萬幅。橫罩門外。直下者不可丈數計。搗珠崩  
玉。飛沫反湧。如烟霧騰空。勢甚雄厲。所謂珠簾鈎不  
捲。正練掛遙峰。俱不足以擬其壯也。蓋余所見瀑布  
高峻數倍者有之。而曾無此濶。而大者。但從其上側  
身下瞰。不免神悚。而僂者曰。前有望水亭。可憇也。瞻  
其亭。猶右對崖之上。遂從其側西南下。復度峽南上。  
共一里餘。躋西崖之巔。其亭乃覆茅所為。蓋昔望水  
亭舊址。今以按君道經。恐其停眺。故編茅為之耳。其  
處正面揖飛流。奔騰噴薄之狀。令人可望而不可即。



也。停憇久之。從亭南西轉。澗乃環山轉峽。東南去路。乃循崖拾級西南下。又升陟隴壑四里。西上入塢。有聚落在東山下。曰雞公背。土人指其東南峰上。有洞西北向。外門如豎。而內可容衆。雞公以形似名也。其洞東透前山。而此塢在其後。故曰背。余聞之。乃鼓勇先登。莫一入其內。比登。祇有一道西南上。隨之迤邐。扳躋。竟無旁岐。已一里。登嶺頭矣。是為雞公嶺。坳中有佛宇。問洞何在。僧指山村南。已越之而上矣。担夫亦至。遂踰嶺西向下。半里。抵壑中。又半里。有堡有南

隴。曰大華峭。又西上嶺踰而西。又一里。乃迤邐西南下。甚深。始望見西界遙峰。自北而南。屏列如幃。與此東界為夾。互相頡頏。中有溪流。亦自北而南下。嵌壑底。望之而下者三里。從橋西渡。是為閔嶺橋。越橋。即西向拾級上。道甚峻。二里有觀音閣。當道左。閣下甃石池一方。泉自其西透穴而出。平流池中。溢而東下。是為馬跪泉。乃閔寮公道跡也。閔南道右。亦有泉出穴中。是為啞泉。人不得而嘗焉。余勺馬跑。甘冽。次於惠。而高山得此。故自奇也。但與啞泉相去不數武。何



良楛之異如此。由閣南越一亭。又西上者二里。遂陟  
嶺脊。是為閔索嶺。索為閔公子。隨蜀丞相諸葛南征。  
開闢蠻道至此。有廟肇自國初。而大於王靖遠。至今  
祀典不廢。越嶺西下一里。有大堡在平塢中。曰閔嶺  
舖。乃閔嶺守禦所。在也。計其地猶在山頂。雖下未  
及三之一也。至總過午。夫辭去。余憇肆中。

廿四辰起。以乏夫為慮。忽有駝騎至。尚餘其一。遂倩  
之。議至交水。以筐囊裝馬上。令之先行。余飯而後往。  
西南七里。上北斗嶺。一里西踰其脊。有亭跨其上。西

望崇山列翠。又自北屏立而南。與東界復頓頽成夾。

夾中亦有小水南去。從嶺西下二里。抵夾塢中。村倚

其麓。是為北斗舖。閔嶺為中界高山。而北斗嶺乃其

乃其西陲二界高嶺愈西愈高。由舖西截塢橫度。二里乃西向拾級

上。迤邐峰頭五里。踰一坳。東眺閔嶺。已在足底。有坊

跨道。曰安普封疆。是為安莊哨。自閔嶺為鎮。寧永寧

之也。直抵盤江。皆犬牙又西上峰峽中。三里。岷水漸

合。安籠舖。寧屬按志有安籠菁山。安籠菁閔。想即此

問。所謂安籠守禦所。土人云在安南東南三日程。此



屬普州。又非此矣。按此地。在昔為安氏西南盡境。故  
今猶有安莊。安籠。安順。安莊諸名。蓋安氏之地。昔以  
盤江為西塹。而今以三岔為界。三岔以南。盤江以東。  
為中國舊衛者。僅此耳。由鋪西更南上一里。踰嶺稍  
下。有塢中窪。又西半里。則重峰夾坑。下墜北去。盤嶺稍  
**西**度坑。物又半里。復拾級上。二里有庵。跨道。是為象  
鼻嶺。由其西度脊。甚狹。南北俱削壁。下而成坑。其上  
濶僅五六尺。如度堵。又宛轉北躋。再通一脊。共二里。  
陟嶺頭。則此界再高處也。東瞰閔嶺。西俯盤江。以西。

兩界山。俱若列屏於下。如川字分行而擁之者。嶺西  
又盤塢為坪。結城其間。是為查城。即所謂驛站也。查有  
城驛屬乃望之西北。下共二里。而稅駕逆旅趙店。江  
安南時駝騎放牧中途。余小酌肆中。參與入城市。返憩  
肆間。其地為盤江以東。老龍第一枝。南分之脊。第  
二枝為閔嶺。第三枝為雞公背。三枝南下。形如川字。  
而四枝最高。然其去俱不甚長。不過各盡於都泥江  
以北。其界都泥江北而走多靈者。又從新添東南。分  
支下都勻南。環獨山州北而西。又東南度雞公關。而



下者也。○其地東南為募役長司。姓李。東北為營頂長官司。姓羅西北為沙營長司。沙姓時沙土官初故其妻即狼代土酋之妹狼代率衆攻之。人民俱奔竄于昂站。沙營東北為狼代土酋。東北與水西接界。與安孽表裏為亂。攻掠隣境。土官惟加銜餌。不敢一問也。○按是嶺最高。西為查城。東為安籠箐。皆絕頂迴環而成塢者。在衆山之上也。一統志永寧之安籠箐。閔正指此。普安之安籠千戶所。在安南東南。三日程者。即與廣西之安隆長官司接界。乃田州白隘所由之道。在普安者為安籠千戶。則此所當安隆。

與廣西同稱。不當作安籠。與永寧相溷也。○昂站之峽。從東北向西南。其東南即大山之脊。而查城倚其西北。亦開一峽而去。乃沙營土司道也。其泉源亦自東北脊下。穿站街而西南墜。峽底西南峽亦環脊無春刊本有。黔遊日記二。去當西注盤江者也。

十五自昂站西南行一里餘。有岩在路石。上下各有洞。門俱東南向。而上洞尤空濶。以高不及登。路左壑泉以成澗。隨之南半里。山迴壑盡。脊當其前路。乃上躋。水則自其下入穴。盤折二里。踰坳脊。是為梅子。



下者也。○其地東南為募役長司。姪東北為營項長  
官司。姓羅西北為沙營長司。沙姓時沙土官初故其妻  
衆攻之人民俱奔竄于焉站。即狼代土酋之妹狼代率  
沙營東北為狼代土酋。東北與水西  
接界。與安孽表裏為亂。攻掠隣境。土官惟加銜餌。不  
敢一問也。○按是嶺最高。西為查城。東為安籠箐。皆  
絕頂迴環而成塢者。在衆山之上也。一統志永寧之  
安籠箐。閔正指此。普安之安籠千戶所。在安南東南  
三日程者。即與廣西之安隆長官司接界。乃田州白  
隘所由之道。在普安者為安籠千戶。則此所當安隆

與廣西同稱。不當作安籠。與永寧相溷也。○焉站之  
峽。從東北向西南。其東南即大山之脊。而查城倚其  
西北。亦開一峽而去。乃沙營土司道也。其泉源亦自  
東北脊下。穿站街而西南墜峽底。西南峽亦環脊無  
隙。遂從其底穿山腹西去。當西注盤江者也。  
十五自焉站西南行一里餘。有岩在路石。上下各有  
洞。門俱東南向。而上洞尤空濶。以高不及登。路左  
壑泉以成澗。隨之南半里。山迴壑盡。脊當其前。路乃  
上躋。水則自其下入穴。盤折二里。踰坳脊。是為梅子



閔越閔而西。路左有峽。復墜坑而下。東西徑一里。而西復迴環連脊。路循其上。平行而西。復踰脊。始下陟二里。又盤塢中山西南轉。二里。復西北上一里。是為黃土埧。蓋鼎站之嶺。至此中降。又與西嶺對峙成夾。有土山中突而連屬之。其南北皆墜峽下。中踞若琪。然其云黃土埧者。以此有數家倚西山而當其坳。設巡司以稽察焉。又上踰嶺脊。共五里。為白雲寺。於是遂西南下。迤邐四里。遠中箱籠絡繹。輿騎相望。則臨安道毋忠以欽取入京也。司道無欽取之例。其牌如

此當必有說。按毋為川人。本鄉薦。豈果有卓異特達聖聰耶。然聞阿遂之僭據未復。而輿扛之紛紜寔繁。其才與操似俱可議也。又至塢底西北上一里。為新舖。由舖西稍踰嶺。遂直垂下五里。過白奎觀。前奉真武。後奉諸佛。中頗整潔。時尚未午。駝騎方放牧在後。余乃入後殿。就淨几。出紙墨。記連日所遊。僧檀波甚解人意。時以茶蔬米粥供。下午有象過。二大二小。停寺前久之。象奴下飲。瀕去。象輒跪。後二足又跪前二足。伏而候升。既而駝騎亦過。余方草記。不暇同



往。又久雷聲殷。天色以雲暮而暗。辭擅波以少禮  
酬之。堅辭弗受。初余以為去盤江止五里耳。至是而  
知駝騎所期舊城尚在盤江上五里。亟為前趨。乃西  
向直下三里。有枯澗自東而西。新構小石跨之。曰利  
濟橋。越橋度澗南。又西下半里。則盤江沸然自北南  
注。其峽不澗而甚深。其流渾濁如黃河而甚急。萬山  
山之中。衆流皆清。而此獨濁。不知何故。余三見此流  
柳亦甚濁。一在三鎮北羅木渡。則循江東岸南行。半  
清。一在此復濁。想清乃澗時也。里抵盤江橋。東西二崖相距不十五丈。而高且廿丈。

橋以東西屬兩崖上為經以木板橫鋪之為橋

水奔騰於下。其深又不可測。初以舟渡。多漂溺之患。  
壘石為橋。亦多不能成。崇禎四年。今布政朱名家人  
雲南人時為廉憲。命安普游擊李芳先四川人以大鉄練維兩  
崖。為經橫木板為緯。洞八尺餘。為經練者數十條。鋪  
板兩重。其厚僅八寸。望之縹緲。踐之則屹然不動。日  
過午。馬千百群。皆輦重而趨者。橋兩旁又高維鉄練  
為欄。復以細練經緯為紋。兩崖之端。各有石獅二座。  
高三四尺。攔練俱自獅口出。東西又各跨巨坊。其東  
者題曰天塹雲航。督部朱公所標也。其西者曰。此下編四字

A 1 2 3 4 5 6 M 8 9 10 11 12 13 14 15 B 17 18 19



傳宗龍時為監軍御史所標也。傳又鑿穹碑。題曰小葛橋。謂諸葛武侯以鉄為瀾滄橋。數千百載。乃復有此。故云。余按渡瀾滄為他人。乃漢武故事。而瀾滄亦無鉄橋。鉄橋故址在麗江。亦非諸葛所成者。橋兩端。碑刻祠宇甚盛。時暮雨大至。不及細觀。度橋西。已入新城門內矣。左轉。瞰橋為大願寺。西北循崖上。則新城所環也。自建橋後。增城置所為鎖鑰之要。云。聞舊城尚在嶺頭五里。躋級急。登一里半。出北門。又北行半里。轉而西。逶迤而上者二里。新城外所上者。

坦西踰坳。循右峰北轉。又半里。則城懸嶺后崗頭矣。入東門。內有提府鎮焉。其置與後舍無異。早晚發號。用喇叭。亦不揚金鼓之聲。無有也。青崖提兵姓商此間提兵姓胡添設雖多而勢不遵矣是夜宿軍人張齋家。廿六駝馬前發。余飯而出舊城西門。始俱西南行。從嶺塢升降。五里。茅舍在南隴下。為保定舖。從其側西上嶺。三里。忽有水自嶺峽下。循峽而上。峽中始多田塍。蓋就水而成者。時已揀上二里是為凉水營由營西復從山塢逶迤而上。漸上漸峻。又五里。遇駝馬方牧。余先



登將踰坳。坐坳下石間。少憇。望所謂海馬嶂者。忽有  
人自坳出。汲有汲水由余前走南岐去。余先是望南岷迴削  
有異。而未見其岐。至是亟隨之。抵崖下。則穹然巨洞。  
其門北向。其內踰空而下。甚宏。其人入汲於石隙間。  
隨處皆自洞頂淙。散空下墜。從洞左頂下者最盛。  
下有石臺承之。臺之側鑿以貯汲者。洞右下瞰頗深。  
內可容數百人。而光明不闕。然俱無旁隙。別竅若堵  
墻而成者也。出洞仍申舊路。出大道。登坳。即海馬嶂。  
有真武閣跨坳間。余入憇閣間。取筆楮紀遊。而駝馬

已前去。久之乃行。其內即為海馬舖。去城十里矣。其  
處北半兩日半程。為小米馬場。有堡城。下臨盤江。隔  
江即水西地。南兩日程。為垂場。河水漲難渡。即出鉛  
之所也。又西循南嶺而行。見其塢皆北向墜。然多中  
窪。而外橫亘者。連西又稍上。二平脊。共三里。則北度  
而矗者。其峰甚高。是為廣山。其李芳先新結浮屠。  
為文曲星。蓋安南城東最高之嶺也。又西二里。為茶  
庵。其北有山。欹突可畏。作負嵎之勢者。舊名歪山。今  
改名威山。余望之有異。而亟於趨城。遂遵大路而西。



又三里。復踰一阜。又二里。稅駕於安南城之東閔外。  
逆旅陳貢士家。

廿七。馱馬已發。余飯後。問知城東五里。由茶庵而北。  
有威山。間有洞。從東透西。又有水洞。其中積水甚  
深。其前正瞰衛城。遙指其處。雖在山巔。然甚近也。乃同  
顧僕循前道五里。東底茶庵。遂由岐北向入山。一  
里抵山左脰。則威山之脉自北突而南。南聳而北伏。  
南削而北垂。東西皆亘。崕斜騫而南上。從南麓復起  
一小峰。亦如之。入東峽。又一里直抵山後。則與東峰

過脊處也。由脊北下。甚深而路蕪。由脊西轉。循山北  
峰之半西行。路蕪而磴在。循之行。則北塢忽起。靈霧  
瀰漫。北峰咫尺不可見。而南面威山之北。惟行處猶  
朗。而嶺亦漸為所籠。西行半里。磴乃南上。拾級而登  
者半里。則峰之北面全為霧籠矣。乃轉東北上。則東  
崕斜騫之上也。石脊甚狹。由東北上西南。如扳龍尾  
而升。復見東南峰外。澄霄麗日。遙山如散。余所行之  
西北。則瀰淪如海。峰上峰下。皆入混沌。若以此脊為  
界者。蓋脊之東南。風所從來。故風霾淨捲。脊之西北。



風為脊障。毒霧遂得倚為窟穴。余夙願一北眺盤江。從來處。而每為峰掩。至是遂登北嶺。而又為霧掩。造化根株。其不容人窺測如此。板脊半里。有洞在頂崖之下。其門東向。上如合掌。稍窪而下。底寬四五丈。中有佛龕僧榻。兩旁頗有氤氳之氣。其後直透而西。門乃漸狹而低。亦尖如合掌。其門西徑山腹而出。約七丈餘。前後通望而下不見者。以其高也。出後門。上下俱削崖壘石。路緣崖西南去十餘丈。復有洞西向。門高不及丈。而底甚平。深與濶各二丈。而洞後石縷縷

紛不深而幻。置佛堂其中。而前建虛堂。已圯不能存。其前直瞰衛城。若垂趾可及。偶霧氣一吞。忽漫無覩。所不意海市蜃樓。又在山河城郭也。然此特洞外者也。由洞左旁竅東向。入其門。漸隘而黑。板石闕上。其中坎坷嵌。窪竇不一。皆貯水。滿中而不外溢。洞頂滴瀝。下注水池。如珠珮繁絃。鏗鏘遠近。洞內漸轉東北。勢似宏深淵墜。既水池高下。無可着足。而無火炬。遂燭。惟從黑暗中聽其遙响而已。余所見水洞頗多。而獨此高懸聚峰之頂。又瀦而不流。無一滴外洩。向



所望以為獨石凌空。而孰意其中乃涵水之具。即出洞。仍循崖而北。入明洞後門。抵前洞。從僧榻之左。有亭。龕可登。扳而上之。則有隙。西透。若窻而岐。為兩。其外復有洞門。在崖路之上。頗軒敞。第透隙處。隻楞逼仄。祇可外窺。不能穿之以出耳。奈是余入前洞。見崖間有鏤。三。明。洞。三。字。者。從洞中直眺。但見前後。而不知旁觀。更有此異也。下洞由舊路三里。出茶庵。遣按君馮以專。逡至。從來有指。逡方不踰。閔嶺。盤江馮以特命再任。故歷閔隘至此耳。時旌旗穿閔。踰坳。瞻眺

之空山。生色。第隨其後。抵安南。不免徒騎難。畜。五里之程。久乃得至。乃飯於陳氏肆中。遂入東門。西抵衙前。轉南而出南門。南向行嶺峽間。共平山二里。有脊自西北度東南。度處東平為塍。西忽墜坑。深下。小水自坑中啣。出路隨之。西循北崖下墜。即所謂鳥鳴閔也。土人呼為老鴉閔。而向直下一里。有茶庵。跨路隅。飛泉夾水道間。即前啣。細流至此而奔騰矣。庵下崖環峽。仄極。傾陷之勢。又曲折下半里。泉溢決道。有穹碑。題曰甘泉勝跡。其旁舊亦有亭。已廢。而遺址

鳥鳴閔在  
安南衛



豐碑尚在。言嘉靖間有僧施茶膳衆。由嶺下汲泉甚艱。一日疏地得之。是言泉從師廢者。余憶甘泉之名。舊志有之。而細流溢于嶺上。或僧疏引至此。不為無功。若神之如錫卓龍移。則不然也。又拾級西南下一里下抵峽口。循西崖之足。轉而西行。北則石崖排空。峽岷上壑。南則墜壑下盤。邱垤縱橫。皆犁為田。雖作降已多。猶平行山半也。又西半里有泉自北崖裂隙間宛轉下注。路經其前。為架橋橫度。泉落于橋內。復從橋下瀉峽去。坐橋上仰觀。峽隙歌曲。泉如雲葉間隨

出。或隱或現。又瀑布一。變格也。循峽又西。迤邐乎上。兩過南度之脊。漸轉西北。共五里。為烏鳴鋪。復西北下峽間。一里餘有小水。一自東峽來。一自北峽來。各有石梁跨之。合于路左。東南去度兩橋。又西南上嶺。一里從嶺頭過一哨。有數十家夾道。又從嶺上循西北界大山。西向行。其南復平墜成壑。下盤錯為田甚深。其南遠山與北界環列者。聳如展屏。而北角獨尖。豎特起。環此壑東度。北脊一枝。遙屬於北界大山。所過嶺頭夾哨處。正其北屬之脊也。余先自海馬障西。



郎遙從嶺隙見西峰繚繞。而此峰獨方頂。迥出如屏。  
間騎夫。江西鋪坡。即此峰。舌對曰。尚在南。余望其吻。  
入處。反在北。心惑之。至是始知其即東向。分枝之脊。  
路雖對之行。而西坡實在其北。循北嶺。升降曲折。皆  
在峰半行。又西北二里。西南二里。直墜坂而下者二  
里。緣嶺西轉者一里。是為納溪鋪。蓋在北崖南墜之  
下。雖所下已多。而猶然土山之脊也。由鋪西望。則東  
面山又分向界。有水經其中。第此兩界。俱枝盤龍錯。  
不若閔嶺之截然屏夾也。復西南下一里半。水從東

峽墜坑而出。西懸細若馬尾。從其北墜。峽而下。又二  
里餘。抵塢中。巨橋三門。跨兩龍閣。水從東一門湧而  
北出。其西二門。皆下平為田。豈水涸時耶。其水自西  
南諸峽中。各趨於橋之南。墜峽而下。經橋下北注。而  
出于藍江上流。豈納溪之名以此耶。度橋復西北上  
嶺。是為江西坡。以嶺在溪之西也。路從天岡中。遠壁  
盤旋而上。一里出天。復拾級上。一里得茅庵。在坡之  
半。又北上拾級半里。抵嶺頭。其北有峰。夾塢尚高。東  
望納溪鋪之巒。東崖者高。下正與此等。於是又西向



平步嶺間二里。扶南峰轉循其西。又西向行半里。則嶺上水多左右墜。又東北下轉。則一深壑甚逼。自西南墜東北。若劃山為二者。度小石梁而西。又西北踰嶺頭。共一里。而入西坡城之東南門。是為有嘉城。廿八。出西坡城之西北門。按西向陟嶺。盤折而上。二里。始升嶺頭。其北嶺尚崇。循其南而西。又二里。望西北一峰。近而且聳。有雲籠其巔。以為抵其下矣。又西一里。隨峰而下。忽有脊中。度左右。復分墜。或與此下。刊本附屬之。蓋下有始如高坡一山。正如一芝側出東西。徑僅十餘里。南北兩垂。亦不過二三十里。而此則其根。蓋所接。滄備二尺。手經三文。計為東正。職。展之。帝度脊始上。

雲龍高峰。又二里。盤峰之南。是為倪納鋪。數十家後。倚高峰。南臨遠谷。前所望方頂屏列之峰。正亘其南。指而詢之。土人曰。是為兜場營。其南為馬場營。再南為新安二所。新為新城所。安為安籠所。由鋪之西半里。有脊自山前塢中南度。復起一技。統于鋪前。脊東西流水。俱東南入納溪橋之上流者。第脊西之流墜。峽南搗甚逼。又稍北。循崇山而西。半里有脊自南嶺橫亘而北。中平而不高。有堡樓峙其間。是為保家樓。已為囉。其脊自西南屏列而來。至此北度東起。而哨守之處。



平陟嶺間。二里。扶南峰轉循其西。又西向行半里。則嶺上水多。左右壁。又東北下轉。則一深壑甚逼。自西南墜東北。若劃山為二者。度小石梁而西。又西北踰嶺頭。共一里。而入西坡城之東南門。是為有嘉城。廿八。出西坡城之西北門。按西向陟嶺。盤折而上。二里。始升嶺頭。其北嶺尚崇。循其南而西。又二里。望西北一峰。近而且聳。有霧籠其巔。以為抵其下矣。又西一里。稍降而下。忽有脊中度左右。復分墜成峽。其脊闊僅二尺。長約三丈。許為東西聯屬之蒂。度脊始上。

雲籠高峰。又二里。盤峰之南。是為倪納鋪。數十家後。倚高峭。南臨遠谷。前所望方頂屏列之峰。正亘其南。指而詢之土人。曰。是為鬼場營。其南為馬場營。再南為新安二所。新為新城。所安為安籠所。即與廣西安隆司為界者。由鋪之西半里。有脊自小前塢中南度。復起一。繞于鋪前。脊東西流水。俱東南入納溪橋之上流者。第脊西之流墜峽南。搗甚逼。又稍北。循崇小而西。半里有脊自南嶺橫亘而北。中平而不高。有堡樓峙其間。是為保家樓。已為囉。其脊自西南屏列而來。至此北度東起。而哨守之處。



為高峰。即視納後之霧麓者。西亘而成石崖。即與夫  
眷排闥為西夫塢者。由眷北循石崖直西。行夾塢之  
上。是為三條嶺。西四里石崖垂盡。有洞高穹。峒半其  
門南向。橫拓而頂甚平。又有一斜裂於西者。門亦南  
向。中有懸柱為前塢。中水繞入西南峽。路乃稍降。復  
西上嶺。坳共三里。為芭蕉關。數十家倚北山南。突而  
間水繞突峰之南。復北環關西而出。過關則墜峽而  
下。復與水過。是為普安東境之要害。然止鋪舍夾路。  
實無關也。由其西降峽。循水路。冰重。峒層。突多。積黑

之色。聞有所謂吊崖觀音者。隨墀物色之。二里見峒  
間一洞。懸路甚深。門南向。無路。乃扳陟而登。則洞門  
圓。僅數尺。平透直北。十餘丈而漸黑。似曾無行跡。所  
入者。乃返出洞口。則滿地白骨。不知是人是畜也。仍  
拔崖下。又西有路。復北山。峒間其下多牛馬。憩息之  
所。污穢盈前。其上層有垂柱。空其端而置以小石。大  
士乃出。人工非天然也。循下復大路。隨溪西一里。溪  
轉北向墜。峒去。於是復西陟坡阜。共六里而至新興  
城。自芭蕉關而來。所降不多。而上入東門。出西門。亦  
亦不遠。其塢間溪猶出山上也。



殘破之餘也。

有碑為天放回年都御史烏城閣公所復

中有坐鎮守備

是

按君又西行嶺峽間二里連踰二嶺脊皆自南北度

者忽西開一深壑中盤旋為田其水四面環亘不知

出處路循東峰西南降一里復轉南向上一里又轉

東南上半里踰嶺脊而南乃西南下一里西抵塢中

聞水聲深甚急忽見一洞懸北崖之下其門南向

甚高溪水自南來北入洞平鋪洞間深僅數寸而濶

約二丈洞頂高穹者將十丈直北平入者十餘丈始

西闕而有層坂東墜而有重峽內亘而有懸柱怒漸

昏黑不可扳涉矣此水當亦北透而下盤江者出洞

微洞名于土人對曰觀音洞以門上崖端有置大士

像于其穴者也洞前溪由東南峽中來其峽底頗平

大葉蒲叢生其間萍綠鏗于風前搖青萍于水上芄

芄有光循之西南半里又西穿嶺隙間漸循坡躡脊

二里有一二家在北峰下其前陷縱橫水由西南破

壑去路由西北循嶺上一里出嶺頭是為蘭家坡西

南騁望環小屏列甚遙其中則峰嶺簇然盤伏深壑

間皆若兒孫匍匐成行無與為抗乃西北直下者二



里。又升降隴脊西行者二里。有庵綴峰頭。曰羅漢松。以樹名也。自踰新興西南嶺。羣峰翠色葦。小始多松。然無喬枝巨本。皆弱幹糾纏。垂嵐拂霧。無復吾土凌霄傲風之致。前又西南開峻。從峽中直下者三里。轉而西。平行者一里。有城當坳間。是曰板橋鋪城。當峽口。仰眺兩界。山凌空而起。以為在深壑中矣。不知其西猶墜坑下也。路在城外西北隅。而入宿城中。之西門。

廿九日出板橋城之西門。北折入大路。拾級下。有水自

石峽下注。踰其左隨之行一里。則大溪汪然自西南轉峽北注。有巨石梁跨其上。即所謂三板橋也。今已易之石。而鋪猶存其名耳。橋上下水皆濶。獨橋下石峽中束。流急傾湧。其水西北自八納山發源。流經軟橋。又西南轉重谷間。至是北揭而去。亦深山中一巨壑也。越橋西。溯溪北涯行一里。溪由西南谷來。路入西北峽去。于是升降隴坳。屢越剎阿。四里直西山復曠然平伏。獨西南一石峰聳立。路乃不從西平下。反轉南仰躋。半里盤石峰東南。有石奮起路右。首銳而



灣。巽肩齊而並聳。是曰鸚哥嘴。又西轉而下者一里半。有舖肆夾路。曰革納舖。土音納俱作捺。至是而始也。惟此又從峽平行。緣坡升降。五里有哨舍。夾路曰題舖名。軟橋。哨由哨西復登峽下。遙見巨溪。從西峽中懸迅東注。下峽一里。即與溪過。其溪轉向南峽去。路從溪北。溯溪循山北之麓。西行二里。有巨石梁南北跨溪上。即所謂軟橋也。余初疑丹姓者所成。讀真武廟前斷碑。始知為軟。想昔以葛索為之。今易石其猶舊其名耳。渡橋而南。遂欲溪南。西向緣南崖而上。磴甚峻。半里。

平眺溪北。山俱絕石。而緣樹緣錯成文。其中忽有一瀑飛墜。自峰頂直掛峽底。緣南崖西上。愈上愈峻。而北眺翠紋玉瀑。步。回首不能去。二里。峽底溪從西北而出。嶺頭路向西南而上。又一里。過真武廟。由其西南向行。遂下塢中。又西南共四里。兩越小嶺而下。有峽自東南達西北。又兩界山排闥而成者。其中頗平遠。有聚落當其間。曰奮普安。西北行塢中。東北界山。逶迤繚繞。不甚雄峻。西南界山。踞躔離立。復露森羅。峽兩頭俱連脊。而中平。無洩水之隙。又西三里。有

A 1 2 3 4 5 6 M 8 9 10 11 12 13 14 15 B 17 18 19



石峰分突塢間。碑字界其下。曰雙山觀。又西一里。則西脊迴環於前。塢窮谷盡。塢底有塘一方。匯環坡之麓。四旁皆石峰森。繞塘亦多石片林立。亦有突踞塘中者。于是從塘西南上迴坡。一里登其脊。又宛轉西行嶺頭。嶺左右水俱分瀉深谷。北出者當出軟橋水而入盤江上流。南流者當從黃草垵而下盤江下流。又西向陟嶺頭。多中窪之宕。大者盤壑為田。小者墜穴為阱。共五里。為水塘鋪。過鋪乃孤於廟前西下嶺。逶迤山半五里。過高莖頭。南向行隴間。踰一平嶺。西南下。又五

里。有小溪自北峽來。石橋南跨之。度其南。北門街夾時岡上。踰岡南下。始城市。有街西去。為雲南坡大道。直南。又一小溪自西北峽來。石橋又南跨之。橋南即為普安城。州衛俱在其中。其城西半倚山脊。東半下臨東溪。南北二門。正當西脊之東麓。而東門則瀕溪焉。南門外石橋。則三溪合于北。徑東門而西。環城南。又南去。而注于水洞者。北門外石橋。第一橋。即雲南坡之水。繞城西北隅。而為壑。東下。而與北溪合于城東。第二橋。即小溪自西北來者。一統志所云目前

A 1 2 3 4 5 6 M 8 9 10 11 12 13 14 15 B 17 18 19



山之水也。第三橋。即小溪自北來者。一統志所云沙  
莊之水也。三溪交會于城之東北。合而南去。是為三  
一溪。經城南橋。而入于水洞。其城自天啓初。為水西  
叛逆。諸蠻應之。攻圍一年而破。後雲南臨安。南土  
官沙姓者奉調統兵  
來至今瘡痍未復。然是城文運。為貴竹之首。前有蔣  
都憲。今有王宮。唐名祚非他衛可比。州昔惟土官。姓  
其君在八納山下。統十二小。後設流官。知州並治烏  
姓黃  
州東北七十里有八納。其山高冠一州。四面皆石崖  
嶄絕。惟一徑盤旋而上。約三十里。龍土官  
在其下其項甚

寬平。有教水塘。盈貯其上。數橋之水所由出也。土人  
音以納為但。而梵經有叭哩哆之音。今老僧白雲。南  
京  
人因稱叭哩山。遂開鑿林鳥。而此地遠隔尚未證果州南三十里。有丹霞  
山。其山當叢峰之上。更起尖峰。卓立於中。西界有山  
一枝。西南自平夷衛屏列而北。迤邐為雲南。而東  
下結為州始。西屏之中。其最高處曰睡青山。正與丹  
霞東西相對。其東界有山。南自樂民所分枝而北。當  
丹霞山南十里。西界屏列。高山橫出一枝。東與東界  
連屬。合併而北。天矯荒脊。西突而起者。結為丹霞山。

A 1 2 3 4 5 6 M 8 9 10 11 12 13 14 15 B 17 18 19



東北聳突而去者。漸東走而為兔場營。方頂之上。又東北度為安南衛脈。其橫屬之枝。在丹霞山南十里者。其下有洞。曰小嵐洞。其門北向。水從洞中出。北流為大溪。經丹霞山之西。大水塘塢中。又北過趙官屯。又東轉而與南板橋之水合。由洞門溯水入。西行洞腹者半里。其劃然上透。中匯巨塘。深不可測。土人避寇。以舟渡水而進。其中另闢天地。可容千人。而丹霞則時拔衆山之上。石峰峭立。東北惟八納山與之齊。抗八納以危擁為雄。此峰以峭拔擅秀。昔有元帝與。

大放二年。毀於蠻寇。四年不昧師。徽州復鼎建。每正二月間。四方朝者駢集。日以數百計。僧又捐貲置田。庄環山之麓。歲入谷而嶺間則種豆為蔬。歲可得豆以供四方。但艱於汲水。尋常汲之嶺畔。往迓三里。皆峻級。過旱則往迓十里而後得焉。

五月初。余東裝寄逆旅主人符心華寓。蘭溪乃南抵善安北門外。東向循城行。先是駝騎議定。自閩嶺至不能待。計程還宿。余倉卒收行李。其物仍復隨溪南。為大盜去。穿途之中。屢遭擄竊。其何堪乎。復隨溪南轉。過東門。又循而抵南門。有石梁跨溪上。趨其南水。



從西南涯向南谷。路從東坡上南嶺。西眺南谷水崖。環壑絕。遂注洞南入。時急于丹霞。不及西下。二里南上。從嶺上行。又二里踰嶺。轉而西。兩旁山腋多下墜之穴。蓋其地當水洞東南。其下中空旁透。下墜處皆透穴之通明者也。又西南一里。路右一峽下迸。有岩西南向。上甚穹。乃下探之。東門有側竇如結龕。門內窪下而中平。無甚奇幻。遂後上南行。又一里踰嶺。春遂西南漸下行。坡峽間一里。過石亭壘址。其南路分兩岐。由東南者為新安二所。黃草埧之徑。由西南者

則向丹霞而南。道。樂民所道也。遂從西南下。從嶺峽中平行者一里。東顧峽坑墜處。有水透涯南出。余疑為水洞所洩之水。而其勢頗上流似不雄壯。從其西。遂西南墜坑而下。一里。抵壑中。則有溪汪然自西而東注。小石梁其上。曰南板橋。以刊于北大道。橋下水西自石洞出。即承水洞之下流。是至而復透山腋也。水從橋東。又合南峽一溪。東向而去。東北合軟橋下流。出北板橋而東。與盤江合。其南峽之溪。則自大水南山巖洞來。二溪一北一南。皆透石洞而出。亦奇矣。越南板



橋南一里。湖南來溪入南峽。轉而西行峽中。又二里。有溪壩南北橫截溪上。其流湧填下注。濶七八丈。深丈餘。絕似白水河上流之瀑。但彼出天然。而此人堰者也。填北堰。有石飛跨路旁。若鷓首掉虛。而其石分竅連枝。玲瓏上透。嵌空湊合。亦哭崖之一奇也。又西三里。路緣北堰而上。西越之而下。共半里。山迴水轉。其水又自南向北而來者。其先東西之峽甚束。至是峽之成南北者。漸寬。又循溪西堰南向行。一里。踰一尖嘴。則峽勢開張。盤成大塢。南望有石梁橫跨溪上。半

里。度石梁而東。遂東南上坡。始與南來之溪別。東上半里。過一村。又東半里。轉而南稍下。共半里。踰小溪而上。過趙官屯。遂由屯村北畔。南東入塢。二里。復上嶺。一里。轉峽處有水飛墜山腰。循山嘴。又西轉而南。半里。隨峽東入。又半里。峽中有水自東峽出。即飛瀑之上流也。小石梁跨峽而南。石碑剝落。即丹霞山建橋文矣。由橋南面。盤嶺為大水塘之道。由橋東向。溯水而入。其下峽中。蒼樹蒙密。水伏流于下。惟見深綠一道。迤邐谷底。又東半里。內塢復開。中環為田。水流



其間路循山南轉。半里入竹樹間。有一家倚山隈。結  
廬下瞰。壑中平時而栖。余以為非登山道矣。忽一人  
出。呼余由其前。稍轉而東。具導余東南登嶺。乃向耕  
塢中去。及余躋半里。復西入樵徑。其人自塢中更高  
呼。稍東。遠得正道。其處回山迴合。東北皆石山。峽岷  
而余所登西南土山。則松陰寂歷。然無挺拔之勢。偃  
仆盤曲。雖小亦然。遂藉松陰。搏飯而食之。覺淡而不  
厭也。既而循坡南上者半里。又入峽。西上者一里。又  
南踰坳脊。間半里。兩旁石峰。東西湧起。而坳中則下

陷成井。灌木叢翳。杳不可窺。循東峰之南。又轉而東。  
南盤嶺半里。兩旁石峰。又南北湧起。峽中又下陷成  
窪。稍轉東北。路成兩歧。一由北踰峽。一由東上峰。余  
不知所從。乃從東向而上者。其兩旁石峰。復南北湧  
起。半里陟其間。漸南轉。又半里。南向躋其岫。則兩旁  
石峰。又東西湧起。越脊南。始見西南一峰。特聳。形如  
天柱。而有殿宇冠其上。乃西南下窪間。半里。復南度  
岡脊。迴望所越之脊。有小洞一規。其門南向。其西有  
石峰如展旗。其東岡之上。復起亂峰如湧。髻而南。岡



則環脊而西。遂轟然起丹霞之柱焉。其中迴窪下陷。底平如鏡。已辰土為田。第無滴水。不堪揀蔣。田間西向。踏級登峰。級綠峰西石崖。其上甚峻。已為峴間懸樹密蔭。無復西日之燦。直躋半早。始及山門。西北向。而四週籠罩山頂。時僧方種豆隴坂間。門閉莫入。久之。一徒自下至。号照啟余入。遂以香積供。既而其師影修至。遂憩余閣中。飲以茶蔬。影脩又不昧之徒也。時不昧募緣安南。影留余久駐。且言其師在。必不容余去。以余乃其師之同鄉也。余謝其意。許為暫留。

一日。

初二。甚晴霽。余時徙倚四面。凭窻遠眺。與影修相指點。其北近山稍伏。下為趙官屯。漸遠為普安城。極遠而一峰危突者。八納也。相去已百里其南稍下。橫脊擁其後。為山嵐洞。極遠則樂民之所南。與亦佐縣為界者也。其面墜峽而下。為大水塘。塢中自南而北。山嵐洞之水。北出南板橋者也。隔溪則巨峰排列。亦自南而北。所謂睡寺小也。山西即亦資孔天道。而嶺障不可見。其東僅為度脊。上堆盤髻之峰。稍遠則駢岫叢沓。



迤邐東北去。為兔場營方頂山之脈者也。山東南為

歸順土司。普安龍土司之屬。越其東南。為新安二所。

黃草堪諸處。與泗城接界矣。是日余草記閣中影修

屢設茶。候供以雞、蔓菜、薑漿花。藤如婆、斜線、斷其

花。蓋每一二十莖成一叢。莖細如髮。長半黃連頭。皆

寸綴花。懸蒂間花色如淡桃花。連叢採之。山蔬之有風味者也。

初三日。飯後辭影修。送余以茶漿。粵西無茶。貴州

以鹽少故。而是遂下山。十里北。過趙官屯。十里東北

過南板橋。七里抵普安演武場。由其西橫嶺西度。一

里。望三一溪北來。有堰當其南。知洞在是矣。遂下。則

洞門北向。迎溪前有巨石坊。題碧雲洞天。始知洞之

名碧雲也。土人以此為水洞。以洞前一巨石界立門

中。門分為二。路由東下水。由西入。其中則擴然無

間。水循洞西。路循洞東。分道同趨。南向十餘丈。漸昏

黑矣。忽轉而東。水循洞北。路循洞南。其東遂穹然大闊。

遙望其內。先影陸離。波响騰沸。而行處猶闇。也。蓋

其洞可入處。已分三層。其外入之門。為一層。則明而

較低。其內闕之奧。為一層。則明而彌峻。當內轉接處。



為一層。則暗而中圻。稍束如門。高穹如橋。聳豁不如  
內層。低垂不<sup>如</sup>外層。而獨界其中。內外迴眺。變明迥  
然。從暗中仰瞻其頂。又有一圓穴。上透。其上亦光  
明開闢。若樓閣中。函恨無由騰空而上也。東行暗中  
者五六丈。而出堂。則戶宏崇。若阿房未央。四圍既拓  
而峻發。彌甚。水從東南隅下。搗與穴而去。光從西北  
隅上透。空明而入。其內。哭水之石。皆如踞獅。汎鳧。附  
壁之。峴。俱作垂旂<sup>嘉</sup>。柱。蓋內與之四隅。西南為轉入  
之橋門。而北為上透之明穴。東南為入水之深窟。而

獨東北。迴環迥遠。深處亦有穴。高懸。其前有窟。簷下  
墜黑暗。莫窺其底。其上有側石環之。若井欄然。豈造  
物者。恐人暗中失足耶。由窟右循峴而南。有一石脊。  
自洞頂附壁<sup>直垂</sup>。泉<sup>垂</sup>而下。痕隆起。壁間者僅五六寸。而  
鱗甲宛然。或巨或細。是為懸龍脊。俟有神物浮<sup>動</sup>之  
勢。其下西臨流間。石畦每<sup>一</sup>。是為十八龍田。由窟石  
循峴而東。有一石痕。亦自洞頂附壁。直垂而下。細紋  
薄影。是為蛇退皮。果若遺蛇粘附之形。其西拔隙而  
上。則明窻所懸也。其窻高懸二十丈。峻壁削立。而多

A 1 2 3 4 5 6 M 8 9 10 11 12 13 14 15 B 17 18 19



側痕錯鏤。緣之上躋。則其門擴然。亦北向而出。縱橫  
各三丈餘。外臨危坡。上倚峭壁。即在水洞之巔。但上  
下懸絕耳。門內正對轟立之柱。之東南。即橋門中  
透之上層也。余即躋明憲。放下觀懸龍蛇。若白若  
橋下出。飯于洞門石上。石乃所鑿詩碑。游人取以為  
臺。以供飲具。其詩乃張渙沈思克者。詩不甚佳。而張  
渙字極道。活可愛。鑿碑欲垂久遠。而為供飲之具。將  
磨泯不保矣。亟出紙筆錄之。仍入內洞。歇一登岩橋  
上層。而岷壁懸峭。三上三却。再後仍登明憲東南。援

轟柱之腋。透出柱南。平視若橋之背。甚坦而近。但懸  
壁無痕。上絕扳躋。咫尺難度。于是復下。而出洞。日已  
下春。因解衣浴。洞口溪石間。半載風垢。以勝流沈澀  
之甚快也。拂拭登途。忽聞岷上歌吟聲。疑洞中何忽  
有人。迴瞻之。乃明憲下東岷峭絕處。似有人影。再  
余曰。此山靈招我。不可失也。先是余聞水洞。之上有  
梵龕。及至索之。無有。從明憲外東眺層岷。危聳心異  
之。亦不見扳援之跡。及出水洞。覓路旁。有小徑。隱現  
伏草間。文似上躋明憲者。以為此間乃崖斷絕。磴耳。



不意聞聲發閱。亟迴杖上躋。始向明窓之林。旋轉而  
東。拾級數十層。復躋危崖之根。則列竅成門。其門亦  
北向。內高二丈餘。深亦如之。左有旁穴前透。多裂隙。  
垂楞。僧以石窒之為室。右有削峽后折。上頗氤氳。盤  
結而峻。不可登。洞中有金仙三像。一僧栖其間。故游  
者携樽壘。就酌于此。非其教。則余將苦。返城。不復  
知水洞之外。復有此洞矣。酌者僕從甚都。必王翰城  
子弟。余遠眺而過之。下山。循溪溯流二里。有大道。即  
南門橋。遂從南門入。躋山坡北行。城中荒敞甚。草舍

離。不復成行。東下為州署。門扉無一完者。皆安首  
叛時。城破鞠為邱莽。至今未復也。出北門。還抵逆旅。  
是晚覓夫不得。卧。  
初四。覓夫不得。候于逆旅。稍散步北寺。惟有空樓層  
閣。而寂無人焉。乃憊而末就者。還閤。而卧。  
初五。仍不得夫。平明微雨。既止。而雷油然四布。是日  
為端午。市多鬻蒲艾者。雄黃為此中所出。亦不見。巨  
塊。市有肉。無食。余兀坐逆旅。囊中錢盡。不能沽濁醪。  
解愁。回想昔年雄山之樂。已分霄壤。



初六日。夜雨達旦。夫仍不得。既午。遇金重甫者。麻城人也。實而儒。索觀余諸公手牒。為余遍覓夫。竟無至者。初七日。囊錢日罄。而夫不可得。日復一日。不免悶。是早金重甫言將往荊州。余為作書寄式圓叔。下午彼以酒資奉。雖鮮甚。意自可款。

初八日。候夫雖有至者。而惡主代為措價。力阻以去。下午得騎。亦重價定之。無可奈何也。此段字以行註也余所遇惡人如衡陽劫盜狗場拐徒。併此寓之。窮錢去者共三番矣。此余所竊。初謂騎夫。後乃知為符主也。人之無良如

此。夫劫盜拐徒。無論如南寧梁冲宇。寶禮僧。併此人俱有害人之心。余萬里一身。脫其席口。亦幸矣。

初九日。平明以行李付騎。別金重甫乃行。是早雲氣濛郁。從普安北門外第一溪橋北。循西峽入。過稅司。漸轉西南。皆溯小溪。西岬行。西山崇陰。小瀑屢。從山巔懸注。南五里。始西南登坡。是為雲南坡。初二里稍夷。又一里半。峻甚。過一脊。復西上。坳共一里。為馬鞍嶺。越而西。遂循嶺向西南行。于是升降盤折。約五里。下塢中。為坳子哨。先是每處有打哨之苦。此為第一哨。今總奉憲禁。并于一處。過無聞。



者又南越一坳。大雨淋漓。又十五里。至海子鋪。小塢。

仍舊什碎大峰之西冒雨

稍開。中有中塘。即所謂海子也。有小城在其南。是為

中大鋪。普安世二哨。但于此并取哨錢。過者苦焉。先

哨分取。今哨目止勒索。駝馬担夫。見余輩亦不甚阻

併取于此。挽余乃入城。飯于市。復出南門。南向登山。五里。駝馬

方牧于山坡。兩復大至。余乃先行。并降高下。俱依東

大山而南。兩旁多督井墜坑。不辨水從何出。又五里。

為大河鋪。有水自鋪東平瀉坡陀下。漫流峽中。路隨

之而南。天乃大霽。忽露破峰露。見西南有山甚高。人

士

云為雲氣籠罩。時露一斑。直上與天齊。望而趨五里。

黑山。大河之水。已漸墜深壑。似從西北峽去。路東南緣嶺

透峽東下。則山環塢。中間中窪為塘。水滿其中。而四

面皆高。不知出處。又東透坳下。塢間又復窪而成塘。

與前雖有高下。而猶水莫洩同之。又東緣南峰而轉。

趨其東。塢又大開。深盤遠錯。千塢環壑于下。其地在

丹霞山南。山嵐洞西南。余謂壑底水。即北透小嵐者。

微之上。人云西峰下有入水洞。水墜坑去。不知所出。

從西峰稍下。共五里。是為河郎鋪。南鋪。越上嶺。仍


A 1 2 3 4 5 6 M 8 9 10 11 12 13 14 15 B 17 18 19



依東嶺行。迴望雲嶺高峰。已在西北。時出昔沒。與雲  
釀雨。皆其所為。雖山中雨候不齊。而衆山若惟瞻其  
馬首者。循東嶺南下峽中。有溪自南而來。溯其東岬  
行。共五里。路忽由水度而岬。而暴雨漲流。深湧莫能  
越。方欲解衣赴之。忽東山之上。有呼者。戒莫渡。招余  
東上嶺行。余從之。遂從蒼棘中上東嶺。已得微道。隨  
之南二里。得北來大道。果從東嶺上降者。蓋涉溪者  
乃西道。從嶺者乃東道。水涸則從西。水漲則從東也。  
西流之中。有一線深坑。澗時橫板以度。茲漲沒無影。

非其人之遠呼。幾不免馮河之險矣。從東嶺下。一里  
則大道西瀕溪。道中水漫數寸。仍揭而溯之。一里有  
石梁跨其上。其溪自西南抵東山之麓。至是橫折而  
去。從梁下抵西山之麓。乃轉北去。蓋其源發于西南  
火燒舖。由分水嶺。按志分水嶺在善安。北流經此。又  
西南百二十里。即此。北抵黑山。何郎之南。不知所洩。即土人亦莫能悉也。  
石梁西麓。有穴紛駢縱橫如亦字。故名其地曰亦字  
孔。今此為亦字孔。乃土音之濶也。梁南半里。即為亦字孔驛。有城倚  
西山下。而水繞其東焉。北至宿雷雨人住。宿于西門。





國家圖書館, NATIONAL CENTRAL LIBRARY, TAIWAN, R.O.C.

周  
銷









國立中央圖書館, NATIONAL CENTRAL LIBRARY, TAIWAN, R.O.C








國家圖書館 NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.

92.9105046 v.6









去不標地名。無從知其何界也。  
初八。何收書款相見。以雨不往。  
初九。余令顧僕辭何不見。促其志。言即送至而  
終不來。是日復大雨不止。

初十。何言覓志無印就者。以復命殺青矣。是日  
午霽。始見黃菊大開。又惟黃菊不大。廣西府西界  
大山高列如屏。直亘南去。曰草子山。西界即大  
麻子嶺。後大龜來者。東界峻逼。而西界層疊。北  
有一石山。森羅于中。連絡兩界。曰發果山。東支

南下者。結為郡治。西支橫屬。西界者。有水芝穴  
湧出。甚巨。是為瀘源。經西門大橋。而為矣邦池  
之源者也。通海從山復橫截仍入大守塘山穴然  
中尤為黑也。廣福得言此水入穴。即從北北園村  
北龍潭出。未幾果否。恐龍潭自是錫岡北場水  
此未必合而出也。矣。邦池。俗名海子。又曰龍甸。  
瀘江在向南。而以水亦竄其名不知何故。  
邦池之南。復有遠山。東西橫屬。則此中亦一  
南北中窪之坑。而水則去來皆透於穴矣。此郡  
山之遠者也。發果山。員若貫珠。橫列郡后。東  
下一支曰奇鷄峰。則學宮所托。西下一支曰鐵



龍則萬壽寺所倚。而郡城當其中環處。城之東北亦有一小石峰在其中。曰秀山。上多突石。前可瞰湖。後可攬翠。城南瀕湖。復突三峯。東即廣福。曰靈山中峰最小。如墩。建塔於上。而西峰橫若翠屏焉。即名此郡山之近者也。秀山前有伏波將軍廟。後殿為伏波像。前殿為郡守張繼孟祠。張扶風人以科甲守此。士申為普首。固城岌岌。張奮不顧身。固保城。聖莫能破。城得僅存。先是張夢馬伏波。示以方畧。後遂還賊。二月終親蒞。怒掌河招。擢馬州人。服其膽。畧賊。稱高王捨命。○新寺。即萬當發果西岳之南。其後山石

嶙峋。為滇中所無。其寺南向。後倚峭峰。前臨澗海。亦此中勝處。前有玉皇閣。東為城隍廟。俱在城外。○瀘源洞。在城北西四里。新寺後山西盡環塢而北。其中亂峰襟沓。綴以小石岫。皆削瓣駢枝。標青點翠。北環西轉。而瀘源之水湧於下穴。瀘源之洞。闢于層崖。有三洞焉。上洞東南向。前有亭。下洞南向。在上洞西五十步。皆在前山之南。崖後洞在北山之北岡。其上如智井。從井北墜穴而下二十步。底畧而成脊。一穴東北下。



而小一穴東南下而廓。此三洞之分向也。其中所入皆甚深。秉炬穿隘。屢起屢伏。乳柱分錯。不可窮詰焉。

十一日大霽。下午出西門。過城隍廟。玉皇閣前。西一里。轉新寺。西峰之嘴而北。又北一里。見西壑。漲水盈。而上洞在其西北矣。由歧路一里。抵山下。歷級游上洞。望洞西有寺。巖重。入憇而淪水為滄。余因由寺西觀水洞。還寺中索炬。始知為洞有三。洞皆須火。入下午。強索得炬。而

火為顧僕所滅。遍覓不可得。遙望一村。在隔水之南。漲莫能達。遂不得為深入計。駢一趨後洞之內。披其外局。還入下洞之底。援其中門而已。仍從舊路歸。北入新寺。抵暮而返。

十二日早促何君志。猶曰。即送至。坐寫待之。擬一至。即行。已晚。復不可得。且曰。現在裝釘工成。即來候也。余初以為廣西郡人。必悉盤江所出。遍徵之。終無諳者。其不知者。反為西轉彌勒。既屬顛倒。其知者。第為東北注羅平。經黃草坝下。



即莫解所從矣。間有謂東南下廣南出田州亦似揣摩之言。靡有確據也。此地至黃草埧又東北四五日程。余欲泛之。以此中淹留日久。迤西之行不可遲。姑留為歸途之使。廣西府鸚鵡最多。皆三鄉縣所出者。然止翠毛丹喙。無五色之異。三鄉縣乃甲寅蕭守所城。維摩州有流官。祇居郡城。不往州治。二處皆藉何天衢守之。以與普拒。廣福寺在郡城東二里。吉雙鄉在矣。邦池之東南與之對。而彌勒州在郡西。

九十里。統志乃注寺在彌勒東九十里。鄉為彌勒屬。何耶。豈當時郡無附郭。三州各抵其前為界。故以屬之彌勒耶。然今大麻子哨西何以又有分界之址也。十三中夜聞雷聲。達旦而雨。余欲行屢矣。而日復一日。待之若河清焉。自省至臨安。皆南行。自臨安抵石屏。皆西北。自臨安抵阿迷。皆東北。自阿迷抵彌勒。皆北行。自勒弥抵廣西府。皆東北。十四。丹令顧僕往促志。余束裝寓中以待。乍雨。



乍霽。上午得回音。仍欲留至明晨云。乃携行李  
出西入玉皇閣。頗雄麗。中乃銅像。而兩廡所  
塑群仙像。極有生氣。正殿四壁。畫亦精工。遂過  
萬壽寺。停行李於其右廡。飯後登寺左鐵龍峰  
之脊。石骨稜。皆龍鱗象角也。志又稱為天馬  
峰。以其形似也。既下。還寺中。見右廡之北。有停樞馬。詢之。乃吾  
鄉徽郡游樞馬。游諱大勳。任廣西三府。征普時。  
游率兵屯南海梢。以防寇之衝。四年四月。普  
兵忽乘之。游竟沒於陣。今其子現居其地。不得

歸。故停樞寺中。予為慨然。是晚過李如玉楊善  
居。諸君作醮寺中。屢承齋餉。僧千松亦少解人  
意。是晚月頗朗。

十五入城。授游君之子。令顧僕往促何君。上午  
出西門。遊城隍廟。既返寺。中男婦進香者。接  
踵有吳爾錫者。亦以進相至。同楊善居索余文。  
各携之去。約抵暮馳還。抵午。顧僕回言。何君以  
吏釘志久遲。撲數板。限下午即備。料不過期矣。  
下午。何命堂書送志及程儀。至。予作書謝之。是



夕為中秋。而晚雲密布。既忽大風。僧設茶于正殿。遂舖飯而卧。

十六日。雨意霏。不能阻余行色。而吳楊父未至。令顧僕往索之。既飯。楊君携酒一樽。侑以油餅。熏鳧。乃酌酒而携鳧餅以行。泛玉皇閣後。循鐵龍東麓而北一里。登北山。一里踰其坳。即發果山之脊也。志又謂之九華山。蓋東峰之南下者為竒鶴。為學宮所倚。西峰之南下者為鐵龍。為萬壽寺之脉。中環而南。突於城中。為鍾秀山。其

實一山也。從嶺上平行。又北三里。始見灑源洞。在西。而山脊則自東界大山。橫度而屬於西界。為郡城後倚。然灑源之水。穿其西突而出。亦不得為過脉也。從嶺北行。又五里而稍下。有峭在塢之南岡。曰平沙峭。郡城北之鎖鑰也。其東即紫薇之後脉。猶屏立未盡。其西則連峰蜿蜒。北自師宗南下。為阿盧山。界塢中之水。而中透灑源者也。由峭前北行。塢中六里有溪。自北而南。小石梁跨之。是為矣。各橋溪水發源於東西南



界分立處。由梁下西注南轉塢窮而南入穴。出於瀘源之上流也。又北六里。村在西山之半。溪峽自東北來。又西北上山一里。躡巖而上。二里遂踰西界之脊。於是瞰西塢。竹塢中水浸成壑。有村在其下。其西復有連山。自北而南。與此界又相持成峽焉。逆嶺上。又北四里。乃西北下西峽中。一里抵麓。復循東麓北行十五里。復有連岡屬。兩界之間。數家倚其上。是為中火舖。有公館焉。按志師宗南四此裡飯仍北行峽中其內

石峯四五。離立崢嶸。峽西似有溪北下。路從峽東行。兩界山復相持而北。塢中皆荒茅沮如。直抵師宗。寂無片椽。廣西李翁為予言。師宗南四十里。寂無一人。皆因普亂。民不安居。龜山督府。今復有普兵出沒。路南之道亦梗不通。一城之外。皆危境云。龜山為秦土官。秦其山最高。北為陸涼。西屬路南。為兩州。間道向設。督捕城。今屬陸涼。秦土官為昂。漢為普。所擄今漸廢。馳秦土官為昂。漢為普。所擄今普兵不時出沒。其地向草泥。閉為蓋。自廣西郡城外。皆普氏所攝。服即城諸村。小民稍溫。輒坐。孤。派。其。贊。以。貢。供。如。違。即。全。家。擄。掠。以。去。故。

A 1 2 3 4 5 6 M 8 9 10 11 12 13 14 15 B 17 18 19





小民寧流離四方不敢一鳴之有司以  
有司不能保其命而普之生殺立見也北行二  
十里經塢而西從塢中度一橋小水自南而北  
涉之轉而西北行照色已合顧僕後余從一老  
人一童子前行躑躅昏黑中余高聲頻呼僕老  
人輒搖手禁止蓋恐匪人聞聲而出也循坡陟  
坳十里有一尖峰當坳中穿其腋復西行北其  
處溪水交流路幾不辨後不知顧僕趨作何所  
前不知師宗在何處莽然隨老人行而老人究  
不識師宗近遠也老人初言不能抵師宗隨路  
有村可止余不信至是不

村并不得師宗經十四前此隨處有村之老人曰余昔過此已  
矣又之漸聞犬吠聲隱真空谷之音知去人  
境不遠過尖山共五里下陟一小溪登坡遂得  
師宗城焉抵東門已閉而外無人家循城東  
北隅有草茅數家俱已墾獲老人仍同童子去  
余止而謀宿莫啟戶者心惶念顧僕負囊山  
荒路寂泥濘天黑不知何以行且不知如何行  
久之見暗中一影亟呼而得之而後喜可知也  
既而見前有火趨叩其門始固辭余候之久乃

A 1 2 3 4 5 6 M 8 9 10 11 12 13 14 15 B 17 18 19



啟戶入。滄湯煮楊君所貽粉糕啖之。甘如飴也。  
濯足藉艸而臥。中夜復聞雨聲。主人為予言。今言平沙有沙人截道。君何以行。予曰。無之。可徵君之福也。土人與之相識。猶被棄始釋。君之  
不遇。豈偶然哉。即此地外五里。夫山之。下時有  
賊出。沒土人未晚。即不敢行。何幸而昏夜過之。  
○師宗在兩山峽間。東北與西南俱有山環夾。  
其塢縱橫而開洋。不整亦不大。水從東南環其  
北而西去。亦不大也。城雖磚甃而甚卑。城外居  
民寥。皆草廬而不見一瓦。其地守哨之兵亦  
俱何天衢所轄。城西有通玄洞。去城二里。又有

透石靈泉。俱不及遊。

十七晨起。雨色霏。飯而行。泥深及膝。出門即  
仆。北行一里。北上坡。遵有水自東南塢來。西向  
注峽而去。石橋跨之。過橋行塢中一里。北上坡。  
遵坡行八里。東山始北斷成峽。水自峽中西出。  
有塞當峽而峙。不知何名。余從西坡北下。有峽  
水西流所經也。坡下亦有茅教家。為往來居停  
之所。是曰大河口。河不甚巨。而兩旁沮洳特甚。  
亦石梁跨之。與綠生同。其水勢亦與綠生相似。



過橋北行。度塢。北復有山自東橫亘西南。一里陟其坡。循之東向行三里。越坡東下。塢中有小水自北而南入大河。溪上流有四五人索哨錢於此。因架木為小橋以渡。見余。不索哨而乞造橋之犒。余畀以二文。各交口謝。稱既渡半里。余隨車路東行。諸人哄然大呼。予還顧。則以羅平大道宜向東北。予東行為悞。故也。亟還從東北半里。復上坡東行。於是皆荒坡蓬隴。風霧遠迷。重茅四塞。十五里東踰岡。始望見東北岡山。

上有塞一屯。其前即環山成窪。中有盤壑。水繞其底而成田。迴塍四顧皆高。不知水所從出。逆岡東下一里。越塢中細流。其塢與流皆自南而北。即東通盤壑者。又東上一里。循盤壑之南脊行。與所望北岡之塞正隔塢相對矣。又踰東岡稍下一里。則盤壑之東有峽穿隴而至。其峽自東南大山破壁而至者。峽兩崖皆巨巒。其上或中剖而成峽。或上覆而成梁。一塢之中。候斷候續。水自東南流穿盤壑。但壑中不知何波。時予



從中梁而渡。水流其下。不知其為梁也。望南北  
峽中水。一從梁洞出。一從梁洞入。乃從梁東。選  
石踞勝。瞰峽而坐。睇其下。如連環夾壁。明暗不  
一。曲折透空。但峽峭壁削。無從下穿其穴耳。於  
是又東。愈岡塢相錯。再上再下。八里盤嶺。再上。  
至是風霧盡開。北有削崖近峙。南有崇嶺逕穹。  
取道其間。橫陟嶺脊。始逼北崖。旋向南嶺。二里  
復踰高脊。北轉東下。二里有茅當兩峰間。前植  
哨竿。空而無人。是為張飛哨。山中之最幽險處。

也。又東下三里。懸壑深闊。草木蒙密。泥濘及膝。  
是名漏頭哨。不見居廬。路口止有一人。懸刀  
植鐮。而索錢。余不知之。與而過。此哨之南。即南  
穹崇嶺。羅平賊首阿吉所窟處。為中道最險。故  
何兵哨守焉。又名新哨。而師宗界止此矣。故哨  
又上嶺。更峻。石骨稜厲。二里濟其巔。是為羅  
平師宗之分界。亦東西二山之分界也。嶺重山  
複上下  
六十里險峻其山蓋南自額勒度脉。分支北下。  
為迤東之險。結成崇嶺。北度此脊。而為白臘。東龍而東。盡於



河底盤江交會處者也。從嶺上東向平行，其間多墜壑成穿。小者為罅井，大者為盤窪，皆叢木其中，窳不可窺。而峯頭亦多樹，多石，不若師宗皆土山茅脊也。平行嶺上五里，路左有塲，宿火樹間，是為中火鋪。乃羅平師宗遠中之地。當午有土人擔具携炊，賣飯於此。而過時輒去，予不及矣。乃冷滄所携飯，又東一里漸下，又一里南向，下叢中，其路在箐石間，泥濘彌甚。一里遂架木為棧，嵌石隙中，臥懸崖沿壁，而或斷或續。每

每平鋪當道，想其下皆石孔，罅井，故用木補填之也。又東下一里，始出峽口，迴顧西壑，崇嶺高懸，皆叢菁密翳，中有人聲，想其夷人之居。而外不能見。東眺則南界山岡平亘，北界則崇峰屏立，相持而東。於是循北坡東行，三里復北上坡，直抵北界峯腰。緣之三里，峰盡東下，有塲縱橫。一塲從北峽來，一塲從東峽來，一塲從西峽來，一塲從東南去。時雨色漸來，路漫濘泥。計至羅平尚四十里，行不能及。聞此中有營房一所，可



宿。欲投之。四顧茫無所見。祇從大道北轉入峽。遂緣峽東小嶺而上。一里忽見五六人持予挾而至。顧予曰：行不及州矣。予問營房何在，曰：已過。可宿乎？曰：可。遂挽予還。蓋此輩即營兵。乃送地方巡官過嶺而返者。仍一里下山抵塢中。乃向東塢入半里，抵小峯之下，南向板峰而下。峻滑不可着足。半里登其巔，則營房在焉。營中茅舍如蝸，上漏下濕，人蓄樵屨。其人猶沾沾謂予公貴人，使不遇余輩而前，無可托宿。柰何？雖營

房卑隘，猶勝夷居十培也。夷謂黑白余領之。索

水炊粥。峰頭水甚澀，以掬濯足而已。

十日平明，雨色霏。余謂自初一樣田晴後，半月無雨。恰中秋之夕，在萬壽寺。狂風釀雨，當復有半月之陰。營兵曰：不然。余羅平自月初即雨，並無一日之晴。蓋與師宗隔一山，而山之西今始雨。山之東雨已久甚，乃此地之常，非偶然也。余不信。飯後下山。飯以筍為菜，其時也。山箬深慶八月正其時也。淨滑更甚於昨，而濃霧充塞，較昨亦更甚。一里抵昨



所入塢中。東北上一里。過昨所返轅處。又一里  
踰山之岡。于是或東或北。盤旋嶺上。八里稍下。  
有泉一縷。出路左右穴中。其石高四尺。形如虎  
頭。下層若君之吐。而上一孔如喉。水從喉中溢  
出。垂石端下墜。喉孔圓而平。僅容一拳。盡臂援  
之。大小如一。亦石穴之最奇者。余時右足為泥  
污所染。以足向石下。就下墜水濯之。行未幾。右  
足忽痛不止。余思其故而不得。曰。此靈泉而以  
足濯山靈罪我矣。請以佛氏懺法解之。如果神

之所為。祈十步。內痛止。及十步而痛忽止。予行  
山中。不喜語怪。此事予所親驗而識之者。不敢  
自悔。以沒山神也。從此漸東下。五里抵一盤壑。  
中有小水自北而南。四圍山如環堵。此中窪之  
底也。豈南流亦透穴而去者耶。又上東岡。二里  
踰岡。東下一里。行塢中者三里。小水自西北向  
東南。至是始遇陽流之澗。有小橋跨之。既渡澗。  
從東南去。路復東上岡。三里踰岡之東。始見東  
塢大關。自南而北。東界則遙峰森峭。志稱羅駢



立東南。西界則崇巘巍峨。白志稱巘屏峙西北。東  
北又一山。土人稱爲橫排于兩界缺處。而猶遠  
不覩。羅平城近。莫見興哆囉也。興哆囉即在山  
下殿耳。又東稍下者二里。峻下者二里。遂抵塢中。  
則興哆囉茅舍數間。倚西山東麓。從此轉北行  
塢中。其塢西傍白蠟。東瞻羅庄。南去甚遙。則羅  
左自西界老脊分枝而東環處也。塢中時有土  
岡。自西界東走。又有石峯自東界西突。路依西  
界北行。遙望東界遙峰下。峭峰離立。分行競穎。

復見粵西面目。蓋此叢立之峰。西南始於此。東  
北盡于道州。磅礴數千里。為西南奇勝。而此又  
其西南之極云。過興哆囉北。一層土岡東走。即  
有一重小水隨之。想土岡之東有溪北注。以受  
此諸水。數涉水。踰岡北五里。望西山高處有寨。  
聚居頗衆。此囉寨也。又北二里有池。在東岡  
之下。又北二里有池。在西岡之下。皆岡環塢轉  
中窪而成者。又北三里有水成溪。自西東向注。  
甚急。一石梁跨之。是為魯夷橋。下水東南數



里入穴中。越橋北始有夾路之居。北半里。又有水自西而東注。其水不及魯夷之半。即從上流分來。里餘而滅。亦一石梁跨之。二水同出于西。外白蠟山麓龍潭中。分流城東南而各墜。地穴亦一竒也。橋之南始有盈禾之塍。又北半里入羅平南門。半里轉東。一里出東門。停憩于楊店。是日為東門之市。既至而日影中露。市猶未散。因飯于肆。觀於市。新榛子。熏雞。菱。還楊店。而雨濛。復至。有楊孀。姜渭。浜者。荊州人。贅此。已

三載矣。頗讀書。知青烏術。詢盤江曲折。能隨口而對。似有可據者。先是余過南門橋。有老者中服踞橋坐。見余過。拉之俱坐。余知其為土人。因訊以盤江。彼茫然也。彼又執一人代訊。其人謂由徵江返天上可咲也。渭濱言盤江南自廣西府。流東北。師宗界。入羅平之東南。隅羅庄山外。抵八達夷寨。會江底河。經巴澤。河格。巴老。興龍。那貢。至霸樓。為霸樓江。遂東南下田州。不北至王土堪。亦不至普安州。第霸樓諸處。與普安界。



亦相交錯。是南盤亦經普安之東南界。特未嘗與東北之北盤合耳。○羅平在曲靖之府東南二百餘里。舊名羅雄。亦土州也。萬曆十三年。土酋者繼榮作亂。都御史劉世曾奉命征討。臨安道文作率萬人由師宗進。夾攻平之。改為羅平。明年繼榮目把董仲文等復叛。羈知州何侯文。作以計出之。復率兵由師宗進討平之。今遂為迤東要地。○羅平州城。西倚白蠟山下。東南六十里。為羅庄山。東北四十里。為東龍山。有水自

白蠟山麓龍潭出。名魯夷河。東環城南。出魯夷橋而東入地穴。其北有分流小水。亦如之。此內界之水也。其西有蛇瘰河。自州西南環州東北。抵江底河。俱在白蠟東龍二山外。其東南有盤江。自師宗東北入境。東南抵八達。俱在羅庄山外。此外界之水也。○州城磚甃。頗整。州治在東門內。俱民惟東門外。頗城闌閣。西北二門為賊首官霸。仲家寨在正南八十里。烏魯河在師宗界。阿吉。羅寨在西南七十里。白蠟山在偏頭南大山下。二寇不時劫掠。民不能居。○白蠟山在

A 1 2 3 4 5 6 M 8 9 10 11 12 13 14 15 B 17 18 19



城西南十餘里。頂高十餘里。其麓即在西門外二里。上有尖峰。南自偏頭寨。北抵州西北。為磨盤山。過脈而東。又起為東龍山者。也。此山雖晴霽之極。亦有白雲一縷。橫亘其腰。如帶圍。為州中一景。○東龍山。在城東北四十里。者。繼榮叛時。結營其上。為巢穴。官兵攻圍。久之。內潰而破。今其上。尚有二隘門。○羅庄山。在城東南六十里。其山參差森列。木下多。卓錫。拔筍之岫。粵西石山之發軔也。○羅平州。東至廣南。南八達界。二

百里。西南至師宗州。偏頭哨。六十里。南至師宗州。烏魯河界。八十五里。西南至陸涼。蛇床河界。一百里。西北至舊越州界。發郎。九十里。北至亦攸縣。桃源界。一百二十里。東北至亦佐。黃卓堪。二百里。○羅平州。正西與滇省對。正東與廣西思恩府對。正北與平夷衛對。正南與廣西府永安哨對。  
十九。坐雨。送旅。閱廣西府志。下午有伍左李三生來拜。



二十日。雨阻逆旅。

廿一日。亦雨阻逆旅。

廿二日。早猶雨濛。下午入東門。仍出南門。登門外二橋。觀魯夷河。詢之土人。始知其西出白蠟山麓龍潭。仍東入地穴者也。還入南門。上城行。抵西門。望白蠟山麓。相去僅三里。外有土岡一層。迴之。魯夷發源。即從其麓透穴而出者也。稍北。即東轉。經北門。其西北則磨盤山峙焉。雁州城來脉。城東北隅。滙水一塘。其下始有禾畦。

郎東門接壤矣。其城乃東西長而南北狹者也。廿三晨。起陰雲。四布飯而後行。其街從北去。居民頗盛。一里出北隘門。有歧直北。逼嶺者。為發郎道。其嶺即是西界磨盤山。轉而東行者。板橋大道。從嶺東轉。東北向行十里。有村在北山之下。曰發近德。其處南開大塢。西南即白蠟。東南即大堡營山。大堡營之南。一支西轉。卓起一峯。特立于村南。為正紫。其南則石峰參差。暹列。即昨興哆囉所望東南界山也。又東。屢有小水南。



去度之東五里石峰突兀當關北界即磨盤東  
轉之山南界即大堡山諸石峯相湊成峽而石  
峰當其中若薄虎然由其東南峽行南界石山  
森成隊南去而路漸東北上五里出當關峰  
之東其東垂有石特立上有斜巖之勢是曰金  
鷄山所謂金鷄獨立也又東一里一洞在南小  
峯下時雨陣復來避入其中飯又東三里東上  
峽脊即磨盤山東走脈至此又度而南為大堡  
營東山者也一里踰脊之東上有歧南去不知

往何夷寨脊東環窪成塢有小水北下注東南  
塢中稻禾盈塍有數家倚北峰下曰沒奈德東  
峰下有古殿二重時雨勢大至趨避久之乃隨  
水下東南峽逼路下兩旁山勢仍覺當人面  
而起東行峽中二里有水自峽南洞穴出與峽  
水同東注又一里小石梁跨溪踰之從溪南東  
行一里溪北注峽路東踰岡一里餘有塢自西  
北來環而南其中田禾盈苑村落高下東二里  
有數十家夾路曰山馬夷亦重山中一聚落也



于是又東北一里。石峯高亘。踰其南坡。抵峰下。又東南一里。有塘在山塢。五六家傍塢而栖。曰挨澤村。又東北二里。為三板橋。數家山之岡。其橋尚在岡下。時雷雨大至。遂止於岡頭上寨。廿四。主人炊飯甚早。平明即行。雨色霏。路滑殊甚。下坡即有小石梁。其下水亦不大。自西而東注。乃出于西北石穴。而復入東北穴中者。其橋非板而石。而猶仍其舊名。橋南復過一寨。乃東向行坡間。二里有歧管峽。從東北者乃入寨。

道從直東者。為大道直東一里。登岡上。其北有塢。在北大山下。即寨聚所托。中有禾苑。焉。岡南小石峰排立。岡頭自東而西。遂與北山環峙。為峽。入峽東行四里。踰脊北上半里。入其坳。其北四峯環合。中有平塢。徑之而北。西峰尤突兀。焉。北半里。又穿坳半里。復由峽中上一里。直抵北巨峰下。其峰聳亘危削。如屏北障。其西有塢。下墜北去。其中箐深霧黑。望之杳然。路從峰南東轉。遂與南峰湊峽成逼。披隙而東半里。其東



四山攢沓。峰高峽逼。林木叢密。亦險境也。遂循南峰之東。南向入塢半里。乃東南上半里。踰岡脊而東。其東有塢。東下。路從岡頭南向行一里。復出南岫。其岫東西兩峰。從岡脊起。路出其側。復東向行三里。始稍降而復上。于是升降曲折。多循北嶺行。與南山相持成塢。六里。路從塢而東。又五里。稍上踰南。北峽始開。再東盤北嶺之南。三里。始見路傍餘薪爨灰。知為中火之地。從其東一里下峽。始得石路。迤邐南向。平下二里。

俯見南塢甚杳。循北嶺東向行一里。忽聞溪聲。涕然。又南下抵塢中。一溪自東而西。有石橋跨之。溪中水頗大而甚急。四顧山迴谷密。毫無片隙。不知東北之從何來。不知西北之從何渡。嘗亦是出入于竅穴中者。南越橋行。仰見橋南有歧躡峰直上。又有大道。溯溪而東。時溪漲。路滄板。南峰之麓。竹念自金鷄山東上。者多而下者無幾。此溪雖流塢中。猶是山巔之水也。東一里。循南峰東麓。轉而南。隔塢東望。溪自東北峽。



中破崖而出。其內甚逼。路捨之南半里。復循南  
峯南麓轉而西南入塢。一里塢窮。遂西上一里  
踰嶺頭。始見有路自北來。合并由嶺上南去。此  
即橋南直躡之歧。踰高嶺而下者。較此為迳直。  
云由嶺南行。西瞰塢甚深。而箐密泉沸。亦不辨  
其從何流也。又南二里。轉而東。循北嶺南崖東  
向行。亦與南山下夾塢成。下瞰深窞。與西塢同  
東五里。其塢漸與西塢並。始知山從東環塢。乃  
西下者。又東向踰岡。東北一里。度一脊。其脊東

西度。從其東復上嶺一里。則嶺東有塢。南北關  
乃北轉循山西行。塢上一里。塢窮。從塢北平轉  
踰東嶺之東。共二里。有數家在路北坡間。是曰  
界頭寨。以羅平村落東止于此也。又東行岡上  
二里。再上嶺一里。踰而東。則有深峽下嵌。惟聞  
水激洶湧。而不見水。從上轉南行。東瞰東界山  
麓。石崖懸削。時突於松稍箐影中。而不知西所  
行之下。其崖更聳也。南行一里。始沿崖南下。又  
一里。仰見路西之峰。亦變而為穹崖峭壁。極危



峻之勢焉。從此瞰東崖之下。江流轉曲。西南破  
壁去。隔江有茅西三點。筵崖而居。乃東向拾級  
直下。一里瞰江甚近。而猶未至也。轉而見始西  
涯矗立。掉天與東涯隔江對峙。其崖乃上下二  
層。向行其上。止見上涯而不得下。見亦不得下  
達。故必迂而南。乃得拾級云。此徑矗崖下半里。  
下瀕江流。則破峰急湧。挾若萬馬奔馳。蓋當暴  
漲時也。其水發源于師宗西南龍北合陸涼諸  
水為蛇場河。由龍甸及羅平舊州。乃東北至伊

澤。過東龍山後。轉東南抵此。即西南入峽。又二  
百里而會八達盤江者也。羅平普安以此江為  
界。亦遂為滇東黔西分界焉。有舟在江東。頻呼  
之。莫為出渡者。薄暮雨止。始有一人出。曰江漲  
難渡。但多人操舟乃可。不過乘其急為索錢計  
耳。又又之。以五人划舟乘渡。不近涯。以一人涉  
水上。索錢盈壑。乃以舟受。以昏黑矣。雨復淋漓。  
截流東度。登涯入旅店。主人他出。其妻黠而  
鬼。見渡舟者。乘急取盈。亦尤而效之。且先索錢



而後授食。又思而鮮。且嫚褻余。蓋與諸少狎而咲余之老也。此婦奸腸毒手。必是馮文所託地羊寨中一流人。幸余老不為所中耳。江底寨乃羅。止此一家歇客。為漢人。其人皆不良。如羅之要渡。漢婦之索客。俱南中諸戾境所無者。其地為步雄屬。乃普安十二營長官所轄也。土酋龍姓據土人曰。今為儂姓所奪。步雄之界東抵黃草坳二十里。西抵此江六十里。南抵河格為唐南界一百餘里。北至本司十二營界亦不下三四十里。亦中原一小邑也。

廿五日其地平明始見炊煙遲得登雨時作時止。出門東上嶺。蓋其江自北而

南。兩崖峽壁。惟西崖有一線可下。東崖有片隙可廬。其南有山橫列。江折而西。向入峽。有小水自東峽來注。故西崖之南。江勃無而餘地。東崖之南。曲轉而存小滕。乃知步雄之地。西南隨此江。其界更遠。南抵廣西。其界即盤江。此統志所云。東入普安州境也。步雄屬貴州普安州盤旋東北共三十里。餘踰嶺頭。遂與南山成南北兩界。峽中深逼。自東而西。路循北山嶺南行。自西而東。又五里。

A 1 2 3 4 5 6 M 8 9 10 11 12 13 14 15 B 17 18 19



則北山忽斷如中剖然。下陷如深坑。底有細流。沿石底。自北而瀉於南。峽路乃轉北而下。歷懸石。披仄嶮。下抵石底。踐流稍南。復扳石隙。上躋東崖。由石底北望。斷崖中剖。對夾如一綫。並起各千仞。叢翠披雲。飛流濺沫。真幽險之極。觀逼仄之異境也。既上。復循北嶮東行。五里稍降。行塢中二里。于是路復有峰。定起。不沿南塢。忽穿北嶮矣。時零雨間作。路無行人。既而風馳雨驟。山深路僻。西人者。勃率其間。覺樹影溪深。散俱

有靈幻之氣。又三里度東脊。稍轉而南。復踰岡而上。二里有歧。東南一歧直北。從東南穿山腋間二里。見數十家。倚北塢間。趨問之。則大路尚在北大山後。此乃山中別聚。皆羅也。間有解語者。問其名曰坡頭。向問其黃草。堪曰尚五十里。問北出大路若干里。不一里。蓋其后有大山。北列最高。抱此甸而南。若隔絕人境者。隨其指。踰嶮之北。腋果一里而得大道。遂從之。緣大山之北而上。直躋者二里。望北塢甚深而闊。霍開



樹杪。每竚視之。惟見其中叢茅盤谷。閒無片膝  
半椽也。盤大山之東。又上半里。忽有峽。東墜稍  
東南降。半里。平行大山東南支。又見西。復有峽  
南墜。已與大山東西隔隴矣。于是降陟。嶺塢十  
里有兩。三家居北岡之上。是曰柳。欬炊湯以  
飯。而雨。勢不止。詢去黃草。堪不及。遂。止馬。其  
人皆漢語。居停者陳姓。此老甚貧。而能重客。一  
見輒煨楸。以燎濕衣。余泥汚而炙之。雖食無  
益。卧無草。甚適也。

廿六。早明起。炊飯。風霾飄雨。予乃就火。久之乃  
行。降坡循塢。西下東。三里塢窮。小水自北塢來。  
橫度之。復東上坡。宛轉嶺。五里有塢。在北坡。  
下。由其東。又五里。窺踰崗而下。塢忽東西大開。  
其西南崗脊甚平。東北皆深墜。南北皆巨山。南  
山。拔尤崇。黑霧間時露巖。氣色。塢中無巨流。  
亦無田塍。居人一望皆深茅。充塞。路本正東去。  
有歧南向。崇山之腋。顧奴前馳。從之。一里南。竟  
塢。將陟山坡上。余覺其悞。復返。轍而北。從大路。



東行。坡茅履濕。三里東竟塢。有峰中峙塢東。塢  
從東北墜而下。路從東南陟而上。二里南穿山  
腋。又東半里。踰其東坳。俯見東山南向列。下界  
為峽。其中泉穀轟轟。想為南流者。從嶺上轉南  
半里。踰其南坳。又俯見西山南向列。下界為峽。  
其中泉穀轟轟。想亦南流者。蓋其東西皆有層  
巒夾谷。而是山中懸其間。遂從其西沿嶺南下。  
二里。小水自東峽。壘橫注西谷。遂踞其上。濯足  
而飯。既乃從塢上南行。隔塢見西峰高柯叢蔓。

蒙密無纖隙。南二里塢將盡。聞伐木穀。則掄柯  
取薪者。從其南漸北焉。又南一里。下至塢中。則  
塢乃度脊。雖不甚高。而北面反下脊南峽。南下  
甚逼。中滿田禾。透峽而出。遂盤一壑。豐禾成塍。  
小水自東北峽下注。南有尖峰中突。水從其西  
南墜去。路從其東北逾嶺。一里半涉壑。一里半  
登嶺。又東有峽南下。其中水穀甚急。拾級直下。  
一里抵塢底。東峽水西南注。遂橫涉之。稍南。又  
東峽一水自東而西注。復橫涉之。二水遂合流。



南行。路隨澗東而南。二里出峽。有巨石峰突立  
東南。水從塢中直南去。塢中田塍鱗次。黃雲披  
隴。西瞻步雉。止隔一嶺。路從塢東上嶺。轉峯峰  
之南。一里有數家倚北岡下。是曰沙澗村。始知  
前所塢出為沙澗也。由其前東下而復下。上。又  
東南踰一岡而下。共一里餘。有溪自北而南。較  
前諸流為大。上有石梁跨之。過梁復東上坡。一  
里岡頭石齒縈泥。滑澤廉利。脩諸艱楚。一里東  
下。又東南轉逾一岡。一里透峽出。始見東小山。

南懸塢中。其上室廬纍。是為黃草塢。乃東行  
田塍間一里。遂徑塢而東。有水自北塢來。石坡  
橫截之。坡東隙則壘石齊坡。水冒其上。南瀉而  
下。其水小于西石梁之水。然皆自北而南。抵巴  
老而入盤江者也。自沙澗至此。諸水俱清徹可  
愛。非復潢污渾濁之比。豈溟點分界。而水即殊  
狀耶。此處有石瀨。而復甃堰以補其缺。東上即  
為黃草塢。營聚塢之得名。豈為此耶。時樵者俱  
浣濯塢上。亦就濯之。污衣垢膝。為之頓易。乃東



上坡循堵垣而東。有街橫縈岡南。然皆草房卑舍。不甚整闢。土人言前為步雄龍土司。挾其戚氏。又為懷氏所攻。毀故非復舊觀。然龍政而代之矣。其北峰頂。即土司黃氏之居。在焉。乃入息于吳氏男婦俱重客。蔬醴皆備。以備云。

廿七晨起。雨猶不止。既而霽。泥濘猶甚。姑少憩一日。詢盤江曲折。為明日行計。乃匡坐作記。薄暮復雨。中夜弥甚。衣被俱沾透焉。廿八晨雨不止。衣濕難行。俟晝衣而起。終日雨。

潯。也。是日此處馬場。人集頗盛。市中所出者。無他異物。惟黃蠟與細笋為多。乃煨笋煮肉。竟日守雨。黃草坵土司黃姓。如乃普安十二營長官司之屬。十二營以歸順為首。而錢賦之數。則推黃草坵土地之遠。則推步雄焉。黃草坵東十五里。為馬鼻河。又東五十里。抵龍光。乃廣西右江分界。西二十里。步雄。又西五十里。抵江底。乃雲南羅平州分界。南三十里。為安障。又南四十里。抵巴吉。乃雲南廣南府分界。北三十



里為豐塘。又西二十里抵碧洞。乃雲南亦佐縣分界。東西南三面與西異。脊錯壤。北去普安二百二十里。其地田塍中闕。道路四達。人民頗集。可建一縣。而土司恐奪其權。州官恐分其利。莫為舉者。黃草坝東南。由龍光箐口。者恐板屯。坝樓。肥上。俱安隆城。土司地。其土官自天啟初為八蠟者。鄉。州。俱。四。城。下田州。乃昔年大道。自安隆無土官。泗城代署。廣南以兵爭之。據其大半。道路不通。寔由於此。按盤江自八達。與羅平分。

巴澤。河格。巴吉。興隆。那貢。地。已。土。俱。為。安。隆。土。司。抵。霸。樓。遂。下。八。蠟。者。鄉。又。有。一。水。自。東。北。來。合。土。人。以。為。即。安。南。衛。北。盤。江。恐。非。是。安。南。北。盤。合。膽。寒。羅。連。白。水。河。之。流。已。東。南。下。都。泥。由。泗。城。東。北。界。經。那。地。永。順。出。羅。木。渡。下。遷。江。則。此。東。北。來。之。水。自。是。泗。城。西。北。界。山。箐。所。出。其。水。北。盤。可。知。也。于。是。遂。為。右。江。再。下。又。有。廣。南。富。州。之。水。自。者。格。亦。為。安。隆。土。司。屬。者。葛。閣。歷。裏。俱。泗。城。地。來。合。而。下。田。此。水。即。志。所。稱。南。諸。溪。也。二。水。一。



出泗城西北。一出廣南之東。皆右江之支。而非右江之源。其源惟南盤足以當之。瞻寒羅運。出于白水河。乃都泥江之支。而非都泥江之源。其源惟此盤足以當之。各不相紊也。按雲南抵廣西間道有三。一在臨安府東。由阿迷州。維摩州。本州昔置乾溝倒馬坡石天井阿几抹甲等哨。東通廣南。每哨撥陸梁衛百戶一員。軍兵十五名。民兵十五名。記府志可考。后州治湮沒。哨悉廢弛。具抵廣南富州。入廣西歸順。下雷。而出馱伏。下南。此余初從左江取道。至歸順而阻于交夷者也。

是為南路。一在平越府之南。由獨山州。豐寧。上下司。入廣西南丹河池州。出慶遠。此余後從羅木渡取道。而入黔滇者也。是為北路。一在普安之南。羅平之東。由黃草埧。即此安隆埧樓之下田州。出南寧者。余初徘徊于田州界土人。皆以為不可行。而候無同侶。竟不得行者也。是為中路。中路為南盤入粵出黔之交。南路為南盤崇滇之始。與下粵之末。北路為北盤徑黔環粵之會。然此三路。今皆阻塞。南阻于阿迷之普富州。

A 1 2 3 4 5 6 M 8 9 10 11 12 13 14 15 B 17 18 19



之李沈見廣西紀歸順之交吏中阻于廣南之蚕食田州之狂狷北阻于下司之草竊八寨之伏莽既宦轍之不敢入亦商旅之莫能從惟東路由沅靖而越沙泥州為今人所趨然懷遠沙泥亦多黎人之恐且迂陟湖南又多歷一省矣。黃草埧東百五十里為安籠所又東為新城所皆南與粵西之安隆泗城接壤然在黔曰籠在粵曰隆一音而各異字一處而各異名何也豈兩名本同一字傳寫之異耶按安莊之東大路

所經亦有安籠箐山與安籠所相距四百里乃遠者同而近者異又何耶大抵黔中多用籠字粵中多用隆字如隆安縣故各從其地而不知地之相近其取名必非二也。黃草埧著名黔西而居聚環閩俱不及羅平州羅平著名迤東而居聚閩閩又不及廣西府此府州營堡之異也聞潯江府湖最勝而居聚閩閩亦讓廣西府臨安府為滇中首郡而今為普氏所殘凋敝未復人民雖多居聚雖遠而光景止與廣西府同也。



迤東之縣。通海為最盛。迤東之州。石屏為最盛。  
迤東之堡。聚宝秀為最盛。皆以免于普福也。縣  
以江川為最。凋州以師宗為最。敵堡聚以南庄  
諸處為最。勝皆為普所蹂躪也。若步雄之龍懷  
爭代。黃草坝之被闕于龍沙。龍沙乃步雄之安隆土  
司之紛爭于岑儂。岑為廣西大城。儂為廣南。占  
八九。土司糜爛人民。乃其本性。而奈及朝廷之  
封疆不可長也。諸夷種之善于土司糜爛。真  
是痛心疾首。第勢為所壓。生死惟命。非真有惡

主思舊之心。牢不可破也。其所以樂于反側。不  
過是遺孽煽動。其人不習漢語。而素泥夷風。故  
勾引為易。而遺孽亦非果有殷之頑。民田橫之  
客也。弟眺梁異伏莽之奸。籍口愚衆。以行其狡  
猾耳。

所度諸山之險。遠以羅平師宗界。偏頭峭為最。  
其次則通海之建通閣。其險峻雖同。而無此荒  
寂。再次則阿迷之中道。頗沈家其深杳。雖同。而  
無此崇峻。又次則步雄之江底東嶺。其曲雖同。



而無此逼削。若溪度之險，莫如江底。岷削九天，  
塹嵌九地。盤江朋團之渡，皆莫及焉。粵西之  
山，有純石者，有間石者，各自分行，獨挺不相混  
雜。滇南之山，皆土峰繚繞，間有綴石，亦十不一  
二。故環窪為多，黔南之山，則界于二者之間。獨  
以逼峰見奇。滇山惟多土，故多壅流成海，而流  
多渾濁。惟撫湖最粵山惟石，故多穿穴之流，而水  
悉澄清。而黔流亦界于二者之間。  
廿九晨雨霏，既飯，辭主人行，從街東南出，半

里。遠東峰之南而北入其塢，竚而迴睇，始見其  
前大塢開于南，郡山叢突，小石峯或朝或拱，叅  
立前塢中，而遙望塢外，南山橫亘最雄，猶半與  
雲氣相氤氳，亦即巴吉之東。障盤江而南趨者  
也。塢中復四面開塢，西則沙澗所送來之道，東  
則馬鼻河所流出之峽，而南則東西諸水所下巴  
吉之區，北則今所入豐塘之路也。計其地，北與  
缺三字為對，南與富州為對，西與楊林為對，東  
與安籠所為對。其遙對者，直東則粵西之慶遠。



直北有四川之重慶矣。入北塢又半里。其西峰盤崖削石巖，獨異。其中有小水南來，溯之北。又二里，循東峰北上，踰脊稍降，陟塢復上。始見東塢焉。共二里，再上北塢，轉而西。塢中有水自西來，出塢下，墜東塢。塢上豐禾披隴，透之而西，沿北嶺上，西向行。二里稍降，陟北塢。一里復西，北上二里，踰北塢，從嶺脊西行。稍降，復盤陟。其西北坡岡左右時有大窪旋峽。其五里，踰西塢而下。又三里抵塢中，聞水聲淙淙，然四山迴合。

方疑水從何出。又西北一里，忽見塢中有坑，中隆如井。此水之所入者矣。從塢右半里，又西北陟嶺半里，透眷峽而出。于是稍降，從長峽中行。西北三里，復稍上。始知此峽亦中窪，而無下泄之道者也。出嶺西，始見西塢中盤，內皆嘉禾。危危。北有小山，縮塢口，廬舍懸其上。是曰豐塘。東西南皆迴峯環之。水從西南二塢交注，其間北向墜峽。由塢東南降嶺，循塢南，盤山北麓，共二里。北與縮口廬舍相對，見路旁有歧，南向



入山疑為分歧之處。道而復還。始登見其內道頗大。以為是再上路。分為二。西者既漸小。南者又盤南山。又疑為非。往返數回。忽有負木三人。從前嶺下。問之。乃知其非。隨之二里北出大路。其人分歧之處。尚在嶺西。此處南歧。乃南塢小路之入山者。大路在西塢入也。然此去以不及黃泥河。正可從碧洞托宿矣。乃西向入塢。有小水自西來。路踰坡。西上下而復陟。三里踰坳。不高而接西三山之間。為南山過北之脊。東水

下豐塘。西水西北流。俱入馬鼻者。脊西逢開塢。直去循北嶺。又西二里。歧始兩分。沿北嶺西向出塢。為普安州道。橫度塢南。陟嶺南上。為六佐道。遂南度塢。路漸微。深茅覆水。曲磴欹坡。無非行潦。緣之南上坡。一里。西南盤嶺角。始望見北界。暹山橫亘。蜿蜒天末。此即亦字孔。西南東轉之脊。從丹霞山東南。迤邐環狗場。歸順二營。以走安籠所。北界普安。南北板橋。諸水入北盤。南界黃草堤。馬鼻河。諸水入南盤者也。又西南入

A 1 2 3 4 5 6 M 8 9 10 11 12 13 14 15 B 17 18 19



峽一里餘。復南躋巘嶺一里。得石磴。由脊南轉。其脊茅深曲。非此石道。復疑其悞。循磴西下。轉而南。曲折一里。抵山麓。其麓漫開。大塢西去。塢雖大。皆荒茅盤錯。絕無禾塍人烟。於是隨山麓西行。三里。塢直西去。路西截塢行。塢南北界。巨嶺森削。中環一壑。員通合沓。令人有四面美容之想。惟照色欹合。山雨復來。而路絕。茅深。不知人烟何處。不勝惴惴。又西南一里。穿峽脊而過。其脊中平。而夾甚逼。出其西。長峽西去。南北兩

界。峽之甚逼。其中一望荒茅。路復若斷若續。上則重茅漚雨。下則薄潦盈溪。時昏黑逼人。惟向暗中躑躅。三里。忽聞犬聲。繼聞人語。在路南。計已出峽口。然已不辨為峽為坡。亦不辨南向。從何入。又半里。大道似泛西北。而人散在南。從莽中橫赴之。遂陷棘刺中。久之。又半里。乃得石徑。入寨門。則門閉。久之。聽其春穀甚遲。號呼之。有應者。久之。見有火光出。啟門。即隨入。火春者家。炊粥浣足。擁青茅而卧。問其地名。即碧峒也。為



亦佐東北界。問紅板橋何在。即在北峰之麓。為黃州堤西界。與此蓋南北隔一塢云。

日遊滇記三

九月初一日。雨達旦不休。起觀兩界山。已出峽口。碧洞在西南山下。貴州北界。復去黔而入滇。高枕同山。即紅板橋為貴州北界。復去黔而入滇。高枕一宵矣。就火炊飯。欲行。主人言此去黃泥河二十里。水漲。舟不能渡。須必需之。蓋是河東岸無居廬。先有去者。亦俱候於此。余見雨勢不止。憚于往返。乃掃剔片地。拭木版為几。匡坐傲茅中。冷則夷婦同就濕燂。一茅中。東半畜馬。西半則主人之榻。前就地煨濕薪以為爨。北即所置几地。







東由亦字孔南。東北繞樂民所北。而轉安龍所。下泗城州。旁一枝南下東轉。而黔滇之界因之。南抵此洞。又南至于江底。又南盡於南盤之北。馬是黔界越老眷之西南。不以老眷為界。而以南枝為界也。若以老眷則樂民所狗場營黃草小故哀滇益。以常屬滇以老眷東行而黔隘黔以補不足。碧峒北與新興城遙對。南與柳樹遙對。此地又滇凸而東者。碧峒寨有民峭。有羅。共民一寨門之內。其西為民寨。即余所棲者。其東為羅。寨。自黃草坳至此。米價甚

賤。一升止三四文而已。

初三子夜寒甚。昧典雨仍霏。既飯。出寨門。路常從小歧南山。上候西從大石徑行。初有塢。西北去。以為狗場道。隨石徑西南轉二里。東界石山南去。塢轉而西。隨之二里。峽中未遂盈隴。望北山崖畔。四五家懸坡上。相去尚一里。而塢南遂絕。乃蒼蒼橫陔。其塢而西北。一里抵北山村麓。有兩人耕于其下。亟趨而問之。尚隔一小溪。其人輒挈牛避去。余為停蹠。遂告以問道意。其

A 1 2 3 4 5 6 M 8 9 10 11 12 13 14 15 B 17 18 19

1 2 3 4 5 6 7 8 9 10 11 12 13 14 15 16 17 18 19



人始指曰。往黃河。泥應從來處。此悞矣。再問以悞在何處。其人不告去。乃返行泥塍間。路倏續二里餘。至前轉塢處。猶疑以為當從南峽。石入方惆悵無路。忽見塢邊一牧馬者。呼之。即碧峒居傳主人也。問何以至此。蓋黃泥河之道。即從碧峒後東南逾脊嶺。乃轉西峽。正與此峽東界石山南北相隔。但茅塞無路。故必由碧峒始得通行。遂渡二里餘。返至碧峒西南。傍其寨門。東南踰嶺而下。一里。東南徑塢。半里。渡上。又半里。

又東南踰一嶺。有峽自南西墜。而路則直西出。嶺半里始下。又半里抵西峽中。遂由峽西行。屢陟岡窪。三里有石峰。踞峽之中。為當關之標。由其北踰脊而下。時密雲釀雨。見細箒索崖。深杳叵測。真豺虎之窟也。喘。西下一里。度壑。又二里。忽水自北峽出。下嵌壑中。繞東南而注。是為黃泥河。其河僅北瀘江水。不濶而深。不渾而急。其源發于梁民所。明月所經。狗場至此。東南與蛇場河。即蛇河。同一江底而入盤江者也。時有小



舟艤西稍待之得渡。遂西上坡一里半逾嶺。此有歧自東南峽底來而入小寨。而抵板橋者。乃知板橋亦四達區也。又西出峽。見羣峰中圍一壑。而北峰獨稍開。即黃泥河所環。共一里餘。抵聚落中。是日為市。時已散將盡。入肆覓飯。主人婦以地薄天雨。勸留莫前。問馬場尚四十里。度不能前。遂停杖焉。

黃泥河聚廬頗盛。然皆草房。其地四面環山。北即河統其後。復東南帶之。西又一小溪。自西南

峽來。北注黃泥。其中多盤塢環流。土膏豐沃。為一方之冠。亦佐之米。俱自此。馬駝肩負而去。前擬移縣于此。至今稱為新縣。而其名亦佐為舊縣云。

初四晨起雨止。四山雲勃。飯而行西半里。渡一木橋。其下溪流自南而北。即西小溪也。又西上坡。轉而南。溯流半里。入西峽。又半里轉而北。其處又有北峽。西峽二流之交焉。于是隨北峽溪。又溯流半里。乃西上山。時東風雲氣稍開。乃



賈勇上躋。仰見西嶺最高。其上皆夾坡削筍。雲氣罩其頂。不能悉。上躋二里。漸入濃霧中。遂從峯頭穿峽上。于是筍深靈黑。咫尺俱不可見。又一里。陟其頂。平行嶺上。又二里。乃下一里。及西塢。陟塢而西。一里。渡一小橋。下水北流。乃南向。西轉。一里有岐。交其南北。南乃入牛場村道。有小峯。駢立。村隱其下。焉北乃趨狗場營者。又西半里。乃西上山。其坡峻且滑。無石級。又泥坎。陷足。升躋極艱。二里。

陟峯頭。又平峰頭一里。越其巔。時濃霧成雨。深茅交道。四顧皆瀰淪如銀海。得峯頭。一樹如擎蓋。下列石如錯屏。乃就樹踞石而憩。止聞颼颼滴瀝之聲。而目眩茫如也。又西北平行者一里。下眺嶺西深墜而下。而杳不可見。嶺東屏峙而上。出沒無常。已從北下。始有石磴。陟墜筍木叢水。共一里半。陟塢而西。亦中窪之宕也。半里。又踰西岫。出其壑。乃大開。路稍平。夫峯旁立。若為讓道者。西向平行塢中。一里半。水橫瀦于前。以



為溪也。涉之不流。乃壑底中窪之坑。蓄而成溪者。又西二里。復有一溪。北流甚急。波漲水流。深濶。崇涉之。又西北一里。乃飯于峽坡下。既飯。遂西入竹峽。崇峰迴合。紆夾高下。深篁密箐。蒙密不容旁入。祇中通一路。石徑逶迤。如披重雲而穿密幄也。其竹大可為管。瀟漫山谷。杳不可窮。從未所入竹徑。無此深密者。其處名竹園。箐自黃泥河西抵馬場人。相負家。缺客皆此物也。客但出藍瀟之耳。其中坡陀屢更。三里。踰峽南下。其壑中間。又為霧障。止聞隔坡人語。寂然不辨其

山形谷勢矣。南行壑中一里。轉而西。半里。又越一岫。又半里。徑峽而西。抵危坡下。復西向躋磴上。于是密箐仍縈。夾壁懸崖間。其陡削雖殊。而深杳一如前也。扳陟三里。西踰嶺頭。竹箐既盡。循山轉南。皆從嶺上行。路東則屏峙而上。路西則深墜而下。然皆深霧所翳。不能窮晰也。南向平陟嶺上三里。轉而西行。嶺脊者一里。其脊南北俱深墜而下。第霧漫莫悉端倪。既而傍北嶺行。北屏峙而南深墜。又二里。雨得大至。適得羊



腸四五家當嶺頭。遂入宿焉。其家竹床竹塢。爆  
揆餉笋。竟忘雨風之苦也。

初五夜雨。連旦不休。而飯行。遂南向稍下。已漸  
轉西。兩旁多中窪下陷之穴。或深墜無底。潞水成  
塘。或枯底叢箐。不一而足。然路猶時。陟岡踰巖。  
上少下多也。十里見路北有深箐。有岐從箐中升。  
合併西去。有聚當嶺巔。是曰水槽。居頗盛。夾道成衢。  
乃狗塢營安龍所。槐花大道所出。但岡頭無田。其上  
皆耕崖鋤隴。祇堪種粟。想稻畦在深坑中。霧翳不見。

也。陟陟嶺間。又四五里。是曰水井。其聚落與水  
槽同。由其西里半。始歷磴下。遙望西塢甚深。下  
箐中一里。由峽底西行二里。復踰坡而上。一里。  
稍下坡。西塢中。其中不深。而闢迴峯四闕。霧終  
開合。日色山光。遠近迭換。亦山中幻景也。既復  
西向踰嶺。三里見西窪中。有水成塘。乃循峯西  
北行。稍下一里。而入亦佐縣東門。縣城磚甃。而  
城外草舍三四家。城中亦俱草舍。求瓦房寥々。  
也。一里炊于縣前。飯後。半里出西門。乃西北行。



計其地猶在群峯之頂。但四山霧塞，上下莫辨耳。從嶺頭西北行二里，乃西向，歷峻級而下。其時霧影亦開，遂見西塢中懸。東界所下之山，與西界崇峰並夾。南北中關深壑，而澤揚河自北而南，經其中焉。其形勢雖見，而河流猶深，嵌不可窺。西山崇列如屏，南額猶高，雲氣尚抹其頂，不令盡露。西山之南，復起一山，斜障而東。此則障澤揚而東南，合蛇床者也。于是盤折西下，三里抵坡，而而磴盡，復西北行，披蛇間一里，逾岡再下，數家茅

舍在焉。然猶未瀕河流也。又西半里，涉一東來小水，乃抵河岸。溯之北，又涉一東北來小水，約半里有渡，舟當嶺崖下渡之。是河發源于平夷衛，及白水鋪以東。滇南勝境以西，皆注焉。其勢半于江底，而兩倍于黃泥河。急流傾洞，南奔東轉，與蛇床分而東西。會黃尼河水，以為江底河者也。亦佐羅平南北東西二處，俱以此為界。西登崖，岸崩頽，扳躋而上。遂西向陟嶺，時暮色將至，始以為既渡，即有托宿處，而荒崖峻坂，絕無一人。



暮雨復來。五里過一人。趨渡甚急。執而問之。曰。此無宿處。雞場雖遙。急趨猶可及也。乃冒雨竭蹶。轉向西南上。五里踰幻而西。乃西轉北行。峽中稍降。二里得數家之聚焉。亟投煨燠。暮色已合。而雨復徹夜。

初六晨起雨止。四山猶氤氳不出。既飯稍西下。渡窪復西北上。漸露昨所望屏列崇峯在西南。而路盤其東北。三里踰一岡。坪間有墟地一方。則雞場是也。從幻北稍下。又得數家之聚焉。問之亦雞場

也。蓋昨所宿者為雞場東村。此則雞場西村矣。從村北行。其峽西墜處。石峯兀立。路從其北。踰脊稍東轉而北。涉塢共三里。遂西北躋嶺。盤折石磴西北上。二里而陟其巔。則夙霧頓開。日影煥發。東瞻羣峰吐穎。眾壑盤空。皆昨所從冥漠中度之者。越嶺西下一里。抵壑盤壑中。見秋花懸隙。細流淙磴。遂成幽吳之境。西三里。有山橫披壑西。透其西北腋。似有耕雲樵石之趣。在西峯後。循其東南塢。則大路所從去也。乃隨塢南



轉塢東西山分兩界。余以為塢中水將南流而不意亦俱中窪之穴也。西行三里復踰脊而上。遂西轉盤橫披之南脊為一里。循橫披南崖而西。其處山脊湊合。岡峽縱橫而森石尤多。娟麗又西一里有岐自東南峽來。又西一里乃轉北下。于是西向山遙豁而路則循山西北向行矣。四里復北向踰岡轉而西下。望西北塢中有石壁下嵌不辨其底。已而降行塢中一里餘。又直造其下。則亦中窪之峽也。由其南又西行兩陟岡塢共三

里。始涉其南流小水。白渡拐澤河至此俱又西行嶺上未見夕水踰岡一里南望岡南一峰西闢洞門高懸門有橫木列而下隔一峽遙睇無路遂不及迂入又半里又涉一南流小水西踰岡共二里而抵桃源村。其村百家之聚與水槽相似倚北山而居。前有深塢羅平之道自塢中東南來北東西三面俱會其南。墜入岵洞而南洩于蛇床江。故知拐澤西峰崇山指非南行大脊也。村多木皮覆屋以代茅。時日巳午就村舍禽湯滄飯乃西向



行。渡西北峽石山小水。一里涉西塢而止。又一里踰岡而西。見西塢自西而東。其南有小山蜿蜒亦自西而東界之。其山時露石骨崢嶸。然猶未見溪流也。塢中雖旋窪成塘。或匯澄流。或瀦濁水。皆似止而不行者。又西一里。踰岡西下。有村當塢。倚南崖而居。于是繞村西行。始見塢中溪形曲折。且聞溪聲潺湲矣。由其北溯之西行。又一里見塢中又有村當塢而居。始見溪水自西來。從其村西環其村北。又繞其東。其村中懸其北曲中一

溪而三面環之。南倚南山之岨。北置木橋以度溪水。其水不甚大。而清徹不汨。是為清水溝云。蓋發源于西山之迴坎坡。經此而東出于桃源。始南去者也。又西一里。復過一村。其村始在塢中。又西一里。又經一村。曰小板村。有稅司在焉。蓋羅平北境。為桃源駝蓋之間道也。又西二里。始踰坡涉澗。屢有小水自北峽來。南注于清水溝。路截而踰之也。北峽中男婦二十餘人。各相負竹筍而去。蓋土人群入箐採歸。淡熏為乾。



以鬻待人者。又西二里。直逼西山之麓。有村倚之。是為迴窞坡。清水溝中。民居夾塢。至此而止。以塢中有水可耕也。由此西南半里。過一小橋。其水自西北沿中山來。即清水溝上流之源矣。度之。又西上嶺。頭有索哨者。躡嶺一里半。西陟嶺脊。是脊始為分水之處。乃北自白水鋪。西直南度。此為環西南而峙為大窞。以分十八寨。永安哨。江底河諸派者也。而羅平之界亦至此而止。焉。踰脊西。漸西北平。下一里。漸轉而西。行塢中。其

塢東西直亘。而南北兩界遙夾之。南山卑伏。而北山高聳。霧復勃勃。龍北峰下。流泉亦屢屢自北注南。第南山之麓。似有墜澗橫其北。然不辨其為東為西。以意度之。以為必西流矣。然不可見也。塢中皆荒茅斷隴。寂無人烟。西行六里。其西有山橫列。塢口塢始墜而西下。茅舍兩三家。依塢而栖。路乃踰塢循北山而西。半里。茅亭一龕。當路旁。南與茅舍對。想亦哨守之處也。又西一里。稍下水。小成溪。自北峽來。小石梁跨之。其



水南注塢口而去。既度梁。即隨西山南向。隨流半里。轉而西上嶺。暮色合矣。又上一里。而馬場之聚當嶺頭。遂投宿焉。

初七晨起。雲尚氤氳。飯而行。有索哨者。還宿處。解囊示批而去。于是西北隨坡平下。其路甚坦。而種蔗滿坡南。蓋其下亦有塢西通者。西馳四里。始與溪近。隨流稍南。半里。復循坡西轉。又一里下坡。西望西南塢中。有數家之聚。田禾四遶。此溪經塢環之。其塢自北山隨坡南下。中有一

水亦自北而南。與此水同會于村北。合而西南破峽去。乃西截北來塢。半里抵北來之溪。新建石梁跨之。是為獨木橋。想昔木而今石也。橋下溪流。三倍于西來之水。固知北塢之源遠于東矣。踰橋西。即上嶺。西向直躋甚峻。一里半。踰其脊。又西向平下者一里。有岐隨岡南去者。陸涼道也。岡西塢中。復有數家焉。亦陸涼屬也。其塢亦自北而南。雖有村而無流。路西下截塢。半里徑村北。又半里抵西界崇山下。遂躡峻而上。而



陸涼之界。又西盡于此矣。蓋因其水南下陸涼。故西自此塢。東抵迴窰西山。皆屬之陸涼。其處南抵陸涼。衛路經尖山天生橋。相距尚八十里。由西嶺而上。又為海崕屬。乃亦佐縣右縣丞土司龍姓者所轄。亦佐縣有左右二丞。皆土司。左丞姓沙。在本縣。即與步雄攻黃草坵者。右丞姓龍。或曰即其地。東自此嶺。而西姓海。在此而居。近越州。抵箐口。東與亦佐西界中隔。羅平陸涼二州之地。間錯其間。不接壤也。從東麓西上。屢峻屢平。峻者削崖盤磴。平者曲折委逆。如是者三。共七

里。望見南坪。有數十家聚居北峰。則危聳獨懸。蓋自馬場而西。即望見遙峰尖削。特出眾峰之上。不意直逼其下。又一里。梯石懸磴。西北抵危峰前。其時麗日轉耀。碧天如洗。眾峰盡出。而是山最高。不特獨木西峰。下伏如砥。即遠而迴窰老脊。亦不能上與之抗。惟拐澤鷄場西嶺。遙相頡頏。其中翡翠層層。皆南環西轉。而接于西南巨峯。此東顧之極觀也。其西則亂峰迴麓。叢箐盤錯。遠雖莫抗。而近多自障焉。其南則支條直

A 1 2 3 4 5 6 M 8 9 10 11 12 13 14 15 B 17 18 19



走。近界既豁。遠嶽前環。此獨木諸所。遙帶而下。洩者。西南有二峰若湊。如眉中分。此盤江之所由南注者耶。其西即越州所倚。而東峰之外。復有一峰高懸。其南浮青上聳。圓若團蓋。此即大龜山之特峙于陸涼路南。師宗彌勒四州之交者耶。天南諸峰。悉其支庶。而此峰又其伯仲行矣。由峰西踰脊稍下。有石坡斜懸。平度度砥峙。古木婆婆其上。亦高崖所僅見者。由此歷級西下一里。有壑迴環。中窪四合。復有中懸之臺。平

瞰其中。夾坑之岡。橫亘其外。石痕木蔭。映彩流霞。令人神骨俱醒。由橫岡西南轉。二里復踰一脊。又西度中懸之岡。有索峭者。不頷而去。度岡而西。一里復上坡。又一里。西踰其隘。復有索峭者。亦不頷而去。想皆所云海崖土司者。踰脊又不能西見盤江。又西半里。西障始盡。下界遙開。瞥然見盤江之流。自西北注東南而去。來猶不能盡矚焉。于是西向拾級。直下一里。抵塢中。又西半里。循西山南轉。半里復稍上踰岡。西復平



行嶺上。半里有歧。一直西下坑。一西南盤嶺。見西南路稍大。從之一里得數十家當嶺頭。其茅舍依隘。牛畜雜處其中。皆所為獼獼也。男子皆出。婦人莽不解語。索炊俱無有應者。是即所謂箐口也。海崖之界。于是止焉。由岡頭西南去。為越州道。從此西北下。即越州屬。為曲靖道。遂西北下嶺。始甚峻。一里轉西。漸夷。于是皆車道。平拓無齟齬之慮矣。西馳八里。始有塢。北來遂盤東山北轉。一里始橫截北來之塢。余始意塢中

當有流南注。而不知其塢亦中窪也。塢中橫亘一岡。南北俱成盤壑。壑南復有岡。從中亘者馳而西。一里復西上坡。又一里陟坡之脊。亦有獼獼數家。問之道。不能對也。從脊西下三里。連越兩坡。又見塢。自北來南向去。其中皆員窪貯水。有岡中間不通流焉。從坡上西北望。則龍潭之山。自北分突屏列而西。此近山也。西南望則越州南嶺。隔山遙障。所謂西峰也。而東峰之外。浮青直對。則大龜之峰。正與此南北相準焉。西下



坡。又有一壩。自北而南。南環為大塢。與東界連窪之塢合。此塢始有細流中貫。夫塢成畦。流上橫小橋西度。有老人持筐賣梨。其側一錢得三枚。其大如甌。味鬆脆而核甚小。乃種之絕勝者。聞此中有木瓜梨。豈即此耶。西上岡。平行岡上四里。直抵西峰下。則有塢。隨其麓而深澗。澗之所謂龍塘河也。然但見澗形而不能見水。乃西下坡。約半里。隨出西南。先與一小水遇。隨之。既乃截塢而西。又半里。始與龍塘河遇。大石梁跨其

上。橋石村。廬壘壘。倚西山而居。始皆瓦房。非復茅舍矣。龍塘河之水。發源于東北山峽中。其處環潭甚深。為蛟龍之窟。即所謂曲靖東山之東峽也。其山北自白水鋪。西分水嶺。分支南下。亘曲靖之東。故曰東山。而由此視之。則為西嶺焉。南至此。瀕河而止。其西腋之中。為閩木山。東腋之中。為龍潭。即此水之所出矣。自箬口西下。塢中。即為越州屬。至此西山。而田疇悉聚環焉。由村西上坡。即東山之南。盡處也。二里踰岡。巔方



踞石而坐。忽一人自西嶺馳來。謂余曰。可急還  
下山宿。前嶺方有盜劫人。毋往也。已而其婦後  
至。所語亦然。而仰視日方下午。前終日馳無人  
之境。皆豺狼魑魅之窟。即夜深幸免。豈此周行  
東西夾山而居者甚衆。反有賊當道耶。余詰之  
曰。既有賊。汝何得至。其人曰。彼方利行者。衣  
余夫婦得迂道來耳。余疑此人欲誑余還宿。故托  
為此言。又思果有之。今日返宿。明日又誰保  
其不至耶。况既劫人。彼必無復待之理。不若即

馳而去也。遂叱頽僕行。即從岡上盤北山而西。  
蓋北即東山南下之頃。南即其山下墜之峽。而  
盤江自橋頭南下。為越州後橫亘山所勒。轉而  
東流。遂截此山南麓而斷之。故下皆岨崿路橫  
架嶺上。四里抵其中。旁矚北嶺。石參差而岫岈  
峻。覺雲影風枝。無非憚人之具。又西四里。始西  
南下。片石中。其處土傾峽墜。崩嵌交錯。石骨露  
其中。如裂瓣綴行。其墜處皆流土。不可着足。必  
從石瓣中宛轉取道。其石質幻而色異。片片皆



英山絕品。惟是風鶴驚心。不狎憇而徐賞之。亡  
何已。望見西塢南流之江。知去橋頭不遠。可免  
虎口。乃倚一石隙少憇。竟作青蓮瓣中人矣。從  
石中下者一里。既及西麓。復行西隴。遂多聚廬  
之居。又一里。路北江迴堰曲。中涵大塘一圍。四  
面豐禾環之。東有精廬。高倚東山之麓。西則江  
流所洩。石梁橫跨之。又行畦間半里。始及石梁。  
其梁不高而長。是為南盤之源。北自炎方交水  
曲靖之東。直南至此。是橋為曲靖鎖鑰。江出此

即東南流。繞越州之東而南入峽焉。踰梁而西。  
約半里。上坡北。宿于逆旅。即昔之所過石堡村  
也。適夜色已暝。明月在地。過畏途。就安廬。樂甚。  
問主人。嶺上禦人者。果有之乎。主人曰。即余隣  
人。下午樵于山。數賊自山後躍出。刺三人衣而  
碎一人首。與君來時相先後也。于是始感前止  
宿者之情。而自愧以私意臆之也。蓋自嶺東為  
越州。西為石堡。乃曲靖衛屯軍之界。互相推委。  
盜遂得而乘之耳。



初八。昧爽飯。復索酒而酌。為浴泉計。遂由村后越坡西下。則溫泉在望矣。塢中蒸氣氤氳。隨流東下。田畦間鬱然四起。半里入圍垣之戶。則一泓中貯。有亭覆其上。兩旁復磚甃兩池。夾之。北有榭三楹。水從其下來。中開一孔。方徑尺。可掬而盥也。遂解衣就池中浴。初下。其熱燥膚。較之前浴時覺甚烈。既而溫調適體。殊勝彌勒之涼。而清冽亦過之。浴罷。由垣后東向半里出大道。是日碧天如濯。明旭晶然。騰翠微而出。浩波映

其下。對之覺塵襟盪滌。如在冰壺玉鑑中。北行十里。過南城。又二十里。入曲靖南門。時有戈叅遊者。奉按君命。巡諸城堡。高幢大纛。擁騎如雲。南馳而至。余避道旁。眎之如赫電。亦如浮雲。不知兩界青山。見慣袒當誰左也。飯于題肆中。出東門半里。入東山寺。是名青龍山。而實無山。郭東崕嵒。高僅丈餘。大不及五丈。上建大殿。前列層樓。配之置洪鐘焉。鐘之大。余所未見也。殿左有藏經閣。其石樓三層。皆翼于崕嵒之旁。而齊



其末者。徙倚久之。出寺右。循城而北。五里。出演  
武場大道。又三里。過白石江。又二里。過一坡。又  
十里。抵新橋。十里。抵交水。入南門。由霑益州署。  
前抵東門。投舊邸。龔起潛家。方演劇。余以足泥  
衣垢。不樂觀。亟入其後樓而憇焉。霑益惟土司  
居州治而知  
州之署則  
在交水  
初九。余倦于行。役憇其樓。不出。作數日遊記。是  
日為重九。高風鼓寒。以登高之候。而獨作袁安  
僵卧之態。以日日躋攀崇峻不少也。下午。主人

携菊具酌。不覺陶然而臥。  
初十。寒甚。止寓中。終日陰翳。下午。復有零雨。既  
而徹夜不休。  
十一。余欲行。主人以雨留。復為強駐。厭其酒脯  
焉。初。余欲從霑益併窮北盤源。委至交水。龔起  
潛為余談之甚晰。皆鑿鑿可據。遂圖返轅。由尋  
甸趨省焉。  
十二。主人情篤。飯而行。已上午矣。十里。仍抵新  
橋。遂由岐溯流西南行。二里。抵西南山下。石

A 1 2 3 4 5 6 M 8 9 10 11 12 13 14 15 B 17 18 19

國家圖書館 NATIONAL CENTRAL LIBRARY TAIWAN R.O.C.

看此



幢之水。乃從西北峽中來。路乃從西北峽中入。一里登嶺。一里陟其巔。西行嶺上者。又一里。乃下。初從嶺頭下。瞰西塢。有廬有疇。有水滌之。以為必自西而東注石幢者。迤邐西下者。又一里。抵塢中。則其水反西南流。當由南谷中轉東。而出于白石江者。詢是村為戈家冲。由是而西。併翠峰諸澗之流。皆為白石江上流之源矣。源短流微。滌帶不過數里之內。而沐西平曲靖之捷。誇為冒霧涉江。自上流渡而夾攻之。著之青史。

為不世勲。而不知與岫堂無異也。徵事考實。書之不足盡信如此。于是盤折坂谷四里。越劉家坡。則翠峰山在望矣。蓋此山兩旁中界之脊。南自宜良分支。北度木容箐。又北而度火燒箐嶺。又北渡响水。西嶺又北而結為此山。又西夾峙為迴龍山。繞交水之西北。經炎方。又北抵霑益州南。轉東復折而南下。峙為黑山。分為兩支。由火燒鋪明月所之間。南走東折。下安龍所入泗城州。而東峙為大明山。遂盡于潯州。旁支西南



由白水西分水嶺。又分兩支。直南者由迴窰坡  
西嶺。西南峙為大龜山。而盡于盤江南曲。西南  
分支者。盡于曲靖東山。其東南之水。下為白石  
江。東北之水。下為石幢河。而西則洩于馬龍之  
江。而出尋甸為北盤江焉。然則一山而東出為  
南盤。西出為北盤。惟此山及炎方足以當之。若  
曲靖東山。則旁枝錯出。而志之所稱悉悞也。由  
劉家坡西南。從坡上行一里。追及一嶺。乃翠峰  
山下橫山屯人也。隨之。又西一里。乃下坡。經塢

一里。有小水自西北來。小石梁跨之。從此西南  
上坡。為三車道。從此直西。溯小水西南峰入。為  
翠峰間道。其路若斷若續。橫截塢隴。三里有大  
道自東南來。則自曲靖登山之徑也。于是東南  
望見三車市矣。遂從大道西行二里。將抵翠峰  
下。復從小徑西南度隴。一里下坡。涉深澗。又西  
上坡半里。抵橫山屯。其屯皆徐姓。老嫗命其子  
從村後送余入山。半里抵其麓。即有两小澗。合  
流。涉其北來者。溯其西來者。遂躡峻西上一里。



半盤嶺頭而北。轉入西峽中。則山之半矣。其山自絕頂垂兩支。如環臂東下。北支長則繚繞而前。為新橋西岡之脉。南支短。即所躡以上者。兩臂之內。又中懸一支。當塢若臺之峙。則朝陽菴踞其上。菴東北向。其南腋又與南臂環阿成峽。自峰頂逼削而下。其護國舊寺倚其間。自西峽入半里。先達舊寺。然後東轉上朝陽。以舊寺前隆峽下塹也。舊寺兩崖壁夾而陰森。其病在旁無餘地。朝陽孤臺中綴。而軒朗所短在前。少迴

環。余先入舊寺。見正殿亦整。其後遂危崖迫峭。藤木倒垂於其上。而殿前兩栢甚巨。夾立參天。寺中止一僧。乃寄錫殿中者。一見即為余爇火炊飯。余即乘閒東登朝陽。一頭陀方曳杖出菴門。余入其菴。亦別無一僧。止有讀書者數人。在東樓。余閒步前庭。庭中有西番菊兩株。其花大如盤。簇瓣無心。赤光燦爛。黃菊為之奪艷。乃子種而非根分。此其異于諸菊者。前樓亦幽迥。庭前有桂一樹。幽香飄動。遠襲山谷。余前隔峽盤



嶺。即噴而異之。以為天香遙墜。而不意乃敷萼  
所成也。桂芬菊艷。念幽境。恨無一僧可託。還飯  
舊寺。即欲登嶺為行計。見炊飯僧慙慙整餉。雖  
瓶無餘粟。豆無餘蔬。殊有割指啖客之意。心異  
之。及飯已不蔬而止。以蔬奉客。始知即為淡齋  
師也。先是橫山也。老嫗為余言。山中有一僧。損  
口苦體。以供大眾。有予衣者。輒復予人。有餉食  
者。已不鹽不油。惟恐眾口勿適。余初至此。即訊  
之。師不對。余俗目不知。即師號大乘。年甫四十。

幼為川人。長于姚安。寄錫于此。已暮年矣。發願  
大齋供眾。欲于此靜修三年。百日始一下山。其  
形短小。而目有風癢之疾。苦行勤修。世所未有。  
余見之。方不忍去。而飯未畢。大雨如注。其勢不  
已。師留止宿。余遂停憇焉。是夜寒甚。余宿前楹。  
師獨留正殿。無具無龕。徹夜禪那不休。  
十三。連旦雨不止。大乘師復留憇。余見其瓶粟  
將盡。為炊粥為晨食。師復即另爨為飯。上午雨  
止。恐余行。復強予食。忽有一頭陀入視。即昨朝



陽入菴時曳杖而出者。見余曰。君尚在此。何不  
過我。我猶可為君一日供。不必噉此也。遂挾余  
過朝陽。共煨火具食。師號總持。馬龍人。為曲靖  
東山寺住持。避葦于此。亦非此菴主僧也。此菴  
主僧曰瑞空。昨與舊寺主僧俱入郡。瑞空歸而  
舊寺主僧俱不知返。蓋皆蠢。世法佛法。一無  
少解者。大乘精進而無餘貲。搃持靜修而能博  
節。亦空山中兩勝侶也。已而自言其先世為姑  
蘓吳縣籍。與余同姓。昔年朝海過吳門。山塘徐

氏欲留之放生池。師不果而歸。今年已六十三  
矣。是夜宿其西樓。寒更甚。而夜雨復潺。○  
十四日雨竟日不霽。峭寒砭骨。惟閉戶向火。不能  
移一步也。

翠峰山在曲替西北。交水西南。各三十里。在馬隴  
西四十里。秀拔為此中之冠。朝陽菴則劉九菴  
大師所建造者。碑言師名明玄。本河南太康人。  
曾中甲科。為侍御。嘉靖甲子。駐錫翠峰。萬曆庚  
子。有征播之役。軍門陳用賓過此。為建此菴。後



師入涅槃。陳軍門命以儒禮葬于菴之東原。土人言劉為侍御出巡案置二桃為鼠所竊劉窺見之伴試門子曰汝何竊桃門子不承嚇之曰此鼠豈復有他人而汝不承吾將刑之門子慮刑遂妄承之問核何在門子復取他桃以自誣劉曰天下事枉者多矣乃棄官薙髮于此

曲靖者本唐之曲州靖州也。合其地置府而名亦因之。霑益州土知州安邊者舊土官安遠弟兄終而弟及者也。與四川烏撒府土官安孝良接壤而復同宗。水西安邦彥之叛孝良與之同逆未幾死其長子安奇爵襲烏撒之職次子

安奇祿則土舍也。軍門謝命霑益安邊往諭水西邦彥拘留之。當事者即命奇祿代署州事。并以上聞。後水西出安邊奉旨仍掌霑益。奇祿不得已還其位。而奇祿有烏撒之援。安邊勢孤莫助。擁虛名而已。然邊實忠順。而奇祿狡猾。能結道歡。今年三月。何天衢命把總羅彩以兵助守霑益。彩竟乘機殺邊。并挈其金二千金去。或曰彩受當道意指。皆為奇祿地也。奇祿遂復專州事。當道俱翕然從之。獨總府沐曰。邊雖土司亦



世臣也。况受特命。豈可殺之。而不問。故至今九月間。霑益復杌裡不安。為未定之局云。

十四。下午伺雨稍息。從朝陽右登頂。西上半里。右瞰峽中護國寺。下嵌穿口。左瞻岡上八角庵。上踞朝陽後脇。西眺絕頂之下。護國後箐之上。又有一庵。前倚危箐。後倚峭峰。有護國之幽。而無其逼。有朝陽之曄。而無其孤。為此中正地。是為金龍庵。時霏雨復來。俱當岐而過。先上絕頂。又西半里。踰北嶺。望見後數里外。復有峰高峙上。

亦有庵。曰盤龍庵。與翠峰西東駢峙。夾北塢而下。即新橋石幢河之源也。于是南向扳嶺脊而登。過一虛堂。額曰恍入九天。又南上。共半里。而入翠和宮。則此山之絕頂也。翠峰為曲靖名峰。而不著于統志。如闌木之在東山。與此隔海子遙對。然東山雖大而非正脉。而此峰則為兩江之鼻祖。余初見西塢與迴龍夾北之猶東下新橋。而朝護國。是峰東麓之水。又俱注白石。疑是峰猶非正脊。及登頂而後知正南下墜之峽。則



南由响水岫西。下馬龍出尋甸矣。始信是頂為  
三面水分之界。東北二面俱入南其脉自响水  
岫西平度而峙為此峰。即西度盤龍。其水遂南  
北異流。南者從西轉北。北者從東轉南。兩盤之  
交錯。其源實分于此云。翠峰頂高風峭。兩老僧  
閉門煨火。四頤霧縠峰瀾。畧瞰大畧。由南塢西  
下為尋甸間道。余擬明日從之而去者。遂東南  
下。由靈官廟東轉半里入金龍庵。庵頗整潔。庭  
中菊數十本。披霜含雨。幽景凄絕。是庵為山東

老僧天則所建。今天則入省。主地藏寺。而其徒  
允哲主之。肅容具齋。暝雨復合。遂復半里。東還  
朝陽。欲下護國看大乘師。雨滑不能瞰之。而過  
十五達旦雨止。而雲氣發。余復止不行。日當  
獻影。余遂乘往看大乘。大乘復固留。時天色忽  
霽。余欲行而度不及。姑期之晚過。為明早行計。  
乃復上頂。環眺四圍。遠峰俱出。始晰是山之脉。  
俱東西橫列。而脉從中度。屢伏屢起。非直亘之  
脊也。惟翠峰與盤龍二峰。乃東西並峽。而翠峰



之南。响水岫之支。橫列東下。而結為曲靖。盤龍  
之西。又南曲一支。始東下而結為交水。又橫亘  
而北。始東。滙炎方之水。又北。始轉。度靈益之南。塢  
焉。從東峰下。又還過八角庵。仍返。食于朝陽。為  
搃持所留。不得入護國。

十六十七十八三日雨阻。

十九。晦。雨仍昨。復阻不行。楫楸閒談。搃持昔以  
周郡尊事。逮繫桁楊其苦。因筆記之。東山寺昔  
唐巡撫所請歸者。郡守周之相石旰人由卿存  
擢守曲靖。以清五閩。慕搃持師道。行詩之檢藏。

延候甚密。迨東巡守以下諸條。皆有獨清之恨。  
而周復不免揚其波。于是悉側目之。中傷于撫  
臺王抗。羅織無迹。遂誣師往還。為交通賄賂。以  
經麓為篋篋坐。以重贖。周復代為完之。而去云。

二十。仍雨阻。

廿一。晦。冥終日。迨夜復雨。是日下午。散步朝陽  
東數十步。東峽中一庵當峽。是曰太平庵。蓋與  
護國東西夾朝陽者。太平老僧煮芋煨粟以餉。  
廿二。晨起。晦冥。然決去之念。已不可止矣。上午  
乃行。搃持復贈之以米。恐中途雨後。一時無宿  
者耳。既別。仍上護國。後夾箐中觀龍潭。潭小而



流不竭。蓋金龍壑下夾壁縫中之腋。雖不竭而非涸。潞之窟也。遂西上踰嶺。循翠和宮之後。一里餘。又踰嶺而南下。雨猶霏。不已。半里及塢中。又一里有岐北轉。悞從之。漸入山夾。則龍所登之道也。仍出從大道西南行。二里有村當塢中。溪流自塢直南去。路由村西轉北行半里。又涉塢而西。一里有村在坡間。是曰高坡村。由村後下岡。有岐從塢中西南去。為小徑。可南達雞頭村。從岡上西北轉為大徑。乃駝馬所行者。初

交水主人謂余。有間道自尋甸出。交水甚近。但其徑甚錯。乃近日東川駝銅之騎所出。無同行之侶。不可獨去。須從响水走雞頭村。大道及余不趨响水而登翠峰。問道于山僧。俱云山后雖即駝銅道。然路錯難行。須仍出雞頭為便。至是余執之。途人亦多主其說。然見所云徑路。反大而所云往雞頭大路者。反小。其心惑之。見村人自山中負薪來。呼而問之。則指從北不從南。余乃從駝馬路轉西北。循岡三里。西北過一脊。其



脊乃是盤龍南渡者。余初以為分支南下而不  
意乃正脉之曲。出岫西見脊東所上者甚平而  
脊西則下墜深曲。脊南北又從嶺頭駢峰高聳  
各極嵯峨。意直折而南。即前自翠峰度其北者  
今此又度其南。一脊而半日間兩度之矣。從岫  
西隨南峰之上。盤腰曲屈。其坑皆深墜。北向里  
餘。復躋一坡。里餘又北度一脊。其脊平亘于南  
北之中。于是又一里。再躋北嶺。始西北下。其時  
天色已漸霽。無復晦冥之色。遠峰近峽。環矚在

望。二里下西塢。其塢自南而北。其中黃雲盤隴  
村落連錯。一溪中貫之。問水所從出。則仍從新  
橋石幢河也。問其所從來。則堰口也。問其地何  
名。則免街子也。始信所過之脊。果又曲而南。過  
堰口當又曲而北。余前登翠峰。第見其西過盤  
龍。不至此。又安知其南由堰口耶。前之為指南  
者。不曰雞頭。即曰桃源。余乃漫隨馬踪。再歷龍  
逢原之異。直左之右之矣。下塢南行二里。遂橫  
涉其溪。中流湯湯。猶倍于白石江源也。南上坡



一里。是為堰口。聚落數十家。在溪北岡上。飯而行。陰雲復合。其處有歧。北入山為麥冲道。余乃西向行。其溪亦分歧。一自北峽。一自西峽。余渡其北來者。遂入西峽。漸上漸峻。天色亦漸霽。四里。從嶺上北轉。則北峽之窮。墜處。又一里。復踰嶺而西。是嶺自木容箐楊金山北走翠峰。復自盤龍南走高坡。又南至此。始轉而北。其東西相距數里之內。凡三曲焉。而余又已三過之矣。從嶺西陟塢。其水隨南流一里。于是又北轉踰

嶺。一里。西北下山。二里。抵塢中。隨小水北向出。峽始有塢成畦。路當從畦隨流西去。而塢北有村聚。當北岡上。是為酒家。想亦土酋之姓。乃一或曰亦屬平夷。里徑塢登岡。由酒家西向行。一里。越隴。西下有峽。自北來。小水從之。是亦麥冲南來之道。遂循其塢。漸西南行。二里。抵新屯。廬舍夾道。豐禾被塢。其處為平夷之地。據土人言。自堰口之北。兔街子。屯屬平夷。而糧則寄于南寧。自酒家之西。抵三車。屯屬平夷。而糧則寄于馬龍。自一碗冲

A 1 2 3 4 5 6 M 8 9 10 11 12 13 14 15 B 17 18 19



之西抵魯石。屯屬平夷。而界則屬於尋甸。蓋尋甸曲靖。以堰口老龍南分之脊為界。馬龍南寧以堰口老龍為界。而平夷則中錯于兩府之交。而為屯者也。自屯西踰坡。共一里餘。過一塢。有兩三家在西嶺。其塢復自北而南。由村南轉而踰岡西南下。二里。復有一塢。溪峙南環。聚落北塢。是為保官兒庄。夾路成衢。為村聚之最盛者。此亦平夷屯官之庄也。

廿三日昧爽即行。始由西南涉塢。一里。漸轉西行入峽。平陟而上。三里。踰一岫脊。遂西下。兩上兩下。兩度南去之塢。兩踰南行坡脊而西。共五里。有村在西坡上。是曰三車。由其後。復踰南行坡。度南行一塢。一里半。披西峽而入。于是峽中水自西而東。溯之行半里。漸盤崖而上。崖南峽中。箐木森鬱。微霜乍染。標黃疊紫。錯翠鋪丹。令人恍然置身丹碧中。一里餘。漸盤而北折。下度盤壑。更覺深窈。一里。又循西峽上。一里。又踰一脊。是為南行分脊之最遠者。東西皆其旁錯也。由脊



西下涉塢再西。共二里有峽甚逼。隨峽西折而南行半里。復西踰嶺半里。出嶺西始見嶺北有塢。居廬環踞岡上。是為一碗冲。于是西行嶺脊之上。其嶺頗平。南北皆塢。脊橫其中。共一里。陟脊西。又南轉踰岡西下。共一里。度一峽。想即一碗冲。西向洩流之峽也。又西北上坡。其坡頗長。一里。陟其巔。東望所度諸嶺。如層繞而直東一峰。浮青遠出。恐尚在翠峰之外。豈東山閬木之最高處耶。北望乃其分脊處。至是乃見迴支環

竚。而南望則東南最豁。此正老丈分環于板橋諸處者。不知此處何以反伏其脊。其外亦有浮青特出。遠甚。當是路南市邑之間。惟西則本支尚高。不容外矚也。由嶺南循坡西轉半里。又西度脊。從脊西向西北下塢。約一里有溪。始西向流。橫二松渡之。其溪從西峽去路。從西北坡上一里。復西踰脊。環坡南下。遂循之行。一里轉而西下。有塢自北來。頗巨。橫陟其西。塍泥汙濘。有大聚落在西坡上。是為魯石哨。其處扁尋甸。而



屯者猶平夷軍人也。由村南西上踰坡一里。復踰岡頭。轉而西南二里。又西向踰脊。從脊西下峽中半里。峽北忽下墜成坑。路從南崖上行。南聳危岷。北陷崩坑。中有石幢。則崩墮之餘也。循坑西下。又半里有北來之塢。橫渡之。又半里涉溪西上。復西南上坡。橫行坡上。一里。又西向入峽。其南有峰尖聳。北有峰駢立。二里。從南峰之北。踰腋而西。又一里。始行北峰之南岡。與北峰隔塢相對。有村居倚北峰而懸塢北。是為郭。

擴始非平夷屯。而為尋甸編戶。由其西南下坡半里。涉小澗。西登坡。循坡北行。又與駢峰東西隔塢。共二里。北上。瞰駢峰之陰。遂西半里。踰岡。從岡上平行。有中窪之坑。當岡之南。橫墜而西。其西有尖峰。純石而中突。兩腋屬于南北。若當關之標。路行坑上一里。出尖石峰之北腋。遂西向而下一里。抵西壑。則尖石峰之西麓矣。于是南界擴然。直望一峰最高。遠插天表。余疑以為堯林山。而無可徵也。堯東諸山。惟堯林山最高。特出在嵩明東二十里。



與河口隔河相對登楊林老脊猶東望而見之  
今則南望而見之皆在七八十里之外按志無  
堯林之名惟有秀嵩山在東明州二度壑西轉  
十里聳秀種霄漢環州之山此為最  
二里。越小溪橋。有村在北隴。是曰壁假。由其西  
板嶺北上。旋踰岫而西一里。復下涉壑。又南見  
天表高峰。時已追及一老人。執而問之。果堯峰  
也。又西一里。復入西峽。躡峽而上半里。踰嶺西  
西界遙山始大開。望見南龍老脊。自西南橫列  
東北。則東川尋甸。倚之為界者也。其脊屏峙天  
際。而西南與東北。兩頭各起崇峰。其勢最雄。亦

最遠。從屏峙中。有分列一丈。自西北走東南。若  
八字然。其交分之處。山勢獨伏。而尋甸郡城。正  
托其岫中。由伏處入。為東川道。西踰分列之脊。  
為嵩明。并入省道。循分列東麓而南。為馬龍道。  
楊林之水。繞堯林之東。馬龍水由中和北轉。同  
趨而北。皆隨此分列之山。而合于其東者也。但  
溪流猶不可見。而郡南海子。則汪然可挹。從此  
西下。坡峻嶺豁。二里。抵其峽中。有小水亦南行。  
隨之西南。又半里。北塢迴環。中有村廬當坡。曰



海桐由其南。西度塢。復上岡。一里抵岡頭。隨岡南下。轉而西。共二里。塢自北來。溪流隨之。內有村當塢。曰果壁。外有石堰截流。路由堰上。涉水而西。從平坡上行。二里稍下。村倚坡西。曰柳塘。于是坡盡畦連。北抵迴峰。西踰江而及郡。南接海子。皆禾稻之區。而村落相望矣。從畦塍西行二里。則馬龍之溪。自東南峽出。楊林之溪。自西南峽出。夾流而北。至此合。石梁七洞。橫架其上。曰七星橋。其自南而北。為北盤上流。正與石堡

橋之流。自北而南。為南盤上流。勢正相等。但未能及曲江橋之大也。過橋有廟三楹。西向臨之。中有舊碑。或言去郡城十五里。或言二十里。或名江外河。或名為三岔河。無定里。亦無定名。而一統志又名其溪為阿交合溪。又註舊名為此。丘溢派江。名其橋為通靖橋。然註其橋曰城東二十里。跨交合溪。註其溪曰府東南十五里。合流。又自異焉。按舊城在今城東五里。今城築于嘉靖丁亥。安銓亂後。則今以十五里之說為是。乃



屢詢土人。皆謂其流出東川。下馬湖。無有知其  
自霑益下盤江<sup>者</sup>。然一統志曰。入霑益。後考之府  
志。其註與一統同。秦之熊起潛之說。確而有據。  
不若土人之臆度也。或有謂自車洪。江下馬湖。  
其說益訛。亦可見此水之必車洪。車洪之必非  
馬湖矣。蓋車洪之去交水不遠。起潛之語。霑益  
甚真。若車洪之上。不折而西。趨馬湖。則車洪之  
下。不折而北。出三板橋。則起潛之指示可知也。  
由江西岸北行。半里。隨江折而西。循江南岸。依

江陟嶺。又二里餘。江折而北。路踰嶺頭。折而南  
下。半里。由塢中西行。于是循鳳梧南山之麓矣。  
按鳳梧山者。在郡城東北十里。山脈由郡西外  
界老脊。排列東突。為是山。西北一峰圓聳。東南  
一峰斜竄。為中主山。阿交合溪。自東來逼其麓。  
轉而東北入峽去。若避此山者。是老龍東北行  
之脊也。一統志無其名。標月狐山。在城東八里。  
環亘五十餘里。以舊城計之。當即此山。第府志  
則月狐鳳梧並列。似分兩山。然以山形求之。實



無兩山分受也。豈舊名月狐。後訛狐為梧。因訛月為鳳耶。豈員聳者為月狐。而後人又分斜騫者為鳳梧耶。共西三里。南望壑中海子。水不甚大。而零滙連珠。蓋郡城之流東南下。楊林之川南來。相距于壑口而不相下。遂潴而成浸者。坡南下處。石骨漸稜。露竒。又一里。行石片中。下忽有清泉一泓。自石底溢而南出。其底中空。泉混。平吐清冽。鑑人眉宇。又西數步。又有泉連潴成潭。乃石隙迴環中下溢而起。汎汎不竭。亦

溢而南去。此潭員若鏡。而無中空之隙。不知從何出。然其清冽。不若東泉之碧瑩無纖翳也。按郡志八景中。有題龍泉雙月。謂郡城東十里有雙泉。相去十餘步。月夜中立其間。東西各見月影中逗。以余觀之。泉上石環樹菴。雖合涵明月。恐不移步。而左右望中。未必能兼得也。又西半里有聚落倚山面壑。是為梧鳳所。土人謂之馬石窩。想未置所時。其舊名然耳。于是西北隨田塍行坡隴間。時有聚落而不甚盛。按郡志舊郡址。



在今城東五里。不知何村足以當之。共西三里。有溪流自北塢來。中貫田間。有石梁跨之。越之西行。又三里。復有溪自北塢來。亦貫田間。而石梁跨之。此即所謂北溪也。水在郡城之北為最遠。而城西坡與鳳梧夾腋中出者。越梁又西行一里。入尋甸東門。轉而南。停屐于府治東之旅肆。

尋甸昔為土府。安氏世長之。成化間始改流。至嘉靖丁亥。安之裔孫安銓作亂。搆武定鳳廷文。

攻毀楊林馬龍諸州。所當道奏發大兵殲之。并武定改流。乃移尋甸郡于舊治之西五里。直逼西山。下始築城甃磚為雄鎮云。按鳳廷文或又稱為阿鳳或又稱為鳳頭。祖自改名為烏廷。嘗或又云本江西人。費武定土官。婦遂專恣作亂。以兵直逼。者後獲而磔之。尋甸四門俱不正。蓋因山勢所就也。東門偏于北。南門偏于東。西門偏于南。惟北門差正。而又非經行之所。城中惟街二重。前重乃府與所所蒞。後重為文廟城隍察院所倚。其向俱東南。尋甸之城。直與馬龍對。直西與元謀對。直



南與河口對。直北與東川對。其西北皆山。其東南大谿。

廿四日。余初欲行。偶入府治觀境圖。出門左有肆。中二儒冠者。問圖志。以有板可刷對。余辭以不能待。已而曰。有刷而未釘者在。城外家中。須候明晨乃得。余不得已。姑需之。聞八景中有北溪寒洞。在東門外北山之下。北溪水所從出也。余獨步往探之。遍詢土人。莫有識者。遂還步城內後街。入儒學城隍諸廟。下午還寓。城中市肆與廣西府相似。

賣粟者以火炙而賣之。

廿五晨起。往索志。其人初謂二本。既而以未釘者來。止得上冊。而仍少其半。余略觀之。知其不全。考所謂阿交合溪之下流。所載亦正與一統同。惟增所謂鳳梧山雙龍潭之類而已。乃昇還之。飯而行。出西門。即上西山。峻甚。五里。逶迤躡其頂。而猶非大龍之脊也。其脊尚隔一塢。西南自馬果山環界而北。乃東度而為月狐。猶其北度之。又南走一支。橫障于東。即此山也。志稱



為隱毒山。謂山下有泉為隱毒泉。蓋是山之西。與老龍夾而中窪。內成海子。較南海子頗長而深。是山之東有泉二派。一出于北。北今名為一出于南。而是山實南北俱属于大脊焉。由其西向西南下二里抵塢中。有小坑。瀦汚流。西涉塢一里半。草房數間。倚南坡上。為黑土坡。前有岐。西北由塢中行。為潘金魏所道。西南上坡為正道。余乃陟坡一里。復南踰其岡。岡頭多智井。中隄草莽翳之。或有聞水聲。潺者。越岡南行二里。

餘乃下坡。遂與西海子遇。其水澄碧深泓。直漱東山之麓。路既南臨水湄。遂東折而循山麓行。南向二里。見其水注。北轉環所踰智井之岡。南抵南岡。東逼山麓。而西所聚為蓋。惟西北二面大脊環抱。可因泉為田。而三所屯托之。所謂潘金所所魏所也。乃土官三姓三所在海子西。與余所循山麓。隔水相望。是水一名清海子。一謂之車湖水。瀕山麓。清澈可愛。然涸時中有淺處。可徑而南也。令諸山岡支瞰其間。湖水紆折迴抱。不



營數十里。一統志謂四圍皆山者是。謂周廣四里。則不止焉。想從其涸時言也。又南一里。東踰一瞰水之岡。又陟漱水之坡。南向一里。海子南盡。遂西南踰岡而行。岡不甚峻。而橫界于東西兩界之間。皆廣坡漫衍。由其上南行四里。稍南下。忽聞水聲。蓋細流自岡西峽。墜溝而南者。有數家在西山下。是為花箐哨。始知其岡自西老脊度脈。東寺為東界。北走而聯屬于鳳梧之西。岫是為隱毒山。中環大窪。清海子。潞馬。南走綿

聳于河口之北崖。是為堯林山。前挾交溪。果馬水入焉。不陟此岡。不知脈乃由此也。于是隨水南行。皆兩界中坂隴。或涉西委之水。或陟西垂之坡。升降俱不甚高深。而土衍不能受水。皆不成畦。然東山逶迤而不峻。西山崇列而最雄。路稍近東山。而水悉溯西山而南焉。則花箐諸流之下。洩于果馬溪者。又楊林之源矣。南行二十里。始有聚落。曰羊街子。其西界之山。至是始開峽。重巒兩疊。中有懸箐。由此而入。是為果渡。



木朗。乃尋甸走武定之間。道蓋西界大山。北向一支。自西南橫列東北。起嶂最高。如重蓋上擁。南向一支。亦自西南橫列東北。排壘稍殺。如外慢斜。騫雉北高南下。而其脉實自南而北。疊中懸一箬。為叢薄為中通之隙焉。是曰果馬山。而南北之水由此分矣。羊街子居廬頗聚。又有牛街子。在果馬溪西山下。與羊街子為夾水之市。皆木密所分也。于此者。蓋花箬而南。至此始傍水為滕耳。時方下午。尚前途所宿。必狗街子。

去此尚三十里。恐不能及。途人皆勸止。遂停憇逆旅中。夜聞潺潺雨聲。廿六晨起。飯後雨勢不止。北風釀寒殊甚。待久之。不得已而行。但平坡漫隴。界東西兩界中路。從中而南。雲氣充塞。兩山漫不可見。而寒風從後擁而來。傘不能支。寒砭風刺。兩臂僵凍。痛不可忍。十里稍南下。有流自東注于西。始得夾路田畦。以溪傍西山。田與路猶東西各別耳。渡溪南。復上坡二里。有聚落頗盛。在路右。曰開易屯。



又北一里半。南岡東自堯林山直界而西。西抵果馬南山下。與果馬夾溪相對。中止留一隙。從果馬溪南去。溪岸之東山阻。溪不能前。遂北轉。湖流作環臂狀。又有村落倚環臂中。東與行路相向。詢之土人。曰果馬村。從此遂上南岡。平行岡嶺二里。是為尋甸雲南之界。蓋其嶺雖不甚崇。自南界橫亘。西峰約十餘里。橫若門闕。平若堵墻。北屬尋甸。南屬嵩明。由此脊分焉。稍南路左峰頂有庵。兩重。在松影中。時雨急風寒。

急趨就之。前門南向。閉。從東側門入。老僧從東廡下煨榘。見客殊不為禮。將去之一爨。下僧號德少留就火。薪不能燃。遍覓枯槎。焙之。就炙。濕衣體始復蘇。煨粟瀹茶。腸始回溫。余更以所携飯。乘沸茶食之。已午過矣。零雨漸收。遂向南坡。降三里。抵坡下。即楊林海子西塢也。其處遙山大開。西界即嵩明後諸老龍之脊。東界即羅峰公館。後分支為翠峰祖脊。相對夾成大壑。海子中滙焉。其南楊林所城。當鎖鑰。其北堯林山。扼



河口海東為大道所經。海西為嵩明所履。但其  
處竹樹漸密。反不遑遠眺。大路東南去。乃狗街  
子道。岐路直南去。為十州道。余時聞有南京僧。  
在狗街子州城大道之中。地名大一半村者。欲  
往參之。然後入州。乃從岐道下竹坑間行。一里  
有大溪自西環而東注。即果馬溪之循。西山出  
嘴。至是放而東轉者。橫木梁跨石湫上。湫凡三  
祇。木三跨而達涯之西。其水蓋與新橋石幢河  
相伯仲者也。既渡。即平濤遙達。村落環錯。西南

直行。六里而抵州。由滕中東向。遵小徑行二里。  
過小一半村。又一里有大路自西北走西南。是  
為狗街子入州之道。道北即為大一半村。道南  
即為玉皇閣。入訪南京師。已暫栖州城某寺。其  
初。與余言。後遂忘。余遂出。從大道西南入州。二  
之。南京僧號金山。里。又有溪自西而東向注。其水小於果馬之半。  
而頗急。石卷橋跨之。越而西南行。萍陷殊甚。自  
翠峰小路來。雖久雨之後。而免陷淖之苦。以山  
徑行人少也。一入大路。遂舉步甚艱。所稱蜀道。



不在重嶮而在康莊如此又三里直抵西山下  
轉而西南又一里而入嵩明之北門稍轉東而  
南停於州前旅店問南京僧忘其寺名無從覓  
也。

廿七日。密雲重布。雖不雨不霧。而街濕猶不可行。  
余抱膝不下樓。作書與署印州同張。拒不收。又  
以一刺投州目管。雖收而不即答。初是州使君  
為吾郡鈕國藩。武進余初入滇已陞饒州別駕。  
至是東其轅及月矣。二倅皆南都人。余故以書

為庚癸呼。乃張之扞戾乃尔。始悔彈鋏操竿之  
拙也。是日買得一野鳧烹以為供。

廿八晨起。濃雲猶鬱勃。惟東方已開。余令肆婦  
具炊。碩僕候管倅回書。余乃由州署西踐濕徑。  
北抵城隍廟。其東為察院。其中北向登山數級。  
右為文廟。左為明倫堂。尊經閣登閣。天色大霽。  
四山盡出。始見海子。全身當其前。是海子與楊  
林共之。即統志所云嘉利澤也。以果馬龍巨江  
及白馬廟溪之水為源。而東北出河口。為北盤



江之源。由中路再上。抵文廟後夾衢西入。與文廟前後並峙者。是為宗鏡寺。寺建於唐。天祐中。寺古而宏寂。起而中峙如錐。州城環之。為州治之後山者也。昔多小黃蛇。故今以黃龍名之。登此。則一州之形勢盡在目中矣。嵩明舊名嵩盟。一統志言州治南有盟蠻臺故址。昔漢人與烏白蠻會盟之處。而今改為嵩明焉。州城亦因山斜遶。門俱不正。其向與尋甸相似。嵩明正北由大山峽口入。竟日而通普岸嚴章。為尋甸西境。正南隔嘉利澤。與

羅峰公館對。為楊林北境。正東為堯林山。踞河口之北。為下流之砥柱。正西踰嶺為舊甸縣。其北之梁王山。為老龍分支之處。領挈眾山。為本州西境。與尋甸富民昆明分界者也。嵩明中環海子。田澤沃美。其西之甸南之楊林。皆與壤也。昔皆為縣。而今省去。楊林當大道。今猶存所焉。出寺下山。還飯於店。而管倅田音不至。余遂曳杖出南門。轉而西半里。抵塔下大道。東南由楊林去。余時欲由兔兒關。乃西南行。一



里有追呼於後者。則管倅以回東具程。命役追至。而程猶置逆旅窩中。因令頌僕返取。余從間道北向法界寺待之。法界寺者在城西北五里。亦彌雄山東出之支。突為崇峰者也。路堂從西門出。余時截崗踰隴。下度一竹塢。二里而北上。山。踰坡盤級而上。二里。踰一東下脊。見北塢有山一支。自頂下垂。而殿宇重疊。直自峰頂與峰俱下。路有中盤嶼中者。有直踰峰頂者。余乃竟踰其頂。一里及之。西望峰後。下有重壑。壑西北

有遙嶽最高。如負辰挈領。擁列迴環。瞻之甚近。余初以為嵩明之冠。而不知其即梁王之東面也。轉而東峰頭有玄帝殿。冠其頂。門東向。入問所稱南京師者。仍不得也。先是從城中寺觀覓之。不得。有謂在法界者。故余復迂途至。而豈意終莫可踪跡乎。由殿前東向下。歷級甚峻。半里得玉虛殿。亦東向。仍道宮也。兩旁危箐迴合。其境甚幽。再下。出天王殿。又下半里。有一庵當懸崗之中。深竹菴門。重泉夾谷。幽寂窈窕。惜皆閉



戶無一僧在。又下始為法界正殿。先入殿後懸  
臺之上。其殿頗整。有讀書其中者。而主僧仍不  
在。乃下正殿。而頽僕亦從塢中上。東廡一僧出  
迎。詢南京師未嘗至。而日色尚可行三十餘里。  
遂詢道於僧。更從北徑為劬旬行。蓋楊林為大  
道。最南而迂。鬼兒為中道。最捷而坦。劬旬為北  
道。則近依梁王。最僻而嶮。余時欲觀其挈領。遂  
取道焉。由寺前西南轉竹箐中。隨岫而南。一里  
踰東南崗。出向所來道。遂南下山。一里抵山下。

有塢自西北來。即前嶺頭下。瞰重壑之第一層  
也。由其南橫度而西南。二里過一村。村南始畦  
塍相屬。隨塍南下。西行畦中。一里餘。望見北崗  
垂盡處。石崖駢沓。其東村廬倚岡上。為靈雲山。  
西有神宇臨壑。是為白馬廟。神宇之西有塢。自  
北山迴環而成峽。大溪自峽中東注而出。即前  
嶺頭遙瞰之第二層也。其壑西南始遙逼梁王。  
最崇峰之下。蓋梁王東突。聳懸中霄。北分一支。  
東下為靈雲峰。即白馬所倚。再北分一支。東峙



為法界寺。法界北壑。雖與梁王對夾。而靈雲寔  
中界焉。故梁王東麓之溪。潏注俱從此出也。其  
流與東山之巨龍江相似。東西距州城。遠近亦  
相似也。溪無橋涉之。即西上坡。始余屢詢途人。  
言渡溪而西。必宿大大村。村之東皆層巒絕嶺。  
曠無村居。問去村若干里。曰三十。余仰視日光。  
當已不及。乃東過駢沓石岬。從村廬之後。托宿  
靈雲山梵廬。庵  
廿九晨起。碧天如洗。函飯。仍半里渡溪。踞西坡。

而上。迤邐五里。踰岡東望嘉利澤。猶在足下。西  
瞻梁王絕頂。反為近。支所隱不可見。計其處。正  
當絕巘之東。此即其支岡也。岡頭多陷坎。枯者  
成管井。渚者成天池。稍西北。盤岡一里。復西南  
下。一里。度中窪之底。復西北上。行山南嶺岐間。  
二里。復西南下。塢中。其塢自西北崇峰夾中來。  
中有流泉。頗急。循塢西岬東墜。此梁王山東南  
之流也。有岐。直自塢外東南來。直西北向梁王  
山東腋去。此楊林往普峴嚴章經。余截之。而西。



半里。渡西岬急流。復西北上岡。頗峻。一里。踞峰頭。已正當梁王之南矣。西向平行。嶺頭一里。又西。下半里。塢有小水。猶東南流也。一里。經塢。又西。上踰嶺。半里。復下。其嶺南北俱起。崇峰夾之。水已西南行。余以為過脊矣。隨之。下一里。行峽中。轉而南。一里。又有水自西北來。同墜壑。東注而下。嘉利澤。始知前所過夾峰之脊。猶梁王南走之餘支也。越水。復西北踞峻而上。一里半。抵峰頭。則當梁王山之西南矣。是峰西南與南來

老脊。又東北夾坑。東北下嘉利澤。是峰東北與梁王主峰。亦盤谷東下嘉利澤。從脊上平行而西。一里餘。出西岫。半里。始見脈自南山來者。從此脊之西北下。伏而再起。遂矗峙梁王焉。梁王山者。按志無其名。余向自楊林西登老脊。已問而知之。云在劬甸東北。故余取道再出於此。正欲晰其分支界水之源也。然志雖不名梁王。其注盤龍江。則曰源自故劬甸縣之東山西山。則指此為東山矣。其注東葛勒山。則曰在劬甸縣



西北高三十里。為南中名山。遠近諸峰。高無踰此。則所謂三十里者。又指此為東葛勒山矣。但土人莫諳舊名。因梁王結寨其頂。遂以梁王名之。志無梁王名。未嘗無東葛勒名也。其脈自澂江府羅藏山。東北至宜良。分支東北走者。為翠峰之支。正支西北走者。由楊林西嶺。而北渡兔兒關。又北度此。而高聳梁王山。橫亘於劬甸之北。其東西兩角。並聳東垂。下臨白溪之西。西垂下臨牧養澗之東。由西垂環而西南為分支。則

文殊商山之脈所由附也。由東垂走而東北為正支。則果馬月孤之脊所自發也。西垂曲抱而盤龍之源。遂濬滇海。東垂橫夾。而嘉利之派。遂滙北盤。宜其與羅藏雄對南北。而共稱梁王云。過脊漸西降。瞰夾塢盤窩。皆豐禾茂。不若脊東皆重岡荒磧也。一坡西垂。塢中出越之西行。又半里有村。聚南山下。皆瓦房竹扉。山居山中之最幽整者。是曰大、村。始東西開塢。梁王山西南之水。由塢北西注。余所越南塢之水。截



塢而從之。半里。越村之西。又開為南北之塢。有小水自南來。經西岡下。北合於東塢之水。同破西北峽而下墜。當西出于劬甸之北者也。路越南來之水。遂西南上坡。盤坡而上。約里許。越其嶺。又西下半里。西南涉塢。塢似南流者。一里。又西踰坡脊。平行其上。又一里餘。始見西塢大開。自北而南。闢夾甚遙。環峰亦甚密。塢中豐禾雲麗。村落星羅。而溪流猶僅如帶。若續若斷焉。于是陡降西麓。半里抵塢村。依麓西而廬。是曰甸。

頭村。即劬甸縣之故址也。是村猶偏于塢東。東北有峰中垂。亦有聚廬其上。其地去嵩明州四十里。重壘中間。另闢函蓋。正北則梁王正脊。亘列于後。東界即老脊之北。走者。西界即分夫之南。環者。其西北度處。有岫頗平。是通牧養。東北循梁王山東垂而北。是通普峴嚴章。西踰嶺。通富民縣。東踰嶺。即所從來者。惟南塢最遠。北自甸頭。十里至甸尾。塢中之水。南至甸尾。折而西南去。路亦踰山而西。遂為嵩明昆明之界焉。余



既至甸頭村。即隨東麓南行一里。有二潭。豬東  
崖下。南北相並。中止有岨尺許。橫隔之。岨中開  
一隙。水由北潭注南潭間。潭大不及二丈。而深  
不可測。東倚石崖。西瀕大道。而潭南則祀龍神  
廟焉。潭中大魚三四尺。汎其中。潭小。甸頭水  
而魚大且不可捕。以為神物也。自北來流于大道之西。潭中水自潭南溢。流大  
道之東。已而俱注于西界之麓。合而南去。路則  
由東界之麓。相望而南。塢中屢過村聚。八里小  
水自東峽出。西入于西麓大溪。踰之南二里。則

甸尾村。橫踞南坡。有岐直南十里。通兔兒關。正  
路則由村西向行一里餘。直抵西界之麓。有石  
梁跨大溪上。踰梁始隨西麓南行。半里。溪水由  
西南盤谷而入。路西北向踰嶺。一里登嶺頭。一  
里下嶺。西塢中。路復轉西南行。大溪出東南峽  
中。不相見也。蓋其東老脊。南自宜良。經楊林。西  
嶺渡而北。一經兔兒關。其西出之峯。突為五龍  
山。則挾滙流塘之水。而出松花埧者也。再北經  
甸尾東。其峯突為祭鬼山。則挾劬甸之水。而西



出。匯流塘者也。于是又西越塢脊。四里隨塢西  
下。一里。又有水自北峽來。梁跨之。其勢少殺于  
甸尾橋下水。村在梁之西。是為小河口。即牧養  
之流。南經此。而與劬甸之水合。而出匯流塘者  
也。過村。又西南上嶺。盤山坡者七里。中下窪為  
窟。既而陡下峽中。小水自西北峽來。渡之。卽聚  
頗盛。村之南。則劬甸水已與小河口之流合。而  
西向出峽。至此復折而南入峽中。是為匯流塘。  
從此路由西峽隨流入峽。其峽甚逼。夾翠駢峴。

中通一水。路亦隨之。落照西傾。窈不見影。曲折  
四里。數家倚溪北。峽是為三家村。投宿不納。是  
時新聞阿迷不順。省中戒嚴。故昆明各村俱以  
山路不便。居停為辭。余強主一家。久之。乃為燂  
火炊粥。啟戶就榻焉。

盤江考附

南北兩江






10001









國立中央圖書館 NATIONAL CENTRAL LIBRARY, TAIWAN, R.O.C











國家圖書館 NATIONAL CENTRAL LIBRARY, TAIWAN, R.O.C.

2405017 47





日遊滇紀四

戊  
十月初一日晴爽殊甚。清晨從三家村西由峽中行。已  
乃與溪別。復西踰嶺。共三里入報恩寺。仍轉東二里。  
過松花埧橋。又循五龍山而南。三十里。經省城東北  
隅南行。已而轉西。度大橋。則大溪之水自橋而南。經  
演武場。而出火燒舖橋。下南埧矣。從橋西入省城東  
門。飯於肆。出南門。抵向所居停處。則吳方生方出遊。  
歸化寺未返。余乃坐待之。抵暮握手喜可知也。見有  
晉寧歌童王可程。以就醫隨吳來。始知方生在唐晉



寧處過中秋甚洽也。方行寫初二余欲西行。往期阮仁吾所倩担夫。遇其姪阮玉灣。阮穆毅。詢候甚篤。下午阮仁吾至寓。以担夫楊秀僱約至。余期以五日。後再往晉寧。還即啟行。仁吾贐以番悅香扇。

初三余欲往晉寧。與唐元鶴州守。大來隱君作別。方生言二君日念君。今日按君還省。二君必至省謁見。毋中途相左也。盍少待之。乃入叩玉灣。并叩楊勝寰。知麗江相望已久。既而玉灣來顧寓中。知按君調兵欲征阿迷。然兵未發而路人皆知之。賊黨益猖狂。

於江川激江之境矣。玉灣謂余海口有石城。妙高相近。有別墅。已買山。欲營構為勝地。請備車馬同行。一觀。余辭以晉寧之行不容遲。因迤西期久也。又云緬甸不可不一游。請以騰越庄人為導。余額之。

初四余束裝欲早往晉寧。皆言薄暮舟乃發。不若再飯而行。已而阮玉灣餽榼酒。與吳君分餉之。下午由羊市直南六里。抵南壩下渡舟。既暮乃行。是晚西南關風。舟行三十里。至海夾口泊。三鼓乃發棹。昧爽抵湖南涯北行圩口。乃觀音由之東南頻海處。有溫泉。



烏舟人有登浴者。余畏風寒。不及沐也。於是掛帆向東南行。二十里至安江村。梳櫛於飯肆。仍南四里過一小橋。即西村四通橋分汪之水。為歸化晉寧分界處。又南四里入晉寧州北門。皆昔來暗中所行道也。至是始見田疇廣闊。城樓雄壯。烏入門。禁過往者。不得入城。蓋防阿迷不靖也。既見大來。各道相思甚急。飯而入叩州尊。相念更切。於是遂宴於署。夜寢於下道。供帳極其鮮整。

初五初六初七日手談內署。候張調治。黃從月。黃沂水。禹甸。與唐君大來。更次相陪。夜必盡醉乃已。

初八。飯後與黃沂水出西門。稍北過陽城堡。即所謂古土城也。其西北為明憲夫人廟。祀晉寧州刺史李毅女。夫人功見一統志。有元碑。首句云。夫人姓楊氏。名娘。秀李毅之女也。既曰李女。又曰姓楊。何謬之甚耶。豈夫人之夫乃楊姓耶。然辭不達甚矣。人傳其內猶存肉身。外加髮烏。故大倍於人。余不信。沂水云。昔年鼠傷其足。露骨烏。不妄也。是日州幕傅良友來拜。餽以菹醴。傅江西德化人



初九。余病嗽。欲發汗。遂卧下道。

初十。嗽不止。仍卧下道。唐君晨夕至榻前。邀諸友來看。極其賸恋。

十一。余起。復入內署。蓋州治無事。自清晨邀以入。深暮而出。復如前焉。是日傅幕復送禮。余受其雞肉。轉寄大來處。下午。傅幕之親姜廷材來拜。姜金谿人。

十二。唐州尊饋新製長褶棉被。余入謝。併往拜姜於傅署。遇學趙相見。藹師及往拜趙於學齋。遇揚學師。交相拜焉。詢趙師。陸涼有何君巢阿否。趙陸涼縣人。故詢之。趙

言陸涼無之。當是浪穹人。然同宦於浙中。相善。趙君陞任於此。過池州。問陸涼何州君。已丁艱歸矣。四月初至鎮遠。其所主之家。即何所先主者。是其歸已的。但余前聞一僧言。貴州水發時。城中被難者。有一浙江鹽官。擯二十餘。俱遭漂沒。但不知其姓。以趙君先主鎮遠。期計之。似當其時。心甚惻。無可質問也。從陳木叔集中。轉得二知己。為吳太史從人。及何陸涼巢阿。俱不及面。豈淡人為火斃于長安。今又有此水厄。雖未的何過之奇也。



十三州尊赴楊貢生酌。張調治以騎邀游金沙寺。以有庄田在其西麓也。出西門見門內有新濶之房頗麗。問之即調治之兄名某。以鄉薦任常州判。甫自今春抵家。以讒與調治不睦。出西門直西行田塍中路甚坦。其塢即南自河間鋪直北而出者。至此乃大開洋。北極於滇池焉。西界山東突瀕塢者為牧羊山。北突最高者為望鶴山。其走北之餘脉為天城。又西為金沙。則散而瀕海者也。東界山西突而屏城南者為玉案山。北峙最高者為盤龍山。其環北之正脊為羅藏山。則結頂而中峙者也。州治倚東界之麓。大堡河澗合流於西界之麓。北出四通橋分為兩流。一直北下滇海。一東繞州北入歸化界。由安江村入滇海。徑塢西行三里上溪堤。大石梁跨溪上。為四通橋。由橋西直上坡。為昆陽道。西北由岐一里半。為天女城。上有天城門遺址。古石兩疊如雕刻亭簷狀。昔李毅之女秀代父領鎮時築城於此。故名。城阜斷而復起。西北瀕湖者。其山長遠。為黃洞山。西南並天城而圓聳。夾峙者為金沙江山。此皆土山斷續。南附於大山者。



也。金沙之西。則滇海南激而入。直逼大山。金沙之南。則望鶴山高擁而北。瞰為西界大山北隅之最。其西則將軍山聳崖突立。與望鶴駢峙而出。第望鶴則北臨金沙。天城將軍則北臨滇海耳。黃洞山之西有州。西橫海中。居廬環集其上。是為河泊所。乃海子中之蝸居也。今已無河泊官。而海子中渡船猶泊焉。其處正西與昆陽對。截湖西渡。止二十里。陸從將軍山繞湖之南。其路倍之。由天女城盤金沙江北夾。又一里半而入金沙寺。門北向盤龍蓮峰師所建也。寺頗

寂寞。由寺後拾級上。為玉皇閣。天上為真武殿。俱軒敞。向北瞻湖。得海天空濶之勢。山之西麓。則連村倚曲。民居聚焉。入調治山樓。飯而登山。憑眺寺中。下步田畦水曲。觀調治家人築場收穀。戴月入城。皎潔如晝。而寒悄逼人。還飯下道。不候唐君而卧。

十四。在署中。  
十五。在州署。夜酌而散。復出訪黃沂水。其家寂然。花陰歷亂。惟聞犬聲。還步街中。恰過黃。乃呼酒踞下道門。當月而酌。中夜乃散。



十六。余欲別而行。唐君謂連日因歌童就醫未歸。不能鬯飲。使人往省召之。為君送別。必少待之。余不能却。

十七至二十一。皆在州署。

二十二。唐君為余作瘞靜聞骨記。三易稿而後成。已復具酌演優。併候楊趙二學師。及唐大來。黃沂水。昆仲。為同宴以餞。

二十三。唐君又餽棉襖夾褲。具厚贐焉。唐大來為余作書文甚多。且寄向次公書。亦以青蚨贐。乃入謝唐

君。為明日發行計。

晉寧乃滇池一場。稍開其界。西至金沙江山。沿將軍山。抵三尖村。與昆陽界不過二十里。東至盤龍山頂。與潞江界不過十里。北至分水河橋。與歸化界不過五里。南入山塢。與潞江界不過十里。搃計南北不過十五里。東西不過三十里。不及諸巒首山。徼一曲也。晉寧之水。惟四通橋為大。其內有二溪。俱合於牧羊山下石壁村。一為大壩河。即河澗鋪之流。出自閩索嶺者。余昔徃江川。由之一為大甫河。出自鍊爐。閩者與



新興分水之嶺界。二水合而出四通橋。又分其半。東灌州北之田。至州東北。又有盤龍山澗之水。自州城東南隅。循城北流。引為城濠。而下合於四通東灌之水。遂北為歸化縣分界。而出安江村。其河乃唐公新濬者。晉寧二屬邑。俱在州東北境。亦漢海東南之餘塢也。歸化在州北二十里。呈貢又在歸化北四十里。呈貢北即昆明縣界。東北即板橋路。東即宜良界。東南即羅藏山陽宗界。歸化北五里有蓮花洞山。一名龍洞。有水出其間。羅藏在歸化東十里。盤龍山東北之主峰也。東南距潯江府四十里。其山高聳。摠挈衆山。與劭甸之梁王山對。亦謂之梁王山。以元梁王結寨其上也。西北麓為漢池。東南麓為明湖。撫仙湖水之兩分其歸者。以此山為界。水之三匯其壑者。亦以此山為環。然則比劭甸梁王。此更磅礴矣。其脉自鏡爐關東度為閔索嶺。又東為江川北屈。額巔山。遂北走為此山。又東至宜良縣西境。又北度楊林西嶺。又北通免兒關。又北結為劭甸梁王山。而為果馬月狐之脊焉。晉寧四門。昔皆傾圮。唐元鶴蒞任。即修城建



樓極其壯麗。晉寧東至激江六十里。西至昆陽四十里。南至江川七十里。北至省會一百里。東南至路南州一百五十里。東北至宜良一百六十里。西南至新興州一百二十里。西北至安寧州一百二十里。唐晉寧初授陝西三水令。以禦流寇功。即陞本州知州。以憂歸。補任於此。乃即年十五歲。文學甚優。落筆有驚人語。餘三子俱幼。唐大來各忝字大來選貢。以養母。繼引詩畫字俱得董元宰三昧。余在家時。陳眉公即先寄以書云。良友徐霞客。足跡遍天下。今來訪維足。并大

來先生。此無求於平原君者。幸善視之。比至滇。余囊已罄。道路不前。初不知有唐大來可告語也。忽一日遇張石夫。謂余曰。此間名士。唐大來不可不一晤。余遊高峽時。聞其在傅元獻別墅。往覓之。不值。還省。忽有揖余者曰。君豈徐霞客耶。唐君待先生久矣。其人即周恭先也。周與張石夫善。與張先晤。唐即陳眉公書誦之。周又為余誦之。周又為余誦之。始知眉公用情周摯。非世誼所及矣。大來雖貧。能不負眉公厚意。因友及友。余之窮而獲濟。出於望外如此。唐大來



其先浙之淳安籍國初從戎於此。曾祖金。嘉靖戊子  
鄉薦。任邵武同知。祀名宦。祖堯官。嘉靖辛卯解元。父  
懋德。辛卯鄉薦。臨洮同知。皆有集。唐君合刻之。名箕  
堂集。李本寧先生為作序。甚佳。大來言教歷其先世  
皆一任一隱。教傳不誣。其祖雖發解。竟不仕。而年甚  
長。今大來雖未發解。而詩翰為滇南一人。真不忝厥  
祖也。但其胤嗣未耀。一女俱寡。而又旁無昆季。後之  
顯者。將何待乎。大來之岳為黃麟趾。字伯仁。以鄉薦  
任山東嘉祥令。轉四川順慶府某縣令。卒於任。即黃

沂水禹甸之父。從月之兄也。其祖名明良。嘉靖乙酉  
鄉薦。仕至畢節兵憲。有牧羊山人集。大來昔從廣南  
出粵西。祇吾地亦以粵西山水之勝也。為余言廣南  
府東半日多程。有寶月閣。甚奇。從廣南東望。崇山橫  
障。翠截遙空。忽山間一孔高懸。直透中扃。光明如滿  
月。綴雲端。真是天門中開。路由其下。盤躋而入。大若  
三四城門。其下旁又一竅。潛通滇粵之水。又按黃麟  
趾昭陽閣詩註云。關口天成一石虎頭。耽、可畏。詩  
曰。何代鑿鴻濛。出山竅窳通。五丁施地力。一竅自天  
工域吟華夷界。關當虎豹雄。棄襦愁日暮。驅策亂

A 1 2 3 4 5 6 M 8 9 10 11 12 13 14 15 B 17 18 19



中。按照昭陽卽此洞也。唐君謂之寶月者。又其別名耳。此路東去卽歸順。余去冬為交夷所梗。不能從此。盤龍山蓮峰祖師。名崇炤。元至正間。以八月十八日涅槃。作偈曰。三界與三塗。何佛祖不由。不破則便有。能破則便無。老僧吞吐不下。門徒不肯用心修。切忌切忌。師素不立文字。臨去乃為此。與遺蛻俱存。至今以此為盤龍會云。邵真人以正。初名璇。晉寧人。其父名仁叔。名忠。俱由蘇州徙此。閣老劉逸挽忠詩有曰。三卽足下風雲達。領鄉志子託小阮壺中日月長。卽真末句

又曰。帳望蘇州是故鄉。志見州晉時。晉寧之地曰寧州。南蠻校尉李毅持節鎮此。討平夷寇五十八部。惠帝時。李雄亂。毅死。女秀有父風。衆推領州事。竟破賊保境。比卒。群夷為之立廟。是時寧州所轄之地雖廣。而駐節之地實在於此。至唐武德中。以其為晉時寧州統會之地。置晉寧縣。此州名之所由始也。州名宦。向有李毅及王遜姚岳等。迨萬曆間。吳郡許伯衡修州志。謂今晉寧州地。已非昔時五十八部之廣。以一隅而借通部之祀。非諸侯祭封內山川義。遂一併徹去之。

A 1 2 3 4 5 6 M 8 9 10 11 12 13 14 15 B 17 18 19



併志傳亦削去。祇自我朝始。遂令千載英靈。空存盼  
饗。一方故實。竟作塵灰。可嘆也。然毅雖削。而其女有  
廟在古城。岳雖去。而岳亦有廟在州西。有功斯土。非  
豎儒所能以意滅者也。許伯衡謂昔時寧州地廣。今  
地狹。李毅雖嫡祖。晉寧不得而祀之。猶支子之不得  
承祧祀大宗也。余謂晉寧乃嫡冢。非支子比。毅所轄  
五十八部。雖廣。皆統於晉寧。今雖支分。五十八部皆  
其支庶。而晉寧實承祀之主。若晉寧不祀。將委之五  
十八部乎。則五十八部復以支分。非所宜祀。是猶嫡

冢以支庶衆多。互相推委。而虛大宗之祀也。然則李  
毅一方宗祖。竟將委之莫敖乎。故余謂唐晉寧唐大  
來。首以復祀李毅為正。

二十四日。銜毅未絕。唐君令人至。言蚤起觀天色。見陰  
雲釀雨。乞再遲一日。候稍霽乃行。余謝之曰。行不容  
遲。雖雨不為阻也。及起。風雨淒其。令人有魂消意令。  
庖人速作飯。余出別唐大來。時余欲從海口安寧返  
省。完省西南隅諸勝。從西北富民觀螳螂川下流。而  
取道武定。以往雞足。乃以行李之重者托大來。令人



另齋往省。而余得輕具西行焉。方抵大來宅。報晉寧公已至下道。並同大來及黃氏昆玉還道中。晉寧公復具酌於道。秣馬於門。時天色復朗。遂舉大觥登騎。出道從西門三里。度四通橋。從大道直西半里。上坡。從其西峽。轉而西南上。一里半。直躡望鶴嶺。西坳又西下。涉一澗。稍北。即瀕滇池之涯。共五里。循南山北麓而西。有石聳起。峰頭北向。指滇池。有操戈介冑之狀。是為石將軍。亦石峰之峻峭者。西有廟北向。是為石魚廟。西南又有山。西突。亞於將軍者。即魚山也。又西二里。海水中石突。麓。是為牛戀石。涯上村與鄉俱以牛戀名。謂昔有衆牛飲於海子。戀而不去。遂成石云。於是又循峽而南。二里。踰平坡。南下有水一塘。直浸南山之足。是為三尖塘。南山巒高列。塘北度脊平行。脊之北。即滇池牛戀塘水。不北洩而東。破山腋。始知望鶴之脉。自西來。不自南來也。從塘向西溯塢。自西而東。即塘水之上流也。三里塢西盡處。有三峰排列其南。最高者即南山之再起者也。其中一峰則自南峯之西。繞峽而北。峙為中峯焉。北峯則瀕滇



池而東度為石將軍望鶴山之脉矣。中峰之東有村落當塢。是為三尖村。晉寧村落止此。西沿中峰而上。一里。與南村對夾之中。復阻水為塘。不能如東塘之大。而地則高矣。又平上而西。一里。踰中峰之脊。從脊上西南直行。為新興道。踰脊西北下。即漢池南涯。是為昆陽道。而晉寧昆陽以是脊為界焉。於是昆南新舊縣治俱在一望。直下半里。沿漢池南山隴。半西行。二里餘。村在北涯之下。漢池之水環其前。是曰赤峒。裏。此池濱聚落之大者。又西。由村後踰崖南上。西三

里村倚南山北麓。盤其嘴而西。於是西峽中開。自南而北。與西界山對夾成塢。其脊南自新興畧分。支北。西一支直走而為新舊縣治。而北盡於舊寨村。東一支。即赤峒裏之石山濱地而止。東界西界長。中開平塢為田。小水貫其中。亦自南而北入漢池。即志所稱渠濫川也。按隋史萬歲為行軍司馬。自靖蛉川至渠濫川。破三十餘部。當即指此。由東嘴截塢而西。正與新城相對。而大道必折而南。盤東界之嘴以入。三里始西陟塢。徑塢三里。又隨西界之麓北出。一里半。是

A 1 2 3 4 5 6 M 8 9 10 11 12 13 14 15 B 17 18 19



為昆陽新城。又北一里半。為昆陽舊城。於是當漢池西南轉摺處矣。舊城有街衢環堵而無城郭。新城有棲櫓雉堞而無民廬。乃三四年前。舊治經寇。故卜築新邑。而市舍猶仍舊貫也。舊治街自南而北。西倚山坡。東瞰湖溪。至巳日西昃。亟飯於市。此州有天澗泉。普照寺。以無奇不及傳屐。遂北行。四里稍上。踰一東爨之坳。其山自西界橫突而出。東懸漢海中。路踰其坳中。北下。其北漢海復嵌塢西入。其爨出之峯。遠眺若中浮水面。而實連綴於西界者也。乃西轉涉一塢。

共四里。又北向循漢池。西岷山麓行五里。又有小峰傍麓東爨。南北皆湖山環抱之。數十家倚峰而居。是為舊寨村。由村北過一塢。其塢始自西而東。塢北有山一派。亦自西而東。直瞰漢海中。北二里抵山下。直躡山北。上一里餘。從崩崖始轉東向山半行。又里餘。從東嶺盤而北。其嶺南北東三面。俱懸漢海中。正東與羅藏隔湖相對。此地杳僻隔絕。行者為畏途焉。嶺北又有山一支。從水涯之北。亦自西而東。直瞰漢海中。與此嶺南北遙對成峽。漢海驅納其中。外若環窩。



中駢東戶。是為海口南嶺。北下之處。峻削殊甚。余慮日暮。驅馬直下。二里。復循塢西入。二里。西踰一坳。由坳西下。山塢環開。中為平疇。漢池之流。出海就峽。中貫成河。是為螳螂川。為二里。有村傍塢。中南山。過之行平疇間。西北四里。直抵川上。有聚落成衢。濱川之南。是為茶埠墩。即所謂海口街也。有公館在焉。監察御史按臨。必躬詣其地。為一省水利所係耳。先是唐晉寧謂海口無宿處。可往榮厰。莫土官蓋肆中宿。蓋唐以候代巡。常宿其家也。余問其處。尚相去六七里。而日色已晚。且所謂海門龍王廟者。已反在其東二里。又聞阮玉灣言。有石城之勝。亦在斯地。將留訪焉。遂不復前。覓逆旅投宿。

二十五。令二騎返晉寧。余飯而躡屩。北抵川上。望川北石崖。矗空。川流直瀼其下。問所謂石城者。土人皆莫知之。惟東指龍王堂。在盈一水間。乃溯川南。岨東向從之。二里。南岨山亦突而臨川。水反舍北而逼南。岨崩嵌盤。而北岨則開繞而受。民舍焉。是為海門村。與南岨相隔一水。不半里。有州浮其吭間。東



向溟海。極吞吐之勢。峙其上者。為龍王堂。時渡舟在  
村北。岬呼之莫應。余扳南崖水窟。與水石相為容。與  
忘其身之所如也。又之北涯。村人以舟至。遂渡登龍  
王堂。當川流之中。東臨海面。時有賽神者。浮舟而  
至。而中無廟祝。後有重樓。則阮祥吾所構也。廟中有  
碑頗多。皆成弘以後。撫按相度水利。開濬海口。免於  
汎濫。以成瀕海諸良田者。故巡方者以此為首務云。  
出廟渡北岸。居廬頗集。其北向所倚之山。有二重。第  
一重橫突而西。多石。而西垂最高。即轟削而瀕於川  
之北岬者。第二重橫突而東。多土。而東繞最遠。即錯  
出而盡為池之北圩者。二村層疊於村後。蓋此自觀  
音山盤礴而盡於此。村氓俱阮氏。庄佃詢阮玉鸞。新  
置石城之勝。土人莫解。謂阮氏有塚在東岬。悞指至  
此。村人始有言。石城在里仁村。其村乃羅一寨。正與  
茶埠墩對。此從有小徑。向山後峽中西行。三里可至。  
余乃不東向阮塚。而西覓里仁焉。即由村後。北踰第  
一重石峰之脊。北向下路旁。多錯立之石。北亦開塢。  
而中無細流。一里隨塢西轉。已在川北岸。轟削石峯。



之後。蓋峰南激逼川流。故取道於峰北耳。其內桃樹  
萬株。被隴連壑。想其蒸霞煥彩。時令人嘆。武陵天台  
為嶠火矣。西一里。過桃林。則西塢大開。始見田疇交  
媵。溪流霍々。村落西懸北山之下。知其即為里仁村  
矣。蓋其塢正南矗立石山。西盡於此。塢瀕於川。亦有一  
村臨之。是為海口村。與茶埠墩隔川相對。有渡舟焉。  
其塢之東北踰坡。塢之西北循峽。皆有路。六十里而  
抵省會。而里仁村當塢中北山下。半里抵村東。見流  
泉交道。山崖間樹木叢蔭。上有神宇。蓋龍泉山出其

下也。東塢以無泉故。皆成旱地。西塢以有泉故。廣闊  
良疇。由村西盤山而北。西塢甚深。其塢自北峽而出。  
直南而抵瀨海口村。為村而所循之山。其上多蹲突  
之石。下多崢峿之崖。有一竅二門。西向而出者。予覺  
其有異。詢之土人。石城尚在塢西嶺上。其下亦有龍  
泉。可遵之而上。其北半里。乃西下。截塢而度。有一溪  
亦自北而南。中乾無流。涉溪西上。共半里。聞水聲。觀  
之。則龍泉溢。西山樹根下。潄為小潭。分瀉東南去。由  
潭而上嶺。半里。則嶺頭峰石湧起。有若卓錫。有若夾



門者。有若芝擎而為臺。有若雲卧而成廓者。於是循石之隙。盤坡而上。墜壑而下。其頂中空。石皆環成外廓。東面者噴坑森透。西面者穹覆壁立。南面則余之踰脊而下者。北面則有石窟曲折。若離若合。間一石墜當空。關下覆成門。而出入由之。圍壑之中。底平而無水。可以結廬。是所為石城也。透北門而出。其石更分枝簇萼。石皆青質黑章。廉利稜削。與他山迥異。有牧童二人。復引余循壑東轉。復入一石隊中。又得圍一區。惟東面受客如門。中有趺座之龕。架板之床。皆

天成者。出門稍南。迴顧門側。有岫岬然。亟轉身被之。其洞透空而入。復出於圍壑之內。始覺由門入。不若由洞入。更奇也。計圍壑之後。即由石城中。望所謂東面噴坑處矣。出洞。仰眺洞上。石峰層沓。高聳無比。復有一老囉。披獸皮前來。引余相與扳躋。其上如衆臺錯立。環中窪而峙。其東。眺海門。明鏡漾空。西俯窪底。翠瓣可數。而隔壑西峰穹覆之上。攢擁尤高。乃下峰復度南脊。轉造西峰。則穹覆上壑。復有后層分列。其中開峽。東墜危坑而下。其后則土山高擁。負宸



於上聳立之石。或上覆平板。或中剖斜楞。峴脇有二小穴如鼻孔。群峰出入其中。窰漬淋漓其下。乃峴峰所巢也。兩牧童言。三月前土人以火熏蜂而取窰。蜂已久去。今乃復成窰矣。童子競以草塞孔。峰輒翁然作銅鼓聲。覓覽久之。乃循墜坑之北。東向懸峴而下。經東石門之外。猶令人一步一回首也。先是從里仁村。望此山峯頂聳石一叢。不及晉寧將軍峰之偉杰。及抵其處。而閣闢曲折層沓玲瓏。幻化莫測。鍾秀特異。信乎靈境之不可以外象求也。蓋是峯西倚大

山。此其一枝東竄。峰頂中凹。石骨內露。不比他山之以表暴見奇者。第其上無飛沓涵莹之波。中鮮剪棘梯峴之道。不免為兔狐所窟耳。老囉言。此石隙土最宜茶。口味迥出他處。今阮氏已買得之。將造庵結廬。招淨侶以開勝壤。豈君即其人耶。余不應去。信乎買山而居。無過此者。下山仍過塢。東一里。經里仁村。東南一里。抵煙榔川之北。西望海口。有渡可往茶埠。而東眺瀕川。石崖聳削。先從茶埠隔川北望。其巔屹嵌。巖中見白垣一方。若有新茅架其上者。今雖崖石



掩映。不露其影。而水石交錯。高深嵌其空。中嘗有奇  
勝。遂東向從之。抵岨下。岨根挿水。亂石濛迴。遂扳躋  
水石間。沿崖南再東。忽見石上有痕。躡崖直上。勢甚  
峻。掛石懸之跡。俱倒影水中。方下見為奇。又忽聞警  
咳。殺落頭上。雖仰望不可見。知新茅所建不遠矣。再  
穿下覆之石。則白垣正在其上。一道者方鑿岨填路。  
迎余入坐茅中。其茅僅逾方丈。明窓淨壁。中無伏像。  
亦無爨具。蓋初落成。而猶未棲息。其間者。道人吳姓。  
即西村海口人。向以賈遊於外。今歸而結淨於此。可

謂所托矣。坐茅中。上下左右。皆危岨綴影。而澄川漾  
碧於前。遠峰環翠於外。隔川茶埠。村廬繚繞。烟樹堤  
花。若獻影鏡中。而川中鳧舫。賈帆。魚罾。渡艇。出沒波  
紋間。棹影耀浮嵐。櫓聲搖半壁。恍然如坐畫屏之上。  
也。既下。仍西半里。問渡於海口村。南渡茶埠街。茶埠  
有舟。隨流十里。往柴厰。載鹽渡漁池。余不能待。蓋從  
村西遵川堤而行。其堤自茶埠西達平定。隨川南涯  
而築之。蓋川水北依岸。大山而西。其南岬山勢層疊。  
中多小塢。故築堤障川堤之南。屢有小水自南峽出。



六隨堤下注。從堤上西行。川形漸狹。川流漸迅。七里。有村廬倚堤。北下臨川。堤間有亭有碑。即所謂柴廠也。按舊碑謂之漢廠。莫土官益肆在焉。至此川迅石多。漸不容舟。川漸隨山西北轉矣。堤隨之。又西北七里。水北向逼山入峽。路西向度塢登坡。又二里。數家踞坡上。曰平定哨。時日色尚高。以土人言前途無宿店。遂止。

二十六。雞再鳴。北向循西山行。三里。曙色漸啟。見有岐自西南來者。有岐自東北來者。而中道則直北逾坳。

蓋西界老山至此度脉而東。特起一峰。當關中窅障。扼川流。東曲而盤之。流為所扼。稍東避之。遂破腋北。西向墜級爭趨。所謂石龍坩也。此山名為九子山。竇海口下流當關之鍵。平定哨在其南。大營庄在其東。石龍壩在其北。山不甚高大。負阜特立。正當水口。故自為雄耳。山巔有石九枚。其高逾於人。駢立峰頭。土人為建九子母廟。以石為九子。故以山為九子母也。余時心知正道在中。疑東北之岐為便道。且可一瞰川流。遂從之一里。抵大營庄。則川流轟轟。在下。舟不



能從水。陸不能從。峽必仍還大路。逾坳乃得。於是迂  
輟。從峯西逾嶺北下。共二里。小水自西南峽來。渡之。  
復西上逾坡。則坡北。峽中。螳川之水。自九子母山之  
東。破峽北出。轉而西。繞山北而墜。峽中石又橫阻。  
而層闕之水。橫衝直搥。或跨石之頂。或竄石之脇。湧  
過一層。復騰躍一層。半里之間。連墜五六級。此石龍  
壩也。此水之不能通舟。皆以此石為梗。昔治水者。多  
燔石鑿級。不能成功。土人言鑿而輒長。未必然也。石  
級既盡。峽亦北轉。路從峽西山上。隨之北行。下瞰級

畫處。峽中有水一方。獨清瀦。土人指為青魚塘。言塘  
中青魚大且多。按志。昆陽平定鄉小山下。有三洞。泉  
出。匯而為潭。中有青魚。魚俗呼隨龍魚。豈即此耶。  
北二里。峽稍開。村在其下。為青魚塘村。北二里。西北  
躡一嶺。最高。始東見觀音山。與羅漢寺碧雞山。兩峰  
東峙。又北見遙山。一重橫亘。衆山之北。西畫處特聳  
一峰最高。為筆架山。其西又另起一峰。與之駢立。則  
老龍之龍山也。東畫處分峙雙岫。亦最高。為進耳山。  
其南坳稍伏而豁。則大道之碧鷄關也。兩最高之間。



有尖峰獨銳。透穎於橫脊之南。是為龍馬山。其下則沙河之水所自來也。惟西向諸山。稍伏而豁。大道之往。迤西者從之。而老脊反自伏。慶南度。老龍之脊。西北自麗江鶴慶東。南下至楚雄。濟南。又東北至祿豐。羅漢北境。又東至安寧西北境。東安為龍山。遂南從安寧州之西。又南渡三泊縣之東。又南繞昆陽州之西南。乃折而東。經新興州北。為鐵爐閣。又東經江川縣北。為閑索嶺。又東時為屈穎巔山。乃折而東北。為羅藏山。則滇池撫仙湖之界脊也。一里踰其巔。又西

北下一里。則螳川之水自嶺之北麓環而西。又轉而南。嶺西有村。瀕川而居。置渡川上。是曰武趣河。昆陽西界止此。過渡即為安寧州界。武趣之河。遠村南。曲復轉西。峽去路。渡河即西北上坡。連越土壠二重。共五里。北下有水一塘。在東塢中。又北二里。有水一塘。在西塢中。又北一里半。有村在路東。又北一里半。坡乃北盡。坡北始開大塢。乃下坡。西向行塢中。二里。水東北自北界橫亘中。尖峰下來。是為沙河。其流頗大。石梁東西跨之。河從梁下南去。螳川之水自武趣西



峽轉而北來。二水合於梁南半里。遂西北至安寧州城之南。於是北向經城東而北下焉。過沙河橋。又西北一里。則省中大道自東北來。大螳川自城南來。俱會於城東。有巨石梁東西跨川上。勢甚雄壯。過梁即為安寧城。入其東門。闐闐頗集。乃沽飲於市。為溫泉浴計。飲畢。忽風雨交至。持傘從東街北行半里。過州前。從其東復轉北半里。有廟門東向。額曰靈泉。余以為王潮聖水也。入之。有巨井在門左。其上累木橫架為梁。欄上置轆轤以汲。乃鹽井也。其水鹹苦而渾濁。

殊甚。有鹽者。一日兩汲而煎焉。安寧一州。每日夜煎鹽千五百斤。城內鹽井四。城外鹽井二十四。每井大者煎六十斤。小者煎四十斤。皆以桶擔汲而煎於家。又西轉過城隍廟北。共半里。出北門。風雨淒淒。路無行人。冒雨直前。隨螳川西岫而北。三里半。村聚西山麓。其後廟宇東向。臨之。余不入。又北二里半。大路盤山西北轉。有岐下坡。隨川直北行。余乃下從岐一里半。舟子穢舟渡上川東岫。雨乃止。復循東麓北抵北嶺。下川為嶺。扼西向盤壑。去路乃北向陟嶺。頗峻。



一里踰嶺北。一里下其北塢。小水自東北來。西注於川。橫木橋渡之。共一里。又西北上坡。有村當坡之北。路從其側。一里逾坡而北。再下再上。共三里。西瞰螳川之流。已在崕下。崕端有亭。忽從足底湧起。俯瞰而異之。亟捨路西向下。入亭中。見亭後石骨片。如青芙蓉湧出。其北復有一亭。下乃架木而成者。瞰其下。則中空如井。有懸級在井中。可以宛轉下墜。余時心知溫泉道當從上北行。而此奇不可失。遂從級墜井下。其級或鑿石。或嵌木。或累梯。共三轉。每轉約二十

級。共六十級。而至井底。井孔大僅圍四尺。其深下垂及底。約四五丈。井底平拓。旁裂多門。西向臨螳川者。為正門。南向者為旁門。門有屏斜障。屏間裂竅四五。若窓榜戶牖。交透疊映。土人又號之曰七竅通天。七竅者。謂其下之多門。通天者。謂其上之獨貫也。旁門之南。崕壁巉削。屏列川上。其下洞門。另闢駢開。凡三四處。皆不甚深透。然川漱於前。崕屏於上。而洞門累。益助東洞之勝。再南。崕石轉突處。一巨石下墜。崕側迎流界道。有題其為醒石者。為冷然峯。冷然學道楊師孔號



楊係貴州石北危崖之上。有大書虛明洞三大字者。高不能矚。其為何人筆。其上南崖一石橫斜作垂手狀。其下亦有洞西向。頗大而中拓。然無嵌空透漏之妙。虛明二字。非此洞不足以當之。明虛大書之下。又有刻聽泉二字者。字甚古拙。為燕泉筆。燕泉都憲何孟春號何樹人。又自叙為吾邑。又其側有此處不可不飲。為升菴筆。升菴史煥而刻不佳。不若中洞門右有此處不可不醉。為冷然筆。刻法精妙。遂覺後來者居上。又聽泉二字上刻醒石詩一絕。標曰姜思睿。而醒石亦刻之。標曰譜。

明譜。明不知何人。一詩而二標。豈譜明即姜之字耶。此處泉石幽倩。洞壑玲瓏。真考槃之勝地。惜無一人栖止。大洞之左。穹崖南盡。後有一洞。見烟自中出。亟入之。其洞狹而深。洞門一柱中懸。界為二竅。有囉囉。因髮赤身。織草履於中。烟即其所炊也。洞南崖盡。即前南來塢下。而再上。處也。時顧僕留待北洞。余復循崖沿眺而北。洞之右。崖復北盡。遂躡坡東上。仍出崖端。南來大道。半里有菴。當路。左下瞰西。崖下廬舍。駢集。即溫泉在是矣。庵北又有一亭。高綴東峰之半。

A 1 2 3 4 5 6 M 8 9 10 11 12 13 14 15 B 17 18 19



額曰冷然。當溫泉之上。標以御風之名。楊君可謂冷  
暖自知矣。由亭前躡石西下。石骨稜厲。余愛其石。扳  
之下。墜則溫池在焉。池匯於石崖下。東倚崖石。西去  
螳川數十步。池之南有室三楹。北臨池上。池分內外。  
：固清瑩。內更澄澈。而浴者多就外池。內池中有石。  
高下不一。俱沉水中。其色如綠玉。映水光艷。燁然。余  
所見溫泉。滇南最多。此水實為第一。池室當東崖之  
上。有佛閣三楹。額曰煖照。南坡之上有官宇三楹。額  
曰振衣千仞。皆為土人鎖鑰。不得入。余浴既散。步西

街。見賣漿及柿者。以浴熟買柿啖之。因問之。虛明之  
南。尚有雲濤洞。川之兩峰。曹溪寺。傍有聖水。相去三  
里。皆反在其南。可溯螳川而遊也。蓋溫池之西。濱螳  
川東峰。夾廬成壑。隨之而北。百里而達富民川東岬。  
山最高者為龍山。曹溪寺在其東。壠之半。志所謂葱  
山也。二山夾螳川北流。而葱山則老眷之東。盤者矣。  
余時抵川上。欲先覓曹溪聖水。而渡舟在川西岬。候  
之不至。遂南半里。過虛明諸洞下。南抵崖處。坡曲為  
塢。宜仍循川岸而南。以無路。遂上昔來大路。隔由小



岐盤西崕而南。亦再下再上。一里半。有村在坡南。是為沈家庄。老婦指雲濤洞。尚在南坡外。又南涉塢。半里登坡。路絕而不知洞所在。西望隔川。有居甚稠。其上有寺。當即曹溪。有村童拾薪川邊。送呼而問。所謂雲濤者。其童口傳手指。以川隔。皆不能辨。望見南坡下。有石崕一叢。漫趨之。至其下。仰視石隙。叢竹娟。上有朱扉不掩。登之。則磴道逶迤。軒亭幽寂。餘花殘墨。狼籍蹊間。雲牖石床。離披洞口。軒有洞門。下嵌。上有層樓橫跨。皆西向。先登其樓。中供觀世音諸仙。

像。香几燈案。皆以樹根為之。多有奇古者。其南有臥室一楹。米盎書簾。猶宛然其內。而苔衣羅網。封埋已久。寂然經行。不辨其何人所構。何因而廢也。下樓入洞。初入若室一楹。側有一窟。下陷窈黑。其北又裂一門。透裂入。有小竅斜通於外。見竹影竄入。即墮黑而。下南下杳。不知其所底。北眺亦有一牖。上透第透處甚微。光不能深燭。以手捫隘。以足投空。時。兩無着。又時。兩有所碍。既至其底。忽望西南。有光燁然。轉一隘。始見其光。自西北頂隙透入。其處底亦平。而上。



復穹然高盤。倏然有影掠墮光而過。心異之。呼顧僕。問答。故正在透光之隙。其所過影。即其影也。復轉入暗底。隙隘。岨懸。無由着足。然而机闕漸熟。升躋似易。覺明處之魂悸。不若暗中之胆壯也。再上一層。則上牖微光。亦漸定。中生朗。其旁原有細級。宛轉崖間。或頽或在。但初不能見。再出洞。仍由前軒出扉外。見右岨有石刻一方。外為棘刺。結成窠網。遙不能見。余計不能去。竟踐而入之。屐俱為鈎卸。又以布縛頭。護網始得讀之。乃知是庵為天啟丙寅州人朱化學所

構。

朱為壬辰進士

其樓閣軒亭俱有名額。住僧山亦有名有

詩。未久而化成空谷。遺構徒存。祇增慨耳。既下。至川岨。若一航渡之。即西上曹溪。時不得舟。仍北三里至溫泉。就舟而渡。登西岨。溯川南行。望川東。虛明岨洞。若即若離。杳然在落花流水之外。南一里。又見川東一崖。排突亦如虛明。其下亦有多洞。迸裂。門俱西向。有大書其上。為靑龍洞。為九曲龍宮者。隔川望之。不覺神往。土人言此二洞甚深。燐火以入。可四五里。但中黑無透明處。此洞即在沈家庄北。余前從虛明沿



川岍來。即可得之。悞從其上。行崖端而不知。深為悵。  
然南之雲濤。北之虛明。既已兩窮。此洞已去而復。  
得之對峴。亦未為無緣也。又南一里。抵川西村聚。從  
其后西上山。轉而南。又西上。共一里。遂入曹溪寺。  
門東向古刹也。余初欲入寺覓聖泉。見殿東西各有  
巨碑。為楊太史升庵所著。乃拂碑讀之。知寺中有優  
曇花樹諸勝。因覓紙錄碑。遂不及問水。是晚炊於僧  
寮。宿於殿石。  
二十七日晨起。寒甚。余先晚祇錄一碑。乃殿左者錄未

竟。僧為具食。乃飯。而竟之。有寺中讀書二生。以  
此碑不能向來相問。余為解示。二生一姓孫安  
寧州人一姓党  
三泊党生因引余觀優曇樹。其樹在殿前東北  
隅。二門外坡間。今已築之。牆版中。其高三丈餘。  
大一人抱。而葉甚大。下有嫩枝旁。問開花當  
六月。伏中。其色白而淡黃。大如蓮。而瓣長。其香  
甚葉而無實。余摘數葉置囊中。遂同党生由香  
積北下坡。循回而北。一里半。觀聖泉。從山坡  
大樹根下。南向而出。泉以石環為月池。大丈餘。

A 1 2 3 4 5 6 M 8 9 10 11 12 13 14 15 B 17 18 19



瀕水深五六寸餘。波深、由東南坡間泄去。余  
至當上午。早潮已過。午潮未至。此正當縮時而  
其流亦不絕。第潮時更湧而大耳。党生言穴中  
時有二蟾蜍出入。茲未潮。故不之見。即碑所云  
金龜。既曰泉神者矣。月池南有亭新構。扁曰問  
潮亭。前廵方使閩中張鳳翮為之說。党生又引  
余由泉西上坡。西北綠嶺上。半里登水月庵。  
東北向。乃葱山之東北坳中。六庵潔而幽。為縉  
紳王姓者所建。庭中水一方。大僅逾尺。乃建庵後

剗地而出者。庵前有深池。泉不能蓄也。既復下  
至聖泉。還至曹溪北坡。岫党生別余上寺。余乃  
從岐下山。一里抵昨村。後上山。虞由村后南行  
半里。復東望川東迴曲中。石崖半懸。飛樓臨丹  
即雲濤洞也。川水已從東蟠曲。路猶循西山南  
向下。因其山塢自南而轉也。一里餘。始循南山  
以東。二里。則其川自塢北曲而南。與路遇。既過  
路。又循東山溯溪轉北。一里。乃東向陟南山之  
北。一里。乃轉東南行。一里。陟一西來之峽。又南



上坡一里。與前來溫泉渡西大道合。始縱南行。六里。入北城南。見有二女郎。辮髮雙垂肩。後此間幼童女。辮髮一條垂腦後。女郎及男之長者。辮髮兩條垂左右耳旁。女仍用包髻。男仍用巾帽冠其上。若囉。則辮髮一條。週環於腦額。若箍其首者。又有男子未冠者。後腦下另挽一小髻若螺。綴于后馬。手執紙扇。嫣然在前。後有一老婦隨之。携牲盒紙。縱將掃墓郊外。此間重十月朝祭掃。家貧不及者。至月終亦不免。南中所

見婦人。織足姣好。無逾此者。入城一里半。飯於東關。乃出。踰巨石梁。遵大道北東行。半里有小溪。自東塢來。溯之行。從橋南東去。三里半。上坡又一里。踰東安哨嶺。不甚峻。東北從橫亘大山分隴西南下。為安寧東第一護城之砂者也。過嶺東下。始見沙河之水。自東北來。隨其塢東入。過站摩村。共十五里。為始甸鋪。又四里。過龍馬山。瓦。壯透。橫亘大山之南。路遠其前而東。又四里。始與沙河上流之溪遇。有三羣石梁。東



跨其上。是曰大橋。其水自東北進耳。二尖峰西。棋盤山南。峽下。西南至安寧城東。南入於螳川者也。又半里。東上坡。宿於高規橋村。二十八。平明。東行一里半。上坡。為安寧東界。由此即為昆明地。陂陀高下。以漸升陟而上。八里。其塢自雙尖後進耳。山來。路遂由南隴上。又二里。山坳間有聚廬常。是為碧雞閣。蓋進耳之山。峙於北。羅漢之頂。峙於南。此其中間度脊處。南北又各起一峰。夾峙。以在碧雞山之北。故名。

碧雞閣。東西與金馬遙對者也。閣之東。向東南下。為高峽。乃草海西。岍山水交集處。渡海者從之。向西北下。為赤家鼻。官道之由海堤者從之。余時欲遊進耳。遂西北下坡。半里。循西山北行。二里。村在西山之麓。是為赤家鼻。大道由其前北去。乃西折入村。倚山而廬。有池。瀕坡側。大不踰五尺。村人皆仰汲焉。中有魚。有垂釣其上者。亦龍潭之淺者也。由池南上坡。嶺道甚峻。半里。登岡上。稍北而曲。有坊當道。則進耳山門外。



坊也。其寺尚隔一坑。由坊西望見寺后。大山環於上。此岡遠於前。內夾深坑。旋轉而入。若耳內之孔。寺臨孔上盤朶邊。以進。既名之義。非身履此岡。不見其親切也。進坊西向沿坑入半里。有岐西踰大山之坳。而入寺之路。則沿坑南轉。盤踞半里西上。入寺中。寺門東向。登殿頗軒爽。似額端不似耳中也。方丈在殿北。有樓三楹。在殿南。其楼下臨環坑。遙挈溟海。頗如太華之一碧萬頃。而此深遠矣。入方丈。有辛貢士伯敏者。迎

款。慇懃。僧寶印欲具冷。平揮去。令其徒陳履懃。陳履懃。二陳乃甲戌進士履忠之弟及其弟出見。且為供葷食。復引余登殿南眺海樓。坐談久之。余欲趨棋盤。問道於寶印。曰。由坊東下山。自赤鼻山寶珠寺上為正道。路且三十里。由北寺北。西踰大山之坳。其路半之。但空山多岐。路無從覓耳。乃同辛君導余從殿後出。遂北至坳。下東來岐路。始別去。余乃西上半里。踰坳半里。西北稍下一里。涉中窪。西復有大山。南北橫峙。與東界進耳。



後雙尖。并坳北之嶺。東西夾城中窪。由窪西復循西山之東北行。一里循嶺北轉而西。稍下一里渡峽西上。其西復有大山南北橫峙。遂西向橫躡之一里半。登其岡。見西南隨塢。有路上踰其脊。將趨之。有負甯者來。曰。棋盤路在北。不在西也。乃循西山之東又北行。其路甚微。若斷若續。二里半。從西山北坳透脊西出。始望見三家村在西塢中。村西盤峙一峰。自北而南。如屏高擁。即棋盤山也。其脈北自妙高寺三華山西南

來。復聳此峰。分支西度。為溫泉之華架山。分支南下。為始甸後之龍馬山。南環東互。即為所踰之脊。而南度為進耳碧雞者也。脊北山復橫列東北。至寶珠赤鼻而止。為三家村東界護山。余昔來自金馬以東。即遙望西界山橫如屏。其頂復有中懸。如覆釜。高出其上者。即此棋盤峰也。而不知尚在重壑之內。外更有新峰護之。洵西峰之領袖矣。從坳西轉。循東山北涯半里。乃西向下。一里涉壑中。有水北流。西涉之。又半里抵



三家村。其村倚棋盤東麓。路當從村北西上。乃  
候由村南度脊處。循峽西南上。竟不得路。扳躡  
峽中三里。登一周。有庵三楹。踞坪間。後倚絕頂。  
前東瞰漢中。乃髮僧元禪。與僧裕庵新建者。元  
禪有內功。夜坐峰頭。曉露溫衣。無所退怖。庵中  
四壁未就。不以為意也。日已西矣。迎余淪茗煮  
粥。抵暮乃別。西上躡峰。一里涉其巔。又西向平  
明頂上一里。寺東北向。即棋盤寺也。時已昏黑。  
遂啜茗而就榻。

二十九。清晨起。僧為余炊。余乃獨躡寺后絕頂。  
時曉露甚重。衣履沾透。頂間無高松巨木。即叢  
草亦不甚深茂。蓋高寒之故也。頂頗平迥。其西  
南皆石崖。矗突。其性平直。而中實可勝為板。省  
中取石。皆於此逢負之。然其上反不能見。以坳  
於內也。西北塢中。大壑迴環。下有水二方。村廬  
踞其上。即志所載勒甸村龍泉也。其水分青白  
色。西南峽中水。則循龍馬山東而去。當即沙河  
之源矣。東南即三家之流。是頂亦三面分水之



處。一入滇池。兩入螳川。皆一派耳。由頂遠眺。則東北見克林山尖峰。與劬甸梁王山並列。東南見羅藏山。環峙海外。直南見觀音山。屹岷為碧雞。絕頂掩映。半浮半隱。直西則溫泉華架山連翩而去。惟西北崇山稍豁。則螳川之所向也。下山飯於寺。乃同僧出寺門。東三十步。觀棋盤石。石一方橫卧嶺頭。中界棋盤紋。縱橫各十九道。其北卧石上。大書玉案晴嵐四字。乃碧潭陳賢所題。南有二石平支。中夾為穴。下墜甚深。僧

指為仙洞。昔有牧子墜羊其中。遂以石填塞之。僧言此山之腹皆峭峒。但不得其門而入耳。穴側亦有陳賢詩碑。已剝不可讀。乃還寺。錄昆明令汪從龍詩碑。仍令幼僧導行。降西南。觀鑿石之畦。其崖上下兩層。鑿成大窟如厦屋。其石色青綠者。則賦而實。黃白者。則麓而剛。其畦間中嵌青綠色者。兩層。如帶圍。各高丈餘。故鑿者依而穴之。其板有方有長。方者大徑五六尺。長者長徑二三丈。皆薄一二寸。其平如鋸。無纖毫凹



凸。真良材也。還從寺前東向下。一里。過新庵之  
在。直下者一里半。過三家村左。渡澗。又一里半。  
東踰石山之岫。其山乃東界北走之脉。至此復  
罨一峰。遂北盡焉。從坳東墜。而下。復漸成一  
坑。隨之行三里。為寶珠寺。未至寺。其西墜峽處。  
坑水潰而為瀑。懸崖三級。下深可十五丈。但水  
細如絲。不如足鍊也。寶珠寺東向。倚水之半。  
亦幽亦敞。由其前墜坡直下。五里抵小麓。為赤  
鼻山。聚落甚盛。蓋當草海之西。碧雞山大道。即

出其下也。由村轉北。一里半。東北與大道合。於  
是東向湖堤。二里半。有村當堤之衝。曰夏家窰。  
過此遂遵堤行湖中。堤南北皆水窪。堤界其間。  
與西子蘇堤無異。蓋其窪即草海之餘。南連於  
滇池。北抵於黃土坡。西瀕赤鼻山之麓。東抵會  
城。其中支條錯逸。或斷或續。或出或沒。其瀕北  
者。志又謂之西湖。其實即草海也。昔大道迂迴  
北坡。從黃土坡入會城。傳元獻為侍御時。填窪  
支條。連為大堤。東自沐符魚塘。西接夏家窰。橫



貫湖中較北坡之迂省其半焉。東行堤上一里。半復有岡有橋。有栢舍介水中央。半里復遵上堤。東行湖中。遙顧四圍山色掩映重波間。青蒲偃水。高柳縈堤。天然絕勝。但堤有栢而無花。橋有一二而無二六。不免令人轉憶西陵耳。又東二里。湖堤既盡。乃隨港堤東北二里。為沐府魚池。又一里。羊抵小西門。飯於肆。東過閘橋。濱濠南而東。一里入城南舊寓。問吳方生。則已隔晚向晉寧矣。已而見唐大來寄來行李書畫俱以隔晚先生。獨方生則我來彼去。為之悵々。乃計復為作書。令顧僕往晉寧謝唐君。別方生。并為大來索陶不退書。陶諱有詩韓毅。南官於浙。前大來欲為作書。聞其已故。乃止。適寓中有高土官從姚安來。知其猶在。皆虛傳如眉公也。故復索書往見之。



日遊滇紀五

刊本接前紀寫

十一月初一日晨起。余先作書。令顧僕往投阮玉  
灣。索其導遊緬甸書。併謝向之酒盒。余在寓作  
晉寧諸柬。須其返命。即令往南壩候渡。下午。顧  
僕去。余欲入城。拜阮仁吾。令其促所定負擔人  
為西行計。遣阮穆毅來顧。已而王灣以書來。期  
明日晤其齋中。遂不及入城。  
初二晨起。余欲自仁吾處。次第拜穆毅。至玉灣  
所。忽玉灣來邀甚急。余遂欲其使先過玉灣。則



穆毅已先在座。延於內齋。款洽殊甚。既午。曰。今日。搃府。晏撫。按。當入內一看。即出。故特延奉毅。奉陪。并令二幼子出侍客飲。果去而即返。洗盞更酌。已而報撫按已至。王灣復去。囑穆毅必款。余多飲。須其出而別。余不能待。薄暮。托穆毅代別而返。

初三晨。往阮仁吾處。令僕負擔人。即從其北宅。拜穆毅。留晨餐。引入內亭。觀所得奇石。亭名竹在。余詢其故。曰。父沒時。宅為他人所有。後復業。

惟竹在耳。亭前紅梅盛開。此中梅俱葉而花。全非吾鄉本色。惟一株傍亭簷。摘去其葉。始露面目。猶故人之免胄相見也。石在亭前。漢中高八尺。濶半之。玲瓏透漏。不瘦不肥。前後俱無斧鑿痕。太湖之絕品也。云三年前。從螺山絕頂。覓得。以八十餘人舁至。其石浮卧頂上。不經摧鑿。而下真神物之有待者。余昔以避兩山頂。遍卧石。隙。鳥觀。有此類哉。下午。余過周恭先。遇於南門內。正挽一友來顧。如金公趾。為余作送靜聞骨。



詩相與同往邗之。則金在其蔭。不相值。金公趾名初麟字頗肖董宗伯。風流小子也。善歌知音律。家有歌童。穀妓。其祖乃甲科。父偉鄉薦。任江西萬縣令。公趾昔好客。其奏劾錢士晉軍門。名在疏中。黜其青衿焉。其友遂留至其家。割雞為餉。饋多烹牛。襍脯。而出甚精潔。其家乃教門。舉家用牛不用豕也。其友姓馬。字雲客。名上捷。尋旬府人。父以鄉科任沅州守。當安酋回黔省時。以轉餉功擢常德太守。軍興旁午。獨運援黔之餉。久而

無匱。以勞卒於任。雲克其長子也。文雅蘊藉。有幽人墨士風。是晚燭燈論文。雲客出所著拾芥軒集相訂。遂把盞深夜。恭先別去。余遂留宿其齋中。窓外有紅梅一株。盛放。此間皆紅梅。中夜白者不植。獨起相對。恍似羅浮魂夢間。然葉叢枝頭轉覺翠羽太多耳。初四馬君留晨食。恭先復至。對奕兩局。又留飯。過午乃出城。以為顧僕將返也。及抵寓。顧僕不見。而方生已儼然在樓。問何以來。曰昨從晉寧

A 1 2 3 4 5 6 M 8 9 10 11 12 13 14 15 B 17 18 19



得君書。即騎而來送君。騎尚在。當遲一日復往  
晉寧。問昔何以往。曰往新興便道。過晉寧看君  
耳。問顧行何在。曰尚留晉寧候渡。始知方生往  
新興。以許邵尊考滿。求雷太史左右。知於巡方  
使君之側也。雷名羅。龍以禮侍丁憂於家。巡方使為倪于義。四川人。  
初五。方生為余作永昌潘氏父子書。父名嗣魁。號蓮峯。丙子科第十名。子名世澄。號未汝。騰越潘秀才書。  
丙子科第十名。子名世澄。號未汝。騰越潘秀才書。  
名一。又為余求許邵尊轉作書通李永昌。  
李還。昔自雲南別駕陞與許同僚。又為余求范

復蕪。醫士江。轉作書通楊賓川。  
賓川守楊太賓。西人。黔人。號君山。原籍宜。又以建平教中於南場。與又生鄉同年也。  
前又生有書來。然但知其家於黔。而不知其宦  
於賓。書為盜失。併不知其家之所在。但憶昔年  
與其弟宜興總練。同會於又生生。今不知其弟  
尚在。宜興否。憐余無資。其展轉為余謀。勝余自  
為謀也。下午。顧行自晉寧返。并得唐大來與陶  
不退書。阮仁吾所促。負擔人亦至。  
初六。余晨造別院。玉環。穆聲。索其所作送靜聞



骨詩。既欲再留款。余以行李已出辭。乃出叩任君。任君大來妹婿。大來母夫人在其家。併往起居之。任回留飯。余乃趨別馬雲客。不值。留詩而還。過土主廟。入其中。觀菩提樹。在正殿陞庭間。甬道之西。其大四五抱。幹甚聳而枝盤覆。葉長二三寸。似枇杷而光。土人言其花亦白而帶淡黃色。瓣如蓮。長亦二三寸。每朵十二瓣。餘閏歲則添一瓣。以一花之微。而按天行之數。不但泉之能應刻。州曰涌泉。刻百流泉。而物之能測象如此。亦

奇矣。土人每以社日。群至樹下。灼艾代灸。言灸樹即灸同身。病應灸而解。此固妄誕。而樹膚為之癢。鬚無餘焉。出廟飯於任。返寓。周恭先以金公趾所書詩并贐至。又以馬雲客詩扇至。既玉環以詩冊并贐至。其弟鎔亦使人覩贐焉。迨暮。金公趾自庄還。來晤。知余欲從筇竹往。曰。余輩明晨當相以筇竹為柳亭。余謝之曰。君萬。母作是念。明晨君在溫柔夢寐中。余已飛屐峰頭矣。不能待也。是晚。許都尊亦以李永昌書至。惟



范復蘇書未至也。

初七。余晨起索飯欲行。范君至。即為作楊賓川書。余遂與吳方生作別。循城南濠西行。二里。過小西門。又西北沿城行。一里。轉而北。半里。是為大西門。外有文昌宮。桂香閣。峙其後。頗壯。又西半里。出外隘門。有岐向西北者。富民正道。向正西者。為菴竹寺道。余乃從正西。傍山坡南行。即前所行湖堤之北涯也。五里。其坡西盡。村落駢集。是為黃土坡。西則大塢。自北而南。以達漢

海者也。西行塢。塢中二里。有溪自西北注而南。石梁橫其上。是即海源寺側穴湧而出之水。遂為省西之第一流也。又西一里半。有小山。自西山橫突而出。及自南環北。路從其北。嘴上一里半。西達下山。有峽。東向。循之。西上。是為菴竹由峽內。越澗。西南上。是為員照。由峽外。循山嘴北行。是為海源。先有一婦騎而南。一男子隨而行者。云亦欲往菴竹。隨之。悞越澗南上。員照至。而後知其非菴竹也。員照寺門東向。層臺高敞。殿



字亦弘。而闌寂無人。還下岐。仍踰澗北。行李  
往候於海源。余從峽內入一里半。澗分兩道。叅  
一自南峽。一自北峽。二流交會處。有坡中懸其  
西。於是渡南峽之澗。即躡坡西北上。漸轉而西。  
一里半。入葦竹寺。其寺高懸於玉紫山之北。垂  
寺門東向。斜倚所踞之坪。不甚端稱。而群峰環  
拱。林壑深杳。亦幽遠之境也。入寺。見殿左庖膳  
喧。禱。腥羶交陳。前騎來婦亦在其中。余即入其  
後。登藏經閣。望閣後有靜室三楹。頗幽潔。四面  
皆環墻迴隔。不見所入門。因徘徊閣下。忽一人  
迎而問曰。先生豈霞客耶。問何以知之。曰。前從  
吳方翁案。徵其所作詩。題中見之。知與羊標  
不異也。問其為誰。則嚴姓。名似祖。號葉居。嚴家  
宰之孫也。為人沉毅有骨。澹泊明志。與其侄讀  
書於此。所望墻圍中靜室。即其栖托之所。因留  
余入其中。懇停一宿。余感其意。命顧僕往海源  
安置行李。余乃從嚴君入殿左方丈。問所謂禾  
木亭者。主僧不在。鎖鑰甚固。後過一段。君亦識



余言在晉寧相會亦忘其誰何矣。既言為金公  
趾期會於此。金當即至。三人因同步殿右。循塔  
坡西北。則寺後上畦。復有坪一方。其北畦環抱。  
與南畦相稱。此舊筓竹開山之址也。不知何時  
徙而下。其處後為僧塋。有三塔皆元時者。三塔  
各有碑。猶可讀。還寺。公趾又與友兩三輩至。  
相見甚歡。窺其意。即前騎來婦。偕酒邀衆客。以  
筓竹為金氏護施之所。公趾又以夙與余約。故  
期偕於此。而實非公趾作主人也。時嚴君謂余

其侄作飯於內已熟。拉往滄之。頃之。住持僧體  
空至。其僧敦厚篤摯。有道行者。為余言。當事者  
委往東寺監工修造。久駐於彼。今遭到山。聞有  
遠客亦一緣也。必多留寺中。毋即去。余辭以雞  
山願切。此一宵為嚴君強留者。必不能再也。體  
空謂今日諸酒肉漢。混聒寺中。明晨當齋潔以  
請。遂出。予欲往方丈答體空。嚴君以諸飲者在。  
退而不出。余見公趾輩。同前騎來婦坐正殿東  
廂。始知其婦為妓而稱觴者。余乃迂從殿南二



門側。曲向方丈。體空方出迹。而公趾輩自上望見。趨而至。曰。薄醴已備。可不。必。參禪。遂拉之去。抵殿東。痛。則葉君亦為拉出矣。遂就譙飲。其婦所脩。餚。素。甚。腴。公趾與諸坐客。各歌而稱觴。然後此婦歌。不及公趾也。既而段君欲返。乃別而騎去。余與葉君亦別而入息陰軒。迨暮。公趾與客復携酒。盒。就飲軒中。此婦亦至。復飛掌微歌。二鼓乃別去。余就寢。以紙為帳。即嚴君之榻也。另一榻亦紙帳。是其侄者。嚴君携被襪就焉。既寢。嚴君猶秉燭獨坐。觀余石齋詩帖。并諸公手書。余視夢間。聞其哦三詩贈余。寢熟不能辨也。

初八日。與嚴君同至方丈。叩體空。由方丈南側門入。幽徑。遊禾木亭。當坡間。林壑環映。東對峽隙。滇地一盃。浮白於前。境甚踈窅。有雲林筆意。亭以茅覆。窗楞潔淨。中有蘭二本。各大叢合抱。一為春蘭。止透二挺。一為東筍。花發十穗。長二尺。一穗念餘花。大如瑩。乃赭班之色。而形



則與蘭無異。葉比建蘭濶而柔。磅礪四垂。穗長  
出葉上。而花大枝重。亦交垂於旁。其香盈滿亭  
中。開亭而入。如到衆香園中也。三人者。嘗各窗  
一隙。踞窗檻坐。侍者進茶。乃太華之精者。茶冽  
而蘭幽。一時清供。得未曾有。禾木者。山中特產  
之木。形不甚大。而獨此山有之。故取以為名。相  
仍已久。而體空新整之。然目前亦未睹其木也。  
體空肯留。曰。此亭幽曠。可供披覽。側有小軒。可  
以下榻。閣有藏經。可荀閱。求君留此過歲。亦空

小勝事。雖澹泊。知君不以糶來。三人卒歲之供。  
貧僧猶不乏也。余謝師意甚善。但淹留一日。余  
心增歎。一日。此清淨界。反成罪戾場矣。坐久之。  
嚴君曰。所炊當熟。乞還食之。出方丈。別體空。公  
趾輩復來。拉就殿東箱。共食。鼎肉湯麩。復入息  
陰軒。飯。嚴君書所哦三詩贈余。亦作一詩為  
別。出正殿。別公趾。則行李前出。為體空邀去。不  
容行。余往。懇之。執袖不合。公趾某居。前為致辭。  
曰。唐晉寧日。演劇集賓。欲留名賢。君不為止。若



可止。余輩亦先之矣。師曰：君寧澹不羶，不為晉  
寧留。此老僧所以敢留也。余曰：師意既如此，余  
當從。雞山回，為師停數日。蓋余初意欲從金沙  
江往雅州，叅峨嵋。滇中人皆謂此路久塞，不可  
行。必仍歸省，假道於黔，而出遵義。余不信。及瀕  
行，與吳方生別。方生執蹻蹻然曰：君去矣。余歸  
何日？後會何日？何不由黔入蜀？再圖一良晤。余  
口不荅，而心不能自己。遂飄然有不由金沙之  
意。築居公趾，輩交口曰善。師乃聽別。出山門，師

猶遠送下坡。指對山小路曰：踰此可入海源上  
洞。較山下行近。既別一里半，下至峽中。同肩行  
李者，踰南澗，仍來路出峽，往海源寺。余同顧僕  
踰北澗，循澗北入。即由峽東向躡嶺。一里踰嶺  
東，稍東下半里，折而北。又半里，已遙見上洞在  
嶺北。與此高相並，而路則踐危石，歷曉磴而下。  
險。即由山半轉而北行。半里有大道，東南自  
海源上坡。從之西北上半里，嶺亂石森立，如雲  
湧出。再北遂得上洞。門東向高穹軒迥。其內



深六七丈。潤與高亦如之。頂穹成蓋。底平如砥。四壁圓轉。無嵌空透漏之狀。惟洞后有石中突。高丈餘。有隙宛轉。踰之而入。洞壁亦嵌而下墜。深入谷二丈餘。底遂宵黑。墜隙而下。見小水自後壁滴瀝而下。至底而水不見。黑處亦漸明。洞中野鴿甚多。俱巢於洞頂。見人飛擾不定。又稍北共半里。而得中洞。門亦東向。深潤高俱不及上洞三分之一。四壁亦圓轉無他岐。惟門左旁列一柱。又有二孔外透為異耳。余從洞前望往

妙高大路。自海源由山下村落。盤西山北。嘴西上。洞前有小路。從嶺北踰而西。即從嶺頭行。可省降陟之煩。乃令顧僕下山。招海源行李。余即從洞嶺北行。期會於妙高。洞北路若斷若續。緣西山之半。其下皆村聚。倚山之麓。大路隨之。余行嶺半一里。有路自下村直上。西北踰嶺。從之一里。踰嶺而峰頭有水一塘。在窪中。由塘北西下一里。山復環成高塢。自南向北。鴛口。若峰東峙。嶙峋飛舞。踞衆壑之交。石峰北。又有塢自



西而東。西塢重壑層疊。有大山臨之。其下路交而成蹊焉。余望之行半里。北下至石山西。又半里。西抵西塢之底。路當從西塢北崖緣峽而上。余俟從西塢南崖躡坡而登。一里。踰嶺脊而西。即見西北層岡之上。有佛宇重峙。余知即為妙高。而外有深峽間隔。路反折而西南。已覺其悞。循之行一里。以為截峽北渡。便可折而入寺。乃墜峽西北下。半里涉底。復拔崖西北上。以為寺在岡脊矣。又半里及登脊。則猶然寺前環峽之

岡。與寺尚隔一坑也。岡上一塔。正與寺門對。復從其東北下坑。半里由坑底再上北崖。則猶然前塢底緣峽處也。北上半里。岡頭有茶菴當道。是為富民大路。庵側有坊。沿峽端西循坡半入。半里。是為妙高寺。寺門東向。前臨重峽。後倚三峰。所謂三華峰也。三尖高擁。攢而成塢。寺當其中。高而不覺。其亢幽而不覺。其閒亦勝地也。正殿左右。俱有官舍。以當富民武定之孔道。故寺亦幽寂。土人言妙高正殿有辟塵木。故境不生。



塵無從辨也。瞻眺久之。念行李當至。因出待於  
茶庵側。久之。乃從坡下上。余因執途人詢往沙  
朗道。或云仍下坡。自普擊大道而去。省中通行  
之路也。其路迂而易行。或云更上坡。自牛園哨  
分岐而入。此間達之路也。其路近而難知。余曰  
既上。豈可復下。遂更上坡。三里遙迤。踰嶺頭。即  
循嶺北。西向盤峴行。又二里有小石峰。自嶺北  
來。與南峰屬。數家當其間。是曰牛園哨。東西二  
水從此分矣。從哨西直下。則大道之出永定橋。

者。余乃從嶺脊北向行。一里稍下。涉壑。即從壑  
北上坡。緣坡東北上。回望壑底。西墜成峽。北走  
甚深。路東北逾坡。其東猶下。漢池之峽也。又一  
里半。從嶺頭逾坳而北。一里再逾一西哭之坳。  
其北遂仍出西峽上。於是東沿山脊行。又北一  
里半。西瞰有村。當峽底。是為陡坡。其峽逼仄而  
深。陟此村居之最險者。從嶺上。隨嶺上東轉。半  
里有路。自東坳間。透而直西。遂墜西峽下。此陡  
坡通省之道。乃遵之。東上半里。踰坳東。於是南

A 1 2 3 4 5 6 M 8 9 10 11 12 13 14 15 B 17 18 19



沿山脊行。又東半里。稍東北下峽中。有水一池。潄路南。是為清水塘。在渡脊之北。塘北遂下墜成坑。隨之北下。一里過峽底。有東來大道。渡峽西北去。此即自省會走富民間道也。隨之。復從峽西傍西山北行。二里。轉而西北。向從收下峽中行。半里。至其底。即清水塘之下流也。又從峽西緣坡麓行。細徑斷續。亂崖崩墮。二里半。踰澗緣東麓。又北一里。乃出峽口。於是北塢大關。南北遙望。而東界老脊。與西界巨峰。夾而成塢。始

從畦塍北行。一里。有溪頗巨。自塢北來。轉而西去。余所從南來之水。亦入之。同入西南峽中。路北渡之一里。村聚倚西山之麓。高下層疊。是為沙朗。入邛居停。皆辭不納。以非大故。路亦昆明之習俗也。最後入一老人家。強主之。初九。顧僕覓米具炊。余散步村北。遙晰此塢。東北自牧養北梁王西山支分界。東界雖大脊。而山不甚高。西界雖環支。而西北有石峴山。最雄峻。又南為沙朗西山。又南為天生橋。而南屬於



陡坡東峽之山。其山東西兩界。既夾成大塢。而  
南北亦環轉連屬。其中水亦發源於龍潭。合南  
北峽而成蹊。西注於富民螳螂。然不能竟達也。  
後塢西南入峽。搗入小洞。其洞深黑。莫測穿山  
西出。與陡坡之澗合。洞上之山。間道從之。所謂  
天生橋也。然人從其上。行不知下有洞。亦不知  
洞之西遠。山之中空。而為橋。惟沙朗人耕牧於  
此。故有斯名。然亦皆謂洞不可入。有虎狼有妖  
祟。勸余由村后踰山西上。不必向水洞迂曲。余

不從。既飯。乃南循坡麓行。一里半。與溪遇。遂同  
入西峽。其峽南北山壁夾而成路。由溪北。山  
麓入一里。仰見北崖之上。石壁藍突。其間駢列  
多門。而東一門高懸危瞰。勢獨雄豁。而登跡甚  
微。棘翳峕崩。莫可着足。乃令顧僕并行李俟於  
下。余獨扳躍而上。久之。躋洞東。見又一門側逆。  
余以為必中**通**大洞。遂從其側倒懸入大洞門。  
其門南向甚穹。洞內層累北上。深十餘丈。而洞  
半之。然內無旁竇。即前所見側逆之門。不中達



也。出洞欲東上側門。念西洞尚多。既下欲再投  
西洞。望水洞更異。遂直從洞下。西趨水洞。又半  
里。西岷既盡。山環於上。洞闕於下。水從東逼南  
岷。搗西洞入。路從其北墜岡下。余令肩夫守行  
李於岡上。與顧僕入洞。東向其高十餘丈。而  
澗半之。始涉水。從其南岷入。水激北岷。而環之  
入五六丈。水環北岷。路環南岷。俱西轉。仰見南  
岷之上。層巖疊出。突為危臺。結為虛樓。皆在數  
丈之上。氤氳閭闔。與雲氣同為吞吐。從其下。循

之西入。北岷尚明。水激之。南岷漸暗。路隨之。西  
五六丈。南岷西盡。水從北崖直搗西岷下。西岷  
遂下。嵌成潭。水鳴。其中作衝激聲。遂循西岷  
北折去。路乃涉水。隨東岷。北向隨之。時洞轉而  
北。高穹愈甚。延納餘朗。若昧若明。又五六丈。水  
激北岷。復西轉。余亦復涉西岷。於是水再環北  
岷。路再環南岷。竟昏黑不可辨。但聞水聲潺湲。  
又五六丈。復西過水。其水漸深。既上不可見。而  
下又不可測。乃出。復西渡水而上岡。聞岡上



有人聲。則沙胡人之耕隴者。見余入洞。與負行李人耦語待之。為予言水之西出。即陡坡北峽。山之上度。即天生橋間道所從。如前之所標記者。始恨不攜炬竟西從洞中出也。其人又為余言富民有老虎洞。在大溪之上。不可失。余謝之。乃西上躡嶺一里半。登其脊。是為天生橋。脊南石峰嶙峋。高聳而出。其脈自陡坡東度脊而北。間道循其東垂。陡坡之澗。界其西麓。至此又跨洞而北。屬於沙胡。后西上。水從其下穿腹西出。

路從其上度脊西行。脊西瞰。即陡坡澗水直走而北。至此西折。脊上之路。亦盤壑西墜。益信出水之洞。即在其下。心懸。欲一捩之。西行山半者一里。見有岐直下峽底。遂令顧奴同負囊者。由大道直前。余乃獨下。趨峽中。半里。抵峽底。遂溯水東行。一里。折而南。則後洞轟然西向。其高澗亦如前洞。水從其中踴躍而出。西與南來之澗合而北去。余溯流入洞。二丈后。仰睇洞頂。上層復裂。通於門外。門之上。若橋之橫於前。其上



復流光內映。第高穹之極。下層石影氤氳。若浮雲之上承。旭也。洞中流初平散而不深。隨之深入。數丈。忽有突石中路。浮於水面。其內則淵然深滙。旁薄岨根。不能遡入矣。洞頂亦有石倒塞。以高甚。反不覺其天橋。其門直而迫。故深入而猶謂。且以上層倒射之光。直徹於內也。出洞還顧洞門上。其左懸岨甚峭。上復闢成一門。當即內透之隙。乃涉澗。由遠審岨間層疊之痕。或可着足。孰可倒板。孰可以宛轉達。孰可以騰躍。

上乃復涉澗。抵岨。可依所審法試之。半餉遂及上層外。門更廓然高穹也。入其內。為龕為窩。為臺為榭。俱浮空內。向內俯洞底。波濤破峽。如玉龍負舟。與洞頂之垂岨懸帳。昔仰望之而隱、者。茲如纓絡隨身。幢幡覆影矣。與躡雲駕鶴。又何異乎。坐久之。聽洞穴波聲。忽如宏鐘。忽如細响。令我神移志易。及下層岨懸級。一時不得脛理。扳掛甚久。忽有男婦十餘人。自陡坡來。隔澗停睇。迨余下。問何所事。余告以遊山。兩男子亦



儒者問其上何有。余告以景不可言。盡恐前行者漸遠。不復與言。遂隨水少北。轉而行西。峽中一里。漸上北坡。綠坡西行。三里。峽塢漸開。又四里。塢愈開。其北塢踰山南下者。即沙朗後山所來道。其南坡有聚落倚南山者。是為頭村。路至此。始由塢渡溪。其上橫木為橋。其水即陡坡并天生橋洞中所出。西流而注於螳螂甲者也。從溪南隨流行一里。過頭村之西。沿流一里半。復上坡西行。二里。再下塢中。半里。路旁有賣漿草。

舍倚南坡。別顧僕與行李猶在焉。遂入飯。指西盤南山之嘴。一里餘為二村。之西有塢北出。橫涉而過之。半里。復上坡。隨南山而西。上倚危崖。下逼奔湍。五里有村在溪北。是為三村。至是南界山橫突而北。界山環三村之西。又戛而南。塢口始西。室焉。路由溪南躡北。天之坡而上。一里半。抵峰頭。其峰北瞰三村。溪而下。溪由三村西橫。嚙北峰之麓。破峽西出。峽深嵌逼。東止。容水不容人。故路逾其巔而過。是為羅鬼崩。東



西分富民昆明之界焉。過嶺西下四里。連過上  
下羅鬼兩村。則三村之流已破峽西出。界兩村  
之中而西。又有一溪自北塢來。與三村溪合併  
西出。路隨之行。溪南二里。抵西嶕下。其水稍曲  
而南。橫木梁渡之。有村倚北山而聚。是為阿夷  
冲。又從其西一里半。踰一坡。又一里半。昏黑中  
得一村。亦倚北山。是為大哨。覓宿肆不得。心甚  
急。又半里。乃從西村得之。遂宿其家。  
初十。雞鳴出門。猶不辨色。西南行。膝中一里半。

南過一石橋。即阿夷冲所出溪也。溪向西北流。  
路渡橋南去半里。又一水自東南峽來。較小  
於阿夷冲溪。即志所云洞溪之流也。二流各西  
入螳螂川。度木橋一里餘。得大溪湯。即螳螂  
川也。自南峽中出。東北直抵大哨西。乃轉北去  
而入金沙江。有巨石梁跨川上。其下分五輩。上  
有亭。其東西兩嶕。各有聚落成衢。是為橋頭。過  
橋西北一里。即富民縣治。由橋西湖川南行七  
里。為河上洞。先是有老僧居此洞中。人以老和



尚洞呼之。故沙朗村人悞呼為老虎洞。余至此。土人猶以為老和尚也。及抵洞。見有刻為河上洞者。蓋前任縣君以洞臨溪流。取河上公之義。而易之。甫過橋。余問得其道。而顧僕與負囊者。已先向縣治。余聽其前。獨沿川所溯流去。一里西南入峽。三里隨峽轉而南。皆瀕川岸行。又二里。見路直躡山面上。余疑之。而路甚大。姑從之。一里。遇樵者。始知上山為胡家山道。乃土寨也。乃復下瀕川而南。一里。其路又南上山。余瞻其

旁路皆翳。復隨之。躡山南上。愈上愈峻。一里。直登嶺脊。而不見洞。其脊自西峰最高處橫突而東。與東峰壁夾川流。祇通一線者也。蓋西岸之山。南自安寧聖泉。西龍山分支傳送而來。至此聳為危嶂。屏壓川流。又東北墜為此脊。以橫扼之。東岬之山。東自牛圈哨嶺分支傳送而來。至此亦聳為危障。屏壓川流。又西與北脊對而扶持之。登此脊。而見脊南山勢崩墜。夾川如線。川自南來。下嵌其底。不得自由。惟有銜躍脊南之



路。復墜淵而下。以為此下必無通衢。而墜路若  
此。必因洞而闢。復經折隨之下。則樹影偃密。石  
崖虧蔽。悄非人境。下墜一里。路直逼西南高峰下。  
其峰崩削如墜。危影兀兀如墜。路轉其夾切間。  
石削不容趾。鑿孔懸之。影倒奔湍間。猶宵然九  
淵也。至是。余知去路甚遠。已非洞之所麗。而愛  
其險削徘徊不忍去。忽聞上有咳聲。如落自九  
天。已而一人下。見余愕然。問何以獨踞此。余告  
以尋洞。曰。洞在隔嶺之北。何以踰此。余問此路

何往。曰。沿溪躡峭。四十里而抵羅墓。則此路之  
幽閒。更非他徑所擬矣。雖不得洞。而覘此奇峭。  
亦一快也。返躡一里。後北上脊。見脊之東有洞。  
南向。然去川甚遠。余知非河上洞。而高攬南山。  
凭臨絕壑。亦超然有雲外想。遂披棘拔崖入之。  
其洞雖不甚深。而上覆下平。倒掉青冥。呼吸日  
月。此為最矣。憑憇久之。仍踰脊北下。一里抵麓。  
得前所見翳路。徹川崖而南。半里。即橫脊之東。  
垂也。前誤入南洞。在脊南絕頂。此洞在脊北窮



峽。洞門東向。與東峰夾東澗川。深嵌峽底。洞前  
惟當午一路日光。洞內之幽阻可知也。洞內南  
半穹然內空。北半偃石外罅。偃石之上。與洞頂  
或綴或離。其前又豎石一枝。從地內湧起。踞洞  
之前。若湧塔。從此洞左之概也。穹入之內。崆峒  
窈窕。頂高五六丈。多翱翔卷舒之勢。五丈之內。  
右轉南入。又五丈而穹然西穹。閔黑莫辨矣。此  
洞右之概也。余雖未窮其真。已覺幽奇莫適。次  
第滇中諸洞。當與清華清溪二洞。相為伯仲。而

惜乎遠既莫聞。近復荒翳。桃花流水。不出人間。  
雲影苔痕。自成歲月而已。出洞遂隨川西岸。連  
故道七里。至橋頭。又北一里餘。入富民縣南門。  
出北門。無城堞。惟土培環堵而已。蓋川流北向。  
闔為大塢。縣治當西坡之下。其北有餘支。掉臂  
而東。以障下流。武定之路。則從此臂踰坳北去。  
川流則灣此臂而東北下焉。時顧僕及行李。不  
知待何所。余踉蹌而前。又二里。及之坳臂之下。  
遂同上峽中。平踰其坳。三里有溪。自西南山峽。



出。其勢甚遙。乃河上洞西高峰之後。夾持而至。東至螳川者。其流頗大。有梁南北跨之。北上坡。又五里。飯於石関哨。踰坳北。下日色甚麗。照耀林壑。西有大山曰<sup>水</sup>泥塘。其山南北橫聳如屏。挿天。土人言泉下極削。而西頗平。其上水池一泓。可耕可廬也。山東之水。即由石関哨。北麓而東去。共二里。涉之。即綠東支。迤邐北上。其支從白泥東北環而南下者。其腋內水亦隨之南下。合于石関北麓。路溯之北八里。又踰其坳。不

甚峻。田塍疊、環其上。村居亦夾峙。是為二十里舖。又四里。為沒官庄。又三里。為者<sup>切</sup>。此其處塢徑旁達。聚三流焉。一出自西南峽中者最大。即白泥塘山後之流也。石梁跨其上。梁南居廬。即者<sup>切</sup>此関也。越梁西北上一里。復過一村廬。又一小水自西峽來。又一水自西北峽來。二水合於村廬之東北。稍東。復與石<sup>梁</sup>下西南峽水合。而東北去。當亦入富民東北螳川下流者。過村廬之西北。有平橋跨西峽所出溪上。渡其北。遂西



北上嶺。其嶺蓋中懸於西北。西澗之中。乃富民武定之界也。盤曲而上者三里。佛宇三楹。木坊跨道。曰海西鎖鑰。乃武定所建。以為入境之內防者。又西上一里餘。當山之頂。有堡焉。其居廬亦盛。是為小甸堡。有歌肆在西隘門外。遂投之而宿。

十一日。自小甸堡至武定府。歌。此後共缺十九日。詢其從遊之僕。云武定府有獅子山。叢林甚盛。僧亦敬客。留憩數日。遍閱武定諸名勝。後至

元謀縣。登雷應山。見活佛。為作碑記。窮金沙江。由是出官庄。經三姚。而達難足。三姚。大姚。姚州。此其大略也。余由十二月紀德之。其在武定元謀間無疑矣。夫霞客往矣。其僕猶在。文之所缺者。

刊本作滇遊日記五 次行作誠十二月初一日

十二月。初一日。在官庄茶房。用崖。手雖少瘡。而孱弱殊甚。尚不以此路差可行。不必待街子也。初二初三初四。在茶房。悟空日。化米以供食。而顧行孱弱如故。心法亦不至。

A 1 2 3 4 5 6 M 8 9 10 11 12 13 14 15 B 17 18 19





北上嶺。其嶺蓋中懸於西北。西澗之中。乃富民武定之界也。盤曲而上者三里。佛宇三楹。木坊跨道。曰海西鎖鑰。乃武定所建。以為入境之內者。又西上一里餘。當山之頂。有堡焉。其居廬亦盛。是為小甸堡。有歌肆在西隘門外。遂投之而宿。

十一日。自小甸堡至武定府。歌。此後共缺十九日。詢其從遊之僕。云武定府有獅子山。叢林甚盛。僧亦敬客。留憩數日。遍閱武定諸名勝。後至

元謀縣。登雷應山。見活佛。為作碑記。窮金沙江。

由是出官庄。經三姚。而達難足。三姚。大姚縣。此

其大略也。余由十二月紀德之。其在武定元謀

間無疑矣。夫霞客往矣。其僕猶在。文之所缺者。

從而考之。是僕足當霞客之遺獻云。夢良孟。

十二月初一日。在官庄茶房。時顧行病。雖少瘥。而

孱弱殊甚。尚不以此路差可行。不必待街子也。

初二初三初四。在茶房。悟空日。化米以供食。

而顧行孱弱如故。心法亦不至。



初五。前上雷應諸蜀僧返。諸僧待明日馬街。隨街往爐頭。出大姚。余仍欲隨之。而病者不能。霍然。為之快。馬街在西谿東坡上。南去元謀縣二十五里。北去黃欣園三十五里。東至雷應山。箬口十里。西至溪西坡五里。當大塢邊中處。東西抵山。共徑十五里。南抵山。北逾江。共徑一百三十里。平塢之最遠者也。其東南有聚廬曰官庄。為黔府庄田。茶房即在馬街坡北。元謀縣在馬頭山西七里。馬街南二十五里。其直

南三十五里為臘坪。與廣通接界。直北九十五里為金沙江。渡江北十五里為江驛。與黎溪接界。江驛在金沙江北大山之南。由其後北踰坡五里。有古石碑。大書蜀漢交會四字。然此驛在江北。其前後二十里之地。所謂江外也。又屬和曲州。元謀北界實九十五里而已。江驛向有驛丞。二十年來道路久已不通。路無行人。今止金沙江巡檢司帶管。直東六十里為挂靈驛。東嶺頭。與和曲州接。直西四十里為西嶺。與




大姚縣接界。其地北遙與會川衛直對。南遙與  
新化州直對。東遙與嵩盟州直對。西遙與大姚  
縣直對。東界大山。即墟靈驛與雷應山也。南自  
大麥地直北抵金沙江南岫。橫亘二百里。平障  
天半焉。西界山層疊錯出。亦皆自南而北。縣治  
之支。南自楚雄府定遠縣東來。分支結為縣治。  
其餘支西繞者。由縣西直北十五里西溪之口  
而止。是為第一層。又一支南自定遠縣西分支  
來。與縣西之支同夾而北。至西溪口。東支已盡。

此支更夾之而北。至扁擔浪而止。是為第二層。  
又一支西自定遠西與姚安府東界分支東來。  
與扁擔浪之支同夾而北。中界苴林后水。即所  
謂西尖界嶺也。又一支西自姚安府東北分支  
東來。與西尖界嶺同夾而北。中界爐頭溪水。即  
所謂爐頭西亂石岡也。又一支定遠縣西北妙  
峰西分支東來。與亂石岡同夾而北。中界河底  
之水。即所謂<sup>石</sup>石獨木橋西山也。諸山皆夾川  
流北出。或合西溪。或出苴權。而下金沙。故自縣

A 1 2 3 4 5 6 M 8 9 10 11 12 13 14 15 B 17 18 19

國家圖書館 NATIONAL CENTRAL LIBRARY TAIWAN R.O.C.






以北。其西界之<sup>諸山</sup>一小支既盡。一支重出。若鱗次。而北抵金沙。其東界水皆小。惟墟靈驛一支較大。南出馬頭山之南。經縣治東。而北與西溪合。自是以北。溪東之村。倚東界山之麓甚多。官庄之北。十里為環州驛。又十里為能海關村。濱溪東岸。即活佛所生處。離寺二十五里。其村有木棉樹。大合五六抱。縣境木棉樹最多。此更為大。又十五里為黃瓜園。溪西之村。倚西界山之麓亦甚多。西坡下村。與官庄對峙。北十五里為

五富村。又十五里為苴亭村。又北逾嶺二十里為扁擔浪。於是北夾西溪。以盡金沙焉。西界諸山。俱自定遠夾流分支。東北而盡於金沙江。其西北。又有大山。方頂。盡峙於北。與金沙北岸蜀漢交會之嶺。駢擁天北。從塢中北向遙望。若二眉高列於塢口焉。余初俱以為江北之山。及抵金沙江上。而後知江從二山之中。自北而南。環東山於其北。界西山於其西。始知此方頂之山。猶在金沙之南也。其山一名方山。象一名番山。

A 1 2 3 4 5 6 M 8 9 10 11 12 13 14 15 B 17 18 19





地以因其音之相近而名之。其地猶大姚縣屬。在縣東北百四十里。直推之境。界臨金沙江。是此山又從西北。勝州界。環哭東南。界金沙於外。抱三姚於中。與此西界迴合。而對峙為門戶者也。金沙巡司。乃金沙江南曲之極處。自此再東。過白馬口。普渡河北口。即從烏蒙山之西。轉而北下。烏蒙馬湖。巡司之西。其江自北來。故雲南之西北界。亦隨之而西北出。以抵北勝。麓江焉。初六。是蚤雲氣少。翳諸蜀僧始歆遊街子。俟下

午渡溪而宿。明晨隨街子歸人。同踰嶺。既晨冷。或有言宜即日行者。悟空以余行有伴。辭不去。而顧僕又以憊。不能速隨。諸僧後。雖行心為忡。出茶房西。一里渡西溪。從此西曲。從其南所隨之。又一里餘。抵山下。溪折而北。又從其西。峴傍山麓隨之。又北一里餘。有村當路北。遂由其南西向入峽。半里涉枯澗。乃躡坡上。其坡巽石。皆金沙燁。如雲母堆疊。黃映有光。時日色漸開。躡其上。如身在祥雲金粟中也。一



上二里。踰其頂。望其西。又闢一界。有尖山獨聳。路出其間。乃望之而趨。西向漸下。三里抵塢中。有水自南峽中來。至此繞塢東北去。其水不深。而濶。路數北。十家倚河東畔。由其南渡河而西。其處木棉莢有高一丈餘者。云兩三年不凋。有枯澗自西來。其中皆沉沙。沒足。兩旁俱迴。峽巨。壁夾持而來。底無滴水。而沙間白質。皚皚如嚴霜結沫。非益而從地出。疑雪而非天降。則確之類也。路當從澗底直入。諸僧之前驅者。俟從南

坡躡巔上。一里見其路愈南。而西尖在西。知其誤。乃與僧西北望澗底。抵峽下。墜一里。循復底西行。見壁峽上。懸金凡累。如彈貫叢枝。一墜數百。扳視之。即窟石所見顛茄也。志云枝中甚土人鍊為弩。藥著物立斃。行澗底二里。其底轉自西北來。路乃從西南躡巔。一里半。盤嶺頭西出。又一里半。西南下坡。其處開壑。灣環而北。涉壑底而西。不見有水。半里。循西坑入。見石峽中有水潺。其峽甚逼。水亦甚微。一里。其峽有自南流而出。



者。下就涉之。其流之側。有窟如半匏。仰東。壑下  
涵水一盂。不流不竭。亦瀦水之靜。而有常。不與  
流俱汨者也。涉細流。西上。踰坡。半里。有植木為  
坊者。也。書。黔府官庄。坡。西。下。半里。數家。在。坡。北。  
其壑亦灣環而北。中有田。膝數十畦。想。即。唐。岷  
之上流。得水如綫。遂。開。此。畦。所謂。黔。府。庄。田。是  
也。時。諸。僧。未。及。携。冷。令。其。徒。北。向。亭。家。覓。火。余  
輩。隨。大。道。絕。其。南。而。西。一。里。又。有。木。坊。在。西。坡。  
書。亦。如。前。則。其。西。界。也。從。此。西。下。又。涉。一。枯。澗。

遂。西。上。嶺。上。甚。峻。前。乞。火。僧。携。火。至。而。不。得。泉。  
莫。能。為。炊。上。嶺。二。里。盤。夾。而。西。又。半。里。轉。而。南。  
半。里。一。坪。北。向。環。窪。中。亦。無。水。余。乃。出。所。携。飯。  
分。啖。之。隨。坪。稍。南。半。里。復。西。上。其。上。愈。峻。二。里。  
登。岡。頭。以。為。踰。嶺。矣。而。不。知。其。上。乃。東。垂。之。脊。  
也。望。西。尖。尚。在。其。北。隔。一。深。坑。甚。遠。西。尖。又。有  
南。北。二。橫。山。亘。其。兩。頭。又。自。成。一。界。焉。從。脊。向  
西。行。二。里。半。又。南。轉。峽。上。循。而。環。之。又。西。北。上。  
再。陟。峻。嶺。二。里。登。岡。頭。又。以。為。踰。嶺。矣。而。其。上。



猶東岳之脊也。又從脊西向行。於是脊兩旁皆  
深墜成南北壑。蟠空於下。脊端突起於外。西  
接橫亘之界。樹壑石錯。風影颯。動人。疑是畏  
途。時肩擔者以跣峻難前。顧僕以體弱不進。余  
隨諸僧後。屢求其待之與俱。每至一嶺。輒坐待  
久之。比至。諸僧復前。彼二人復後。余心揣。既  
恐二人之久遲於後。又恐諸僧之速去於前。屢  
前留之。又后促之。不勝惶迫。從脊行三里。復從  
嶺西上一里。遂陟橫亘南山之北巔。其巔與中

哭之尖。南北相對。有石壘垣橫界。是為元謀東  
界。大姚西界。即武定姚安二府所分壤處也。路  
由其間。登巔之絕處。則有盤石當頂。於是從南  
橫之巔。南向陟其脊。東瞰元謀。西瞰爐頭。兩界  
俱從履底分塢焉。南行脊上二里。西向下二里。  
路側漸墜成峽。石坎累。尚無滴水。歷石坡直  
下。一里抵峽中。峽面又有迴岡兩重。自東北而  
蟠向西南。於是陟峽盤岡。再踰坡兩重。共七里。  
乃西南下嶺。一里始及其麓。其塢乃南北大開。



中有溪畧之。望見溪西有大聚落。是為爐頭。時諸僧已飢。且日暮。急於問邨。遂投東麓。下草廬家宿。

初七。土人言自爐頭往獨木橋。路止四十里。不及官庄來三之一。余信之。時顧僕奄。諸僧先飯而去。余候顧僕員全行。是蚤陰翳如昨。西望爐頭大村。行半里。渡一北流溪。又西一里餘。直抵西界山麓。又有一溪頗大。自南峽中來。渡之。北上。峽即爐頭大村也。其溪還村之前。轉而北


去。爐頭村聚頗盛。皆瓦屋樓居。與元謀來諸村迥別。其西復有山斜倚。循其東麓。西向湖流行。三里。踰一東爨之坡。乃南下半里。涉塢。一里。又南。陟坡而上。其坡自西而東。與北坡東向環成中塢。溪流北注於前。田塍環錯於內。陟南坡一里。見溪東。又盤曲成田。倚東山為塢。由坡西南行一里。下坡。溪自北而南。乃橫涉之。登其西。峽則見所涉之北。其溪復自北來。有支流自北峽來者。小水也。從峽西行。已復逾溪之南。岨湖。



溪上。溪在其北。峽。數家倚其南岡。從其中西行。二里。北峽兩崖對竦。石罅如門。其北崖石半。有流環其腰。土人架木渡流。引之南崖。沸流懸渡于上。亦奇境也。路循南崖之腰。盤崖而下。又半里。則其溪又自南而北。南北俱削。峽時門。東西文危。坡夾。壑境奇。道險。渡溪。又西上坡半里。躡坡南。則復踰溪之北崖。溯溪上。西二里。一峰危。巽溪西。溪身自其南環峽而出。支溪自其北壑。壑而下。有岐。西渡支溪。直躡西峰者。小路也。自

支溪之東崖。步改循峽而裏入者。大道也。余乃從大道北上。坡半里。由坡峽平行。一里。隨峽折而北。路緣壑。木鑿路旁。幽菁深壑。令人有鳥道羊腸之想。一里餘。峽漸從下而高。路稍由高而下。兩過之。遂西涉峽中細流。復從峽西躡峻。西上。即盤而北。乃知是為中懸之岡。其西復有峽。流自北來。與所涉之峽。即會于岡前。緣岡北。山一里。左右顧。瞰其下。皆峽。而流貫其中。斯岡又貫二流之中。始覺西尖之巔。峰陰泉縮。不若此

A 1 2 3 4 5 6 M 8 9 10 11 12 13 14 15 B 17 18 19





之隨地逢源也。從岡脊北向。上躋漸轉西二里。登岡之首。望其岡。猶自西峰東突而下者。蓋山脊自西南來至此。既穹南山一重。即從其北塊中度而北。再起中峰。又亘為此山一重。即從其北嶺環支而東。又亘為北山一重。恰如川字。條支東南走而所上者。是其中支也。從岡首又西向平行二里。直抵其西中峰最高之下。乃循其峰之東。峴西南上。一里半。是為亂石岡。遂凌其峰之峴。下瞰南峽之底。即其中度處也。峽中之

水。遂東西分為。由嶺峴最高處。西轉而下。逶迤曲折。下四里。復從岡上西北行。忽見左右。復成溪而兩夾之。其溪流分大小。平行岡上二里。即從其端下。西渡大溪。由河面上坡。稍轉而北。半里。從北峽轉面。遂向西塢入。于是溯西來大溪之北。循北山西行矣。二里。溪南有村倚南山之坡。北山亦至是南突。路遂從所突峽中。上乃踞石峴而飯。又一里。盤其南峴。從峴轉西。又一里。踰其西坳。乃西下坡。半里。抵坡之西麓。其西復



開成塢半里。路循溪北之西。又有村溪倚南之麓。與前倚溪南之坡者。皆所謂身村也。西行三里。一溪自南峽來。路亦隨之南轉。稍下。渡西來小水。從南峽西上。二里。踰其坳。西北下一里。至壑中。其壑南向。而大山環其北。又有小水東南流。當亦下大溪者。而大溪盤其東南。峽中不見也。渡小水。又西上一里。透西坳出。始見西塢大開。大溪貫其中。自西而東。抵所遂坳南。破其峽壁東去。其峽壁東去。其峽逼束甚隘。迴顧不能

見。西下坡半里。抵塢中。遵溪北塢西行。半里。過一小村。又西一里。忽塢塍間甃碑為衢。半里。遠大村之前。又西半里。抵村側新橋而止。是為大舌甸村。其塢夾溪為田。塢環而田甚闊。其村倚山為衢。村巨而家甚古。蓋李氏之世居也。村后一山橫擁于此。又一山三峰遙下。斜突于西南。有小流自其峽中出。由村西南入大溪。架橋其上。西踰之。遂循天斜南峰下西南行。二里。抵其西垂。則大溪自南直搗其麓。乃踰堰東向。其麓



為水所噬。石崖逼削。幾無置足處。歷堰之西。上流停洄。自南而北。路從其西。轉而南入峽。又行南峽一里餘。則有石梁一鞏。東西跨溪上。是為獨木橋。路從橋西直南上坡。其踰橋而東者。乃往省大道。是橋昔以獨木為之。今易以石。有碑名之曰躡雲。而人猶呼仍其舊焉。橋側有梅一株。枝冗而幹甚古。縹緗而花甚密。綠蒂朱蕾。冰魂粉眼。恍見吾鄉故人。不若滇省所見。皆帶葉紅花。盡失其雪滿山中。月明林下之意也。折梅

枝。一少憩橋端。仍由其西上南坡。隨坡西轉。蓋是溪又從西塢來。至是北轉而踰石堰。是坡當其轉處。其南又開東西大塢。溪流貫之。路溯溪北。唯循北山西行一里。聚落倚北山下。是為獨木橋村。有寺當村之中。門南向。其處村無旅店。有北京僧接聚於中。余乃入宿。

初八晨起寒甚。顧僕復病。余亦苦于行。止行一里。遂憇水井屯寺中。

初九日出寺一里半。通口家庄半里。轉南半里。倉



屯橋。二里半。泗峽口。轉西五里。王家橋。北有小水  
 五里。孚衆橋。有西北西上小水。十里。至脊。轉南  
 半里。廟山營。西下半里。廟前打哨。西下二里。有  
 岐。轉北坳。一里。復西。隨平峽北。二里。又西下二  
 里。至峽底。西平行一里半。復於峽北。上一里。轉  
 北坳而西。又北半里。過一峽脊。又北下半里。又  
 北渡一峽底。又西上坡。一里。轉而北。一里。轉而  
 西下。一里。至脊間。又西二里餘。乃下脊。一里餘。  
 抵其北。曰小坑。老村。始有田。又西回里。抵西山  
 下有村。轉南一里。西過一小坳。又半里。西南過  
 新壩屯。又西半里。過新壩橋。又西一里。轉而南。  
 盤西山嘴。轉而西北。一里餘。入大姚東門。半里  
 過縣前。又西南去。至旅肆。歌。  
 初十。早寒甚。出北門。半里。經南門。轉西南上坡。  
 一里。橋跨溪上。志曰。過橋南上坡。一里。登坡。倚  
 西山南行三里。其塢自南來。有塔在塢。東北山  
 上。乃沿西山南下。半里。抵塢底。又半里。見水貫  
 塢中。石梁跨其上。是名土橋。即姚安水從西南





峽中來。向東北峽去。橋北為大姚。橋南為定遠。蓋以是水為界也。從橋南上坡。有村為定遠也。入峽漸上。一里東轉。半里上坡。半里由坡南轉。一里。是為賴山哨。於是南下。一里。抵東南坡頭。有岐。南行者為姚安府路。有海子在其東。行者為赤草峰。踰坡東下一里。為赤草峰北村。由村轉南。溯溪行一里。渡橋而南。半里。隨赤草峰街子南行。一里。乃東上山。一里半。踰嶺東南下。其東又有塢。自西而北甚遙。下坡半里。由西

山東麓南行。二里。村落傍溪左右。皆為犵老村。此定遠又南一里半。始傍西水岬南行。半里。東渡小橋。遂由東麓南行。二里。至鹿家村後。遂東上山。半有岐。路從岐入峽。半里。渡溪東北上。一里。至妙峰山德雲寺。門西向。望南烟蘿。後有夢庵亭。后五里。峰碧卷。十一。待師未歸。看藏。宗祖慧人師。西不合論。十二。飯。仍西下山。二里。南行。二里。隨塢西轉。二里。橋跨溪上。曰梁橋。渡其北。即犵老村盡處也。



其水自南來入。路從村西上嶺。一里半踰坳。西  
行嶺上。半里有大道。從西南下。悞從坡上直西。  
半里。乃改從岐西南行。半里。漸下轉南。又一里  
乃南下。半里抵峽中。隨峽南去半里。有大路隨  
東峽來。小水隨之。西半里入南峽。一里有池在  
峽中。又一里半。峽分兩岐。從西南者。倚東嶺平  
上。一里。南踰坳。由坳轉而西。始見西塢大開。西  
南有海子頗大。其南有塔倚西山下。是即所謂  
白塔也。乃西南下坡。二里有村在坡下。曰破寺。

屯。於是從岐直西小路。一里。渡溪。稍西南半里。  
有一屯當溪中。山遠其北。其前有止水。由其西  
坡上南行一里。是為海子北堤。由堤西小路行  
半里。抵西坡下。於為海口村。轉南。隨西山東麓  
行。名息夷村。海子三里。海子西南盡。有路直抵  
大山下。半里。為高土官家。由其西南入峽中。上  
坡。一里半。神廟當坡峽間。又上半里。活佛寺臨  
其後。其西大山名龍鳳山。又名巖木山。寺號龍  
華師。號寂室。是日。下午。寂室留止。後軒東廂。其



後有深峽下懸。峽外即危峰高峙。庭中藥欄花  
砌甚幽。牆外古梅一枝。花盛放。下臨深菁。外映  
重巒。是夜先訂寂室。明晨欲早行。求為蚤膳。  
白塔尚在東南。右支岡上。岡東有白塔海子。其  
南西山下。又有陽片海子。其東又有子鳩海子。  
城南又有大壩。雙海子。與息亭村共五海子。  
十三日昧爽起。飯而下山。一里。仍出土官家。后遂  
轉南行。一里。過格香橋。有小水。自活佛寺後峽  
中來者。此峽正與白塔之岡中格而對峙。又南

二里。有岡自白界東突而出。路盤其東垂。則又  
一海子。匯其東南。從海子北堤東向行。半里。隨  
堤南轉。一里半。抵海子東南盡處。遂東南行。四  
里有岡自西而東突。是為龍岡。盤岡東皆大  
聚。半里。過聚。東行一里。復南。一里。曲度乾底。復  
南。二里。則西山一峰。復突其南。遂漸抵東山南  
北成兩界焉。又南五里。入姚安府北門。歇青蓮  
庵。青蓮碑記曰。東烟蘿。西金秀。南青鈴。北曲  
沂。姚安府南隨峽上。一百四十里。鎮南州。東



踰大山一百四十里。定遠縣。西踰山坡一百二十里。北隨大塢一百二十里。白藍井。姚安東。西兩界皆大山夾抱。郡成富其南。西界最闊。直北二十五里。兩界以漸而東。各有支中錯如門。戶。烏中有小水。自鎮南州界北來。至郡北。屢堰為湖。下流。透北峽三門而出。所謂青蛉川也。十四日。飯于青蓮。循城南一里半。為觀音寺。轉北。過西門。共一里。抵舊西門。二里半。抵西麓。是為古寺山。以有古寺在山之東半也。即志所稱。

祥龜。二里踰頂下。其西環塢北口。則羊片湖在焉。西下一里半。行塢中。又一里半。有坊當塢中。曰羊片屯。西過半里。轉南半里。又西南半里。抵小山之麓。從其南塢。西入一里半。又西上一里半。有岐焉。西北者。入山。樵牧者所經。西南盤嶺者。大道也。盤嶺一里半。踰頂。是為當陂院。而實無寺宇。乃南來之脊。北度而東。為古佛寺大山。及大姚西界諸山也。於是西南下二里。小水南流。隨之南入箐。又東一里半。轉而西一里半。峽。



始開。稍北盤坳一里。復西南下坡三里。峽中溪  
自南<sup>南</sup>北注。有橋跨之。度橋。遂循西山南向溯水  
行。二里。飯於村家。又南向行。二里餘。其峽自西  
來。轉水亦從之。於是折而入。是名觀音箐。中  
止。容一水。西湖之入。二里有觀音堂。其前堰水  
甚泓。徹其側石亦嗒呀。又西三里。乃南上山。甚  
峻。二里。陟其脊。乃東南下一里。抵峽中。遂循坡  
西南下。二里。抵聚亭橋。上有亭。橋下水。乃西  
來。小流也。過橋三里。是為彌興。居集甚盛。又南

半里。轉西一里餘。有公館。神廟在岡上。由其前  
西南半里。轉而西。於是連踰三坡。下涉三峽。共  
九里。村懸西坡上。是為孫家灣。宿。  
十五里。昧爽。飯而行。霜寒殊甚。南上坡。溯小流入  
五里。盤一坡。下有洞甚東。其東北人家曰尾  
宜村。稍西。輒南。是為龍馬箐。三里。有哨。當澗東  
坡上。是為龍馬哨。有哨無人。山壑幽阻。溪環石  
隘。樹木深密。一路梅花。幽香時度。又南一里。隨  
峽轉西。一里。一峽自南來。甚深隘。一峽自西來。



仍循北山行。西來峽上。一里出峽。乃成塢。烏西  
向平。下一里有村。當其西。是為大夫苴村。西行  
二里。抵西山下。遂面上坡。半里踰坳。北下陟塢。  
西北半里。是為小大苴村。由其南半里。轉而北  
上坡。循西峽行二里。下渡澗。中小水。即西上嶺。  
甚峻。三里踰嶺頭。西行脊上。或南峽上。又臨北  
峽。舟平舟上。三里餘。則盤西嶺之東。北轉二里。  
踰其脊。此最高處也。東望烟蘿。東界尖山。在錢  
章閣者。隱、連妙峯。而西界南突之山。亦見。惟

其北活佛寺大山。反為孫家灣後山所隔。不可  
見。又西二里。當西罨之處。有人守哨。烏。是為老  
虎關哨。稍西。下半里。行坡間。一里半。是為打金  
庄牌界。又西一里半。踰坡。又西上一里半。為絕  
頂。有公館。東南之峽。至是始窮。其脈自南天申  
堂後。直北分支而來。東度老虎關而北。於是西  
向稍下。半里。渡一坡。半里踰其巔。從巔而行。  
一里。遂西望四十里外。層山一重。西逸。又高峰一  
帶。南環者。皆大脊也。其東有小脊二重。內隔外



有遠峰。西抹西浮。不知為點蒼。為雞足矣。於是  
西下。頗坦。五里。下至峽中。是為五里坡。有水自  
南而北。小石梁跨之。度而西。盤西山南峽。入一  
里。又躡坡而上。一里。凌其巔。一里半。稍下。平行  
嶺上。二里餘。西向下。溪自西南來。北向去。亦石  
梁跨之。是為普昌河。西上坡半里。為巡司。半里  
復上一小脊。由脊西行四里。迺下一里。而抵普  
湖。

十六日。由普湖西北行。二里。渡一水。一里。又渡一

水。乃西上坡。二里。踰坡上。一里。脊上平行。三里。  
為金雞廟。又西二里。為界坊。乃姚州小雲南界。  
又西行嶺上五里。至水盆哨。乃西北稍下。即見  
南界水。亦西流。出鼻窠。厥而下元江矣。乃隨北  
山臨南峽。西行二里。山坑南墜。峽路隨西脊。過  
村。當脊間。是為水盆鋪。蓋老龍自西南來。從此  
脊北渡。時為一峰。其東南又折而南。為水盆鋪。  
惟中天一線。南流下元江。云鋪西北上有關帝  
廟。隨大道西二里。則嶺北山下。亦下墜成西向。



之峽。於是循南峽之頂。西經峽北所起尖山。是為青山。至是橫拖而西。於是循南峽之頂西行。二里。忽見路北墜峽西去。路由其峽南嶺脊行。於是與峽北之尖山。又對夾分流。西注雲南。而北下金沙矣。始知大脊自九鼎南下。至洱海衛城南。青華洞度東。又聳而南為水目山。其南又東轉為天華山。即雲南川南兜之山也。從天華東北轉。數起而為沫滂東嶺。又東過公館而度水盤鋪。北聳為青山。其形東突而西垂。川中故

自打金庄嶺望之。僅為北尖峯。而至此又橫夾而西。然是山西北二支。皆非大脊也。大脊即從東南水盤哨過脉。遂東南逶迤于天申宮南。又東至沙橋站。脊為所過水盤哨鋪之間。相去不過二里。忽度其脊南。又度其脊北。至由峽南嶺稍下稍上。西南二里。公館當其頂。又西下西上。再從嶺脊西行八里。脊自西南來。至此稍突而北。乃轉而北緣之。二里。又西南下。遂出山之西。唯見其塢大開。于是直下五里。及麓為沫滂



鋪。西截塢八里。有二石梁東西跨。其下皆澗。而  
川水實由之北注。又西二里。過大水堰塘。堰稍  
北。復西十里。抵西山。下為小雲南驛宿。其  
十七日。昧爽飯。詢水目寺在其南。遂隨山之東麓  
南行。盤入其東南塢中。共五里有水。自山後破  
峽南出。即洱海衛青海子之流也。是為練場村。  
村在水西。渡橋西。復沿山南一里半。為溫泉。其  
穴西向。待浴婦。經西時乃浴。仍南沿西麓半里。  
又盤其山之南塢。入有溪。自塢東出。即水目之

流也。始見水目山高峙于西。溯水西入。見其西  
又大開南北塢。橫截其間。五里。抵西山麓。有村  
甚大。曰毋家屯。由其後西向上山。於是有溪流  
夾村矣。西上踰一嶺。二里稍下。涉其澗。其澗自  
南而北。溯之南上山。間茶花盛開。又二里餘。為  
水目寺。余候從其南大路。幾踰嶺。遇樵者轉而  
東北下。半里。入玉皇閣。又下。觀倒影。又下。過普  
賢。又下。過靈光寺。置行李於寺中。接上。慧然乃  
西至舊寺。訪無住。方在上。新建住靜處。不值。舊



寺有井。有人香禱。有木犬。有風井。有塔。由其后  
上無影庵。飯于妙慈老僧靜室。暮過觀音閣。觀  
淵公碑。乃天開十六年楚州趙祐撰者。  
十八。住無住處。午過徽僧戒月靜室飯。下。觀  
慧然新接花卉。

十九。早雨雪。無住苦番。因就火僵卧。上午雨雪  
忽開。再飯。由山前東北下。五里下山。過一村。北  
向二里。踏一坡。又二里。過一小海子。其北岡上  
有數家。曰酒葉村。一里。越之。乃涉塢。循東山北

向行。五里。即青海子之西南涯也。遂與小雲南  
來之大道遇。於是。由青海子西涯西北向行。八  
里。則南山再突而北。頻於海路。或盤之。或踰之。  
又五里。為狗村舖。坊名瑞禾。館名清華。其處北  
向洱海。衛城南八里。西向白崖城。站四十里。余  
從西路。回里。觀清華洞。北有路西通嶺。此白  
崖道。洞南有塢。南通春。此滅渡道。余出洞。循西  
山。仍北行。六里。入衛城南門。出西門。宿  
二十。飯而行。由西門北向。循西山行。五里。抵一



村。其北有水自西峽出。遂隨之入。一里餘。稍陟坡。一里餘。有村在澗西。曰四平坡。北轉五里。渡溪橋。又北上三里。為九鼎山寺。又二里。陟其巔。飯。下午。從東北下三里。通北溪橋。仍合大路。則循幕山。西麓。西北溯流入。五里。梁三村。北八里。松子哨。行半里。溪西去。路北上半里。踰嶺。又東北下者五里。則溪復自西來。又有一小溪。自幕山北麓來。與之合。乃涉其交會處。是為雲賓之界。又東二里。為自北關。已暮。又東二里半。渡澗。

橋之北。又東半里。轉北一里半。為山周鋪宿。二十一日。平明。行大塢中。北行十里。其西為賓居。又北五里。小水出澗間。又北三里。有澗自西峽出。隨之北二里。為火頭基。連西北溪二溪。又北五里。總府庄。又北三里。賓州。在東坡上。東倚大山。西臨溪流。然去溪尚里許。其濱溪東岸者。曰大羅城。今行李先去。余草記西涯上。望州北有岡。自東界突而西。其北又有岡。自西界突而東。交錯於塢中。為州下流之鎗。溪至是始曲折。



潞之。始得見其形為。又北三里半。踰泉哭之岡。則見有村當其北麓。是名紅帽村。溪自東南潞東哭之岡。西轉而潞於村之前。其前又開大塢。北去。仍循西山行。北五里。漸轉而西。于是岐分為二。東北隨流遵大塢直去者。由牛井街通浪滄衛道。西北從小塢踰嶺者。由江果往雞足道。余初由山岡鋪北望。以為東界大山之北嶺。即雞足。而川中之水。當西轉出瀾滄江。至是始知賓川之流。乃北出金沙江。所云浪滄衛。而非瀾

滄江也。其東界大山。乃自梁王山北轉。夾賓川之東。而北抵金沙。非大脊也。從小塢西行二里。踰西界之脊。始見雞足在西。其高與東界並。然東界尤屏巨。與雷應同橫。穹半壁云。從脊上南望。其南五德山橫。亘天南。即前洱海衛。所望九昂。西高擁之山。其上有雪處也。至是天東西橫時。其東又聳幕山。所謂梁王山也。二山中。四稍低。昂松子哨度脊。而北處也。從嶺西行三里。稍北。下有溪自西而東。注於賓川大溪。梁梁其上。



覆以亭。是為江果村。在溪北岸。其流與火頭基等。時日甫下午。前向東洞尚三十五里。中無托宿。遂止。

二十二日昧爽。由江果村飯。溯溪北岸西行。其溪從西峽中來。乃出於雞山南支之外。五福之北者。洱海東山之流也。四里登嶺而北。一里半見嶺北。又開東西塢。水從其中。自西而東注于賓川大溪。即從牛井街出者。此塢名牛井。有上下諸村。其水自雞足峽中來。所謂盒子孔之下流

也。于是西向漸下。一里半抵塢中。又西一里過塢中村。後有坊曰金牛溢井標勝也。土人指溪北岡頭有井在石穴間。云是昔時牛從井出處也。又西二里。復踰岡陟峽。蓋其山皆南突。北瀕溪而止。溪東流濛之一開而為煉洞。再開而為牛井。此其中突而界之者。盤峽而上。迤邐西北。再平再上。五里越嶺而復得塢。稍下一里半。有坊在坡。曰廣甸流芳。又一里半。復過一村。後此亦煉洞之最東南村也。又北二里有村夾道。有



館在村頭。東北俯溪。是為煉洞之中村。其北二里。復上嶺。二里。越之而北。有坊曰煉法龍潭。始知其地有蟄龍。有煉師。此煉洞所由名也。又北二里。村聚高懸中。有水一池。西有亭覆井。即所謂龍潭也。深四五尺。大亦如之。不溢不涸。前瀕於塘。土人浣於塘而汲於井。此雞山外壑也。登山者至是。以為入山之始焉。西北登嶺。五里有庵當嶺。是為茶庵。又西北上一里半。路分為二。一由嶺直西。為海東道。一循峽直北。為雞山

道。遂北循之。稍下三里。又北下一里。溪自西南峽中出。其峽迴合甚窅。蓋雞足南峽之山所洩餘波也。有橋亭跨兩涯間。越其西。又北山踰嶺一里。有哨兵守嶺間。又北一里。中壑稍闊。是為拈花寺。東北向。隨寺北西轉。三里踰岡之脊。是為見佛臺。西北下一里。又陟一北下之峽。又西踰一北下之脊。始見脊。西有塢北墜。塢北始逼雞山麓。蓋雞山自西北突而東南。塢界其中。至此塢轉東北。峽路盤其東南支。乃谷之結會。

A 1 2 3 4 5 6 M 8 9 10 11 12 13 14 15 B 17 18 19



處也。西一里見有坊當道左。跨南山側。知其內  
有異。訊之牧者曰。其上有白石。頭南東。踰  
坡一里。乃得。余乃令行李從大道。先向雞山。獨  
返步尋之。曲折東南上。果一里。得危。岷于松菁  
之間。岷間有洞。前有佛宇。門北向。為僧鎖鑰。  
而去不得。入乃從其面。踰室徑之棘。以入。徧遊  
洞閣中。又扳其西。岷探閣外之洞。見其前可以  
透。植木而出。乃從之。下一里。仍至大路。又西北  
二里。下至塢中。渡溪。是為洗心橋。雞足山南。峽  
之水。西自桃花。菁南自盒子。孔出者。皆由此而  
東。出峽。東南由煉洞。牛井。而合於賓川者也。溪  
北雞山之麓。有村。頗盛。北倚于山。是為沙埭村。  
此雞山之南麓也。于是始迫雞山。有上無下矣。  
從村後面。循山麓。轉而北。入峽中。綠中條而上。  
一里。大坊跨路。為靈山。一會坊。乃按居來所建  
者。于是岡兩旁。皆澗水。冷。喬松落。北上。盤  
岡二里。有收。東北者。隨峽。西北者。踰嶺。踰嶺者。  
西峽上二里。有瀑布。隨峽者。東峽上二里。有龍



潭。瀑之北即為大覺。潭之北即為悉檀。余先皆不知之。見東岷有龍潭坊。遂從之。盤登數十折而上。覺深窅險峻。然不見所謂龍潭也。踰一板橋。見塢北有寺。詢之。知其內為悉檀。前即龍潭。今為壑矣。時余期行李往大覺。遂西三里。過西竺龍華。而入宿于大覺。

廿三日。飯于大覺。即東過悉檀。悉檀為雞山最東叢林。後倚九重崖。前臨黑龍潭。而前則迴龍兩層環之。先是省中諸君。或稱息潭。或稱雪潭。至

是而後知其皆非也。弘辨安仁二師。迎飯于方丈。即請移館。予以大覺遍周。以足疾期。晤于是歎少須之。乃還過大覺。西上一里。入寂光寺。住持者留點。此中諸大利。惟此七佛殿兩旁。俱闕禪堂方丈。與大覺悉檀並麁。又稍西半里。為水月積行二庵。皆其師用周所遺也。廿四日。入晤遍周。方留款。而弘辨安仁來。願即懇移寓。遂同過其寺。以靜聞骨懸之。寺中古梅間。而入問仙陀絕白何在。則方監建塔基在其上。



先是余在唐大來處。過二僧。忻然以瘞骨事相  
訂。及入山。見兩山排闥。東為水口。而獨無一塔。  
為山中欠事。至是知仙陀督塔工。而未知建于  
何所。弘辨指其處。正在迴龍環顧間。與余意合。  
飯后。遂東南二里。登塔基。晤仙陀。一里。過大  
廿五。自悉檀北上。經無息無我二庵。一里。過大  
栗庵。有小水二派。一自幻住東。一自蘭陀東。俱  
南向。而會于此。為悉檀西派。從二水躡坡上。二  
里餘。東為幻住。今為寧福寺。西岡為蘭陀。幻住

東水。耶野愚師靜室東。岷所下。與九重岨為界。  
者。幻住西水。耶與良一。蘭陀寺夾塢之水。上自  
萃野靜室。發源于念佛堂。而為獅子林中岷之  
水也。循東前。幻住傍北。向一里。而得一靜室。即  
天香者。時中無人。入訊萃野廬。小沙弥指在盤  
崖香藹間。當危崖之西。乃從其后。踞崖上。穿林  
轉磴。俱在深翠中。蓋其地無喬松。惟雜木繽紛。  
而疊路其間。又一景矣。數十曲。筇一里。東踞崗。  
耶野愚廬。西綠崖度峽。耶萃野廬道。于是西向



傍崖橫陟半里。有一靜室高懸峽中。戶扃莫入。是為悉檀寺。崖頭所結。由其前西下。蘭陀寺。踞其右而上。又半里。而得莘野靜室。時知莘野在牟尼山。而其父沈翁在室。及至。而其門亦扃。遂從其左上。又得一靜室。主僧亦出。有徒在詢之。則其師為蘭宗也。又問沈翁何在。曰在伊室。問室何處。曰偶出。當亦不遠。余欲還。以省中所寄書畀之。其徒曰恐再下無覓處。不若留此。代致也。從之。又從左峽過珠簾翠壁。踞臺入一室。則

隱空所栖者。影空不在。乃從其左橫轉而東。一里入野愚靜室。所謂大靜室。有堂三楹。橫其前。下臨絕壁。其堂窓楞疎朗。如浮坐雲端。可稱幽爽。室中諸老宿俱在。野愚出迎。余入詢。則蘭宗影空及羅漢慧壁心諸淨侶也。是日野愚設供。招諸淨侶。遂留余飯。後見余携書篋。因取篋中書。各傳觀之。蘭宗獨津津不置。蓋曾雲遊過吾地。而潛心文教者。既乃取道由林中。西向羅漢壁。從念佛堂下過。林翳不知。竟平行而西。共



一里半。有龕在盤石上。入問道。從其西南半里。踰一哭嘴。即所謂望臺也。此支下墜。即結為大覺寺者。望臺之西。山勢內遜。下圍成峽。而旃檀林之靜室倚之。峽西又有脈一支。自山脊而下。是為旃檀嶺。即西與羅漢壁分界者。是脈下墜。即為中支。而寂光首傳寺倚之。前度息陰軒。東轉而盡。大士閣者也。由望臺平行而西。又二里半。而過此嶺。之西石壁漸出。高擁于後。乃折而北上。半里。得碧雲寺。乃北京師諸徒所建。

香火禱香。以慕師而來者多也。師所栖真武閣。尚在後崖懸嵌處。乃從寺後取道宛轉上之。半里入閣。忝叩男女滿閣中。而不見師。余見閣東有臺。頗幽。獨探之。一老僧方濯足其上。余心知為師也。拱而待之。師即躍而起。把臂呼同聲相應。同氣相求。且詮解之。手持二襪未穿。且指其胸曰。余為此中忙甚。襪垢二十年未滌。方持襪示余。而男婦聞聲湧至。膜拜不休。臺小莫容。則分番迭換。師與語言人。殊及念佛修果。媿不



竭。特以道遠。余先辭出。見岨後有路可踞。復扳  
援其上。轉而東。得一峽上緣。有龕可坐。梯險登  
之。復下碧雲庵。造慧心在。以返悉檀路。遙留余  
住宿。主寺者以無被難之。蓋其地高寒也。余乃  
亟下。南向二里。過白雲寺。已暮色欲合。從其北  
傍中支掖行。路漸平而濶。二里。過首傳寺。暗中  
不能物色。又東南一里餘。過寂光。一里。過大覺。  
又東一里。過西竺。與大道別。行松林間。茫不可  
見。又二里。過悉檀前。幾從龍潭外下。回見燈影。

乃轉覓抵其門。則前十方堂已昏閉。不肯啟。叩  
左側門。乃得入宿焉。  
廿六晨起飯。弘辨言今日暨塔心為吉日。可同  
往一看。幸定地一處。即可為靜聞師入塔。余喜  
甚。弘辨引路前。由龍潭東二里。過龍沙內支。其  
腋間一穴。在塔基北半里。其脉自塔臺分派處  
中懸而下。先有三塔。皆本無高第也。最高一塔。  
即仙陀純白之師。本嵩明籍。仙陀純白向亦  
中表。皆師之甥。後隨披剃。又為師弟。師歸西方。



在本無之前。本公為擇地于此。而又自為之記。余為辦公。乞其南為靜聞穴。辦公請廣擇之。又有本公塔在嶺北。惟所命。余以其穴近仙陀之師為便。議遂定。靜聞是日入穴。廿七日。余見前路漸翳。而支間有迹。可踞石而上。遂北上。扳陟之。屢懸峻梯空。從峽石間作猴升。一里半。則兩峴前。皆純石撐霄拔壑而起。自下望之。若建標空中。自上凌之。後有一線連脊。又如瓊臺中懸。雙闕並倚也。後即為橫亘大脊。披叢莽而上。有大道東西橫山脊。即東自雞坪。關山。西上而連於絕頂者。因昔年運磚造城絕頂。此開以通驢馬。余乃反從其東。半里凌重峴而上。然其處上半下嵌。俯瞰莫可見。不若點頭峰之突聳而出。可以一覽全收也。其脊兩旁皆古木深翳。通道于中。有開處不瞰山后。其東北又峙山一圍。如箕南向。所謂摩尼山也。即此山餘脉所結者。其西北橫拖之支。所謂后趾也。即南聳而起為絕頂者。故絕頂自南壑望之。如展



旂西立羅漢九層之脊。則展旂東立。自此脊望  
之。則如展旂南立。右趾之脊。則如展旂北立。此  
一山大勢也。若桃花箬過脊。又在絕頂西南峽  
中。南起為香木坪之嶺。東亘為木字孔之脊。與  
羅漢壁點頭峰南北峙為東界。此在小距西南  
支之外。乃對山而非難足矣。若南條老脊。自木  
香而南走。為龍壩羅漢壁點頭峰。又其東出之  
支。非老轅矣。山后即為羅川地。北至南銜。皆鄧  
川屬。與賓川以此山脊為界。故絕頂即屬鄧川。

而曹溪華首。猶隸賓川焉。若東北之摩尼。則北  
勝滄浪之所轄。此又以山之東麓雞坪山為界  
者也。從脊直北眺。雪山一指豎立天外。若隱若  
現。此在麗江境內。尚隔一鶴慶府于其中。而雪  
山之東。金沙江實遠。脈南注。但其處逼夾。僅犬  
餘。不可得而望也。由脊道旁行。再降再起。五里  
有路。自南而上者。此羅漢壁東梅檀嶺道也。交  
脊而西北去者。此循后距北下鶴慶道也。交脊  
而東北下者。此羅川道也。隨脊而西者。絕頂道



也。于是再上。再行而北。又二里餘而抵絕頂之  
下。其北痕雪。岷。不知何日所積也。又南上  
半里。入其南門。外墜壑而下者。獼猴梯出銅  
佛殿道。由北門出。陟后脊轉而西南下者。東身  
峻。出禮佛殿。臺華首門。會銅佛殿道。而獼猴梯  
在東南。由脊上。東身峻在西北。由窟中。此登頂  
二險。而從脊來者。獨無之。入門即迦葉殿。此舊  
土主廟基也。舊迦葉殿在山半。歲丁丑。張按君  
謂絕頂不可奉迦葉殿。捐貲建此。而移土主于

殿左。其前之天長閣。則天啓七年。海鹽朱按君  
所建。後有觀風臺。亦閣也。為天啟初年。廣東潘  
按君所建。今易名多寶樓。後又有善雨亭。亦張  
按君所建。今貌其像于中。後西川倪按君易名  
西脚遺廬。語意似含訛諷。殿亭四圍。築城環之。  
後四面架樓為門。南曰雲觀。指雲南縣。昔有彩  
雲之異也。東曰日觀。則泰山日觀之義。北曰雪  
觀。指麓江府雪山也。西曰海觀。則蒼山洱海所  
在也。張君子萬山絕頂。與此巨役。而沐府亦伺



其意移和山銅殿。運致之。蓋以和在省城東。而銅乃西方之屬。能剋木。故去彼移此。有造流言以阻之者。謂雞山為震府之脉。麓江公亦姓木。忌金剋。將移師雞山。今先殺其首事僧矣。余在黔聞之。謂其說甚謬。麓北雞南。聞雞之脉自麓來。不聞震自雞來。姓與他各不相涉。何剋之有。及至此。而見銅殿。其堆積迦葉殿中。止無地以豎。尚候沐府相度。非有阻也。但一城之內。天長以後。為河南僧所主。前新建之迦葉殿。又陝西僧所主。以張按君同鄉故。沐府亦以銅殿屬之。今兩僧無道氣。不免事。參商。非山門之福也。余一入山。即聞陝西河南二僧名。及抵絕頂。將暮。見陝西僧之叔在迦葉殿。遂以行李置之。其姪明空。尚在羅漢壁。兩來寺。由殿側入天長閣。蓋陝僧以銅殿支絕。迦葉殿後正門。毋令從中出入也。河南僧居多寶樓下。留余晚供。觀其意殊憤。余于是皆腹誹之。還至土主廟中。寒甚。陝僧藝火供果。為余談其姪明空前募銅殿事。



甚悉。今現在西來。可一顧也。余唯  
廿八晨起寒甚。亟披衣從南樓觀日出。已皎然  
上昇矣。晨食後。即錄碑文於天長善雨之間。指  
僵有張憲副二碑最長。獨不及錄。還飯迦葉殿。  
仍從北門出。門外岡脊之上。多賣漿滄粉者。脊  
之西。皆削崖下覆。豈即向所謂捨身崖者耶。北  
由脊上行者一里。乃折而西下。過一敞閣。乃南  
下。束身峽。巨石凌逆。中潘成坑。路由中下。兩崖  
逼束。而下墜甚峻。宛轉峽中。旁無餘地。所謂束  
身也。下半里得小坪。伏虎庵倚之。庵南向。從其  
前。多賣香草者。其州生于山脊。循捨身崖東南  
轉。為曹溪華首之道。繞庵西轉。盤絕壁之上。是  
為禮佛殿。太子過玄關。余乃先過禮佛臺。有亭  
在臺東。亦中地。臺時其前。石鑿起中。懸絕壑之  
上。北瞰危峴。倒挿於深壑中。乃絕頂北盡處也。  
下。即為桃花簪。但突不能俯窺耳。其東南壑中。  
則放光寺在焉。其西隔塢相對者。木香坪也。是  
臺當絕頂西北隅。懸絕處。凌虛倒影。若浮舟之



駕壑為一小勝處。而亭既傾敝。不容無慨。臺之  
北。崖壁倒懸。磴道斬絕。而西崖之瞰壑中者。夢  
辨上迸。若蒂斯啟。遂向無路。乃棧木橫崖端。飛  
虬接翼於層巒之山。遂分帶而路。如入葯房中  
空外透。欲合歆分。守其奧窟。正當佛臺之下。乃  
外石之附內石而成者。上連下迸。裂透兩頭。側  
身而進。披隙而出。復登南臺之上。仍東過伏虎  
循岩傍壁。盤其壑頂。仰視轟壑。忽欲墜而孰  
知耶向所振衣躡屨于其上者耶。東南傍崖一

里餘。有室倚壑。曰曹溪寺。以其側有水一泓。在  
轟壑之下。引流墜壑。為衆派之源。有似宗門法  
脉也。稍下。路分為二。正道東南。循崖平去。小徑  
西下危坡。余睇放光在西南壑。便疑從此小徑  
是。西循之一里餘。轉而北。踰一嘴。已盤禮佛臺  
之下。其西北乃桃花箬路。而東南壑底。終無下  
處。乃從舊路。迤二里。出循崖正道。過八功德水。  
于是崖路愈逼。仄線底緣。嵌絕壁上。仰眺祇覺  
崇隆。而不見其頂。下瞰祇覺深窅。而莫晰其根。



如懸一幅萬仞蒼崖圖。而綴身其間。不辨身在何際也。東一里。崖勢上飛。高穹如蒼覆。環其下如戶闕形。其內壁立如掩扉。蓋其石齒。皆墮而不盡墮之餘。所謂華首門也。其高二十丈。其上穹覆者。又不知凡幾。蓋即絕頂觀海門下危崖也。門之下。倚壁為亭。兩旁建小磴塔。襄之。即經所謂迦葉受衣入定處。待六十百千歲。以付彌勒者也。天台王十岳。性憲副詩。偈鑿壁間。而倪按院大書石狀奇絕四字。橫鐫而朱丹之。其

效顰耶。黔面耶。在東身書石狀大奇。在袈裟書石狀又奇。在兜率峽口書石狀始奇。凡四處。各換一字。小靈何罪而受此耶。又半里。轟崖東盡石脊下垂。寺倚其東。是為銅佛殿。今扁其門曰傳燈寺。蓋即絕頂東突。由獼猴梯下墜。為此。再下。即迦葉寺。而為西南支發脈者。寺東向。大路自下來。抵寺前。分兩岐。由其北峽。登寺後。獼猴梯為絕頂前門道。余昨從上所取者。由寺前循峴西轉。過華首門。上東身峽。為絕頂後門道。余



茲下所從來者。蓋寺北為峙。峽西為峴。寺後猢  
猻梯由絕頂垂脊而下。乃峴所束盡。而峽所南  
環者也。寺北有石峰。尖踞峽中。庵倚其上。是為  
袈裟石。余初不知其袈裟石也。望之有異。遂不  
入銅佛殿而登此。至則庵僧迎。余坐其上。石上紋  
離披。作兩壺痕。而上有員孔。僧指其紋為迦葉  
袈裟。指其孔為迦葉卓錫之跡。即無遺跡。然其  
處迴崖外繞。墜壑中盤。此石綴峴。瞰壑固自奇  
也。僧滄米花為獻。余時欲下放光聖峰諸寺。而

不能忘情于猢猻梯。遂循石右。上半里。并梯。一  
乃自然石級。有壘磴痕。可以啣趾。而痕間石芒  
齒。着足甚難。脊左瞰。即華首轟崖之上。石瞰  
即袈裟墜壑之端。其齒。之石華首門。乃垂而  
下。此梯乃錯而上者。然質則同也。上半里。數折  
而梯盡。仍從峽上。問去頂。迥絕。乃返步下梯。由  
銅佛殿北。東下峽中。一里。橫盤峽底。有庵。當其  
中。所謂兜率庵也。已半傾。其后即絕頂。與羅漢  
壁分支前突處。庵前峽復深墜。循庵橫度。循左



峴下半里。峴根有窟內嵌。前有巨樹流蔭。并鶴  
响居士詩碑。其前峴遂深。踏路從其上。又分為  
兩。循右峴中西南下者。為迦葉寺。聖峰寺。西支  
大道。循左峴下東向行者。為西來寺。碧雲寺。羅  
漢壁間道。余時身隨西峴下。而一步一回眺。未  
嘗不神飛羅漢壁間也。下半里為伽亭。高在懸  
峴中。因地未入。既下又半里出峴。為迦葉寺。其  
門東向。中亦高敞。此古迦葉殿。近因項有新構。  
遂稱此為寺云。從其前南向循岐下。路峻而大。

一里至會燈寺。門東向。東下半里。有岐西去  
者。放光寺道也。恐日晏不及行。遂不西向而東  
趨。路坦而大。一里為聖峰寺。東向。踞分支之  
上。前有巨坊。後有傑閣。其勢甚雄。拓閣祀玉皇。  
今皆以玉皇閣稱之。從此北瞻。西來寺高。綴層  
峴之上。屏霞亘壁。飄渺天半。景甚異。出寺東隨  
隴行。二里過白雲寺。又從其石東行。一里半過  
慧庵。則左右兩溪合于前。而隴盡。遂渡其左峴。  
東過大覺寺蔬園。一里。從息陰后踰中支之脊。



從千佛閣前觀街子。街子者。惟臘底集山中。為朝山之節。昔在石鐘寺前。今移此。以近大覺。為諸寺之中也。由街子東半里。過西竺寺。又二里。餘入悉檀。具食後。知華野乃翁沈公來。叩尚留待寺間。亟下樓而沈公至。各道傾慕之意。時已暮。寺中具池湯候浴。遂與四長老及沈公就浴。池中池以磚甃。長丈五。闊八尺。湯深四尺。炊從隔壁釜中。竟日乃就。浴者先從池外挽水滌身。然后入池。坐水中浸一時。復出池外。擦而滌之。再浸再擦。浸時不一動。恐垢落池中。也。余自三里盤浴後。入漢祇。澡於溫泉。此番之浴。過亦罕矣。

廿九日。飯於悉檀。同沈翁及體極之任。同遊街子。過大覺。遍周亦出遊。欲拉與俱。余辭歲朝往祝。蓋以其屆七日也。既午。沈公先別去。余食市麪一甌。一里餘。從大乘庵上。幻住。一里入。幻住。見其頭為福寧寺。問道而出。猶不知其為幻住也。由其石過峽。西北行一里。入蘭陀寺。南向。由



正殿入其東樓。良一師出逸。問殿前所卧石碑。曰此先師所撰迦葉亭跡記也。昔鑿華首門亭中。潘按君建絕頂觀風臺。當事者曳之頂。將磨鑄新記。良一師聞而往止之。得免以華首路峻不得下。因紆道置此。余欲錄之。其碑向面鑄。而前半篇在下。良一指壁間挂軸云。此即其文。從碑騰寫而出者。余因低懸其軸。以案就錄之。良一供齋。沈翁亦至。齋後。余度文長不能竟。令顧僕下取卧具。令沈翁先上其廬。當明日往耶也。

迨暮錄猶未竟。顧僕以卧具至。遂卧蘭牀。禪榻。顧僕傳弘辨安仁語曰。明日是除夕。幸尔主蚤返寺。毋令人懸望也。余聞之。為悽然者久之。三十日。蚤起盥櫛。而華野至。相見甚慰。同飯於蘭陀。余仍錄碑。完而華野已去。遂由寺循脊上北。其道較夷。一里轉而東。一里出華野廬前小靜室。又半里而入華野樓。則沈公在。而華野未還。沈公為具食。華野造至。遂燕其樓。父子躬執爨。煨芋煑蔬。甚樂也。華野懇令顧僕取卧具於




蘭院。曰同是天涯。何必以常在靜室為分。余從  
之。遂停寢其樓之北楹。樓東南向。前瞰重壑。左  
石兩抱峰。甚舒而稱。樓前以杉松連皮為欄。製  
樸而雅。樓窗踈楞潔淨。度除夕於萬峰深處。此  
一宵勝人間千百宵。薄暮。凭窻前。瞰星辰燁々  
下垂。塢底火光。遠近分擘。皆朝山者。徹夜熒然  
不絕。與瑤池月夜。又一觀矣。






國立中央圖書館 NATIONAL CENTRAL LIBRARY, TAIWAN, R.O.C.








國家圖書館 NATIONAL CENTRAL LIBRARY, TAIWAN, R.O.C.







8105076 v.8





日游滇記六

滇自雞足山。過鶴慶府。進丘塘關。抵麗江府。解脫林。復自解脫林出麗江。丘塘關。清玄洞。再至鶴慶。西過大脊。下汝南哨。清水江山。滕塘。劍川州。金華山。羅尤邑。莽歇嶺。駸強江。石寶山。沙溪。羅木哨。觀音山。出洞鼻浪。亨縣。佛光寨。標楞寺。由浪穹鳳羽山。再出普陀崆中所。鄧川驛。上關大理府。下關石門。漾濞。橫嶺。永平縣。寶臺山。涉木河。瀾滄。鉄橋水寨。永昌府。





冷水箐。枯飄盤蛇谷。潞江分水關。龍川江。亂  
箭哨。騰越州。固棟尖山。南香甸界頭。

已卯正月初一日。在雞山獅子林。葺野靜室。是早天氣  
澄徹。旭日當前。余平明起飯。乃上隱室。蘭宗二靜室。  
過野愚靜室。野愚已下。蘭宗處。遂從上徑。平行而西。  
入念佛堂。是為白雲師禪栖之所。獅林開創首處也。  
先是有大力師者。苦行清修。與蘭宗先結靜其下。後  
白雲結此廬。與之同栖。乃獅林最中。亦最高處。其地  
初無泉。以地高不能剗木以引。二師積行通神。忽一  
日。白雲從龕後龍脊中垂間。撓石得泉。其事甚異。而  
莫之傳。余入龕。見石脊中峙為嵯。左有穴一。龕高  
二尺。深廣亦如之。穴外石倒垂如簷。泉從簷內循簷  
下注。簷內穴頂中空。而水不從空處溢。簷外嵯石峭  
削。而水不從削處墜。倒注于簷。如貫珠垂玉。穴底滙  
方池一函。旁皆菖蒲葦。白雲折梅花浸其間。清冷  
映人心目。余拔崖得之。以為奇。因詢此龍脊中垂。非  
此兩腋。何以泉從其隆起處破石而出。白雲言昔年  
剗石得之。至今不絕。余益奇之。後遇蘭宗。始徵其詳。



乃知天神供養之事。佛無誑語。而昔之所稱車錫虎  
跑。於此得其微矣。龕前編栢為欄。茸翠環繞。若短屏  
迴合。階前綉墩草。獨高員如壺。跏趺其上。蒲團錦茵  
皆不如也。龕甚隘。前結松栢。方供佛禮懺。白雲迎余  
茶點。且指余曰。此西尚有二靜室可娛。乞少延憇。當  
淪山蔬以待也。余從之。西過竹間。見二僧坐木根曝  
背。一引余西入一室。其室三楹。乃新闢者。前甃石為  
臺。勢甚開整。佛龕花供皆極精嚴。而不見靜主。詢之  
曰。白雲龕禮懺司鼓者是。余謂此僧甚朴。何以有此。

乃從其側又上一龕。額曰標月。而門亦扁。乃返過白  
雲而飯。始知其西之精廬。即悉檀體極師所結。而司  
鼓僧乃其守者。飯後又從念佛堂東上。躡一龕。其一  
最高。幾及嶺脊。但其後純崖無路。其前則旋崖層壺。  
路宛轉循之。就崖成臺。倚樹為磴。山光懸繞。真如躡  
鷲嶺而上也。龕前一突石當中。亦環倚為臺。其龕額  
曰雪臺。為程還筆。號二游昆陽。人有才藝。而門亦扁。蓋皆白雲  
禮懺諸淨侶也。又東稍下。再入野愚室。猶未返。循其  
東扳東峽。自頂下墜。若與九重崖為分壑者。頂上



危岩疊々。峽東亘岩一支。南向而下。即悉檀寺所倚之支也。其東即九重崖靜室。而隔此峰峽。障不可見。余昔自一初軒登頂。從其東扳岩隙直上。惟此未及徑行。乃扳險涉之。路漸窮。抵峽中。則東峰石壁峻絕。峽下隕壑崩懸。計其路尚在其下甚深。乃返從來徑。過簾泉翠壁下。再入蘭宗廬。知蘭宗與野愚俱在玄明精舍。往從之。玄明者寂光之裔孫也。其廬新結。與蘭宗東西相望。在念佛堂之下。翠野山樓之上。余先屢過其旁。翠條卷映。俱不能覺。從蘭宗之徒。指點得

之。則小閣踈楞。雲明雪朗。致極清雅。

閣名雨花。諸淨為野愚筆。

侶方坐嘯其中。余至。共為清談。淪茗日既昃。野愚輩乃上探白雲。余乃下憩莘野樓。薄暮。蘭宗復來。與談山中諸蘭。若緣起。併太古遺疏。日暮不能竟。

初二。飯于莘野。即再過蘭宗。欲竟所徵。而蘭宗不在。愛玄明雨花閣精潔。再過之。仍淪茗劇談。遂扶筇西一里。過望臺嶺。此嶺在獅林之西。蓋與旃檀嶺為界者。亦自嶺脊南向而下。即大覺寺所倚之岡也。自獅林西陟其嶺。即可望見絕頂西懸。故以望名。與其西



一嶺。又夾壑為塢。諸靜室緣之。層累而下。是為旃檀嶺。先是雞山靜室。祇分三處。中為獅子林。西為羅漢壁。東為九重崖。而是嶺在獅林漢壁之間。下近于寂光。故寂光諸齋。又開建諸廬。遂繼三而為四焉。蓋其諸廬在峽間。東為望嶺。西為旃檀嶺。此嶺又與羅漢壁為界者。自嶺脊南向而下。即寂光寺所倚之支也。是為中支。蓋羅漢壁之東。迴崖自嶺脊分隕南下。既結寂光。由其前。又南度東轉。為觀音閣。息陰軒。峙為瀑布東嶺。于是又度脊而南。為年尼菴。又前突為中

嶺。若建標於中。而大士閣倚其端。龍潭瀑布二水口。交其下。一山之脈絡。皆以茲為縮較。云踰望臺嶺。西三里。南諸廬上盤壑。而西三里。又盤嶺而南。北轉一里。北崖皆挿天盤雲。如列霞綃。而西皆所謂羅漢壁也。東自旃檀嶺。西至仰高亭峽。倒挿於衆壑之上。當其東垂之摺者。幻空師結廬處也。真武閣倚壁足。其下曲徑縱橫。石級層疊。師因分箒為籬。點石為臺。就閣而憇焉。其下諸徒闢為叢林。今名碧雲者也。余前已訪幻空。而返憶閣間。有陳郁侯。天士師未錄。因再



過錄之。師復款談甚久。出果餉之。榻間閣西旁俱有  
靜室。旁通皆其徒所栖。而無路達西來寺。必仍下碧  
雲。由山門西盤崖坡。又一里半。北上半里抵壁足。則  
陝西僧明空所結菴也。今名西來寺。北京陝西河南  
三僧俱以地名。今京陝之名幾並重。以余品之。明空  
猶俗僧也。其名之重。以張代巡鳳翽同鄉。命其住持  
絕頂迦葉殿。而沐府又以中和山銅殿移而昇之。故  
聲譽赫然。在頂而與河南僧不協。在西來而惟知  
款接朝山男婦。其識見猶是碧雲諸徒流等。不可望

幻空後塵也。然其寺後倚絕壁。雲幙霞標。屏擁天際。  
魏峭大觀。此為第一。寺西有萬佛閣。石壁下有泉一  
方。嵌崖倚壁。深四五尺。濶如之。潄水中涵。不盈不涸。  
萬峰之上。純石之間。漚此一脈。固奇。但不能如白雲  
龕之有感而出。垂空而下。為神異耳。觀其水色。不甚  
澄徹。寺中所食。俱遙引之。西峽之上。固知其益不如  
白雲也。寺東有三空靜室。亦倚絕壁。三空與明空俱  
陝人。為師兄弟。然三空頗超脫。有道氣。留余飯。其廬  
已下午矣。自西來寺東至此。石壁尤踈峭。寺旁崖迸



成洞。其中崆峒。僧悉以游騎填駐其中。不可攔入。深  
為悵恨。又有峽自頂剖窪而下。若雲門劍壁。嵌隙於  
中。亦為偉觀。僧取薪於頂。俱自此隙投崖下。溜為捷  
徑。不能藉為勝概也。既飯。復自寺西循崖而去。二里  
崖盡而為峽。即仰高亭之上也。先是余由絕頂經此  
下。從大道入迦葉寺。不及從旁岐東趨羅漢壁。然自  
迦葉寺迴眺崖端。一徑如線痕。衆竇如雲蓋。心甚異  
之。故不憚其晚。以補所未竟。然其上崖石雖飛嵌空  
懸。皆如華首之類。無可深入者。乃返從西來碧雲二

寺前。東過旃檀。仍入獅林。至白雲龕下。尋玄明精舍。  
悞入其旁。又得一龕。則翠月師之廬也。悉檀前環疎  
竹。右結松蓋為亭。亦蕭雅有致。乃少憇之。遂還宿辛  
野樓。已暮矣。

初三晨起飯。荷行李將下。悉檀。蘭宗來邀。欲竟山中  
未竟之旨。余乃過其廬。為具盒具食。遍徼山中故迹。  
既午。有念誠師造其廬。亦欲邀過一飯。蘭宗乃輟所  
炊。同余過念誠。路經珠簾翠壁下。復徒倚久之。蓋蘭  
宗所結廬之東。有石崖傍峽而起。高數十丈。其下嵌



壁而入。水自崖外飛懸。垂空洒壁。歷亂縱橫。皆如明珠貫索。余因排簾入嵌壁中。外望蘭宗諸人。如隔霧牽綃。其前樹影花枝。俱飛魂濯魄。極卷映之妙。崖之西畔。有綠苔上翳。若絢綵鋪紙。翠色欲滴。此又化工之點染。非石非嵐。另成幻相者也。崖傍山木。合宿瓊枝瑤幹。連慳成陰。襍花成綵。蘭宗指一木曰。此扁樹。曾他見乎。蓋古木一株。自根橫臥。天餘始直聳而起。橫卧處不負而扁。若側石偃路。旁高三尺。而厚不及尺。余初疑以為石也。至是循視其端。乃信以為樹。蓋

石借草為色。木借石為形。皆非故質矣。東半里。飯於念誠廬。別蘭宗南向。下之字曲半里。又入叢軒廬。義軒。大覺之派。新構靜於此。乃獅林之東南極處也。其上為念誠廬。最上為大靜室。即野愚所栖。是為東支。葦野樓為西南之極處。其上為玄明精舍。最上為體極所構新廬。是為西支。而珠簾之崖。當峽之中。傍峽者為蘭宗廬。其上為隱室廬。最上為念佛堂。即白雲師之廬也。是為中支。其間徑轉。唯分綴一室。即有一室之妙。其盤旋迴結。各成境。正如巨蓮一朵。瓣分



千片而片，自成一界。各無欠缺也。從義軒廬又南向之字下。一里餘。過天香靜室。天香。幻住菴僧也。其年九十餘。余初上覓葦野廬。首過此問道者。又南一里。過幻住菴。其西即蘭陀寺也。分隴對衡。獅林之水界於左右。而合於其下焉。又南下一里餘。二水始合。渡之。即為大乘菴。由澗南東向循之。半里。水折而南。復踰澗東南下一里。過無我無息二菴。其下即為小龍潭。五華菴已在悉檀寺右廊之外。而崗隴間隔。復踰澗南。過迎祥寺。乃東向隨澗行。一里。抵寺西虎砂。

即前暗中摸索處也。其支自蘭陀南來。至迎祥轉而東。橫亘於悉檀寺之前。東接內突龍砂。兜黑龍潭于內。為悉檀寺第一重案。其內則障獅林之水。東向龍潭。其外則界旃檀之水。合於龍潭下流。而脉遂止於此焉。於是又北踰澗。半里。入悉檀寺。與弘辨諸上人相見。若并州故鄉焉。前同葦野乃翁。由寺入獅林時。寺前杏花初放。各折一枝。携之上。既下。則寺前桃亦繽紛。前之杏色愈淺而繁。後之桃靨更新而艷。五日之間。芳菲乃爾。睹春色之采天地。益感浮雲之變古。



今也。

初四飯於悉檀。即携杖西過迎祥石鐘二寺。共二里。於石鐘西竺之前。踰澗而南。即前山所來大道也。余前自報恩寺後。渡溪分道。候循龍潭溪而上。不及過大士閣出此。而行李從此來。願僕言大士閣後有瀑甚奇。從此下不遠。從之。即踰脊。其脊甚狹而平。脊南即瀑布所下之峽。脊北即石橋所下之澗。脊西自息陰軒來。過此南突。而為牟尼菴。盡於大士閣者也。脊南大路。從東南循嶺觀瀑。亭倚之。瀑布從西南透峽。

玉龍閣跨之。由觀瀑亭對崖。瞰瀑布從玉龍閣下墮。墜崖懸練。深百餘丈。直注峽底。峽逼箐深。俯視不能及其麓。然路亭俯仰。絕頂浮嵐。中懸九天。絕崖墮雪。下嵌九地。兼之霽色澄映。花光浮動。覺此身非復人間。天台石梁。庶幾又向雲花亭上來也。時神飛玉龍閣。遂不及南下。問大士閣之勝。於是仍返脊南循峽端。共一里。陟瀑布之上。登玉龍。其閣跨瀑布上流。當西山峽口。乃西支與中支二大距湊泊處。水自羅漢華巖來。至此墮空下搗。此一閣。正如石梁之橫翠。鶴



橋之飛空。惜無居人。但覺杳然有花落水流之想。樓  
為楊冷焰師孔所題。與觀瀑亭俱為蔣賓川爾第所  
建。有一碑卧樓板。偃踞而錄之。遂沿中夫一里。西上  
息陰軒。從其左北踰澗。又北半里。入大覺寺。叩遍周  
老師。為無心法嗣。今年屆七十。為山中之耆宿。余  
前與之期。以新旦往祝。而獅林遲下。又空手而前。殊  
覺快。師留食於東軒。中水由亭沼中射空而上。  
者沼不大。中置一石盆。中植一錫管。水自管倒騰  
空中。其高將三丈。玉痕一縷。自下上噴。隨風飛洒。散

作空花。前觀之甚奇。即疑雖管植沼中。必與沼水無  
涉。况既能倒射三丈。何以不出三丈外。此必別有一  
水。其高與此並。彼之下從此墜。故此上從此止。其伏  
機當在沼底。非沼之所能為也。至此問之。果軒左有  
崖。高三丈餘。水從崖墜。以錫管承之。承處高三丈。故  
倒射而出。亦如之。管從地中伏行數十丈。始向沼心  
豎起。其管氣一絲不旁洩。故激發如此耳。雁宕小龍  
湫下昔有  
窺劍泉。其高三尺。但彼則自然石。後為人斫。窺而  
水不湧。起是洩氣之驗也。余昔候黃石齋于秣陵。亦  
見洪武門一肆。盆中亦有水上射。中有一員物。如丸  
跳伏。其上其高止三尺。以物色黃。君急不及細。勘當



亦此既飯。錄碑於西軒。中山茶盛開。余前已見之。至是折一枝。別遍周。西半里。過橋。入北上坡。一里入寂光寺。住持先從。遍周東軒同食。至此未返。余錄碑未竟。曠色將合。携紙已罄。乃返悉檀。人從大覺東一探龍華西竺二寺。日暮不能詳也。

初五。暫憩悉檀寺。沈君具柬邀余同悉檀諸禪侶。以初六日供齋獅林。是日遂不及出。

初六。悉檀四長老飯後。即約赴沈君齋。沈君亦以獻歲週花甲。余乃錄除夕下榻四詩為祝。仍五里至天

香廬側。又珥峻二里。而登莘野樓。則白雲翠月玄明。諸淨侶皆在。進食後。遂同四長老遍探林中諸靜室。宛轉翠微間。天氣清媚。茶花鮮嬌。雲闌翠隙。無所不到。先過隱室。為留盃茗。過蘭宗野愚。俱下山。過玄明。啖茗傳松實。過白雲啜茗傳茶實。茶實大如茨實。中有白切如榛。分兩片而長。入口有一陣涼味。甚異。即吾地之茗實。而此獨可食。開感通者。最佳。不易得也。間有油者。棘口。過體極靜廬。又預脩茶盒以待。下午仍飯於莘野樓。四長老強余騎。從西垂下二里。過蘭陀寺西。從其前東轉。仍由幻住前下坡。四里歸悉檀。



初七晨起。大覺遍周令其徒折東來招。余將赴之。適  
良一蘭宗至。又有本寺復吾師自摩尼寺至。復吾師以  
摩尼為本無高徒。今主摩尼間歸本刹。野愚師又至。  
乃四長老之兄行也。有子現在窟摩。遂共齋本刹。下午野愚蘭宗由塔盤往大士閣。余赴  
大覺之招。小食後。腹果甚。遂乘間往寂光。錄前所未  
竟碑。仍飯於大覺。而還悉檀宿。

初八飯後。四長老候往本無塔院。蓋先期以是日祭  
掃也。余從之。由寺左龍潭東下一里。又過一東腋水  
南行半里。則龍砂內支。自東而西突。與中支大士閣

之峰。夾持於悉檀之前。其勢甚緊。悉檀左右前後諸  
水俱由此出。路由嶺坳南度。余同弘辨莘野。特西探  
其嶺。隔峽西眺。中支南突。至此而盡。大士閣倚其下。  
乃天然鎖鑰。為悉檀而設者也。仍還由大路。循東嶺  
而南。半里。為靜聞瘞骨處。乃登拜之。又南一里。則龍  
砂外支。又自東嶺分突而西。與西支傳衣之峰對。亦  
夾持於悉檀之前。其勢甚雄。大士閣東龍潭諸水。大  
士閣西瀑布諸水。悉由此而出。此嶺為一山之龍砂。  
而在悉檀為尤近。即雞足前三距中之東南支也。其



脈自絕頂東亘。屏立空中。為羅漢壁。獅子林。點頭峰。九重崖後脊。中支由羅漢壁下墜而止於大士閣。東支由九重崖東南環為此嶺。若臂之內抱。先分一層為內砂。與中支大士閣對。又紆此層為砂。與西支傳衣後峰對。其勢自東而西突。其度脊少岫如馬鞍。昔以馬鞍嶺名之。余初入雞山抵大覺。四顧山勢重。迴合叢林靜室處。中懸無不怡稱。獨此處欠一塔。為山中缺陷。及至悉檀。遙頌此峰尤奇。以為馬得阿育王大現神通於八萬四千中。分一靈光於此。既晤知辨。問仙陀何在。曰在塔盤。問塔盤何在。則正指此山也。時尚未豎塔心。不能遙矚。自後則瞻顧如對矣。人謂雞山前伸三距。惟西支長。而中東二支俱短。非也。中支不短。不能獨懸於中。令外支環拱。西支固長。然其勢較低。蓋虎砂正欲其低也。若東支之所謂短者。自其環抱下墜處言之。則短。自其橫脊後擁處言之。則甚長。而崇。非西支之可並也。蓋西支繚繞而卑。虎砂也。而即以為前案。東支天矯而尊。龍砂也。而兼以為後屏。皆天造地設。自然之奇。擬議所不及者也。塔



盤當峰頭。在馬鞍中岫之西。有大路在馬鞍之間。則東南下鷄坪闕者。有歧路在馬鞍之東。則東北向本無塔院者。時塔盤工作百餘人。而峰頭無水。東峰有水甚高。以中岫不能西達。乃豎木柱數排於岫中。架橋其上以接之。柱高四丈餘。架木為溝。橫接松杪。昔聞霄漢鵲橋以渡水也。今反為水渡。抑更奇矣。大覺之地中以倒射。此則浮之空中。由岫東向循峰。則雞使交通。皆所謂顛倒造化也。山丈脊之南盡處也。其前復開大穴。分支環抱。又成一向。可謂靈山面。奇矣。共二里。登謁本無塔。甚

偉。三塔並峙。中奉本公舍利。左右則諸弟子普同二

塔也。左為塔院。

有亭有廡而無守者。

可憇可栖。諸淨侶及三番

僧皆助祭。余則享餽焉。時同祭者。四長老外。則白雲

復吾沈公及莘野諸後裔俱集。若蘭宗良一。則本公

雁行。故不至云。祭後。仙陀純白。又携祭品往祭馬鞍

嶺北三塔。遂及靜聞焉。下午。還過塔盤。叩仙陀。謝其

祭靜聞也。

初九晨。晨後。余即携杖西行。三里。過息陰軒。在中走之脊。大覺寺之前案也。為本無師靜揖處。額為僉



憲馮元成可時所書。其前三歧。從左渡澗。趨大覺寂光。從右渡澗。趨傳衣下接待。從後直上。則分渡右澗。或由慧林而上聖峰。或陟西支而抵華嚴焉。余乃先半里從右渡。轉而東上南嶺。半里。盤其東崖之上。即瀑布之西峰也。於是循之南行。東瞻中支之六士閣。在其下。東支之塔盤嶺對其上。平行三里。乃東轉隨坡下。一里。則傳衣寺東向倚山之半。其北先有止菴。嘿菴。真語所建。傳衣。大機禪師之友也。又南為淨雲。微空。真炳所建。又南有彌陀。員通八角三菴。皆連

附於傳衣寺者。而八角之名最著。以昔有八角亭。今改菴矣。八角開菴於嘉靖間。為吉室。上人所建。其南即為傳衣寺。基址開爽。規模宏拓。前有大坊。題曰竹林清隱。乃直指毛堪。蘇州毛所命。頗不稱。上又一具茨也。直指大標所題古松詩。止署曰白岳。古松當坊前。本大三圍。乃龍鱗。非五鬣也。山間巨松皆五鬣。聳幹參天。而老龍鱗頗無大者。遂以糾拏見奇。幹丈五以上。輒四面橫枝而出。枝大侷於幹。其端又倒垂斜攬。尾大不掉。幹幾分裂。今築臺擁幹。高六七尺。又植木支



其橫枝。僅免於裂。亦幸矣。由梯登臺。四面橫枝。倒懸於外。或自中躍起。或自巔垂颺。其紛糾翔舞之態。不一而足。與天台翬鳳。其一類耶。坊聯曰。花為傳心開錦綉。松知護法作虬龍。為王元翰聚洲筆。門聯曰。峰影遙看雲蓋結。松濤靜聽海潮生。為羅汝芳近溪筆。差可人意。然羅聯濤潮二字連用。不免壘床之病。何不以聲字易濤字乎。寺昔為員信菴。嘉靖間李中溪元陽為大機禪師宏叔成寺。萬曆辛丑元日燬於火。其孫法界復鼎建之。視昔有加。先是余過止菴。一

病僧留飯。坐久之。見其方泝米。乃去。飯於淨雲僧覺心。遂入叅寺中。入西藏經閣。前山茶樹小而花甚盛。為折兩枝而出。乃東北下峽中。一里有垣圍一區。濬山為池。畜金魚於中。結茅菴於上者。亦傳衣之裔僧也。雲影山先以一泓印之。不覺潭影空心。又東北下半里。抵峽底。則瀑布之下流也。去瀑布已一曲。昔從瀑上瞰。不見其底。今從峽底涉。亦不見其瀑。峽西有草廬菜畦。則猶傳衣之蔬圃也。峽中水至是如引絲。反不如懸瀑之勢巨矣。渡澗東上坡。一里至大道。



則大士閣之側也。閣倚中支南突之半。其前有坊有樓。歷級甚峻。後為閣。飛甍疊棟。上供大士。左右各有樓。其製亦敞。乃萬曆丙午。直指沈公所建。選老僧拙愚者居之。命曰三摩寺。余錄碑閣下。忽一僧慙慙款曲。問之。乃拙公之徒。虛宇也。虛宇又為蘭宗之派。今拙公沒。虛宇當事。昨野愚蘭宗宿此。想先道余。故虛宇一見憐。且留宿。余以日暮。碑長許之。令顧僕返。悉檀。余下榻於西樓之奧室。

初十晨起盥櫛。而顧僕至。言弘辨師遣僧徃麓江已行。蓋為余前茅者。余乃候飯。即從寺右大道北上。二里。陟中支之脊。有菴踞其上。曰牟尼菴。其前松影桃花。恍有異致。菴後即觀瀑亭。迴瞰瀑布。真有觀之不足之意。仍溯中支二里。過息陰軒。從其後直西一里。又南下渡澗。西行。已在大覺寺疏圃之南矣。蓋大覺疏圃當中支之後。中支至是。自北東轉。其西有二流交會。即瀑布之上流也。一自羅漢壁東南下。一自華巖東北流。二水之交。中夾一支。其上為慧林菴。乃西南支東出之旁派。聖峰白雲寺所倚者也。華巖之路。



又從圃東渡其下流。乃從澗南溯之西上。一里半。漸  
踰支脊。南復有一澗。與西支東走之脊隔。又從其澗  
北溯之西上。一里餘。見脊上有塚三四。後有軒樓遺  
構。與塚俱頽。此脊乃西支餘派。直送而出。無有環護。  
宜其然也。由塚西復下峽。其峽復有二。在南者自西  
支法焰寺南發源。東下經華嚴寺北。至此而與北澗  
合。在北者自西支法焰寺北發源。東下經昆盧寺北。  
至此而與南澗合。二水之交。中夾一支。為華嚴寺北  
向之案。亦西南支東出之旁派。昆盧祝國二寺所倚

者也。涉北澗。有二歧。隨澗西行者。為祝國昆盧道。由  
支端登脊而上。溯南澗之北西行者。為華嚴道。余乃  
登脊。瞰南澗行。一里。有亭橋橫跨澗上。乃華嚴下流  
之鑰也。渡橋始為西南本支。又西半里而得華嚴寺。  
當西南支之脊。東北向九層嵯而峙。地迥向異。又  
山中一勝也。蓋雞山中東二支。及絕頂諸刹。皆東南  
二向。曾無北拱者。惟此寺迴看。迤焰北大山諸林刹。  
歷、倒湧。亦覺改觀。規模亦整。與傳衣伯仲。嘉靖間。  
南都右德月堂開建。其徒月輪。以講演名。萬曆初。聖



母賜藏。後遭回祿。今雖重建。紺宇依然。而法範寂寥矣。寺中有路。東行山脊。乃直達傳衣者。由寺前峽上西行。半里。復有亭橋。橫跨澗上。即東橋上流也。寺左右各有亭有橋。山中之所僅見。過橋。又陟其北。向餘支。踞崗半里。于崗脊。過毘盧寺。前為祝國寺。俱東向。踞崗。寺北有澗。東下。即前所涉之北澗也。又由其南。崖溯之西上。一里半。有寺踞崗脊。是為法照寺。蓋西南支自銅佛殿下南墜。至此東轉。寺當轉摺處。又東抽一支。以為毘盧祝國之脈。而橫亘於華嚴之前者也。是為西南餘支之第一。法焰之北。又分一崗相夾。無住菴倚之。即下為顏塚之支。是為西南餘支之第二。屢有路直北。踰崗度峽橫去。皆向聖峰會燈之大道者。余欲析其分支之原。遂從峽中溯之而上。於是南捨法焰。北遠無住之後。峽路漸翳。叢箐橫柯。遂成幽閔。然漸逼絕頂之下矣。時路無行人。隨一桃花箐村氓行。一里。北循峽中。又一里。北踞墜脊。又一里。遂踰脊而西。乃西見木香坪之前山外擁。華首門之絕壁。高懸桃花箐之過腋。西環。而此脊自上銅佛殿。



下抵法焰寺。轉而東去。界此峽西一壑。另成一境。則放光寺所倚也。踰峽更西北。盤壑上行。又一里半。得大路。已直逼華首門下。岨矣。其路東自聖峰來。西由放光出。桃花箐。抵鄧川州。為大道。余西隨之。半里而放光寺在焉。其寺南向。後倚絕壁。前臨盤壑。以桃花箐為右閤。以西南首。為左護。其地雖在三距之外。而實當絕頂之下。發光鍾異。良有以也。余初自曹溪華首門下瞰之。見其寺沉。直墜壑底。以為光從宵闕中上騰。乃鼙柝伏之窟。及至而猶然在萬壑盤拱之上。眺華首。則一削萬仞。橫拓甚濶。其間雖有翠紋烟縷。若綉痕然。疑無可披陟。乃其上西自曹溪東連銅佛殿。固自有凌雲之路。橫緣於華首之前也。然當身歷華首時。止仰上岨之穹崇。不覺下壁之峻拔。至是而上下又合為一幅。其巍廓又何如也。然則雞山雖不乏層岨。如華首羅漢九重諸處。其境界固高。而雄傑之觀。莫以踰此矣。寺前以大坊為門。下石金剛二座。鏤刻甚異。猗猗之狀。恍與烟雲同活。其內為前樓。之前有巨石峙於左。高丈五。大如之上。



擊下削。構亭於上。其北面正可仰瞻華首。而獨為樓  
脊所障。四壁之中。獨翳此絕勝一面。不為無憾。寺建  
於嘉靖間。陝西僧員惺所構。萬曆初。燬而復興。李元  
陽有碑。範銅而鑄之。然鑄字不能無訛。其後嗣歸空。  
更建昆盧閣。成而神廟賜藏。余錄銅碑。訖東遵大  
道一里。踰垂支之脊。又一里餘。盤陸峽之上。得分歧  
焉。一過峽直東者。為聖峰路。一踰嶺北上者。為會燈  
路。始為登頂正道。余乃北踰上嶺。數曲而至會燈寺。  
南向。昔為廓然師靜室。今其嗣創為寺。由寺西更  
轉而北上。復數曲。一里餘而過迦葉寺。東向。此古  
迦葉殿也。今張按君建迦葉殿於絕頂。因改此為寺。  
云由其前北向入峽。其峽乃西自絕頂。東自羅漢壁。  
西崕相夾而成。中垂磴道。少上有坊。為羅李二先生  
游處。羅為近溪先生。汝芳李為見羅先。又上有亭。為  
仰高亭。中有碑。為萬曆間按君同懋相所立。紀登山  
及景仰二先生意。周亦江西人也。余前過此。見亭中  
額。不及錄其文而去。故此來先錄之。風撼西崕。閭寒  
凜倍於他處。錄竟。日色西傾。望其上。兜率菴。即前所



從下而其東橫綠之路出羅漢壁者前又曾抵此而  
返頂頭未了之事非可以餘晷盡也乃返步下仍過  
迦葉殿前見有峽東下壑中其壑底一菴在聖峰北  
者必補處菴也乃取道峽中隨壑下蓋綠脊下經會  
燈者為正道隨壑東下趨補處者為間道下二里過  
補處菴亦稍荒落恐日暮不入由其前渡峽澗南遂  
上坡過聖峰寺東向前有大坊由坊外東行里餘  
崗脊甚狹南北俱深坑逼之度脊又東里餘有寺新  
構當坡之中垂是為白雲寺余欲窮此支盡處遂東  
下行南澗之上二里則慧林菴踞坡盡處綠菴前轉  
下北澗渡之始陟中支行北澗與南澗乃合于路南  
其東即大覺蔬圃矣東半里過蔬圃北又東一里過  
息陰軒南又東一里過瀑布北遂去中支北陟西竺  
寺澗而行中東二支盡壑中矣又二里薄暮入悉檀  
寺

十一飯後覺左足拇指不良為皮鞋所窘也而復吾  
亦訂余莫出姑停憇一日余從之弘辨安仁出其師  
所著書見示禪宗讚頌老子玄覽碧雲山房稿弘辨更以紙帖墨刻

A 1 2 3 4 5 6 M 8 9 10 11 12 13 14 15 B 17 18 19



本公相昇。且言遍周師以青蚨相贖。余作東謝之。甫  
所勸。僕持去。而大覺復路過持來。余姑紉之。筭上午  
令頽僕持去。而大覺復路過持來。余姑紉之。筭上午  
赴復吾招。出茶菓皆異品。有本山參。以蜜灸為脯。又  
有孩兒參。頗具人形。皆山中產。又有桂子。又有海棠  
子。皆所未見者。大抵迤西菓品。吾地所有者皆有。惟  
栗差小而素無肉。松子胡桃花榭。皆其所出。惟龍眼  
荔枝。市中亦無菌之類。雞宗之外。有白生香蕈。白生  
於木。如半葷形。不負而薄。脆而不堅。黔中謂之八  
擔柴。石蜜最佳。白若凝脂。視之有肥膩之色。而一種

香氣甚異。因過安仁齋中觀蘭。品最多。有所謂雪

蘭。花白玉。蘭。綠花最上。虎頭蘭。最大紅舌白舌。以心中一

吐。最易開。其葉皆濶寸五分。長二尺而柔。花一穗有

二十餘朵。長二尺五者。花朵大二三寸。瓣濶共五六

分。北家蘭也。其野生者一穗一花。與吾地無異。而葉

更細。香亦清遠。其地亦重牡丹。悉檀無山茶。而多牡

丹。元宵前。蓋已大如雞卵矣。

十二。四長老期上九重。畦赴一初軒供。一初軒為木

歲支寺中粟百石。故以雨不能行。飯後坐齋頭。抵午  
每歲首供一次。



而霽。乃相拉上崖。始由寺左半里。上弘辨靜室基旁。又西半里。過天柱靜室旁。又北躋一里半。橫涉峽管。始與一西來路合。遂東盤峽上半里。其北又下墜一峽。大路涉峽而踰東北嶺。乃北下後川向羅川之道。小路扳脊西北上。乃九重岩之東道。其路甚峻。即余前所上者。第此時陰晴未定。西南望木香坪一帶。積雪崢嶸。照耀山谷。使人心目融徹。與前之麗日登空。又轉一光明法界也。一里餘。抵河南師靜室。路過其外。問而知之。雨色復來。余別衆淨侶。令先上一衲軒。而

獨往探之。師為河南人。至山即栖此廬。而曾未旁出。余前從九層崖登頂。不知而過其上。後從獅林欲橫過野。愚東點頭峰下。又不得路。躊躇至今。恰得所懷。此入廬見師。人言其獨栖。而一室三侶。人言其不語。而條答有叙。人言其不出。而把臂入林。絕非塊然者。九層嵯靜室得師。可與獅林羅漢鼎足矣。坐少定。一衲軒僧來邀。雨陣大至。既而雪霏。師挽留。稍霽乃別。踴登半里。有大道自西上。橫涉之。遂入一衲軒。崖中靜主大定拙明輩。皆供餐絡繹。迨暮不休。雨雪時作。



四長老以騎送余。自大道西下。其道從點頭峰下。橫盤脊峽。時嵐霧在下。深崖峭壑。茫不可辨。二里。與獅林道合。已在幻住菴之後。西與大覺塔院。隔峽相對矣。至此始勝騎。從幻住前下山。又四里而入慈檀。燐燈作趙揚州書。

十三晨起飯。以揚趙州書畀顧僕。令往致揚君。余追憶日記于東樓。下午雲淨天皎。

十四早寒。以東樓背日。余移硯於藏經閣前桃花下。就暄為記。上午妙宗師以雞菱茶菓餉。師亦簡藏其

處也。是日晴霽如故。迨晚。余忽病嗽。

十五余以嗽故。卧遲。午方起。日中雲集。迨晚而翳。

余欲索燈卧。弘辨諸長老邀過西樓觀燈。乃閩中團紗者。佐以柑皮小燈。或掛樹間。或浮水面。皆有熒明星意。樓下採青松毛鋪藉為茵。去卓跌坐。前各設盒果。注茶為玩。初清茶。中鹽茶。次蜜茶。本堂諸淨侶環坐滿室。而外客與十方諸僧不與焉。余因憶昔年龍三。里龍燈。一淨一鬧。粵西滇西方之異也。梵宇官衙。寓之異也。惟佳節與旅視無異。為閭然而起。



則殿角明蟾。忽破雲露魄矣。

十六晨。晨後移硯就暄。花藏經閣前桃花下。日色時  
翳。下午返東樓。嗽猶未已。抵暮復雲開得月。

十七作記東樓。雨色時作。

十八濃雲密布。既而開霽。薄暮領僕返自趙州。

十九飯後。晴霽殊甚。遂移卧具。由悉檀而東。越大乘  
東澗。一里上脊。即迎祥寺。從其南上。寺後半里為石  
鐘寺。又後為員通極樂二菴。極樂之右。即西竺。西竺  
之後。即龍華。從龍華前西過大路。已在西竺之上。去

石鐘又一里矣。龍華之北坡上。即大覺寺。龍華西臨  
澗。又有一寺。前與石鐘同東南向。從其後渡澗。即彼  
岸橋。下流即息陰軒。已為中支之脊矣。從軒左北向  
上。過觀音閣。為千佛寺。其前即昔之街子。正當中脊。  
今為墟矣。復北渡澗。從大覺側西北上。寺僧留入。謝  
之。仍過澗橋。上有屋額曰彼岬同登。其水從望臺嶺  
東下。界於寂光大覺之間者。龍華至此。又一里矣。過  
橋。復躡中支。上半里中脊。為水月菴。脊之東腋為寂  
光。脊之西腋為首傳僧淨方。年九十矣。留余未入。由



寺右盤一嘴。東覩一菴。桃花嫣然。松影歷亂。趨之。即積行菴。在水月之西。首傳之北。僧覺融留飯。後乃從菴左東上。轉而西北。登脊。從中支脊上二里。有靜室。當脊。是曰烟霞室。克心之徒本和所居。由其西分岐上羅漢壁。由其東盤峽上旃檀嶺。從峽西下路北。向作之字上一里。得克心靜室。克心者用周之徒。昔住持寂光。今新構此。退休其地。當垂脊之左。東向稍帶南。又以西支外禾字孔大山為虎砂。以點頭峰為龍砂。龍近而虎遠。又與獅林之砂異。其東有中和靜室。亦其徒也。為斝茶所焚。今中和往省矣。留余點果。稠疊久之別。已下午。遂從右上。小徑峻極。令其徒偕上半里。得西來大道。隨之東上。又半里。陟旃檀嶺脊。而西南行。經烟霞室。漸轉東南。為水月寂光。由其前。又西南一里。盤一嘴。有廬在嘴上。余三過。皆鑰門不得入。其下即白雲寺所托也。又西半里。再盤突嘴。而上。即慧心靜室。慧心為幻空徒。始從野愚處會之前。曾過悉檀來叩。故入叩之。方禪誦會燈菴。其徒供茶而去。後即碧雲寺。不入。從其側。又盤嘴兩重。二里北。



上西來寺。西經印雪樓前。又西循諸絕壁行。一里為一真蘭若。其上覆石平飛。又西半里。岬盡而成峽。即峰頂。與羅漢壁夾峙而成者。自上塊率宮。下抵羅李二先生坊。兩壁夾成中溜。路當其中。溜之半。崖脚內嵌。前聳巨木。有蒼碑刻。岫崔詩。乃題羅漢壁者。中橫一岐。由其上陟溜半里。過玄武廟。又半里。過兜率宮。已暮。而宮圯無居人。又上一里。扣銅佛殿。入而栖焉。即所謂傳燈寺也。前適時。朝山之履相錯。余不及入。茲寂然久之。得一老僧。啟戶宿。

二十日晨起。欲錄寺中古碑。寒甚。留俟下山。錄遂置行具寺中。寺中地俱大。理石所鋪。蓋以登頂二道。俱從寺而分。還必從之也。出寺。將北由架梁石上。念猗孫梯前已躡之。登其嵯端而下。束身峽向。雖從之下。猶未及仰升。不若由南上北下。庶交覽無偏。乃從寺右循嵯西行。遂過華首門而西。崖石上下俱峭甚。路緣其間。止通一線。下瞰則放光寺正在其底。上眺則峰頂之捨身嵯。即其端。而莫能竟也。共西一里。有岐懸嵯側。余以為下放光道。又念層嵯間何能垂隙下。少下水出嵯。



側樹根間。剝木盛之。是為八功德水。剝木之外無餘地。水即飛洒重崖。細不能見也。路盡仍上。即前西果入大道處。有草龕倚崖間。一河南僧習靜其中。就此水也。又西半里。稍上。又半里。為曹溪寺。止三楹。倚崖。門扁無人。其水較八功稍大。其後危崖。稍前抱如玦。余扳石直躋崖下。東望左崖前抱處。忽離立成峰。負若卓錫。而北並崖頂。若即若離。移步他轉。即為崖頂。所掩不可辨。惟此處則可盡其離裏之妙。而惜乎。簷曾累址。今已成棘。人莫能登。蓋離山無拔地之峰。

此一見。直如閃影也。又西半里餘。過東身峽下。轉而南。過伏虎菴。又南通禮佛菴。共一里。再登禮佛臺。南懸桃花箐。過脉之上。正與木香坪夾箐相對。西俯挑花箐。東俯放光寺。如在重淵之下。余從臺端墜石穴而入。西透窟而出。復有聳石。攢隙成臺。其下皆危崖萬仞。棧木以通。即所謂太子過元關也。過棧。即臺後禮佛龕。昔由棧以入穴。今由窟以出棧。其憑眺雖同。然前則香客駢趾。今則諸菴皆扃。寂無一人。覺身與灝靈同其游行而已。棧西沿崖端北轉。有路可循。



因披之而西。遂過桃花箐之上。共一路里窮。乃樵徑也。仍迂過伏虎菴。由東身峽上。峽勢逼束。半里透其上。是為文殊堂。始聞有老僧持誦聲。路由其前踴脊。乃余前東自頂來者。見其後有小徑。亦踴脊西去。余從之。蓋文殊堂脊處。乃脊之坳。從東復聳而起者。即絕頂之造而為城者也。從西復聳而起者。桃花箐之度而首峙者也。西一里叢木蒙茸。雪痕連亘。遂造其極。蓋其山自桃花箐北度。即凌空高峙。此其首也。其脊北垂而下。二十里而盡於大石頭。所謂後距也。其

橫亘而東者。至文殊堂後。少遜而中伏。又東而復起為絕頂。又東而稍下。遂為羅漢壁。梅檀嶺獅子林。以後之脊。又東而突為點頭峰。環為九重崖之脊。皆迤邐如屏。于是掉尾而南轉。墜為塔基馬鞍嶺。則雞山之門戶矣。垂脊而東。直下為雞坪關。則雞山之脰足矣。故山北之水。北向而出於大石。東山西之水。其南發於西洱海之北者。由和光橋。西發於河底橋者。由南北衙。皆會於大石之下。東環牟尼山之北。與賓川之流。共北下金沙大江焉。始知南龍大脉。自麗江之



西界東走為文筆峰。是為劍川麗江界。抵麗東南丘塘。閔南轉為朝霞洞。是為劍川賓慶界。又直南而抵腰龍洞山。是為賓慶鄧川州界。又南過西山灣。抵西洱海之北。轉而東。是為鄧川太和界。抵海東隅。於是正支則遵海而南。為青山太和賓川州界。又東南峙為烏龍坝山。為趙州小雲南界。遂東渡為九鼎。又南抵于清華洞。又東度而達於水目焉。分支由海東隅北峙為木香坪之山。從桃花塢北度。是為賓川鄧川界。是雞足雖附於大支。而猶正脊也。登此直北望雪

山。茫不可見。惟西北有山一帶。自北而南者。雪痕皚皚。即腰龍洞南北銜。西倚之山也。其下麥畦浮翠。直逼雞山之麓。是為羅川。若一琵琶。蟠地。雖下三十里。而黛色欲襲人衣。四顧他麓。皆平楚蒼々也。西南洱海。是日獨瀟蕩如浮盃在掌。蓋前日見雪山而不見海。今見海而不見雪山。所謂陰晴衆壑殊。出沒之不可定如此。峰之西盡處也。東還一里。過文殊堂後。脊於是脊南皆危崖凌空。所謂捨身崖也。愈東愈甚。余凌其端。瞰之。其下即東身峽。東抵曹溪。後東峰向



躋其下。今臨其上。東峰一片。自嵯底並立而上。相距  
犬餘。而中有一脉聯屬。若姆指然。可墜岫上其巔也。  
余扳踞後之。頑僕不能至。時罡風橫厲。欲捲人擲向  
空中。余手粘足踞。幸不為捨身者幾希矣。又共一里。  
入頂城門。實西門也。入多寶樓。河南僧不在。其徒以  
菜豆粥。芝麻鹽為餉。余再錄善雨亭中未竟之碑。下  
午。其徒復引余觀其師退休靜室。其室在城北二里。  
即前所登西峰之北岫也。路由文殊堂脊。北向稍下。  
循西行。當北垂之腋。室三楹。北向環拱。亦稱。蓋雞山

迴合之妙。俱其南當山北者。僅有此。亦幽峻之奧區  
也。其左稍下。有池二方。上下連漚。水不多。亦不竭。頂  
城所供。皆取給焉。還抵城北。竟從城外趨南門。不及  
入迦葉前殿。由門前東向懸石隙下。一里有殿三楹。  
東向。額曰萬山拱勝。而戶亦扁。由其前下墜。級甚峻。  
將抵猢猻梯。遇一人。乃悉檀僧。令來候余者。以麗江  
有便來邀也。遂同下。共一里。而至銅佛殿。余初擬宿  
此。以候者至。乃取行李五里。過碧雲寺。前直下五里。  
過白雲寺。由寺北渡一小澗。又東五里。過首傳寺。後



時已昏黑。又三里過寂光寺西。候者腰間出一石如栗。擊火附艾。拾枯枝燃之。遵中支三里。叩息陰軒門。出火炬為導。又一里餘。踰瀑布東脊而北。又三里而至悉檀。弘辨師引麗府通事見。以生白公招東來致。相與期遲一日行。

廿一。余約束行李為行計。通事由九重嵯為山頂游。將午。復吾邀題七松冊子。弘辨又磨石。令其徒雞仙書靜聞碑。

廿二。晨飡後。弘辨具騎候行。余力辭之。遂同通事就

道。以一人擔輕裝。後而重者姑寄寺中。擬復從此返也。十里過聖峰寺。越西支之脊而西。共四里。過放光寺。入錄其藏經聖諭。僧留茶出。問所謂盤陀石靜室者。僧指在西北危崖之半。仰視寺後層嵯。并華首上下。合而為一。所謂九重嵯者。必指此而名。開山后人但知為華首。覓九重故迹而不得。始以點頭峰左者當之。誰謂陵谷無易位哉。由寺西一里餘。始踰岫而上。又一里餘。上甚峻。乃踰脊。南北相屬。東西分坑下墜。所謂桃花箐也。脊有两坊。俱標為賓鄧分界。其



處陟歷已高。向自禮佛臺眺之。直似重淵之底。由  
箐西隨箐下。二里有葉舍夾道。為前歲底朝山賣漿  
者所托處。今則寂然為畏途。其前分岐西南者為鄧  
川州道。直西者為羅川道。乃通麗江者。遵之迤邐下。  
二里有巷當路北。山下曰金花巷。又西下三里。連  
有二澗。俱自東而西。注即桃花箐之下流也。各有板  
橋跨之。連越橋南。始循南山西向行。一里有寺踞南  
山之脊。曰大聖寺。西向乃從其前踰脊南下。又值  
一澗亦西流。隨之半里。澗與前度二橋之流俱轉峽

北去。路乃西半里踰南山北突之岫。西其坡始西  
懸而下。路遵之。四里村在南山塢間。是為白沙嘴。隨  
嘴又西下二里。忽見深壑自南而北。溪流貫之。梁東  
西跨其上。乃墜壑而下。二里始及梁端。所謂和光橋  
也。雞山西麓。至是而止。其水南自洱海東青山北谷  
來。至此頗巨。北向合桃花箐水。注於大石頭者也。麗  
府生白公建悉檀之餘。復建此梁。置屋數楹跨其上。  
橋之西有小徑。自北而南。溯流循峽者。乃浪滄衛通  
大理道。與大道十字交之。大道隨流少北。即西上嶺。



盤旋而上。或峻或夷。五里越其岫。西北下。四里始夷。又一里為羅武城。其處塢始大開。自此山之西。開東西大塢。直至千戶營。塢分為二。始轉為南北塢。皆所謂羅川也。向自山頂西望。翠色襲人者。即此。皆麥與蚕豆也。羅武無城。一小村耳。村北有溪。西自千戶營來。即北衙河底之水。至此而東北墜。峽。今和光橋下。流而東北。經大石頭者也。於是循南山行。溪南二里。村在溪北山下。曰百戶營。又西五里。村在溪北懸崗上。曰千戶營。之西有山。西自大山分枝。東南下。突於塢中。塢遂中分。當山之西南者。其塢迴盤。其水小。為西山灣。新厰在其東南。而路出其西北。當山之東北者。其塢遙達。其水大。為中所屯。南北二衙。又在其西北。而路則由山之西南逾岫以入。於是從千戶營溪南。轉入南塢。一里餘。至新厰。皆淘砂。煎銀者。乃北一里餘。抵分界山陽。渡一小流。循山陽西北行。三里。北踰過岫。于是稍下。循西大山之麓。北向行。其東又成南北大塢。即千戶營之上流也。北一里有村。倚西山坡。是為中所屯。乃鄧川雍慶分界處。悉檀寺庄房在焉。乃



入宿。悉檀僧已先傳諭之。故守僧不拒云。

廿三日晨飯於悉檀庄。天色作陰。乃東下塢中。隨西山

麓北行。二里有支崗。自西山又橫突而東。乃踞其上。

有岐。西向登山者。為南衙道。腰龍洞在焉。北向踰岫

者。為北衙道。霍慶之大道隨之。余先是聞腰龍洞名。

乃令行李同通事後大道行。期會於松檜。地名大道托宿處

余同顧僕策杖携傘。遂分道從岐。由山脊西上一里。

稍轉而南。復有岐。緣南麓而去。余惑之。候驅驪馬者

至。問之。曰。余亦往南衙者。大路從此。西踰嶺下。約十

### 雞鳴寺

里。余問南岐何路。曰。此往雞鳴寺者。問寺何在。其人

指南。箬夾岬間者是。然此岐隘不可行。忽一人後至。

曰。此亦奇勝。即從此。夾踰南岫。亦達南衙。與此路由

中岫者同也。余聞之喜甚。曰。此可兼收也。謝其人。遂

由岐南行。里許。轉入夾岬下。扳岬隙。透一石隙而入。

其石自岬端垂下。外掉岬底。若象鼻然。中透一穴。如

門。穿門即由峽中上躋。亦猶雞山之束身焉。登巖上。

則上岬岬然橫列。若洞若龕。若門若樓。若棧者。駢峙

焉。洞皆不甚深。僧倚之為殿。左為真武閣。又左為觀



音龕。皆東北向下危壁。殿閣之間。又垂崖兩重。俱若象鼻。下揲崖底。而中通若門。有僧兩人。皆各踞一龕。見客至。胡麻方熟。輒邀同飯。余為再啜。而盃見龕後。有石脊。若垂梯而上。跣而珥之。復有洞懸其上層。中空而旁透小穴。崖之左右。由夾中升嶺。即南岫道。而崖懸不通。復下。由穴門出。即轉崖左西南上。仰見上。崖復懸亘而中岬然。有岐細若虫跡。扳條從之。又得一大穴。其門亦東北向前。甃石為臺。樹坊為門。曰青蓮界。其左藥灶。碑板俱存。而無字。無人。棘蘿旁翳。無

可問。為何人未竟之業。其右復有象鼻外垂之門。透而南。復有懸縮高搭之幃。之右。上崖有洞。巍張。下崖。即二僧結菴之處。然磴絕。俱莫可通。乃仍由青蓮界出。東夾。再上半里。而崖窮。夾盡。山半坪開。又有泉。自南岫東出。由坪而墜於崖之右。又分而交濛坪。墜於崖之左。崖當其中。濯靈滌竅。遂成異幻。由坪上溯流半里。北而入峽。峽中之流。傾湧南向。溯之一里。澗形不改。西有巨石當其中。石之下。則湧水成流。而石之上。惟礫石堆澗。絕無水痕。又溯枯澗北行半里。



路窮茅翳。蓋其澗自西峽來。路當北去也。乃東向跼  
嶺。扳崖躋棘。又半里。得南來路。遂隨之北。半里西涉  
一塢。復升隴而西。有岐入西南峽中者。頗小。其直北  
下隴者。頗大。余心知直北者為南衙道。疑腰龍洞在  
西南峽中。遂望峽行半里。不得路。遙聽西北山巔有  
人語聲。乃竭蹙扳嶺上。一里。得東來道。又一里。得驅  
犢者。問之。則此路乃西向踰脊。抵焦石峒者。問腰龍  
洞何在。曰。即在此支嶺之北。然嶺北無路。須隨路仍  
東下山。折而北。至南衙。乃可往。蓋是山大脊。自北而

南。脊之西為焦石峒。脊之東。一支東突。其北腋中則  
腰龍洞所在。南腋中。即此路也。余乃悵然。遂隨路。迤  
東下一里。乃轉而東北下。又一里。抵山麓。循之北行。  
又一里。至南衙。村不甚大。倚西山而東。臨大塢。其塢  
北自北衙。南抵中岫。其中甚寬。蓋此中大塢。凡三曲  
三關。最北者為此塢。南北亘。以北岫東隘為峽口。  
其南即中所屯塢。亦南北亘。以江陰村為峽口。其  
南即千戶營。百戶營。塢。東西亘。以羅武村為峽口。  
搃一溪所貫。皆謂之羅川云。由南衙後。西南上山。磴



腰龍洞

道甚闊。一里半有亭有室。當山之半。其旁桃李燁然。亭後跂級而上。有寺。門榜曰金龍寺。門內有樓。前臨平川。後瞰洞底。甚勝也。樓後即為洞門。洞與樓俱東向。門懸嵌而下。極似江右之石城洞。西壁上穹。覆而下。崕峒南與北漸環而轉。惟西面可累級下。五丈。一石突起。當洞之中。西聳而東削。斲以為臺。亭其上。供白衣大士。其亭東對層級。架木橋以登。西瞰洞底。瀦水環其下。沉紺映碧。光怪甚異。亟由橋返級。穿橋下。緣臺左西降十餘丈。而後及水。嵌西崖足。西面澗約三丈。南北二面漸抱而縮。然三面皆絕壁環之。無有旁竇。水滂涵其間。儼若月芽之抱魄也。水中深淺不一。而澄澈之極。煥然映彩。極似安寧溫泉。淺者浮綠。深者沉碧。掬而嘗之。甘冷異常。其洞以在山之半。名為腰龍。而文之者。額其寺為金龍。洵神龍之宮也。洞口如仰盂。下員如城。水濛三面如珎。石脊中盤如垂舌。其異於石城者。石城旁通無極。而此則一水中涵。若其光瑩之異。又非他水可及也。久之。仍上洞口。始登前樓。則前楹後軒。位置俱備。而僧人他出。扁



鑰不施。仍一里餘。下至南街。問松檜道。俱云行不能  
及。乃竭蹶而趨。由南街後傍西山而北。二里。是為北  
街。神廟當北街之南。門東向。其後大脊之上。駢崖轟  
夾。有小水出其中。廟之北有公館。市舍夾道甚盛。折  
而東。共半里。而市舍始盡。蓋與南街迥隔矣。二街俱  
銀礦之廠。獨以街稱者。想其地為盛也。東與南來大  
道合。復北行一里餘。市舍復夾道。蓋烹煉開爐之處  
也。過市舍。遂北下坡。又一里餘。及其底。始知南北兩  
街猶山半之塢也。其峽既深。有巨澗流其間。自北而

南。是為河底。蓋即羅川之上流。有小流自西峽來。入  
置木橋於上。越之。又北。見石梁跨巨澗。中界巨石。  
梁東西兩跨之。就其中為閣。以供白衣大士。越橋之  
東。溯澗北向。上危崖倚道。盤級而登。右崖左澗。下嵌  
深淵。上削危壁。五里登坪脊。有枯澗。塹山頭。亦跨石  
梁。渡梁北。有殿新構。有池溢水。有亭施茶。余入亭飯。  
一僧以新瀹茶獻。曰。適通事與擔者。久待於此。前途  
路遙。托言速去。蓋此殿亦麗江所構。以施茶者。故其  
僧以通事命。候余而致之耳。余亟飯行。竟忘其地為



熱水橋。而殿前所流即熱水也。既從其側。又過一石梁。跨山頭。與前梁同。而下有小水。西墜巨澗。過梁。從中脊北向而行。東西俱有巨山夾之。蓋西界大山。自雀慶南來。至七坪老脊。直南高亘於河底之西者。為魯擺。由七坪東度。分支南下。即此中脊。與東界之山。故此中脊之北。又名西邑。蓋西邑與魯擺皆地名。二山各近之界。坊遂以為名焉。中脊與魯擺老脊夾成西峽。此河底之流所自出者。蓋源於七坪之南。云行中脊十里。脊東亦盤為中窪之宕。脊懸西峽東窪之間。狂風西來。欲捲人去。又三里。乃西北上嶺一里。又躡嶺而西。半里。乃西北下。一里抵塢中。是為七坪。即中界所度之脊。與西界大山夾成此坪。為河底之最高處也。由坪中北行二里。始為度脊隘口。脊南有西三家當道。脊西有村落倚山。桃李燦然。時日已下暮。尚去松檜二十里。亟踰隘北行五里。少出西界。巨山如故。而東界亦漸夾成窪。中石穴下陷。每若坑若穿。路循東脊行。又數里有數家當北峽之口。曰金井村。始悟前之下穿累者。皆所稱金井者耶。隘口



桃花夾村。嫣然若笑。由村北東向下坡。一里漸夷。及東行嶺脊。左右漸夾而成脊。由脊行三里。復由脊北。墜坑東下。一里抵其麓。於是塢乃大開。有三楹當麓之東。亦梵龕也。由其前東向徑平塢而馳。望東峰南。北高聳者。日光倒映其尖。丹葩一點。若齒齒之擊空也。蓋西山屏亘甚高。東峰襍沓而起。日啣西山。迤射東山。其低者日已去而成碧。其高者日尚映而汎丹。丹者得碧者環簇。其下愈覺鮮妍。世傳霍慶有石寶之異。西映為朝霞。東映為晚焰。即此意也。東馳二里。

過數家之舍。又東一里。漸墜壑成澗。向東南去。乃折而北度一隴。又一里有公館在西山麓。左右始有村落。知其為松檜矣。而猶未知居停何處也。又北半里。擔者倚閤門而呼。乃入之。已就晦矣。是家何姓。江右人。其先為監版。委官。遂留居此。廿四日。味爽。飯於松檜。北向入山峽。松檜之南。山盤大壑而無水。溝澗形似亦望東南去。松檜之北。山復旋夾為塢。山水循南行。五里登坂。為波羅庄。山從此自西大山度脊而東。脊不甚高。而水分南北。又北五里。



望北塢村落高下。多傍西大山。是為山庄。於是北下  
隨小溪北行。五里間聚廬錯出。桃杏繽紛。已而直抵  
北山下。有倚南山居者。是曰三庄河底村。北溪自  
西而東。一自三庄西谷來。一自河底村南谷來。皆細  
流。一自西北大山夾中來。俱合於河底村北。東流而  
去。亭橋跨之。橋北即龍珠山之南麓矣。龍珠山者。今  
名象眠山。自西大山之東分支東亘。直接東大山之  
西麓。其北之西大山。即老龍之脊。皆自北而南。其北  
之東大山。即峰頂山。亦皆自北而南。中夾成南北大

焉。樣共之江。亦自麗江南下。滯窟城之東。而南至此  
為龍珠所截。水無從出。於是自峰頂之麓。隨龍珠西  
轉。得龍珠骨節之穴。遂搗入其中。寸寸而入。凡百零  
八穴而止。土人云昔有神僧偈多尊者修道東山峰  
一洞以窟川一帶供水滙成海無所通洩乃  
發願携錫杖念珠下山意欲通之路過一婦人手持  
瓢問師何往師對以故婦人曰汝願雖宏恐功力猶  
未試以此瓢擲水中瓢還乃可得不然須更努力也  
師未信携瓢棄水中瓢沉而去已而果不護通復  
還峰潛修二十年以瓢擲水隨擲隨回乃以念珠擲  
水中隨珠所止用杖戳之無不應手通者適得穴一  
百零八隨珠數也今土人感師神力立寺眾六衆水  
之上以報德焉。統志作偈多土人作摩伽陀衆水  
於山腹合而為一同泄於龍珠之東南麓。大路通河

A 1 2 3 4 5 6 M 8 9 10 11 12 13 14 15 B 17 18 19



底橋。即踰龍珠而北。與出入諸水洞。皆不相值。以俱在其東也。余乃欲從橋北。隨流東下。就小徑窮所出洞。令通事及擔者從大路往。擔者曰。小徑難覓。不若同行。蓋其家在入水洞北。亦便於此也。余益喜。遂同東向。隨溪行。龍珠山之南一里。反越溪南。半里。又渡溪北。其路隘甚。而夾溪皆有居者。又東半里。楓寮河東南。瀉峽去。路東北。踰龍珠支嶺。而下。西上。東北。盤嶺共四里。其路漸上。俯瞰東南深峽中。有水破峽奔決。即合併出穴之水也。其水南奔峽底。與楓寮之水

合。而東南經峰頂山之南。峽以出。下金沙大江。然行處甚高。水穴在重崖下。出。俯視不見其穴。令通事及擔坐待道旁。余與頽僕墜壑東南下。半里。不得路。躑躅草石間。轉向東。筭半里。又南。过半里。始下。至壩底。乃西向。溯流披棘。入共半里。則巨石磊落。堆疊壩中。水從石隙。泛溢交湧。余坐巨石上。止見水與石爭隙。不見有餘穴。雪躍雷轟。交於四旁。而不知其所從來也。久之。復迂從舊道。一里餘。扳石亂躍。又半里。登大道。遂東北上。半里。轉一峽。見後有呼者。乃通事與



擔夫也。於是北半里上攢石間。北過脊。始北望。兩山排闥。一場中盤樣。共江絡其東。又一少水。緯其西北。皆抵脊下而不可見。其西山之北。夾而遙接於東北。隅者。是為麗府丘塘。閼所踞。樣共水所從出也。乃北下山。一里餘。及其麓。有寺懸麓間。門北向。其下即入水之穴也。不及入寺。急問水。先見一穴。乃西來小流所入。其東又有平土。丈餘。隔之。東南之樣。共江。屢經穴而屢分墜。至是亦遂窮。然則所謂一百八穴者。俱在東也。余因越水。北東向溯流。見其從崖下過。一

穴。輒旋穴下。灌如墜甕口。其聲鳴。每穴遠者丈餘。近者咫尺而已。既而復上寺前。乃北下渡。西來小流。有小石梁跨之。北一里有村。當平崗間。是曰甸尾村。擔者之家在焉。入飯於桃花下。既乃西北行。三里餘。而入南來大道。即河底橋。北上踰嶺者。於是循西山。又北五里。是為長康鋪坊。有河流自西南峽來。巨石橋跨之。碑在橋南。稱為霍川橋。蓋霍川者。一川之通名。而此橋獨擅之。亦以其冠一川也。橋北有岐。溯流西南。為大理府大道。故於此設鋪焉。過橋不半里。為



長康關。廬舍夾道。是日街子。市者交集。自甸尾至此。村落散布。廬舍甚整。桃花流水。環錯其間。其西即為朝霞寺峰。正東與石寶山對。於是路轉東北。又八里餘。而入崔慶南門。城不甚高。門內文廟宏整。土人言於滇中亦麗江木公以千金助成由其東北行半里。稍東為郡治。由其西。又北行半里。出一鼓樓。即新城之北門也。其北為舊城。守禦所在焉。又北半里。而出舊城北門。稍西曲而北一里。復東曲而北四里。為演武場。在路東。從其西。又北五里。過一村。又五里。為大板橋。下水頗

大而潏。乃自西而東。下樣共江者。時所行路。當甸塢之中。東山下。江隨沿之。西山。下村廬倚之。自此橋之北。麓路石皆齒。如編。仰管之半。礫趾難措。又北六里。為小板橋。小於前。而流亦次之。然其勢似急。又北七里。為甸頭村之新屯。居落頗盛。稍轉而東。有王貢士家。遂入而托宿。王貢士今為四川訓導。其孫為余言。其西北山。半有清玄洞。甚妙。下有出水龍潭。又北有黑龍潭。若沿西山行。即可盡觀。是日欲抵馮密宿。以日暮。遂止於此。廿五。昧爽。飯而行。北二里。為馮密村。廬亦盛。甸頭之村止此矣。蓋西北有高崗一支。垂而東南下。直逼



東山文筆峰下。江流亦曲而東。高崗分處。其腋中  
有黑龍潭之水。亦自西大山出。南流而抵馮窰。乃沿  
高崗之南而東。注樣共江。霍慶麗江。以此為界云。馮  
窰之西。有佛宇高擁崖畔。即青元洞也。余望之欲入。  
而通事苦請俟回駕。且云明日逢六主出視事。過此  
入靜攝。不即出。余乃隨之行。即北上崗。四里有路橫  
斜而成。又字交。是為三空黃泥崗。其西南腋中。松連  
箐墜。即黑龍所托也。於是西北之山。皆荒石濯。而  
東北漸有一二小村。倚山下。其崗脊則一望皆茅云。

又北一里為哨房。四五家當崗而踞。已為麗江所轄  
矣。又北行崗上八里下。其東北塢盤水曲。田疇環焉。  
下一里。數家倚西山。路當其前。是為七和南村。又北  
二里。如官舍而整。是為七和之查稅所。商貨出入者  
俱稅於此。七  
和者麗江之地名。其北又有新構大宅。乃其次子所  
有。九和十和諸稱。居也。由其前北向行。又盤一支嶺而北。七里乃漸轉  
西北。始望見丘塘。闌在北山上。而樣共之水已嵌深  
壑中。不得見矣。於是路北石山橫起。其崖累。雖不  
高。與大山夾而成峽。遂從峽間西北上。一里踰其東



度之脊。又西北二里餘。乃北下。枯壑橫陟之。半里。復  
北上崗。西北行崗上半里。又北半里。渡一小橋。半里。  
乃北上山。其山當西大支。自西東來。至此又橫疊一  
峰。其正支轉而南下。其餘支東下而橫亘。直逼東山。  
扼麗江南北水之流。破東山之峽。而出為樣共江。此  
山真麗之鎖鑰也。麗江設閘於巖脊。以嚴出入。又置  
塔於東垂。以鎮水口。山下大道稍曲。而東由塔側上。  
小道則躡崖直北登。余從其小者。皆峻石累垂。峰稜  
峭削。空懸屈曲。一上者二里。始與東來大道合。則山  
之脊矣。有空三楹。東南向踞之。中闕為門。前列二獅  
守者。數家居其內。出入者。非奉木公命。不得擅行。遠  
方來者。必止。閤者入。白命之。入乃得入。故通安諸州  
守。從天朝選至。皆駐省中。無有入此門者。即詔命至。  
亦俱出迎於此。無得竟達。巡方使與查盤之委。俱不  
及焉。余以其使奉迎。故得直入。關隨西山北行。二  
里。下一坑。度坑底。復登坡而北。一里。稍東北下山。又  
東北橫度坡間者二里。始轉而北。二里。過木家院。東  
又北二里。度小橋。則土崗一支。西南自大山之脊。分



當即廣興  
記所謂珊  
碧外龍山

崗環而東北直抵東山之麓。以扼樣共江上流。由崗南涉其上。是為東圓里。北行嶺頭西南瞻大脊。東南瞰溪流。皆在數里之外。六里乃下。隴北平疇大開。夾塢縱橫。崗下即有一水。西自文筆峰環塢南而至。有石梁跨其上。曰三生橋。過橋有坊二在其北。旁有守者一。二家。於是西北行平疇間矣。北瞻雪山。在重塢之外。雪幕其頂。雲氣鬱勃。未覩晶瑩。西瞻烏龍。在大壑之南。尖峭獨拔。為大脊之宗。郡中取以為文筆者也。路北一塢。窈窕東北入。是為東塢。中有水南下。萬

按後注此  
又另一山  
非雀慶之  
象眼也

字橋水西北來會之。與三生橋下水同出。丘塘東者也。共五里。有柳徑抱簪立田間。為土人送行折柳之所。路北即萬字橋。水滌流而東。水北即象眠山。至此南盡。又西二里。歷象眠山之西南垂。居廬駢集。縈波帶谷。是為麗江郡所托矣。於是半里。度石梁而北。又西半里。稅駕於通事者之家。其家和姓蓋麗江土著。官姓為木民。姓為和更。無別姓者。其子即迎余之人。其父乃坐余樓上。獻酪曾奉差入都。令以居積蓄貨為業。為醴。余不便沾唇也。時終過午。通事即往復命。余處其家待之。東橋之西共一里。為西橋。即萬字橋也。俗



又謂之玉河橋。象鼻水從橋南下。合中海之水而東。泄於東橋。蓋象鼻之水土人名為玉河云。河之西有小山兀立。與象眠南居處。夾溪中峙。其後即關為北塢。小山當塢。若中門之標。前臨橫壑。象鼻之水夾其東。中海之流經其西。後倚雪山。前拱文筆。而是山中處獨小。郡署踞其南。東向臨玉河。麗江諸宅多東向。以受木氣也。後幕山頂而上。所謂黃峰也。俗又稱為天生寨。木氏居此二千載。宮室之麗。擬於王者。蓋大兵臨則俯首受。繼師返則夜即自雄。故世代無大兵燹。且產鑛獨盛。

宜其富冠諸土郡云。

廿六晨飯於小樓。通事父言。木公聞余至甚喜。即命以明日往解脫林。候見傳諭諸從者。備七日糧以從。

蓋將為七日款也。

廿七日微雨。坐通事小樓。追錄前記。其地杏花始殘。桃猶初放。蓋愈北而寒也。

廿八日通事言木公命駕。下午向解脫林。解脫林在北塢西山之半。

蓋雪山南下之支。本郡諸刹之冠也。

廿九晨起。具飯甚早。通事備馬。候往解脫林。始過西

A 1 2 3 4 5 6 M 8 9 10 11 12 13 14 15 B 17 18 19



橋由郡署前北上。挾黃峰東麓而北。中北塢而行。五里東瞻象眠山。始與玉河上流別。又五里。過一枯澗。石橋西瞻中海。柳岬滌波。有大聚落臨其上。是為十和院。其後即十和山。自雪山南下之脉也。又北十里。有大道北去者。為白沙院路。西北度橋者。為解脫林路。橋下澗頗深。而無滴瀝。既度橋。循西山行五里。為崕脚院。其處居廬交集。屋角俱插小復旗。乃把事之家也。院北半里有澗。自西山峽中下。木梁跨其上。度橋西北。陟嶺為忠甸大道。由橋南溯溪。西上嶺者。即解脫林道。乃由橋南西向踴嶺。甚峻。二里稍夷。折入南峽半里。則寺倚西山上。其門東向。前分一支為案。即解脫林也。寺南崗上有別墅一區。近附寺後。木公憇止其間。通事者引余至其門。有大把事二人來揖。俱姓和一。主大見陳芝臺者。一主武。其體幹甚長壯。而面黑。真猛士也。介余入。木公出二門。迎入其內室。交揖而致。慇懃焉。布席地。平板上。主人坐在平板下。其中極重禮也。叙談久之。茶三易。余乃起。送出外廳事門。令通事引入解脫林。寓藏經閣之右。廂寺僧之住持者為滇人。頗能體主人意。款客焉。



日游滇記七

刊本作滇遊日記七

二月初一日。木公命大把事。以家集黑香白磁十來餽。

下午設宴解脫林東堂。下藉以松毛。以楚雄諸生許

姓者陪宴。仍備以盃緞。銀盃二面。綠緞一疋。大餚八十品。羅

列甚遙。不能辨其孰為異味也。抵暮乃散。

初二乃入其所栖林南淨室。相迎設座如前。既別。仍

還解脫林。昨陪宴許君來。以白磁易所備綠緞紗去。

去下午。又命大把事來。求作所輯雲遊淡墨序。

初三余以序稿送進。復令大把事來謝。所饋酒果。有

A 1 2 3 4 5 6 M 8 9 10 11 12 13 14 15 B 17 18 19





白葡萄龍眼荔枝諸貴品。酥餅油線細若髮絲中纏  
松子肉為片甚  
脆髮糖白糖為絲細過於髮千條萬縷合  
揉為一以細麩勃之合而不膩諸奇點。  
初四有雞足僧以省中錄就雲邁淡墨繳納木公。木  
公即令大把事傳示求為較正。其所書洪武體雖甚  
整而訛字極多。既舛落無序而重疊顛倒者亦甚。余  
略為標正且言是書宜分門編類庶無錯出之病。晚  
乃以其書繳入。

初五復令大把事來致謝言明日有祭丁之舉不得  
留此盤桓特令大把事一人聽候求再停數日煩將  
淡墨分門標類如余前所言余從之以書入謝且求  
徃忠甸觀所鑄三丈大銅像既午木公去以書答余  
言忠甸皆古宗路多盜不可行蓋大把事從中沮之  
恐覘其境也。是日傳致油酥麪餅甚巨而多一日不  
能盡一枚也。

初六余留解脫林校書木公雖去猶時遣人餽酒果  
有生雞大如鶩通體皆油色黃而體員蓋肥之極也  
余愛之命頤僕臧為臘雞解脫林倚白沙塢西界之  
山其山乃雪山之南十和后山之北連擁與東界翠



屏象眠諸山。夾白沙為黃峰後塢者也。寺當山半東向。以翠屏為案。乃麗江之首刹。即玉龍寺之在雪山者不及也。寺門廡階級皆極整。而中殿不宏。佛像亦不高巨。然崇飾莊嚴。壁宇倩潔。皆他處所無。正殿後層臺高拱。上建法雲閣。八角層甍。極其宏麗。內置萬曆時所賜藏經馬。閣前有兩廡。余寓南廡中。兩廡之外。南有員殿。以茅為頂。而中寶磚盤。佛像乃白石刻成者。甚古而精緻。中止一像。而無旁列。甚得清淨之意。其前即齋堂香積也。北亦有員閣一座。上啟層窓。

閣前有樓三楹。雕窓文榻。俱飾以金碧。乃木公燕憩之處。扁而不開。其前即設宴之所也。其淨室在寺右。上坡。門亦東向。有堂三重。皆不甚宏敞。四面環垣。僅及肩。然喬松連嶺。頗饒烟霞之氣。聞由此而上。有拱壽臺。獅子崖。以迫於枝讐。俱不及登。

初六初七。連枝類分標。分其門為八。以大把事候久。余心不安。乃連宵燭燈。丙夜始寢。是晚既畢。仍作書付大把事。言校核已完。聞有古崗之勝。不識導使一遊否。古崗者。一名獵羅。在郡東北十餘日程。其山有



數洞中透。內貯四池。水各占一色。皆澄澈異常。自  
生光彩。池上有三峰中峙。獨凝雪瑩白。此間雪山所  
不及也。木公屢欲一至其地。諸大把事言不可至。力  
尼之。數年乃得至。圖其形以歸。今在解脫林後軒之  
壁。北與法雲閣相對。余按圖知之。且詢之主僧純一。  
言其處真修者甚多。各住一洞。能絕粒休糧。其為首  
者有神異。手能握石成粉。足能頓坡成窪。年甚少而  
前知。木公未至時。皆先與諸土人言有貴人至。土人  
愈信而敬之。故余神遣思一至也。

初八昧爽。大把事齋冊書馳去。余遲起飯。而天雨  
霏。純一餽以古磁盃薄銅鼎。併芽茶為烹瀹之具。  
備馬別而下山。稍北遂折而東下。甚峻。二里至其麓。  
路北有澗。自雪山東南下。隨之東半里。有木橋度澗。  
西北踰山為忠甸道。余從橋南東行。半里轉而東。是  
為崖脚院。倚山東向。其處居廬連絡。中多板屋茅房。  
有瓦室者。皆頭目之居。屋角俱標小旗二面。風吹翩  
。搖天。挑素李之間。宿雨含紅。朝烟帶綠。獨騎穿林。  
風雨淒然。反成其勝。院東南有窪地。在村廬間。中涸



無水。尚有亭臺堤柳之形。乃舊之海子。環為園亭者。今成廢壑矣。又南三里。有枯澗。嵌地甚深。乃雪山東南之溪。南注中海者。今引其水東行。塢脊無涓滴。下流澗中。僅石梁跨其上。度梁之東。即南隨引水行。四里。望十和村落。在西甚盛。其南為中海。望之東南行。其大道直北而去者。白沙道也。南四里。有枯澗。東西橫塢中。小石梁南跨之。又東五里。東瞻象眠山。已近。通事向許導觀象鼻水。至是乃東南行。田間二里。抵山下。水從坎下穴中。西出。穴小而不一。遂溢為大溪。

折而南去。二里。折為二道。一沿象眠而南。一由塢中倒峽。過小石橋。又折為二。夾路東西行。五里。至黃峰山北。所引之水。一道分流山后而去。一道東隨黃峰而南。始知黃峰之脉。自象鼻水北坡。垂塢中。南下。至此結為小峰。當塢之口。東界象眠山。亦至此。北盡西界山。自中海西南。環繞而北。接十和後山。南復橫開。東西大塢。南龍大脊。自西而東。列案於前。其上烏龍峰。獨聳文筆於西南。木家院南峰。迴峙雄闕於巽位。衆大之中。以小者為主。所以黃峰為木家開千代之



緒也。從黃峰左腋。南上西轉。又一里。出其南。則府治東向臨溪而峙。象鼻之水環其前。黃峰擁其後。聞其內樓閣極盛。多僭制。故不於此見客云。先是未及黃峰三里。有把事持書。挈一人荷酒獻。昨衝雨而至。以余尚未離解脫也。與之同過府治前。度玉河橋。又東半里。仍稅駕於通事小樓。讀木公書。乃求余乞黃石齋叙文。併索余書。令人往省邀吳方生者。先與是余面論天下人物。余謂至人惟一石齋。其字畫為館閣第一。人品為海宇第一。文章為國朝第一。其學問直

接周孔為古今第一。然其人不易見。亦不易求。因問可以親炙者。如陳董之後。尚有人乎。余謂人品甚難。陳董芳躅。後來未見其繼。即有之。豈羅致所及。近則有吳方生者。同鄉人。今以戍僑寓省中。其人天子不能殺。死生不能動。有文有武。學行俱備。此亦不可失者。木公慮不能要致。余許以書為介。然尚未知余至府治也。使者以復東返。前繳丹。大把事至。以木公命致謝。且言古崗亦艱於行。萬。無以不賢。蹈不測。蓋亦其托辭也。然聞去冬亦曾用兵。吐蕃不利。傷頭目



數人。至今未復。猘羅古宗。皆其北境相接。中途多恐。外鉄橋亦為焚斷。是日雨陣時作。從樓北眺雪山。隱現不定。南窺川甸。挑柳繽紛。為之引滴。是

方極畏出豆。每十年逢寅。出豆一番。互相牽染。死者相繼。然多避而免者。故每遇寅年。未出之人。多避之。深山窮谷。不令人知。都鄙間一有染豆者。即徙之九和。絕其往來。道路為斷。其禁甚嚴。九和者乃其南鄙。在文筆峰南山大峯之外。與劍川接壤之地。以避而免出者。居半。然五六十歲。猶惴惴。奔避。木公長子之襲郡職者。與第三子俱未出。以

舊年戊寅。尚各避山中。越歲未歸。惟第二第四。名宿新入

津者。俱出過。公令第四者。啟來候。求肄文本家院。

馬。

初九。大把事復捧禮儀來致謝。酬校書之役也。鉄皮禱一

黃金再。以書求修雞山志。并懇明日為其四子藝文。

木家院。然後出關。院有山茶甚巨。以此當折柳也。余

許之。是日仍未霽。復憇通事樓。其俗新正重祭天

之禮。自元旦至元宵后二十日。數舉方止。每一處祭

后。大把事設燕。燕木公。每輪一番。其家好事者。廢千餘。

A 1 2 3 4 5 6 M 8 9 10 11 12 13 14 15 B 17 18 19



金以有金壹八寶之獻也。其地田畝。三年種禾一  
番。本年種禾。次年即種豆菜之類。第三年則停而不  
種。又次年乃復種禾。其地土人皆為麼步。國初漢  
人之戍此者。今皆從其俗矣。蓋國初亦為軍民府。而  
今則不復知有軍也。止分官民二姓。官姓木。初俱姓  
表自漢至國初。太祖民姓和。無他姓者。其北即為古宗。古宗  
乃易為木。其北即為吐蕃。其習俗多異云。古宗北境。雨少而  
止有雪。絕無雷聲。其人南來者。至麗郡。乃聞雷。以為  
異。麗郡北。忠甸之路。有北岩。高濶皆三丈。崖石白

色而東向。當初日東昇。人穿彩服。至其下。則滿崖浮  
彩。騰躍煥然奪目。而紅色尤為鮮麗。若鏡之流光霞  
之幻影。日高則不復然矣。  
初十晨。食後。大把事情復來。候往木家院。通事具騎。而  
大把事情忽去。久待不至。乃行。東向半里。街轉東北。  
去乃象眠山北。布通安州治所。托南去乃大道。半里過  
東橋。於是循溪南。岬東南行。三里有柳。兩三株在路  
右。塍間。是為土人送行之地。其北有塢。東北關甚遙。  
蓋雪山之支。東垂南下者。西重。初為翠屏象眠。與解



脫十和。一夾而成白沙塢。再為吳烈東山。與翠屏象  
眠。再夾而成此塢。其北入與白沙等。其北度脊處。即  
金沙江逼雪山之麓而東者。東山之外。則江流南轉  
矣。脊南即此塢。中有溪自東山出。灌溉田疇更廣。由  
此塢東北踰脊渡江。即香羅之道也。塢中溪。東南與  
玉河會于三生橋之東。又有水西南自文筆山。沿南  
山而東轉。隨東員崗之下。經三生橋而東。與二水會。  
於是三水合而成漾。共江之源焉。東員崗者。為麗郡  
東南第一重鎖鑰。蓋南大脊西來。穹為木家院。後高

峰大脊。從此南趨。霍慶其東下者。為丘塘關。其東北  
下者。環轉而為此崗。直逼東山之麓。東三水為一。沿  
東山南下。而出丘塘東峽。自七和馮密而達霍慶。崗  
首迴環向群。南山之溪經其下。輦橋度之。曰三生橋。  
橋北有二坊。西三家為守者。自柳塘至此。又五里矣。  
其北皆良疇。而南則登坡焉。一里。升坡之巔。平行其  
上。右俯其坡內抱。下闕平塢。直北接郡治。眺其坡。斜  
削東下。與東山夾溪南流。坡間每有村廬。就窪傍坎。  
桃花柳色。晷映高下。三里。稍下就窪。有水成痕。自西



而東下于溪。又南踰一坡。度板橋而南。則木家院在是矣。先是途中屢有飛騎南行。蓋木公先使其子至院待余。而又屢令人來示其款接之禮也。途中與通事者輒啣語。余不之省。比余至。而大把事已先至矣。迎入門。其門南向甚敞。前有大石獅。四面墻垣之外。俱巨木參霄。甫入。四君出迎。入門兩重。廳事亦敞。從其右。又入內廳。乃拜座進茶。即揖入西側門。搭松棚于西廡之前。下藉以松毛。迤西重禮也。大把事設二卓。坐定。即獻紙筆。袖中出一小封。曰。家主以郎君

新進諸生。雖事筆硯。而此中無名師。未窺中原文脉。求為賜教一篇。便知所法程。以為終身佩服。余領之。拆其封。乃木公求余作文。并為其子谷正書。后寫一題曰。雅頌各得其所。余與四君即就座拈毫。二把事退候階下。下午。文各就。余閱其作。頗清亮。二把事復以主命求細為批閱。余將為舉筆。二把事曰。餒久矣。請少遲之。後有茶花為南中之冠。請往一觀。而就席。蓋其主命也。余乃從之。由其右轉過一廳。左有巨樓。前茶樹盤蔭數畝。高與樓齊。其本徑尺者三四株。



叢起。四傍萋蕤。下覆甚密。不能中窺。其花尚未全舒。止數十朵。高級叢葉中。雖大而不能近觀。且花少葉盛。未見燦爛之妙。若待月終。便成火樹霞林。惜此間地寒。花較遲也。把事言此樹植與老把事年相似。屈指六十餘。余初疑為數百年物。而豈知氣機發旺。其妙如此。已還松棚。則設席已就。四君獻款。復有紅粘麗鎖之惠。二把事亦設席坐塔下。每獻酒。則趨而上馬。四君年二十餘。修皙清俊。不似邊陲之產。而語言則清辨可聽。威儀動盪。悉不失其節。為余言北崖紅

映之異。時余欲由九和趨劍川。君言此道雖險。而實近。但此時徒諸出豆者在此。死穢之氣相聞。而路亦絕行人。不若從霍慶便。餚味中有柔猪。髦牛舌俱為余言之。縷可聽。柔猪乃五六斤小猪。以米飯喂成。以食髦牛舌。如猪舌而大。甘脆。全體炙之。乃切片。異味。惜余時已醉飽。不能多嘗也。因為余言其地多髦牛尾。大而有力。亦能負重。北地山中人無田可耕。惟納髦牛銀為稅。蓋霍慶以北多髦牛。順寧以南多象。南北各有一異獸。惟中隔大理一郡。西抵永昌。騰越。其西漸狹。中皆人民。而異獸各不一產。騰越之西。



則有紅毛野人。是亦人中之髦象也。抵暮乃散。二把  
事領余文去。以四君文畀余。日燈下乞細為削抹。明  
晨欲早呈主人也。余領之。四君送余出大門。馳還郡  
治。仍以騎余通事導余。東南二里。宿村氓家。余挑燈  
評文。就卧其西廡。

十一。昧爽。通事取所評文送木家院。就院中取飯。至  
已近午矣。覓負擔者。久之。得一人。遂南行二里。抵南  
山下。循山東南一里。下越一坑底。仍東南上二里。出  
丘塘關。內數家居之。有把事迎余獻茶。其閔橫屋

三楹。南向俱嶺上。第南下頗削。而閔門則無甚險隘  
也。其嶺自西大脊分支東突。與東山對夾。漾共江於  
下。閔門東脊臨江之嘴。豎塔于上。為麗東南第二重  
鎖鑰。隔江東山。至是亦雄奮而起。若與西大峰共為  
犄角者。閔人指其東麓。即金沙江南下。轉而東南。趨  
滄浪順州之間者。此地有路。半日踰此嶺。又一日半  
而東南抵浪滄衛。出閔。辭通事以騎返。余遂同担夫  
仍南向。就小道下山。其道皆純石。嵯峨。踐隙。扳鋒。而  
下。二里。乃抵其麓。遂西南涉橋。西有坡。南向隨之。



半里復下坡。西有塢。南開而中無水。又半里橫涉之。由西坡上半里。依西大山之麓。轉而東南行一里餘。路左復起石山。與西山對夾。路行其中。二里踰脊南下。脊右有石堰下嵌。而東半石峰。尤為巖業。南一里東峰始降。復隨西坡盤而西南。二里其支復東突。再南踰之。下半里還領東突峰南。有岨嵌空成門。逐步探之。雖有兩門。而洞俱不深。又循西山而南。一里餘。三四家倚西山下。于是復見漾共江。出峽而下。盤其麓。峽中始環疊為田。村之前已引水為渠。循山而南。

抵七和矣。隨渠盤西山東突之嘴。又三里而抵七和。七和者麗郡之外郭也。聚落倚西山頗盛。其下塢中水田夾江。木公之次子居此。其宅亦東向。由其又南半里為稅局。收稅者居之。又南漸下一里。復過一村。乃西南上坡。一里陟城頂上甚平。由其上平行而南。二里數家居坡脊。是為七和哨。則麗江南盡之鄙也。故設哨焉。哨南又半里有路自東南橫過西北者。為三空黃泥崗。蓋是坡自西大山下垂。由此亘而東南。橫路隨其脊斜去。脊西隨下陷成峽。黑龍潭當其下。



馬。大道由峽東直南。霍慶麗江之界。隨此坡脊而分。故脊西下隘處。自西盤而南至馮密。其下已屬霍慶。脊東盤亘處。南下馮密東。其內猶屬麗江。此東西兩界大山內之橫界也。于是西瞰峽內。松箐遙連。路依東脊南向漸下。六里而至馮密。繞過午覓宿店。漫投一樓上。乃陳生某家也。向曾于悉檀相晤者。擔人卸担去。余炊飯其家。欲往青元洞。陳生止余曰。明日登程。可即從此往。今日晚可一探東山之麓乎。遂同東陟塢塍。蓋此塢即自黑龍潭南下。至此東向而出者。

塢北則黃泥崗之坡。直垂而逼東山之麓。江亦東遶。若逗而出於門者。故塢東之界。直以此門而分。由塢東行一里。即與漾共江。遇溯之東北半里。木橋橫江上。從橋東度。木凡四接。循東畔溯之而北。半里。登東隴。其上復盤隴成畦。闢田甚廣。又北一里。直對黃泥之嘴。東界尖峰最聳。是為筆架峰。正西與馮密後堆穀峰相對焉。陳生父塚正在其隴之上。時將議遷。故來相度。余勸其勿遷。惟來脉處引水開渠。橫截其後。若引從墓右環流於前。是即旋轉之法。陳生是之。仍



從木橋度江。共三里還寓。陳生取酒獻酌。余囑其覓  
遠行担夫。陳言明日可得。不必囑也。

十二日。陳為余覓夫。皆下種翻田。不便遠去。已領銀。復  
來辭。既飯。展轉久之。得一人焉。曰趙貴。遂行。余以純  
一所餽。既二日。一酬陳生之贖酒。從其居之西。涉一  
澗。即截塢而西北。一里餘。登西坡。已逼堆穀峰。下坡  
上。引水為渠。南注。架木而渡。即南循東下之脊。而上  
半里。得平崗。由崗上西行半里。直逼西山下。有廟臨  
崗而峙。廟南東下腋底。有廟祀龍王。南臨一池。甚廣

而澄澈。乃香米龍潭也。廟南西上層崖。有洞東向。闢  
門。其上迴崖峽岨。即青元洞也。二廟俱不入。西踞山  
直上半里。抵崖下。則洞門垂石中懸。門闢為二。左大  
而右小。有僧倚中垂之石結廬。其外又環石於左門  
之下。以為右門。由環石竇間入。登左門。其門大開。西  
向直入。置佛座當其中。佛座前稍左。其頂止透。引天  
光一縷下墜。高蓋數十丈也。其右則外懸之壁。當其  
前中旁達而南。即豁為右門。稍東南向。下懸石壁。  
可眺而不可行也。蓋佛座之前。懸石外屏。既覺迴環。



而旁達西門。上通一線竅。更為明徹。此其前勝也。佛座以後。有巨碑中立。刻詩於上。由此而內。便須秉炬。乃令担人秉炬前。見內洞亦分兩門。則右大而左小。先循左壁。扳隙上躋。登一嵯。上夾而成隙。披隙入。轉而南向。有穴下墜甚深。先投炬燭其底。以為窅也。乃撐隙。支空而下。三丈。至其底。稍南。見有光遙透。以為通別竇矣。再前締視。光自東入。始悟即右門所入之大竇也。復轉而西入。內有小門。漸下。乃伏而窮之。數丈。甚隘。不能進。乃倒退而出。循右嵯之壁。從其西南。復得一門。初亦小。其內稍開。數丈後。亦愈隘。而漸伏。亦不能進。復倒退而出。即前之有光遙透處也。向明東。蹈左右窅。頷石。雖蜿蜒。而嵯無別竅。遂至大碑。後錄其詩。并出前洞。以梯懸垂。石內後嵯。亦錄其詩。僧淪茶就。引滿而出。下洞前。則有桃當門。猶未全放也。是洞前後分岐。竅窅前之罨映。透漏後之層疊。哈呀。擅斯二美。而外有迴崖上擁。碧浸下涵。亦勝絕之地。既下。至平崗。余欲北探黑龍潭。担者言黑龍潭路。當從黃泥崗下。西不然。亦須從馮窳後。溯流入。此山之



麓無通道。可行。蓋此中有二龍潭。北峽為黑龍潭。此  
下為香米龍潭。皆有洞自西山出。前匯為潭。其勝如  
一軌。不煩西探。余然之。遂南向趨香米。其潭大數十  
畝。淵然澄碧。蓋即平崗之脊。東向南環。與西山挾潭  
于中。止西南通一峽。容水去。路從潭西循西山而南。  
山崕忽逆。水從中溢于潭。乃橫石度崕口。崕前巨石  
支門。水分滌。巨石之隙。橫石亦分度之。其石高下不  
一。東瞰澄波。西懸倒壁。洞流漱其下。崕樹絡其上。幽  
趣滌人。不暇他顧。已乃披隙入洞。中巨石斜蹇。分

流堰。派曲折交旋。一洞而水石錯落。上如懸幕。下若  
分蓮。蹈其辮中。方疑片隔。仰其頂上。又覺元同。入數  
丈。後壁猶有餘光。而水自下穴出。無容捫入矣。出洞  
依西山南行二里。有數家倚山而居。由其前又南。一  
里轉而西行。一里又逼西山之麓。復南行二里。則西  
山中斷。兩崕對夾如門。上下逼湊。其中亦有路。緣之  
上。蓋此崕乃麗江南盡之界。川內平疇。窟慶獨下透  
而北。西界高山。麗江俱前踞而南。以西山之後。猶庶  
步之俗耳。自此而南。東西界後亦俱攏。屬窟慶土



官高千戶矣。又南二里。一溪自西山下出。余溯而窮之。稍轉北半里。其水分兩穴。東向出。皆溢自石下。無大竅也。乃踰出水石上。由水之西。循山南行半里。有洞連裂三門。倚嵯東向。洞深丈餘。高亦如之。三門各峙。中不相通。而石色殷紅。前則桃花點綴。頗有霞痕。錦幅之意。但其洞不中透。為可惜耳。崖右。其支峰自上東向環臂而下。腋中衝砂墜礫。北轉而傾于嵯前。腋底亦有一洞。南登環臂之脊。始迴眺見之。似亦不深。乃舍之。南踰臂脊。東南下半里。村廬十數家。倚西山之嘴。是為四庄。其南腋中有龍潭一圍。大百餘畝。直逼西山。西山石嵯插潭而下。路盤崖上。凌其南。又一路循潭東畔南繞之。泄水之堰。在其東南。懸坑下。墜即東出而注于小板橋者也。其西北腋嵯迴轉。石脚倒插。復東起一嵯。突潭如中拇指。結檻其上。不知中祀何神。其下即潭水所自出也。亦不知水穴之大。小。然其境水石滌迴。峰嵯倒突。而水尤晶滌晃漾。更勝香米之景。惜已從潭東一里抵泄水之堰。不便從西嵯踰險而上矣。由其南。循西山。又二里。有西山一



支。自西山東向突川中。其西南轉腋處。有古廟當其  
間。前多巨石嶙峋。如芙蓉簇鏗。其色青殷而質廉利。  
不似北來之石。色赭而質厲也。入叩無人。就廡而飯。  
既乃循東突之峰東行。半里轉而南。盤其嘴。其嘴東  
臨平川。後聳石峰。嘴下石骨稜々。如側西列鏗。水流  
一線穿於其間。汨々南行。心異之。仰眺其后。聳石峰  
萬萼雲叢。千葩蜃結。以為必有靈境。担者曰。近搆一  
寺曰鶴鳴。不識有人。拙舌。余乃令担僕前行。獨返而  
踞其上。披綃蹈躡。半里陟峰頭。而菴在焉。其門東北  
向。中有堂三楹。供西方大士。左有樓祀文昌。俱不大。  
而飾壘未完。有一道者栖其間。蓋二年前。居人見山  
頭有鳴鶴之異。而道者適至。募建此菴。故鄉人感而  
名之。道者留余。遲一宿。余以担僕已前。力辭之不待。  
其炊茶而別。其菴之南。村廬倚西山。下者甚盛。三里  
餘。又有危峰。自西山東突。與雀鳴之峰。南北如雙臂  
前舒。但雀鳴嶙峋而繚繞。此峰聳拔而拱立。為異耳。  
是峰名石寨。前有村名石寨村。一龍泉。自峰下出。匯  
水為潭。小于四庄。東乃環堤為堰。水從堰東注壑去。



即東出於大板橋者也。半里越堤南。復循西山南行。其地漸莽。無田。滕村廬之托。想無水源故也。八里始有溪東注。路東轉而南。渡之。于是東望為演武場北村。西望為西龍潭大村。蓋此水即西龍潭所分注者也。西龍潭亦當西山東突之腋。匯水頗大。東流者北。為此水中為城北大路。口水東南引者為城中之水。其利為一郡之冠云。又南二里。出大路。正當大路東向之處。東有竹叢村廬。即來時所遵道也。從大路南。四里餘而抵霍慶北。關托宿于關外。乃入北門。是為

舊城南半里。轉而西為禦前。守禦所在。馬摩尼山。復吾師之子張生家。北向而居。入叩之。徃摩尼未返也。又轉南再入城門。是為新城。始知霍慶城二重。南新北。舊南拓而北。東入新城。即從府治東南向行。半里東轉郡署前。南向有大街。市舍頗盛。已乃仍出西北門。入窩啜粥而卧。

霍慶西倚大山。為南龍老脊。東向大山。為石寶高峰。石寶山高穹獨聳。頂為偃多尊者道場。此山自麗江東山南向。下南盡于金沙江。中夾平川。自七和南下。但七和之南。又有三空黃泥崗。自西而



橫逼東山。故其川以馮密南新屯為甸頭。直下而南。共五十里。有象眠山。西自西大脊。東屬於石寶山。石寶山。西與劍川同名。一統志稱為峰頂山。從志為是。象眠山與麗江同名。一統志稱為龍珠山。亦當從志。為是。漾共江貫于中川。南抵象眠。分注衆竅。合于山腹。南泄為一派。合楓木之水。東南入金沙江。兩旁東有五泉。出石寶之下。西有黑龍。西龍諸潭。出西大山下。故川中田禾豐美。甲子諸郡。馮密之妻亦甲子諸郡。稱為瑞麥。其粒長倍于常。

十三日早飯。平明抵北門。從門外循舊城而西。一里。

轉而南半里。其南則新城復拓而西出。隨之又西。半里。又循城南轉。半里。過西門。乃折而西。向行。渡一橋。西三里。乃踴坡。二里。踰坡。西稍下。其坡自西山東下。至此伏而再起。其南北俱有峰。舒臂前抱。土人稱為旗鼓山。而坡上塚纍。蓋即郡城之來脉也。土人言昔土官高氏之塚當此崗。國初謂其有王氣。以大師挖斷其後脉。即今之伏處也。不知起伏。乃龍脉之妙。果挖之。適成其勝耳。宜郡城之日盛也。由伏處即上踴坡行。一里。至坡脊。南北俱墜。坑成峽。又一里。南渡。



西峽之上。從南坡踞峻。西登二里。稍平。再緣南坡折而上一里。復隨峽西入一里。抵西嶺下。轉而北向。踞峽中。其峽乃墜水枯澗。巨石磊磊。壘磴因之。中無滴瀝。東西兩崖。壁夾駢湊。石骨稜嶒。密翳蒙蔽。路緣其中。白日為冷。二里餘。有巨石突澗道中。若鷓首之浮空。又若蹲獅之當戶。由其右崖橫陟。遂循左崖上。其峻東逾甚。二里始平。西行峽中。一里稍上。北崖峭壁聳起。如奮翅劈霄。而南崖亦嶄削相通。中湊如門。平行其中。仰天一線。余以為此南度之大脊也。透其西峰環壑。轉分為二峽。一由脊門西下。循北山而西北。一由脊門直出。循南山而西南。莫定所適。得牧者遙呼而問之。知西北乃樵道也。遂從其西南行。半里有峰中懸壑中。而三茅舍當其上。亦哨守者之居也。從其南平行峽中。西望尖峰聳立。高出衆頂。余疑路將出其西北。及西二里。稍下窪中。半里。抵尖峰東麓。其處窪而無水。西北西南之峽。似俱中墜。始悞脊門西來平壑。至此皆中窪。而非外泄之峽矣。從窪西南上。遂披尖峰東南峽而登。密樹蒙茸。高峰倒影。二里循



峰西轉。遂踰其東。度脊西半里。盤峯之南。西北半里。又踰其南度脊。此脊高于東度者。然大脊所經。又似從東度者。南轉而脊門猶非其度處也。逾脊北向下一里。已出峯之西。至此蓋三面挾峯而行矣。乃西向隨峽下墜。一里。峽始開。一里。轉而西南。乃循南山之坡。曲折西下。三里。抵盤壑中。其處東北西三面皆崇峰。西北東南二面皆墜峽。惟西南一脊如堵垣。平陟其上。共二里。踰前崗。有廢舍踞崗頭。是為汝南哨。其東南塢中。村倚東山。乃土官所居。土人又名為虞蠟播箕。由哨南下。行塢中一里餘。遂南入峽。東西皆土峰逼夾。其下頗峻。二里出峽。乃飯。復見東南有墜壑。乃盤西峰之南。復西涉其塢。一里餘。復涉其西峰而南。盤之。遂西向循坡下。北峰高壑。路從深樹。臺石間下。甚峻。四里。轉峽度脊。稍平。西南半里。有茅棚賣漿崗頭。乃沽以潤枯腸。又西南半里。下至壑底。水自南峽來。竟壑中。北透峽去。是為清水江。始知壑西之山。反自大脊南度而北。其水猶濫觴細流。不足名溪。而乃以江名耶。其下流北出。當西轉南下而合。



于劍川之上流。然則劍川之源。不第始于七和也。和  
清水江東畔。數家居壑中。上有公館。為中道。涉水西  
從西坡南向上。迤邐循西山西南。三里餘。乃折而西  
南上。甚峻。一里。又折而西。半里。西踰嶺脊。即南從東  
大脊。西度北轉者。當北盡於清水江。西透之處者也。  
越脊西下。峽中二里。峽始豁而下。愈峻。又一里餘。始  
就夷。行園壑間。又一里餘。乃循南峰之西而南盤之。  
一里。出其口。始見其西群峰下伏。峽下嵌甚深。南去  
稍闕。而東南峽中似有水光掩映者。則劍川湖也。西

南層峰高峙。雪色彌望者。則老君山也。南盤二里。又  
見所盤之岨。其西石峰倒湧。峽岨嵯峨。駢錯于趾下。  
其下深壑中。始見居廬環倚。似有樓閣瞻依之狀。不  
辨其為公館。為廟宇也。從其上南向。依東岨下。二里。  
西度峽脊。已出居廬之南。遂循西峰南下。一里。則東  
峽已南向。直趨劍湖矣。於是南望湖光杳渺。當東山  
之麓。湖北帶壑連青。環畦甚富。意州治已在其間。而  
隨峽無路。反從峰頭透岨西去。一里稍下。又轉西  
峰而盤其南。又一里。于是南面豁然。其前無障。俯見



南湖北塢。而州治倚西山。當其交接處。去此尚遙。路盤坡西行。一里餘。乃從坡西峽中南下。又一里。抵山麓。乃循崖西轉。半里。則村居倚山。臨塢環堵甚盛。是為山塢塘。問距州尚十里。而担者倦于行。遂止。

十四。昧爽。飯于山塢塘。平明乃行。于是俱西南向平疇中行矣。二里餘。有一小山南突。平川路從其北。西轉而挾之。復西南向平疇中。雨霏。至二里。有大溪自北而南。平流淺沙。湯。南注湖中。然湖自下山塢已不可見矣。隨溪南行。又半里。大石梁西跨之。其溪

流蓋北自甸頭來。按志州西北七十里。山頂有山頂泉。廣可半畝。為劍川之源。此山不知何名。今麗江南界七和後大脊。寔此川發源之所。則此山即在大脊之南可知。更有東山。清水江之流亦合併之。其盤曲至此。亦不下七十里。則清水江亦其源可知。從橋北望。乃知水依西山南下。其東則山塢塘北之山。盤夾之。山塢塘之東山。南墜而為川。又東。則東山乃南下而屏其東。與西界金華山為對。是山塢塘者。竇川之北盡處。其東南闕而為川。以瀦湖。其西北夾而為峽。



以出水者也。過橋風雨大至。隨溪南行半里。避于坊下。久之稍止。乃西南復行。塋間一里餘。一小流西來。乃溯之西一里。抵劍川州。治無城。入其東街。抵州前。乃北行。稅行李于北街楊貢士家。乃買魚于市。見街北有祠。入謁之。乃祀死節段公者。段以萬曆末進士。為重慶某縣令。閤家死。斧首之難。故奉詔立祀。令其長子蔭錦衣在都。視中有一生授蒙童。植盆中花。頗盛。山茶小。僅尺許。而花大如碗。出祀。東還寓。以魚畀頌僕。令守行囊。而余同主人之子。令擔者挈飯為

金華之遊。出西郊。天色大霽。先眺川中形勢。蓋東界即大脊。南下分為湖東之山者。是為東山西界。則金華最山高。北與崖場諸山。南與羅尤後嶺。頤頤西峙。是為西山。其金華之脈寔西南從老君山來。老君山者。在州西南六十里。楊村之北。其山最高。為麗江。蘭州之界。出鑛極盛。倍于他山者。土人言昔亦劍川屬。二十年前。土千戶某姓者。受麗江贖。以其山獨昇麗江。麗江以其為眾山之脈。禁鑛不採。然余按一統志。金華山脈自西蕃羅均山來。蓋老君即羅均之訛。然謂之西蕃者。則統志之訛也。其山猶在蘭州之東。西蕃在蘭州西。瀾滄江外。其山即非劍川屬。亦麗江蘭州界內。胡以有西蕃之稱。然即此亦可。其北則山塋後嶺。自東山北轉。西亘而掉其尾。其南則



印霍山自東山南下。西環迴顧。中圍平川。東西濶十里。南北長三十里。而湖滙其半。湖源自西北來。向西南破峽去。而湖獨衍于東南。此川中之概也。其地在霍慶之西。而稍偏于南。在麗江之南。而稍偏于東。在蘭州之東。而稍偏于北。在浪穹之北。而又稍偏于西。此四境之準也。州脉自金華北嶺東環而下。由州治西行一里餘。及其麓。有二寺並列東向。俱不宏敞。寺後有亭有軒。在層崖盤磴之上。水泉飛洒。竹影桃花。晷映有致。為鄉紳楊君之館。由其北踞崖西上。有閔

帝廟。亦東向。而其處漸高。東俯一川。甸邑湖光。及東山最高處。雪痕層疊。甚為明媚。由廟後循大路。又西上半里。北循坡而下。為桃花塢。南分岐而上。為萬松菴。而直西大道。則西踰嶺而抵莽歇嶺者也。乃循楊君導。遂從北坡下。數百步。桃花千樹。深紅淺暈。倏入錦綉叢中。穿其中。復西上大道。橫過其南。其上為萬松菴。其下為段君墓。皆東向。段墓中懸塢中。萬松高踞嶺上。并桃花塢。其初皆為土官家山。墓為段氏所葬。而松花萬松。猶其家者。萬松昔為菴。亦今營為馬



鬣門扁莫由入。遂仍從閼廟側。約一里下山。之北有峽甚深。自後山環夾而出。澗流嵌其下。是為嵯場。西嵯駢立。其口甚逼。自外遙望。不知山之中斷也。余款溯其流入。以急于金華。遂循山南行。一里餘。有崗如堵墻。自西山而東。亘州南。乃引水之崗也。踰崗又南一里餘。有道宮倚西山。下亦東向。其內左偏。有何氏書館。何鄉紳之子。讀書其中。宮中焚修者。非黃冠。乃瞿曇也。引余遊館。中觀茶花。呼何公子出晤。而何不在。留余少憩。余急于登山。乃出從宮右折而西上。

坡一里。神廟當石坡上。為土主之宮。其廟東向。前有閣。後西。古栢夾之。虬藤夭桃。連絡上下。流泉突石。錯落左右。亦幽閨名區也。與何公子遇。款拉余返館。且曰。家大人亦祈一見。蓋其父好延異人。故其子欲延余相晤。余約以下山來叩。後詢何以進士起家。乃削奪後。遂從廟右西上。於是崇扳仰。陟遵垂坡。以登三里。轉突嵯之上。其嵯岷岷坡。右下臨深峽。其上有石門。下墜甚深。從此上眺。雙嵯駢門。高倚峰頭。其內環立。卷翠彷彿有雲旌羽裳出沒。益賈勇直上。路曲

A 1 2 3 4 5 6 M 8 9 10 11 12 13 14 15 B 17 18 19



折懸陟。又一里。登門之左崖。上有小石塔。循崖西入。兩崖中闕。上插雲霄。而下甚平。有佛宇三楹。當其中。楹左右恰支兩崖。而峽從其前下墜。路由左崖入。由石崖棧石壁而盤其前。以登玉皇閣。佛宇之後。有池一方。引小水從後峽滴入。池上飛岩嵌右崖間。一僧藉岩而栖。當兩崖夾立之底。亭午不見日色。惟有空翠冷雲。綢繆牖戶而已。由崖底披吻而登內塢。有三清閣。由崖右壁棧而躡前崖。有玉虛亭。咫尺有幽曠之異。余乃先其曠者。遂躡棧盤右崖之前。棧高懸數

丈。上下皆絕壁。端聳雲外。脚插峽底。棧架空而橫倚之。東度前崖。乃盤南崖西轉北上。而凌其端。即峽門右崖之絕頂也。東向高懸。三面峭削。凌空無倚。前俯平川。烟波村樹。歷歷如畫。幅倒鋪。後眺內峽。環碧中迴。如蓉城蕊闕。互相掩映。窈藹莫測。峰頭止容一閣。奉玉宸于上。余憑攬久之。四顧無路。將由前道下棧。忽有一僧至。曰：此間有小徑。可入內峽。不必下行。余隨之。從閣左危崖之端。挨空翻側。踐崖紋一線。盤之西入。下瞰即飛棧之上也。半里而抵內峽之中。峽中



危峰內簇。瓣分蒂縮。中空如蓮房。有員峰獨穹于後。當峽中峙。兩旁俱有峰攢合。界為兩峽。合于中峰前。旁峰外綴連崗。自後脊臂抱而前。合成崖門對距。止成線峽。外圍中簇。此亦洞天之絕勝矣。崗上小峰。共有五頂。土人謂上按五行。有金木水火土之辨。此亦過求之論。即不藉五行。亦豈輸三島哉。中峰前結閣奉三清。前有老栢一株頗巨。當兩峽中合之上。余欲上躡中峰。見閣後路甚仄。陟左峽而上。有路前踰峽門左崖之頂。乃陟峽而北躡之。東出西轉。有塔峙坡

間。路至此絕。余猶扳殘削。久之不得路。而楊氏之子與担夫俱在下遙呼。乃返。從內峽三清閣前。下墜峽底。共一里。而至峽門。內方池上。就岩穴僧栖。獻火沸泉。以所携飯。投而共啖之。乃與僧同出峽門。循左崖東行。僧~~此~~右峽壁間。峽崖之下。石裂而成門。下臨絕壑。中嵌峽。其內直通山後莽歛。峽中從來皆虎豹盤踞。無敢入者。余欲南向懸崖下。僧曰。既無路而有虎。君何苦必欲以身試也。且外阻危崖。內無火炬。即不過虎。亦不能入。楊氏子謂急下山。猶可覓羅尤。



此又一異矣。村中有流泉自西峽出。人爭引以灌。與  
溫池不相涉。其上有石龍寺。以晚不及探。遂由大道  
北。迤四里。北越一橋。北有居廬。為水寨村。從村北  
折而西。望金華山石門之峽。高懸。如天門。曼峙。  
又二里。北抵州治。入南街。又里餘而還寓。

十五。余欲啟行。聞揚君喬梓言。莽歇嶺為一州勝處。  
乃復為一日停。命担者裹飯從遊。先從崖塲入。崖塲  
者在金華北峰之下。有澗破重壁東出。剖層峰為二。  
其內皆雲春水。碓極幽寂之致。莽歇正道。當從南崖

上。余意披峽而西。由峽底覓道上。更可兼盡。遂溯流  
入。始緣澗北。不得入。仍渡澗南。西入南崖之上。即昨  
挑花迷塲處。而此當其下嵌。矯首而崖逼霄。但謂澗  
底流泉。別有天地。不復知峰頭春色。更占人間也。曲  
折三里。祇容一溪。宛轉亂春。互谷。既而峰迴峽轉。前  
嶺西亘。夾澗北來。中壑稍開。環崖愈嵌。路亦轉北。而  
回眺西南嶺頭。當是莽歇所在。不應北入。適有樵者  
至。執而問之。曰。此澗西北。從後山來。莽歇之道。當從  
西亘之嶺。南向。躡其脊。可得正道。余從之。遂緣西亘



嶺西南躋之。雖無路徑。方位已不出吾目中。一里餘。遂南踣其北突之脊。東來之路。亦逾此轉南矣。遂從之。此峰自金華山北向橫突。從此下墜。前盡于嵯場。峽。後盡于所踰之脊。其西又有西一支。亦自南北向橫突。夾金華山之後。而為北下之峽。蓋二山俱從西南老君山來。分支並馳。中夾成箐。石嵯盤錯。即所謂莽歇嶺也。于是循金華山之西南向二里。又漸下者半里。而抵箐中。其箐南來。東嵯即金華北嶺之後。西嵯是為莽歇。皆純石危巨。駢峽相對。而路當其下。

先有一嵯。北向橫障箐中。下嵌成屋。懸覆二丈餘。而東北一石下垂。如象鼻柱地。路南向無隙。從象鼻卷中。傍東嵯上透。遂歷覆嵯之上。望東西兩嵯。俱有石度。壁覆雲。而西嵯尤為峻。岫上露西亭。因西向踣危登之。其亭皆東向。倚嵯綴壁。浮嵌歇仄。而南列者較大。位佛像于中。左壁有泉。自石罅出。下涵小池。而不溢。北亭就嵌嵯通路。撫虛而過。得片石。冒亭其上。三面懸削。其路遂絕。此反北凌箐口。高出象鼻覆嵯之上矣。憑眺久之。聞木魚聲甚亮。而嵯迴石障。不知其



處復東下。箐底溯細流北入。則西崖轉峭削。骨霞崩  
嶂。壓其勢彌異。半里矯首上眺。或下嵌上突。或中刻  
旁裂。或層堆。或直劈。各極騫騰。大書其上。為天作高  
山。其字甚大。而懸穹亦甚高。或云以篾籬籐索。從峰  
頂倒掛而書者。西崖有白衣大士。東崖有胡僧達磨。  
皆摩空粘壁而成。似非人跡所到也。更南半里。玉皇  
閣當箐中。由此扳西崖。握石蹬。有僧嵌一閣于崖隙。  
亦東向。其崖上下陡絕。中嵌橫紋。而閣倚之。挨橫紋  
而北。又覆一亭。中供巨佛。倚壁而立。以崖逼不容青

蓮座也。其北橫紋併絕矣。前聞鯨聲遙逝。即此閣僧。  
其師為南都人。茹淡關幽。栖此有年。昨以禪誦赴崖  
場。而守廬者乃其徒也。留余待之。余愛其幽險。為憇  
閣中作紀者半日。僧為具飧。下午而師不至。余問僧  
此處有路通金華山否。僧言金華尚在東南。隔大脊  
一重。箐中無路上。東向直踰東崖。乃南趨踰頂而東  
下之。蓋東崖至是匪石而土。但峭削之極。直列如屏。  
其上為難。余時已神往。即仍下玉皇閣。遂東向扳嶺。  
上時有遊人在玉皇閣者。交呼此處險極難階。余不



碩愈上愈峻。二里有路緣峰腰自南而北。担者欲從北去。余強之南半里。此路乃南通后嶺。非東南踰頂者。乃復東向踰峻。担者屢後呼之不至。余不復待。竭屨上躋。一里餘而東踰其脊。從脊上俯視。見州治在川東北矣。乃即從脊南趨半里。又東南踰峻上一里。始凌金華山頂。于是北眺麗江。西眺蘭州。東眺霍慶。南眺大理。雖嵌重峰之下。不能辨其城郭人民。而西之老君。北之大脊。東之大脊。分支處。南之印窟。橫環處。雪痕雲派。無不歷歷。獻形正如天際真人。下辨九

州。俱如一叅也。復從頂脊南行。脊上已有路。直前一里。漸西轉向老君。余知乃揚庄道。乃轉而北。瞰東向之路。得一線垂筭。下遂從之下。里餘。路窮。筭絕。傾崖倒坎。歎仄蒙翳。下嵌莫測。乃扳枝橫跌。一重復更一枝。幸枝稠筭密。不知倒空之險。如是一里。如蹈碧海。茫無涯際。既而審視。忽見一塔下湧。雖隔懸重筭。而方隅在目。知去石門不在弱水外矣。益用扳墜之法。又一里有線徑。伏筭間。隨之亟行。半里得中窪之峽。又半里出三清閣之後。即昨來審視而難從者。于



是下峽門。過昨所飯處。皆閉無一人。乃前趨。過昨所望虎穴之上。此直康衢。非險道矣。乃循西山北向下。五里而返。寓。則担夫猶未歸也。

十六。平明炊飯而行。遵南街出。七里至羅尤邑。余以為將濱湖而行。而大道俱西南循坡。竟不見波光渚影。途中屢涉崗踰澗。皆自西向東。而崗澗俱不巨。皆有村廬。八里。聚落頗盛。從其南又一里。大路將東轉。而趨海門橋。有歧西南入。乃石寶山道也。從此始與大道別。南瞻印霍山。尖聳而當湖之南。為一川之南。

此另一石寶山。非前之石寶山也。

屏。其脉自湖東南下伏。而西度復聳。故榆城大道過海門橋。繞湖南而東。由其東伏處。南踰而出。觀音山湖流所注。由海門橋繞山北而西。由其西盡處。南搗而下。沙溪。石寶山又在印霍西南。東隔此溪。南下。又西隔駝強江北流。故其路始從此溪北峽入。又從駝強江東峽渡。然後及石寶之道焉。由歧路循西坡。南下一里。度一峽。從峽南上。轉而西行。二里餘。已遙望石寶山。尖穹西大峰之南矣。于是復西南下。一里涉澗。乃南向。升層崗。峽中曲折三里。始南踰脊。下一里。



有水自西南峽來。至是折而東去。是為駝強江。有大石梁南跨之。橋南環塍連阡。南陟之半里。村倚南坡。下頗盛。是為駝江村。從村南復隨箐南上一里餘。登嶺脊。從脊上西望老君山。雪色崢嶸。在重峰夾澗之西。始知石竇之脉。猶從金華南下。而盡于駝強。北轉之處。若老君之脉。則南從橫嶺。而盡于黑會澗。滄之交矣。平行脊上一里餘。稍南下。度峽岫。半里。東望海門橋之溪。已破峽嵌底而南。有路隨箐直下。就之。此沙溪道也。有岐南上盤西峰之南。此石竇道。乃南上。

盤峰一里餘。凌峰之南。遂西轉而飯。從嶺頭西向行。二里。稍下踰脊。西隨之南。轉西向。一里。又西南踰其北突之岨。始平望石竇之尖。與西峰並峙。而白塔高懸其間。南一里。遂墜壑。直下一里。抵岨麓。則駝強江自南而北。奔流石峽中。而西岨東西夾峙。巉石飛騫。古木盤聳。懸籐密箐。蒙蔽山谷。祇覺綠雲上幕。仰不見天日。玉龍下馳。旁不露津涯。蓋西即石竇之麓。東乃北繞之峰。駢夾止容一水。而下嵌上逼。極幽異之勢。循東岨南行三里。夾壁稍開。有石梁西渡。立梁上。



四眺。尚不見寺托何處。梁南西崖。溯水而上。已無纖  
徑。而橋東有路南踰東峰。則沙溪之道也。渡橋西半  
里。西壁稍開。中墜一坑。甚峻。有巨閣當其口。已傾圮  
不蔽風雨。而坑中亦無入路。惟仰見盤崖層疊。雲迴  
幃擁。如芙蓉十二樓。令人目眩心駭。路循坑右盤崖  
磴曲折上。一里餘。而入石寶寺山門。殿三四層。俱  
東向。荒落不整。僧道亦寥寥。然石階殿址。固自雄也。  
余停行李于後殿之右。一老僧柶其後。初不延納。余  
不顧。即從殿北盤左腋。窮北岩二重。復下。從殿南盤

右腋。窮北岩一重。再下。則老僧已炊黃梁相待。時已  
下午。復從右腋上玉皇閣。窮塔頂。既暮始下。蓋後殿  
正嵌崖脚。其層亘之崖重。上盤。而路各從兩旁腋  
間。分道橫披。而入其前。既懸削。不能直上。而上亦中  
斷。不能交通。故殿後第一層。分嵌三竅。北竅二重。路  
從北腋轉。南竅一重。路從南腋轉。俱迴臨殿上。而中  
間不通。其上又環為第二層。殿後仰瞻不見也。路又  
從玉皇閣北轉。即凭臨第一層之上。從突崖北陟。躡  
北支。西上三里餘。凌後峰之頂。頗平。西半里有白



塔當坪間。又中窪為土塘者二。而無水。窪之南皆石  
坡外突。平戾如塘堰。而石面有紋如龍鱗。小窪嵌其  
上。皆淺而有水。其頂即西並大峰。其峰橫列上聳。西  
擁如屏。欲踞其上。路絕日暮而止。僧言其上有天成  
石像。并不竭石池。余所觀頗不一。亦少就雕刻。不辨  
孰為天成也。

十七由寶石飯而下山。二里度橋。東上即轉東南。二  
里東踰其脊。乃轉而南行。漸下轉而西南。三里又轉  
而東。一里循山南轉。其地馬纓盛開。十餘小朵。簇成一叢。殷紅奪目。與山茶同艷。

二里過一南度之脊。里餘越嶺而南。始望見沙溪之  
塢。闢于東麓。所陟之峰與東界大山相持而南。中夾  
大塢。而劍川湖之流。合駝強江出峽。貫于川中。所謂  
沙溪也。其塢東西澗五六里。南北不下五十里。所出  
米穀甚盛。劍川州皆未取足焉。從嶺南行。又二里。峰  
頭石忽湧起。如獅如象。高者成岬。早者為紐。穿門踰  
瓣。覺其有異。而不知其即鍾山也。去而後知之。欲再  
返觀。已無及矣。又一里。遂東南下。三里及其麓。從田  
塍間東南行。二里得一大村。曰沙腿。遇一僧。即石寶



山之主僧也。欲留余還觀鍾山。且言從此西四十里  
過蕨食坪。即通楊村蘭州。由蘭州出五藍井。徑從雲  
龍州抵永昌甚便。余將從之。以浪穹何巢阿未晤。且  
欲一觀大理。更聞此地東去。即觀音山。為霍慶大理  
道通。若捨此而西。即多未可之願。乃別僧東南行。脞  
間三里至四屯。村廬甚盛。沙溪之水流其東。有木梁  
東西駕其上。甚長。涉橋又東南望陝坡而趨。二里由  
峽。躡坡東向上者五里。得一坡頂。踞而飯。又東一里  
餘。見路右有峽。西陞如割。整其南有崖。北向一洞。亦

北向關門。艱于陞。峽惟隔岨眺望。不及扳也。又東里  
餘。抵東眷之下。澗自北來。小水流其中。南注西陞。跌  
間。大路涉澗而東。踰眷已。乃知其為三營道。如欲趨  
觀音山。當溯澗而北。入塢。余乃復返澗。西北向溯之。  
入行夾中。徑甚微。而旁右樹漸合。二里出夾。乃東北  
躡坡而上。坡間萬松森列。馬纓花映日。燒林而不聞  
人聲。五里轉而東。又上五里。始躡其眷。南北俱峰。  
中反窪而成岫。穿岫一里。始東北向下。望見東界。遙  
山屏嶺。上干霄漢。而其下支撐隴盤。猶不見下關之



塢也。陞峽而下。二里。又見東麓海子一圍。水光如黛。浮映山谷。然其徑蕪塞。第望之東下。又二里。始有路。自北頂而下。隨之東北降。又五里。始及山麓。之東。平壑內環。小山外繞。自西大山北麓分支。迴環東抱。又轉而西。夾于南麓。四週如城。中闢如規。北半衍為平疇。南半瀦為海子。海子之水。反西南逼大山之麓。破峽陞去。其中蓋另一天也。當壑之中。有居廬駢集。是為羅木哨。其北崗峰如負宸。獨擁于後。而前有廬室倚其陽。是為李氏之居。李名某。以進士任吏部郎。地靈人傑。信

有徵哉。東行滕疇間。二里。過羅木哨村。又東一里餘。大道自西北向東南。交通之。又東半里。抵東崗下。循而北半里。乃東向踰嶺而上。又半里。乃下。及其東麓。教家瀕東溪而居。其溪自三空路澗峽發源。經觀音山。過此而西南繞出洞鼻。合浪穹海子。及鳳羽。閔江。而同入普陀壟。南經中所。下洱海者也。其時將暮。担者欲止。問村人不得。乃悞從村南度小溪。由溪東大道。北行二里。得觀音舖村。已日暮矣。遂宿。十八。昧爽促飯。而担夫逃矣。久之。店人厚索余貲。為



送浪穹。遂南行二里。過一石橋。循東山之麓。而南七里。至牛街子。循山南去。為三營大道。由岐西南。過熱水塘。行塢中。為浪穹間道。蓋此地已為浪穹霍慶犬牙錯壤矣。于是西南從丈坡下一里。過熱水塘。有居廬繞之。余南行塢間。其塢擴然大開。西南八里有小溪。自東而西注。越溪又南。東眺三營。居廬甚盛。倚東山之麓。其峰更崇。西望溪流。逼西山之麓。其疇更沃。過此中橫之溪。已全為浪穹境矣。三營亦浪穹境內。沐西平再定佛光寨以其地險要。特立三營以控扼之。又南十里。則大溪自西而東向曲。

西有木橋南北跨之。橋左右俱有村廬。南渡之。行溪西三里。復溪自東而西。曲又渡橋而行。溪之東三里。于是其溪西逼西山南突之嘴。路東南陟隴而行。四里。則大溪又自西而東向曲。有石梁南跨之。而梁已中圯。陟之頗危。梁之南。居廬亦甚。有閔帝廟東南向。是為大屯。之西一山。北自西大山分支南突。其東南又有一山。南自東大山分支北突。若持衡之針。東西交對。而中不接。大溪之水。北出洞鼻之東。垂又曲而南。環東橫山之西麓。若梭之穿其隙者。兩山既



分懸塢中。塢亦若界而為二。于是又西南行。膝間三  
里。轉而西。三里。過一小石梁。其西則平湖浩然。北接  
海子。南映山光。而西浮雉堞。有堤界其中。直西而達  
于城。乃遵堤西行。極似明聖蕪堤。雖無六橋花柳。而  
四山環翠。中阜弄珠。又西子之所不能及也。湖中魚  
刀泛。茸草新蒲。點瓊飛翠。有不盡蒼茫。無邊激灑  
之意。湖名苾碧。有以也。西二里。湖中有阜。中懸百家  
居其上。南有一突石。高六尺。大三丈。其形如龜。北有  
一迴崗。高四尺。長十餘丈。東突而昂其首。則亦石也。

龜與蛇交盤于一阜之間。四旁沸泉騰溢者九穴。而  
龜之口向東南。蛇之口向東北。皆張吻吐沸。交流環  
溢于重湖之內。龜之上建玄武閣。以九穴環其下。今  
名九氣臺。龜之南見其崿中沸水。其上唇覆出。為人  
擊缺。其水熱不可以濯。有僧見余遠至。遂留飯。且及  
夫僕焉。其北蛇崗之下。亦新建一菴。余以入城急。不  
暇遍歷。由臺西復行堤間。一里。渡一平橋。又二里。入  
浪穹東門。一里。抵西山。下乃南轉。入護明寺。憇行李  
于方丈。寺東向。其殿已久敝。僧方修飾之。寺南為文



昌閣。又南為文廟。皆東向。而溫泉即洋溢池之北。既  
憇行李。時甫過午。入叩何公巢阿。一見即把臂入林。  
欣然恨晚。遂留酌。及更。仍命其長君送至寺宿焉。何  
鳴鳳以經魁初授四川郫縣令。陞浙江益運判官。常  
與肩公道。余素履欲候見不得。其與陳木叔詩有死  
媿王紫芝生媿徐霞客之句。余心媿之。亦不能忘。後  
公轉六安州。知州余即西遊。出門至滇。有得仕籍而  
六安已易人。而治訊東來者。又知六安已為流寇所  
破。心益忡。至晉寧會教諭趙君為陸涼人。初自抗  
州轉任至此。晉寧問之。知其為杭州故交也。言來時  
從隔江問訊。知公以丁艱先歸。後晤雞足大覺寺一  
僧。乃君之戚。始知果歸。以愛  
離任。即城破。抵家亦未久也。

十九。何君復具食于家。携行李入文廟西廡。乃其姻  
劉君匏石讀書處也。上午。何君具舟東關外。拉余同  
諸郎四人同登舟。小僅容四人。兩舟受八人。遂泛  
湖而北。舟不用楫。以竹篙刺水而已。渡湖東北三里。  
湖心見漁舍。兩三家。有斷埂垂楊環之。何君將就其  
處。結樓綴亭。縮納湖山之勝。命余預題聯額。余唯  
憊患之。仍汎舟西北二里。遂由湖而入海子。南湖北  
海。形如葫蘆。而中束如葫蘆之頸焉。湖大而淺。海小  
而深。湖名苾碧。海名洱源。東為出洞鼻。西為劉頭村。  
北為龍王廟。三面山環成塢窩。而海子中溢。南出而

A 1 2 3 4 5 6 M 8 9 10 11 12 13 14 15 B 17 18 19



為湖海子中央。底深數丈。水色澄瑩。有琉璃光。穴從水底噴起。如貫珠聯壁。結為柱幢。上躍水面者尺許。從旁遙觀。水中之影。千花萬萼。噴成珠樹。粒粒分明。絲不亂。所謂靈海耀珠也。山海經謂洱源出罷谷山。即此。楊太史有汎湖窮洱源遺碑。沒山間。何君近購得之。將為立亭以志其勝焉。從海子西南涯登陸。西行田間。入一菴。即護明寺之下院也。何君之戚。已具食菴中。為之醉飽。下午仍下舟汎湖。西南二里。再入小港。何君為姻家。拉去。兩幼郎留侍。令兩長君同。余還。晚食而宿文廟西廡。

二十。何君未歸。而長君清晨候飯。乃攜盒抱琴。竟堤而東。再為九氣臺之游。擬浴于池。而浴池無覆室。是日以街子浴者雜。當乃已。遂由新菴掬蛇口溫泉。憇弄久之。仍至九氣臺。撫琴命酌。何長君不特文章擅藻。而絲竹俱精。就龜口泉瀹雞卵為食。味勝于湯煮者已。而寺僧更出盒佐餐。觴下午乃返。西風甚急。何長君抱琴向風而行。以風韻絃。其聲冷。山水之調更出自然也。



廿一何君歸。飯余于前樓。以其集示余。中有為余咏者。余亦作二詩以酬之。

廿二何君特設宴。余以小疾欲暫卧。懇辭不獲。強起赴酌。何君因出所藏山谷真蹟。揚升菴手卷相示。

廿三何長君聯騎同為佛光寨之游。佛光寨者。浪穹東山之最高而險處。東山北自觀音山南下一穹而為三營後山。再穹而為佛光寨。三穹而為靈應山。其勢皆崇雄如屏。連障天半。遙望雖支隴。其中寔多崩

崖。疊壁。不易扳躋。故佛光寨夙稱天險。名勝志謂為孟獲首寨。然載于鄧川。而不國初既平滇。西有普顏篤者。復據此。以叛。久征不下。數年而後克之。今以其地建靈光寺。從寺後而上。有一女閨。最險。言一女當閨。莫之能越也。顏篤據寨。以諸女子分峙峰頭。遙望山下。無所不見。從閨而上。即通後山之道。北出七坪。南下北牙者也。余聞其勝。故與長君先及之。仍從九氣臺共十里。過大屯石梁。其梁已折。而重建橫木橋以渡。遂從東北行五里。轉而東。從徑路入三里。直抵東山下。乃沿




山東北上。又二里而及靈光寺。門東向。下臨遙川。其前坡雖峻。而石不多。惟寺前一石。高突如屋。前樓後殿。兩廡為炊卧之所。乃何君之伯某府別駕所建。今且就圯矣。余至。先有三客在。皆呂姓。一少而麻衣者。為呂揮使子。其二長者。即其叔也。具食相餉。為余言一女閔之勝。欲即登之。諸君謂日晚不及。迨下午。諸呂別去。何長君亦往三營戚家。余獨留寺中。為明晨遍歷之計。諸呂留蔬米于僧。令供余且導余。廿四晨起索飯。即同寺僧從寺後躋危坡而上。二里

荆川太史紙

餘有岐。北盤入峽者。向寨址道也。歷級直上而南。越峰頭者。向一女閔道也。余從其上者。一里餘。凌披之脊。隨之南轉。俯瞰脊東盤夾中。有遺址圍墻。即普顏篤之舊寨也。反在其下矣。南一里。峰頭始有石壘。從其下東轉。南突危崖。北臨寨底線。徑橫腰。下缺。廿五至月終俱缺。





國家圖書館, NATIONAL CENTRAL LIBRARY, TAIWAN, R.O.C.




|| 22 ||








國立中央圖書館, NATIONAL CENTRAL LIBRARY, TAIWAN, R.O.C.











3405019 v.9





此本重出  
戊寅年  
六月  
直仍

徐霞客西游紀 第九冊

滇自雞足山過鶴慶府進五塘閣抵麗江府解脫  
慶西過大峯下汝南哨清江山際清玄河再至羅  
金華山羅允邑恭歌嶺聯強江石翳山沙溪州  
木哨觀音山出河奠浪等縣併先寨探上閣大  
浪芳鳳羽山再出普院崕中鄧川驛沙閣木  
理府下關石門漾溪橫嶺永平縣寶臺山沙木  
河澗滄鐵橋水寨永昌府箭筒騰  
洛江分水關龍川江亂箭筒騰  
越州尖山固棟南香甸界騰

戊寅十二月廿三日  
山最東叢林后倚九重崖前臨黑龍潭而前則迴  
龍兩層環之先是省中諸君或稱息潭或稱雪潭  
至是而後知其皆非也弘辨安仁二師迎飯于方



壬上

NATIONAL CENTRAL LIBRARY, TAIWAN, R.O.C.



丈即請移館余以大覺遍周以足疾期晤于是欲  
少須之乃還過大覺西上一里入寂光寺住持者  
留點此中諸大刹惟此七佛殿左西旁俱闢禪堂  
方丈與大覺息檀並麓又稍西半里為水月積行  
二庵皆其師用周所遺也

廿四入晤遍周方留款而弘辨安仁未頌即懇移寓  
遂同過其寺以靜聞骨懸之寺中古梅間而入周  
仙院純白何在則方監建塔基在其上先是余在  
唐大耋處過二僧忻然以瘞骨事相訂及入山見  
西山排闥東為水口而獨無一塔為山中欠事至

是知仙院督塔工而未知建于何所弘辨指其處  
正在迴龍環頤間與余意合飯後遂東南二里登  
塔基晤仙院

廿五自恣檀北上經無息無我二庵一里過大栗庵  
有小水二派一自幻住東一自蘭陀東俱南向而  
會于此為恣檀西派從二水之中踴坡上二里餘  
東為幻住今為寧福寺西峒為蘭陀幻住東水即  
野愚師靜室東岬所下與九重崖為界者幻住西  
水即與良一蘭陀寺夾塢之水上自莘野靜室發  
源于念佛堂而為獅子林中峽之水也循東峒幻



住傍北向一里而得一靜室即天香者時中無人  
入訊莘野廬小沙彌指在盤崖杳藹間當危崖之  
西乃從其右躡崖上穿林轉磴俱在深翠中蓋其  
地無喬松惟雜木纒紛而疊路其間又一景矣數  
十曲凡一里東躡崗即野愚廬西緣崖度峽即莘  
野廬道于是西向傍崖橫陟半里有一靜室高懸  
峽中戶扁莫入是為息檀寺庫頭所結由其前西  
下蘭陀寺躡其後而上又半里而得莘野廬靜室  
時知莘野在牟尼山而其父沈翁在室及至而其  
門亦扁莫可問遂從其左上又得靜室主僧亦出

有徒在詢之則其師為蘭宗也又問沈翁何在曰  
伊室問室扁曰偶出當亦不遠余欲還以眷中所  
寄書畀之其徒曰恐再下無覓處不若留此代致  
也從之又從左峽過珠簾翠壁躡堂入室則影  
空所拙者影空不在乃從其左橫轉而東一里入  
野愚靜室所謂大靜室也有堂三楹橫其前下臨  
絕壁其堂窓楞疎朗如浮生雲端可稱幽爽室中  
諸老宿俱在野愚出迎余入詢則蘭宗隱空及羅  
漢壁慧心諸淨侶也是日野愚設供招諸淨侶遂  
留余飯、後見余携書篋因取篋中書各傳觀之



蘭宗獨津，不置蓋曾雲游過吾地而潛心文教者既乃取道由林中西向羅漢壁後念佛堂下過林翳不見竟奔行而西共一里半有龕在盤石上入問道後其西南半里踰一突嶺即所謂望臺也此支下墜即結為大覺寺者望臺之西山勢內遜下圍成峽而旃檀林之靜室倚之峽西又有脉一支自山脊而下是為旃檀嶺即西與羅漢壁分界者是脉下墜即為中支而寂光首傳寺倚之前度息陰軒東轉而盡大士閣者也由望臺平行而西又二里半而過此嶺之西石崖漸出高擁于後

乃折而北上半里得碧雲寺，乃北京師諸徒所建香火祿宿以慕師而來者多也師所棲真武閣尚在石崖懸嵌處乃從寺後取道宛轉上之半里入閣叅叩男女滿閣中而不見師余見閣東有臺頗幽獨探之一老僧方濯足其上余心知為師也拱而待之師即濯而起把臂呼同聲相應同氣相求且詮解之手持二襪未穿且指其胸曰余為此中忙甚襪垢二十年未滌方持襪示余而男婦聞聲湧至膜拜不休臺小莫容則分番迭換師與語言人人殊及念佛脩果媿，不竭時以道遠余先



辭出見崖後有路可踞復扳援其上轉而東得一  
峽上緣有龕可坐梯險登之復下碧雲庵遠慧心  
在以返息檀路遙留余住宿主寺者以無被難之  
蓋其地高寒也余乃並下南向二里過白雲寺已  
暮色欲合從其北傍中支旅行路漸平而濶二里  
過傳首寺暗中不能物色又東南一里餘過寂光  
一里過大覺又東一里過西竺與大道別行松林  
間茫不可見又二里過悉檀前几從龍潭外下回  
見燈影乃轉覓抵其門則前十方堂已早閉不肯  
啟叩左側門乃得入宿焉

廿六晨起飯弘辨言今日豎塔心為吉日可同往一  
看幸定地一處即可為靜聞師入塔余喜甚弘辨  
引路前由龍潭東二里過龍沙內支其腋間一穴  
在塔基比半里其脉自塔基分派處中懸而下先  
有三塔皆本無高茅也最南一塔即仙院純白之  
師、本嵩明籍仙院純白向亦中表皆師之甥後  
隨披剃又為師弟師歸西方在本無之前本公為  
擇地于此而又自為之記余為辨公乞其南為靜  
聞穴辨公請廣擇之又有本公塔在嶺北惟所命  
余以其穴近仙院之師為便議遂定靜聞是日入



定

廿七余見前路漸翳而支間有迹可踞石而上遂北  
上拔陟之屢懸峻梯空從崖石間作猴升一里半  
而西岬前突皆純石撐霄拔壁而起自下望之若  
建標空中自上凌之後有一線連脊又如瓊臺中  
懸雙闕並倚也右即為橫亘大脊披叢莽而上有  
大道東西橫山脊即東自雞坪關山西上而達于  
絕頂者因昔年運磚造城絕頂開此以通驢馬余  
乃反從其東半里凌空岬而上然其處上平下嵌  
俯瞰莫可見不若點頭峯之突聳而出可以一覽

全收也其脊兩旁皆古木深翳通道于中有開處  
下瞰山后其東北又峙山一圍如箕南向所謂摩  
尼山也即此山餘脉所結者其西北橫拖之支所  
謂右趾也即南聳而起為絕頂者故絕頂自南望  
望之如展旂西立羅漢九層之脊則展旂東立自  
此脊望之則如展旂南立右趾之脊則如展旂北  
立此一山大勢也若桃花箐過脊又在絕頂西南  
峽中南起香木坪之嶺東亘為木子孔之脊與羅  
漢壁點頭峯南北峙為兩界此在三距西南支之  
外乃對山而非難足矣若南條老脊自木香而南



走烏龍垵羅漢壁點頭峯又其東出之支非老幹  
矣山后即為羅川地北至南衙皆鄧川屬與賓川  
以此山脊為界故絕頂即屬鄧川而曹溪華首猶  
隸賓川焉若東北之摩尼則北勝滄浪之所轄此  
又以山之東麓雞坪山為界者也從脊直北眺雪  
山一指直豎立天外若隱若現此在麗江境內尚  
隔一雀慶府于其中而雪山之東金沙江實透腋  
南注但其處逼仄僅丈餘不可得而望也由脊道  
西行再降再起五里有路自南而上者此羅漢壁  
東旃檀嶺道也交脊而西北去者此循后距北下

鶴慶道也交脊而東北下者此羅川道也隨脊而  
西者絕頂道也于是再上再紆而北又二里餘而  
抵絕頂之下其北崖雪痕皚皚不知何日所積也  
又南上半里入其南門、外墜壑而下者獼猴梯  
出銅佛殿道由北門出陟后脊轉而西南下者東  
身峽出禮佛殿基華首門會銅佛殿道而獼猴梯  
在東南由脊上東身峽在西北由窩中北登頂二  
險而從脊來者獨無之入門即迦葉殿此舊土主  
廟基也舊迦葉殿在山半歲丁丑張按君謂絕頂  
不可奉迦葉遂捐貲建此而移土主于殿左其前



之天長閣則天啟七年海盜朱按君所建後有觀  
風臺亦閣也為天啟初年廣東潘按君所建今易  
名多寶樓後又有善雨亭亦張按君所建今貌其  
像于中後西川倪按君易名西脚蓮廬語意大含  
訛諷殿亭四圍築城環之後四面架樓為門南曰  
雲觀指雲南縣昔有彩雲之異也東曰日觀則秦  
山日觀之義北曰雪觀指麗江府雪山也西曰海  
觀則蒼山洱海所在也張君于萬山絕頂興此巨  
役而沐府亦向其意移和山銅殿運致之蓋以和  
在省城東而銅乃西方之屬能尅木故去彼移此

有造流言以阻之者謂雞山為麗府之脉麗江公  
亦姓沐忌金尅將移帥雞山今先殺其首事僧矣  
余在黔聞之謂其說甚謬麗北雞南聞雞之脉自  
麗來不聞麗自雞來姓與地各不相涉何尅之有  
及至此而見銅殿具堆積迦葉殿中止無地以暨  
尚候沐府相度非有阻也但一城之內天長以後  
為何南僧所主前新建之迦葉殿又陝西僧所主  
以張按君同鄉故沐府亦以銅殿屬之今西僧無  
道氣不免事參商非山門之福也余一入山即  
聞陝西河南二僧名及抵絕頂將暮見陝西僧之



叔在迦葉殿遂以行李置之其姪明空尚在羅漢  
壁西來寺由殿側入天長閣蓋陝僧以銅殿支絕  
迦葉殿后正門毋令從中出入也河南僧居多寶  
樓下留余晚供觀其意殊憤。余于是昏腹誅之  
還至土主廟中寒甚陝僧爇火供果為余談其姪  
明空前募銅殿事甚緊悉今現在西來可一顧也  
余唯、

廿八晨起寒甚亟披衣從南樓觀日出已皎然上昇  
矣晨食後即錄碑文于天長善雨之間指櫃有張  
憲副二碑最長獨不及錄還飯迦葉殿仍從北門

出門外崗脊之上多賣漿淪粉者脊之西皆削崖  
下覆豈即向所謂捨身崖者耶北由脊上行一里  
而折西下過一敞閣乃南下來身峽巨石双迸中  
溜成坑路由中下兩崖逼束而下墜甚峻宛轉峽  
中旁無餘地所謂束身也下半里得少坪伏虎庵  
倚之庵南向從其前多買香草者其草生于山脊  
循捨身崖東南轉為曹溪華首之道繞庵西轉盤  
絕壁之上是為禮佛臺太子過玄闕奈乃先過禮  
佛臺有亭在臺東亦中北臺峙其前石叢起中懸  
絕壁之上北瞰危崖倒掉于深壑中乃絕頂之北



盡處也其下即為桃花菁但突不能俯窺耳其東  
南壑中則放光寺在焉其西隔塢相對者木香坪  
也是臺當絕頂西北隅懸絕處凌虛倒影若浮舟  
之駕壑為一山勝處而亭既傾敝不容無慨臺之  
北岵壁倒懸磴道斬絕而西崖之瞰壑中者夢辯  
上進若蒂斯啟遙向無路乃棧木橫崖端飛札接  
翼于層壑之山遂分蒂而蹈如入葯房中空外透  
欲合欲分穿其奧窟正當佛臺之下乃外石之附  
內石而成者連下迸裂透兩頭側身而進披隙而  
出復登南臺之上仍東過伏虎循岩傍壁盤其壑

頂仰視轟崖忽欲墮而孰知即向所振衣躡履  
于其上者耶東南傍岵者一里餘有室倚崖曰曹  
溪寺以其側有水一泓在轟崖之下引流墜壑為  
衆沚之源有似宗門法脉也稍下路分為二正道  
東南循岵平去小徑西下危坡余睇放光在西南  
壑便疑從此小徑是西循之一里餘轉而北踰一  
嶺已盤禮禮佛臺之下其西北乃桃花菁路而東  
南壑底終無下處乃從舊路返二里出循岵正道  
過八功德水于是崖路愈逼仄緣底緣嵌絕壁上  
仰眺祇覺崇隆而不見其頂下瞰祇覺深窅而莫



漸其根如懸一幅萬仞蒼岷圖而綴身其間不辨  
身在何際也東一里岷勢上飛高穹如簷覆瓿其  
下如戶闔形其內壁立如掩扉蓋其石齒皆墮  
而不盡墮之餘所謂華首門也其高廿丈其上穹  
覆者不知凡幾蓋即絕頂觀海門下危崖也門  
之下倚壁為亭而旁建小磚塔褻之即徑所稱迦  
葉受衣入定處待六十百千歲以付彌勒者也天  
台王十岳性士憲副詩偈鑄壁間而倪按院大書石  
狀奇絕四字橫鐫而朱丹之其效噴耶黥面即在  
東身書石狀大奇在架梁書石狀又奇在兜率峽

口書石狀始奇凡四處各換一字山靈何罪而受  
此耶又半里轟崖東盡石脊下垂其寺倚其東是  
為銅佛殿今扁其門曰傳燈寺蓋即絕頂東突由  
獼猴梯下墜為此再下即迦葉寺而為西南支發  
脈者寺東向大路自下而來抵寺前分兩岐由其  
北峽登寺后獼猴梯為絕頂前門道余昨從上所  
瞰者由寺前循崖西轉過華首門上東身峽為絕  
頂後門道余茲下所從來者蓋寺北為峽寺西為  
岷寺后獼猴由絕頂垂脊而下乃岷之所東盡而  
峽之所南環者也寺北有石峯突踞峽中有庵倚



其上是為架裝石余初不知其為架裝石也望之  
有異遂不入銅佛殿而登此石至則庵僧迎余坐  
石上石紋離披作兩疊痕而上有員孔僧指其紋  
為迦葉袈裟指其孔為迦葉卓錫之跡即無遺跡  
然其處迴崖外繞墜壑中盤此石綴崖轍堅固自  
奇也僧淪米花為獻余時欲下放光聖峰諸寺而  
不能忘情于獼猴梯遂循石右上半里升梯乃  
自然石級有疊磴痕可以啣趾而痕間石芒齒  
着足甚難脊左瞰即華首轟崖之上右瞰即架裝  
墜壑之端其齒之石華首門乃垂而下此梯乃

垂而下此梯乃錯而上者然頂則同也上半里數  
折而梯盡仍從峽上問去頂迥絕乃返步下梯由  
銅佛殿北東下峽中一里橫盤峽底有庵當其中  
所謂兜率庵也已半頃其后即絕頂與羅漢壁分  
支前突處庵前峽復深墜循庵橫度循左崖下半  
里崖根有窪內嵌前有巨樹流蔭并崔岫居士詩  
碑其前峽遂深蟠路從其上又分為兩循右峽中  
西南下者為迦葉寺聖峰寺西支大道循左崖下  
東向下者為西來寺碧雲寺羅漢寺碧閣道余時  
身隨西峽下而一步一回眺未嘗不神飛羅漢壁



間也下半里為仰高亭在懸中因坳未入既下又  
半里出峽為迦葉寺其門東向中亦高敞此古迦  
葉殿近因頂有新構遂稱此為寺云入謁尊者從  
其前南向循岐而下其路峻而大西丐者覆松為  
棚曲折夾道數十折一里餘而至會燈寺、門南  
向入謁而出東下半里有岐西去者放光寺道也  
恐日昃不及行遂不西向而東趨其路坦而大一  
里為聖峰寺、東向踞分支之上前有巨坊後有  
傑閣其勢甚雄拓閣祀玉皇今皆以玉皇閣稱之  
從此北瞻西來寺高綴層岷之上屏霞巨壁飄渺

天半其景甚異出寺東隨隴行二里過白雲寺又  
從其右東行一里半過慧菴則左右兩溪合于前  
而隴盡遂渡其左峽東過大覺寺蔬園一里從息  
陰后踰中支之脊從千佛閣前觀街子街子者惟  
臘底集山中為朝山之節昔在石鐘寺前今移此  
以近大覺為諸寺之中也由街子東半里過西竺  
寺又二里餘入悉檀具食后知莘野乃翁沈公來  
叩尚留待寺間亟下樓而沈公至各道傾慕之意  
時已暮寺中具池湯候浴遂與四長老及沈公就  
浴池中池以磚甃長丈五濶八尺湯深四尺炊從



隔壁釜中竟日乃就浴者先從池外挽水滌身然後入池坐水中浸一時復出池外擦而滌之再浸再擦浸時不一動恐垢落池中也余自三里盤浴后入漢祇渌于溫泉如此番之浴過亦罕矣

廿九飯于慈檀同沈翁及体極之姪同游街子過大覺遍周亦出遊欲拉與俱余辭歲朝往祝蓋以其屆七旬也既午沈公先別去余食市麪一甌一里餘從大乘庵上幻住一里入幻住見其額為福寧寺問道而出猶不知其幻住也由其右過峽西北行一里而入蘭陀寺、南向由正殿入其東樓良

一師出迎向殿前所臥石碑曰此先師所撰迦葉事跡記也昔豎華首門亭中潘按君建絕頂觀風臺當事者曳之頂將磨鐫新記良一師聞而往止之得免以華首路峻不得下因紆道置此余欲錄之其碑兩面鐫而前半篇在下良一指壁間挂軸云此即其文從碑騰寫而出者余因低懸其軸以業就錄之良一供齋沈翁亦至齋後余度文長不能竟令頌僕下取卧具令沈翁先上其廬當明日往叩也迨暮錄猶未竟頌僕以卧具至遂卧蘭那禪榻頌僕傳弘辨安仁語曰明日是除夕幸爾三



早返寺毋令人懸望也余聞之為凄然久之  
廿日蚤起盥櫛而華野至相見甚<sup>慰</sup>同飯于蘭陀余仍  
錄碑完而華野已去遂由寺循脊北上其道較夷  
一里轉而東一里出華野廬前小靜室又半里而  
入華野樓則沈公在而華野未還沈公為具食華  
野適至遂燕其樓父子復躬為執爨煨芋煮蔬甚  
樂也華野懇令預僕取卧具于蘭陀曰同是天涯  
何必以常住靜室為分余從之遂停寢其樓之北  
楹其樓東南向前瞰重壑左右兩抱峯甚舒而稱  
樓前以杪松連皮為欄製朴而雅樓窓踈楞潔淨

度除萬峯深處此一宵勝人間千百宵薄暮凭窓  
前瞰星晨燁上下垂塢底火光遠近紛拏皆朝山  
者徹夜莹然不絕與瑤月夜又一觀矣

己卯正月初一在雞山獅子林華野靜室是早天氣澄徹  
旭日當前余平明起礼佛而飯乃上隱空蘭宗二  
靜室過野愚靜室野愚已下蘭宗處遂從上徑平  
行而西入念佛堂是為白雲師禪栖之所獅林開  
創首處也先是有大力師者苦行清修與蘭宗先  
結靜其下後白雲結此廬與之同栖乃獅林最中  
亦最高處其地初無泉以地高不能剝木以引二



帥積通神忽一日白雲從龕后龍脊中垂間捲石  
得泉其事甚異而莫之傳余入龕見石脊中峙為  
崖、左有穴一龕高二尺深廣亦如之穴外石倒  
垂如簷泉從簷內循簷下注簷內穴頂中空而水  
不從空處溢簷外崖石峭削而水不從削處墜倒  
注于簷如貫珠垂玉穴底匯方池一函旁皆葛蒲  
茸、白雲折梅花浸其間清冷映人心目余扳崖  
得之以為奇因詢此龍脊中垂非比兩腋何以泉  
從其隆起處破石而出白雲言昔年剝石得之至  
今不絕余益奇之後過蘭宗始徵其詳乃知天神

供養之事佛無誑語而昔之所稱卓錫虎跑于此  
得其徵矣龕前編柏為欄茸翠環繞若短屏迴合  
階前綉墩草獨高員如疊跏趺其上蒲團錦茵皆  
不如也龕甚隘前結松柵方供佛禮懺白雲迎余  
茶點且指余曰此西尚有二靜室可娛乞少延憩  
當淪山蔬以待也余從之西過竹間見二僧坐木  
根曝背一引余西入一室其室三楹乃新闢者前  
甃石為臺勢甚開整佛龕花供皆極精嚴而不見  
靜主詢之曰白雲龕禮懺司鼓者是余謂此僧甚  
朴何以有此乃從其側又上一龕額曰標而門亦



肩乃返過白雲而飯始知其西之精廬即悉檀體  
極師所結而司鼓僧乃其守者飯后又從念佛堂  
東上踞二龕其一最高幾及巔脊但其後純崖無  
路其前則旋崖層疊路宛轉循之就崖成臺倚樹  
為磴山光懸繞真如踞鷲嶺而上也龕前一突石  
當中亦环倚為臺其龕額曰雪屋為程還筆游是  
陽人有才藝而門亦扁蓋皆白雲礼懺諸淨侶也又東  
稍下再上入野憑室猶未返因循其東拔其東峽  
其峽自頂下墜若與九重嵯為分整者頂上危岩  
疊々峽東亘岩一支南向而下即悉檀寺所倚之

支也其東即九重嵯靜室而隔此峽障不可見  
余昔自一衲軒登頂從其東拔岩隙直上惟此未  
及經行乃拔險涉之路漸窮抵峽中則東峯石壁  
峻絕峽下墮壁崩懸計其路尚在其下甚深乃返  
從來徑過簾泉翠壁下再入蘭室廬知蘭宗與野  
愚俱在玄明精舍往從之玄明者寂光之裔孫也  
其廬新結與蘭宗東西相望在念佛堂之下莘野  
山樓之上余先屢過其旁翠條蒼映俱不能覺從  
蘭宗之徒指點得之則小閣踈楞雲明雪朗致極  
精雅周名兩花諸淨侶方坐嘯其中余至共為清



談淪茗日既昃野愚輩乃上探白雲余乃下憇莘  
野樓薄暮蘭宗復來與談山中諸蘭若緣起併古  
德遺疏日暮不能竟

初二飯于莘野即再過蘭宗欲竟所徵而蘭宗不在  
爰玄明雨花閣精潔再過之仍淪茗劇談遂扶筇  
西一里過望臺嶺此嶺在獅林之西蓋與梅檀嶺  
為界者亦自嶺脊南向而下即大覺寺所倚之岡  
也自獅林西陟其嶺即可望見絕頂西懸故以望  
名與其西一嶺又夫堅為塢諸淨室緣之層累而  
下是為梅檀嶺先是雞山靜室祇分三處中為獅

子林西為羅漢壁東為九重崖而是嶺在獅林漢  
壁之間下近于寂光故寂光諸齋又開建諸廬遂  
繼三而為四焉蓋其諸廬在峽間東為望嶺西為  
梅檀嶺此嶺又與羅漢壁為界者又自嶺脊南向  
而下即寂光寺所倚之支也是為中支蓋羅漢壁  
之東迴崖自嶺脊分隕南下既結寂光由其前又  
南度東轉為觀音閣息陰軒峙為瀑布東嶺于是  
又度脊而南為牟尼庵又前突為中嶺若建標于  
中而大士閣倚其端龍潭瀑布二水口交其下一  
山之脈絡皆以茲為館轂云踰望臺嶺西三里由



諸廬上盤空而西三里又盤嶺而南而北轉一里  
北崖皆掉天盤雲如列霞銷而西皆所謂羅漢壁  
也東自梅檀嶺西至仰高亭峽倒掉于衆壑之上  
當其東垂之摺者幻空師結廬處也真武閣倚壁  
脚其下曲徑縱橫石級層疊師因分等為羅點石  
為臺就閣而憇焉其下諸徒闕為叢林今名碧雲  
者也師復款談甚久出果餉之榻間閣而傍俱有  
靜室旁通皆其徒所栖而無路達西來寺路必仍  
下碧雲由山門西盤崖坡又一里半北上半里抵  
壁脚則陝西僧明空所結庵也今名西來寺北京

陝西河南三僧俱以地名今京陝之名凡並重以  
余品之明空猶俗僧也其名之重以張代巡鳳翽  
同鄉命其住持絕頂迦葉殿而沐府又以中和山  
銅殿移而昇之故聲譽赫然、在頂而與河南僧  
不協在西來而惟知款接朝山男婦其識見猶是  
碧雲諸徒流等不可望幻空後塵也然其寺後倚  
絕壁雲幔霞標屏擁天際巍峭大觀此為第一寺  
西有萬佛閣石壁下有泉一方嵌崖倚壁深四五  
尺濶如之瀦水中涵不盈不涸萬峰之上純石之  
間匯此一脈固奇但不能如白雲龕之有感而出



垂空而下為神異耳觀其水色不甚澄澈寺中所  
食俱遙引之西峽之上固知其益不如白雲也寺  
東有三空靜室亦倚絕壁三空與明空俱陝人為  
師兄弟然三空頗超脫有道氣留余飯其廬已下  
午矣自西來寺東至此石壁尤竦峭寺旁崖迸成  
洞其中崆峒僧悉以遊騎填駐其中不可攔入深  
為悵悵又有峽自頂剖窪而下若雲門劍壁嵌  
于中亦為偉觀僧取薪于頂俱自此隙投崖下留  
為捷徑不能藉為勝槩也既飯復自寺西循岨而  
去二里岨盡而為峽即仰高亭之上也先是余由

絕頂經此下遂從大道入迦葉寺不及從旁岐東  
趨羅漢壁然自迦葉寺迴眺岨端一徑如線痕衆  
竇如雲蓋心甚異之故此不憚其晚以補所未竟  
然其上岨石雖飛散空懸皆如華首之類無可深  
入者乃返從西來碧雲二寺前東過梅檀仍入獅  
林至白雲龕下尋玄明精舍悞入其傍又得一龕  
則翠月師之廬也志檀法眷前環踈竹右結松蓋為亭  
亦蕭雅有致乃少憇之遂還宿葦野樓已暮矣  
初三晨起飯荷行李將下悉檀蘭宗來邀欲竟山中  
未竟之旨余乃過其廬為具盃具食遍徵山中故



迹既午有念誠師造其廬亦欲邀過一飯蘭宗乃  
輟所炊同余過念誠路徑珠簾翠壁下徙倚久之  
蓋蘭宗所結廬之東有石崖傍峽而起高數十丈  
其下嵌壁而入水自崖外飛懸垂崖洒壁歷亂縱  
橫皆如明珠貫索余因排簾入嵌壁中外望蘭宗  
諸人如隔霧牽綃其前樹影花枝俱飛魂濯魄極  
暈映之妙崖之西畔有綠苔上翳若絢綵鋪絨翠  
色欲滴此又化工之點染非石非嵐另成幻相者  
也嵯傍山木合宿瓊枝瑤幹連幄成陰襍花成綵  
蘭宗指一木曰此扁樹曾他見乎蓋古木一株自

根橫臥丈餘始直聳而起橫卧處不員而扁若側  
石偃路傍高三尺而厚不及尺余初疑以為石也  
至是循視其端乃信以為樹蓋石借草為色木借  
石為形皆非故須矣東半里飯于念誠廬別蘭南  
向下之字曲半里又入義軒廬義軒大覺之派新  
構靜于此乃獅林之東南極處也上為念誠廬最  
上為大靜室即野愚所栖是為東支華野棲為西  
南極處其上為玄明精舍最上為休榭所構新廬  
是為西支而珠簾之崖當峽之中傍峽者為蘭宗  
廬其上為隱空廬最上為念佛堂即白雲師之廬



也是為中支其間徑轉崖分綴一室即有一室之  
妙其盤旋迴結各成境止如巨蓮一朵瓣分千  
片而片自成一畧各無欠缺也從義軒廬又南  
向之字下一里餘過天香靜室天香幻住庵僧也  
其年九十余初上覓莘野廬首過此問道者又南  
一里過幻住庵其西即蘭院寺也分隴對衝獅林  
之水界于左右而合于其下焉又南下一里餘二  
水始合渡之即為大乘庵由澗南東向循之半里  
水折而南復踰澗東南下一里過無我無息二庵  
其下即為小龍潭五華庵已在恣檀寺右廊之外

而峒隴間隔復踰澗南過迎祥寺乃東向隨澗行  
一里抵寺西虎砂即前暗中摸索處也其友自蘭  
院南來至迎祥轉而東橫亘于恣檀寺之前東接  
內突龍砂兜黑龍潭于內為恣檀寺第一重葉其  
內則障獅林之水東向龍潭其外則界梅檀之水  
合于龍潭下流而脉遂止于此焉于是又北踰澗  
半里入恣檀寺與弘辨諸上人相見若并州故鄉  
焉前同莘野乃翁由寺入獅林時寺杏花初放各  
折一枝携之上既下則寺前桃亦綻終前之杏色  
愈淺而繁后之桃靨更新而艷五日之間芳菲乃



爾睹春色之來大地益感浮雲之變古今也  
初四飯于慈擅即携杖西過迎祥石鐘二寺共二里  
于石鐘西竺之前踰澗而南即前山所未來大道也  
余前自報恩寺后渡溪分道悞循龍潭溪而上不  
及過大士閣頽僕言大士閣后有瀑甚奇從此下  
不遠從之即踰脊其脊甚狹而平脊南即瀑布所  
下之峽脊地即石橋所下之澗脊西自息陰軒來  
過此南突而為牟尼庵盡于大士閣者也脊南大  
路從東南循嶺觀瀑亭倚之瀑布從西南透峽玉  
龍閣跨之由觀瀑亭對崖瞰瀑布從玉龍閣下墮

墜崖懸練而墜深百餘丈直注峽底峽逼箐深俯  
視不能及其麓然踞亭俯仰絕頂浮嵐中懸九天  
絕岵墮雪下敷九地兼之霽色澄映花光浮動覺  
此身非復人間天台石梁庶几何曇花亭上來也  
時神飛玉龍閣遂不及南下問大士閣之勝于是  
仍返脊南循峽端共一里陟瀑布之上登玉龍其  
閣跨瀑布上流當西山峽口乃西支與中支二大  
距湊泊處水自羅漢華嚴來至此墮空下搗此一  
閣正如石梁之橫翠鵲橋之飛空惜無居人但覺  
杳然有花落水流之想樓為楊冷始師孔所題與



觀瀑亭俱為蔣賓川兩弟所建有一碑卧樓板偃  
踞而錄之遂沿中支一里西上息陰軒從其左北  
踰澗又北半里入大覺寺叩遍周老師、為無心  
法嗣今年屆七袞為山中之耆宿俞前與之期以  
新旦往祝而獅林崖下又空而前殊覺快、師留  
食于東軒即水由亭沿中射空而上者沿不大中  
置一石盆、中植一錫管水自管倒騰空中其高  
將三丈玉痕一縷自下上噴隨風飛洒散作空花  
前觀之甚奇即疑雖管植沿中必與沼水無涉况  
既能倒射三丈何以不出三丈外此必別有一水

其高與此並彼之下從此墜故此上從此止其伏  
机當在沼底非沿之所能為也至此問之果軒左  
有崖高三丈餘水從崖墜以錫管承之承處高三  
丈故倒射而出亦如之管從地中伏行數十丈始  
何詔心暨起其管氣一絲不旁洩故激發如此耳  
雁宕小老湫下昔有雙劍泉其高三尺但彼則自  
然石竅後為人所竅而水不湧起是淺氣之醜也  
余昔候黃石齋于一株陵亦見洪武門一肆盆中亦  
有水射上中有一員物如丸跳伏其上其高止三  
尺以物色黃君急不既飯錄碑于西軒、中山茶  
及細勘當亦此類  
盛開余前已見之至是折一枝別遍周西半里過  
一橋又北上坡一里入寂光寺、住持從遍周東



軒同食至此未返余錄碑未竟暝色將合携紙已  
罄乃返悉檀又從大覺東一探龍華西竺二寺日  
暮不能詳也

初五暫憩悉檀寺沈君具東邀余同悉檀諸禪侶以  
初六日供齋獅林是日遂不及出

初六悉檀四長老飯後即約赴沈君齋沈君亦以厭  
歲週光甲余乃錄除夕下榻四詩為祝仍五里至  
天香廬側又踞峻一里而登莘野樓則白雲翠月  
玄明諸淨侶皆在進食後遂同四長老遍探林中  
諸靜室宛轉翠微間天氣清媚茶花鮮嬌雲閣翠

隙無所不到先過隱室為留盒茗過蘭宗野愚俱

下山過玄明啜茗傳松實過白雲啜茗傳茶寔

大如芡寔中有白肉如榛分兩片而長入口有一

陣涼味甚異即過休極靜廬又預備

而此獨可食聞感通者最佳茶盒以待下午仍飯于莘野樓四長老強余騎從

不易得也間有油者辣口西垂下二里過蘭陀寺西從其前東轉仍由幻住

前下坡四里歸悉檀

初七晨起大覺遍周令其徒折束耒招余將赴之適

良一蘭宗至又有本寺復吾師自摩尼寺至復吾

人以庠士為本無高丘今主摩尼閣歸本野愚師

剃乃四長之兄行也



又至遂共齋本刹下午野愚蘭宗由塔盤往大士  
閣余赴大覺之招小食後腹果甚遂乘間往寂光  
錄前所未竟碑仍飯于大覺而還悉檀宿  
初八飯後四長老候往本無塔院蓋先期以是日祭  
掃也余從之由寺左龍潭東下一里又過一東腋  
水南行半里則龍砂內支自東而西突與中支大  
士閣之峯夾持于悉檀之前其勢甚緊悉檀左右  
前後諸水俱由此出路由嶺岫南度余同弘辨辛  
野特西探其巔隔峽西眺中支南突至此而盡大  
士閣倚其下乃天然鎖鑰為悉檀而設者也仍還

由大路循東嶺而南半里為靜聞瘞骨處乃登拜  
之又南一里則龍砂外支又自東嶺分突而西與  
西支傳衣之峯對亦夾持于悉檀之前其勢甚雄  
大士閣東龍潭諸水大士閣西瀑布諸水悉由此  
而出此嶺為一山之龍砂而在悉檀為最近即雞  
足前三距中之東南支也其脉自絕頂東亘屏立  
空中為羅漢壁獅子林點頭峯九重崖後脊中支  
由羅漢壁下墮而止于大士閣東支由九重崖東  
南環為此嶺若臂之內抱先分一層為內砂與中  
支大士閣對又行此層為外砂與西支傳衣后峰



對其勢自東而西突其度脊少凹如馬鞍昔以馬鞍嶺名之余初入雞山抵大覺四顧山勢重且迴合叢林靜室處、中懸無不恰稱獨此處欠一塔為山中缺陷及至悉擅遙顧此峯尤奇以為焉得阿育王大現神通于八萬四千中分一靈光于此既晤弘辨問仙院何在曰在塔盤周塔盤何在則止指此山也時尚未豎塔心不能遙矚自後則瞻顧如對矣人謂雞山前伸三距惟西支長而中東二支俱短非也中支不短不能獨懸中令外支環拱西支固長然其勢較低蓋虎砂正欲其低也若

東支之所謂短者自其環抱下墜處言之則短自其橫脊後擁處言之則甚長而崇非西支之可並也蓋西支繚繞而卑虎砂也而即以為前葉東支天矯而尊龍砂也而兼以為後屏皆天造地設自然之奇擬議所不及者也塔盤當峰頭在馬鞍中凹之西有路在馬鞍之間則東南下雞坪閱者有歧路在馬鞍之東則東北向本無塔院者時塔盤工作百餘人而峰頭無水其東峯有水甚高以中凹不能西達乃豎木柱數排于凹中架橋其上而接之柱高四丈餘架木為溝橫接松杪昔聞霄漢



鵲橋以渡水也今反為水渡抑更奇矣大覺則抑  
倒射此則浮之空中使支由凹東向循峯則鷄山  
通皆所謂顛倒造化也  
大脊之南盡處也其前後開大穴分支環抱又成一向可謂靈山面、奇矣共二里登謁本無塔、甚偉三塔並峙中奉本公舍利左右則諸弟子普同二塔也左為塔院有亭有廡可憩可栖諸淨侶及三番僧皆助祭余則享餽焉時同祭者四長老外則白雲復吾沈公及莘野諸后裔俱集若蘭宗良一則本公雁行故不至云祭後仙院純白又携祭品往祭馬鞍嶺北三塔遂及靜聞焉下午還過

塔盤叩仙陀謝其祭靜聞也

初九晨食后余即携杖西行三里過息陰軒、在中支之脊大覺寺之前案也為本無師靜揖虔額為僉憲馮元成時所書其前有三歧從左渡澗趨大覺寂先從右渡澗趨傳衣下接待從后直上則分渡右澗或由慧林而上聖峰或陟西支而抵華巖焉余乃先半里從右渡轉而東上南嶺半里盤其東岬之上即瀑布之西峰也于是循之南行東瞻中支之大士閣在其下東支之塔盤嶺對其上平行三里乃東轉隨坡下一里則傳衣寺東向倚山



之半其北先有止、庵嘿庵真語所建傳衣大机  
禪師之友也又南為淨雲徹空真炳所建又南有  
弥陀員通八角三庵皆連附于傳衣寺者而八角  
之名最著以昔有八角亭今改撤矣八角開敞于  
嘉靖間為吉空上人所建其南即為傳衣寺、基  
址開與規模宏拓前有大坊題曰竹林清隱乃直  
指毛堪蘇州毛所命上又一古松當坊之前本大  
三圍乃龍鱗非虎鬣也山間巨松皆五鬣聳幹參  
天而老龍鱗頗無大者遂以糾拏見竒 由梯  
登臺四面橫枝倒懸于外或自中躍起或自巔垂

颺其紛糾翔舞之態不一而足與天台翫鳳其一  
類耶坊聯曰花為傳心開錦繡松知護法作虬龍  
為王元翰聚洲筆門聯曰峯影遙看雲蓋結松風  
靜听海潮生為羅汝芳近筆寺昔為員信庵嘉靖  
間李中谿元陽為大机禪師宏淑為寺萬曆辛丑  
元日燬于火其孫法界復鼎建之視昔有加先是  
余過止、庵一病僧留飯坐久之見其方浙未乃  
去飯于淨雲僧竟心遂入叅寺中入其西藏經閣  
、前山茶樹小而花甚盛為折兩枝而出乃東北  
下峽中一里有垣圍一區濶山為池畜金魚于中



結茅龕于上者亦傳衣之裔僧也雲影山光以一  
泓印之不覓潭影空心又東北下半里抵峽底則  
瀑布之下流也去瀑布已一曲昔從瀑上瞰不見  
其底今從峽底涉亦不見其瀑峽西有草廬菜畦  
則猶傳衣之蔬圃也峽中之水至是如引絲反不  
如懸瀑之勢巨矣渡澗乃東上坡一里而至大道  
則大士閣之側也閣倚中支南突之半其前有坊  
有棧歷級甚峻後為閣飛甍疊棟上供大士左右  
各有棧其製亦敞乃萬曆丙午直指沈公所建選  
老僧拙愚者居之命曰三摩寺余錄碑閣下忽一

僧慇懃款曲問之乃拙公之徒虛宇也虛宇又為  
蘭宗之派今拙公沒虛宇當事昨野愚蘭宗宿此  
想見道余故虛宇一見嗟且留宿余以日暮碑  
長許之令頽僕返悲檀余下榻于西棧之奧室  
初十晨起盥櫛而頽僕至言弘辨帥遣僧往鹿江已  
行蓋為余前茅者余乃候飯即從寺右大道北  
上二里陟中支之脊有庵踞其上曰牟尼庵其前  
松影桃花恍有異致庵後即觀瀑亭迴瞰瀑布真  
有觀不足之意乃仍溯中支二里過息陰軒從其  
後直西一里又南下渡澗西行已在大覺寺蔬圃

A 1 2 3 4 5 6 M 8 9 10 11 12 13 14 15 B 17 18 19



之南矣蓋大覺菴圓當中支之後中支至是自北  
東轉其西有二流交會即瀑布之上流也一自羅  
漢壁東南下一自華嚴東北流二水之交中夾一  
支其上為慧林菴乃西南支東出之旁派聖峯白  
雲寺所倚者也華嚴之路又從圓東流其下流乃  
從澗南湖之西上一里半漸踰支脊其南復有一  
澗與西支東走之脊隔又從其澗北溯之西上一  
里餘見脊上有塚三四后有軒樓遺構與塚俱頽  
此脊乃西支餘派直送而出無有環護宜其然也  
由塚西復下峽其峽復有二在南者自西支法焰

寺南發源東下經華嚴寺北至此而與北澗合在  
北者自西支法焰寺北發源東下經毘盧寺北至  
此而與南澗合二水之交中夾一支為華嚴寺北  
向之案亦西南支之旁派毘盧祝國二寺所倚者  
也涉北澗有二歧隨澗西行者為祝國毘盧道由  
支端登脊而上溯南澗之北西行者為華嚴道余  
乃登脊瞰南澗行一里有亭橋橫跨澗上乃華嚴  
下流之鑰也渡橋始為西南本支又西半里而得  
華嚴寺：當西南支之脊東北向九層岨而峙地  
迥向異又山中一勝也蓋雞山中東二支及絕頂



諸刹皆東南二向曾無此拱者惟此寺迴看返始  
北大山諸林刹歷：倒湧亦竟改觀規模亦整典  
傳衣伯仲嘉靖間南都古德月堂開建其徒月輪  
以講演名萬曆初聖母賜藏後遭回祿今雖重建  
紺宇依然而法範寂寥矣寺東有路東行山脊乃  
直達傳衣者由寺前峽上西行半里復有亭橋橫  
跨澗上即東橋上流也寺左右各有橋有亭山中  
之所僅見過橋又陟其北向餘支躡崗半里于崗  
脊過毘盧寺：前為祝國寺俱東向踞崗寺北有  
澗東下即前所涉之北澗也又由其南岨溯之西

上一里半有寺踞崗脊是為法始寺蓋西南支自  
銅佛殿下南墜至此東轉寺當轉摺處又東抽一  
支以為毘盧祝國之脉而橫亘于華嚴之前者也  
是為西南餘支之第一法始之北又分一崗相夾  
無住菴倚之即下為顏塚之支是為西南餘支之  
第二屨有路直北踰崗度峽而橫去皆向聖峯會  
燈之大道者余欲析其分支之原遂從峽中遡之  
而上于是南捨法始北遶無住之後峽路漸翳叢  
箬橫柯遂成幽閨然漸逼絕頂之下矣時路無行  
人隨一桃花箬村氓行一里北循峽中又一里北



躡陞峯又一里遂踰脊而西乃西見木香坪之前  
山外擁華首門之絕壁高懸桃花筍之過腋西環  
而此脊上自銅佛殿下抵法昭寺轉而東去界此  
脊西一壑另成一境則放光寺所倚也踰脊更西  
北盤壑上行又一里半而得大路已直逼華首門  
下岨矣其路東自聖峯來西由放光出桃花筍抵  
鄧州川為大道余西隨之半里而放光寺在焉其  
寺南向後倚絕壁前臨盤壑以桃花筍為右閤以  
西南首支為左護其地雖在三距之外而寔當絕  
頂之下發光鍾異良有以也余初自曹溪華首門

下瞰之見其寺沉々直墜壑底以為光從宵閭中  
上騰乃飛梯虺伏之窟及至而猶然在萬壑盤拱  
之上而上眺華首則一削萬仞橫拓甚濶其間雖  
有翠紋烟縷若鶴痕然疑無所披陟孰知其上乃  
西自曹溪東連銅佛殿固自有凌雲之路橫緣于  
華首之前也然當身歷華首時止仰上崖之穹崇  
不覺下壁之峻拔至是而上下又合為一幅其巍  
廓又何如也然則雜山雖不乏層岨如華首羅漢  
九重諸處其境界固高而雄傑之觀莫以逾此矣  
寺前以大坊為門、下石金剛二座鏤刻甚異猗



猗之狀悅與烟雲同活其內為前樓之前有巨石峙于左高丈五而大如之上擊下削構亭于上其北面正可仰瞻華首而獨為樓脊所障四壁之中獨翳此絕勝一面不為無憾寺建于嘉靖間陝西僧員惺所構萬曆初燬而復興李元陽有碑範銅而鐫之然鐫字不能無訛其後嗣歸空更建毘盧閣之成而神庙賜藏余錄銅碑殿中甚暗而腸亦餒時主僧俱出止一小沙彌在余畀之青杖乃燕竹為炬糞蔬為供既飯東遵大道一里踰垂支之脊又一里餘盤隊峽之上得分歧為一過峽直

東者為聖峰路一踰嶺北上者為會燈路始為登頂正道余乃北踰上嶺數曲而至會燈寺、南向昔為廓然師靜室今其嗣創為寺由寺西更轉而北上復數曲一里餘而過迦葉寺、東向此古迦葉殿也今張按君建迦葉殿于絕頂因改此為寺云由其前北向入峽其峽乃西自絕頂東自羅漢壁西崖而夾而成中垂磴道少上有坊為羅李二先生遊處羅為近溪先生汝若李為見羅先生村皆江西人同為司道遊此又上有亭為仰高亭中有碑為萬曆間按君周懋相所立紀登山及景仰二先生意周亦江西人也余前



過此見亭中頽不及錄其文而去故此來先錄之  
風撼兩崖間寒凜倍于他處錄竟日色西傾望其  
上甃率庵即前所從下而其東橫緣之路出羅漢  
壁者前又曾抵此而返頂未了之事非可以餘晷  
盡也乃返步下仍過迦葉殿前見有岐東下徑中  
其壑底一庵在聖峯北者必補處庵也乃取道峽  
中隨壑下蓋緣脊下經會燈者為正道隨壑東下  
趨補處者為間道下二里過補處庵亦稍荒落恐  
日暮不入由其前渡峽澗東遂上坡過聖峰寺  
東向前有大坊由坊外東行餘里峒脊甚狹南北

俱深坑逼之度脊又東里餘有寺新構當坡之中  
岳是為白雲寺余欲窮此支盡處遂東下行南澗  
之上二里則慧林庵踞坡之盡處緣庵前轉下北  
澗渡之始陟中支行北澗與南澗乃合于路南其  
東即大覺菴園矣東半里過菴園北又東一里過  
息陰軒南又東一里過瀑布北遂失中支北涉西  
竺寺澗又行中東二支盤壑中矣又二里薄暮入  
慈檀寺

十一飯後覺左足姆指不良為皮鞋所寤也而復吾  
亦訂余莫出姑停憇一日余從之弘辨安仁出其



師所著書見示禪宗讚頌老子云弘辨更以紙帖  
墨刻本公相畀且言遍周師以青帙相贖余作東  
謝之甫令碩僕持去而大覺復路過持來余姑納  
之筭上午赴復吾招出茶果皆異品有本山參以  
蜜炙為脯又有孩兒參頗具人形皆山中產又有  
桂子又有海棠子皆所未見者大抵迤西果品吾  
地所有者皆有惟粟差小而枣無肉松子胡桃花  
椒皆其所出惟龍眼荔枝市中亦無菌之類雞宗  
之外有白生香葦白生、于木如半葦形不員而  
薄脆而不堅點中謂之八擔柴此間石蜜最佳白

若凝脂視之有肥膩之色而一種香氣甚異因過  
安仁齋中視蘭、品最多有所謂雪蘭花白玉蘭花  
最上虎頭蘭最大紅舌白舌以心中一點最易開  
其葉皆濶寸五分長二尺而柔花一穗有二十餘  
朵長二尺五者花朵大二三寸瓣濶共五六分此  
家蘭也其野生者一穗一花與吾地無異而葉更  
細香亦清遠其地亦重牡丹慈檀無山茶而多牡  
丹元宵前蓋已大如雞卵矣

十二四長老期上九重岩赴一袖軒供一袖軒為木  
百石故每歲首具供一次以兩不能行飯後坐齋



頭抵干而齋乃相拉上崖始由寺左半里上弘辨  
靜室基旁又西半里過天柱靜室旁又北躋一里  
半橫涉峽箐始與一西來路合遂東盤峽上半里  
過天柱其北又墜一峽大路涉峽而踰東北嶺乃  
北下後川向羅川之道小路拔脊西北上乃九重  
岩之東道其路甚峻即余前所上者第此時陰晴  
未定西南望木香坪一帶積山崢嶸炤耀山谷使  
人心目融徹與前之麗日澄空又轉一光明法界  
也一里餘抵河南師靜室路過其外問而知之兩  
色復來余別衆淨侶令先上一衲軒而獨往探之

師為河南人至山即栖此廬而曾未秀出余前從  
九層崖登頂不知而過其上後從獅林欲橫過野  
愚東點頭峰下又不得路躊躇至今恰得所懷此  
入廬見師人言其獨栖而見其一室三侶人言其  
不語而見其條荅有叙人言其不出而見其抱臂  
入林亦非塊然者九層崖靜室得師可與獅林羅  
漢足矣坐少定一衲僧來邀兩陣大至既而雪  
霏師為挽留稍霽乃別踞蹬半里有大道自西上  
橫陟之遂入一衲軒崖中靜主大定拙明輩皆供  
食絡繹迨暮不休兩雪時作四長老以騎送余自



自大道西下其道從點頭峯下橫盤脊峽時嵐露  
在下深崖峭壑茫不可辨二里與獅林道合已在  
幻住庵之後西與大覺塔院隔峽相對矣至此始  
勝騎從幻住前下山又四里而入志檀燐燈作揚  
趙州書

十三晨起飯即以揚趙州書畀碩僕令往致揚君余  
追憶日記于東樓下午雲淨天皎

十四早寒以東樓皆日余移硯于藏經閣前桃花下  
就暄為記上午妙宗師以雞蔓茶果餉師亦簡藏  
其處也是日晴霽如故迨晚余忽病嗽

十五余以嗽故臥遲三當午而起日中雲集迨晚而  
翳余欲索燈臥弘辨諸長老邀過西樓觀燈乃  
闕中圍紗者佐以柑皮小燈或掛樹間或浮水面  
皆有螢々明星意樓下採青松毛鋪藉為茵蓆去  
卓跣坐前各設盃果注茶為玩初清茶中盞茶次  
蜜茶本堂諸淨侶環坐滿室而外客與十方諸僧  
不與焉余因憶昔羊三里龍燈一淨一闍粵南滇  
西方之異也梵宇官衙寓之異也惟佳節旅魂無  
異為闍然而起則殿角明蟾忽破雲霧魄矣  
十六晨食後復移硯就暄于藏經閣前桃花下日色



時翳下午返東接嗽猶未已抵暮復雲開得月  
十七作記東接兩色時作

十八濃雲密布既而開霽薄暮頽僕返自趙州

十九飯後晴霽殊甚遂移臥具由志檀而東趙大栗  
東澗一里上脊即迎祥寺從其南上寺後半里為  
石鐘寺又後為員通極樂二庵極樂之右即西竺之  
竺之後即龍華從龍華前西過大路已在西竺之  
上去石鐘又一里矣龍華之比坡上即大覺寺龍  
華西臨澗又有一寺前與石鐘同東南向從其後  
度澗即彼岸橋下流即息陰軒已為中支之脊矣

從軒左北向上過觀音閣為千佛寺其前即昔之  
街于正當中脊今為墟矣復北渡澗從大覺側西  
北上寺僧留入謝之仍過澗橋上有屋額曰彼岸  
同登其水從望臺嶺東下界于寂光大覺之間者  
龍華至此又一里矣過橋復躡中支上半里中脊  
為水月庵脊之東腋為寂光脊之西脰為首傳僧  
淨方年九十矣留而未入由寺右盤一嶠東觀一  
庵桃花嫣然松影歷亂起之即積行庵也其庵在  
水月之西首傳之首北僧覺融留飯後乃從庵左  
東上轉而西北登脊從中支脊上二里有靜室當



脊是曰烟霞室克心之徒本和所居由其西分岐  
上羅漢壁由其東盤峽上梅檀嶺、從峽西下路  
北向作之宇上一里得克心靜室克心者用周之  
徒昔住持寂光今新構此退休其地當垂脊之左  
東向稍帶南又以西支外未字乳大山為虎砂以  
點頭峯為龍砂龍近而虎遠又與獅林之砂異其  
東有中和靜室亦其徒也為齋茶所焚今中和往  
省矣留余點果稠疊久之別已下午遂從右上小  
徑峻極今其徒偕上半里得西來大道隨之東上  
又半里陟梅檀嶺脊而西南行徑烟霞室漸轉東

南為水月寂光由其前又西南一里盤一嶺有一  
廬在嶺上余三過皆鑰門不得入其下即白雲寺  
所托也又西半里再盤突嶺而上即慧心靜室慧  
心為幻空徒始從野愚處會之前曾過悉檀來叩  
故入叩之方禪誦會燈庵其徒供茶而去其後即  
碧雲寺不入從其側又盤嶺兩重二里北上西來  
寺西徑印雪樓前又西循諸使絕壁行一里為一  
真蘭若其上覆石平飛又西半里崖盡而成峽其  
峽即峯頂與羅漢壁夾峙而成寺上自甃率宮下  
抵羅李二先生坊兩壁夾成中溜路當其中溜之



半崖脚内嵌前聳巨木有舊碑刻岫崔詩乃題羅  
漢壁者中橫一歧由其上直溜半里過過玄武廟  
又半里過梵率宮已暮而宮圯無居人又上一里  
扣銅佛殿入而栖焉即所謂傳燈寺也前過時朝  
山之履相錯余不及入茲寂然久之得一老僧啟  
戶宿

二十晨起欲錄寺中古碑寒甚留俟下山錄遂置行  
具寺中寺中地俱大蓋以登頂二道俱從寺而分  
還必從之也出寺將北由架梁石上念獼猴梯前  
已躡之登其崖端而下束身峽向雖從之下猶未

及仰升茲不若由南上北下庶交覽無偏乃從寺  
右循崖西行遂過華首門而西崖石上下俱峭甚  
路緣其間止通一線下瞰則放光寺正在其底上  
眺則峰頂之捨身崖即其端而莫能竟也共西一  
里有歧懸崖側余以為下放光道又念層崖間何  
能垂隙下有水出崖側樹根間剝木感之是為八  
功德水剝木之外無餘地水即飛洒重崖細不能  
見也路盡仍上即前西來入大道處有草龕倚崖  
間一河南僧習靜其中就此水也又西半里稍上  
又半里為漕溪寺、止三楹倚崖門扁無人其水



較八功稍大其後危崖稍前抱如珞余拔石直躋  
崖下東望左崖前抱處忽離立成峰員若卓錫而  
北並崖頂若即若離移步他轉即為崖頂所掩不  
可辨惟此處則可盡其離裡之妙而惜乎舊曾累  
址今已成棘人莫能登蓋雞山無拔地之峰此一  
見真如閃影也又西半里餘過東身峽下轉而南  
過伏虎庵又南過禮佛庵共一里再登禮佛臺  
南懸桃花箐過脉之上正與木香坪夾箐相對西  
俯桃花箐東俯放光寺如在重淵之下余從臺端  
墜石穴而入西透窟而出復有聳石攢隙成臺其

下皆危崖萬仞棧木以通即所謂太子過玄關也  
過棧即臺後禮佛龕昔由棧以入穴今由窟以出  
棧其憑眺雖同然前則香衾駢趾今則諸庵俱扃  
寂無一人覺身與灑堂同其游衍而已棧西沿崖  
端北轉有路可循因披之而西遂過桃花箐之上  
共一里路窮乃樵徑也仍返過伏虎庵由東身峽  
上峽勢逼束半里透其上是文殊堂始聞有老僧  
持誦聲路由其前躡峽乃余前來自頂來者見其  
後有小徑亦躡脊西去余從之蓋文殊堂脊處乃  
脊之凹從東復聳而起者即絕頂之造而為城者



也從西復聳而起者桃花箐之度而首峙者也西  
一里叢木蒙茸雪痕連亘遂造其極蓋其山自桃  
花箐北度即凌空高峙此其首也其脊北垂而下  
二十里而盡于大石頭所謂後距也其橫亘而東  
者至文殊堂後少遜而中伏又東而復起為絕頂  
又東而稍下遂為羅漢壁梅檀嶺獅子林以後之  
脊又東而突為點頭峯環為九重崖之脊皆迤邐  
如屏于是掉尾而南轉墜為塔基馬鞍嶺則雞山  
之門戶矣垂脊而東直下為雞坪閱則雞山之脰  
足矣故山北之水北向而出于大石東山西之水

其南發于西洱海之北者由和光橋西發于河底  
橋者由南北街皆會于大石之下環年尼山之北  
與賓川之流共北下金沙大江為始知南龍大脉  
自麓江之西界東走為文筆峰是為劍川麓江界  
抵麓東南丘塘閣南轉為朝霞洞是為劍川鶴慶  
界又直南而抵腰龍洞山是為鶴慶鄧州州界又  
南過西山灣抵西洱海之北轉而東是為鄧州太  
和界抵海東隅于是正支則遵海而南為青州太  
和賓州州界又東南峙為烏龍堪山為趙州小雲  
南峙遂東度為九鼎又南抵于青華洞又東度而



達于水目爲分支由海東隅北峙爲木香坪之山  
從桃花塢北度是爲賔川鄧川畝是雞足雖附于  
大支而猶正脊也登此直北望雪山茫不可見惟  
西北有山一帶自北而南者雪痕皚皚即腰龍洞  
南北銜西倚之山也其下麥畦浮翠直逼雞山之  
麓是爲羅川若一琵琶蟠地雖下三十里而黛色  
猶襲人衣四顧他麓皆平楚蒼々也西南洱海是  
日獨滴瀉如浮盃在掌蓋前日見雪山而不見海  
今見海而不見雪山所謂陰晴衆豎殊出沒之不  
可定如此此峰之西盡處也東還一里過文殊堂

後脊于是脊南皆危崖凌空所謂捨身崖也愈東  
愈甚余凌其端瞰之其下即束身峽東抵曹溪後  
東峰向躋而下今臨其上東峯一片自崖底並立  
而上相距丈餘而中有一脉聯屬若姆指然可墜  
凹上其顛也余扳躡從之顧僕不能至時罡風橫  
厲欲捲人擲向空中余手粘足踞幸不為捨身者  
幾希矣又共一里入頂城門寔西門也入多寶樓  
河南僧不在其徒以菜豆粥芝麻鹽爲餉余再錄  
善雨亭中未竟之碑下午其徒復引余觀其師退  
休靜室其室在城北二里即前所登西峯之北岫



也路由文殊堂脊北向稍下循西行當北垂之腋  
室三楹北向环拱亦称盖鷄山迴合之妙俱其南  
當山北者僅有此亦幽峻之奧區也其左稍下有  
池二方上下連漚水不多亦不竭頂城所供皆取  
給焉還抵城北竟從城外趨南門竟不及入迦葉  
前殿由門前東向懸石隙下一里有殿三楹東向  
額曰萬山拱勝而戶亦扃由其前下墜級甚峻將  
抵猢猻梯過一人乃恣檀僧令來候余者以麓江  
有使來邀也遂同下共一里而至銅佛殿余初擬  
宿此以候者至乃取行李五里過碧雲寺前直下

五里過白雲寺由寺北渡一小澗又東五里過首  
傳寺後時已昏暝又三里過寂光寺西候者腰間  
出一石如栗擊火附艾拾枯枝然之導中支三里  
叩息陰軒門出火炬為導又一里餘踰瀑布東脊  
而北又三里而至恣檀弘辨師引麓府通事見以  
生白公招柬來致相與期遲一日行

廿一余約束行李為行計通事由九重岨為山頂遊  
將午復吾邀題七松冊子弘辨又磨石令其徒雞  
仙書靜聞碑

廿二晨食後弘辨具騎候行余力辭之遂同通事就



道以一人擔輕裝從而重者姑寄寺中擬復從此  
返也十里過聖峯寺越西支之脊而西共四里過  
放光寺入錄其藏經聖諭僧問留茶所謂盤院石  
靜室者僧指在西北危崖之半仰視寺後層崖并  
華首上下合而為一所謂九重岨者必指此而名  
開山右人但知為華首覓九重故迹而不得始以  
點頭峯左者當之誰謂陵谷無易位哉由寺西一  
里餘始踞岨而上又一里餘其上甚峻乃踰脊  
南北相屬東北分坑下墜所謂桃花箐也脊有兩  
坊俱標為賓鄧分峒其處陟歷已高向自禮佛基

眺之直似重淵之底云由箐西隨箐下二里有葉  
舍夫道為前歲底朝山賣漿者所托處今則寂然  
為畏途其前分歧西南者為鄧川道直西者為  
羅川道乃通麗江者遵之迤邐下二里有庵當路  
北山下曰金花庵又西下三里連有二澗俱自  
東而西注即桃花箐之下流也各有板橋跨之連  
越橋南始循南山西向行一里有寺踞南山之脊  
曰大聖寺西向乃從其前踰脊而南下又值一  
澗亦西流隨之半里澗與前度二橋之流俱轉峽  
北去路乃西半里餘南山北突之岨西其坡始



西懸而下落遵之四里有村在南山塢間是為白沙嘴隨嘴又西下二里忽下見深壑自南而北溪流貫之有梁東西跨其上乃墜壑而下二里始及梁端所謂和光橋也雞山西麓至是而止其水南自洱海東青山北谷來至此頗巨北向合桃花箐水注于大石頭者也麓府生白公建悉檀之餘復建此梁置屋數楹跨其上遂就而飯焉橋之西有小徑自北而南溯流循峽者乃浪倉衙通大理道與大道十字交之大道隨流少北即西上嶺盤旋而上或峻或夷五里越其嶠西北下四里始夷又

一里為羅武城其處塢始大開自此山之西開東西大塢互至千戶營塢分為二始轉為南北塢皆所謂羅川也向自山頂西望翠色襲人者即此皆麥與蚕豆也羅武無城一小村耳村北有溪西自千戶營來即北衙河底之水至此而東北墜峽合和光橋下流而東北徑大石頭者也于是循南山行溪之南二里有村在溪北山下曰百戶營又西五里有村在溪北懸崗上曰千戶營、之西有山西自大山分支東南下突于塢中塢遂中分當山之西南者其塢迴盤其水小為西山灣新厰在其



東南而路出其西北當山之東北者其塢遙達其  
水大為中所屯南北一衝又在其西北而路則由  
山之西南逾嶼而入于是從千戶營溪南轉入南  
塢一里餘至新廠兼皆銀淘者乃北一里餘抵分峽山  
之陽渡一小流循山陽西北行三里北踰過嶼于  
是稍下循西大山之麓北向行其東又成南北大  
塢即千營之上流也北一里有村倚西山之坡是  
為中所屯乃鄧州鶴慶分界處悉檀寺庄房在焉  
乃入宿悉檀已先傳諭之故守僧不拒云  
廿三晨飯于悉檀庄天色作陰乃東下塢中隨西山

麓北行二里有支崗自西山又橫突而東乃跼其  
上有岐西向登山者為南衝道腰龍洞在焉北向  
踰嶼者為北衝道鶴慶之大道隨之余先是聞腰  
龍洞名乃令行李同通事從大道行期會于松檜  
地名大道余同顧僕策杖携傘遂分道從岐由山  
托宿處脊西上一里稍轉而南復有岐緣南菁而去余惑  
之候驅驢馬者至問之曰余亦往南衝者大路從  
此西踰嶼下約十里予問南岐何路曰此往雞鳴  
寺者問寺何在其人指南菁崖間者是然此岐隘  
不可行忽一人後至曰此亦奇勝即從此夫踰南



岫亦達南衙與此路由中岫者同也余聞之喜甚  
曰此可兼收也謝其人遂由岐南行里許轉入夾  
崖下投岫隙透一石隙而入其石自崖端垂下外  
揀岫底若象鼻然中透一穴如門穿門即由峽中  
上躡亦猶雞山之東身爲登峽上則上崖岫然橫  
列若洞若龕若門若棧若棧者駢峙焉洞皆不甚  
深僧依之爲殿左爲真武閣又左爲觀音龕皆東  
北向下危壁殿閣之間又垂崖西重俱若象鼻下  
揀崖底而中通若門有僧兩人皆各踞一龕見客  
至胡麻方熟輒邀同飯余爲再啜西孟見龕后有

石脊若垂梯而上訖而跣之復有洞懸其上層中  
空而旁透小穴崖之左右由夾中并嶺即南岫道  
而岫懸不通復下由穴門出即轉崖左而西南上  
即見上岫復懸亘而中岫然有岐細若虫跡拔條  
從之又得一大穴其門亦東北向前梵石爲臺樹  
坊爲門曰青蓮岫其左藥灶碑板俱存而無字無  
人棘羅旁翳無可問爲何人未竟之業其右復有  
象鼻外垂之門透而南復有懸綃高捲之幃、之  
右上岫有洞巍張下岫即二僧結庵之處然磴絕  
俱莫可通乃仍由青蓮界出東夾再上半里而峽



窮夫盡山半坪開又有泉自南岫東出由坪而墜  
于石之右又分而交濛坪騰陸于岨之右崖當其  
中濯靈滌竅遂成其幻由坪上溯流半里北向入  
峽、中之流傾湧南向溯之一里澗形不改而有  
巨石當其中石之下則湧水成流而石之上惟礫  
石堆澗澗絕無水痕又溯枯澗北行半里路窮茅  
翳蓋其澗自西峽來路當北去也乃東向躡嶺拔  
岨躡棘又半里得南來路遂隨之北半里西涉一  
塢復升隴而西有岐入西南嶺峽中者頗小其直  
北下隴者頗大余心知直北者為南銜道疑腰龍

洞在西南峽中遂望峽行半里不得路遙听西北  
山巔有人語聲乃竭屢扳嶺上一里得東來道又  
一里得驅犢者問之則此北路乃西向踰脊抵焦  
石峒者問腰龍洞何在曰即在此支嶺之北然嶺  
北無路須隨路仍東下山折而北至南銜乃可往  
蓋是山大脊自北而南脊之西為焦石洞脊之東  
一支東突其北脰中則腰龍洞所在南脰中即此  
路也余乃悵然遂隨路返東下一里乃轉而東北  
下又一里抵山麓循之北行又一里而至南銜、  
之村不甚大倚西山而東行大塢其塢北自北銜



南抵中岫其中甚寬蓋此中大塢凡三曲三關最  
北者為此塢、南北亘以北岫東隘為峽口其南  
即中所屯塢、亦南北亘以馭陰村為峽口其南  
即千戶營百戶營塢、東西亘以羅武村為峽口  
搥一溪所貫皆謂之羅川云由南街之後西南上  
山磴道甚闊一里半有亭有室當山之半其旁桃  
李輝然亭後躡級而上有寺門旁曰金龍寺門內  
有樓當洞門其樓前臨平川後瞰洞底甚勝也樓  
后即為洞門、與樓俱東向其門懸巖而下極似  
江石之石城洞西壁上穹覆而下崆峒南與北漸

環而轉惟東面可累級下、五丈一石突起當洞  
之中西聳而東削甃以為臺亭其上供白衣大士  
其亭東向層級架木橋以登西瞰洞底則瀦水環  
其下沉紺映碧光怪甚異亟由橋返級穿橋下緣  
臺左西降十餘丈而後及水、西歎崖脚西面濶  
約三丈南北二面漸抱而繙然三面皆絕壁環之  
無有旁竇水滄涵其間儼若月牙之抱魄也水中  
深淺不一而澄澈之極煥然映彩極似安寧溫泉  
淺者浮綠深者沉碧掬而嘗之甘冷異常文之者  
額其寺為金龍洞口如仰盂下員如城水深三面



如玦石脊中盤如垂石其異于石城者石城旁通  
無極而此則一水中涵若其光瑩之異又非他水  
之可及也久之仍上洞口始登前樓則前楹後軒  
位置俱備而僧人他出扁鑰不施仍一里餘下至  
南衙閭松檜道俱云行不能及乃竭蹶而趨由南  
衙後傍西山而北二里是為北衙有神廟當北衙  
之南門東向其後大脊之上駢岬轟突有小水出  
其中廟之北有宮館市舍夾道甚盛折而東共半  
里而市舍始盡蓋與南衙迥隔矣二衙俱銀礦之  
廠獨以衙稱者想其地為盛也東與南來大道合

復北行一里餘市舍復夾道蓋烹煉開爐之處也  
過市舍遂北下坡又一里餘而及其底始知南北  
二衙猶山半之塢也其峽既深有巨澗流其間自  
北而南是為河底蓋即羅川之上流有支流自西  
峽來入其派頗小置木橋于上越之又北有石梁  
跨巨澗、中有巨石梁東西兩跨之就其中為閣  
以供白衣大士越橋之東溯澗北向上危岬倚道  
盤級而登右崖左澗下嵌深淵上削危壁五里登  
坪脊有枯澗整上頭亦有石梁渡之梁之北有殿  
新構有池溢水有亭施茶余入亭飯一僧以新淪



茶獻曰遠通事與擔者久待于此前途路遙托言  
速去蓋此殿亦麗江所構以施茶者故其僧以通  
事命候余而致之耳余亟飯行竟忘其地為熱水  
橋而殿前所流即熱水也既從其側又過一石梁  
跨山頭與前梁同而下有小水西墜巨澗過梁  
從中脊北向而行東西俱有巨山夾之蓋西界大  
山自鶴慶南未至七坪老脊直南高亘于河底之  
西者為魯擺由七坪東度分支南下即此中脊與  
東界之山故此中脊之比又名西邑蓋西邑與魯  
擺皆地名二山各近之界坊遂以為名焉中脊與

魯擺老脊夾成西峽此河底之流所自出者蓋源  
于七坪之南云行中脊十里脊東亦盤為中窪之  
宕脊懸西峽東窪之中狂風西來欲撲人去又三  
里乃西北上嶺一里又躡嶺而西半里乃西北下一  
里抵塢中是為七坪即中界所度之脊與西界大  
山夾而成此坪為河底之最高處也由坪中北行  
二里始為度脊隘口脊南有兩三家當道脊西有  
村落倚山桃李燦然時日已下春尚去松檜二十  
里亟踰隘北行五里少下西界巨山如故而東界  
亦漸夾而成窪：中石穴下陷每若坑若穿路循



東眷行又數里有數家之村當北峽之口曰金井村始悟前之下穿累者皆所稱金井者耶隘口桃花夾村嫣然若笑由村北東向下坡一里漸夷乃東行嶺脊左右漸夾而成眷由眷行三里復由眷北墜坑東下一里抵其麓于是塢乃大開有三楹當麓之東亦梵龕也由其前東向徑平塢而馳望東峯南北高聳者日光倒映其尖丹葩一點若齒齒之擊空也蓋西山屏亘甚高東峯襍沓而起日啣西山反射東山其低者日已去而成碧其高者日尚映而流丹者得碧者環簇其下愈蒼

鮮妍世傳霍慶有石竇之異西映為朝霞東映為晚始即此意也東馳二里過數家之舍又東一里漸墜壑成澗向東南去乃折而北度一隴又一里有公館在西山之麓其左右始有村落知其為松檜矣而猶未知居停何處也又北半里檐者倚閣門而呼乃入之已就晦矣其家何姓江右人其先為監厥委官遂留居此

廿四昧與飯于松檜北向入山峽松檜之南山盤大壑而無水溝澗之形似亦東南去松檜之北山復旋夾為塢小水猶南行五里登坂為波羅庄山從



此自西大山度脊而東脊不甚高而水分南北又  
北五里望北塢村落高下多傍西大山是為山庄  
于是北下隨小溪北行五里間村廬錯出桃杏續  
紛已而直抵北山庄下有村倚南山者是曰三庄  
河底村：北有溪自西而東其水一自三庄西谷  
來一自河底村南谷來皆細流一自西北大山來  
中未俱合于河底村北東流而去有亭臺跨之橋  
北即龍珠山之南麓矣龍珠山者今名象眠山自  
西大山之東分支東亘直接東大山之西麓其北  
之西大山即老龍之脊皆自北而南其北之東大

山即峯頂山亦皆自北而南中夾成南北大塢樣  
共之江亦自麓江南下滢鶴城之東而南至此為  
龍珠所截水無從出于是自峰頂之麓隨龍珠西轉  
搜得龍珠骨節之穴遂擿入其中寸寸而入凡百  
零八穴而止土人云昔有神僧攜錫杖念珠下山意欲通之  
所通淺乃持鉢周師何往師對以故婦人曰汝願  
一婦人手持鉢周師何往師對以故婦人曰汝願  
雖宏恐功未成也師未携鉢對以故婦人曰汝願  
不然而更努力也師未携鉢對以故婦人曰汝願  
去已而果不獲通復還師未携鉢對以故婦人曰汝願  
隨擲而回乃以念珠撒師未携鉢對以故婦人曰汝願  
無不應于通者得穴一師未携鉢對以故婦人曰汝願  
人感師神力立寺衆六師未携鉢對以故婦人曰汝願  
摩伽多土人作衆水于山腹合而為一同泄于龍珠



之東南麓大路通河底橋即踰龍珠而北與出入  
諸水洞皆不相值以俱在其東也余乃欲從橋北  
隨流東下就小徑窮所出洞令通事及擔者從大  
路往擔者曰小徑難覓不若同行蓋其家在入水  
洞北亦便于此也余益喜遂同東向隨溪行龍珠  
山之南一里反趨溪南半里又渡溪北其路隘甚  
而夾溪皆有居者又東半里楓窰河東南瀉峽去  
路東北踰龍珠支嶺西下兩上東北盤嶺共四里  
其路漸上俯瞰東南深峽中有水破峽奔決即合  
併出穴之水也其水南奔峽底與楓窰之水合而

東南經峯頂山之南峽以出下金沙大江然行處  
甚高水穴在重崖下出俯視不見其穴令通事及  
擔坐待道旁余與領僕墜豎東南下、半里不得  
路躑躅草石間轉向東筭半里又南迓半里始下  
至礮底乃西向溯流披棘入共半里則巨石磊落  
堆疊礮中水從石隙泛溢交湧止見水與石爭隙  
不見有餘穴余坐巨石上見雪躍雷轟交于四旁  
而不知其所從來也久之復從舊道一里餘迓上  
既迓復拔石亂躍又半里登大道遂東北上半里  
轉一峽見後有呼者乃通事與擔夫也于是北半



里上攢石間北過脊始北望西山排闥一塢中盤  
樣共江絡其東又一小水緯其西北皆抵脊下而  
不可見其西山之北夾而遙接于東北隅者是為  
麓府丘塘閔所踞樣共水所從出也乃北下山一  
里餘而及其麓有寺懸麓閔寺門北向其下即入  
水之穴也不及入寺急問水先見一穴乃西來小  
流所入其東又有平土丈餘隔之東來之樣共江  
屢經穴而屢分墜至是亦遂窮然則所謂一百八  
穴者俱在東也余因越水北東向溯流見其從崖  
下過一穴輒旋穴下灌如墜甕口其聲鳴、每穴

遠者丈餘近者咫尺而已既而復上寺前乃北下  
渡西來小流有小石梁跨之北一里有村當平崗  
之間是曰甸尾村擔者之家在焉入而飯于桃花  
下既乃西北行三里餘而入南來大道即河底橋  
北上踰嶺者于是循西山又北五里是為長康鋪  
坊有河流自西南峽來巨石橋跨之有碑在橋南  
稱為崔川橋蓋崔川者一川之通名而此橋獨擅  
之亦以其冠一川也有岐在橋北溯流西南為大  
理大道故于此設鋪焉過橋不半里為長康閔有  
廬舍夾道是日街于市者交集自甸尾至此村落



散布廬舍甚整桃花流水環錯其間其西即為朝霞寺峰正東與石寶山對于是路轉東北又八里餘而入崔慶南門城不甚高門內文廟宏整土人廟甲于漢中亦灤江言其木公以千金助成由其東北行半里稍東為郡治由其西又北行半里出一鼓橋即新城之北門也其北為舊城守禦所在焉又北半里而出舊城北門稍西曲而北一里復東曲而北四里為演武場在路東從其西又北五里過一村又五里為大板橋下水頗大而瀦乃自西而東下樣共江者時所行路當甸塢之中東山下江隨沿之西山

村廬倚之自此橋之北麓路石皆齒如編仰管之半礫趾難措又北六里為小板橋小于前而流亦次之然其勢似急又北七里為甸頭村之新屯居落頗盛稍轉而東有王貢士家遂入而托宿王貢士為四川訓導其孫為余言其西北山半有清玄洞甚妙下有出水龍潭又北有黑龍潭若沿西山行即可盡觀是日欲抵馮家宿以日暮遂止于此

廿五昧與飯而行北二里為馮家村廬亦盛甸頭之村止此矣蓋西北有高崗一支垂而東南下直逼東山文筆峰下江流亦曲而東高峒分支處其隘中有黑龍潭之水亦自西大山出南流而抵馮

A 1 2 3 4 5 6 M 8 9 10 11 12 13 14 15 B 17 18 19



密乃沿高崗之南而東注樣共江鶴慶麗江以此  
為界云馮密之西有佛宇高擁崖畔即清玄洞也  
余望之欲入而通事苦請俟回駕且云明日逢六  
主出視事過此又靜揖不即出余乃隨之行即北  
上崗四里有路橫斜而成又字交是為三金黃泥  
峒其西南脰中松連箐墜即黑龍所托也于是西  
北之山皆荒石濯濯而東北之山漸有一二小村  
倚其下而峒脊則一望皆茅云又北一里為哨房  
四五家當峒而踞已為麗江所轄矣又北行峒上  
八里而下其東北塢盤水曲田疇環焉下一里有

數家倚西山路當其前是為七和南村又北二里  
有房如官舍而整是為七和之查稅所商貨出入  
者候稅于  
此七和者麗江之地名其北又有大宅則新構者  
有九和十和諸稱  
乃其次子所居也由其前北向行又盤一支嶺而  
北七里乃漸轉西北始望見丘塘閣在北山上而  
樣共之水已嵌深壑中不得見矣于是路北有石  
山橫起其崕累、雖不高與大山夾而成峽遂從  
峽間西北上一里踰其東度之脊又西北二里餘  
乃北下乾壑橫涉之半里復北上一峒西北行峒  
上半里又北半里渡一小橋半里乃北上山其山



當西大支自西東來至此又橫疊一峰其正支轉而南下其餘支東下而橫亘直逼東山托麓江南北山之流破東山之峽而出為樣共江此山真麓之鎖鑰也麓江設關于嶺脊以嚴出入又置塔于東岳以鎮水口山下有大道稍曲而東由塔則上小道則踞岨直北登余從其小者皆峻石累岳鋒稜峭削空懸屈曲一上者二里始與東來大道合則山之脊矣有室三楹東南向而踞之中闕為門前列二獅守者數家居其內出入者非奉木公命不得擅行遠方來者必止關者入白命之入乃得

入故通安諸州守從天朝選至皆駐省中無有入此門者即詔命之至亦俱出迎于此無有竟違巡方便與查盤之妾俱不及焉余以其使奉迎故得直入入關隨西山北行二里下一坑度坑底復登坡而北一里稍東北下山又東北橫度坡間者二里始轉而北二里過木家院東又北二里度一小橋則土峒一支西南自大山之脊分峒環而東北直抵東山之麓以挹樣共流上流由峒南涉其上是為東員里北行嶺頭西南瞻大脊東南瞰溪流皆在數里之外六里乃下隴北平疇大關夾塢縱



橫峒下即有一水西自文筆環塢南而至有石梁  
跨其上曰三生橋過橋有坊二在其北旁有守者  
一二家于是西北行平疇間矣北瞻雪山在重塢  
之外雪幕其頂雲氣鬱勃未睹瑩晶西瞻烏龍在  
大壑之南尖峭獨拔為大脊之宗郡中取以為文  
筆者也路北一塢窈窕東北入是為東塢中有水  
南下萬字橋水西北來會之與三生橋下水同出  
丘塘東者也共五里有柳徑抱聳立田間為土人  
送行折柳之所路北即萬字橋水滌流而東水北  
即象眠山至此南盡又西二里歷象眠山之西南

垂居廬駢集紫坡帶谷是為麗江郡所托矣于是  
半里度石梁而北又西半里稅駕于通事者之家  
其家和姓蓋麗江土著官姓為木民姓為和更無  
別姓者其子即迎余之人其父乃曾奉差入都今  
以居積蓄坐余樓上獻酪為醴余不便沾唇也時  
貨為業終過午通事即徃復命余處其家待之東橋之西  
共一里為西橋即萬字橋也俗又謂之玉河橋象  
鼻水從橋南下合中海之水而東泄于東橋蓋象  
鼻之水土人名為玉河云河之西有小山兀立與  
象眠南盡處夾溪中峙其后即闢為北塢小山當  
塢若中門之標前臨橫壑象鼻之水夾其東中海



之流經其西后倚雪山前拱文華而是山中處獨  
小郡署踞其南東向臨玉河麗江諸宅多東后幕  
向以受木氣也  
山頂而上所謂黃峰也俗又稱為天生寨木氏居  
此二千載宮室之麗擬于王者蓋大兵臨則俯首  
受絀師返則夜即自雄故世代無大兵發且產鑛  
獨盛宜其富冠諸土郡云

廿六晨飯于小樓通事父言木公聞余至甚喜即命  
以明晨往解脫林候見傳諭諸從者脩七日糧以  
從蓋將為七日款也

廿七微雨坐通事小樓追錄前記其地杏花始殘桃

猶初放蓋愈北而寒也

廿八通事言木公命駕下午向解脫林

解脫林在北  
塢西山之半

蓋雪山南下之支  
本郡諸刹之冠也

廿九晨起具飯甚早通事備馬候往解脫林始過西  
橋由郡署前北上扶黃峰東麓而北中北塢而行  
五里東瞻象眠山始與玉河上流別又五里過一  
枯澗石橋西瞻中海柳岬漾波有大聚落臨其上  
是為十和院其南即十和山自雪  
山南下之脉也又北十里有大  
道北去者為白沙院路北度橋者為解脫林路  
橋下澗頗深而無滴瀝既度橋循西山而行五里



為岷脚院其處居廬交集屋角俱掉小双旗乃把  
事之家也院北半里有峽自西山峽中下有木梁  
跨其上度橋西北陟嶺為忠甸大道由橋南溯溪  
西上嶺者即解脫林道乃由橋南西向拜嶺甚  
峻二里稍夷折入南峽半里則寺倚西山上其門  
東向前分一支為葉即解脫林也寺南峒上有別  
墅一區近附寺後木公憇止其間焉道事者引余  
至其門有大把事二人來揖俱姓和一主文嘗入  
者一主武其林幹甚長介余入木公出二門迎入  
壯而面黑真猛士也其內室交揖而致慇懃焉布席地平板上主人坐

在平板上其中極重禮也叙談久之茶三易余乃  
起送出外廳事門令通事引至入解脫林寓藏經  
閣之右廂寺僧之住持者為漢人頗能體主人意  
款客焉

二月初一木公命大把事以家集黑白鏹十兩來餽下  
午設晏解脫林東堂下藉以松毛以楚雄諸生許  
姓者陪宴仍備以盃段銀盃二兩綠大筒八十品  
羅列甚遙不能辨其孰為異味也抵暮乃散  
初二乃入其所栖林南淨室相迎設座如前既別仍  
還解脫林昨陪晏許君來以白鏹易所備綠約紗

A 1 2 3 4 5 6 M 8 9 10 11 12 13 14 15 B 17 18 19



去下干又命大把事未求作所輯雲邁淡墨序

初三余以叙稿送進復令大把事來謝所饋酒果有

白葡萄龍眼荔枝諸貴品酥餅油綠

片甚脆糖白糖為一以細越勃之合而不膩 細若髮絲中

點

初四有雞足僧以省中錄就雲邁淡墨繳納木公

即令大把事傳示求為較政其所書洪武體雖甚

整而訛字極多既泮落無序而重疊顛倒者亦甚

余畧為標正且言是書宜分門編類庶無錯出之

病晚乃以其書繳入

初五復令大把事來致謝言明日有祭丁之舉不得

留此盤桓特令大把事一人聽候求再停數日煩

將淡墨分門標類如余前所言余從之以書入謝

且求徃忠旬觀所鑄三丈六銅像既午木公去以

書答余言忠旬昏古宗路多盜不可行蓋大把事

從中沮之恐覘其境也是日傳致油酥麩餅甚巨

而多一日不能盡一枚也

初六余留解脫林校書木公雖去猶時遣人餽酒果

有生雞大如鶩通體皆油色黃而體負蓋肥之極

也余爰之命碩僕賦為臘雞



解脫林倚白沙塢西界之山其山乃雪山之南十  
和後山之北連擁與東界翠屏象鼻諸山夾白沙  
為黃峰後塢者也寺當山半東向以翠屏為案乃  
麗江之首刹即玉龍寺之在雪山者不及也寺門  
廡階級皆極整而中殿不宏佛像亦不高巨然崇  
飾並嚴壁宇倩潔香他處所無正殿之後層基高  
拱上建法雲閣八角層甍極其宏麗內置萬曆時  
所賜藏經為閣前有兩廡余寓南廡下兩廡之外  
南有員殿以茅為頂而中寶磚盤佛像乃自石刻  
成者甚古而精緻中止一像而無旁列甚得清淨

之意其前即齋堂香積也北亦有員閣一座而上  
殿層窓閣前有樓三楹雕窓文榻俱飾以金碧乃  
木公燕憩之處扁而不開其前即設宴之所也其  
淨室在寺右上坡門亦東向有堂三重皆不甚宏  
敞四面環垣亦僅及肩然喬松連帷頗饒烟霞之  
氣聞由此而上有拱壽臺獅子崖以迫于校讐俱  
不及登

初六初七連校類分標分其門為八以大把事候久  
余心不安乃連霄煇燈兩夜始寢是晚既畢仍作  
書付大把事言校核已完聞有古峒之勝不識導



使一遊否古峒者一名獾獾在郡東北十餘日程  
其山有數洞中透內貯四池、水各占一色皆澄  
徹異常自生光彩池上有三峰中峙獨凝雪莹白  
此間雪山所不及也木公屢欲一至其地諸大把  
事言不可至力尼之數年乃得至因其形以歸今  
在解脫林後軒之壁北與法雲閣相對今按圖知  
之且詢之主僧純一言其處真脩者甚多各住一  
洞能絕粒休糧其為首者有神異手能握石成粉  
足能頓坡成窪年甚少而前知木公未至時皆先  
與諸上人言有貴人至土人愈信而敬之故余神  
往而思一至也

初入昧爽大把事齋書馳去余遲、起飯而天雨霏  
日純一覲以古磁盃薄銅鼎併芽茶為烹瀹之具  
脩馬別而下山稍北遂折而東下甚峻二里至其  
麓路北有澗自雪山東南下隨之東半里有木橋  
度澗西北踰山為忠甸道余從橋南東行半里轉  
而東是為岨脚院倚山東向其處居廬連絡中多  
板屋茅房有瓦室者皆頭目之居屋角俱標小旗  
二面風吹翩、搖大桃素李之間宿雨含青朝烟  
帶綠獨騎穿林風雨淒然反成其勝院東南有窪



地在村廬間中涸無水尚有亭基堤柳之勝乃奮  
之海子環為園亭者今成廢壑矣又南三里有枯  
澗嵌地甚深乃雪山東南之溪南注中海者今引  
其水東行塢脊無涓滴下流澗間僅石梁跨其上  
度梁之東即南隨引水行四里望十和村落在西  
甚咸其南為中海望之東南行其大道直北而去  
者白沙道也南四里有枯澗東西橫塢中小石梁  
南跨之又東五里東瞻象眠山已近通事甸許道  
觀象鼻水至是乃東南行田間二里抵山下水從  
坎下穴中西出穴小而不一遂溢為大溪折而南

去二里折為二道一沿象眠而南一由塢中倒峽  
過小石橋又折為二夾路東西行五里至黃峰山  
北所引之水一道分流山後而去一道東隨黃峰  
而南始知黃峰之脈自象鼻水北坡垂塢中南下  
至此結為小峰當塢之口東盼象眠山亦至此南  
盡西界山自中海西南環繞而北接十和后山南  
復橫開東西大塢南龍大脊自西而東列案于前  
其上烏龍峯獨聳文筆于西南木家院南峯迴峙  
雄闕于巽位衆大之中以小者為主所以黃峰為  
木家開千代之緒也從黃峯左腋南上西轉又一



里出其南則府治東向臨溪而峙象鼻之水環其  
前黃峯擁其后聞其內閣極盛多僭制故不于此  
見客云先是未及黃峯三里有把事持書挈一人  
荷酒獻胙衝雨而至以余尚未離解脫也與之同  
過府治前度玉河橋又東半里仍稅駕于通寧小  
樓讀木公書乃求余乞黃石齋叙文併索余書余  
謂有吳方生者余同鄉人今以戎僑寓省中其人  
天子不能殺死生不能動有文有武學行俱備此  
亦不可失者木公慮不能要致余許以書為介然  
未<sup>尚</sup>知余至府治也使者以復東返前繳冊大把事

至以木公命致謝且言古崗亦艱于行萬一無以  
不贊蹈不測蓋亦其托辭也然聞去冬亦曾用兵  
吐蕃不利傷頭目數人至今未復獵獮古宗皆其  
北境相接中途多恐外鉄橋亦為焚斷是日雨陣  
時作從樓北眺雪山隱現不定南窺川甸桃柳繽  
紛為之引滿

是古極畏出豆每十年逢寅出豆一番互相牽染  
死者相繼然多避而免者故每遇寅年未出之人  
多避之深山窮谷不令人知都鄙間一有染豆者  
即徙之九和絕其往來道路為斷其禁甚嚴

九和者乃



其南鄙在文萃峯南山大以避而免于出者居半  
眷之外與劍川接壤之地然五六十歲猶喘之奔避未公長子之襲郡職者  
與第三子俱未出以舊年戊寅尚各避山中越歲  
未歸惟第二第四名宿新入者俱出過公令第四  
者啓來候求肄文木家院焉

初九大祀事復捧禮儀來致謝酌校書之役也鐵皮

黃金再以書求修雞山志并懇明日為其四乃即  
藝文木家院然後出闕院有茶甚巨以此當折柳  
也余許之是日仍未霽復憇通事樓  
其俗新正重祭天之禮自元旦至元宵后二十日

數舉方止每一處祭后大祀事設燕公每輪一  
番其家好事者糜千餘金以有金壺八寶之獻也  
○其地田畝三年種禾番本年種禾次年即種豆  
菜之類第三年則停而不種又次年乃復種禾○  
其地土人皆為廢夢國初漢人之成此者今皆從  
其俗矣蓋國初亦為軍民府而今則不復知有軍  
矣止分官民二姓官姓木初俱姓袁自漢至國民  
姓和無他姓者其北即為古宗古宗之北即為吐  
蕃其習俗各異云○古宗北境兩少而止有雪絕  
無雷聲其人南來者至麗郡乃聞雷以為異○麗



郡北忠甸之路有北岩高濶皆三丈崕石白色而東向當初日東升人穿衫服至其下則滿崖浮彩騰躍煥然奪目而紅色猶為解麗若鏡之流光霞之幻影日高則不復然矣

初十晨食後文把事復來候往木家院通事具騎而大把事忽去久待不至乃行東向半里街轉南北去乃象鼻山南岳通安州治所托南去乃大道半里過東橋于是循溪南岨東南行三里有柳兩三株在路右膝間是為土人送行之地其北有塢東北濶甚遙蓋雪山之支東岳南下者西重初為

翠屏象鼻與解脫十和一夾而成白沙塢再為吳烈東山與翠屏象鼻再夾而成此塢其北入與白沙等其北度脊處即金沙江逼雪山之麓而東者東山之外則江流南轉矣脊南即此塢中有溪自東山出灌溉田疇更廣由此塢東北踰脊渡江即香羅之道也塢中溪東南與土河會于三生橋之東又有水西南自文筆山沿南山而東轉隨東員峒之下經三生橋而東與二水會于是三水合而成漾共江之源為東員峒者為麗郡東南第一重鎖鑰蓋南大脊自西來穿為木家院後高峯大脊



從此南趨鶴慶其東下者為丘塘關其東北下者  
環轉而為此峒直逼東山之麓東三水為一沿東  
山南下而出丘塘東峽自七和馮密而達鶴慶峒  
首迴環向郡南山之溪經其下輦橋度之曰三生  
橋北有二坊兩三家為守者自柳塘至此又五  
里矣其北皆良疇而南則登坡為一里并坡之巔  
平行其上右俯其坡內挖下關平塢直北接郡治  
眺其坡斜削東下與東山夾溪南流坡間每有村  
廬就窪傍坎柳花柳色蒼映高下三里稍下就窪  
有水成痕自西而東下于溪又南踰一坡度板橋

而南則木家院在是矣先是途中屢有飛騎南行  
蓋木公先使其子至院待余而又屢令人表示其  
款接之禮也途中與通事者輒啣語余不知省  
比余至而大把已先至矣迎入門其門南向甚敞  
前有火石獅四面墻垣之外俱巨木參霄甫入四  
君出迎入門西重廳事亦敞從其右又入內廳乃  
拜座進茶即揖入西側門搭松棚于西廡之前下  
藉以松毛遮西重禮也大把事設二卓坐定即獻  
紙筆袖中出一小封曰家主以即君新進諸生雖  
事筆硯而此中無名師未窺中原文脉求為賜教



一篇使知所法程以為終身佩服余領之拆其封  
乃木君求余作文并為其子斧正書後寫一題曰  
雅頌各得其所余與四君即就座拈毫二把事退  
候塔下下午文各就余閱其作頗清亮二把事復  
以主命求細為批閱余將為舉筆二把事曰餒久  
矣請少遲之後有茶花為南中之冠請往一觀而  
就席蓋其主命也余乃從之由其左轉過一廳左  
有巨樓上前茶樹盤蔭數畝高與樓齊其本徑尺  
者三四株叢起四旁萋蕤下覆甚密不能中窺其  
花尚未全舒止數十朵高綴叢葉中雖大而不能

近觀且花少葉盛未見燦爛之妙若待月終便成  
火樹霞林惜此間地寒花較遲也把事言此樹與  
老把事年相似屈指六十餘余初疑為數百年物  
而豈知氣机發王其妙如此已還松棚則設席已  
就四君獻款後有紅毡履鎖之惠二把事亦設席  
坐塔下每獻酒則趨而上焉四君年二十餘修皙  
清俊不似邊陲之產而語言則清辨可聽威儀動  
盪悉不失其節為余言北崖紅映之異時余欲由  
九和趨劍川君言此道雖險實近但此時從諸出  
豆者在此危穢之氣相聞而路亦絕行人不若從



鶴慶便餉味中有柔猪麂牛舌俱為余言之縷、  
可聽柔猪乃五六斤小猪以米飯喂成者其骨俱  
柔脆全體炙之乃切片以食麂牛舌如猪舌  
而大甘脆有異味惜余因為余言其地多麂牛尾  
時已醉飽不能多嘗也因為余言其地多麂牛尾  
大而有力亦能負重比地山中人無田可耕惟納  
麂牛銀為稅蓋鶴慶以北多麂牛順寧以南多象  
南北各有一異獸惟中隔大理一郡西抵永昌騰  
越其西漸狹中皆人民而異獸各不一產騰越之  
西則有紅毛野人是亦人中之麂象也抵暮乃散  
二把事領余文去以四君文畀余曰燈下乞細為  
削抹明晨欲早呈主人也余領之四君送余出大

門馳還郡治仍以騎余通事導余東南二里宿村  
氓家余挑燈評文就臥其西廡

十一昧與通事取所評文送木家院就院中取飯至  
已上午矣覓負擔者久之得一人遂南行二里抵  
南山下循山東南一里下而越一坑底仍東南上  
二里出丘塘閑、內有數家居之有把事迎余獻  
茶其閑橫屋三楹南向俱嶺上第南下頗削而閑  
門則無甚險隘也其嶺自西大脊分支東突與東  
山對夾樣共江于下閑門東脊臨江之嶺壁塔于  
上為麗東南第二重鎖鑰隔江之東山至是亦雄



奮而起若與西大峰共為特角者閩人指其東麓  
即金沙江南下轉而東南起浪滄順州之間者此  
地半日有路逾此嶺又一日半而東南抵浪滄衙  
出閩辭通事以騎返余遂同担夫仍南向就小道  
下山其道皆純石嵯峨踐隙拔鋒而下二里乃抵  
其麓遂西南涉橋、西有坡南向隨之半里復下  
坡西有塢南開而中無水又半里橫涉之由西坡  
上半里依西大山之麓轉而東南行一里餘路左  
復起石山與西山對夾路行其中二里踰脊南下  
脊右有石崖下歎而東半石峰尤為巖業南一里

東峰始降復隨西坡盤而西南二里其支復東突  
再南踰之下半里還領東突峰南有崖歎空成門  
返步探之雖有兩門而洞俱不深又循西山而南  
一里餘有三四家倚西山下于是復見漾共江出  
峽而下盤其麓峽中始環壑為田村之前已引水  
為渠循山而南抵七和矣隨渠盤西山東突之嶺  
又三里而抵七和七和者麓郡之外廓也聚落倚  
西山頗盛其下塢中水田夾江木公之次子居此  
其宅亦東向由其前又南半里為稅局收稅者居  
之又南漸下一里復過一村乃西南上坡一里陟



坡頂其上甚平由其上平行而南二里有數家居  
坡脊是為七和哨則麓江南盡之鄙也故設哨焉  
哨南又半里有路自東南橫過西北者為三岔黃  
泥峒蓋是坡自西大山下垂由此亘而東南橫路  
隨其脊斜去脊西遂下陷成峽黑龍潭當其下焉  
大道由峽東直南鶴慶鹿江之所隨此坡脊而分  
故峽西下陷處自西盤而南至馮家其下已屬崔  
慶脊東盤亘慶南下馮家東其內猶屬麓江此東  
西兩峽大山內之橫界也于是西瞰峽內松箐遙  
連路依東脊南向漸下六里而至馮家總過于覓

宿店漫投一棧上乃陳生某家也向曾于悉檀相  
晤者擔人卸担去余炊飯其家欲往清玄洞陳生  
止余曰明日登程可即從此往今日往晚可一探  
東山之麓乎遂同東涉塢塢蓋此塢即自黑龍潭  
南下至此東向而出者塢北即黃泥崗之坡直垂  
而逼東山之麓江亦東避若道而出于門者故塢  
東之界直以此門而分由塢東行一里即與樣共  
江遇闕之東北半里有木橋橫江上從橋東度木  
凡四接循東岸溯之而北半里登東隴其上復盤  
隴成畦闢田甚廣又北一里直對黃泥之嘴東界



尖峰最聳是為筆架峯正西與馮窰後堆殺峯相對焉陳生父塚正在其隴之時將議遷故來相度余勸其勿遷惟來脉處引水開渠橫截其后若引從墓右環沉于前是即旋轉之法陳生是之仍從木橋度江共三里還寓陳生取酒獻酌余囑其覓遠行担夫陳言明日可得不必囑也

十二陳為余覓夫皆下種翻田不便遠去已領銀復來辭既飯展轉久之得一人曰趙貴遂行余以純一盃餽甌二盃酌陳生之賞酒從其居之西陔一澗即截塢而西北一里餘登西坡已逼堆殺峯下

坡上引水為渠南注架木為渡即南循東下之脊而上半里登平崗由崗上西行半里直逼西山下有廟臨崗而峙南東下腋底有廟祀龍王南臨一池甚廣而澄徹乃香米龍潭也廟南西上層岨有洞東向開門其上迴岨岨即清玄洞也二廟俱不入西踞山直上半里抵岨下則洞門有垂石中懸門闕為二左大而右小有僧倚中垂之石結廬其外又環石于左門之下以為外門由環石竇間入登左門其門大開西向直入置佛座當其中佛座前稍左其頂上透引天光一縷下墜高蓋數



十丈也其右則外懸之壁當其前中旁達而南即  
豁為右門：稍東而南向下懸石壁可眺而不可  
行也蓋佛座之前懸石外屏既覺迴環而旁達兩  
門上通一線竅更為明徹此其前勝也佛座以後  
有巨碑中立刻詩于上由此而內便須秉炬乃令  
擔人秉炬前見內洞亦分兩門則右大而左小先  
循左壁板左隙上躋既登一崖其上夾而成隙板  
隙入轉而南向有穴下墜甚深先投炬燭其底以  
為穿也乃撐隙支空而下三丈至其底稍南見有  
光遙透以為通別竇矣再前諦視光自東入始悟

即右門所入之大竇也復轉而西入內有小門漸  
下乃伏而窮之數丈愈隘不能進乃倒屣而出循  
右崖之壁從其西南復得一門初亦小其內稍開  
數丈後亦愈隘而漸伏亦不能進復倒退而出即  
前之有光遙透處也向明東躡左右審頤石雖蛇  
蜒而崖無別竅遂至大碑后錄其詩并出前洞以  
梯懸垂石內後崖亦錄其詩僧瀹茶就引滿而出  
下洞前則有桃當門猶未全放也是洞前後分歧  
竅窅前之菴映透漏後之層疊嶙峋擅斯二美而  
外有迴崖上擁碧浸下涵亦勝絕之地既下至平



崗余欲北探黑龍潭担者言黑龍潭路當從黃泥  
崗西下不然亦須從馮密后溯流入此山之麓無  
通道可行蓋此中有二龍潭北峽為黑龍潭此下  
為香米龍潭其潭大數十畝泐然澄碧蓋即平崗  
之脊東向南環與西山挾潭于中止西南通一峽  
容水去路從潭西循西山而南山崖忽迸水從中  
溢于潭乃橫石度壚口崖前巨石支門水分濿巨  
石之隙橫石亦分度之其石高下不一東瞰澄波  
西懸倒壁洞流漱其下崖樹絡其上幽趨濿人不  
暇他顧已乃披隙入洞：中巨石斜竄分流堰派

曲折交旋一洞而水石錯落上如懸幕下若分蓮  
蹈其瓣中方疑片隔仰其頂上又覺玄同入教丈  
後壁猶有餘光而水自下穴出無容捫入矣出洞  
依西山南行二里有教家倚山而居由其前又南  
一里轉而西行一里又逼西山之麓復南行二里  
則西山中斷兩崖對夾如門上下逼湊其中亦有  
路緣之上蓋此崖乃麓江南盡之界川內平疇鶴  
慶獨下透而北西界高山麓江俱前踞而南以西  
山之後猶磨些之俗耳自此而南東西界後亦俱  
獮、屬鶴慶土官高千戶矣又南二里一溪自西



山下出余溯而窮之稍轉北半里其水分兩穴東  
向出皆溢自石下無大竅也乃踰出水石上由水  
之西循山南行半里有洞連裂三門倚崖東向洞  
深丈餘高亦如之三門各峙中不相通而石色殷  
紅前有桃花點綴頗有霞痕錦幅之意但其洞不  
中透為可惜耳崖右其支峰自上東向環臂而下  
脰中衝砂墜礫北轉而傾于崖前脰底亦有一洞  
南登環臂之脊始迴眺見之似亦不深乃舍之南  
踰臂脊東南下半里有村廬數十家倚西山之嶺  
是為四庄其南脰中有龍潭一圍大百餘畝直逼

西山西山石崖揮潭而下路盤崖上凌其南又一  
路循潭東岬南繞之泄水之堰在其東南懸坑下  
墜即東出而注于小板橋者也其西北脰崖迴轉  
石脚倒掉復東起一崖突潭中如拇指結榼其上  
不知中祀何神其下即潭水所自出也亦不知水  
穴之大小然其境水石濛迴峰崖倒突而水尤晶  
瑩是漾更勝香米之景惜已從潭東一里抵泄水  
之堰不便從西岬踰險而上矣由其南循西山又  
二里有石山一支自西山東向突川中其西南轉  
脰處有古廟當其間前多巨石嶙峋如芙蓉簇鏘



其色青殷而廉利不似北來之石色赭而頹屬也入叩無人就廡而飯既乃循東突之風峰東行半里轉而南盤其嘴其嘴東東臨平川後聳石峰嘴下石骨稜如側及列鏗水流一線穿于其間汨南行心異之仰眺其后聳石峰高聳雲叢千葩蜃結以為必有灵境担者曰近構一寺曰宦鳴不識有人栖否余乃令担僕前行獨返而躡其上披綃蹈辨半里陟峯頭而菴在焉其門東北向中有堂三楹供西方大士左有樓祀文昌俱不大而飾聖未完有一道者栖其間蓋二年前居人見山頭有

鳴雀之異而道者適至募建此菴故鄉人感而名之道者留余遲一宿余以擔僕已前力辭之不待炊茶而別其菴之南村廡倚山下者甚盛三里餘又有危峯自山東突與鶴鳴之峰南比如雙臂前舒但鶴鳴嶙峋而緣繞此峰聳拔而拱立為異耳是峰名石寨前有村名石寨村有一龍泉自峰下出匯水為潭小于四庄東乃環堤為堰水從堰東注壑去即東出于大板橋者也半里越堤之南復循西山南行其地漸莽無田墾村廡之托想無水源者也八里始有溪東注路東轉而南渡之



于是東望為漢武場北村西望為西龍潭大村蓋此水即西龍潭所分注者也西龍亦當西山東突之隘匯水頗大東流者北為此水中為城北大路口水東南引者而城中之水其利為一郡之冠云又南二里出大路正當大路東向之處其東有竹叢村廬即來時所遵道也從大路南四里餘而抵鶴慶北關托宿于關外乃入北門是為舊城南半里轉而西為禦前守禦所在烏摩尼山復吾師之子張生家北向而居入叩之往摩尼未返也又轉南再入城門是為新城始知鶴慶城二重南新北

舊南拓而北東入新城即從府治東南向行半里東轉即治前南向有大街市舍頗盛已乃仍出西北門入寓而晚食始熟遂啜而臥

鶴慶西倚大山為南龍大脊東向大山為石寶高

峰石寶山高亨獨聳頂為極多尊者道場此山中自麓江東山南向山下南盡于金沙江

夾平川自七和南下但七和之南又有三岔黃泥崗自西而橫逼東山故其川以馮密南新屯為甸頭直下而南共五十里有象眠山西自西大脊東屬于石寶山石寶山西與劍川同名一統志稱為峯頂山從志為是象眠山與麓江同名一統志稱為龍珠漢共江貫于中川南抵象眠山亦當從志為是



分注衆竅合于山腹南泄為一派合楓木之水東  
南入金沙江兩旁東有五泉出石竇之下西有黑  
龍西龍諸潭出西大山下故川中曰禾豐美甲于  
諸郡馮密之支亦甲諸郡稱為  
瑞麥其粒長倍于常麥

十三日早飯平明抵北門從門外循舊城而西一里  
轉而南半里其南則新城復拓而西出隨之又西  
半里又循城南轉半里過西門乃折而西向行渡  
一橋西三里乃踴坡二里踰坡西稍下其坡自西  
山東下至此伏而再起其南北俱有峰舒臂前抱  
土人稱為旗鼓山而坡上塚纍纍蓋即郡城之表

脈也土人言昔上官高氏之塚當此崗國初謂其  
有王氣以大師挖斷其後脈即今之伏處也不知  
起伏乃龍脈之妙果挖之適成其勝耳宜郡城之  
日盛也由坡伏處即上踴坡行一里至坡脊南北  
俱墜坑成峽又一里南渡西峽之上從南坡踴峻  
西登二里稍平再緣南坡折而上一里復隨峽西  
入一里抵西嶺下轉而北向踴峽中其峽乃墜水  
枯澗巨石磊磊而疊磴因之中無滴瀝東西兩崖  
壁夾駢奏石骨稜稜密翳蒙蔽路緣其中白日為  
冷二里餘有巨石突澗道中若鷓首之浮空又若



蹲獅之當戶由其右崖橫陟其上遂循左崖上其  
峻束逾甚二里始平西行峽中一里稍上北崖峭  
壁聳起為如奮翅劈霄而南崖亦巖削相逼中湊  
如門平行其中仰天一線余以為此南度之大脊  
也透其西峯環壑轉分為二歧一由脊門西下循  
北山而西北一由脊門直出循南山而西南莫定  
所適得牧者遙呼而問之知西北乃樵道也遂從  
其西南行半里有峯中懸壑中兩茅舍當其上  
亦峭守者之居也從其南平行峽中西望尖峰聳  
立高出衆頂余疑路將出其西北及西二里稍下

窪中半里抵尖峯東麓其處窪而無水西北西南  
之峽似俱中墜始悞脊門西來平壑至此皆中窪  
而非外泄之峽矣從窪西南上遂披尖峯東南峽  
而登密樹蒙茸高峯倒影二里循峯西轉遂踰其  
東度之脊西半里盤尖峯之南西北半里又踰其  
南度之脊此脊高于東度者然大脊所經又似從  
東度者南轉而脊門猶非其度處也逾脊遂北向  
而下一里已出尖峯之西至此蓋三面挾尖峯而  
行矣乃西向隨峽下墜一里峽始開一里遂轉而  
西南乃循南山之坡曲折西下三里抵盤壑中其



處東北西三面崇峯西北東南二面皆墜峽惟西南一脊如堵垣平陟其上共二里踰前尚有廢舍踞崗頭是為汝南哨其東南塢中有村落倚東山乃土官所居土人又名為虞蠟播箕由哨南下行塢中一里餘遂南入峽東西皆土峯逼夾其下頗峻二里出峽乃飯復見東南有墜壑乃盤西峰之南復西涉其塢一里餘復陟其西峯而南盤之遂西向循坡下北峯南墜路從深樹疊石間下甚峻四里轉峽度脊其下稍平西南半里有茅棚賣漿崗頭乃沽以潤枯腸又西南半里下至壑底有水

自南峽來竟壑中北透峽去是為清水江始知壑西之山反自大脊南度而北其水猶濫觴細流不足名溪而乃以江名耶其下流北出當西轉南下而合于劍川之上流然則劍川之源不第始于七和也清水江東岫有教家居壑中上有公館為中道涉水西從西坡南向上迤邐循西山西南三里餘乃折而西南上甚峻一里又折而西半里西踰嶺脊即南從東大脊西度北轉者當北盡于清水江西透之處者也越脊西下峽中二里峽始豁而下愈峻又一里餘始就夷行圍壑間又一里餘乃



循南峰之西而南盤之一里出其口始見其西群  
峰下伏有峽下嵌甚深南去稍闊而東南峽中似  
有水光掩映者則劍川湖也西南層峯高峙雪色  
弥瑩者則老君山也南盤二里又見所盤之峽其  
西石峯倒湧峽岷嵯峨駢錯于足下其下深壑中  
始有居廬環倚似有樓閣瞻依之狀不辨其為公  
館為廟宇也從其上南向依東崖下二里西度峽  
脊已出居廬之南遂循西峯南下一里則東峽已  
南向直趨劍湖矣于是南望湖光杳渺當東山之  
麓其北帶壑連青環畦甚富意州治已在其間而

隨峽無路：反從峯頭透岫西去一里稍下又轉  
西峯而盤其南又一里于是南面豁然其前無障  
俯見南湖北塢而州治倚西山當其交接處去此  
尚遙路盤坡西行一里餘乃從坡西峽中南下又  
一里抵山麓乃循崖西轉半里則村居倚山臨塢  
環堵頗甚盛是為山塢塘間距州尚十里而担者  
倦于行遂止

十四昧爽飯于山塢塘平明乃行于是俱西南向平  
疇中行矣二里餘有一小山南突平川路從其北  
西轉而挾之復西南行平疇中雨霏：至二里有



大溪自北而南平流淺沙湯、南注湖中然湖自  
下山膝已不可見矣隨溪南行又半里有大石梁  
西跨之其溪流蓋北自甸頭來按志州西北七十  
里山頂有山頂泉廣可半畝為劍川之源此山不  
知何名今鹿江南界七和後大脊寔此川發源之  
所則此山即在大脊之南可知更有東山清水江  
之流亦合併之其盤曲至此亦不下七十里則清  
水江亦其源可知從橋北望乃知水依西山南下  
其東則山膝塘北之山盤夫之山膝塘之東山南  
隆而為川又東則東山乃南下而屏其東與西界

金華山為對是山膝塘者實川之北盡處其東南  
闢而為川以瀦湖其西北夫而為峽以出水者也  
過橋風雨大至隨溪南行半里避于坊下久之稍  
止乃西南復行膝間一餘里有一小流西來乃溯  
之西一里抵劍川州、治無城入其東街抵州前  
乃北行稅行李于北街楊貢士家乃買魚于市見  
街北有祠入謁之乃祀死節段公者段萬曆末以  
進士為重慶某縣令閻家死奢酋之難故奉詔立  
祀今其長子蔭錦衣在都祀中有一生授蒙童植  
盆中花頗盛山茶小僅尺許而花大如碗出祠東



還寓以魚昇碩僕令守行囊而余同主人乃即令  
擔者挈飯一包為金華之游出西郊天色大霽先  
眺川中形勢蓋東界即大脊南下分為湖東之山  
者是為東山西界則金華山最高北與嵯場諸山  
南與羅尤後嶺頡頏西峙是為西山其金華之脈  
君山最高為麓江蘭州之西南之十里楊村之比其  
土人言昔亦劍川屬二十年鑛極盛倍于他山者  
麓江賄以其山獨昇麓江以前其為山之脈受  
禁鑛不採然余按一統志金華之西則羅均  
山未蓋老君即羅均之說然謂之西者則滄志  
之說也其山非劍川屬亦麓江蘭州西則滄志  
江外其山即非劍川屬亦麓江蘭州西則滄志  
西番之稱然即此亦可知此山原不屬其北則山  
劍川土人賄昇之言不互信也

滕後嶺自東山北轉西亘而掉其尾其南則印鶴  
山自東山南下西環而迴顧中園平川東西濶十  
里南北長三十里而湖滙其半湖源自西北來向  
西南破峽去而湖獨衍于東南此川中之槩也其  
地在崔慶之西而稍偏于南在麓江之南而稍偏  
于西在蘭州之東而稍偏于北在浪穹之北而稍  
偏于西此四境之準也州脈自金華北嶺東環而  
下由州治西行一里餘及其麓有二寺並列而東  
向俱不宏敞寺後有亭有軒在層嵯盤磴之上水  
泉飛洒竹影桃花蒼映有致為御紳楊君之館由



其北踞岷西上其闕帝廟亦東向而其處漸高東  
俯一川甸色湖光及東山最高處雪痕層疊甚為  
明媚由廟後循大路又西上半里北循坡而下為  
桃花塢南分歧而上為萬松庵而直西大道則西  
踰嶺而抵莽歌嶺者也乃隨楊君導遂從北坡下  
數百步而桃花千樹深紅淺暈倏入錦繡叢中穿  
其中復西上大道橫過其南其為萬松庵其下為  
段君墓皆東向墓中懸塢中萬松高踞嶺上并桃  
花塢其初皆為土官家山墓為段氏所葬而桃花  
萬松猶其家者萬松昔為庵闍今亦營為馬鬣門

局莫由入遂仍從闕廟側約一里下山之北有  
峽甚深自後山環夾而出澗流嵌其下是為岷塢  
兩岷駢立其口甚逼自外遙望不知山之中斷也  
余欲溯其流入遂循山南行一里餘有峒如堵墻  
自西山而東亘州南乃引水之崗也踰峒又南一  
里餘有道宮倚西山下忽東向其內左偏有何氏  
書館何鄉紳之子讀書其中宮中焚修者非黃冠  
乃瞿曇也引余游館中觀茶花呼何公子出晤而  
何不在留余少憩余急于登山乃出從宮右折而  
西上坡一里有神廟當石坡上為主之宮其廟



東向而前有閣、後兩古柏夾之、虬藤大桃連絡  
上下流泉、突石錯落、左右亦幽閒名區也、與何公  
子遇、欲拉余返館、且曰、家大人亦祈一見、蓋其父  
好延異人、故其子欲延余、相晤、余約以下山、未叩  
後、詢何以進、士起家乃諱、可及、遂從、廟右、西上于  
者、憶其為魏、堯、削、奪、後、乃、不、往、遂、從、廟、右、西、上、于  
是崇拔、仰陟、遵、岳、坡、以、登、三、里、轉、突、岨、之、上、其、岨  
岨、岨、坡、右、下、臨、深、峽、自、其、上、石、門、下、墜、甚、深、從  
此、上、眺、雙、岨、駢、門、高、倚、峯、頭、其、內、環、立、巖、翠、彷彿  
其、雲、旌、羽、嘗、出、沒、益、賈、勇、直、上、路、曲、折、懸、陔、又、一  
里、而、登、門、之、左、岨、其、上、有、小、石、塔、循、岨、西、入、兩、崖

中、關、上、揮、雲、霄、而、下、甚、平、有、佛、宇、三、楹、當、其、中、楹  
左、右、恰、支、兩、岨、而、峽、從、其、前、下、墜、路、由、左、岨、入、由  
右、岨、拔、石、壁、而、盤、其、前、以、登、玉、皇、閣、佛、宇、之、後、有  
池、一、方、引、小、水、從、後、峽、滴、入、池、上、有、飛、岩、嵌、右、岨  
間、一、僧、藉、石、而、栖、當、兩、岨、夾、之、之、底、亭、午、不、見、石  
色、惟、有、空、翠、冷、雲、綢、繆、牖、戶、而、已、由、岨、底、坡、均、而  
登、內、塢、有、三、清、閣、由、岨、右、歷、棧、而、躡、前、岨、有、玉、虛  
亭、咫尺、有、幽、曠、之、異、余、乃、先、其、曠、者、遂、躡、棧、盤、右  
岨、之、前、棧、高、懸、數、丈、上、下、皆、絕、壁、端、聳、雲、外、脚、掉  
峽、底、棧、架空、而、橫、倚、之、東、度、前、岨、乃、盤、南、岨、西、轉



北上而凌其端即峽門右崖之絕頂也東向高懸  
三面峭削凌空無倚前俯平川烟波村樹歷歷如  
畫幅倒鋪後眺內峽環碧中迴如蓉城藍闕互相  
演映窈窕莫測峰頭止客一閣奉玉宸于上余憑  
攬久之四顧無路將由前道下棧忽有一僧至曰  
此間有小徑可入內峽不必下行余隨之從閣左  
危崖之端挨空翻側踐崖紋一線盤之西入下瞰  
即飛棧之上也半里而抵內峽之中峽中危峰內  
簇瓣分蒂縮中空如蓮房有員峰獨穹于右當峽  
中峙兩旁俱有峰攢合界為兩峽外圓中簇此亦

洞天之絕勝矣峽上小峰共有五頂土人謂上按  
五行有金木水火土之辨此亦過求之論即不藉  
五行亦豈輸三島哉中峰前結閣奉三清前有古  
栢一株頗巨當兩峽中合之上余欲上躡中峰見  
閣後路甚仄陟左峽而上有路前蹈峽門左崖之  
頂乃涉峽而北躡之東出西轉有塔峙坡間路至  
此絕余犹投巖踐削久之不得路而楊氏之子與  
擔夫俱在下遙呼乃返從內峽三清閣前下墜峽  
底共一里而至峽門內方池上就此穴僧栖馱火  
沸泉以所携飯投而共啖之乃與僧同出峽門循



左岷東行僧止右峽壁間峽岷之下石裂而成溪  
下臨絕壑中嵌岷岷其內直通山后莽歇岷中從  
來皆虎踞豹盤踞無敢入者余欲南向懸下僧曰  
既無路而有虎君何苦必欲以身試也且外阻危  
岷內無火炬即不過虎亦不能入楊氏子謂急下  
山尤可覓羅尤溫泉此不測區必不能從也乃隨  
之東北下山一里路分兩岐一循山北下為入州  
便道一直東隨坡下即來時道僧乃別從北去余  
仍東下一里路左有一巨石當坡東向而峙下瞰  
土神廟後石高三丈東面平削鐫三大天王像于

上中像更大上齊石頂下踏岷脚手托一塔左右  
二像少殺之王人言土司出兵必宰豬羊是為天  
祭之祭后牲俱烏有戰必有功王石又下一里至王廟南乃踰澗南上坡循西山  
之東踰坡涉塢南向而行村之依坡臨川者籬舍  
屈曲竹樹扶疎綴以天桃素李光景甚異三里餘  
而得一巨村則金華之峰至是南盡又下為盤嶺  
迴亘南去蘭州之道由是而西踰之從楊村而達  
焉由南東盤東突之嘴共里餘南轉得羅尤邑亦  
百家之聚也其處有溫泉在村窪中出每冬月則  
沸流如注人爭浴之而春至則涸成汙池焉水至



而不流亦不熱矣有二池一在路旁一在環堵之內今觀之與行潦無異土人言其水與蘭州溫泉彼此互出溢于此則彼涸溢于彼則此涸大意東出者在秋冬西出者在春夏其中間隔重巒絕箐相距八十里而往來有時更代不無此又一異矣村中有流泉自西峽出人爭引以灌與溫池不相涉其上有石龍寺以晚不及探遂由大道北返四里北越一橋北有居廬為水寨村從村北折而西望金華山石門之峽高懸雙闕如天門曼峙又二里北抵州治入南街又里餘而還寓

十五余欲啟行聞揚君喬梓言莽歌嶺為一州勝處乃復為一日停命擔者裹飯從游先從崖場入峽場者在金華北峰之下有澗破重壁而東出剖層峰為二其內皆雲春水確極幽寂之致莽歌立道當從南峽上余意披峽而西由峽底覓道上更可兼盡遂溯流入始緣澗北不得入仍渡澗南西入南峽之上即昨桃花迷塢處而此當其下巖矯首兩峽逼宵但謂澗底流泉別有天地不復知峰頭春色更占人間也曲折三里祇容一溪宛轉亂春互答既而峰迴峽轉前嶺西亘夾澗北來中壑稍



開環岵愈嵌路亦轉北而回眺西南嶺頭當莽歇  
所在不應北入適有樵者至執而問之曰此澗西  
北從後山來莽歇之道當從西亘之嶺南向踞其  
脊可得正道余從之遂緣西亘嶺西南躋之雖無  
路徑方位已不出吾目中一里餘遂南踞其北突  
之脊東來之路亦踰此轉南矣遂從之此峰自全  
華山北向橫突從此下墜前盡于崖場峽口後盡  
于所踰之脊其西又有山一支亦自南北向橫突  
夾金華之後而為北下之峽蓋二山俱從西南老  
君山來分支並馳中夾成箐石岵盤錯即所謂莽

歇嶺也于是循金華山之西南向二里又漸下者  
半里而抵箐中其箐南來東岵即金華北嶺之後  
西岵是為莽歇皆純石危亘駢峽相對而路當其  
下先有一岵北向橫障箐中下嵌成屋懸覆二丈  
餘而東北一石下垂如象鼻柱地路南向無隙從  
象鼻卷中傍東岵上透遂歷覆岵之上望東西兩  
岵俱有石壁覆雲而西岵尤為峽岵上有露雨  
亭焉因西向踞危登之其亭皆東向倚岵綴壁浮  
嵌歇反而南列者較大位佛像于中而左壁有泉  
自石躋出下涵小池而不溢北亭就嵌崖通路撫



虛而過得片石冒亭其上三面懸削其路遂絕此  
反比凌箐口高出象鼻覆岬之上矣憑眺久之聞  
木魚聲甚亮而岬迴石障不知其處復東下箐底  
溯細流北入則西岬轉峭削骨霞崩幘壓其勢彌  
異半里橋首上眺或下嵌上突或中剝旁裂或層  
堆或直劈各極騫騰有大書其上為天作高山者  
其字甚大而懸穹亦甚高或云以篾羅藤索從峰  
頂倒掛而書者西岬有白衣大士東岬有胡僧達  
摩皆摩空拈壁而成似非人跡所到也更南半里  
有玉皇閣當箐中由此扳西岬捱石磴有僧嵌一

閣于岬隙其閣亦東向其岬上下陟絕中嵌橫紋  
而閣倚之挨橫紋而北又覆一亭中供巨佛倚壁  
而立以岬壁不容青蓮座也其北橫紋併絕矣前  
聞鯨聲遙逝即此閣僧其師為南都人茹淡關幽  
栖此有年昨以禪誦赴岬場而守廬者乃其徒也  
留余待之余愛其幽險為憇閣中作紀者半日僧  
為具食下午而師不至余問僧此處有路通金華  
山否僧言金華尚在東南隔大脊一重箐中無路  
上東向直踞東岬乃南趨踰頂而東下之蓋東岬  
至是匪石而土但峭削之極直列如屏其上為難



余時已神往即仍下玉皇閣遂東向拔嶺上時有  
遊人在玉皇閣者交呼此處險極難階余不顧愈  
上愈峻二里有路緣峰腰自南而北擔者欲從北  
去余強之南半里北路乃南通后嶺非東南踰頂  
者乃復東向跬峻擔者屢後呼之不至余不復待  
竭蹶上躋一里餘而東踰其脊從脊上俯視見州  
治在川東北矣乃即從脊南趨半里又東南跬峻  
上一里始凌金華山頂于是北眺麗江西眺蘭州  
東眺霍慶南眺大理雖嵌重峰之下不能辨其城  
郭人民而西之老君北之大脊東之大脊分支處

南之印鶴橫環處雪痕雲派無不歷、獻形正如  
天際真人下辨九州俱如一泰也復從頂脊南行  
脊上已有路直前一里漸西轉向老君余知乃楊  
庄道乃轉而北瞰東向之路得一線垂箐下遂從  
之下里餘路窮箐密傾岨倒坎款仄蒙翳下嵌莫  
測乃扳枝橫趺、一重複更一枝幸枝稠箐密不  
知倒空之險如是一里如蹈碧海茫無涯際既而  
審視忽見一塔下湧雖隔懸重箐而方隅在目知  
去石門不在弱水外矣益用扳墜之法又一里有  
線徑伏箐間隨之亟行半里得中窪之峽又半里



出三清閣之後即昨來審視而難從者于是下峽  
門過昨所飯處皆闕無一人乃前趨過昨所望虎  
穴之上此直康衢非險道矣乃循西山北向下五  
里而返寓則擔夫猶未歸也

十六平明炊飯而行遵南街出七里至羅尤邑余以  
為將濱湖而行而大道俱西南循坡竟不見波光  
渚影途中屢涉峒越澗皆自西向東而峒澗俱不  
巨皆有村廬八里一村聚落頗盛從其南又一里  
大路將東轉而趨海門橋有岐西南入乃石寶山  
道也從此始與大道別南瞻印鶴山尖聳而當湖

之南為一川之南屏其脈自湖東南下伏而西度  
復聳故榆城大道過海門橋繞湖南而東由其東  
伏處南踰而出觀音山湖流所注由海門橋繞山  
北而西由其西盡處南摠而下沙溪石寶山又在  
印鶴西南東隔此溪南下又西隔馳強江北流故  
其路始從此溪北峽入又從駝強江東峽渡然後  
及石寶之 焉由岐路循西坡南下一里度一峽  
從峽南上轉而西行二里餘已遙望石寶山尖穿  
西大峰之南矣于是復西南下一里涉澗乃南向  
陟層峒峽中曲折三里始南踰其脊南下一里有



水自西南峽來至此折而東去是為駝強江有大  
石梁南跨之橋南環膝連阡南陟之半里有村廬  
倚南坡下頗盛是為駝強村從村南復隨箐南上  
一里餘登嶺脊從脊西望老君山雪色崢嶸在重  
峰夾澗之西始知石寶之脉猶從金華南下而盡  
于駝強北轉之處若老君之脉則南從橫嶺而盡  
于黑會淵滄之交矣平行脊上一里餘稍南下度  
峽岫半里東望海門橋之溪已破峽嵌底而南有  
路隨箐直下而就之此砂溪道也有岐南上盤西  
峰之南此石寶道乃南上盤峰一里餘凌峰之南

遂西轉而飯從嶺頭西向行二里稍下而踰脊西  
隨之南轉西向一里又西南踰其北突之崖始平  
望石寶之尖與西峰並峙而白塔高懸其間南一  
里遂墜壑直下一里抵岨麓則駝強江自南而北  
奔流石峽中而西岨東西夾峙岨石飛濤古木盤  
聳懸藤蒸箐叢蔽山谷祇覺綠雲上幕而仰不見  
天日玉龍下馳而旁不路津涯蓋西即石寶之麓  
東乃北繞之峰駢夫止容一水而下嵌上逼極幽  
異之勢循東岨南行三里夾壁稍開有一石梁西  
渡立梁上四眺尚不見寺托何處而梁南西岨溯



水而上已無纖徑而橋東有路南踰東峰則沙溪  
之道也渡橋西半里西壁稍開中墜一坑甚峻有  
巨閣當其口已傾圮不蔽風雨而坑中亦無入路  
惟仰見其上盤崖層疊雲迴障擁如芙蓉十二樓  
令人目眩心駭路循坑右盤崖磴曲折上一里餘  
而入石寶寺山門、殿三四層俱東向荒落不整  
僧道亦寥寂然石階殿址固自雄也余停行李于  
後殿之右一老僧拙其後初不延納余不預即從  
殿北盤左脰窮北岩二重復下從殿南盤右脰窮  
北岩一重再下則老僧已炊黃梁相待時已下午

復從右脰上玉皇閣窮塔頂既暮始下蓋後殿正  
嵌崖脚其層亘之崖重、上盤而路各從兩旁脰  
間分道橫披而入其前既懸削不能直上而上亦  
中斷不能交通故殿後第一層分嵌三竅北竅二  
重路從北脰轉南竅一重路從南脰轉俱迴臨殿  
上而中間不通其上又環為第二層殿後仰瞻不  
見也路又從玉皇閣北轉即凭臨第一層之上從  
突崖北陟踞北支西上三里餘凌從峰之頂、頗  
平西半里有白塔當坪間又中窪為土塘者二而  
無水窪之南皆石坡外突平度如塘堰而石面有



紋如龍鱗有小窪嵌其上皆淺而有水其頂即西  
並大峰其峰橫列上聳西擁如屏欲踞其上路絕  
日暮而止僧言其上有天成石像併不竭石池余  
所覩頗不一亦少就雕刻不辨孰為天成也  
十七由寶石飯而下山二里度橋東上即轉東南二  
里東踰其脊乃轉而南行漸下轉而西南三里又  
轉而東一里循山南轉其地馬櫻成開十餘小茶  
同二里過一南度之脊里餘越嶺而南始望見  
沙溪之塢關于東麓所涉之峰與東岬大山相持  
而南中夾大塢而斂川湖之流合駝強江出峽貫

于川中所謂沙溪也其塢東西濶五六里南北不  
下五十里祈出未毅甚感劍川州皆未取足焉從  
嶺南行又二里峰頭石忽湧起如獅如象高者成  
崖卑者為級穿門踏躡覺其有異而不知其即鍾  
山也去而後知之欲再返觀已無及矣又一里遂  
東南下三里及其麓從田塍間東南行二里得一  
大村曰沙腿過一僧即石寶山之主僧也欲留余  
還觀鍾山且言從此而西四十里過蕨食坪即通  
楊村蘭州由蘭州出五盞井徑從雲龍川抵永昌  
甚便余將從之以浪竒何菜阿未晤且欲一觀大



理更聞此地東去即觀音山為鶴慶大理通道若  
捨此而西即多未了之願乃別僧東南行膝間三  
里至七屯村廬甚盛沙溪之水流其東有木梁東  
西駕其上甚長涉橋又東南望峽坡而趨二里由  
峽踞坡東向而上者五里得一坡頂踞而飯又東  
一里餘見路岩有峽西墜如剗整其南有岨北向  
而洞亦北向關門艱于墜峽惟隔岨眺望不及板  
也又東里餘抵東脊之下有澗自北來小水流其  
中南注西墜峽間大路涉澗而東踰脊已乃知其  
為三營道如欲趨觀音山當溯澗而北入塢余乃

復返西澗北向溯之入行峽中徑甚微兩旁石樹  
漸合二里出夾乃東北踞坡而上坡間萬松森列  
馬纓花映日燒林而不聞人聲五里轉向東又上  
五里始踞其脊、南北俱峯中反窪而成岨穿岨  
一里始東北向而下望見東界遙山屏列上干雲  
漢而其下支撐隴盤猶不見下關之塢也墜峽而  
下二里又見東麓海子一圍水光如黛浮映山谷  
然其徑蕪寒第望之東下又二里始有路自北頂  
而下隨之同東北降又五里始及山麓、之東平  
壑內圈小山外繞自西大山北麓分支迴環東抱



又轉而西夫于南麓四週如城如中闕如規北半  
衍為平疇南半瀦為海子海子之水反西南逼大  
山之麓破峽墜去其中蓋另一天也當壑之中有  
居廬駢集是為羅木哨其北峒峰如負宸獨擁于  
後而前有廬室倚其陽是為李氏之居李名其以進士任吏部即今地聖人傑信有徵哉東行滕時問二里過其家居  
羅木哨村又東一里餘有大道自西北向東南交  
過之又東半里抵東峒下循而北半里乃東向踰  
嶺而上又半里乃下及其東麓有數家瀕東溪而  
居其溪自三岔路澗峽發源經觀音山過此而西

南繞出洞鼻合浪亭海子及鳳羽閘江而同入普  
陀嶺南經中所下洱海者也其時將暮擔者欲止  
問村人不得乃悞後村南度小橋由溪東大道北  
行二里得觀音鋪村已日暮矣遂宿

十八昧無促飯而擔夫逃矣久之店人孳索余費為  
送浪亭遂南行二里過一石橋循東山之麓而南  
七里至牛街子循山南去為三營大道由峽西南  
過熱水塘行塢中為浪亭間道蓋此地已為浪亭  
鶴慶犬牙錯壤矣于是西南從支坡下一里過熱  
水塘有居廬遠之余南行滕間其塢擴然大開西



南八里有小溪自東而西注越溪又南東眺三營  
居廬甚盛倚東山之麓其峰更崇西望溪流通西  
山之麓其時更沃過此中橫之溪已全為浪穹境  
天三營亦浪穹境內余始從雞山開其名以為山  
再定佛光寨以其地陰要特立三營以控扼之土  
音呼營為陰遂不免與會稽之隣縣同稱耳  
又南十里則大溪自西而東向曲其西有木橋南  
北跨之橋左右俱有村廬南渡之行溪之西三里  
溪復自東而西向曲又渡橋而行溪之東三里于  
是其溪西逼西山南突之嘴路東南陟隴而行四  
里則大溪又自西而東向曲有石梁南跨之而梁

已中坳陟之頗危梁之南居廬頗盛有閩帝廟東  
南向是為大屯之西一山北自西大山分支南  
突其東南又有一山南自東大山分支北突若持  
衡之針東西交對而中不接大溪之水北搖出洞  
翼之東垂又曲而南環東橫山之西麓若梭之穿  
其隙者西山既分懸塢中橋亦若界而為二于是  
又西南行滕岡三里轉而西三里過一小石梁其  
西則平湖浩然北接海于南映山光而西浮雉堞  
有堤界其中直西而達于城乃遵堤西行極是明  
聖蕪堤雖無六橋花柳而四山環翠中阜弄珠又



西子之所不能及也湖中魚刀汎、茸草新蒲點  
瓊飛翠有不盡蒼茫無邊激澗之意湖名茫碧有  
以也西二里湖中有年中懸百家居其上南有一  
突石高六尺大三丈其形如龜北有一迴峒高四  
尺長十餘丈東突而昂其首則亦石也龜與蛇交  
盤于一阜之間四方湧泉騰溢者九突而龜之口  
向東南蛇之口向東北皆張吞吐沸交流環溢于  
重湖之內龜之上建玄武閣以九穴環其下今名  
九氣臺余循龜之南見其喙中湧水其上層覆出  
為人擊跌其水熱不可以濯有僧見余遠至遂留

飯且及夫僕為其北蛇峒之下亦新建一庵余以  
入城急不暇適歷由臺西復行堤間一里渡一平  
橋又二里入東門一里抵西山之下乃南轉入護  
明寺憩行李于方丈寺東向其殿已久啟僧方修  
飭之寺之南為文昌閣又南為文廟皆東向而溫  
泉即洋溢池之比既懸行李時甫過午入叩何公  
巢阿一見即把臂入林欣然恨晚遂留酌及更仍  
命其長君送至寺宿焉何名鳴鳳以經魁初授四  
川郫縣令世浙江藍運判  
官嘗與眉公道余素履欲候見不得其與程木叔  
詩有苑媿王紫芝生媿徐霞客之句余心媿之亦  
不能忘後公轉六安州知州余即西游出門至海  
者得任籍而六安已易人而治訊東來者又知六



安已為流寇所破心益忡至晉寧會教諭趙君  
為陸涼人初自杭州轉任至晉寧周之知其為杭  
州故交也言朱時從隔江間訊知已丁艱先歸  
即城破抵家一僧乃君之戚始知果歸以憂離任  
亦未久也

十九何君復具食于家携行李入文廟西廡乃其姻  
劉君執石讀書處也上午何君具舟東閩外拉余  
同諸即四人同登舟小僅容四人而舟受八人  
遂泛湖而北舟不用楫以竹篙刺水而已渡湖東  
北三里湖心有漁舍兩三家有斷埂垂楊環之何  
君將就其處結樓綴亭縮納湖山之勝命余預題  
聯額余唯慙慙之仍泛舟西北二里遂由湖而

入海子南湖北海形如葫蘆而中束如葫蘆之頸  
為湖而淺海小而深湖名茈碧海名洱源東為出  
洞鼻西為劇頭村北為龍王廟三面山環成塢高  
而海子中溢南出而為湖海子中央底深數丈而  
水色澄瑩有琉璃光穴從水底噴起如貫珠聯璧  
結為柱幃上躍水面者尺許從旁遙觀水中之影  
千花萬萼噴成珠樹粒粒分明然不亂所謂靈  
海耀珠也山海經謂洱源出罷谷山即此楊太史  
有汎湖窮洱源遺碑沒山間何君近購得之將為  
立亭以志其勝焉從海子西南涯登陸西行田間



入一庵即護明寺之下院也何君之威已具滄庵  
中為之醉飽下午仍下舟泛湖西南二里再入小  
港何君為姻家拉去而幼即留侍令兩長君同余  
還晚食而宿文廟西廡

二十何君未歸而長君清晨候飯乃携盒抱琴竟堤  
而東再為九氣臺之游擬浴于池而浴池無覆室  
是日以銜子浴者雜指乃已遂由新庵掏蛇口溫  
泉憩久之仍至九氣臺撫琴命酌何長君不獨  
文章擅藻而絲竹俱精就龜口泉滄雞卵為食味  
勝于湯煮者已為而寺僧史出金佐滄觴下午乃

返西風甚急何長君抱琴向風而行以風韻絃其  
聲冷心山水之調更出自然也

廿一何君歸飯余于前樓以其集示余中有為余咏  
者余亦作二詩以酬之

廿二何君特設宴余以小疾欲暫卧懇辭不獲  
強起赴酌何君出所藏山谷真蹟楊升庵手卷相  
示

廿三何長君聯騎同為佛光寨之游佛光寨者浪穹  
東山之最高而險者東山北自觀音山南下一穹  
而為三營後山再穹而為佛光寨三穹而為賞鹿



山其勢皆崇雄如屏連障天半遙望維支隴其中  
竇多崩岨疊壁不易拔躋故佛光寨夙稱天險勝名  
志謂為孟獲首寨然載于國初既平滇西有普顏  
鄧川而不載于浪穹侯矣國初既平滇西有普顏  
薦者復據此以叛久征不下數年而後克之今以  
其地建靈光寺從寺後而上有一女關最險言一  
女當關莫之能越也顏為據寨以諸女子分踞峰  
頭遙望山下無所不見從關而上即通後山之道  
北出七坪南下北牙者也余聞其勝故與長君先  
及之仍從九氣臺共十里過大屯石梁其梁已折  
而重建橋木橋以渡遂從東北行五里轉而東從

徑路又三里直抵東山下乃沿山東北上又二里  
而及靈光寺門東向下臨遙川其前坡雖峻而  
石不多惟寺前一石高突如屋前樓後殿兩廡為  
炊卧之所乃何君之伯某府別駕所建今且就圯  
矣余至先有三客在皆呂姓一少而麻衣者為呂  
揮使子其二長者即其叔也具食相餉為余言一  
女關之勝欲即登之諸君謂日晚不及迨下午諸  
呂別去何長君亦往三營戚家余獨留寺中為明  
晨適歷之計諸呂留蔬果于僧  
舍供余且導余  
十四晨起索飯即同寺僧從寺后躋危坡而上二里



卯巳  
三月初一日

餘有岐北盤入峽者向寨址道也歷級直上而南  
越峯頭者向一女關道也余從其上者一里餘凌  
坡之脊隨之南轉俯瞰脊東盤夾中有遺址圍牆  
即普顏篤之旧寨也及在其下矣南一里峯頭始  
有石壘從其下東轉南突危崖北臨寨底線經  
橫腰下缺

卯巳

真遊日記

初一日何長公以騎至文廟前再饋餐為包乃出南  
門一里過演武場大道東南去乃由岐西南循西  
山行四里西山南盡有水自西峽出即鳳羽之流  
也其水頗大南即天馬山橫夾之與西山南盡處

相峙若門水出其中東注茈碧湖南坡膝間抵練  
城而南入普陀崆路循西山南盡處溯水而入五  
里北崖忽石峯壁立聳首西頽其內塢稍開有村  
當聳首下塢中是名山關聳首之上有神宇踞巔  
望之峽岨甚蓋即縣石山自三台分支南下此其  
西南盡處其內大脊稍西曲南與天馬夾成東西  
塢循溪北崖間又三里餘西抵大脊之下于是折  
而南一里渡澗東循東山南行一里為閘江門哨  
有守哨者在路旁又南二里有小山當峽而踞扼  
水之吭鳳羽之水南來鉄甲場之澗西出合而搖



東崖下。路乃緣崖襲其上。二里出扼吭之南。村居當坡東。若縮其口者。由是村南山塢大開。西為鳳羽。東為啓始后山。夾成南北大塢。其勢甚開。三流貫其中。南自上駟。北抵于此。約二十里。皆良田。接滕縮谷成村。曲峽通幽入。民臯夾水居。古之朱陳村。桃花源。寥落已盡。而猶留一奧。亦大奇事也。循東山而循南。為新生邑。共五里。折而西度塢中。截塢五里。抵西山鳳羽之下。是為舍上盤。古之鳳羽縣也。今有巡司一流。一土。尹姓。名忠。字懋。李為呂。揮使。夢熊之塔。呂夢熊先馳使導為居。停而尹以捕緝往后山。

其內人出飯待客。甚豐。薄暮。尹返。更具酌。設鼓吹。焉。是夜大雨。迨曉而雪滿西山。

初二晨食後。尹具數騎。邀余遊西山。蓋西山即鳳羽之東。岳也。條崗數十丈。俱東向。蜿蜒而下。北為土主坪。南為白王寨。是日飯于白王寨北。文帝釋寺中。其支連疊三寺。而俱無僧居。言亦以避寇去也。從土主廟更西上十五里。即闌坪。為鳳羽絕頂。其南白王廟後。其山更高。望之皆雪光皚。而不及登。鳳羽一名為予山。每月為千萬為群。未集坪間。皆此地所無者。土人奉火鳥。撒投之。初三尹備騎命四人。導游清涼洞。晨食後即行。循西

A 1 2 3 4 5 6 M 8 9 10 11 12 13 14 15 B 17 18 19



山南行五里過一村。有山橫亘塢南。大塢至是南  
盡而分為二峽。西峽路由馬哨通漾溪。有一水出  
其中。東峽路由花甸哨出。洪珪山有二水出其中。  
其山蓋南自馬子哨分支而突者。由其北麓二里。  
東降而涉塢。過上駟村。度三澗。三里東抵一村。復  
上坡循東山南行。一里餘。渡東澗之西。乃南踞陂  
崗。則東之蠟坪。厥山其厥出鑛山之與西之橫亘  
山。又夾成小塢。南行里餘。乃折而東。逾一坳。共一  
里。東向下。忽見一水自壑底出。即東澗之上流。出  
自洞下者也。並下壑底。睹其水自南穴出。湧而北

流成溪。其上壑間一穴。大僅二三尺。亦北向上。書  
清源洞三字。為鄧川縉紳楊南金筆。水不從上洞  
出。由洞口下降而入。亦不見水。或曰行數里其入  
處逼仄深墜。恰如茶陵之後洞。導者二人。負松  
明一筐。一人燃松明為炬。以入。南入數丈。路分為  
二。下穿者為穴。上躋者為樓。之上復分二穴。穿  
右穴而進。其下甚削。陷峽頗深。即下穿所入之峽  
也。壁削路阻不得達。乃返穿左穴而進。其內曲折  
駢夫。高不及丈。澗亦如之。而中多直豎之柱。或連  
枝剖楹。或中盤旁叢。分合間錯。披隙透竅。頗覺靈



異。但石質甚莹白。而為松炬所薰。皆黑若烟煤。着手即膩不可脫。蓋其洞既不高曠。烟霧莫散。而土人又慣用松明。便于偃倭。而益增其煤膩。蓋先是有識者謂余曰。是洞須歲首即游為妙。過二月。輒為烟所黑。余問其故。曰。洞內經年。人莫之入。烟之舊染者。既漸退而白。乳之新生者。亦漸垂而長。故一當新歲。人競遊之。光景甚異。從此至二月。遊者已多。新生之乳。既被抹折。再染之垢。愈益薰蒸。但能點染衣服。無復領其光華矣。余不以其言為然。至是而知洞以低故。其乳易採。遂折取無餘。其烟

易染。遂薰蒸有積。其言誠不誣也。透柱隙南入。漸有水貯柱底盤中。其盤皆石底。迴環大如盃盞。頗似粵西洞中仙田之類。但不能如其多也。約進半里。又墜穴西下。其深四五尺。復夾而南北。下平上湊。高與澗亦不及丈。南入三丈而止。北入十餘丈。亦窘縮不能進。乃復出。升墜穴之上。尋其南隙。匍匐愈難復返。而出。由楼下坑內。批隙東轉。又入數十丈。其內高澗與南入者同。而乳柱不能比勝。既窮。西從下坑透穴出。由坑仰眺。其上稍覺崆峒。即入時由樓上俯瞰處。既下穴出。漸見天光。乃升



俱宜其前一律  
平寫下同

初

四。尹脩教騎循西山而北三里。盤西山東出之嘴。山隴半。搜剔幽奧。上下峒坂十餘里。抵暮還于尹宅。幽與飯後。仍踰西岫。稍南。遵花甸路。遂橫陟中溪。西上橫豆山之東坂。沿山陟壠。五里下。出上駟村。之西。仍循西山北行一里。過一村。遂由小徑遵西山隴半。搜剔幽奧。上下峒坂十餘里。抵暮還于尹宅。

又北半里。忍見山麓有數樹撐空。出馬足下。其下水聲淙淙。出樹則泉穴自山底東透隙而出也。又北半里。有坑自北山陷墜成峽。涉之稍東。又盤一嘴。又三里而至波大邑。倚西山而聚廬。亦此間大聚落也。由村北墜坑而下。橫涉一澗。又北上踰峒。三里而下。是為鉄甲場。有溪自西山東注。村廬夾之前。閤江門南當峽。挹水。小山又東踞為此中水口。南北環山。兩支復交于前。又若別成一洞天者。過溪上北山。此山自西山橫拖而東。為鉄甲場龍砂。實爲羽第三重砂也。東東溪流。最為縈固。其西



南之麓即鉄甲東北之麓即閩江門。鳳羽一川。全  
以此為鎮鑰焉。騎登其上。還飯于鉄甲場居民家。  
置二罇于架上。下煨以火。揀藤于中而遞吸之。屢  
添而味不減。其村氓僕慣走緬甸。皆多夷貨。以孩  
兒茶點水餉客。茶色若胭脂而無味。下午仍從大  
邑盤泉穴山嘴。復西上探其脰中小員山。風雨大  
至。沾濡而返。

初五晨起欲別尹君。以是日清明。留晏于莖山。即土  
主廟北新莖也。坐廟前觀祭掃者紛。奢者携一  
猪。就莖間火坑之而祭。貧者携一雞。就莖間平殺

之。亦烹以祭。迴憶先莖。已三違春露。不覺憮然。亟  
返而卧。

初五日。余欲別。而尹君謂前邀其岳呂夢熊。期今日至。  
必再屈暫停。遣村有諸生許姓者。邀登鳳羽南高  
嶺。隨之。下午返。而呂君果至。相見懽甚。  
初七日。尹君仍偕騎。同夢熊再為清泉洞之遊。先從白  
末村。截川而東。五里遵東山南行。山麓有騎龍景  
帝廟。北有泉一穴。自崖下湧出。崖石嵌磊。巨木  
盤糾。清泉激其下。古藤絡其上。境甚清幽。土人之  
耕者。見數騎至。以為追捕者。俱什耜而趨山走險。



呼之。趨益急。又急南五里。而抵清涼洞。不復深入。  
覽洞前形勢。仍西渡中溪。遍觀西山形勝而返。  
**初七**。余苦索別。呂君代為尹留甚篤。是日晏張氏兩  
公子。客去。猶與呂君洗盃更酌。陳樂為胡舞。曰紫  
急鼓。

**初八**。同夢熊早飯後別尹君。三十五里抵浪穹南門。  
夢熊別去。期中旬晤榆城。余入文廟。命頽僕借炊  
于護明寺。而後往候何六安。何公待余不至。已先  
一日趨榆城。余乃促何長君定夫為明日行計。何  
長君留酌書館。復汲湯泉為浴而卧。






國立中央圖書館 NATIONAL CENTRAL LIBRARY, TAIWAN, R.O.C







國家圖書館 NATIONAL CENTRAL LIBRARY, TAIWAN, R.O.C.









初九早。飯于何處。北行。陰雲四合。大有雨意。何長君  
次君仍以盒餞于南郊。南行三里。則鳳羽溪自西  
而東注。架木橋渡之。又南里餘。抵天馬山麓。乃猶  
而東行。風雨漸至。東里餘。有小阜。踞峽出口之北。  
曰鍊城。置浮屠于上。為縣學之業。此縣晉阮瞻水  
口。既極逼東。而又天生此一年。中懸以鎖鑰之范。  
碧湖洱源海。及觀音山之水。出于阜。鳳羽山之水。  
出于阜西。俱合于阜南。是為三江口。由其西望之。  
而行。又二里。將南入峽。先有木橋跨其上流。渡橋  
之東。應山鋪之路。自東北踰橫山來會。遂南入峽。



壬下

A 1 2 3 4 5 6 M 8 9 10 11 12 13 14 15 B 17 18 19

INCHES 1 2 3 4 5 6 7 8 9 10 11 12 13 14 15 16 17 18 19



口是峽東山。即靈應山西下之支。西山即天馬山。東盡之處。兩山壁湊。急流搖其中。為浪穹諸水所由出。從橋東。即隨流南入峽口。有數家當峽而居。是為巡籓司。時風雨交橫。少避于跨橋樓上。樓圯不能蔽。寒甚。南望峽中。風陣如舞。北眺凌雲諸峰。出沒閃爍。坐久之。雨不止。乃強擔夫行。初從東。峽南。行普陀峽中。一里。峽轉而西。曲路亦西隨之。一里。復轉而南。一里。有一家倚東崖而居。按郡志有龍馬洞在峽中。疑即其處。而兩甚不及問。又南江流。搖煙中。愈驟。嶂中石聳突而激湍。或為橫檻以

托之。或為夫門以束之。或為齟齬。或為劍戟。或為犀象。或為鸞鳥。百態以極其搏截之勢。而水終為所阻。或跨而出之。或穿而過之。或挾而濛之。百計以盡超越之觀。時洪流傾豆下。大雨注頭上。兩崖夾身。一線透脰。轉覺神王。二里。顧西崖之底。有小穴。當危崖下。東向。與波流吞吐。心以為異。過而問。熱中洞何在。始知即此穴也。先是土人言普陀峽中有熱水洞。門甚隘。而中頗寬。其水自洞底湧出。如沸湯。人入洞門。為熱氣所蒸。無不浹汗。有疾者輒愈。九氣壅止。可療。余時寒甚。然穴在峽底甚深。



且已過不及下也。又南一里。峽乃盡。前散為塢。水乃出洞。而路乃可下坡。半里抵塢。是為下山口。蓋崆東之山。即靈鹿南岳。至是南盡。餘脈遜而東。乃南衍為西山灣之脊。崆西之山。南自鄧川西。逆流而上。中開為南北大塢。而弥亘。江貫其中。為峽口之南。有村當塢。是為鄧川州境。于是江西所夾。堤垂楊。路從東岸行。六里餘。而抵中所。時衣已濕。透風雨不止。乃覓逆旅。沸湯為飯。入叩劉陶石。一名金父以御荐為涿州守。平劉君出酒慰寒。遂宿其前。樓出揚太史二十四氣歌相示。書法帶吳興。而

有媚逸之致。

初十。雨止而餘寒猶在。四山雪色。炤人。迨飯而負搭之夫逸去。劉君乃令人覓小舟于江岸之前。覆鍾山下。另覓夫肩行李。從陸行。言西山下有湖可避。畝與余同泛也。盖中所當弥宜。佞江出峽之始。其地平沃。居屯甚盛。築堤導江。為流中所。東山之下。有水自焦石洞下。沿東山。經龍王廟前。匯為東湖。流為閭地。江是為東流所。西山之下。有水自鍾山石穴中。東出為綠玉池。南流為羅蔣江。是為西流所。故其地有三江之名。雖同南徇。共注洋海。然未嘗

然陳述三江合流此所三江分

A 1 2 3 4 5 6 M 8 9 10 11 12 13 14 15 B 17 18 19



相入也。余與劉君先西過大石梁。乃跨弥宜信江。上者西行。膝中一里。有小橋跨小溪上。即羅蔣江也。橋之北。水塘激澗。青蒲蒙茸。橋之南。溪流如線。蛇行兩畦間。因踞橋坐而待舟。北望梅花村。綠玉池在里外。而隔浦路。舟至便行。竟不及北探也。此地名中所。東山之東。羅川之上。亦有中所。乃即此地之分屯也。余昔自羅山西下。所托宿處。大約此地。正東與雞鳴寺。西與鳳羽舍。上盤相對。但各間一山脊耳。橋西諸山皆土。而峭削殊甚。時多崩圮。鐘山峙橋西北。溪始峙橋正西。蓋鐘山突而東。

溪始環而西。溪始之上。有水一圍。匯絕頂間。東南墜峽而下。高挈衆流之祖。故以溪始名。下舟。隨溪其東麓南行。西旁。膝低于溪。壅所行水于中。其流雖小而急。此處小舟如葉。止受三人。其中難小。而急。其信江似可通大舟。而流急。莫從二里。則兩岬漸平。而走沙中壅。舟膠不前。劉君乃與余登岸行隴。舟人乃凌波曳舟。五里乃復下舟。少曲而西。半里遂南。挺而下湖。中菱蒲泛。多有連蕪為畦。植柳為岬。而結廬于中者。汀港相間。曲折成趣。深處則曠然展鏡。夾處則窅然卷畫。備有江南風景。而外有四山環翠。又西子湖所不能。



及也。湖中渚田甚沃。種蒜大如拳而味異。蒿粟花  
連疇接隴于黛柳鏡波之間。景趣殊勝。三里湖盡  
西南瞻鄧州治。當山脰曲間。居廬不甚盛而無  
城。其右有崩峽倒衝之。昔年迂于德源城以艱水  
復還故處。大路在湖之東。弥宜信江西岸。若由陸  
路行。不復如此。中有湖併湖中有此景也。又南行  
港間一里餘。有路自東橫亘于西山。即達州治之  
通道也。堤之下連架三橋以洩水。舟由堤北東行  
一里穿橋而南。又半里有小橋曰三條橋。即北從  
中所來之大道也。水穿橋東。路度橋南。俱南向行。

初約頌僕以行李待此。而不在。劉君臨歧踟躕。時  
已過午。腹餒。余揮手別劉君。令速返。余遵大道南  
行。始見路東有小山橫亘塢中。若當門之檻。截塢  
而出者。是為德源城。蓋古跡也。按志昔六詔未一  
鄧賦詔之妻初夫莫往曰此詐也必有變以鉄環  
約夫臂而行後五詔俱焚死遺屍莫辨獨鄧賦以  
得自盡不為所汚故后人以德源旌之山橫塢  
中不甚高。而東西兩端各不屬於大山。之曲與  
卧牛相夾。則羅蔣江與鄧川驛路從之。山之東與  
西山灣山相夾。則弥宜信悶地二江從之。南三里  
從其西峽。傍卧牛山東突之嘴行。卧牛山者。鄧川

A 1 2 3 4 5 6 M 8 9 10 11 12 13 14 15 B 17 18 19



東南下砂之臂也。一大峰一小峰相屬而下。大者名卧牛。小者名象山。土人以象小而牛大。今俱呼為象山云。湊峽之間有數十家當道。是為鄧州。驛過驛一里。上盤西山之嘴。始追及僕。攜遂南望洱海。直上閱而北。而德源橫亘之南。尚有平疇南接海濱。德源山之東。大山南下之脊。至是亦低伏。東轉而直接海東大山。蓋萬里之脈。至洱海之北。而始低渡云。由嘴南仍依西山南下。二里下度一峽口。其峽自西山出。橫涉之而南。上坡間又二里。有坊當道。踰坡南行。始與洱海近。共五里。西山之坡。

東向而突海中。是為麗王廟。南崖之下有油魚洞。西山脰中有十里香奇樹。皆為此中奇勝。而南瞻沙坪。去坡一里而遙。急令僕攜先覓寓。具食。余併探此。而後中食。乃從大路東半里。下至海崖。其廟臨大海。有漢戶數家。居廟中。廟前一坑。下墜。架石度其上如橋。從石南墜坑下丈餘。其坑南北橫二丈。東西濶八尺。其下再嵌而下。則水貫峽底。小莫千萬頭。襟帶于內。漁人見余至。取飯一掌。撒則群叢而嘍之。蓋其下亦有細穴。潛通洱海。但無大魚。不過如指者耳。油魚洞在廟峽曲之間。水石交薄。